

禪宗全書


語錄部廿一

藍吉富 主編

文殊文化有限公司 印行



禪宗全書



禪宗全書（全書一〇〇冊）

語錄部（廿一）

主編：藍吉富

發行人：洪啓嵩

出版者：文殊文化有限公司

總經理：彌勒出版社

台北縣新店市自由街22號3F

(02) 9154056

印製者：國美照相製版社

定價：全套 八八〇〇元整

※版權所有，請勿翻印※

行政院新聞局版台業字第三六四三號
中華民國七十八年十二月初版

解題

編譯組

一、石雨禪師法幢：二十卷。明·石雨明方撰，遠門淨柱編。清順治六（一六四九）年刊行。爲湛然圓澄法嗣石雨的語錄。集錄師住天華、顯聖、普明等寺的語錄，以及普說、示衆、機緣、頌古、贊、法語、詩偈、序、記、銘、跋、疏、書問、佛事、祭文、雜著等。卷末附淨柱所撰之行狀。

二、瑞白禪師語錄：十八卷。明·瑞白明雪撰，寂蘊編。明永曆三（一六四九）年刊行。爲雲門圓澄法嗣瑞白的語錄。卷一、二收錄上堂，卷三收錄小參、夜參，卷四、五收茶話，卷六、七收問答機緣，卷八、九收頌古，卷十收法語，卷十一收歌、讚、銘、說、敍、疏、佛事，卷十二、十三收詩偈，卷十四、十五收書復，卷十六收書復、參請因緣、行腳、附來書，卷十七收塔銘、傳，卷十八收行狀、跋。

三、博山無異大師語錄集要：六卷。明·無異元來撰，永覺元賢編。崇禎十五（一六四二）年刊行。係元來的同門永覺元賢根據元來「廣錄」，採擷書中精要而編纂，以期易於流傳。前三卷收載博山、董巖、大仰、鼓山、天界諸利的上堂、小參語，後三卷收錄答問、拈古、頌古、贊、禪警語、書、文、序、疏、偈等。

四、無異元來禪師廣錄：三十五卷。明·無異元來撰，弘幹、弘裕共編。清·康熙十（一六七一）年刊行。爲無異元來語錄的集大成本。卷首載有趙士禎等人所撰的五篇序文，卷一至卷三十四收錄五會的上堂及小參、晚參法語、茶話、普說、問答、拈古、頌古、佛事、佛祖讚、自讚等，卷三十五收錄劉日杲所撰博山傳、吳應賓的塔銘，及弘瀚的募序。



一、石雨禪師法檀

二、瑞白禪師語錄

三、博山無異大師語錄集要

四、無異元來禪師廣錄



目次

解題	一
壹、石雨禪師法權	一
法像	三
自題	三
敘(二篇)	三
原書總目	四
卷一：住紹興府天華禪寺語錄	六
卷二：住紹興府雲門顯聖寺語錄	一四
住杭州府寶壽山光孝寺語錄	一六
住福州府西禪長慶寺語錄	一七
卷三：住福州府雪峰寺語錄	二一
住汀州府靈山禪寺語錄	二三
住建寧府普明寺語錄	二五

卷四：住建寧府考亭靈峰寺語錄……………	二八
再住紹興府天華寺語錄……………	三〇
再住杭州寶壽山光孝寺語錄……………	三三
卷五：住杭州龍門悟空禪寺語錄……………	四〇
住嘉興府東塔廣福禪寺語錄……………	四六
卷六：住杭州阜亭山佛日淨慧禪寺語上……………	四九
卷七：住杭州佛日淨慧禪寺語下……………	五九
卷八：紹興府象田語錄……………	六七
紹興府蘭苕山語錄……………	六八
普說……………	七一
示衆一……………	七三
卷九：示衆二……………	七五
卷十：問答機緣……………	八三
卷十一：頌古……………	九二
卷十二：贊……………	九八
卷十三：法語……………	一〇六
詩偈一……………	一一〇
卷十四：詩偈二……………	一二四

卷十五：詩偈三	一二三
卷十六：序	一三五
記	一三九
銘	一四〇
跋	一四一
卷十七：疏	一四二
書問一	一四七
卷十八：書問二	一五〇
卷十九：佛事	一五九
卷二十：祭文	一六七
雜著	一六九
行狀	一七二
貳、瑞白禪師語錄	一七七
序	一七九
原書目錄	一八一
法像	一八二
像贊	一八二
卷一：上堂	一八三

卷二：上堂	一九二
卷三：小參	二〇一
夜參	二〇八
卷四：茶話	二〇九
卷五：茶話	二一八
示衆	二二四
卷六：問答機緣	二二七
卷七：問答機緣	二三四
垂問	二三八
答幻輪法師十疑問	一三八
卷八：頌古	二四一
卷九：頌古	二五二
卷十：法語	二六二
法偈	二六五
卷十一：歌	二七一
讚	二七三
銘	二七六
說	二七七

敘	二七九
疏	二七九
佛事	二八〇
卷十二：詩偈	二八一
卷十三：詩偈	二八九
卷十四：書復	二九八
卷十五：書復	三〇五
卷十六：書復	三一三
參請因緣	三一六
行脚	三一七
附來書	三二〇
卷十七：塔銘	三二五
傳	三三〇
卷十八：行狀	三三四
跋	三四三
叁、博山無異大師語錄集要	三四五
序	三四七
原書目錄	三五〇

卷一：博山語錄	三五
卷二：董巖語錄	三七〇
卷三：大仰寶林寺語錄	三八五
鼓山語錄	三九〇
金陵天界寺語錄	三九二
答問	三九六
卷四：拈古	四〇二
頌古	四〇八
自贊	四一四
禪警語	四一四
卷五：書	四一九
文	四三一
序	四三三
疏	四三八
卷六：偈	四四〇
肆、無異元來禪師廣錄	四五五
序	四五七
原書總目	四六〇

卷一：住信州博山能仁禪寺語錄	四六二
卷二：住信州博山能仁禪寺語錄	四七二
卷三：住信州博山能仁禪寺語錄	四八二
卷四：住建州董巖禪寺語錄	四九二
卷五：住建州董巖禪寺語錄	五〇〇
卷六：住建州大仰寶林禪寺語錄	五〇八
住福州鼓山湧泉禪寺語錄	五一三
卷七：住金陵天界禪寺語錄	五一五
小參	五二一
晚參	五二四
卷八：茶話	五二四
普說	五二六
問答	五二八
卷九：拈古	五三四
卷十：拈古	五四三
卷十一：頌古	五五二
卷十二：佛事	五五九
佛祖讚	五六〇

自讚	五六四
卷十三—十五：參禪警語、開示偈	五六七
卷十六：開示偈	五六九
卷十七：開示偈	五七八
卷十八：開示偈	五八七
卷十九：開示偈	五九五
卷二十：開示偈	六〇四
卷二十一：宗教答響	六一三
卷二十二：宗教答響	六二三
卷二十三：宗教答響	六三一
卷二十四：宗教答響	六四三
卷二十五：宗教答響	六五一
卷二十六：宗說等錫	六五六
卷二十七：宗說等錫	六六八
卷二十八：書	六七九
卷二十九：書	六八七
卷三十：書	六九四
卷三十一：啓	七〇二

序	七〇七
卷三十二：序	七一〇
引	七一六
跋	七一六
記	七一七
文	七一七
卷三十三：文	七一九
疏	七二一
壽言	七二三
卷三十四：輓辭	七二八
詩	七二九
歌	七三五
卷三十五：博山和尚傳	七三六
塔銘	七四〇
序	七四五

石雨禪師法檀

明
•
遠石
門雨
淨明
柱方
編撰





石雨禪師法檀

旁通濠眼曲暢雲門
印此面目曾洞後孫
佛日影拂老人目
題

弟子戴天麟

石雨禪師法檀

石雨大師濠檀敘

自五燈分焰洞上一宗精詳綿密辨魔揀異真如審鏡高懸狐妖落膽救顛預大病之月藥也一概頭亂統禪望曜而退矣乃反從而譏之曰是義解也是教理也猶越人安於斷髮文身見章甫玉帛而譏其爲縣文縛節耳夫一枯一喝出自德山臨沚觀面提持自是迅雷掣電利劍慧刃奈濠末人瀉稍具一知半見者能做而行之矣久之而狂狐墜干之屬竟冒而行之矣惟洞上宗旨慧刃利劍卽是玉綫金鍼掣電迅雷具有正偏回互以儻伺承當之不尋以意裁湊

支那

石雨禪師法檀

泊之不尋苟非徹濠源底脫盡窠堀烏能達五位之妙用出二漏之網羅哉從上諸大老潛機密用至今日而猶有升其堂入其室者審鏡之光輝其佛濠之命脉乎中興洞宗而爲濠王之周宣漢光者江西則有昌昌兩制則有雲門焉石雨大師雲門之濠檀也知見超越機用敏捷對大行於閩浙之間真雲門克家之子憶癸亥歲雲門大開鑪講集菴爲萬指而蒙印可受儀囑者乃爲兩少季沙彌石雨三友二大師是也當昔一旬皆驚而逸皆服雲門擇濠之精益分豪不爽益信雲門深罕替洞不傳之秘而辨驗之下

自能棄汞取金，適璠璣而逞砥礪也。大師初披緇於武林，灋相卽有倣跡。一世之概，一盃飄然寸絲不蓄。遂爲新安杉名士所重，而納交焉。非所謂勸生三日氣已食牛者乎？大師門人集師語成錄，予讀而快心焉。直截與精密，益兩罕之矣。亟請梓之以救末灋，顛頂之病，而因并數言於贊予之師。更大師猶先大參之師，更雲門也不復以不文爲辭矣。山陰祁彪佳拜譏。

支那
撰述

石雨禪師法槩

二

石雨禪師灋檀敘

雲門宿古廟中，拾罽洞山。審鏡圓明清淨，鑒照十方。佛來魔來，面目全露。末後以允明藏，囑以石雨禪師。余舟過鏡湖，審允露現鏡中，相見睂目宛然。乃知雲門猶狂也。鏡裏機緣無容久，溫特爲拈出，以示諸方。海甯道人黃端伯題。

石雨禪師灋檀總目

原敘 祁彪佳 黃端伯

卷第一

任紹興府天華禪寺語錄

卷第二

任紹興府雲門顯聖禪寺語錄

任杭州府寶壽山光孝禪寺語錄

任福州府怡山西禪禪寺語錄

卷第三

任福州府雪峰禪寺語錄

支那
撰述

石雨禪師法槩

三

任汀州府靈山禪寺語錄

任建寧府普明禪寺語錄

卷第四

任建寧府考亭靈峰禪寺語錄

再任紹興府天華禪寺語錄

再任杭州府寶壽山光孝禪寺語錄

卷第五

任杭州府龍門山悟空禪寺語錄

任嘉興府東塔廣福禪寺語錄

卷第六

任杭州府阜亭山佛日禪寺語錄上

卷第七

任杭州府阜亭山佛日禪寺語錄下

卷第八

紹興府象田禪寺語錄

紹興府蘭芳山禪寺語錄

普說

示衆一

卷第九

示衆二

支那
撰述

石雨禪師法檀

四

卷第十

機緣

卷第十一

頌古

卷第十二

贊

卷第十三

法語

詩偈一

卷第十四

詩偈二

卷第十五

詩偈三

卷第十六

序

記

銘

跋

卷第十七

疏

支那
撰述

石雨禪師法檀

五

書問一

卷第十八

書問二

卷第十九

佛事

卷第二十

祭文

雜著

行狀

塔銘
副刻

目錄

石雨禪師法檀卷第一

嗣源小師洋任編

住紹興府天華禪寺語錄

崇禎五年十二月十二日入寺

三門者裏是甚麼所在旁僧曰是三門師曰已後向人切忌道着

大殿於一毫端現寶王刹用許多氣力作麼坐微塵裏轉大法輪占許多世界作麼總不如山僧將錯就錯去也遂展具

伽藍山僧一向喫飯穿衣屙屎放尿不着個所在今

支那

石雨禪師法檀卷第一

一

日借重了也

祖師一向你拖累我今日我拖累你拈起香曰會麼不會看取下梢頭

方丈若道此是毘耶離又不是個維摩詰若道此是摩竭提又不是個黃面賊且道畢竟是個甚麼良久曰莫教疑殺天涯客

卽日上堂拈疏曰自從若耶溪上得者個消息從來不曾舉示於人今日仰勞維那對衆宣出宣疏竟指法座曰此不是寶華嚴飾又非嫩草鋪舒咦且看方上座坐斷天下老和尚舌頭去也遂陞座拈香曰此

支那

石雨禪師法檀卷第一

二

一瓣香些乾付囑震旦流芳君臣得之而有義父子得之而有親夫婦得之而有別長幼得之而有序朋友得之而有信且道衲僧得之又堪作個甚麼良久曰今日熱向爐中端爲祝延 今上皇帝聖壽萬安皇后齊年太子千秋文武官僚咸增祿位更願本府各廳兩縣諸衙泊及本寺護法檀那不負靈山之付囑永爲我道之金湯此一瓣香下種於南高峰錫杖泉邊生芽於南嶽山毘佛洞裏發榮於天目圓通巷口開花結果於雲門石傘峰頭果熟香舒於黃安小天台鷄兒山下狼藉一個兩個於南天台香柏峰前

飄落三二個四個於寶象山田及蘭茅山畔今日天華堂上和盤拈出供養顯聖堂中傳曹洞正宗第三十二代湛然大和尚用酬法乳之恩伏願處處園栽無影樹家家花發不萌枝遂歛衣就座白槌畢師曰若論此事如優曇華時一現耳衆中還有不惜身命向懸崖絕頂攀折得者麼良久曰如無山僧且牽枝引蔓去也山僧也不知佛也不知法只曉得遊山翫水瞞月眠雲與猿猴爲伍麋鹿爲羣誓不出山活埋爲計所以自志偈有翻轉杜園還杜田那管十年廿年三十年之句今日爲甚麼又作者個殼當噫要且不

爲別事昔日大慧禪師於行脚時因見宗風寥落混
濫者多所以誓不作者般蟲豸已後出世有人問云
和尚向道誓不作者般蟲豸今又爭得如是慧云盡
大地是個果上座又作麼生雖則事無一向未免相
累解嘲今日山僧倘有人問及又當作個甚麼解嘲
方法以拂指前曰你看天華落也大衆回顧師便下
座

結制上堂拈疏曰釋迦拈的迦葉笑的達磨坐的神
光立的一切護法國王宰官護不盡的悉在裏許有
煩維那對衆宣出看宣畢指法座曰舉足下足動念

支那
撰述

石雨禪師法壇第一

三

卽乖瞬目揚眉擬心卽錯且道畢竟如何咦不見道
若有路可上更高人也行遂登座曰維畢師曰者個
第一義達磨西來已被梁武帝當頭一問直得口如
扁擔眼似流星滿口舌頭道個廓然無聖不知已落
二落三了也爭奈武帝有殺人見血的手段又撥一
問云對朕者誰達磨答個不識不識雖好也只救得
一半及乎淒淒渡江九年面壁要救那一半不得後
得神光立雪斷臂不惜身命也要扶持那一半乃至
六代五家沿流至今也要扶持那一半殊不知那一
半人人本具個個不無爲甚麼不知不道你不知只

是你不會卽今天華會上若聖若凡若男若女若貴
若賤若長若幼遂舉拂曰還知麼旣知爲甚麼問着
那一半便怵然不會莫道你不會卽二世諸佛也料
理不下故古德也只好旁通一線道欲識佛性義當
觀時節因緣時節若至其理自彰大衆且道如何是
自彰的理衆中有個儻者出來商量看僧問如何是
不識的意旨師曰恐汝不能皆隨我道進曰不識意
旨蒙師指滿口道廓然無聖意如何師曰九月莫道
春風多進曰恁麼則人天皆仰四衆咸尊去也師曰
鈍漢問十方雲聚克志無爲無爲的句乞師垂示師

支那
撰述

石雨禪師法壇第一

四

曰霜葉紅於二月花進曰人人鼻孔捺天個個腳跟
點地師曰知恩方解報恩進曰恁麼則萬方歸化日
九土仰清光師曰且到堂中穩坐去進曰眉毛燦破
四天下去也師曰閒言語

上堂噫莫妄想山僧者裏無恁麼饑茶臭飯穢汚大
衆只解春耕夏耨秋收冬藏積幾擔米堆幾擔柴集
幾個沒伎倆禪和整備着銅琵琶鐵拍板相聚喫葷
葷放個太平曲只是莫唱無生歌者無生歌黃而老
子語言如山堆海積四十九年不曾唱着一字卽歷
代祖師說個師師相授也祇是遞相熱瞞直得先師

於慈舟師公處竊得個拂子不值二三十文以爲奇貨出入隨身逢場作戲拖泥帶水造妖捏怪惹得四衆攢頭又道三根普利將者拂子用得柄斷毛枯付與山僧日向後人天衆前舉揚個事去山僧彼時幾乎被他連累幸得眼清手快接來拋向糞掃堆頭十有餘載今日見他伎倆俱消光怪俱絕特地拈來忽得一夢夢見一個無面目的童子唱個歌兒着實有些奇怪歌曰日出堂堂照見皇皇皇皇騎馬上倉塘山僧聞得直得通身毛豎夾背汗流只得掩耳而歸幸不聞他末後一句若聞得如何有今日事衆中還

支那

石雨禪師法樓卷一

五

有忍俊不禁者出來試道看僧問凡聖不通人天莫測深深密密的句請師道看師曰巧言不如直道進曰大小天華被某一問直得指東話西去也師曰閣黎伎倆只如此耶進曰任從扯來蓋覆祇得一半師曰者一半還讓閣黎得麼僧一喝師曰野狐精小叅金粟打黃檗罵纔到雲門便放下若還以此作禪宗後代兒孫成話靶此博山大師偈也流布諸方盡作是非話會天華今日拈來雖不能起博山一笑也要諸方簡別他道金粟打大似自無手怪人打黃檗罵大似自無口怪人罵纔到雲門便放下大似自

無落處却怪人說放下若還以此作禪宗大似靈龜曳尾後代兒孫成話靶却被他道着且道道着個甚麼放下着大衆此是先師潑不了的惡水今日事不獲已不免又污大衆期已過半了米已喫完了柴已燒盡了行人筋骨已磨穿了山僧在方丈裏引領而望已不得個還飯錢柴錢酬勞行人的來直望到如今杳無消息所以今日只得教你放下良久又曰放下又良久曰更放下諸兄弟還放得下麼昔日大死翁參寶峰入室峰云直須斷起滅念向空劫已前掃除玄路不涉正偏盡却今時全身放下放盡還放方

支那

石雨禪師法樓卷一

六

有自繇分翁卽頓領厥旨峰乃擊鼓告衆曰深得闢提大死之道後學宜依之諸兄弟還似你纔做到無撈摸處便怕落空亡去麼還似你纔得一知半解便胡做去麼還放得下麼放不下且置畢竟如何是闢提大死之道衆無語久之師大怒罵不止一僧纔出師以杖打罵歸方丈求嗣上堂第一義第一義打破虛空補不及第二義第三義以楔出楔終不濟第四義第五義如何說個西來意乃屈指曰第六第七第八第九乃至千義萬義無量無邊不思議義總不如個觀音菩薩買餅餅

放下却是個饅頭良久曰饅頭且置畢竟如何是觀音若識得便曉得在處曉得在處便曉得他去處來處曉得去來在處便曉得他不去不來不在處便曉得他三十二應十四無畏四不思議便好求男得男求女得女舉拂曰莫者便是麼若不是畢竟向甚麼處求大衆今日齋王求嗣請山僧陞座於中儒宗賢聖聞得山僧如此舉揚大有相違既是三教一家孔子道富而可求雖執鞭之士吾亦爲之如不可求從吾所好何故釋門只是教人求殊不知孔子語句四方受敵八面璫瓏只因自古聖賢將孔子鼻頭一把

支那
撰述

石雨禪師法權第一

七

捏住吐氣不得直得釋迦老子爲通一線尚未相信今日山僧與他大通一下我也說道富而可求雖執鞭之士吾亦爲之如不可求從吾所好你道今日齋王所好好個甚麼他好生男好生福德智慧之男他好生女好生端正有相之女大衆此是孔子自家說的與山僧無干

觀音誕日小參你道觀音今日生我道觀音今日死你道觀音今日不曾死我道觀音今日不曾生不是拘直爲曲實乃順理成章今日山僧落堂幸而不隨大衆脚跟若隨還教我慶卽是弔卽是良久曰昨日

有人來顯聖明朝更有下天台

上堂參頭白椎曰法筵龍象衆當觀第一義師亦高唱曰法筵龍象衆當觀第一義乃召大衆曰怎麼還是山僧辜負參頭參頭辜負山僧若山僧孤負參頭却是銀梳盛雪若參頭辜負山僧却是明月藏鷺若山僧卽是參頭參頭卽是山僧却又類之不齊若道有甚麼山僧有甚麼參頭却又混則知處諸兄弟須知人人有如是奇特有如是神通有如是遊戲有如是三昧爲甚麼自己埋沒了向人家脚根下求佛求法祇因你向人求所以自己許多妙用都在山僧光

支那
撰述

石雨禪師法權第一

八

明裏許汝能一念回光去山僧却在汝光明裏許二六時中一舉一動有甚麼過所以道拈來無不是用去莫生疑豈不見法華經云治世語言資生業等皆順正法不要聽得怎麼說便將殺盜淫妄貪瞋癡慢一味鹵莽承當將去必須試看境界現前不似落湯螃蟹一般麼一言半句自然合宗合教麼所以山僧尋常見此等人有個驗處只如上人丘乙巳化三千七十七士你道合那一家宗合那一句教若合不得切須仔細若不仔細祇是個鹵莽無慚愧漢舉夾山道老僧二十年住此山未曾舉着宗門中事有僧問

承和尚有言二十年住此山未曾舉着宗門中事是
否山曰是僧便掀倒法座山休去至明日普請掘一
坑教昨日問話僧來老僧二十年說無義語今日請
上座打殺老僧埋向坑裏若不打殺老僧上座自着
打殺埋在坑中始得其僧束裝潛去師曰你看此等
便是箇莽承當漢若是真個有氣息的待他要你須
自着打殺便如前掀倒法座豈不俊哉雖然夾山有
法座許你掀假饒無法座又掀個甚麼師忽作掀勢
曰哼嚨大眾此在夾山處即可若是天華者裏須別
着個語話始得眾下語都不契師曰山僧與你代轉

文那
撰述

石雨禪師法檀卷第一

九

去也待他問道無法座又作麼生師又作掀勢曰哼
嚨

寶泉寺請上堂男子身中入正定女子身中從定起
女子身中入正定男子身中從定起人人認作南山
雲依稀變作北山雨分明月色在梅花看到梅花遲
了矣又何須挂飛帆携短棹驚風破浪憐同調阿呵
呵笑欲倒出門步步皆青草出門青草且置直饒不
出門亦是草眾中有入理深談者出來道看僧問鶴
出銀籠卽不問寒雀啄冰珠曾得飽也無師曰你道
今日唱的是天華曲寶泉曲進曰入口無踪因甚不

知凍餒師曰曾到寶泉也未進曰分明踏在天華上
看到天華早已遲師曰爭怪得進曰恁麼則故園侵
臘色林外換春聲去也師曰有甚麼交涉乃舉拂子
曰大眾還見麼盡大地人無明煩惱貪嗔癡等命根
如斬一握絲一斬一切斷還信得及麼若信得及從
此歸家士農工商挑花紡織堯之天舜之日同唱太
平歌共樂無爲化若信不及便於拂子頭上分彼分
此分親分疎此是着了拂子的漢若更離了却是徐
六擔板各見一邊且道畢竟如何擲拂子曰增錢不
如再看

文那
撰述

石雨禪師法檀卷第一

十

佛誕小參召大眾曰各各于此日降王宮出母胎四
天王捧足九龍吐水沐浴已竟還信麼若不信各與
三十拄杖若信也與三十拄杖且道既信爲甚麼也
與三十拄杖良久曰無風荷葉動必定有魚行

上堂良久曰還見麼釋迦老子初降生時應持菩薩
親手捧持諦審諦觀不見如來頂相你看他用了許
多殷勤不消山僧一覷又有不唧溜的無邊身菩薩
要見佛頂將根竹杖子量了丈六又丈六直量到梵
天畢竟不見乃擲下竹杖說偈讚曰虛空無有邊佛
功德亦然若有能量者窮劫不可盡你看他用了許

多氣力不消山僧一拓大衆若依天華則辜負二位菩薩若依二位菩薩則辜負天華到者裏須吐得口氣方有自繇分若不得自繇便於佛頂頭上推度道佛是有神通的所以人不能見殊不知不獨佛頂即山河大地明暗色空草芥人畜等你還見麼若見即今面前香爐你還作青見黃見赤見白見長見短見方見圓見若作方圓等見即是個方圓等相要且未見香爐在若畢竟不能見爲甚麼有香爐佛頂及山河大地一切等名到者裏更須轉身始得若轉不得祇是個百尺竿頭坐的人亦名金剛圈栗棘蓬金剛

支那

石雨禪師遺集第一

十一

圈須要透過始得栗棘蓬須要赤身坐卧始得還透得麼還坐卧得麼僧問如何是實中賓師曰路逢劍客須呈劍進曰如何是主中賓師曰端坐焚香拜鬼神進曰如何是實中主師曰梅須遜雪三分白進曰如何是主中主師曰不是詩人不獻詩進曰賓王已蒙師指示向上玄關事若何師曰你還見大衆麼僧禮拜師曰一場懺懺彌陀誕日上堂師召大衆曰即此便是西方還信得及麼若信不及要過十萬億佛土若信得及也要過十萬億佛土有世界名曰極樂其土有佛號阿彌陀

今現在說法大衆還聞麼若聞汝等尚以緣心聽法此法亦緣非得法性若不聞尚以不緣心聽法此法不緣亦非得法性總不如不離禪者年年此日燒幾對燭點幾炷香爲阿彌陀佛慶賀母難之辰欲得自利利他特請山僧陞座爲他闡揚他欲年年與佛同生生生與佛同住更欲人人知有個西方個個西方有個極樂國土個個極樂國土有個彌陀個個彌陀有個佛母個個佛母於此生阿彌陀佛個個彌陀於今現在說法大衆還聞麼良久曰彌陀說法且置山僧恁麼告報大衆還聞麼又良久曰莫因竹密妨

支那

石雨禪師遺集第一

十二

流水盡謂山高礙白雲過顯聖掃塔上堂召大衆曰石傘峰倒卓了也還見麼若見切忌揚眉瞬目若耶水逆流了也還聞麼若聞切忌伸頭側耳直饒不見不聞却是知恩者多報恩者少山僧於天啓癸亥年間從此打失先師鼻孔流落天涯奔南走北直至天華天華不現及至顯聖聖又未顯不如少頃向無縫塔前撮土焚香求過懺悔去也便下座端午小參衆兄弟汝等人人脚根下有一無名腫毒生則癰腫死則潰爛只因無量劫來被諸佛祖說真

方賣假藥所以至今不能平復今日是五月五日午時正當蟲毒潛藏百艸芬馥之際於中有依時及節者折取一莖目療取去好

結制上堂古道今開切忌填泥塞土新逢舊識何須眼去眉來躡足進前未免顛頂佛性簇鞭退步猶是籠侗真如直饒不進不退亦不出孟冬初冷衆中有不待東風花信發先來通個小陽春僧問進不得退不得中不得請問和尚如何下脚師曰正好下脚進曰怎麼則一聲吼破澄潭月萬古從教徹底清師曰又成進退去也僧一喝師曰放過則不可乃曰古人

支那

石雨禪師語錄卷第一

十三

問答大似玉線金鍼一來一往總不徒然今時不出常流只解粘皮搭骨所以向他道山自高水自深個個攢頭湊額盡爲知有若向他道魚大于海鳥大于山未免半疑半信何況要他山上撈魚海中覓鳥則個個退身千里所以天華今日開個舖子只有山田脫粟米野菜淡黃菴芙蓉楷道喫則從君喫不喫任東西天華則不然喫卽休云飽不喫莫嫌饑

冬至上堂羣陰剝盡之後一陽未發之前普慧問若雲興普賢答如瓶瀉雖不露揚家醜也是好肉挖瘡惹得斷拂子惡發輕輕一擗打得雨散雲消那個不

知那個不見爲甚麼又要陞座莫更有別事商量麼僧問羣陰剝盡一陽生大地乾坤笑滿襟未審何人受用師曰退步莫落後進曰還有不落時節的麼師曰進步莫向前僧一喝師曰者一喝却有落處僧擬進語師便打乃曰今日雖則一陽初動幸而萬象未新若肯直下承當山僧不妨與他飲玄酒把臂論文調太音逢場作戲若更要論佛性義又如何時節因緣又如何如何得時節自至如何得其理自彰總不如門外青山青又青屋邊流水深又深客到莫炊無米飯月林連夜裏餓餓飽四顧大眾喝一喝下座

支那

石雨禪師語錄卷第一

十四

付首座卽念法上堂雲興霧起皆顯別傳之旨龍吟虎嘯齊承密受之宗別傳何傳盡謂釋迦不說說密受何受俱云迦葉不聞聞賴有超師作略提取木毬安舊處求人爲法剎竿倒却出常流蓋爲人心不古學處不玄宗師家舉揚者多大都以字不成學人輩承當不少依稀八字不就所以道入我門來一機一境不用當場拈出拖泥帶水直須異類中來近有說正說偏徃徃爲鳥焉不辯論玄論要明明魚魯難分縱有師資道合賓主叶通只解袖裏裏聞傳春色誰能向樹洞處獨露金風今日天華登座不敢說扶揚宗

祖祇因他曹洞中衰偶爾借雪峰毬子輕輕拋出孰能假慶喜利竿緩緩扶將衆中若肯欣然終不棄藏被蓋還肯麼首座出曰如是我聞師默然座便禮拜曰明言猶未的密囑豈應真師索筆曰衆兄弟莫因他在香雪庵輔具足兄如師麼在東山寺事爾密兄如長麼爲什麼到天華却不肯住且看山僧下個註脚遂疾書付法偈書竟乃舉問大衆曰還會麼不見道任卽印破雖然三十年後錯舉者少舉錯者多解制說戒上堂舉如意曰盡大地人都來總是者個只因你要修行出家參禪受戒復以如意打此○相

支那

石雨禪師法檀卷第一

十五

曰所以被者個碍却及至入禪堂受具戒說迷說悟說犯說持又以如意打此○相曰所以又被者個碍却及乎今日解制圓戒了又舉如意曰依舊原是者個有什麼碍與不得所以道原來只是舊時人不是舊時行履處乃舉法眼問永明潛云隔壁聞釵釧聲律中便名破戒今日朱紫駢闐又作麼生潛云好個入處師曰今時錯會者多盡道觸目皆是所以擎拳豎指胡言亂喝認作六根妙用於事無心無非入處苦哉若作是解不唯不得名爲解制亦不得名爲圓戒且道畢竟如何理會良久曰久晴無驟雨

上堂滴水不滴東臈月春風動緣心聽法人切忌作春夢大衆世尊道汝等尚以緣心聽法此法亦緣非得法性衆中還有不以緣心聽法而得法性者麼一勤宿出衆打一圓相問曰和尚者個是緣心不是緣心師默然宿禮拜起師曰者個是緣心不是緣心進曰先師靈骨何在師曰老兄也須具眼進曰人天交接兩得相見師曰隔靴抓癢乃舉龐居士參石頭便問不與萬法爲侶話師曰你看者兩個老漢一個誘人犯法一個停囚長智天華則不然待他問不與萬法爲侶者是甚麼人卽向他道六祖道的大衆你若

支那

石雨禪師法檀卷第一

十六

要了生脫死須向石頭掩口處會取你若不續佛慧命須向一口吸盡西江處會取雖然若不會天華六祖道的猶是依門傍戶漢退院小參庭際蕉軒後竹三年愛惜如珍蓄大雪打不枯大風吹不曲一旦辭之過別峰細雨蕭蕭初夜中不學白雲端去瞥只因無個圓通訥所以遲遲一盞茶橫頭共語笑相別大衆相別且置如何是別後一句良久曰不見道難得不相見

石雨禪師法檀卷第一

終

嘉興府平湖縣東
阜釋行旦施贊刻

石雨禪師法幢卷第二

嗣瀟小師淨柱編

住紹興府雲門顯聖寺語錄

崇禎七年甲戌臘月十二日入寺

三門從門入者不是家珍爲什麼倚肩踏躡大眾且道喚甚麼作門良久曰莫待當來問彌勒

大殿洞山麻三觔各不須虛雲門乾屎橛跡不須實且隨我將錯就錯切忌道如何是佛

伽藍率一寺之權衡須要密不通風作衆生之保障仗你略通一線

去那

石雨禪師法幢卷第二

二

祖師放去西天爲惜法堂深草拈來東土猶憐遍界葛藤明年更有新條在腦亂春風卒未休

方丈背先和尚像曰大眾祖父從來不出門爲甚麼

□□□爺向裏頭因惜隆冬春意動漏洩寒梅香幾枝

拈疏山僧一向鼻孔揸天因到天華被者個礙却今到顯聖又被者個礙却且道者個是甚麼試宣看維那宣疏竟師曰還有向上事也無良久曰且向下會取遂陞座拈香祝聖竟師曰隨緣赴感靡不周何故寂然不動而常處此菩提座却又道感而遂通切忌

去那

石雨禪師法幢卷第二

二

道依稀相似誰敢云彷彿不同不特儒扶釋教亦乃釋合儒宗喜得山僧開却衆檀越又要向盤樓上重施棟樑木花上刻畫青紅有時向顯聖堂前何屎撒尿於淨白地上有時向天華寺裏說妙談玄於鬧市場中更有閑工夫於若耶溪汲水洗石傘峰若欲撐天柱地須仗衆兄弟各顯神通有麼問答竟師曰如此問答還當得神通妙用麼明日天晴再主張剃度上堂天華寺以九龍水沐浴已竟顯聖堂將金剛刀剃度爲僧倘得不待雪山六年苦行而覩星成道則不惟觀彼久遠猶若今日則心佛衆生三無差

別情與無情共一體真大眾此個語話才入門來阿那不知且問既共一真何故一人食時難令衆飽問答俱不契師曰恁麼則無量劫來頭髮把盡在山僧掌握中遂下座

法相寺上堂古定光今法相驀地相逢難度量短十尺長一丈橫看成嶺側成峰幾希惱殺丹青匠無底鉢盂一個斷鼻草鞋一納海角天涯走一回兩耳依然在上錫杖卓開不是他忽作江湖大波浪誰能知有莫能知重將舊案新提唱作麼唱鳴吞螺螄兩眼脹

上堂舉拂曰未入雲門人人盡有者個及至到來爲甚麼却在山僧手中莫爲兩眼所瞞麼且道者個喚作什麼衆無語師曰盡道水霜苦誰知節後寒

付石浪首座法上堂天華寺華落也果熟也雲門寺門開也未若開已重重樓閣種種莊嚴更須知開已復閉的道理便見彌勒善財同在山僧鼻孔裏許得大安樂得大自在得大受用得大解脫得大無礙師忽打噴涕曰正恁麼時且道在甚麼處蹲踞山僧今日初度陞座爲浪首座向在天華會中識得曹家女話便擬唱還鄉曲調入嶺受徒住寺因山僧書去脚

大邪

石雨禪師法權卷第一

三

根未穩領衆來雲門且喜稍通浙語故在人天衆前有個斷拂子與他只可趕蒼蠅子若是傳法利生更聽取一偈遂展卷曰分明識得曹家女便把闊言通浙語石拿峰高浪濤天誰信耶溪淨如洗一枝斷拂春風生說道無頭亦無尾相續情知也大難持書莫到他家裏大衆既是持書爲甚麼莫到他家裏首座出提坐具曰者一枝花誰人拈得起師曰諒閣黎也不得進曰暗去明來又若何師曰昨日雷聲浩大進日也是雨過雲門師曰雪電分身又作麼生時雪電大作座以坐具搭肩上曰且喜今日唱個耍孩兒去也師

遂拈印打卷上曰耍孩兒且置還識得者個麼切忌道寶印當空妙重重錦縫開

司理元公黃居士請上堂士禮拜曰請大師舉揚雲門未了公案師曰竹拖鳳尾慵迎客士曰今日親見作家師曰松作龍吟懶送人乃曰說法不待人待人乃可說及至有人來依舊無言說無言說佛殿山門強饒舌大衆今日元公居士特特入山要山僧舉揚未了公案祇如大慧禪師道二僧入門一僧已悟一僧未悟不待他開口便揀辦得出方可爲人且問大衆還辦得元公居士已悟未悟的端的麼鐵山推倒

大邪

石雨禪師法權卷第一

四

誰能信此是居士深入雲門孰可憑士遂問還扶得鐵山起麼師曰山門頭與居士道了也進曰明頭來時如何師曰耶溪不許扁舟宿進曰暗頭來時如何師曰此去錢塘尚隔程進曰不明不暗來時如何師曰杭州理公事時向居士道小參舉中丞盧航居士與圓通旻禪師擁爐次士問諸家因緣不勞拈出直截一句請師指示通屬聲指曰看火士急撥衣忽大悟謝曰灼然佛法無多子通喝曰放下着士應諾師曰圓通只知自己殺活施爲不顧他墮坑落堦山僧則不然待他道諸家因緣

不勞拈出直截一句請師指示向他道隨緣宿一宵
他若悟了道灼然佛法無多子向他道明朝相送一
盃茶

任杭州府寶壽山光孝寺語錄

崇禎九年丙子春入寺

唐祈遠孝廉請上堂拈香曰此一瓣香願鉏底下掀
起堯風蕩蕩鉏斧頭邊披開舜日巍巍熱向爐中端
爲祝延

聖壽萬安此一瓣香荆棘所不能埋瓦礫所不能沒
用報唐將山宋石田薰禪師建立之德以及宰護之

支那

石雨禪師法幢卷第二

五

誠此一瓣香既已貴買於江南終不賤賣於江北端
爲供養顯聖堂上傳洞上正宗三十二代散木大和
尚用酬法乳之恩上首白椎師舉拂子曰此是第二
義又舉曰此是第三義百義千義萬義咄有甚麼交
涉若是個漢子拈起斧子從教斧子謳歌放下鉏頭
直得鉏頭作舞那管江南江北瓦礫荆棘如或未然
也要披荊剝蘄讀殘碑續斷碣免使碌磚瓦子七片
八片泥金剛努目木羅漢橫眉僧問重揚古路拈提
今事門頭今事門頭且置重揚古路一句請師指示
師曰鉏頭柄短斧頭長進曰今事門頭又作麼生師

曰栽完芋子又栽瓜進曰恁麼則曹源一滴浪滔天
沒却三千及大千師曰開田去土問如何是參禪得
力處師曰拂子頭邊無限春進曰如何是參禪險難
處師曰溪山溪水莫留停進曰如何是參禪受用處
師曰明日到甌窰進曰逼塞虛空時如何師曰香煙
堆裏看進曰學人正當進前無路退後無門時和尚
如何相救師舉拂子曰者個是甚麼士擬議師曰又
道進前無路退後無門師舉麗居士茶石頭馬祖因
緣乃曰諸方盡謂石頭處得各馬祖處得地石頭處
得體馬祖處得用若作如此批判入地獄如箭且問

支那

石雨禪師法幢卷第二

六

不作如此批判又作麼生會得不妨重顯寶壽家風
若不會則定打甌窰上徑山
甘露寺請上堂蕭蕭一夜雨爲人何太切其奈負心
何杜鵑啼不歇春去了春去了明明大棒當頭解
體痛癢有誰知淋淋甘露啼成血忽然識得王人心
石女揚歌笑不徹師回顧大眾曰且道如何是王人
心有識得者不妨出來通個消息看良久曰門前有
古路一直透長安
上樑小參拈拄杖召大眾曰還見麼者個人人有分
爲什麼却在山僧手中不見道千年田八百主又拈

曰且道者個是什麼獨有青山人不取古殿無香煙
一壁多風雨泥諸天撒手跌脚木羅漢自言自語惹
得王山神忿忿不替撐的撐拄的拄盡謂華故問新
我道是將敗壞補敗壞而已舉賢於長者插標建刹
因緣師曰大眾者一標子上三世諸佛泥諸天木羅
漢向何處踴躍眾無語師驀卓拄杖曰不信天開黃
道日都言平地湧樓臺

爲嗣南容公茶毘小參孤孤迥迥峻峻嶢嶢青松爲
友翠竹爲朋一生滴水滴凍今朝雨似盆傾大眾此
是龍門舊住客公本有家風也爭奈現前一切眷屬

支那
撰述

石雨禪師法幢卷第二

七

拈提不出若拈提得出方見客公未後殷勤不惜脊
毛徹底爲汝不惑未作龍門客空教點額回卓拄杖
下座

除夕小參入除二成二十九除一成一十除到今宵
無可除休從杓柄聽凶吉不見道愚人除境不除心
喚什麼作心智者除心不除境喚什麼作境不知心
境本如如成犬黃昏趁野豬觸目明明無障礙明朝
更有新條在晦堂老人無大人相說心說境說智說
愚說如如說無礙寶壽今夜一一歸除祇解依時及
節敲破鑼打破鼓若是本色住山人畢竟了無刀斧

痕要識刀斧痕麼說佛說法是刀斧痕說心說性是
刀斧痕說迷說悟是刀斧痕說賢說愚是刀斧痕且
聽爆竹聲中一歲除時如何珍重珍重

住福州府西禪長慶寺語錄

崇禎十一年戊寅十一月念二日入寺

三門古人道入門須辨王即今入門也還辨得王麼
良久曰只見潮生潮自暮誰知山色古猶今

佛殿丹霞燒的雪門打的山僧即今禮的還有差別
也無不是我來時候早只因庭外荔枝無

伽藍邪可驅正可輔忽遇沒面目漢你又作麼生噫

支那
撰述

石雨禪師法幢卷第二

八

大似當年忘付囑而今勞我更噓嗟

祖師祖祖不了殃及兒孫兒孫不了殃及祖祖且道
爲甚如此不是不分先與後大都冤愛要分明

方丈坐斷十方山僧自肯密移一步分付諸人還會
麼補出蒲團秋月現列開五位照人難

山門疏酬佛恩報佛怨世出世間都在裏許維那宣

竟師曰是則是更有不落言詮坐致太平一句作麼

生會良久曰恁麼則山僧拖累去也遂陞座拈香祝

聖竟乃曰兩浙僧八閩客爲君一一皆狼籍會得者

退席五千不會者萬無一失失不失閃電光中尋古

跡且道是什麼跡長慶破蒲團怡山發願文懶菴裂
縫被者一隊老古錐個個鼻孔遶天今日總被山僧
拂子頭穿却了也還有救得者麼衆無語師曰今日
光祿王京臺居士特地入山設供請山僧陞座未免
便借教敷揚教中道應以宰官身得度者卽現宰官
身而爲說法說法且置宰官身作麼生現顧左右曰
鄉風處處別日月一般明

上堂第一義無可說無可說非第一義盡道狹路相
逢個是法門兄弟今日陳居士自皈依先師以來深
念闔中祖庭寥落特特入山要山僧舉揚第一義怎

文那
撰述

石雨禪師法權卷第一

九

奈黃河水向源頭濁了也釋迦掩室於摩竭淨名杜
口於毘耶坑陷衆生個個不得轉身不得吐氣致使
達摩西來對武帝道个廓然無聖大似披心挖膽轉
見利害所以歷代祖師事不得已將第一義喚作長
慶蒲團雲門胡餅今日又突出洞山寶鏡無非要人
枯木上生些子花寒灰裏發些子焰使汝一切動轉
施爲圓陀陀活潑潑盡大地都做個大解脫場世出
世間永不被人瞞豈不快哉山僧每見人信不及不
惜口業更向人道者第一義卽是吾人的本命元辰
亦喚作主人翁亦喚作未生前面目亦名菩提亦名

涅槃亦名真如亦名佛性可謂盡情註破今日何須
重宣殊不知錢塘江解纜時爲大衆道了也策杖仙
霞嶺爲大衆道了也遊南浦咏綠波爲大衆道了也
過潭陽歷劔津爲大衆道了也旣而泊洪塘登岸應
供入山作佛事乃至王光祿請上堂總爲大衆道了
也何得今日更要在山僧口中取氣不知此事全靠
山僧不得請各各自道取看首座石浪問曰旣是沿
途賣弄因甚麼弟全歸兄師曰人天首座也須珍重
進曰嚼盡楊枝誰人知味師曰問取堂中長老進曰
大衆難瞞師曰大衆在甚麼處座曰一片青山無痕

文那
撰述

石雨禪師法權卷第一

十

不淨有儒者持書呈曰弟子有幾則問頭請和尚批
判師立舉書曰大衆看看批判了也便下座
陳玉尺居士請上堂召大衆曰還識玉尺居士不是
好心麼居士以儒業潛修佛道入我雲門法眷今日
便將玉尺要量我斷拂子多少長短多少闊狹噫直
饒你豎量量得豎窮三際橫量量得橫亘十方也量
他不着殊不知者斷拂子向在雲門顯聖堂中因打
蠅子忽然斷却至今不能相續有時在糞掃堆邊放
光動地有時在十字街頭帶水拖泥有時在高高山
頂有時在深深海底且問你向何處尋覓他乃豎拂

子曰莫者便是麼若是則天無二日不是則家無二主居士不如將玉尺自量一量好若要自量直須向未生更未生已前下手量得定定當當方方圓圓然後向已生後及未來更未來俱量定當已自堪安邦定國維持世難那時斷拂子不妨出來與你同報國恩同報佛恩兩個着毛搥結玉尺與斷拂子打作一團如何分別遂以手作鳩鵲勢曰谷呱呱且道爲甚如此只因昨夜梅花放惹得行人報曉春

支那
撰述

支那
撰述

士

添壽於山納福於海增祿位於無極若是遊山須見頂翫水要知源底便要問如何是無語的卓在杖曰者是語如何是無語的若道離此是即同魔說若即此是亦非聖解不即不離又作麼生話會會得不妨山頭白浪海底紅塵如或不會大家齊念薩婆訶從天寧過南禪寺上堂過去天寧寺不可得汝作麼生觀未來西禪寺不可得汝作麼生觀現在南禪寺不可得汝作麼生觀莫是象骨分枝致使威光赫奕麼是則是奈被浪首座昔月拈一莖草插破面門帶累一切人拖泥帶水及至雪門顯聖堂上和盤踢倒

直得海底翻身今日衆善信福有所歸住持者功有所滿且道承誰恩力還知麼聽取半偈終日承渠力相逢不是渠既是相逢爲甚麼不是渠昨宵春雨足枯木盡生機

支那
撰述

支那
撰述

士

麼難會還許會麼泥牛吼月去還不許會麼木馬嘶風來若是座王家便以釋迦掩室於摩竭淨名杜口於毘耶爲極則事謂是不二門殊不知已落二落三了也所以我曹洞宗有臣須輔君子須順父不順非孝不奉非輔要汝諸人於見於情於語言處絕滲絕漏直須如擊石火閃電光還有向石火光中垂手電光影裏翻身者麼有則便好與他商量道今日張方伯設齋結制要祈陰翊王度大家須時時奉重念念輸忠以圖報酬有地還委悉麼雖然此猶是因齋慶讚畢竟如何是結制一句乃拋出拄杖曰波濤靜處

蛟龍隱兵革銷時宇宙寧

上堂昨日法今日說明日聽時方解脫世人盡欲報親恩自家恩愛何時撤昨夜觀音文殊普賢等一隊漢被老僧各與二十拄杖趁出山門且道何故只因他自未度而度人爲菩薩發心故果自未度而可度人爲甚大目健連是神通第一的度母不得勞他世尊教供養十方賢聖仗彼威神方可得度老僧與汝判去世尊權衡在手目連捨重從輕只知目連母生天殊不知衆聖賢着賊還知麼老僧從西塔上向東塔下若有個漢出來道老和尚袈裟着地也與我同

文殊

石雨禪師法幢卷二

十三

參有分

師誕日上堂未離母率已降王宮降王宮後一場懺懺未出母胎度人已畢出母胎後一場懺懺致使歷代釘椿搖櫓把纜放船漢個個盡道不動步而周遍十方不開口而言滿天下蒼天總不如東村西舍胡張三黑李四朝隨流水去暮踏白雲歸前日有個衡廷道人道此是大解脫場大無碍處被山僧捏住鼻孔七日不得吐氣今日却來爲山僧慶壽壽則從汝慶祇如僧問趙州和尚年多少州云蘇州有汝又作麼生良久曰莫謂江南霜雪少松枝不逐歲寒

周

上堂極苦無苦極樂無樂拄杖一條千巖萬壑只爲證龜成鳖勞動旅離木杓昔日甘贄行者入南泉設齋時黃檗爲首座行者請施財槩曰財法二施等無差別者曰恁麼道爭消得某甲曉便將出去須臾復入曰請施財槩曰財法二施等無差別者乃行曉且道差別在甚麼處此是一段未了公案今日爲大眾了去行者請施財拈來無不是槩曰財法二施等無差別用去莫生疑者曰恁麼道爭消得某甲曉但有天在上須臾復入請施財更無山與齊槩曰財法二

文殊

石雨禪師法幢卷二

十四

施等無差別者遂行曉且道又如何判一片白雲青山內一片白雲青山外青山內外俱白雲白雲飛去青山師頌至此良久曰還有人續得後韻者麼僧曰在師打三棒復問曰還有麼乃卓拄杖曰三世諸佛只頌得到者裏歷代祖師只頌得到者裏山僧也只頌得到者裏復卓拄杖曰者裏是什麼於此會得不妨省力如或未然祇爲農夫愛春雨從教鳩婦怨蒼天

石雨禪師法幢卷第二

終

嘉興府平湖縣東
阜釋行旦施贊刻

石雨禪師法檀卷第三

嗣瀟小師淨柱編

住福州府雪峰寺語錄

崇禎十二年己卯四月二十二日入院

京臺王光祿請上堂拈香祝聖竟就座召大眾曰心外無我我外無物物外無人人外無心所以道盡大地是個解脫場一機一境盡從自己胸中流出直得蓋天蓋地大眾既是自己胸中流出自然孤迥迥卓巍巍活潑潑阿誰無分不見雪峰大師與巖頭同至鰲山舉向來見人得力處被巖喝曰不聞道從門入

支那

石雨禪師法檀卷第三

二

者不是家珍若要播揚大教一一從自己胸襟流出來與我蓋天蓋地去峰於言下大悟連聲叫曰師兄今日始是鰲山成道大眾還見鰲山麼只在雪峰裏許還見雪峰麼只在各人自心裏許還見自心麼良久曰快築堤塘水風來文自生

上堂雪峰大師來也還見麼若見則官不容針若不見則私通車馬雪峰從先德山處傳得石頭祖師秘密法門今日被不肯見孫一時揭露然一顯一密一抑一揚環轉無窮也是諸人本有事衆生於此輪迴三賢於此安身十地於此立命諸佛於此設教立教

立量說大劫說小劫結算到一十三萬四千四百萬年以謂始終之極且喜未夢見在縱饒於華嚴會上說到不可說不可說轉不可說的田地亦未夢見在禪門以爲格內事做盡伎倆用盡手段直得斬釘截鐵要將者輪環子撲破乃打一圓相曰總不如雪峰用得恰好一個兩個三個數到盡未來際其實也只是者個今日日本真請山僧上堂自己却叨叨咀咀說了許多將謂攔我毬門路乃打拂一下曰還攔得麼不是自家無伎倆令人特地憶玄沙

支那

石雨禪師法檀卷第三

二

的命根德山棒打不回的消消息一句是甚麼殺人不見血三毬競面提節外生枝到者裏須是劍刃上行水凌上走若一味道是古人分上事大似千年田八百主者一藏文書正好合藥有病者出來問取良久曰脉斷去也

求嗣請上堂古今一道生佛皆然若論感應道交便有門庭施設得之者臘月蓮花失之者炎天瑞雪今日山僧性座盡大地人一時性座大眾立地聽盡大地人一時立地聽大眾聽時山僧與盡大地人俱在大眾耳邊放光動地山僧說時盡大地人俱在山僧

舌根上語四言三所以雪峰覬出木毬養子之緣猶在玄沙捉歸舊處事父之道居然祇如魏善人求子一句又如何舉不見道常念觀世音菩薩便生福德智慧之男且問觀音菩薩作麼生念若解念不用默念不用響念不用口念不用舌念不用心意識念應如是念如是念者佛亦如是生亦如是今亦如是古亦如是雪峰亦如是玄沙亦如是山僧亦如是大眾亦如是盡大地一切如是衆中有如是念者麼僧問門外風聲熾然念未審和尚作麼生念師曰巢知風穴知雨進曰恁麼則無利不念去也師曰耳朶當眼

支那

石雨禪師法權卷第三

三

晴僧禮拜曰不勞讚歎師曰將謂讚歎

月印師五十初度請上堂天不足爲長地不足爲父閃電影裏翻身石火光中垂手難垂手撈得若耶溪月大似腰懸金斗到處印泥印水印空若經若論若律究竟如何下口吹布毛曾學安心賣生薑仍有辣手吃着大顛拄杖便去諸方亂走逗到今始知非七七消歸四十九乃卓拄杖曰若要慶我月印兄壽須向者裏會取不見釋迦老子成佛已來甚大久遠壽命無量復卓拄杖曰也出不得者裏盡未來際行菩薩道所有壽命亦復無量又卓拄杖曰也出不得者

裏且道者裏是甚麼所在良久曰炎風吹不到且作雪峰看月曾作雲門侍者及庫頭首衆遊鼓山上堂敲空作響擊木無聲喚甚麼作聲喚甚麼作響還有道理商量麼若有道理安得有今日事若無道理安得有今日事且道如何是今日事莫是拈槌豎拂要接續晏國師聖箭麼男則峰高滄海近片帆早已透錢塘莫是語言三昧要起博山遺香麼遊人不坐忘歸石水盡山窮總是愁莫是爲張道人因齋助薦麼昨夜面燃親口說鬼王早已自知羞恁麼則總不干今日事也雖然要會今日事也不難大

支那

石雨禪師法權卷第三

四

家汲鼓山水烹鼓山茶吹鼓山笛唱鼓山歌興鼓山叢林作鼓山佛事只不要打鼓山鼓何故只恐落在今日故

元旦上堂陽春布德何必囊藏被蓋百物咸新不須天外舉頭大眾今日是 聖天子體元居正之晨我林下人合當俯恩報德若一向目視霄漢身坐白雲且道臣退位以朝君一句作麼生道良久曰條風開獻節灰律動初陽

古泉菴請上堂日日東出月月月西沒偶爾扶筇下雪峰相逢盡問承誰力此處若有代山僧下得一

語不妨鋪斧頭邊刻去參天荆棘如或未然晝見白
夜見黑業識茫茫如何委悉好委悉拈起雲門六不
收誰知臨濟打黃檗一切聲是佛聲一切色是佛色
鳥自空啼花自狼籍又道耳不聞聲眼不見色乃擊
拂子曰者個是什麼良久曰青山雨過真堪惜澗水
無情日夜忙

解制小參大眾雲集師曰今日解制須要各人自家
解始得若要我解則不同銀花砌就玉樹粧成識得
春風面目管取破顏有分若識不得去即印住印
印破夜明簾外轉身難門外也滑倒門內也滑倒荆

支那

石雨禪師語錄卷三

五

棘林中下脚易到者裏解結從人收放在我若是虛
空無背面解即是結即是各各親切道一句看衆無
語師曰恐汝不能肯隨我道

住汀州府靈山禪寺語錄

崇禎十四年辛巳三月入寺

上堂拈香曰此一瓣香陰扶王化陽翼宗風端爲祝
延

聖壽萬安伏願不忘佛囑攝護生靈秉般若鋒而消
兵甲揮金剛焰以照群昏此一瓣香九龍灘上洗出
根源鍊石磯邊掀翻瓦礫專爲供養開山耆碩重勅

覺靈

辦香

堂上

伏願

竟師

雲覆

出心

師見

始得

山僧

支那

別到

之法

浴佛

戒相

作麼

一聲

手指

將去

法四

個優

見者裏喚作靈山如人地起還從地倒若會得四恩與汝一時報竟如或未然梵網經中道汝是當成佛我是已成佛常作如是信戒品已具足更要識相護持聽取誦戒

五月初六日結夏上堂攪長河爲酥酪有背拈花之旨變大地作黃金全垂微咲之宗若道靈山未靈賴有谷神呼徹應休云鍊石非鍊縱使金刀剪不開昨日採藥蜈蚣蚰蜒蛇蠍蝎藏踪有地今日用藥菩提涅槃真如佛性欲跡無門到者裏說個病瘥藥除也是靈龜曳尾總不如埠埠衆信炊無米飯調不濕

支那

石雨禪師法幢卷第三

七

黃一齊供養將來禪衆若無握旨蒲劒驅艾葉虎的手脚擬欲吞噉也大難果是善知時節不妨騎龍頭踏虎尾與大家厮闖一場略有些子氣息如或未然要說個結制法教山僧向何處下口倘謂結卽是解解卽是結結不是解解不是結於中便有一句子能殺能活能縱能奪未免遭人簡點畢竟如何良久曰人人盡謂西天有那個男兒不丈夫

解夏上堂若論結也不論凡聖賢愚冤親高下盡大地人一時結若論解也亦不論凡聖賢愚冤親高下盡大地人一時解到者裏止令當行殺活在我於中

支那

石雨禪師法幢卷第三

八

有一個不解不結的山僧要他有个用處你若草深一尺拄杖子也深一尺草深一丈拄杖子也深一丈縱饒白雪萬里拄杖子也不得不隨他去乃卓拄杖曰且道向什麼處去良久曰相隨去也便下座

橋山上堂闢草開荒我王庫內無如是刀幸有鍊爐在近隨緣乞食大庾嶺頭拈提不動此去茫茫不遠雖然泥土燒成的山僧要與他打碎金鎖煉就的山僧要與他摧折饒有二虎把門天神送供也須退身三步不見四祖見牛頭山紫雲如蓋親訪懶融見二虎把門祖作怕勢融曰猶有者在少選祖却於融

宴坐石上書一佛字融觀之竦然祖曰猶有者在便爾契合自此二虎絕跡天神不來者個公案拈提問答自來已久山僧有一頌爲大衆料理去無端要顯祖師風惹得旁流亂正宗今日爲君俱截斷唯留一線話相逢話相逢鳥自啼香花自紅

延祥新林菴上堂山上田高處高平田下山低處低平夏木陰陰幽鳥唱新林之曲涼風拂拂野老集延祥之慶雖無本據煞有來由人人放定光之光舉一步如獅子遊行凡夫日用而不知凡夫若知卽是聖人個個具法相之相同一眈如象王旋轉聖人亦日

用而不知聖人若知卽是凡夫所以常不輕菩薩道我不敢輕於汝等汝等皆當作佛乃召大眾曰你看他道我不敢輕於汝等多少直捷及至說個汝等皆當作佛便被一切衆生各以杖木瓦礫而打擲之今日山僧則不然我不敢輕於汝等汝等皆不作佛衆中亦應以杖木瓦礫而打擲之管取報恩有地還有麼如無山僧自打去也卓拄杖下座

任建寧府普明寺語錄

崇禎十四年十月二十九日入寺

上堂拈香祝聖竟乃曰文不加點蛇不添足爲甚麼

支那

石雨禪師法權卷第三

九

諸方尊宿盡道繼宗續祖高登曲求不見臨濟向二聖道吾正法眼藏被者瞎驢邊滅却不知卽今繼的是何宗續的是何祖若道千年文書好合藥你看盡大地那個是病的人貪者是貪嗔者是嗔癡者是癡喚甚麼作病須知貪嗔癡不是病能知貪嗔癡的却是病知得病的定應知有知有的定能打破玄關開開要路山僧要與他相見臨濟祖師道一句中具三玄一玄中具三要若識得一玄一句則五位三玄四寶王四料揀是甚麼乾口概大眾今日普明寺接斷橋倫一脉山僧只好作個證明何故不見道他家自

有兒孫在

薦母請上堂佛法雖下秋逢人莫蹉過拘折拄杖頭不爲人超度何以故泥佛不度水金佛不度爐木佛不度火乃召大眾曰得好休不肯休惹他說個真佛家裏坐且喚什麼作真佛致使趙州老不能無口過還會麼若不會曹山所以立三墮一者類墮爲山水牯牛是一個是兩個二者隨墮山色與溪聲不知有何過三者尊貴墮垂衣而治者古今能幾個若謂今日是李成濂薦母上堂乃呵呵曰設有個漢出來道也是龍頭蛇尾又爭怪得他何以故普明寺裏僧不

支那

石雨禪師法權卷第三

十

見有鬼故

朱聯岳黃蘇門二孝廉請上堂報本酬恩一義二義選佛選官是同是異到者裏分疎得下不唯就路還家抑且心空及第如或未必然縱饒是個昔日丹霞忽被禪者一問直得腳不點地大眾你道今日檀越入山爲是選官耶選佛耶薦父耶保母耶各各下一轉語方可爲應供之張本還有麼衆無語師曰恁麼則山僧代轉去也若是保母須以智度爲母若是薦父須以慈悲爲父若是選佛百草頭上會取祖師若是選官鬧市叢中識取天子鬧市裏識得天子則念

念不違於北闕百草頭會得祖師則時時奉重於西天以大慈悲爲父則先天地而不爲精以智度爲菩薩母則後天地而不爲老於此徹去所求皆遂於此未徹且要祖道重興試問如何是重興一句普明一向門朝北懶得從人復向南

冬至上堂舉乾峰舉一不得舉二話師曰諸人還知乾峰意麼也是一面送客一面留人雲門也只得隨波逐浪今日山僧要與大眾判去舉一過水脚不濕不得舉二爛泥裏有刺放過一着鷄鷄趕不着落在第二卽今在甚麼處昨日有人從天台來山門未開

支那

石雨禪師法幢卷第三

十二

時如何却往徑山去良父曰相續也大難大眾拈也與你拈了判也與你判了若要應個時節更須聽取一頌君子道長小人道消陰陽交接不隔纖毫若隔纖毫昨日明朝會麼無語師曰大家應取時節去衆女信請上堂今日女信入山與他說禪他又不會與他說淨土又不是者拂子本懷大眾還有方便麼僧曰兩個五百却是一貫師曰不是今日當機又僧曰不男不女請師別道師曰別道個甚麼僧無語又僧曰一稱南無佛皆以成佛道師曰是你自己境界又僧曰請觀音菩薩出現師曰出現也未僧一喝師

曰不是乃曰還有麼若有大眾啐齋與山僧無分若無山僧啐齋與大眾無分畢竟如何完滿利益他去良父曰山僧有個方便乃喚慧定尼尼出師曰應以女人身得度者卽現女人身而爲說法遂下座上堂道無可道孔子無知達磨不識一個陸地行舟一個水中走馬一個當道栽荆棘普明者裏則不然以一言三石馬驟千山會三歸一泥牛奔大澤到者裏得之卽失失之卽得得失分明天地懸隔不懸隔儒冠道履釋袈裟一擔擔來當面擲乃顧衆曰向甚麼處去也西堂曰好個消息師曰只是難委悉

支那

石雨禪師法幢卷第三

十三

上堂有物先天地將甚麼作眼無形本寂寥舉拂曰者個是什麼能爲萬象主天際日上下作麼生不逐四時凋瞞歷代老古錐卽得今日普明者裏也有一偈無物先天地有形本寂寥不爲萬象主嘗逐四時凋于傳大士邊會得百鳥銜花二虎把門天人送供於普明者裏會得腰纏八斗肩挑十二化米齋僧雖然若得江南風氣爰梅花何必待春開李居士爲母初度請上堂父母未生前是第一義麼良父曰生也衆中還有不報四恩三有的麼不報四恩三有的人還堪應供麼若堪應則終日啐飯不曾

嚼着一粒米若不堪應則粒粒咬着粒粒咬着的如子憶母子得母而常靜不曾嚼着一粒的如母憶子母得子而常動常動則海底塵飛山頭浪滾常靜則龍吟霧起虎嘯風生到者裏直得動靜雙消子母俱遣方與香巖獨脚頌子相應頌中道同道唱和妙云獨脚且問既曰同道爲甚麼又曰獨脚於此徹去同報不報之恩共助無爲之化如或不然大家相聚喫草薺不喫任從伊

上堂舉藥山供養王抄化因緣師曰藥山雖辦來鋒爭奈行者兵符在手不唯化王着賊藥山着賊猶深

支那

石雨禪師法檀卷第三

十三

直得帶累盡天下叢林凡受供者至今着賊行者至今把住不放若是山僧待化主持歸舉話了便命知事收入庫房上常住簿云某日收其贄行者買藥銀二錠管取行者一場敗闕今日普明者裏化王回來收已收了帳已上了且道山僧舉他作麼只要一手扶起藥山一手放倒行者衆中還有救得行者的麼衆下語師皆默然良久曰解制已在近鼻孔漫撩天臘入解制上堂舉拂子曰見麼夜半明星何似者個瞋睡朦朧說悟不悟一喚即醒天曉不露通塞虛空向何處去去不去住不住鵲眼龍睛徒勞佇顧滔天

白浪紫雲峰爲君脫却娘生禪脫却也未喝一喝下座

石雨禪師法檀卷第三 終

嘉興府平湖縣東
阜釋行旦施贊刻

支那

石雨禪師法檀卷第三

十四

石雨禪師法檀卷第四

嗣瀟小師淨在編

住建寧府考亭靈峰寺語錄

崇禎十四年臘月十五日入寺

元旦上堂不經一事不長一智衲子無家隨緣卽住
住不住法堂深草雨滋培般若林凋就撐拄好撐拄
年新月新日新時新一切新只是不勞顧佇顧佇依
然成舊去獨有拄杖無舊新只解朝遊山水暮宿烟
霞依稀逗到靈峰寺只見西鄰進椒酒東舍飲桃湯
到者裏作何抵待乃卓拄杖曰會麼此去武夷應不

支那

石雨禪師法檀卷第四

一

遠何須重舉趙州茶

朱居士請上堂山爲壽海爲福一段一舉齊彭殤一
生死半醒半酣易短壽爲長年轉禍患爲福樂以拂
出楔所以道人本有個個不無只是取之不得捨
之不得說個不取不捨恁麼得我道也不得也不得
大衆於此會得省力異常若待黃面老人說聖說凡
說心說性說罪說福說生死說涅槃亦是當道栽荆
棘致使達磨特特西來對梁武帝只道得個不識乃
至九年面壁得個神光也只道覓心了不可得今日
居士以慶山僧之壽卽懺自己之愆你看三祖以居

支那

石雨禪師法檀卷第四

二

士身來參三祖曰某甲身纏風疾乞師懺罪祖曰將
罪來與汝懺士曰覓罪了不可得祖曰與汝懺罪竟
有僧問趙州和尚尊姓州曰常州有又問和尚季多
少州曰蘇州有你看趙州蘓州有爲壽三祖覓罪不
得爲懺罪山僧雖不肯與趙老今年且要居士與二
祖同懺還懺得麼雖則新年新令好挨過明朝始是
春

朱步紫使君祝師五句請上堂慧業文人雲遊野客
覲面相逢妙云不識乃召大衆曰山僧恁麼舉揚還
有向上事也無若道有則山僧辜負大衆若道無則

大衆辜負山僧到者裏山僧既已知非大衆無煩復
慶何廼拘溪水以爲腸折松枝以爲拂會啓人天塲
開選佛且道那個溪無月何山不帶雲若論祝 聖
壽以無疆保萬民而樂業此是在杖頭本分家風烏
紗下尋常活計獨有同補靈峰缺陷句搔着山僧癢
處亦搔着大地人癢處且問喚甚麼作靈峰還會麼
只在你穿衣喫飯處迎賓待客處倘暫時迷昧急須
補葺故山僧有重興偈曰盡地是個靈峰大家住在
裏許見得者邊頽落便請者邊修起還修得起麼良
久曰靈山一會果然在你是何人他是誰卓拄杖下

座

福州眾宰官居士同諸山禪宿慶壽請上堂僧問無量壽佛與那個同年師曰空山白日靜進曰山與那個同年師曰流水百花香進曰和尚與那個同年師曰脚跟下好與三十棒進曰世尊未出母胎度人已畢今日說法更度阿誰師曰不度者一個進曰者個不願成佛師曰願成個甚麼僧曰禮拜去也師曰好個不願成佛的乃曰芥城劫拂石劫一坐十小劫頭腦莫教錯接虛空壽壽山壽福城宰官居士各山禪友耆舊也要依時及候何時候只因愛向武夷遊被

支那
撰述

石雨禪師法槌集第四

三

人喚作歸靈鷲靈鷲南考亭北十里梨花香透骨會得者一葉不沾身不會者尋香還聽韻若遇有智王人一齊貶向無生國咄有人報道今日是清明真是古人墳也要放他三木柵何故聲不見道以德報德上堂僧問戒經云光非青黃赤白畢竟光作何色師曰汝信得及向前來與汝道進曰師師相授祖祖相傳莫非是者個麼師劈頭一棒僧一喝師曰此是近日一槩頭禪有人喫在若是靈峰則不然待他道師師相授祖祖相傳莫非是者個麼與他劈頭一棒眾中且作麼生商量一僧曰也是一槩頭禪師曰情知

你怎麼乃曰明朝是浴佛周行目顧手指大地云天上天下唯我獨尊之日雲門道我當時若見一棒打殺與狗子喫貴圖天下太平禪和家只知打佛要打雲門却難打雲門亦易要打山僧却難打山僧亦易要各各自打却難還自打得麼請出眾來的的道看待到明日以香水薦頭澆便見不堪若道不得你要扶律扶律已憐猿捉月你要談常談常猶愧鳥啼花喝一喝下座

支那
撰述

石雨禪師法槌集第四

四

上堂僧問積骨如毘富羅山那個是最初父母師曰看脚下進曰怎麼則未出母胎早已相見師曰非汝

境界進曰謝師答話師曰賞罰也不知乃卓在杖曰從佛口生從法化生養子之緣老瞿曇婆心猶在如來禪祖師禪未生面目香嚴老未識玄微要知未生面目麼耕犁只解農夫意行路誰知客子心復卓在杖下座

結制小參僧問法華經云是法非思量分別之所能解聲未絕師曰思量也思量也進曰怎麼則圓明了知不因心念師曰放汝三十棒乃曰外結其身內結其心龍王不怕海深內不放出外不放入波斯那愁脚濕若論參須實參悟須實悟簪前水點點豈落別

處昔日梵志以左右手擎合歡梧桐花供佛佛曰放下着志放下左手一株花佛又曰放下着志又放下右手一株華佛又曰放下着志志曰我今兩手皆空更教放下甚麼佛曰我非教你放捨其花教汝放下外六塵內六根中六識一時捨却無可捨處是汝免生死處梵志於言下悟無生忍大衆你看上古人心質樸教他放下便爾悟去豈似今時人彫琢扯拽上不得已歷代祖師說玄說妙其實也無玄妙也不過教你放下只是改文易字便被換却眼睛至使參詢不歇若問山僧兩手俱空更教放下個甚麼向他

支那

石雨禪師法壇卷第四

五

道佳作仁可知禮也

再任紹興府天華寺語錄

崇禎十五年壬午十一月入寺

上堂拈香祝聖竟天之高地之厚啾啾亂鳴人物鳥獸驚奴白牯撩起便行三世諸佛多不啣留還有橫身宇宙坐鎮乾坤者麼有則山僧要與他商量還見寒山云十年歸不得只却來時道麼此是千古垂慈法則今時纔入門來便學手指天地天上天下唯我獨尊爲據豈我慢幢爭強爭勝以爲能事殊不知觀是悟後便說一切衆生與我平等無異尚且四十九

年不曾度得一個及至末後拈花博得迦葉一笑今日天華結制且道圖個甚麼良久曰自地登空易從空放下難

上堂師揮拂子曰儒與釋合仁與慈合明與悟合參性與求心合獨有者斷拂子則不然有時舉頭天外有時入水求人有時孤峰獨宿若道鐘中無鼓響鼓中無鐘聲鐘鼓不交參句句無前後斷拂子則又不然有時與朋友結伴同參有時與大衆着毛搨結有時帶水拖泥且道於此兩間還有處斷也無不見古人云士庶公卿一道看貴賤賢愚明漸次若是久參

支那

石雨禪師法壇卷第四

六

耆宿一點便行後學初心三回六顧一點便行的野老謳歌三回六顧的家國興盛且問家國興盛堪作什麼莫要與今日齋家祈福麼僧問斷拂子在甚麼處師曰山遠疑無樹僧禮拜曰天空一任行師曰好個公案又僧問離却有非兼四句請師盡力與提綱師曰提不出進曰爲甚麼提不出師曰耳朵在甚麼處進曰日頭東出三分白入暮投林一點紅師曰且緩緩

上堂智者一言快馬一鞭眼目動定直待驢年大衆今日衆居士請山僧陞座欲種無量壽因結無量壽

果被斷拂子。驀將鼻孔一齊穿却了。也還吐得氣。歷三十而立。四十不惑。五十知命。六十耳順。衆中設有一人。呵呵大笑。將謂是曹洞宗師。原來是個老學究。方許他具一隻眼。可有甚麼人。磨良久。曰。南山仍秀。異靈鶴不停機。卓拄杖下座。

上堂。舉舍利弗。變天女。因緣師曰。舍利弗。探竿在手。將天女一。探便招成個。十二年無女人。相變舍利弗。爲天女。舍利弗不知。天女化身如舍利弗。舍利弗亦不知。可謂賓則始終賓。王則始終王。雖然正當舍利弗與天女互換之際。若喚作舍利弗。又是天女。喚作

支那

石雨禪師法幢卷第四

七

天女。又是舍利弗。畢竟如何。定奪山僧有個領子。舉似大衆。一條拄杖。兩人携你向東行。我向西。四面八方行。一遍日頭依舊落前溪。

上堂。操一葉之扁舟。是第一義。泛鑑湖之曉月。是第一義。拈妙香而氤氲。是第一義。散天華以怡悅。是第一義。法筵龍象衆。在甚麼處。去也。移形山向天華。天華不大移。天華向形山。形山不小沒。絃琴彈得者。頭頭合拍。籬邊菊。賞得的處處成歡。雖然若是陶淵明。何須賦歸去。

顯聖衆耆宿。請上堂。昨日病。今日不病。賓王相逢。天

華顯聖。且道木羅漢與泥天王。見面那個是賓。那個是主。若道泥天王。是主。木羅漢是賓。鐘中無鼓響。又作麼生。若道木羅漢。是主。泥天王是賓。鼓中無鐘聲。又作麼生。若道賓王。歷然鐘鼓不交。參句句無前後。又作麼生。到者裏。麻纏不住。刀剪不開。忽有個漢。喝散大衆。掀倒禪床。扶起曹洞正宗。且教他緩緩洞水。逆流了也。還是麼。良久。曰。東關關吏。雖無阻。公驗請訛。未可行。僧問。馬大師來了。還有賓主也。無師曰。水寒魚入窟。進曰。興波不作浪。買石得雲饒。師曰。天凍鳥棲巢。進曰。寶鏡堂前群象正。若耶溪畔百川朝。師

支那

石雨禪師法幢卷第四

八

日再犯不容進。日爭奈新豐一曲千古如新。師曰。猶費唇齒在。

上堂。東盡頭西極。則相逢。原不識。唯有把橈人來往。通消息。消息通。絕異同。廬陵米價。知多少。擬意相酬。便不中。乾峰道。舉一不得。舉二放過。一着落在第二。到者裏。才有賓主。便有偏正。便有君臣。所以道。諸佛皆垂方便。門禪宗亦通一線道。此在諸方。即得天華者。裏只要個不許。夜行投明。須到的人。與他在妙高峰頂。把手同行。如或未然。盡是別峰客。誰當此日機。上堂。一陽未動物體全。彰描寫將來。猶虧一半。衆中

有善施五彩的爲山僧出一手看僧問鳳不棲荆棘和尚又作麼生師曰不是僧繇手進曰龍仍歸大海師曰徒勞話正徧進曰格外彈絃處知音能幾人師曰且去別日來問方丈和尚垂示祇得一半那一半向甚麼處去也師曰明朝向汝道進曰爲甚麼聲師曰猶欠一日在進曰學人禮拜圓得麼師呵呵大笑師曰大眾與麼問山僧與麼答還有利益麼若無利益又道人人具有如來智慧德相若有利益又道皆因妄想執着而不證得釋迦老子既以龍頭蛇尾今日折合將來且道成得個甚麼良久曰織成古□合

支那

石雨禪師法幢卷第四

九

春象猶較當年十萬程

上堂舉至道無難唯嫌揀擇趙州拈云才有語言是揀擇是明白老僧不在明白裏師曰大小趙州大似抱贓呼屈山僧則不然至道無難父母未生前道取一句看唯嫌揀擇不可如羊相似亂拾物向口中但莫憎愛功德天黑暗女受則是不受則是洞然明白月落後相見的具甚麼眼目到者裏揀點得出不妨扶起趙州捉敗老漢

上堂若要舉揚個事直須四方受敵八面當機鴈過長空會得橫抽寶劍雲歸遠岫明他腦後鉗鎚若是

以言遣言以理遣理忽然撞着無手人行拳無舌人解語便道是格外之談無義之語若要與他施主福壽雙圓水也消他不得何故聲不見道飛騎將軍入虜庭再得完全能幾個

解制上堂如鏡照鏡石人正令方行似空合空木女謳歌始歇千喚不回的看取出門是草一捺便轉的直須下脚無私且道既是夜半正明爲甚麼天曉不露乃拍拄杖曰木上座爲汝道去也何須殘臘盡方見曉春回卓拄杖下座

過寶泉代具足法兄付德師侄法上堂荒田不墾百

支那

石雨禪師法幢卷第四

十

丈之風難構牢關不掩高峰之案誰圓終年喫飯貴乎領下無喉鎖日無言妙在口中有古今日舉揚具兄靈骨香雪遺踪且道以何爲驗乃托起衣鉢源流曰看飲牛溪畔月初曉莫逐泉聲落剡江

過象田上堂師召大眾曰者片田地人人都有只是不會料理致使荒却所以勞他上古象爲之耕鳥爲之耘梵卿禪師爲之開掘卽念現國王不惜身命爲之重興古靈致禪者繼之勞筋苦骨領諸善信請山僧陞座爲汝證據衆中還有承當者麼若有也不在你間不在你忙不在你靜不在你閑但得一鋤翻轉

便好自成自立管取秋風浩浩春水溶溶那時節一
任他閒也得忙也得閑也得靜也得山僧有個全紙
契書兩手分付還有恁麼人麼良久曰牛生三個子
到老自拖犁下座

象田結制上堂小陽春十月節雁聲高墜紅葉時人
錯認桃花飛依稀惹動啼鵲舌大眾且道山僧恁麼
舉揚還有爲人處也無有則三世諸佛忍氣吞聲無
則白牯黑奴揚威耀武到者裏心之與性如月行空
妙之與玄如雲布野若更說修說證說悟說迷橫擔
拄杖遊山去一任開期復解期

支那

石雨禪師法檀卷第四

十一

再任杭州寶壽山光孝寺語錄

送爾密法兄圓寂上堂風雨發惡滔天浪作師兄靈
骨何處摸索休摸索舉出東山水上行從教大地入
牛角還有轉得身吐得氣者麼良久曰問取化山和
尚去

上堂十載天涯放浪遊依稀忘却來時道軒窓仍向
水中開至今彌勒哈哈笑且道笑個甚麼三世諸佛
也在布袋裏許歷代祖師也在布袋裏許四生六道
也在布袋裏許今日忽然有一個漢要出頭來出則
任出且問你布袋外是個甚麼向者裏道得一句不

妨十字縱橫重興祖道

到弁山龍華寺上堂闢土開荒創始之功何任栽松
種竹守成之德靡存所以唇樓海市巧呈幻有蒼狗
白羊獨顯真空若有個漢便爾踢翻獅子窟推倒象
王峰一任天魔外道魑魅魍魎現多神變身上出水
身下出火播弄到三十三天輕輕下來要覷者龍華
覷則眼瞎要聞者龍華聞則耳聾方可報我瑞白兄
不報之恩若以強爭強勝爭勝以是非出是非敢保
未有何故聲不見道水生於水寒於水青出於藍色
愈藍喝一喝下座

支那

石雨禪師法檀卷第四

十二

師誕日上堂百不爲多一不爲少雖有彭殤實無壽
夭拈拄杖曰大眾還見麼若見則三世諸佛依教奉
行若不見則歷代祖師一時靠倒今日雲塔居士以
積功累德之心爲山僧慶壽爲自己納壽爲子延壽
衆中有堪應供者出來相見看僧問紅日麗天滿林
增色四衆齊迎特爲吾師祝壽祝壽一句請師舉揚
師曰未離正月節猶是孟春寒進日七十二峰齊稽
首光孝年齊萬劫春師曰爭奈水流花落何進曰猶
是眼糊塗師一喝問答竟師曰大凡一問一答須有
來繇祇如問在答處答在問處還能用處不換機麼

不爾則信口道不獨不能爲應供張本水也消他不
得何故聲生逢新甲子誰不愛春晴

結制監院請上堂其大無外其小無內把住放行超
群入隊石火光裏安得家煞有來繇閃電影中立得
業不妨尊貴高掛瓢囊橫眠拄杖結制之意未必如
斯朝隨雲出暮踏月歸監院之心庶幾可遂大衆昔
日楊岐監院有三脚驢兒弄蹄行話還有會得者麼
院出問高掛瓢囊則不問橫眠拄杖事如何師曰三
脚驢兒弄蹄行進曰向上事又作麼生師曰三脚驢
兒弄蹄行進曰恁麼則相隨去也師曰三脚驢兒弄

文那
俱述

石雨禪師法檀卷第四

十三

蹄行院喝師曰好一喝院禮拜師下座

悉檀法孫請上堂今日踏春風昨日踏春雨有問西
來意何曾肯負汝異姓骨肉各自同居沿流不止何
處逢渠渠今正是我我今不是渠洞山老子一面頭
上安頭一面斬頭覓活今日悉檀法孫入山謝孝既
知祖父不出門又知推命向裏頭且道曹山孝滿一
句大衆作麼生委悉僧纔出禮拜師曰自家骨肉尚
如此何況區區覓路人

解制上堂共住不相識千里却同風出門不落草何
處不亨通衆中若有一個從來不入保社的也要還

山僧草鞋錢始得良久曰恁麼則途中善爲

上堂三世諸佛言詮不及歷代祖師形容不出所以
說個直指早已迂曲了也不如向佛未出世祖未西
來以前覷得破立得定不妨橫行宇內獨蹈大方若
一入他釋迦門庭達磨群隊便見有賢愚良賤迷悟
升沉還有向佛祖以前覷得破的麼僧纔出師便打
僧曰看破了也師曰大衆還見者僧不惜身命爲他
施主麼衆無語師曰乘三羯磨作法懺悔看

上堂天地同根萬物一體喚甚麼作根喚甚麼作體
良久曰露也還見麼見不見且置既是同根爲什麼

文那
俱述

石雨禪師法檀卷第四

十四

寶壽山七十二賢峰有的舉頭天外有的入水救人
有的在十字街頭七橫八豎有的在孤峰絕頂阿佛
罵祖既然如是山僧今日要一個與胡居士爲子保
延還有麼僧問未出母胎度人已畢且道黃面老漢
今日出來做甚麼師曰梅子熟時梔子香進曰春色
滿園關不住一枝紅杏出牆來師曰種田去

上堂日日是好日一番拈起一番新祇要鉢盂兩
度濕喝一喝曰當時若下得者一喝不妨隨波逐浪
免得世尊降王宮出母胎手指天地說個唯吾獨尊
又喝一喝曰當時若下得者一喝不妨函蓋乾坤免

得入雪山成正覺降外道轉法輪度衆生又喝一喝
曰當時若下得者一喝不妨截斷衆流免得今日九
蓮剎度入僧倫登戒品又喝一喝曰且道是截斷衆
流是函蓋乾坤是隨波逐浪有人簡點得出許他具
一隻眼問答不辨師復曰還分得麼良久曰目前景
物人皆見取用誰知各不同

新監院請上堂拈一塵大地起舉一網衆目具所以
曹山道莫行心處路不挂本來衣何須正恁麼切忌
未生時大衆人人要構父母未生前一着爲什麼切
忌未生時人人要得恁麼時節爲什麼何須正恁麼

支那

石雨禪師法檀卷第四

十五

人人要見本來面目爲什麼不挂本來衣人人要識
得心爲什麼莫行心處路若論失人則廢得人則興
管取十個有五雙躲避不去雖然且道大家入者個
保社畢竟圖個什麼良久曰莫將閒學解埋沒祖師
心

唐祈遠請對靈陞座春榮秋落蓋是尋常日往月來
無非妙用若爲生死所牽恩怨所纏陰陽隔絕疑信
相參山僧爲你指個路頭也須諦聽乃擊拂曰還聞
麼若聞非汝父母所生之耳又揮拂曰還見麼若見
非汝父母所生之眼既非父母所生眼耳畢竟以何

爲見聞到者裏便好全身直入卽證真常如或未然
更有半偈香烟堆裏翻身去紅燭光中自在歸

汪子野居士請陞座乾坤之內宇宙之間中有一寶
秘在形山古人盡力道只道得八成祇如乾坤未判
宇宙未分形體未造實從何生乾坤既壞宇宙既毀
形骸既銷寶從何滅於此會得視死如生視亡如存
於此不會情生智隔曷遂超生之路背覺合塵難成
薦往之方今日子野居士爲其先考仲玄汪公特請
山僧對靈說法爭奈山僧口舌遲鈍不能廣演言教
只據現前道理與公分析一上祇如公之生平能安

支那

石雨禪師法檀卷第四

十六

司馬長卿之貧抱愚公北山之拙又能重然諾廣交
遊冰霜傲骨詩文絕代今子子野既能繼父之風又
能陶情世外克究已躬可謂青出於藍青於藍者矣
痛思罔極追念養子緣深夢想之中音容如在山僧
謂若果音容如在卽謂公不曾滅只是卽之不得卽
謂公不曾生不滅不生薦亾已竟若以能貧能拙能
重然諾廣交遊冰霜傲骨絕代詩文爲公本色殊不
知此是浮形幻影如摩尼寶珠常現五色彩光五色
彩光實非摩尼本色不過隨方應現無有真實且道
如何是摩尼本色良久曰人天交接處覺路此時開

喝一喝下座

上堂結夏安居。鳶飛魚躍。設齋辦供。電捲星馳。若作佛法商量。管取不曾具眼。將謂世諦流布。不妨共入玄微。雖然忽遇一担兩頭脫的聖名。凡號呼喚。不問世出。世間牢籠。不住。還有恁麼人。麼若有恁麼人。愁甚麼。齋供不消。叢林不辦。僧問。荒在草深。頻料理。上流人到。事如何。師曰。青山處處堪留夏。進曰。涼風陣陣。侵肌骨。爭奈渠儂。自不知。師曰。兩重公案。問千丈深潭。魚爲甚麼不現。師曰。現也。進曰。潭聲。師便打。僧曰。龍行不帶三江水。虎若無山定不行。師曰。猶少一

石雨禪師法壇卷第四

十七

棒在。乃舉。甘贊行者入。南泉設粥。仍請南泉念誦。泉白。維曰。大眾爲鷲奴。白牯念摩訶般若波羅蜜。甘拂袖便出。泉粥後。問典座行者。在何處。座曰。當時便去也。泉遂打破鍋子。師召大眾曰。且道者。鍋子是爲典座打破。爲行者打破。諸方盡道用鉢。亦上事。且喜沒交涉。山僧今日。要與他扶起。還肯麼。不是煉石手。徒勞說補天。卓拄杖下座。

頤浩寺上堂。白雲濤蕩。達磨不來。東土綠水。週遮彌陀。不住西方。且道。不住西方。在什麼處。乃舉拂曰。看看大眾被者。個上座。換却眼睛了也。若有轉得身。吐

得氣。不用三祇煉性。百刼調心。管取曠劫無明。一時頓斷。如或未然。待山僧緩緩結個草菩提座。再與大眾一一據欵。結案。祇因者裏。從來不敢放屎撒尿。穢汝心田。所以昔日世尊才陞此座。文殊便乃白。提曰。諦觀法王法。法王法如是。世尊便下座。雖則世尊隨機應變。文殊善把要津。若遇個伶俐衲子。向世尊未陞前。掀翻寶座。喝散大眾。不唯使世尊一場懺懺。亦使文殊無下手處。須知古人用盡苦心。蘊釀將來。要人向父母未生前。道取一句。爭奈時流。若不靜沉死水。便乃動落。今時只有香嚴祖師。是問一答十。問十

支那

石雨禪師法壇卷第四

十八

答百的人。到此不敢容易。直至久久。擊竹。方悟如今還有道得的麼。良久曰。洙涇船子。垂絲後。幾個從今再下釣。卓拄杖一下。僧問。法王法幢。隨處建立。今日和尚陞座。畢竟憑何建立。師曰。莫將五老峰頭月。特地隨波照。九峰僧曰。大眾瞻仰。有分。師開示不錄。祈嗣請上堂。亘古亘今。綿綿不絕。遞代相承。復是何物。信得者。水邊林下。長養聖胎。不信者。七尺單前。喚龜作鱉。山僧恁麼舉揚。衆中有不甘者。麼僧問。亘古亘今。且道。是何物。師曰。落葉無人掃。難成賓主歡。進曰。霜風月皎。師曰。是什麼時節。進曰。正當恁麼時節。

師曰恰值老僧不恁麼又作麼生進曰山高雲靜師曰閒言語師復曰信如潮汐至海無疑信如日月光天無疑信如榮枯相地無疑信如迷悟性人無疑昔日崔趙公問國一欽出家事欽曰出家乃大丈夫事非將相所能爲公有省後李遵勗公問谷隱出家事隱亦以此答之公亦有省遂作偈曰學道須是鐵漢把手心頭便判直取無上菩提一切是非莫管此真可謂人無疑者雖然今日居士特來求嗣且道如何奉揚良久曰曉洞雲腥龍孕子夜天月冷兔懷胎卓拄杖下座

支那

石雨禪師法語卷第四

十九

上堂古今天地古今日月古今山川古今人物會得者能殺能活能縱能奪不會者陽長陰消依時及節若論群陰剝盡而不知知者猶寒一陽初生而不覺覺者未暖但肯孕結將來則時節一至其理自彰如藥山參石頭頭曰恁麼也不得不恁麼也不得恁麼不恁麼總不得你又作麼生藥岡措頭曰子因緣不在此可往馬大師處去參馬祖理前問祖曰我有時教伊揚着瞬目有時不教伊揚着瞬目有時教伊揚着瞬目者是有時教伊揚着瞬目者不是你作麼生藥乃昇吉禮拜祖曰你見個什麼便禮拜藥曰某在

石頭和尚處如蚊子上鐵牛相似祖肯之大眾你看古宿爲人還有實法與人麼還教人如何參如何究麼還教人坐禪麼還教人做功夫晝三夜三磨砢擦禪麼學者悟處曾見光見怪麼曾說有得有證麼但說個我在石頭處如蚊子上鐵牛相似你看石頭與馬祖是六祖兩派下來還分彼此麼還分旁正麼還曾撈籠學者麼今時不知從上諸聖是一鼻孔出氣接引學人同出一手豈似如今分門列戶說南獄爲正說青原爲旁若要說難道他們當時不會說直待如今方說羞也不識也不把從上命脉摸摸看也不

支那

石雨禪師法語卷第四

二十

把從上機緣審審看信口亂說旁若無人今日一陽初生君子道長小人道消故山僧略將法門舉示大眾須知石頭爲人榜樣藥山參詢榜樣雖然藥山恁麼悟去也是急水上打毬子何故響相識滿天下知心能幾人

爲正修入塔上堂君子道長小人道消天堂地獄任意道進天堂不爲樂地獄未爲苦要喫金牛飯須打禾山鼓無縫塔休莽鹵大家相送意如何師恩友義成千古千古目前目前千古朝來大雪空中舞若道亾僧面前萬里神光頂後相五五依然二十五大眾

古人道枯木龍吟方見道。觸體無識眼。初明祇如正修禪者。觸體已淨。識陰既銷。如何是他初明的眼。僧問初明眼。即不問萬里神光事。若何師曰。爲甚不問。初明眼進曰。有意氣時。添意氣。師曰。仲冬無嚴寒。點水不滴凍。進曰。恁麼則一陽來復。萬木惺惺去也。師曰。還知賞罰麼。進曰。謝和尚證明。師曰。大眾證明。始得。又僧出衆喝問曰。唯此一事實。餘二則非真。師亦一喝曰。唯此一事實。餘二則非真。僧禮拜起曰。真實消息。蒙師指上品蓮臺。已降胎師。呵呵。笑曰。將謂活人送死人。便下座。

支那

石雨禪師法檀卷第四

三十一

石浪首座請上堂。師陞座。浪禮拜。師背立。不顧座。達一匝。依位而立。師曰。大眾會麼。若作子歸就父。父全不顧見。此是世諦流布。想且道。何故如是。曹山未曾孝滿。在遂下座。普香寺請上堂。道不在遠。唯人自遠。亦不在近。唯人自近。山僧口舌拙訥。機思遲鈍。兩個只好喚做一雙。總不如古人醞釀。將來說道。目前無法。意在目前。不是目前法。非耳目之所到大衆。到者裏。手足攀攬得着。耳目追縱得及。底若有密移一步。看取飛龍的人。方可報答檀越護持之誠。施王供養之德。國王水土。

支那

石雨禪師法檀卷第四

三十二

一時酬畢。若在長連床上。打得兩箇瞋春。以爲禪定。學得兩句轉語。以爲機鋒。敢保土也。消他不得。昔年高太傅是在家居士。自參芙蓉省發之後。便開口說大話曰。懸崖撒手。任縱橫。大地虛空。自坦平。照壁輝岩。不借月。簾前別有一輪明。此是宰官居士修行榜樣。如今盡是倚門傍戶。如何得大地虛空。一坦平去。如何得撒手。任縱橫去。雖然更須撒開簾子。打破光明。方可與他普香寺裏相見。如或未然。獅子峰高對象王。

上堂。卓拄杖曰。今日是木上座。因地一聲時。是哆哆。

唧唧時。是有句。耶。是無句。耶。從佛口生的。從法化生的。爲什麼有得皮。得肉。得骨。得髓之意。大眾論量。商量看。道副曰。不執文字。不離文字。而爲道用。祖曰。汝得我皮。尼總持曰。如慶喜見阿閼佛國。一見更不再見。祖曰。汝得我肉。道育云。四大本空。五蘊非有。無一法可得。祖曰。汝得我骨。慧可出禮拜。依位而立。祖曰。汝得我髓。咄。達磨大師被人換却眼睛也。若是耳朵當眼睛的。定不作此分別。何故。聲不見道。獅子窟中無異獸。若以不執不離爲見。不消錯。也。若以一見不再見爲不離。窠臼錯。也。若以無一法可得爲十。

成語錯一也若以禮拜歸位爲個儼之機錯一也你看目前躋躋的阿誰不可付囑揀擇個什麼且阿誰不具足還有欠少些的麼何故老大達磨分出個皮肉骨髓來還知他曲爲今時麼苦哉山僧也曾付囑幾個來還有者領破袈裟在若有人向四錯外說說所得看問答不契師曰牛生三個子到老自拖犁上堂船來陸來什麼物恁麼來朝去暮去什麼物恁麼去若欲掘開石壩踢翻塘嶺且未是到家消息何故祇如諸人未跨船舷一個寶壽早已注汝心源了也乃至一路路來穿衣喫飯語言談笑各各一個寶

支那

石雨禪師法幢集第四

二十三

壽不高不低不大不小及乎到來乃被水鳥樹林鐘鈴鑼鼓換却眼睛雖則水鳥樹林等不離寶壽汝還聽得水鳥樹林悉皆念佛念法念僧麼古人到者裏說個若將耳聽終難會眼裏聞時方始知且道眼作麼聞耳作麼見現前考鐘伐鼓試問無耳的人眼還聞麼現前天光雲影試問無眼的人耳還見麼參學的人到此須解得會得始得不然寶壽山爲汝解去也良久曰車不橫推理無曲斷上堂如是之法佛祖密付汝今得之宜善保護乃召大眾曰得也未若也未得密在汝邊殊不知說個密

字早已顯了也顯密且置祇如雲岩老人開口說個如是之法還有指處麼還無指處麼若無指處爭奈有言語在若有指處指個什麼莫指個拄杖麼此是山唯裏砍得的莫指拂子麼此是建寧五分銀子買得的如何合得密付的道理若合得則銀碗盛雪明月藏鷺中間建法幢立宗旨說個臣奉君子順父不順非孝不奉非輔你看此宗法門何等魏堂何等氣宇豈是小知小見苟竊得的你看古人說法結果將來自然頭正尾正要知雲岩老人頭正處麼如是之法佛祖密付要知雲岩老人尾正處麼潛行密用如

支那

石雨禪師法幢集第四

二十四

愚若魯但能相續名王中王所以但識得王吾宗未許還識得王中王麼春風不出塢滿谷蕙蘭香過顯聖上堂古道無人行行之亦坦平樵歌并牧唱聽者絕知音知音絕王賓慶和成歡悅入理深談門庭施設讚嘆不及處寶壽峰祇可旁通稱揚不及處化鹿山唯堪擊節良久以拂子打圓相曰大眾看看到者裏祖宗田地地方纔穩密又打圓相曰大眾看看屈屈化山和尚問曰正恁麼時如何師曰請老兄珍重山顧左右曰大眾畢竟還是者老漢師曰也是老兄饒舌

請化山和尚引座上堂梅花燉燉春信紛紛深水高山冰消雪解倘有枯木寒崖殘雪未消堅冰未解的請化山和尚爲汝消却解却請師之語汝合自陳恐汝未能皆隨我道下座

石雨禪師法檀卷第四 終

嘉興府興善寺比丘明覺施貲貳兩
淨見淨照淨覺淨樂淨達共壹兩
淨慧淨五淨智淨慧淨智淨源共壹兩
淨越淨常共肆錢淨智淨鑑共貳錢
簪前林淨月壹兩淨智淨貳錢五分

支那
撰述

石雨禪師法檀卷第四

二五

石雨禪師法檀卷第五

嗣瀟小師淨注編

任杭州龍門悟空禪寺語錄

崇禎十五年冬受請至甲申二月入新方丈

吧瞻葛太常請上堂拈香祝 聖竟師以拂子打一

圓相曰者片田地本是平常本無高下不煩造作不

用階梯若便爾休去卽是大言不慚的漢未透龍門

關在燒尾曝腮有何利益還要透龍門關麼纔見鸚

鵡峰上到九曲嶺便喚作透關得麼入大殿進方丈

識得檀越是誰任持是誰便喚作透關得麼縱饒你

支那
撰述

石雨禪師法檀卷第五

一

識得任持是別傳一脈洞上一宗權開五位善接三
根便喚作透關得麼若有個漢向下方來從最初一
步不妨手清眼快透得些子然後途路中也是透關
處見鸚鵡峰也是透關處登九曲嶺也是透關處至
大殿入方丈也是透關處豈不直絕豈不痛快何煩
更去說修說證何煩更去長連床上攢眉皺目向鬼
窟裏作活計所以雪峰祖師道烏石嶺與汝相見了
山門頭與汝相見了僧堂前與汝相見了且道如何
是相見的意莫是兩眼對兩眼麼是則是畢竟喚甚
麼作主中主良久曰相續有甚麼難

爲薦親上堂教中道大慈悲爲父知度菩薩母若能
會得則多生父母一切幽魂盡在龍門拄杖頭上放
光動地信得者真是知恩卽是報恩方可謂之不生
方可謂之不滅方可謂之無恩可報何故聲以拄杖
橫按曰者個得與麼長復以拄杖豎起曰者個得與
麼短會麼喝一喝下座

過棲真寺上堂遊山好遊山好青山面面無煩惱逢
村遇市設齋筵百味珍饈只一飽一條拄杖活如龍
個是衲僧無價寶逢場作戲任縱橫有人問道當頭
考無端逗到桃源鄉棲真寺裏僧多少那管前三與

支那

石雨禪師遺集卷五

二

後三阿誰共我遊山好遊山好遊山好試問遊山有
何好名輻利鎖不能牽秋林落葉隨風掃大衆今日
齋主特爲求福故請山僧登座爲甚麼只管長歌短
唱乃驀拈拄杖曰看看此是莊嚴百福身時人盡向
外頭討不向外頭討還向裏頭討得麼復擊拄杖曰
且喜助歌聲有鳥勸君一念早回頭家家有個來時
道來時道無玄與須信出門便是草爲甚麼道不出
門亦是草聲路逢死蛇莫打殺無底籃子盛將歸又
作麼生卓拄杖曰阿誰共我遊山好
壽紹南老居士請師顯教寺上堂乾坤之內宇宙之

間中有一寶秘在形山古人可謂藏頭露尾今日特
爲大衆全身顯露祖師道在眼曰見在耳曰聞在鼻
嗅香在口談論在手執提在足運奔此是寶在六門
顯現處爲甚麼又道知者卽是佛性不知者喚作精
魂遂拈拄杖曰見麼復卓一卓曰聞麼若於此轉得
卽名知者知者卽見佛性如或未然山僧與老居士
酬唱去也居士請山僧說法是賓中主山僧與居士
說法是主中賓山僧說時居士聽時大衆共知卽是
賓中賓居士聽時山僧說時大衆不知卽是主中主
既是主中主爲甚麼大衆不知不見道只可自怡悅

支那

石雨禪師遺集卷五

三

不堪持贈君

上堂師抖擻袈裟角曰第一義聲復抖拂子曰第一
義聲乃召大衆曰若道是有爲甚麼抖擻不出若道
是無爲甚麼天神地祇以此爲宮殿魚龍鳥獸以此
爲窟宅卽諸佛菩薩百千法門無量妙義以此建立
西天四七東土二三以此相傳乃至五家以此分列
所以有無不得謂之不是目前法非耳目之所到爲
甚麼又道意在目前莫是更有玄妙處麼到者裏大
須仔細君君臣臣父子子總出不得者個絳纈雖
然臣能退位始可朝君子若轉身方堪就父還有轉

身退位者麼衆下語不契乃下座曰牛生三個子到老自拖犁

爲息波入塔上堂聲前薦得猶如鷄過新羅句後承當已是不快漆桶恁麼道也是事從叮囑起然古人真爲生死不明克苦參究一日忽聽送喪者唱曰紅輪決定沉西去未委魂靈往那方孝子哭曰哀哀遂大悟看他如此悟去說得他是聲前麼說得他是句後麼祇如今日息波禪者畢竟在甚麼處大家道道看衆下語雜亂師曰總是野雞啼老僧只得自唱個薤露歌去也生生死死死死不生不死不死不死生

支那

石雨禪師法壇卷第五

四

而不生死而不死不生而生不死而死佛以一音演說法衆生隨類各得旨夜來猛虎咬大蟲曉起泥牛驚人海圓圖一個無縫塔暫可安身在裏許莫動着休擬議仍要大家相送你且道如何是相送一句良久曰雪點紅爐何足異踏翻波是水方奇喝一喝下座

結制上堂登山把釣石浪翻空雲餌月鈎誰能吞噉若是錦鱗吞得吐得擺尾搖頭自遭點額如何透得龍門關去且道喚甚麼作龍門關以拂子畫一畫曰還透得麼透不得山僧又扯葛藤去也昔日馮濟川

居士參龍門遠聞童子吟萬象之中獨露身遠相公背曰好聲公卽契入後參大慧亦蒙印可嘗自詠曰公事之餘喜坐禪少曾將脇到床眠雖然現出宰官相長老之名四海傳如今士大夫也有學得的也有作偈的只是不曾諦當未免操履不密如馮公預知時至公堂設座僧衣道履拜辭北闕叮嚀官吏道俗扶持佛教握杖蛻去漕使曰安撫去住自繇何不留取一頌以表罕聞公張目索筆書曰初三十一中九下七老人言盡龜哥眼赤到者裏豈是你學得來的須在萬象之中獨露身上悟得諦當方能如此祇如

支那

石雨禪師法壇卷第五

五

花瓶蠟臺香爐是萬象畢竟喚甚麼作獨露身有僧拂袖而出師曰若識結制識取解制遂下座

元旦上堂一新條令萬古洪規今旣非增昨亦何減心之與性雖是假名悟之與迷確乎有據千丈巖前進得一步看取飛龍在天九曲嶺頭倚肩踏躡致使潛龍勿用只爲諸人自暴自棄博得山僧自起自倒乃以拂子畫一畫曰若向者裏扯得平交那管若魚若龍若蝦若蟹一任天來龍來神來鬼來總要他知時識節自然慶無不宜還有麼山頭打鞦龍天喜關裏參禪佛皺眉喝一喝

師誕日上堂佛種從緣起是故說一乘春霜不露白露白兩盆傾瓶如露在懷胎特牛生子不知以何因緣而有此瑞若一向手指天地說個唯我獨尊管取世界不能安立所以他不得已只得醞釀將來要使一味中百味具足又說個一切衆生與我悉皆平等若從平等處薦得不妨雲興問難若只在唯我獨尊上着倒說出話來知甚賞罰所以曹山道莫行心處路不挂本來衣何須正恁麼切忌未生時龍門者裏蓄得個石鸚鵡終日啼風喚雨說五位說三玄說四料揀若依洞山老人道若將耳聽終難會眼處聞時

支那

石雨禪師遺教第五

六

方始知也是憐兒不覺醜龍門則不然直須父母所生耳聽取始得且道卽今說甚麼後堂曰大雪滿山寒師曰須是者個老頭子始得

圓修菴主請上堂春無三日晴春無三日雨若作佛法會半許半不許人人盡道直指人心見性成佛且道達磨指的是那個心神光見的是那個性盡謂心無形狀心無踪跡是故覓心不得便是安心切莫夢話好所以歷代祖師陞堂入室豎拂拈槌總要從頭按起只爲黃河水自源頭濁了也不見仰山問新到云向甚麼處來僧云幽州來山云汝還思彼中否僧

三常思山云所思是境能思是心彼中樓臺殿閣鳥獸人畜返思思的心還有許多般否僧云總不見有山云信位卽是人位未是且道如何是人位問取圓修菴主

上堂智者一言快馬一鞭一言不會千言萬言若有人向千言萬言處會得卽是一言的道理方可道爲人則不出出則不爲人古人云閉門打睡接上上機豎拂拈槌曲爲中下何故定要山僧搖唇鼓舌莫是諸兄弟自其中下麼所以斷拂子只得隨汝顛倒以緇爲素仍要諸兄弟隨流得妙祇如搬柴運水是流

支那

石雨禪師遺教第五

七

檐土負木是流以西嶺之有餘補東岡之不足是流棟梁橡桷湊合得來金碧交輝是流至使一切遊者翫者近者遠者知龍潭之有源山巒之有靈總喚作流且道畢竟如何是妙忽有一人出來道恁麼則達磨一宗掃地盡也且道許他卽是不許他卽是若許他則辜負已靈若不許他則埋沒諸聖到者裏直得鸚鵡峰飛鳴始得今飛鳴也還會麼一人傳虛萬人傳實喝一喝下座

衆女信請上堂過去心不可得現在心不可得未來心不可得此是佛在金剛會上說的彼時若有個漢

出來道者個是甚麼管取黃面老子忘前失後一場
敗關只因未得其人所以逗到如今山僧不惜唇皮
與他註脚一上過去心不可得昨日分明十二日未
來心不可得明日分明十四日現在心不可得春風
處處花狼藉遂舉拂子曰金陵俞道婆來也他在瑯
琊會下聞得無位真人話後因丐者唱蓮花落云不
因柳毅傳書信何緣得到洞庭湖遂大悟凡見僧至
則云兒兒一日問安首座曰甚處來安云德山婆云
德山泰乃老婆兒子安曰婆是甚人兒子婆云被上
座一問直得立地放尿你看者婆竊得些子便會興

大邪

石雨禪師法槌卷第五

八

風作浪有時在高高山頂有時在深深海底有時踞
諸佛頂領有時卧衆生脚下可謂縱奪自繇所以一
切人奈何他不得今人一味爭強爭勝動着便奪所
以常被入奈何又舉拂子曰斷拂子化為龍也吞却
乾坤也且道縱卽是奪卽是喝一喝
吳山諸居士請上堂舉獅子端禪師因見弄獅子發
明心要遂合彩爲獅子皮被之終日撒瘋撒癲或歌
或笑一日有人譏之曰村裏獅子耳卽應聲曰村裏
獅子村裏弄眉毛與眼一齊動開却口肚皮直僂佝
不愛人取奉直饒弄到帝王宮也是一場乾打閑師

曰恁麼則三世諸佛也是乾打閑歷代祖師也是乾
打閑今日齋主特特入山設齋也是乾打閑山僧特
爲陞座也是乾打閑設有人出來道者漢祇解說一
邊話且道許他不許他良久曰癡人面前不得說夢
僧問昨日卽不問如何是今日事師曰知恩者少負
恩者多進曰和尚還有爲人處也無師曰有進曰如
何是爲人處師曰也是一場乾打閑進曰恁麼則雲
在嶺頭閒不徹水流澗下太忙生師曰又恁麼去也
進香普陀請上堂還要知第一義麼拂子是樓欄做
的拄杖是藤條做的要收大家好收要用大家好用

大邪

石雨禪師法槌卷第五

九

爲甚麼說個法身充滿於沙界普現一切羣生前便
眼青眼黃且道畢竟喚甚麼作法身若見得徹真觀
清淨觀廣大智慧觀常願常瞻仰若聞得透妙音觀
世音梵音海潮音勝彼世間音請問何故善財參德
雲比丘於妙高峰頂却在別峰相見譬如如是則觀音
不在南海既不在南海在甚麼處莫在動步處麼莫
在下船處麼莫在風波險惡處麼若在諸處見得猶
是座王見解到龍門者裏一些也用不着何故不見
道明年更有新條在
剃度上堂金刀纔剪僧俗緣分袈裟未披智愚莫辨

若論最初一步說個未離兜率未出母胎只可依稀相似更要末後一句直饒目顧周行指天指地其如彷彿不同真是超佛越祖的漢揭開本地風光踢倒當陽獨露自然迥達大方如或未然枯袈裟角曰也少者個不得且道者是甚麼不見道難足峰頭風悄然還會麼四長一短割截衣持喝一喝

送雲門湛老和尚木主人徑山祖堂上堂覺浪和尚白槌竟師曰拈鏡花捉水月祖禪不了殃及兒孫吹龜毛擲兔角兒孫不了還及祖禪到者裏撮土爲香恩仇莫辨揚歌當哭慶弔難明須是披雙徑圓雙目

支那
撰述

石雨禪師法檀卷第五

十

列五峰開五位的方法能斟酌設或大人峰無大人相宴坐峰只圖晏坐那肯管鵬搏峰展翅不展翅此事且置祇如有僧問國一祖師如何是道答云山上有鯉魚海底起蓬塵且道是答他話還是別行一路還是格外提撕還是直指人心還是無義味語此等見解盡屬知解宗徒畢竟如何理會若理會得方不負我徑山法兄救時救弊一番苦心如或未然裂開片石成二位賓王何妨分不分喝一喝覺浪和尚結槌師下座

破闇法住請上堂連日雨滂沱殷勤爲甚麼不因梅

子熟爭奈爛泥何爛泥路殊難渡到者情知不動步鐘鼓交參海衆多主賓明暗無回互新豐一曲老龍吟法門骨肉方能和能和且置如何是我弁山法住不動而至道理還會麼雨過雷驚千尺浪龍門更有一重關

上堂舉那吒太子析肉還母析骨還父然後現本身運大神通爲父母說法師曰既是骨已析了肉已析了身又如何現法又如何說良久曰見麼九曲嶺頭雲去作人間雨

彌陀寺請小參度嶺登山拖泥帶水爲道爲名必有

支那
撰述

石雨禪師法檀卷第五

十二

所以若爲道道無可道若爲名名無可名無道之道道徧天下無名之名名滿十方名滿十方不動而變動徧天下無爲而成無爲而成雨落定是塔下濕不動而變天晴定是日頭出若作道理商量不妨弘教與諸人說說如彌陀經云雨天曼陀羅華其土衆生常以清旦各以衣祴盛衆妙華供養他方十萬億佛卽以食時還到本國者個本國你還道理詮証得麼直饒文殊無說維摩默然總未夢見莫是一念不生是本國麼若作恁麼見解打折你驢腰且道過在甚麼處參

任嘉興府東塔廣福寺語錄

崇禎十七年甲申十月十三日入寺

司空譚埽菴居士請上堂師至法堂曰雲水家鄉意在雲水別行一路事在檀那去此二途速道看衆無語師曰牛生三個子到老自拖犁遂陞座拈香祝聖竟師曰還鄉一曲開口成乖故舊相逢轉眼即錯到者裏會得不妨省力若更說玄說妙道個無古人解語無眼人能觀却是抱柱洗脚把纜放船的漢有什麼用處昔日善才童子於福城塔廟見文殊象王迴顧獅子嘯呻便得根本智山僧道未夢見在既是根

支那

石雨禪師法檀卷第五

十一

本智爲什麼向迴顧嘯呻邊得且道畢竟向什麼處得師乃左右迴顧曰山僧罪過不少還要識得差別智麼若識得便好與埽菴居士爲夫人薦往如或未然德雲端在妙峰頂盡向別峰深處求喝一喝下座上堂如是之法佛祖密付山僧今日爲衆顯說了也還會麼良久曰若不會則莫怪山僧塗汚你好人人盡要成佛作祖說悟說見不知汝作麼生悟作麼生見佛祖畢竟在什麼處舉座侍者問德山曰從上佛祖向什麼處去也山曰作麼作麼師曰勅點飛龍馬跛驚出頭來山休去來日山浴出廓過茶與山山無

廓背一下廓曰者老漢今始瞥地山又休去師曰者個公案古今商量者不少不知却被德山作麼兩字悞却所以逢人見鬼胡喝亂道拖了個棒到處將父母鼻孔扭捏不知廓侍者一問諸佛諸祖全身顯現須是眼清手便的人於此覷破說成佛也是說作祖也是說悟說見總是須知德山別有長處只是被侍者把得定道個勅點飛龍馬跛驚出頭來德山休去到來日撫廓背一下廓曰者老漢今始瞥地可謂頭正尾正依舊把得住山又休去會麼會得則汝今得之宜善保護

支那

石雨禪師法檀卷第五

十三

上堂山僧到東塔已來上堂數次不曾見有無求而請者山僧亦不曾有無說而應者今日衆信却以無求故請山僧以無說故應可謂財施法施等無差別若向者裏領略得去拍拍合令句句超宗便好向百花林裏一葉不沾十字街頭橫來直往便好聽塵說刹說熾然說無間歇若是向意根下卜度道施王無求而求求而無求老漢說而無說無說而說此等見解做他法師使下也不得何故不見道隔壁炒豈香我在隔壁張你也不與我我也不思量有個傍不肯的出來道既不思量張他作麼衆中還有恁麼人麼

喝一喝下座

天寧寺修昆盧閣請上堂於一毫端現寶王刹坐微塵裏轉大法輪焉舉拂子曰大眾看看寶王刹響大法輪響到者裏直得釋迦老子無暇旁通歷代祖師不遑曲暢須是個格外漢子於此識得盡虛空是個寶王刹盡三世是個大法輪無大無小無偏無圓無成無住無壞無空亦能有成有住有壞有空有偏有圓有大有小皆隨衆生根之淺深圓融行布行布圓融所以逗到天寧寺裏爲諸刹之獨尊開一郡之隆替今日會首執事特請山野於此閣中指出滲漏破

支那

石雨禪師法權卷五

十四

缺處固是好事爭奈古人有語道昨夜雨濤烹打倒蒲萄棚知事普請在的在撐的撐撐撐在到天明依舊可憐生試問既是可憐生又要撐他作麼若道莫不從此法界流究竟還歸此法界此是座王見解畢竟如何良久曰不是苦心人不知喝一喝下座上堂有一句子虛中有實有一句子實中有虛有一句子虛中有虛有一句子實中有實者四句人人本有個個不無舉拂曰斷拂子有時四句作一句說有時一句作四句說若分疎得下不妨向四後句足成五句還有麼良久曰山僧自足去也遂下座

薦侍御曹石倉上堂四大本空五蘊非有久旱甘霖俱開笑口只是不見了石倉曹護法各處叢林似乎掣肘且道他向甚麼處去也良久曰分明月在梅花上看到梅花早已遲

薦朱廣原司寇上堂持戒但束身非身何所束古人恁麼道虛聲聽杓卜甚麼作持戒甚麼作非身山僧恁麼舉拌命啐河魴大眾今日蔡石居士爲顯考三週忌臨入山在令先司寇一生護法定能世世作佛金湯奈何居士未能自信又入戒壇齋戒衆既聞戒已須信孝名爲戒何必又要山僧說禪說道以爲助

支那

石雨禪師法權卷五

十五

薦昔有一僧問曹山靈衣不挂時如何山曰曹山孝滿僧云孝滿後如何山曰曹山好顛酒天童頌云新孝滿便逢春醉步狂歌任墮巾散髮猶夷誰管係太平無事酒顛人天童恁麼頌也是因齊慶讚山僧亦有半頌新孝滿好齋僧人人鼓腹去騰騰近日醉鄉風俗惡淨土何妨且共登大眾爲甚麼去則實不去生則決定生良久曰問取曹山

香華菴請上堂現成公案不用如何撩起便行何煩側耳目前無法意在目前文殊與我携水去不是目前法非耳目之所到普賢猶未折花來香華菴啓華

歲期深知經有無量品品有無量偈偈有無量言言有無量義將此法界收入香華法界不大香華不小奈何知音者稀又要別行一路俟會滿之日啓創大悲道場特請山僧爲作證明然大悲有八萬四千樂迦羅眼復有八萬四千母陀羅臂於中或慈或威或顯或密能縱能奪能殺能活三根普利萬德全彰設有一個傍不肯的出來道大悲千手眼那個是正眼管教三賢膽喪十地魂驚何故聲不見道寒蟬抱枯木泣盡不回頭喝一喝下座

敬畏菴上堂盡言城市有山林古佛家風一徑深無

支那

石雨禪師法檀卷第五

十六

縫塔存靈骨在相携縑素共追尋尋不得兒孫脚下知端的斷橋橋斷斷還連臨濟名爲白拈賊大衆無趣老人上傳臨濟正宗下接斷橋一脈可謂徹上徹下所以臨終偈曰皮袋付與丙丁公白骨斷橋隨衆末後道得好呵呵明月清風吟弄大衆皮袋既付丙丁白骨交歸斷橋畢竟將什麼吟風將什麼弄月良久曰爲見烟霞生背面因知星月繞簷楹攝心庵上堂桑麻曲徑舊日門闌寂寞家風無人能到所以啓明法侄別開一徑若依舊向外打團團爭覓得個中心柱子不道你覓不得只是你用不得不

道你用不得只是你見不親倘見得親雪盛銀盤鷺宿蘆花有什麼難辨若是一担芝麻十斗粟落在八斗槽中要尋個出頭路也大難在不如按下雲頭二六時中仔細看畢竟是何道理說得要行得且作麼生行不見道足跡不聞尋路者櫓聲嘗聽釣漁舟喝一喝下座

小參以有塞有將空道空和尚齋僧理亦通熨斗煎茶銚不同乃召大衆曰洞法師一生說心說性談有談空可謂說得一尺今日他眷屬以耕種之餘入山齋僧特請登座可謂行得一寸此真青出於藍者矣

支那

石雨禪師法檀卷第五

十七

在東塔門下卽不然要你說卽說取行的行卽行取說的乃卓在杖曰者是行的如何是說的又卓一下曰者是說的如何是行的於此分疎得下許他覓真相見設或未然無功來受祿寢食豈能安

石雨禪師法檀卷第五

松江府華亭縣信士朱爾干捐貲貳兩
嘉興府嘉善縣信士周必成壹兩
馮遂昌周在縣各壹兩馮球五錢并

石雨禪師遺稿卷第六

嗣凜小師淨在編

任杭州皇亭山佛日淨慧禪寺語上

順治丙戌九月十五日入院

山門維摩不二門密密難通彌勒樓閣門重重難查
總不如密移一步普門開法雨共霑甘露潤

伽藍你是外護我爲內護內外無私聘新華故

祖師西天四七東土二三若人不會前三後三

大殿巍巍堂堂只是者個者個不識許多回互要不

回互別行一路且道別行那一路展開坐具大家看

支那

石雨禪師遺稿卷第六

一

切忌前瞻并後顧

入室據此室行此令若論曹洞雲門不用棒頭取證

拈拄杖曰且道者個木上座要他何用須知佛日開

山老坐斷乾坤不放行咄

上堂拈香祝 聖畢師乃就座曰日日是好日登高

也待重陽時時是好時收稻必須霜降若不登高焉

知眼界之寬廣若非收稻安得香積之充盈所以道

時節若至其理自彰祇如大眾要請山僧來應豈不

是自彰的理出寶壽送者送迎者迎豈不是自彰的

理過北新關此時賓主未分中途棲泊宿紫雲菴豈

不是自彰的理過拱辰橋至軍屯裏到松篁亭雨露

霑濡心田得潤豈不是自彰的理只爲你大眾顧盼

不及攀攬不着必待山僧登座指揮以爲入院佛事

殊不知換却諸人多少眼睛了也設若更要黃鶴峰

兩翅踰躍佛日峰輝光燦爛則山僧罪過不少不得

已引古證今說過去說未來說現在要你按圖索駿

因言會意各各週流窮源觸着磕着那裏欠少一些

那個智眼不具若是辜負已靈全仗山僧敲兩片皮

說開山本空禪師用木上座十三歲行脚震起佛日

家聲至今不墜總不如松篁亭外承清韻流水橋邊

支那

石雨禪師遺稿卷第六

二

聽好音

監院化主請上堂衲僧本無事無事非衲僧會得個

中意將來好奉行所以古今叢席得人則興失人則

廢若是其人則富之與貧橫擔而走好之與惡直負

而趨乃至任恩承怨超是越非盡是當家本色更要

橫拖布袋爲衆打街坊在山僧讚助不及中峰國師

有個托鉢句子畧爲舉似或與多出門拍手笑呵呵

或與少但得慳囊開便了或言無隨緣善巧着工夫

待得傾倉都捨與翻轉鉢盂渾不取且道渾不取教

大眾喫個甚麼到者裏百十三昧無量義門一時現

前若真是個漢如經蠱毒之鄉水也不肯沾他一滴何故聾十萬八千圓滿日歸來一一報君知

上堂舉拂子畫圓相曰大眾看看三世諸佛跳不出歷代祖師跳不出一切若聖若凡總跳不出于中有個東西不辨南北不分的漢銜取一莖草來個個供養得着又畫一圓相中書十字曰三世諸佛向甚麼處去也歷代祖師向甚麼處去也一切若聖若凡總向甚麼處去也于中有個七通八達眼目分明的漢儘辦得餽饌餽子乃至珍饈百味從教沒處殷勤所以道把住則黃金失色放行則瓦礫生光黃金失色

支那

石雨禪師法幢卷六

三

則野老謳歌瓦礫生光則野老輦蹇大眾此雖從上法式萬古規模且道黃金失色處野老何故謳歌瓦礫生光處野老何故輦蹇若分析得出不妨橫行直撞自在自由如或未然總不如橫肩布袋米個個不吐饑

爲鷲林入塔上堂僧問百骸潰散皆歸土一物長靈何處安師曰你問那個長靈進曰暗地好驚人師曰度已已竟進曰祇如死人路上有活人出身處活人路上死人無數又作麼生師豎拂曰且道者個是死是活進曰死去生來更不疑師曰拈一放一不是好

手乃舉僧問曹山靈衣不挂時如何山云曹山孝滿僧云孝滿後如何山云曹山好顛酒師曰若向好顛酒處會得鷲林覺靈往生已竟若向曹山孝滿處會得無竭孝道已成若向靈衣不挂時會得大眾助往已畢雖然若要入他無縫塔日輪午後再商量結制上堂祖師心印古佛過去久矣山僧只有斷拂一枝三十太光錢買的也解穿人鼻孔直饒你踢倒須彌踏翻海水繞四天下走一遍且問他草鞋繩斷也未所以道凡夫日用而不知凡夫若知卽是聖人聖人亦日用而不知聖人若知卽是凡夫佛日者裏

支那

石雨禪師法幢卷六

四

總要往來絕跡凡聖情忘行也赤條條坐也赤條條逗到他浴鍋裏去見得既不洗塵亦不洗體忽悟水因尚是依教修行只可博他饅頭粉湯風菱橘子若要金襴袈裟直待彌勒下生何故不見道雞足峰頭風悄然喝一喝

上堂因穢瑞白和尚像僧指問曰和尚終日上堂爲甚麼弁山和尚口挂壁上師曰恰好進曰祇如弟全歸兄一句作麼生道師曰更須歸父進曰歸後又如何師曰同時不識祖進曰謝師答話師曰還識祖麼僧禮拜歸位師曰一場懺懺乃舉拂子曰看看于此

鑒得定踏得穩那裏有干戈擾攘劍戟紛紜所以道
道人行處如風行草偃開口則天魔拱手動舌則外
道潛踪還鑒得定麼踏得穩麼不得已說個銀碗盛
雪明月藏鷺義解者喚作一色爭奈類之弗齊混則
知處又道意不在言來機亦赴祇如此是言還動得
些子麼動成窠臼還差得些子麼差落顧佇老僧如
此判斷且道與義解者有甚麼差別若識得破即喚
做一人發真歸元十方虛空悉皆消殞還知麼臘梅
花放處何待曉春回

上堂僧齋僧金博金如鏡照鏡似心合心大衆今日

文那

石雨禪師法幢卷六

五

具之履澄請山僧上堂欲令戒基堅固殊不知離金
澤跨船舷早已破戒了也過嘉興由崇德早已破戒
了也到塘棲入佛日登戒錄要羯磨早已破戒了也
何故疊你向佛求是出佛身血向法求是破轉法輪
向僧求是破和合衆俱不得戒若不向佛求不向法
求不向僧求自然如珠走盤宛轉橫斜有甚麼留礙
離金澤跨船舷也是就路還家過嘉興由崇德也是
就路還家到塘棲入佛日登戒錄要羯磨也是就路
還家雖然若是家親作祟也須識破始得須知者着
子直是觸他不得背他不得所以資鏡三昧道背觸

俱非如大火聚但形文彩即屬染污到者裏十個五
雙未免坐在潔白地上不得已又說個夜半正明天
曉不露大衆既是夜半正明爲甚麼天曉不露良久
曰爲物作則用拔諸苦

道懷禪人薦親上堂如是之法佛祖密付教家以經
首二字爲指法之辭不知所指何法到者裏一場懺
懺不意雲巖老人寶鏡三昧付囑洞山也說如是之
法佛祖密付不知早已顯說了也及乎道個汝今得
之宜善保護大似將常住物私做人情只知智動君
子不顧利動小人至今有得法保護之說不見秋來

文那

石雨禪師法幢卷六

六

葉落春至花香時節若至其理自彰祇如今日羣陰
剝盡一陽上升君子道長小人道消焉有亾靈不能
超脫則知今日道懷設齋薦親也是將常住物私做
人情山僧應請也是將常住物私做人情大衆濟濟
共臨法會也是將常住物私做人情如何得至公無
私去不見道銀碗盛雪明月藏鷺

上堂舉拂召衆曰會麼此是波羅提木又盧舍那佛
已如是結千花上佛亦如是結千百億釋迦亦如是
結此方教主亦如是結今日山僧亦如是結山僧且
不是老胡羣隊他只會好肉挖瘡山僧要瘡挖好肉

如何是好肉只在膿滴滴處如何是膿滴滴處過去佛已說未來佛當說現在佛今說且道說個甚麼過去菩薩已學未來菩薩當學現在菩薩今學且道學個甚麼噯有條攀條無條攀例

上堂召大眾曰還知萬方多難麼爲甚麼法地不動且問諸人噯甚麼作法地莫是清淨伽藍草木叢林是法地麼此是凡夫庸見不勞拈出莫是沉空滯寂凝神斂念是法地麼此是小乘邪見不勞拈出莫是攪長河爲酥酪變大地作黃金是法地麼此是如來禪不勞拈出莫是泥牛吼月木馬嘶風是法地麼此

文那

石雨禪師法檀卷六

七

是祖師禪不勞拈出噯麼則居士設齋禪和應供是法地了也似則似是則不是何故你若求福福在東海你若求壽壽在南山縱饒中間踏得着立得穩更須知有佛日一關在所以道句中別有得意中別有句意句不相知方有汗臭氣不見初祖西來武帝問朕布施度僧有何功德祖曰實無功德可謂誓中明珠兩手分付爭奈武帝承當不下更問何以無功德祖曰此但人天小果有漏之因如影隨形雖有非實可謂龍頭蛇尾武帝也解用軟尖刀法緩緩問曰如何是真功德祖曰淨智妙圓體自空寂如是功德

不以世求可謂轉見不堪武帝當時若有敲猪狗的手脚道個原來只是者般見解將初祖貶向法海邊外焉得有今日事居士前到寶壽問個無任相布施話又向佛日設齋且道如何是無任的意還會麼良久曰山僧借花供佛去也若以色見我以音聲求我是人行邪道不能見如來

元旦上堂山僧新拄杖是本空老人故物本空木上座是山僧新用到者裏金刀剪不開金針縫不合日往月來初無實跡新之與舊悉是假名若有一個干戈不動自然坐致太平還有麼有則和神養素無則

文那

石雨禪師法檀卷六

八

慶無不宜珍重

葛去澆居士爲顯考毗瞻先生請對靈陞座江山有隆替日月示往來不有斯文主誰將慧眼開毗瞻翁毗瞻翁性既不生不滅身能全始全終爲佛法之金湯也感縑流之已識而未識而共山僧而助悼續孔門之慧命也使後學之已及門未及門同孝子而追踪至于處浙而不居人闕而不出此翁之末後風光也且問卽今安身立命畢竟在甚麼處良久曰大眾還聞麼若不聞山僧代爲下個註脚南浦綠波靜西湖煙雨寒珍重

攝心菴上堂領衆托鉢鉢孟口潤一任將來有口無
舌無舌人語最真木人撫掌石女嘔呻十字街頭關
門閉戶三家村裏絕跡無人逗到攝心菴裏來鳴鐘
撞鼓設席肆筵要山僧陞座且道是何心行他要問
我父母兄弟一門出家今日同衆居士圍繞法座豈
不是人是則是不見明明百草頭明明祖師意咄向
甚麼處去也雪消溪水活又見一年春

解制上堂夜半金烏突出難辨日中玉兔覲面猶迷
齊彭殤一生死儒家之妙唱卽生滅非生滅釋氏之
玄提露柱懷胎特牛生子且道作何詮註不得已說

支那

石雨禪師法權

九

個格外提撕便有結制解制開堂陞座說參說悟諸
事還有知非的麼若肯知非一期所修所證所得所
悟纖毫吐不盡俱成禍患所以僧問趙州初生孩子
還具六識也無州曰急水上打毬子又問投子急水
上打毬子意旨如何子曰念念不停留可謂漏泄家
風矣諸仁者各各既有如是威光爲甚麼被山僧拂
子穿却左不能左右不能右還有脫得的麼莫將送
客風翻爲留客雨珍重

上堂南天台北五臺朝隨雲出岫暮踏月明回所以
佛日山門八字打開也不管你法爾如然也不管你

神通妙用一任往往來來只是一宿一供雖是淡飯
黃齏也要和風相送祇如昔日文喜問文殊此間如
何任持文殊曰前三三與後三三且道畢竟是
若道得携五臺山向佛日寺裏來若道不得携佛日
寺向五臺山裏去還有麼良久曰山僧代道去也昔
日文殊曾看母倒跨金毛獅子來喝一喝

上堂卓拄杖曰天高地厚又卓曰日左月右無不照
臨無不載覆今之古之法法何咎爲甚麼黃鶴峰與
仙姑洞商量將一切狐狼野干驅逐在法海邊外使
水鳥樹林同聲念無量壽雖則因齋慶讚爭奈三日

支那

石雨禪師法權

十

口臭何故南泉祖師云三世諸佛不知有薰奴白牯
却知有且道知有個甚麼明年五十一去年四十九
爲甚麼今年不道師忽展手曰我手何似佛手復卓
拄杖曰還會麼不見道父母所生口

上堂召大眾曰現成公案放汝三十棒汝還甘麼若
不甘則如蟲禦木偶爾成文若不甘則明珠在淵如何
撈獲黃帝遊于赤水因罔象而得之一人傳虛萬人
傳實開山本空禪師爲問一龍爭珠而失之一人傳
實萬人傳虛到者裏虛之與實隱之與現如何分析
今日山僧以禪說戒因戒說禪且道是虛耶實耶隱

耶現耶若謂是虛爲甚麼道白月則現若謂是實爲甚麼道黑月即隱若謂是隱爲甚麼道胡來胡現漢來漢現若謂是現爲甚麼道胡漢不來全無伎倆于此分疎得下不唯扶起本空抑且捺倒老漢如或未然說個戒如明月珠亦如淨滿月屈

上堂道道嶺外猿啼簷前雀噪不道不道到即不點點即到以拂一拂曰釋迦老子來也汝諸人爲甚麼眉間白毫大光普照汝還見菩薩處林放光濟地獄苦令入佛道麼汝還見佛子未嘗睡眠經行林中勤求佛道麼汝還見受具足戒威儀無缺淨如寶珠

支那

石雨禪師法幢卷六

十一

以求佛道麼若見則白日青天飛星閃電若不見則夜光投人鮮不按劍今日日新居士爲父母求薦爲生母求福又爲自己求進道無魔要山僧作個證明山僧念過一遍法華經了也還當得證明麼若當不得再勞大眾爲渠向父母未生前道一句看祇如香嚴不會父母未生前一句直至擊竹纔悟說個一擊忘所知更不假修持且道他還會也未莫被他瞞好還有不受瞞者麼良久曰春夢未醒先入夏普柳相送採茶歌

硤石惠力寺上堂舉世尊一日初阿難食時將至汝

當入城持鉢阿難應諾世尊曰汝既持鉢須依過去七佛儀式阿難便問如何是七佛儀式世尊召阿難難應諾世尊曰托鉢去山僧則不然有問如何是七佛儀式向他道待鉢滿歸來向汝道不知與世尊是同是別良久曰兩山相硤千年寺流水中分萬姓家珍重

上堂師舉拂子曰觀音菩薩來也應以比丘身得度者即現比丘身而爲說法昨日事已過去了應以居士得度者即現居士身而爲說法今日重新又起頭到者裏觀音禮大士大士禮觀音求人不如求已求

支那

石雨禪師法幢卷六

十二

已不如求人直得刀割不斷剪剪不開山僧但可旁通大眾只堪曲暢昔日曹山問德上座曰佛真法身猶若虛空應物現形如水中月作麼生說個應的道理德曰如驢覷井山曰道則太煞道只道得八成德曰和尚又如何山曰如井覷驢曹山只知入海救人

不顧通身泥水祇如山僧今日應齋一句又如何道良久曰能知六月炎天雪定識三冬枯木花

錢聖月居士請陞座隱顯殊途存心各異常人之情見彭殤一致生死齊觀智者之心期若經道眼猶是隔靴搔癢隔羅見月得入維摩不二法門直得覓他

病處不得生處不得死處不得到者裏說個那侯安人全體獨露已是不堪何況更修追悼雖然公于唯識宗旨生死以之夢寐以之已知山河大地明暗色空都是識體山僧有一問既知都是識體爲甚麼道生滅與不生滅和合非一非異名阿賴耶識能于百尺竿頭更進此步則虛空粉碎何須顧大地平沉不用疑珍重

德藏寺爲修殿請上堂大功無功因真果的大德不德形端影直慣聽沒絃琴聞吹無孔笛三十餘年思故鄉及至故鄉人不識人不識打動鄉談俱點額還

支那

石雨禪師遺卷第六

十三

知鄉談麼揭諦揭諦波羅揭諦波羅僧揭諦菩提薩婆訶此個鄉談從威音王佛傳至如今不論男女僧俗富貴貧賤俱能傳誦于中智不能知識不能識所以達磨特特西來要傳此法門梁武帝問曰朕造殿修佛有何功德磨曰並無功德又問如何是聖諦第一義磨曰廓然無聖帝曰對朕者誰磨曰不識卽此不識直接上根其奈小根下劣聞此無功德無聖不識便撥無因果才有施爲叱爲有漏善因盡是人天小果一文不捨專事空言殊不知此無漏善因全在施爲動作處能以無漏心修無漏殿無漏心裝無漏

佛無漏心植無漏因無漏心得無漏果便見人人各有一所殿堂只因中間佛不靈聖勞他善衆領首敲梆打鈴祇要喚得你靈便見人人各有一段因果只是中間稍有差悞故勞他諸佛說個因該果海果徹因源還知麼大家出隻手扶起不須疑珍重

西林寺上堂昨日不着便今朝更莫疑鉢盂安個柄也要大家知說佛說祖是鉢盂安柄說菩提說涅槃是鉢盂安柄說向上說向下說佛未出世說威音已前總是鉢盂安柄所以三藏十二部一切修多羅盡謂之附贅懸瘤雖然一人所在也要到半人所在也

支那

石雨禪師遺卷第六

十四

要到要識一人所在麼直得三世諸佛口挂壁上要識半人所在麼諸佛諸祖傳法利生所以此事不當容易歷代祖師上堂說法只要你會取一人所在亦因你人人有分所以云百姓日用而不知百姓若知卽是聖人聖人亦日用而不知聖人若知卽是凡夫又云知之一字衆妙之門知之一字衆禍之門更能于此開看合看左看右看忽然一日會去有甚麼難昔有婆子送錢與趙州轉藏州遶禪床一匝婆云我要轉全藏爲甚麼只轉得半藏此可作一人半人所在一大註脚又舉拂曰會麼西林更有西林寺且把

西林作樣看

上堂春無三日晴春無三日雨雨既不足憂晴復何須喜憂喜既無永絕生死既超壽之與夭老之與少何彼何此爲甚麼僧問趙州年多少州曰蘇州有又僧問壽山年多少山曰與虛空齊年若有問佛日年多少答他道五十五中有一句與佛祖爲師有一句與人天爲師有一句自救不了簡點簡點看薦亡上堂昨日齋祖師既已書符呪水今日薦亡僧一任煉紙燒錢若問祖師來不來亡僧度不度山僧終不爲伊指東話西轉生作熟何故東塔有個澄

支那

石雨禪師法幢卷第六

十五

泉老衲自少親近我慈舟師翁稍見一班便隱迎陽至雲門先師繼王東塔又以師禮事之及山僧復繼主席亦以師禮相待不異法門骨肉觀其訓徒有禮治家有法有事不避無事不求至于垂老示病善終可謂深得應門大體者矣奈何有時隱隱呵欬作聲爲孝孫者欲爲薦往唯恐不順孝道不爲薦往又恐不順孝道要山僧爲伊下一轉語山僧口門窄特請大衆下一語看還有麼海爲龍世界天是鶴家鄉清明上堂石頭祖師道謹白參玄人光陰莫虛度且道卽今是什麼時光莫只聽東隣子哭父西舍母哭

兒家家踏青草處處紙錢標還算得不虛度麼山僧幼時記得一頌曰清明時節雨紛紛路上行人欲斷魂借問酒家何處有牧童遙指杏花村噫好個消息三千里外切忌錯舉

紫雲菴小參燕語鶯啼非耳之所能聽花紅柳綠非眼之所能觀於此會得步步有出身之路不妨拈一莖草作丈六金身用拈丈六金身作一莖草用昔然燈佛與衆同遊忽指地云此處宜建一梵刹中有賢於長者拈一莖草插向指處曰建梵刹竟諸天散花讚善今有一等癡人見得如此省方便云何必用許

支那

石雨禪師法幢卷第六

十六

多棟染椽柱金碧交輝方成梵刹殊不知許多莊嚴能向一莖艸上脫出模子來便成佛事若不向此一莖草上脫出盡屬世諦流布如長修居士以來紫雲供佛深體給孤長者之心立願永爲一方福地又於今日結餘生社山僧因各之曰紫雲菴取牛頭紫雲如蓋有異人故事且問衆中誰是異人若道總不是爭奈大家在此蓋覆下若道總是山僧有個驗處遂高聲曰速道看雖然舊閣閒田地一度歲來方始休梅溪菴上堂古今天地古今日月古今人事有條攀條無條攀例祇如蟠桃花三千年一開三千年一結

猶可攀攬若是優曇鉢花時乃一現且道向何處湊泊有一等義解者流便道時之義大矣哉時不可失時然後言時節若至其理自彰今日陸府張氏恭人八十壽日請山僧慶讚以世法論之可謂多壽更能于無量壽佛念取一句細看此一句佛前念非古後念非今忽然前後際斷彌陀古佛面目全露昔有僧問趙州年多少州曰蘇州有還攀攬得麼還湊泊得麼還義解得麼不獨山僧難為轉款即三世諸佛歷代祖師直得口挂壁上何故聲明朝持鉢去又過一村莊喝一喝下座

支那

石雨禪師遺集卷第六

十七

王伺璧居士請陸座生如寄寄跡猶存死如歸歸踪何處到者裏一人發真歸元一人虛空悉皆消殞十人發真歸元十人虛空悉皆消殞千萬人發真歸元千萬人虛空悉皆消殞若不消殞便有陰陽相隔存歿相違若孝子能于違隔交感之際覺得音容如在便知今日怡庭公的落處怡庭公有靈亦知今日孝子落處豈不子從父生父因子存所謂金刀剪不開即此義也昔有送喪者歌郎振鈴云紅輪決定沉西去未審魂靈在那方孝子哭云哀哀旁有禪者聞之大悟且道悟個甚麼□□無住跡西土莫留神珍重

清河菴上堂以拂子打圓相曰會麼領眾托鉢鉢孟口潤若欲說法有口無舌無舌人語最親只要時人聽得真聽得真清河菴是女叢林大眾從來說大道不分男女相為甚麼分男女會得者個儻分明不會者未免世諦流布昔日舍利弗問月上女曰汝何不轉此女人相女曰我曠劫來覓女人相了不可得不知當何所轉若真到覓女人相不得不妨穿衣不見有穿衣相喫飯不見有喫飯相迎賓不見有迎賓相待客不見有待客相如此可稱獨脫丈夫遊行無礙今日寶臺菴主為自己誕辰要山僧與他證據知

支那

石雨禪師遺集卷第六

十八

非之日還知非麼若知得則無少無壯無老無病無生無死方不負此一場熱鬧山僧恁麼告報可謂棒打石人頭曝曝論實事又舉拂曰會麼徧界稻禾香菱荷香更甚擲拂下座

龍門上堂師拈疏曰即此物非他物會得者言滿天下全無口過不會者佛祖家風一時漏洩不漏洩有煩維那善為宣說遂登座宣疏曰槌竟乃舉乾峰曰舉一不得舉二放過一着落在第二龍門則不然舉二不得舉一放過二着落在第一且道與乾峰相去多少良久曰多少且置祇如山僧未到者裏與人說

青道黃說玄說妙說修說證說消災說獲福說薦昇說超度乃至說戒說定說慧既到者裏爲什麼口掛壁上且道者裏是甚麼所在鸚鵡峰爲汝道了也向汝道甚麼莫爲汝轉根本法輪根本法輪是有耶有惟汝自有根本法輪是無耶無惟汝自無與鸚鵡峰有甚交涉所以東坡居士說個溪聲是廣長舌山色是清淨身後有箇點道溪若是聲山是色無聲無色好愁人且甚麼處是無聲無色處莫是鬼窟裏作活計是麼莫是靜悄悄處是麼太遠在莫卽于色上見取個無色的聲上聞取個無聲的麼且無色的又

支那史記 石雨禪師法權卷第六 九

作麼生見無聲的又作麼生聞乃舉拂子曰喚什麼作見又敲拂子曰喚什麼作聞到者裏信得及豈不灑落豈不鮮脫所以道一入信門便登祖位既登祖位說青說黃也得說修說證也得說玄說妙也得說消災獲福也得說薦昇超度也得說戒說定說慧也得乃張口曰你看老僧舌頭在麼喝一喝下座浴佛日徐長修居士請上堂戒生定定生慧顆顆明珠海神不貴慧生定定生戒處處玲瓏實無縫罅到者裏詮註不得比量不得只得舉起個泥牛吼月木馬嘶風慚愧時流却向者裏說是格外之談說是向

上一着說玄說與殊不知本來面目塗污了也更追思黃面老子降王宮出母胎周行目顧手指天地學他天上天下唯我獨尊之旨盡是依草附木的精靈有什麼自繇分若是自繇的終日孤迥迥活潑潑觸着便消殞着便碎直是停機佇想不得所以爲山向仰山道寂子速道莫入陰界比如現前有人語話一般如何分別得他在陰界不在陰界所以自爲則易爲人則難難易且置今日徐長修居士因設戒壇中要山僧舉揚個事諸戒子又要山僧卽在曲木上布施戒到者裏類之弗齊混則知處試問如何有擺

支那史記 石雨禪師法權卷第六 二十

還有有擺得的麼波羅提木叉相貌應當學敬謹奉持

石雨禪師法權卷第六 終

嘉興府東塔雨花蘭若
弟子淨介施贊五兩

石雨禪師澹檀卷第七

嗣瀟小師淨在編

住杭州佛日淨慧禪寺語下

結制上堂僧問開選佛場續諸佛之慧命登寶華座振洞上之玄風還有不涉化門一句也無師曰有進曰如何是有的道理師曰臯亭石鼓婆娑响僧打一圓相以坐具作呈勢師曰放汝三十棒乃曰選佛場開只要個心空及第的人既是其人便能善通個消息若一機一境問答語言轉身拂袖以爲能事教山僧何處與汝分個優劣你又何處會得舌根談而不

支那

石雨禪師澹檀卷第七

一

談的道理若會得終日穿衣不曾挂着一絲終日喫飯不曾嚼着粒米稍不如是一入門來便死在佛日語下要見佛日重輝也大難在還要見佛日重輝麼倒騎黃鶴峰何須問彌勒珍重

上堂師舉拂子曰看看有心所作難成無作隨緣易就到者裏迷之與悟聖之與凡直是刀剪不開所以二僧一齊捲簾便道一得一失二僧同時下喝便道賓王歷然二僧共入法堂便道一迷一悟近日宗師家要具如是眼目豈能容易山僧忝王此席只解喫飯時知得茶味嘗苦時識得甜味嘗辛時却知酸味

便要與古人抗衡自知慚愧今日巷主以設浴入山請揚般若貴期徹悟發丈夫心立丈夫志要與天下比丘尼出口氣美則美矣若要種秧須看上帶如昔空室道人因看法界觀有省後在保寧設浴揭榜曰一物也無洗個甚麼纖塵若有起自何來道取一句子玄方可大家入浴又曰盡謂水能洗垢焉知水亦是塵直饒水垢頓除到此亦須洗却大眾且道水垢既除洗個甚麼於此會得悟迷有甚麼難辨凡聖有甚麼難分雖然佛日者裏更有事在且道是甚麼事若到諸方切忌錯舉

支那

石雨禪師澹檀卷第七

二

上堂僧問人人氣宇如王爲甚麼觸着便生空礙師曰還見方纔孩子麼進曰也是某甲爲衆竭力師曰哆哆唧唧說個甚麼進曰從教大家自在去也師曰一任踴跳問坐斷十方猶點額密移一步看飛龍如何是密移的事師默然僧禮拜曰謝師指示師曰飛龍響僧便喝師曰灼然不見乃曰寒風落葉格外銼鏗夜雨空堦個中爐鞴於此會得纔發心來所求皆遂如或未然不免引古證今蘇子由參佛印曰龜沙供佛佛喜受怪石供僧僧不嫌空手遠來還要麼更無一物可增添佛印曰空手呈來放下難三賢十聖

聚頭看此般供養能歡享木馬泥牛亦喜歡子由可謂抱賊叫屈佛印也是將錯就錯總不如今日施王設齋供衆一飽能忘百饑老實求福要福求壽要壽求般若要般若且道般若還求得麼者裏也須子細不見龐公道難難十石油麻樹上攤龐婆道易易百草頭上祖師意靈照道也不難也不易饑來喫飯困來睡且問還依那個卽是若是總依般若豈有三路若只依一路爭奈公案不圓若總不依則莽莽蕩蕩畢竟如何還聽見方纔孩子聲麼不見道如世嬰兒五相完具

支那 石雨禪師法檀卷第七

三

上堂師召大眾曰今日水月菴主爲求于戈寢息天下太平要山僧陞座與他道取一句山僧住持事繁仰勞大眾代客一句看衆下語不契遂下座曰牛生三個子到老自拖犁雲萍師請上堂僧問雲師人山爲是因尋故舊爲復就裏呈機師曰一人傳虛萬人傳實進曰賓主相見所談何事師曰忙者不會會者不忙進曰不落宮商曲陽春和者稀師曰我只會唱個打草竿進曰相逢謾道空歸去洞口桃花也笑然師曰看取露柱偈拂坐具歸衆師曰錯問師子遊行不求伴侶忽遇道伴

交肩一句請師道師曰我者裏不道進曰爲甚麼不道師曰不見有道伴進曰一種沒絃琴惟師彈得妙師曰放汝三十棒乃曰天無私不蓋地無私不裁人無私不和且道王山案山今日商量個甚麼于此會得客聽主裁不會則主隨客便我雲萍兄自先師遷化住個菩提山子不涉世緣一任松參霄漢竹連柴扉可謂得計何故又損口腹之餘齋我數百間漢且道是何心行若要舉揚先師宗旨爭奈先師無宗旨遂舉拂曰既無宗旨且道者個又從何處得來若分疎得下大家相聚喫莖蓋爲甚麼喚作一莖蓋入地

支那 石雨禪師法檀卷第七

四

獄如箭射參

紫雲菴開光上堂師舉拂指曰看看六鑿未分全體虛玄一爻纔動妙用無際到者裏合不爲一分不爲二乃可觀天文察地理知休咎識生死雖然若要施五彩列五眼全仗此一毫頭上放光動地始知肉眼則礙天眼則通法眼觀俗慧眼觀空且道佛眼要他作甚麼雖然無用也要伊燈燈相續代代相承祇如西天四七束土二三直至於今光徧大千爲甚麼又借兒孫得力方見雙眼圓明畢竟不是從此法界流還歸此法界麼此猶是教意若能易短爲長轉應作

細變大地作黃金攪長河爲酥酪猶是以幻修幻且道更有向上事麼鴨欄兜裏木仍舊是梅檀相鯁生求嗣請上堂夜天月冷白兔懷胎曉洞雲腥神龍孕子世出世間何彼何此一入信門沿流不止所以道信爲道元功德母長養一切諸善根祇如相居士爲世間法求子爲出世法求道是他信心切處麼逢干戈而不侵遇禍患而不侵是他信心切處麼發心至此途路迢迢盜賊無干虎狼不懼是他信心切處麼似則似是則未是何故將雲間移向皐亭山皐亭不知你還知麼若知得真是信心切處將皐

卷第七

石雨禪師法幢

五

亭山移向雲間雲間不覺你還覺麼若覺得真是信心切處且道掬水月在手弄花香滿衣又是甚麼道理良久曰參取去

啓建保安道場小參師召曰大衆衆俱迴顧師曰者裏非哀樂所及非禍福所到亦名凡聖同居處亦名方便有餘處若覷不破立不穩踏不着便有山河大地明暗色空遮汝眼睛聲色貨利役汝心慮以至生死輪迴無有了期若覷得破立得穩踏得着那裏有山河大地明暗色空遮得你那裏有生死輪迴得你那裏有聲色貨利役得你卽今萬方多難也有趨吉

避凶者也有趨凶避吉者若是有智主人二俱不受今日一方善信建此道場畢竟有何功德昔日達磨老胡說個功德實無爭奈蕭帝不肯全身擔荷致使淒淒渡江九年面壁若肯向無功德處擔荷將來骨取一色一花一香一味一頂禮一合掌一低頭語言談笑咳嗽掉臂盡入此無遮法會無非解脫道場且道無功德處畢竟如何擔荷良久曰目前景物人皆見取用誰知各不同喝一喝遂下座薦亡上堂昨夜西風蕭瑟曉起日光失色不作佛法商量管取度亡事畢大衆爲甚麼不許作佛法商量

卷第七

石雨禪師法幢

六

祇如道佛身充滿於法界爲甚麼天地懸殊普現一切羣生前爲甚麼陰陽相隔隨緣赴感靡不周爲甚麼生死離別而恒處此菩提座爲甚麼日上下月會得者四個爲甚麼死人頭邊有活鬼若不會活人頭邊有死漢珍重

誦藥師經小參僧心月現容意泉清賓王相逢合談何事到者裏轉得身吐得氣不須更造續命幡燈修諸福德自然人有無量壽壽有無量福福有無量樂如或未然然燈造幡放生修福一些也少欠不得倘能依教奉行易短壽爲長年轉愚癡爲智慧有甚麼

難處且道因齋慶讚一句又如何委悉良久曰藥音樹下傳消息看取琉璃過界光

遠思曹司理爲太夫人慶壽請上堂心心念念念念無壽相有定限大衆既無住相爲甚却有定限若能齊起金剛威逢山把柁遇水乘車踏斷溪橋踢倒山門掀翻法座喝散大衆始見蓮華峰現瑞黃鶴峰呈祥看取蟠桃一會儼然猶在若論佛日家風直須扶起法座喚回大衆整理山門接起溪橋依舊陸行車馬水渡舟航穩到家庭抱子弄孫呼奴使婢看取靈山一會儼然未散如或不然下壽六十歲中壽八十

歲上壽一百歲忽有個長老出來道今日遠思曹司

理護法爲太夫人壽誕請師上堂爲甚麼說佛說仙

說人到者裏山僧妙語只可旁通大衆玄言祇堪曲

暢且道如何是通暢一句良久曰放心雜話信施難消

養虛堂主請上堂僧問個中若了全無事體用何妨分不分如何是體師曰佛幾東南缺一角進曰如何是用師曰脚跟下進曰如何是體中用師曰香爐缺兩耳進曰如何是用中體師曰拂子頭邊無限春師舉拂召衆曰今日拂子拖累諸人去也還有轉得身

吐得氣的麼你若向拂子頭弄機鋒呈轉語如日中逃影相似走愈速而影愈隨矣不是拂子有如是威光有如是能事只是大衆尋常日用爲物所轉無能自由所以拈出拂子見着便粘住若於此脫得自然於物物頭頭上不作冤親見不作逆順見不作爾我見便是獨脫丈夫山僧如此說話也是入水拖人自救不了何故今日堂主又要山僧爲他薦公祇如薦亡一事或看經可以仗經力或持咒可以仗咒力或齋僧可以仗僧力乃至修橋砌路等福可以仗福力以拂子擊座曰到者個曲彖床上又無情緒又無道

玄珠關主請上堂僧問透關的人來如何接待師曰

不接待進曰爲甚麼不接待師曰只爲他透關的人

進曰若然則禮拜和尚去也師曰錯錯問玄珠護干

赤水爲甚麼又要求出師曰你者問何處得來進曰舉起撈籠無踪放下普天匝地師曰忽然泥沙混時如何進曰有求皆應師曰不是不是乃曰十方同聚會個個學無爲既是無爲又如何學此是選佛場心

空及第歸且道歸向甚麼處去大眾相集未久只因題目未見所以只將個窓下擬的燈下讀的到者裏十個有五雙不濟你看或菴參此菴舉到此是選佛場此菴便震威一喝或菴大悟作偈曰商量極處見題目途路窮透入試場拈起毫端風雨快者回不作揆花郎你道他見的是甚麼題目入的是甚麼試場拈起毫端做的是甚麼文字爲甚只說不作揆花郎今時流輩便作狀元郎去也所以是者等人下者等鉗錘便承當得去你看他不等到心空及第歸便一喝喝住若是初修後學話也被人喝住了還要念盡

支那

石雨禪師法檀卷第七

九

方歇是此等人如何下得驅耕奪食的手腳適纔僧問玄珠赤水雖也恰好待山僧道忽然泥沙混時如何便見不堪又焉能消得出關齋供忽被索取飯錢畢竟將何抵對榔拂子曰參彌陀誕日爲剃度上堂山頭昨夜剪新芽體露金風正寂寥更問出家求解脫我王庫內無此刀大眾既無此刀將何作個剃度佛事到者裏說個無量壽佛是今日生且道既稱無量壽爲甚麼說今日生既是今日生爲甚麼說無量壽於此分疎得去佛事已竟如或未然更要說個身口意清淨是名佛出世身口

意不清淨是名佛滅度此等盡是不了義語所以今人更要覓個身口意清淨的境界祇如三羯磨三皈依是清淨境界麼錯錯求懺悔發弘願是清淨境界麼錯搭衣剃度受持戒法是清淨境界麼錯會得者三錯不妨將錯就錯忽有人問豈非大錯你又如何答他良久曰有漏箭萬無漏木杓冬至上堂銅牆鐵壁撞頭磕額密移一步通個消息若待舉頭天外看飛龍直使駿馬良駒追踪不及噫好消息汝等比丘比丘尼優婆塞優婆夷只知嚴淨毘尼高登戒律那裏曉得昨夜子時初刻灰飛六律

支那

石雨禪師法檀卷第七

十

山僧只得整備個無底壺沒孔笛要你大家和取太音一曲管取玄酒一滴呵呵且道太音是甚麼曲玄酒是甚麼味若道玄酒淡味太音稀聲都似揚聲止響何處有衲僧氣息如何是衲僧氣息不見道光陰莫虛擲僧問一陽已動五位纔分如何是不遷義師以拄杖束觸西觸進曰不遷意旨衆師指出格一句如何道師曰拄杖無頭進曰推出五位通前徑裂破三關世界寧師曰爲甚麼並進曰石虎嘯峰前去也師下座上堂昨夜纔添一線長今朝便擬編鴛鴦金針欲度

誰能度屋後臘梅空自香大眾你道金針是有耶爲甚麼不度與人道是無耶爲將甚麼繡於此諦當得卽是菩提涅槃卽是諸佛真體卽是親得戒法卽是大解脫場便好說道三羯磨時早已破戒了也便好說淫怒癡卽是戒定慧雖然於如來禪始得若是曹洞門下直須橫抽寶劍斬諸見之稠林妙叶弘通絕萬端之穿鑿不知誰是其人良久曰還會冬至起頭九麼一九二九相喚不出手喝一喝薦上上堂鐘中無鼓響鼓中無鐘聲鐘鼓不交參句句無前後此等說話古人做到細膩處方能如是論

支那

石雨禪師法檀卷第七

十一

量若是初修晚學聽得鐘鼓一齊震動便覺分疎不下雖然便恁麼去卽是在天而天在人而人在六道而六道在輪迴而輪迴更須知在天非天在人非人在六道非六道在輪迴非輪迴方稱了事人今日石微禪者爲薦母設齋請山僧上堂要許多清淨僧衆爲汝超度汝還知母落處麼若知得度母已竟如目連尊者爲尋母落處卻在地獄裏相見放聲大哭求脫無由乃於七月十五日設盂蘭盆會求仗清衆僅得生天殊不知母親不在地獄不在天上亦不在人間且道在甚麼處若知得落處則應時超脫矣又豈

止生天而已哉大眾各各所生父母今在何處乃至過去父母復在何處試說看一僧出衆頂坐具曰某甲供養父母去也師曰不孝之子一僧問那吒太子析骨還父析肉還母將甚麼說法師曰冬不寒臘後看

上堂應以比丘身得度者卽現比丘身而爲說法應以比丘尼身得度者卽現比丘尼身而爲說法正當比丘說法時衆中無有一比丘尼者正當比丘尼說法時衆中無有一比丘者還會麼若道默時說說時默無法可說是真說法此等見解只可做得座主使

支那

石雨禪師法檀卷第七

十二

下我者木上座自從開山本空祖師傳到如今他不甚肯放人過今日要與大眾論量諸大德既是默時說者木上座卽今現在說法但不知所說何法華嚴耶阿含耶方等耶般若耶法華涅槃耶試說看衆下語師俱曰是不是維那結椎曰諦觀法王法法王法如是遂下座

爲判度上堂胡三黑四張七李八治世語言皆順正法佛日者裏也無心傳也無妙法只要機教相投有問有答若不在問處莫怪我松篁橋滑舉丹霞剗草因緣師曰你看他有甚禪道佛法麼有甚奇言妙

句麼也只是是一個觀機逗教一個依教奉行若差些子則不順正法若不順正法則一戒應當學敬心奉持

化王薦親請上堂智者一言快馬一鞭便恁麼去猶涉聯纖卓拄杖曰松篁橋水逆流了也既不見地復不見天又何處見有人物龍仙又卓拄杖曰松篁橋水順流了也一任你蓬頭赤腳願募個十萬八千要將惡因緣勸作好因緣又要山僧將他三爹八母從九地之下超歸九天喝一喝曰消得龍王多少風平湖衆居士請上堂塵說刹說熾然說無間說釋迦

支那

石雨禪師法檀卷七

十三

老子恁麼告報大似卿自用卿法塵聽利聽熾然聽無間聽山僧恁麼舉揚也是吾自愛吾廬若要主賓互換父子叶和且看今日化王與施王同參若施者受者一齊說且道聽者是誰若受者施者一齊聽且道說者是誰呵呵還見月下孤舟漁子笛麼自家吹與自家聽

臘八道懷禪人薦親友請上堂舉一不得舉二放過一着落在第二古人恁麼舉揚大似開眼說夢今日說個孝名爲戒亦名制止孝順至道之法山僧亦是開眼說夢道懷禪人爲薦親友要山僧善入遊夢三

昧還見昨夜明星獨露麼致使好夢難成有個公案爲汝拈出昔日十地菩薩夢見衆生身墮大河欲救渡過忽然猛省且道省後如何若道夢裏明明有六趣覺後空空無大千你看者千二百五十人俱是個甚麼良久曰一百應當學敬謹受持

衆戒子請上堂恁麼也不得不恁麼也不得恁麼不恁麼總不得過去事已過去了恁麼也得不得恁麼也得恁麼不恁麼總得未來何必預思量無可得時與麼得與麼得時無可得即今即道即今句臘梅花裏水仙香大眾且道臘梅花裏爲甚麼却是水仙香古

支那

石雨禪師法檀卷七

十四

人道持戒但束身非身何所束大似不曾聞菩薩戒在何故比丘束身不犯菩薩束心不犯設有個人出來道持戒但束心非心何所束又作麼生抵待他良久曰途中善爲

除夕火頭請小參小盡大盡同歸於盡小年大年等是一年若是知時識節的漢自然古今慮絕新舊情消更須跟脚堅牢田地穩密不妨輟雪峰木球打普化觔斗吹無孔笛善解收腔彈沒絃琴偏能易調倘不如是便去念貧米無春笑富粉轉磨盡虎衛凶桃符捉鬼直饒唱到普天樂步步高總屬世諦流布是

非留於心憎愛存於念胸中如沸湯相似何時有休歇處更有一等畧肯回頭只解揚湯止沸又誰知有竈裏抽薪的方便還要竈裏抽薪麼問取火頭看元旦上堂一輪始曜萬物維新信手拈香普天共慶低頭作禮匝地同歡榮耳目之觀情知雲月是同崇玩弄之好須信溪山各異且道今日吉祥方在甚麼處良久曰眼底休尋兩道眉

支那

石雨禪師法稿卷七

五

分身萬象中師曰甚麼人境界進曰別行一路人難識借婆衫子拜婆年師曰草鞋繩斷也未進曰伏惟和尚萬福師乃曰人人藤斗笠個個水雲包出門踏草途路轉迢迢到者裏不倒斷得一回直饒說個回途得妙就路還家便是千里萬里昔洞山辭雲巖巖問向甚麼處去山曰無巖曰莫還鄉去麼山曰無巖曰幾時回山曰待和尚有住處即回巖曰此去難得相見山曰難得不相見今日若道難得相見便生幾多情見了也只因洞山是個得的便道個難得不相見看他何等穩密何等把細佛日期中豈少一知

支那

石雨禪師法稿卷七

六

半解只是到者些原委處未免走作即今你要東去西去不見古人道直須向萬里無寸草處去又云出門便是草又云不出門亦是草便見舉措不得只因你不能向異類中行且道異類又如何行乃屈指曰一雞二犬三猪四羊五牛六馬爲甚麼七人不道參即晚陞座辭衆曰一期圓滿可謂有始有終若論本分家風一落始終必不免於始終之患須知本自無始又何有終今人不解自推只管向外推求推到伏羲神農黃帝以上說盤古便爲分混沌之始不知盤古是個甚麼混沌是個甚麼若看一念未萌以前父

母初生之際豈不真是盤古真是混沌只因不覺總在始終裏面安身一有始終便有生滅便有輪迴所以一切聖賢苦口教你參禪參到一舉一動亦無始終處便是就路還家便是出輪迴處且道始終畢竟如何免得你且將年月日時推看推到一刹那際如擊石火閃電光相似以拂子擊案曰如者一響說他始也得說他終也得說他生也得說他滅也得若再推到初生即有滅再推到當處發生隨處滅盡再推推即是不生不滅便好孤迥迥峭巍巍一任逆來順往七縱八橫踢倒便行撥起便走有甚麼拘戀處便

是解脫丈夫便是出塵羅漢還有此等人到此等地
步麼不則惜取眉毛好

石雨禪師法檀卷第七

嘉興府象田語錄
弟子淨介施贊五

石雨禪師法檀卷第八

嗣瀟小師淨柱編

紹興府象田語錄

崇禎三年庚午冬結制小參春已暮落花紛紛下紅
雨南北行人歸不歸千林萬林鳴杜宇我無家今何
處歸十方刹土奚相依老夫有個真消息昨夜三更
月在池此先象田梵卿禪師上堂語也山僧今日拈
來大似冬行春令雖然爭奈先象田與山僧同個鼻
孔共個舟航他既欄頭我須把舵然此舵子把來久
矣奈何不遇其人未免東飄西泊今值大眾問渡於

石雨

石雨禪師法檀卷第八

一

我欲入溟海採寶求珍如是則大眾性命全在我渡
子手中矣倘遇洪波浩渺白浪滔天切忌動着動着
卽喪身失命莫道我不先道破好更有一個把舵歌
昔在雪門若耶溪上學得來的今日拈來供養大眾
歌曰逆風去順風回溟海重重寶所開波斯不必頻
頻獻採取驪龍領下來拈拄杖曰此是驪龍領下還
有不惜身命者出來採取看若採得不唯堪爲破闇
之明燈亦可作人天之眼目若採不得只得轉過別
灣更與大眾說個甚深方便去也遂放下拄杖開示
小參初七排遣將畢未畢大好光景莫待來日枯木

堂中枯木僧枯木花開在今夕舉拂子曰枯木花開也還見麼若不見是無明窟黑闇獄合呷山僧二十拄杖若見是眼裏花空花狂花妄想花亦合呷山僧二十拄杖如此看將起來山僧大似關吏把關相似然諸方關吏只要散金碎銀秤平斗滿便放過關去獨象田者裏不須他物只要公驗分明所以於中個個張帆駕馬求出無繇屢將憑票試驗只爲來處未真盡成滯貨此等說話似乎官不容針太少方便又未免爲大眾私通車馬去也復舉拂曰大眾枯木花又落了也

支那

石雨禪師法權卷八

二

小參無爲堂須說無爲法無爲法須是無心人者無心二字實無階級但近時人多淺識不能造入真正無心境界錯認者多所以勞他世尊道供養凡夫聲聞緣覺菩薩諸佛不如供養一無心道人者樣看來今時閑和尚目外寂中搖者盡是外道凡夫及乎厭有而空諸所有著無而實諸所無是聲聞無心至於無無明亦無無明盡是菩薩無心度生無生可度說法無法可說是佛的無心直饒到我說無心處不與有心殊猶是祖師無心與道人無心了不交涉且道畢竟如何是道人無心若識得日費斗金非分外若

識不得寸絲粒米也難消

普茶示衆將斟茶師舉拂曰任任諸方先吃茶後開口象田先開口後呷茶且道爲什麼如是也只要象田令行畢竟如何是象田令良久曰逢人且說三分話未可全拋一片心

解制示衆舉拂召大眾曰者斷拂子雲門先師不識好惡付了個杜撰禪和從來不曾舉出今因象田寺裏拈來結制坐禪直至解制都用者拂子于中領衆排遣坐香經行也是拂子受十方檀信供養也是拂子謝諸菩薩殷勤也是者個拂子者拂子人人本有

支那

石雨禪師法權卷八

三

箇箇不無奈何不覺更勞先象田在拂子頭上放光現瑞高喚道拂子惺惺着莫顛預好須知息好莫道自悟自解忘却立期運力好莫忘却山僧不惜眉毛好還聞得如是告報麼若問明星見道當年事若不聞頂笠腰包明日人

紹興府蘭亭山語錄

崇禎四年辛未小參藥苗已枯丹竈已滅丹井已竭饒爐上下何忙忙汲得龍王頭腦裂仙家伎倆止如斯衲僧三七功夫切切則切矣還識得蘭亭真面目麼花開不待春秋節有眼者覷不及有鼻者嗅不着

獨有白牯與犁奴觸翻哭笑一齊發哭者哭未曾有笑者笑無奇特馨香馥郁不能藏切忌粘皮并搭骨拽出山僧掀倒寶席要且未是蘭芳真氣息且道如何是蘭芳真氣息直須向未入大殿未出禪堂已前輕輕將山僧攔胸把住問道向甚麼處去待開口便劈面掌方有少分相應今已事不獲已未免向肚底下翻個交兒看還有翻得者麼良久曰梁湖隔斷娥江水萬古人悲行路難

小參喝一喝曰者一喝密不通風管取黃金失色又喝一喝曰者一喝七通八達從教瓦礫生光遂舉拂

支那

石雨禪師法幢卷第八

四

曰大眾我者斷拂子也有一喝供養大眾以拂子拋出曰且道者一喝是把住句是放開句還有定當得者麼若定當得不妨在拂子頭上現寶王刹若定當不得拂子在大眾頭上轉大法輪去也復收拂子曰者拂子從雲巖老人因先洞山問無情說法話一番拈出爭奈洞山不會勞他老人鼓粥飯氣云不見道水鳥樹林悉皆念佛念法念僧洞山便隨語生解道也大奇也大奇無情說法不思議若將耳聽終難會眼裏聞時始得知山僧今日亦因一僧問及只得也把者拂子豎起問他曰見麼他云見我對他道既見

却又不曾茲復重新拈出供養大眾他日大眾若在十字街頭開粥飯鋪接待往來也少他不得若信得者拂子及則草芥人畜瓦礫牆壁都來是你自己還信麼昔日東坡居士自無正眼便道從上佛祖言句如醫者醫眼相似只有去翳藥實無與明藥殊不知山僧者裏則不然若有害眼人來也不用金錐刮金鍼剔藥來塗也不用去他翳啓他明只辦得一個石灰把子凡有來問便驀面撒使他立地識取無自己去要他識取自己即是者拂子去要他立地識取拂子說法去衆中還有聞此不生驚疑者麼若有則不

支那

石雨禪師法幢卷第八

五

於一佛二佛三四五佛而種善根僧問趙州門牆承引入願聞堂奧事如何師曰如何是趙州的門牆僧擬進語師遂起身以拂子作搖鈴勢曰玲琅玲琅穿長街過短巷去也

示衆曰浪滔天曹娥江北蘭芳絕頂垂絲千尺當年把釣王弘之今宵平地撈魚客撈不得辜負西江那一吸且道爲甚麼却成辜負去留待來朝煮茶喫大眾結制茶已喫了不語茶已喫了普衆茶已喫了還有知茶味者麼者蓋茶亦能殺人亦能活人在天而天在人而人即在蘭芳分中可以聚幽人可以集韻

士可以資談柄可以清客襟可以興叢林可以訓童
行可以導一方可以作佛事在行人分中可以拌性
命可以忘疲勞可以利自他可以成無漏在禪師分
中可以作話頭可以起疑情可以興問難可以破死
生大衆且道者杯茶在山僧分中又成得個什麼有
出來道得者麼良久有僧將致問師曰憶昔管鮑貧
時交何事今人棄如土

示衆師召大衆畫圓相曰還識得那個麼那個與天
地同根與虛空同壽在凡不滅在聖不增人人本有
箇箇不無山僧於二十二歲出家南高峰西竺菴結

文那
石雨禪師法檀卷八

六

伴念佛一日念佛真切忽於日中踏着一塊石頭只
覺軟如綿絮拾得將來却是那個以手作拋向後勢
曰那個且置又以手作圓相曰還識得那個麼者個
不與虛空同壽亦不與天地同根在凡不識在聖不
知人人非有個個本無山僧自得那個之後參禮雲
門先師先師纔見便說放下着却又拾得者個自得
者個之後到南京看朋友待病僧同三宜兄入楚中
見黃蘗住茆屋嘗盡淡飯黃蘗因聞先師入滅歸來
掃塔入天台住香栢同瑞白兄結冬顯聖去年象田
今歲蘭芳總不出者個今夜拈來供養大衆復召曰

衆檀信從此還家便好孝順父母尊敬長上和睦鄉
里教訓子孫各安生理師以拂子畫一畫曰住住且
道後句爲什麼不與諸人道良久曰凡事留人情後
來好相見

示衆舉拂子曰者拂子今夜不答話有問得希奇者
一任問將來又舉曰者拂子亦不問話有答得巧妙
者一任答將來大衆且道既不問不答爲什麼却教
人問教人答寒鵲簷前噪不休嶺上梅花笑不徹解
行拳者不須手解談論者不須舌所以蘭芳者裏佛
殿山門燈籠露柱他也會行棒也會行喝雖不立賓

文那
石雨禪師法檀卷八

七

立王亦且有縱有奪百丈聞之三日聾臨濟道如蒿
枝拂妙矣哉樂樂樂白銀世界平如漠怪矣乎苦苦
苦孤舟獨釣空歸浦也不樂也不苦伸脚眠縮脚坐
也會歌也會舞打開布袋笑呵呵一任吹簫并打鼓
忽憶巖頭與雪峰鰲山此日成莽鹵且問大衆雪峰
與巖頭說行脚鰲山成道爲什麼却成莽鹵去惜乎
雪峰當時猶欠急風暴雨的手脚若有待他說直須
從自己胸中流出便好爲胸扭住問他道不從自己
流出難道向别人流出的麼他若開口便劈頭槌方
有獅子返擲之勢不至遺臭至今今夜大家打開布

袋將一期行脚傾將出來簡驗簡驗看

普說

普明普說朝來一雨灑徧塵埃更欲普說天何言哉
大衆若便爾休去只具一隻眼還要雙眼圓明麼不
見黃面老子受無傳之傳迦葉頭陀受無付之付乃
至安無心之心懺無罪之罪皆從一模子上脫將出
來初無彼此初無旁正六祖大師恐分旁正衣止不
傳如石頭馬祖青原南嶽父子承繩兄弟和叶馬祖
見丹霞來呈起幞頭便道據子因緣合在石頭以後
洞山見雪峰覆却米盆便道據子因緣合在德山你

文那
撰述

石雨禪師法檀卷第八

八

看他是甚麼眼日後分五家亦不過如一人乘馬一
人乘舟一人乘車一人策杖一人懸崖絕壁懸崖絕
壁的駐足不得相逢不相遇策杖逍遙的撥草驚蛇
相遇不相識龍車鳳輦的左右歡呼相識不相知乘
舟入海的見風使帆相知不相值乘馬登山的瞬目
千里相值不相交到者裏還分得麼若要分分在汝
邊汝邊覓得定多分別定多是非不達源頭不知根
本大衆要知根本麼教中謂本覺者本來明覺本自
圓成人人本具個個不無不勞修證本無言說但有
言說俱是始覺中收今有一等稱善知識登曲录床

的將世尊一手指天一手指地天上天下唯我獨尊
以爲本覺以爲極則便欲擬傍他一味氣吞殺人謂
四海之內唯我獨尊還慚愧麼何不將人人本有的
來合合看還合得麼既已大本語錄刺將去還有人
簡點麼佛法平沉此其兆矣此是極易明極易辯的
事如世尊辭家人入山觀星悟道便云一切衆生具有
如來智慧德相始覺得人人本有故名始覺若以唯
我獨尊爲本覺且問者始覺還合得來麼既合不來
不得名爲始覺合本覺矣口稱知識輕訶座王你且
去問問座王看此不特座王即纔入講席的也知你

文那
撰述

石雨禪師法檀卷第八

九

者等判斷決定是邪是外又何敢分洞分濟分青原
爲旁分南嶽爲正耶你不知臨濟照用同時洞山偏
正兼舉還分得麼如南嶽見六祖是王看實纔見來
便問甚麼物恁麼來嶽云說似一物即不中祖曰還
假修證也無嶽云修證則不無染汚即不得祖曰即
此不染汚是諸佛之所印青原見六祖是實看王故
問曰當何所務即不落階級祖直得無轉身處不得
已說個汝曾作甚麼來原曰聖諦亦不爲祖曰落何
階級原曰聖諦尚不爲何階級之有祖深器之即舉
爲首座你看此不落階級與不染汚還有旁正也無

論旁論正俱是向汝邊覓的人不知根本妄自批判
生人我心造地獄業故山僧常勸人務本不可向半
腰裏參起參到老來根本不立終無穩處今日普明
者裏有兩個堂頭揆撥你們憑你從臨濟入也得從
曹洞入也得謚然居士不惜身命護持期場特請普
說略舉法門弊端更有一偈贈之人生入堪忍譬如
行險徑隱恠信多端所貴在眼正謚然洞其需擇師
如擇鏡真寂光寂然普明復輝映髓髓俱可捐髮髮
何足剩留以護叢林以振臨濟令我今爲證明范居
士尊姓此偈如牛過窓楞相似頭角四蹄俱過了只

支那

石雨禪師法幢卷第八

十

有尾巴過不得大衆過過看僧曰不辭向和尚道相
續也大難師曰只道得入成又數僧俱下語竟師曰
恁麼則畢竟難過也良久曰山僧也過不得下座
普說僧問懶居明國不住夷邦且道是什麼人師曰
不是鈴鳴不是風進曰未審此人還許親近也無師
曰癡人認作主人公進曰與麼則和尚也須下座師
曰老僧罪過僧禮拜曰謝師答話師曰大衆看取乃
曰昨日十一明日十三西來祖意不用顛預於此會
得省力多少若更如何只得爲汝扯葛藤一上祇如
山僧只舉昨日明日何故不舉卽今只爲卽今一句

不唯一切人舉他不着卽諸佛諸祖亦難下口所以
石屋禪師要道卽今句子只可說個梅子熟時柅子
香任你說個卽今說個十二不知一晝夜有三十須
臾一須臾有三十息一息有六十瞬一瞬有一百二
十刹那一刹那中有九百生滅到者裏你還道得麼
若是真實道流左看右看到牛角尖裏一毫頭上
直是動轉不得施爲不得開口不得到者裏方喚作
擬心卽錯動念卽乖說個卽今不知過去多少時了
也今人不知事無一向有等從無量劫來般若根深
才出頭來一聞千悟言下知歸棒下了辦有等初心

支那

石雨禪師法幢卷第八

十一

精進必假工夫窮參極究做到動轉不得處觸着磕
着不覺悟去得遇真正知識不許他坐在百尺竿頭
要他轉一機着一語使他更進一步今人還曾真到
轉動不得處麼古人真到的逢人便問刹那便去時
如何你看答者是個作家對他道逼塞虛空作麼生
去若是如今弄虛頭漢敢保摸也摸未着在只好說
個無事禪說時相似背地看來若逆若順于苦于樂
還真得無事麼若是不得卽是騙茶騙飯圖人恭敬
哄人供養的無賴惡人因他自家不曾經過每遇入
聖深談便一向推開以不知不識謂之最上不知者

個知字在凡夫分中知之一字衆禍之門在得的人知之一字衆妙之門所以道百姓日用而不知百姓若知卽是聖人聖人亦日用而不知聖人若知卽是凡夫可笑一味執死蛇頭的以謂圓通不開生藥舖單單只賣死貓頭殊不知死貓頭兒今日賣不得了也何故不見道東風急被簑立

示衆一

天華示衆有貴見識而不貴操履者有貴操履而不貴見識者貴見識者一味學轉語學機鋒弄得口頭活脫操履全無則心行不佳心行既不佳縱有見識

支那

石雨禪師法稿卷第八

十二

亦是魔王眷屬貴操履者一味灰頭土臉以苦行爲極則若無見識與外道何異殊不知古人論見識卽是操履邊的見識論操履卽是見識邊的操履故天華者裏也不管你有功夫可做無功夫可做有道可悟無道可悟你若道無功夫可做還是未入天華便有此見還是已入天華纔有此見若未入天華便有此見且問你又來作麼若已入天華纔有此見你試爲我說看乃舉黃龍南禪師住歸宗因火燼入獄六十日不食得釋後在石門謂門弟子曰我當時在獄中得法華遊戲三昧故經云菩薩遊戲神通於淨佛

土中心不喜樂蓋因小乘不能度生耳弟子請聞其說南曰大凡獄吏之治有罪者痛加槌楚欺詐情盡雖有嚴刑不能加也就死無恨今學者有狂妄心欺詐心不以知見慧力治之何繇得安心哉故天華苦教你不要求安樂病來痛來一切苦來警策來一不如意事來都是你親切善知識若將情見待你恣縱你放逸你使你一一如意便要曉得是你生冤家此等說話那個不知只是境界臨頭依舊只要如意去了我若見你放捨得做到緊要處我或扯你一把不惟我扯你卽鐘聲鼓響鵲噪鴉鳴一切都與你

支那

石雨禪師法稿卷第八

十三

發機去在久立珍重

示衆藥無貴賤貴在對病法無邪正正在投機故我先師曾道汝等一人所在也要到半人所在也要到卽當時南堂亦曾示衆云參學至要只在最初句與末後句若透得參學事畢如或未然更與汝等分作十門今天華一一要與大衆簡辯第一須要信得有教外別傳教外別傳且道怎麼樣信卽如香嚴教乘該博問一答十問十答百忽要他向父母未生前道取一句便不能得退去將平生所參所習的一一翻過却將不得來答向後直待擊竹始信有教外別傳

大眾既入天華定相信者須更明第二知有教外別傳故香嚴悟了便道一擊忘所知更不假修持又道我有一機瞬目視伊若人不會別喚沙彌所以他憑人勘驗驗他不倒雖然你若向他言語上辨的便是過在尋他舌頭路不知有言外知歸的意見說時道有不說便無所以第三要知無情與有情說法無異若知須要諦實若不諦實只如我前日問眾兄弟香爐說法意旨大家東湊西泊不能了決故第四要見性如觀掌上字了分明一一田地穩密既穩密已亦只是我白了漢若是爲人更要第五具擇法眼假如

支那

石雨禪師法檀卷第八

十四

兩人入門一人已悟一人未悟不待開口就能簡別得出方可爲人雖然若不行鳥道被獵犬一味尋蹤嗅蹟若是羚羊掛角不但蹤蹟氣息也無你尋處是故第六須行鳥道第七又要文武兼濟要教便教要宗便宗雖然若不具大骨力不能驅邪顯正當時有端師子推倒回頭趯翻不托此是樣子又古人道三家村土地廟裏若有個漢我也托鉢供養始得與第八驅邪顯正相應若一味門庭施設一機一境分別宗途利人不普故第九要大機大用雖然若第十不向異類中行不能超玄截妙如此十門南堂所設辨

支那

石雨禪師法檀卷第八

十五

驗人的他是臨濟的骨兒孫何嘗不細故我前日舉無情說法話人以爲道理支離曹洞則可臨濟不然殊不知古人雖立門庭不同於中爲人無別故南堂又道若是只圖自了閉門作活不在此限若要爲人須將此十門一一透過始得還透得也未若透得方可踞曲象床若一味弄虛頭被闢老子打窟臂有日在示衆諸方禪易學而難參此間則易參而難學所以尋常接待弟兄不用門庭施設一味寒暄若是本色人自然賓主叶通言語合他古轍只爲不本色不得

已設個門教你入門來殊不知入門卽入本色門無有希奇玄妙今人不知將謂入門是有奇有妙又有將一棒一喝爲入門者有將輕安寂靜爲入門者有將一知半解爲入門者也憑你當個門只是入門了更須知有堂與中事我說個堂與也卽是本色堂與亦無奇妙奈何今人又將三玄三要四料揀五位君臣等爲堂與不知此亦是尋常本色語今日天華結制須將平日求玄覓妙處盡情吐却吐不盡未入我門在若得言下知歸入門辨王何用一期百日卽今開堂已竟且開堂一事大明國裏屈指不多江南

却有三處可爲末法中極盛時節然而盛必有衰切不可作久長想不可作一期想不可作如意想做得一日功夫是一日了得一日是一日事大家緊把繩頭打得徹去待他盛也好衰也好一日也好一期也好此等卽是本色道流雖然也須驗過始得示衆舉拂召大衆曰十方諸佛六道衆生却被斷拂子把住脚根要行行不得要住住不得要坐坐不得要臥臥不得大衆山僧恁麼告報不是落水拖人只爲同船合命你若行山僧與你同行你若住要坐要臥山僧與你同住同坐同臥只是者斷拂子性

支那

石雨禪師法檀卷第八

十六

于惡切不得觸着他若觸着他則孤魂杳杳不知歸亦不得背着他若背着他則業識忙忙無本據于中還有不背不師忽作咳嗽聲曰斷拂子敗闕了也且道爲什麼如是不見道不斬蕭何律不行石雨禪師法檀卷第八

嘉興府嘉興縣弟子泥淨素朱行應
陳德成 各壹兩
天寧寺淨師 智圓各壹兩全梓

石雨禪師法檀卷第九

嗣瀟小師淨柱編

示衆二

中元示衆大衆今日是目連救母地官赦罪之辰雲集懺悔亡者可以超生存者可以獲福此是世間父母也然出世間亦各各有個父母他能長你法身養你慧命大衆還知麼者個父母非形像可求非遠近可見非呼喚可應然衆中亦有父母俱喪者亦有父母俱存者且道又如何懺悔使他超生又如何保佑使他獲福還有停當得者麼

支那

石雨禪師法檀卷第九

一

冬至普茶示衆因咬核桃聲遍響師曰圓眼殼薄核桃殼厚爆地一聲如獅子吼乃佛乃祖拋向腦後人喜神歡應個時候大衆圓眼已睜了核桃已破了還有一個果子自古至今不曾有人咬着你道是什麼果子昔日洞山與泰首座啐果子次乃問有一物上拄天下拄地黑如漆常在動用中動用收不得且道過在甚麼處泰首座云過在動用中洞山喚侍者掇退果卓今夜還有與首座雪得屈者麼良久曰洞山果子且置天華者裏也有一物上不拄天下不拄地明如果日不在動用中動用卽收得有什麼過處且

道與洞山是同是別若道是別譬了洞山的還須更
譬天華的始得若道是同如何是同的意請將平生
所參所悟的盡力攜來細細商量看

祁季超居士昆仲請示衆簷前滴瀝非關雨塔下腦
雪作春水一輪明月黑雲遮不照其餘照盆底于中
有句全扶有句全捺有句半扶半捺有句不扶不捺
還有簡別得者麼問答竟復舉拂子曰喚作拂子則
觸不喚作拂子則背畢竟喚作什麼良久曰應以居
士身得度者即現居士身而爲說法遂擲拂子歸方
丈

支那
撰述

石雨禪師法檀卷第九

二

爲來雲進關示衆教網彌天禪關匝地須具透網功
能方可遊身網內不有過關作略那堪滯跡關中出
入自由者將大地作一關房不用大家着力隱顯無
礙者將關房作一大地豈容獨自承當着力承當也
須驗過始得今夜且與大眾略序閉關大意有世間
關有出世間關世間關又有多種出世間關亦有多種
然在來雲分中實非此例喚作總不與麼關得麼良
久曰池邊柳欲拖金暮屋後梅將趁蝶飛
法相寺示衆別復聚聚復別五年絕足不曾來生者
自生滅者滅若知生滅本來無大小骨毛喜生曉若

不知更饒舌須信說時無可說深夜諸山萬籟空孤
雁一聲天外切更不會爭奈何不如念句阿彌陀阿
彌陀最親切莫動口莫動舌莫將心意默默然數珠
不用頻頻撥大眾既不動口不動舌不默然且道畢
竟作麼生念良久曰錫杖卓開流不住秋盡西湖徹
底清

寶壽示衆若論向上事本無迷悟本自現成只爲你
信不及不肯承當所以又入者個行隊既入行隊切
不得又說無修無證的話須實實從腳根下苦參力
究必須識取自己病根在甚麼處從病重處着些子

支那
撰述

石雨禪師法檀卷第九

三

力氣不得斷他須一一透過始得比如貪嗔痴等雖
重似難治若能勇猛却易治無貪無嗔無痴病雖輕
似易却難治凡做工夫先須識病次須識藥次識取
藥中所忌又須知在向上事則無與麼事不見那那
覺禪師問講僧如何是居一切時不起妄念答曰起
即是病如何是於諸妄心亦不息滅曰息即是病如
何是住妄想境不加了知曰知即是病如何是於無
了知不辨真實曰辨即是病那曰汝識藥矣然未識
藥之所忌也爲之偈曰黃花燉燉翠竹珊珊江南地
煖塞北春寒遊人一去無消息留得雲山到老看此

是諸人做功夫次第榜樣請看他頌與圓覺四句如何會通只因他是真悟的人所以將病與藥與忌簡點將來何等親切頌將來何等脉絡所以悟與解天地懸殊你看二祖見初祖初祖不曾道一個字只因他信得及聽說輕心慢心便把臂斷將下來要求安心及覓心不得只與他一點道與汝安心竟便知他是悟的若是信根微薄雖也解去覓心也到覓心了不可得只因下手輕信根薄所以道是解解只解得個古人公案商量時便相似遇境逢緣便不相似矣示衆大顛擯首座只爲佛法一樣西禪打首座只爲

支那

石雨禪師法集卷第九

四

世法兩般若要名布震宇父子仍舊團團團且止祇如韓文公問大顛春秋多少顛舉數珠云晝夜一百八公不會乃問首座座扣齒三下復見顛問前話顛亦扣齒三下公曰元來佛法無兩般顛乃打趂首座出院且問一樣扣齒正是師資道同爲何打趂出院大衆會麼若會得卽知西禪打首座意其或不會則被我父子翻轉面皮換却諸人眼睛便各生驚異各起是非有甚交涉須知者一場熱鬧直待三賢膽喪十地魂驚衆中還信得及麼如信不及一任是非去

開火路示衆有路有人行通途通車馬爲甚麼今日開火路火却不能通只恐大衆不知昨夜特舉雪峰在僧堂內燒火却閉門叫曰救火救火玄沙以片柴從窓櫺投入峰便開門汝等下語雖略有相應恐是鬼窟裏活計卽今當面另下一語看衆下語不契師乃曰雪峰捨得自己贏得他財玄沙明知故犯我已爲汝下語汝爲我開火路去示衆做功夫元要死中得活且問兄弟曾死得也未只管怕到死樁樁地要人激發不知古人亦有言下知歸者俱在去死十分的人纔聞點着便卽擣去不

支那

石雨禪師法集卷第九

五

是你一毫放捨不下專等人來激發也山僧舉則話與兄弟試試看昔日瑞岩常自喚道主人公惺惺着莫被人瞞好從古頌者不少近日有個沒頭腦漢頌得頗奇頌道白日青天做夢夢中頻喚主人直饒惺惺諾諾也是無主孤魂此頌有一險二難如何是二難他若知有爭肯與麼道若不知有爭解與麼道如何是一險若被大衆看破討甚麼飯喫險難且置祇如瑞岩是了手的人他頌道是無主孤魂不知瑞岩過在甚麼處衆俱下語不契師曰莫道沒有人激發好

靈降示衆昨夜雨今日晴若作晴雨會諸佛眼難明
金剛經道若見諸相非相即見如來你看男是男相
女是女相房廊屋舍是房廊屋舍的相畢竟如何是
非相若即相求非相者是菩薩也離相求非相者是
外道聲聞也相上求非相者有二一者析色明空二
者即色明空析色明空者如法堂相似棟樑椽柱一
一分析開來棟是棟樑是椽柱是椽柱是在法堂相
在甚麼處若道法堂相雖不可得棟樑椽柱仍有相
在乃更分棟樑椽柱總是微塵合成微塵又是鄰虛
塵合成更析鄰虛便是非相即色明空者如鏡照物

支那
撰述

石雨禪師法檀卷第九

六

一往觀覽不起分別實無有相以第二念分別故有
相若離分別終日嚼飯不曾嚼著粒米百花林過一
葉不沾此二種非相若真實見到行到亦各自了漢
若只見到便爲了當以謂大道不分男女相說在空
中行在有中此與無爲密密等外道無異從上祖師
也只爲此等無慚愧的別立宗門殊不知一等下流
到處瞞人圖人利養硬硬說道我自悟的一切無着
逆行順行天也莫測尋常委實難辨所以宗師家不
得已說個探竿子奈者探竿子一些也瞞他不得故
見人來便問喚作拄杖子則觸不喚作拄杖子則背

畢竟喚作什麼道得相應便休不然終不肯他終是
外道乃拈拄杖曰且問大衆畢竟喚作什麼衆各下
語不錄

誕日示衆把酒稱觴舉茶爲壽僧俗雖殊二俱有咎
拄杖子生則山河大地明暗色空草芥人畜一切皆
生在杖子老則山河大地明暗色空艸芥人畜一切
皆老生不慶生老不壽老不得已說個如鏡照鏡似
空合空還照得麼還合得麼到者裏直得無舌人解
語無手人行拳木人撫掌石女呵呵且道石女作麼
生呵呵木人作麼生撫掌無手人作麼生行拳無舌

支那
撰述

石雨禪師法檀卷第九

七

人作麼生解語會得者方可與山僧慶壽不唯與山
僧慶壽即與汝自己慶壽亦即與三世諸佛慶壽亦
即與大地人慶壽還會得麼若不會記得盧仝七椀
歌曰一椀潤喉吻二椀散孤悶三椀搜枯腸惟有文
字五千卷四椀發輕汗平生不平事盡向毛孔散五
椀肌骨清六椀通仙露七椀曄不得也但覺兩腋習
習清風生衆中有不隨世諦流布者不妨亦有一番
快暢如或未然山僧亦有個七椀歌一椀要知有二
椀不須守三椀王質分四椀絕滲漏五椀振先宗六
椀隆末後獨有七椀難下口直饒飲到半夜子鷄鳴

吾若人不解自知時七七元來四十九且道畢竟何時是五十再斟茶看

示衆古人道諸方說禪浩浩我老裏種田博飯喫雖然此是因病施藥如初祖見我此方落於文字特來掃除今人執藥反成大病此爲不可若一向坐在潔白地上謂之坐斷白雲終不妙謂之萬里無雲天有過故不妨青天上着些子塵明鏡上着些子垢不見凡夫發心至於妙覺順流而至佛乃逆流而出直是蹲坐不得既生西方連忙便要回入娑婆分身無量度脫衆生方成了辦才一坐着便名得少爲足亦名

支那

石雨禪師法檀卷第九

八

悟習未除今人還曾到此地位麼還得如大夢覺麼還得曠劫無明一時頓斷麼既不能到此地位那有閒工夫覓他諸子百家的糟粕况三乘十二分教及祖師公案尚未叨陪但做得幾句詩學得兩句話便擬輕人傲物如半瓶糟水相似被人搖着便噹噹響若真滿的有甚麼響處

順浩寺示衆相遇故鄉人須唱故鄉曲欲聽故鄉曲麼須知各各自有一段本地風光向因不覺賴他世尊四十九年橫說豎說其實不出故鄉說話如華嚴最初三七其中所談不過直顯當人日用尋常現成

境界其奈迷來既久致使二乘聲聞如聾若啞何況博地凡夫故不得已請佛菩薩放下一頭教人發心興立叢林化利一方然發心有二有自未度而度人者有自己度而度人者自未度而度人者即是諸方粥飯叢林接待往來賢聖供養知識使若僧若俗各各知有故鄉田地其於自己甘心勞苦不求自度故名菩薩全身放下不顧得失不慮安危使十方施主一文一粒投入真福田中生生發生真種功德難量若徒有粥飯佛法不弘賢聖不集縱有施主布施投入邪途不唯無益抑且有損今日願浩寺禪堂房室

支那

石雨禪師法檀卷第九

九

粗完賢聖已集當家之德不當小可衆中還有知德者麼知德即知心知心即知故鄉田地知得故鄉田地即知故鄉語話雖然古人道若人識得心大地無寸土又作麼生參

昭慶菴示衆我說你不信你信我不說相遇不相逢天機俱漏洩從上古人發一言垂一語盡是垂絲千尺意在深潭不論居家出家須知古人爲人苦心方肯立志若得自己明了必須利人以自己明了不過復還做人本等然後隨我願力垂手接人化利有緣今人不信成佛成祖皆因眼前不見佛祖現身隱顯

不定應以顯現得度者卽以顯現度之或現神變成於臨終才有遺付應以秘密得度者卽以秘密度之或爲人父母妻子或爲人朋友隣里恒得一人一家於一言一念種真種子一了夙願又遷他化使人不知不覺故我現在大衆凡遇有眷屬發善心勸善行當如佛菩薩想莫當容易故說必須知佛菩薩苦心捨命爲人如船子和尚從藥山處悟道已後獨向洙涇把釣輪竿不避風雨扁舟撐渡得一夾山便踏翻船子而化故稱船子祖師此卽菩薩度人榜樣凡爲佛子者須辦苦心勿令放逸

支那

石雨禪師法壇卷第九

十一

示衆大道本無男女相不知出何教典此語有一利一害如世尊說法有比丘比丘尼優婆塞優婆夷四衆人等同緣共會和光相集僧盡學尼盡尼戒助轉法輪了無異說此一利也若僧尼混雜壞教敗倫此一害也有一等俗人聞得是法平等無有高下之說便君不成君臣不成臣父不成父子不成子主不成主僕不成僕乃至男不像男女不像女攪亂世間皆因錯會佛語不通理路以至如是殊不知世尊大意要汝君君臣臣父父子主是主僕是僕男是男女是女不得動着不得違越自然平等平等如世尊

爲母上初利天說法竟衆欲還迎有蓮花色比丘尼自念女身見佛必居僧後乃現神力變爲轉輪聖王于子圍繞最初見佛佛見訶曰汝何得越大僧見我汝雖見我色身且不見我法身此教體如是若論宗門會下別有出格一路如妙總尼因參訪得悟後爲郡守張公請住資壽禪寺開堂曰始從鹿野苑轉四諦法輪度百千萬衆山僧今日與此界他方乃佛乃祖山河大地草木叢林共轉大法輪若一草一木不轉法輪則不得名爲轉大法輪大衆且道者老尼得個甚麼道理便解開此大口雖然有個疑處山僧蘊

支那

石雨禪師法壇卷第九

十二

於胸中三十餘年不曾舉着今日要問大衆既是乃佛乃祖至於一草一木共轉法輪不知聽者是誰參示衆若論此事十方無壁落四面亦無門只爲你不肯承當一向入門入戶不能通達無礙所以佛日者裏隨汝顛倒更說個門與你刻期立限若是個漢一入門來便出得去解制已竟不是死定要你坐滿一期名爲結制卽在堂外執事於苦心志勞筋骨處透得一關不妨痛快若無個出路便是倚門傍戶的人若要硬硬裏大言不慚以爲了手以爲解脫殊不知者裏有個辨金石子不被你瞞過若是真解脫漢時

時現前點着便到觸着便知若是假的忽地問着便面如牆壁正是暫時不在如同死人待你停機佇思便有禪道佛法機鋒轉語搬出一栲栳來總名鬼家活計亦名心識運爲有甚麼用處如今日貼單大家只管貼單正碌碌中被山僧一問曰各是虛的爲什麼貼將起來個個認得到那裏去大家一時無語雖元本維那請歸方丈也只救得一半此皆謂之念頭不在的人以後須知慚愧努力參究堂內堂外倘能遍相護助遍相警策庶不負此艱難世界相聚啣杯茶說幾句家常話莫當容易施王一粒一絲捨來都

支那

石雨禪師法檀卷第九

十二

是要償還的不是等閒努力努力示衆古人云有佛處不得住無佛處急走過又有道祖師心印狀似鐵牛之機去卽印住住卽印破又有道藏身處沒踪跡沒踪跡處莫藏身此等垂語圓活約有兩義若作道理依通唯是不許人住着若別有說唯在學人善會今夜且問若無住着大似脚不點地的人若有住着便不相合如何古人有許住阿蘭若如何又許佛子住持須知不許住着恐你住於身住於心住於家事住於眷屬住於冤住於親等你若不住於色不住於聲香味觸法終日釘釘着也是無

住繩縛着也是無住所以得無住者方許住持方許住阿蘭若方可受施王供養所說施王供養一法施者受者各約有三種也有人情施者有輕慢施者如感爾憐爾之類此是下等有望報而施者捨一文要一文福不與你兒戲此是中等若是上等卽是施恩不望報卽是無住相布施受者亦然有受而不知恩者騙得些哄得些因果不顧自私自利一味放逸無慚無愧此最下流也有受一文必要報一文者此中等受施者也若是上流不見有所施者不見有能施者此等方可報不報之恩如今日養虛堂王不肯自

支那

石雨禪師法檀卷第九

十三

受利養特爲施王轉爲供養佛日禪衆亦見無住之一班矣所以經云供養多凡夫僧不如供養一四果供養多四果不如供養一菩薩供養多菩薩不如供養一佛供養多佛不如供養一無心道人但不知如何是無心道人所以常對大衆道古人云佛法在肩屎收尿處在穿衣喫飯處在迎賓待客處你若舉心動念卽不是了也畢竟如何是舉心動念的穿衣喫飯如何是不舉心動念的穿衣吃飯若分不出饒汝說妙談玄都是從半中腰參學起的不都是不知先後的所以只管學機鋒學轉語做頌做偈大似未學吧

先學走一般饒你走得不知肥的光景亦不能接引後來不可爲人向來山僧住幾處道場都貴單提向上將謂者些粗淺門頭戶底定是明白的不知問着個個面牆山僧自出家一兩年者些便解無有遺餘只是用不着常念先師見學人到做不來處便學機鋒轉語至知至見築着一肚說道今生縱不能徹悟得個正知正見也永無退失故山僧近日拈出極尋常的話問人要人從腳眼下穩實去所以拈出雲棲大師見道偈來問人云祇知道二十年前事可疑三千里外遇何奇焚香擲戟渾如夢魔佛空爭是與非

支那

石雨禪師法檀卷第九

十四

那裏見得他見道處若道二十年前話頭不明直到三千里外遇着某知識纔悟爲奇何故不見他行實裏參某話遇某人逢某境便述此說話如何見得他悟參某話遇某人逢某境便述此說話如何見得他悟道若不知他落處不見他有宗門眼處便好一日做他幾首人人做些難道都好弄得悟道麼若於此看得他個落處看得他眼出來不妨喚他個知有的人今年大眾可稱老成可謂精進衆中也有棄功名來的也有丟書本來的也有捨安樂來的大家同堂共住無是無非無爭無鬭不要說諸方要此期場絕少

卽我坐道場以來總不能及此故道糧雖有欠缺叢林事雖繁雜山僧不敢辭勞雖甚辛苦因心甘受不至疲病恐你們坐在此中不知難得若知得自當慶幸死心守住孜孜參究久久不放山僧情願化米供養此亦可報不報之恩處也珍重

秋輪禪人備茶筵請示衆佛說天下有二十難貧窮布施難富貴學道難擲命必死難乃至善解方便難隨化度人難心行平等難如山僧住佛日難又豈止二十而已大刹復興難今已興新舊和合難今已和合未法開堂難到處狂禪熾盛呵斥參究今堂中二

支那

石雨禪師法檀卷第九

十五

百餘衆俱是苦參離亂集衆難今禪戒共有千二百餘如水乳合歲儉募化難今各會首領募四十八願成就者多化了一直到家難今已得路途無阻到所運入常住難今已運入運入了炊煮的人難消受的人難今喜各各歡喜各知慚愧道場圓滿難今已圓滿圓滿已從新起頭難大家領領緣簿願者領去不得勉強謝茶

石雨禪師法檀卷第九 終

石雨禪師濃檀卷第十

嗣濃小師淨在編

問答機緣

師任蘭芳因僧舉托盃因緣呈解師曰若論此等公案要說有什麼難只是辜負德山師忽作托盃勢遶禪床大叫曰你道是什麼境界時又默忽悟曰蒙師作托盃勢不唯捉敗德山即向日所疑勘破婆子因緣亦捉敗了也呈偈曰臺山語直絕商量何必逢人話短長無惟將軍重出令只緣戰馬未收韁師曰何不道已收韁默禮拜師曰你道改者已字意在什麼

支那

石雨禪師法檀卷第十

二

處進曰將留些三與兒孫受用那師曰趙州公案似入門牆別路葛藤未免絆倒在默趨出

師王天華即念首座入室呈德山托盃頌師曰頌且置如何是密啓其意若道是無語則應錄默然良久若作形勢則應錄其形勢若有言句自然應錄言句但曰密啓其意畢竟是怎麼樣光景座曰兩眼對兩眼師曰此是你意未是巖頭意座曰占波與新羅鬪額雖不可憑亦似有據師曰有甚麼據座曰灼然瞞不得和尚師遂索座當下作頌座信口曰小客一頭牛死活在裏頭任遶天索價着地且相酬又曰知我

春秋罪我春殊明賞暗罰以懼諸侯師一日又問座曰觀音菩薩買胡餅放下却是個餒頭此意如何座曰草鷄報曉師曰更落草道看座曰格外之談豈容無語師便休去

師在報國院與石車和尚同座司理黃元公居士問車曰往天童還到雲門否車曰且看士曰兩大師不放過時如何車曰與他一頓棒師曰居士還甘麼士曰天童和尚在背後師曰原來不甘士又問車曰兩石相磕時如何車曰一轆便死士顧師曰和尚如何師曰只可自怡悅不堪持贈君

支那

石雨禪師法檀卷第十

二

元公黃居士問如何是王中主師曰江南不曾帶得來自若問和尚爲甚麼不曾帶得來師曰也虧你進曰露柱子又申一問請和尚答師曰昨日南高峰爲汝道了也若禮拜曰謝和尚答話

師與元公居士喫茶次士拈圓眼問曰者個是什麼師拈棗子曰棗子也不識士曰錯了也師曰錯錯師問士曰昨曾見居士法相告示已見居士護法之誠聞子將居士在座曰舊歲并山化鐘有些魔事亦蒙示種種法語師曰只是太狼藉生公曰和尚還聞鐘聲麼師曰鐘也未鑄說什麼聲士曰和尚莫耳聾師

曰不勞過贊士曰還受贊嘆也無師曰爭奈居士何士曰作家作家師休去

師問深谷古人有無情說法話汝曾見麼曰見師乃指香鑪曰香鑪說什麼法進曰仰口笑虛空師曰那個得聞進曰那個不聞師曰我何不聞進曰和尚自顛顛師曰你還聞麼進曰終不向鬼窟裏作活計師舉洞山偈曰我今獨自往處處得逢渠汝如何會進曰兩眼對兩眼師曰逢渠後如何進曰寸步不離問此事本無師之智知是般事便了如何必要師承請問承個甚麼師曰如是如是

支那 石雨禪師法檀卷第十

三

黃元公居士將北上入山別師徹夜道話公自謂於物不遷頗臻其奧所謂當處發生隨處滅盡等師曰今時法師豈不諳此理但論時似是及乎當面一一辨驗便見相違師乃遽拈核桃從桌東過西曰東已無此西已有此何名不遷公曰大師見有核桃那師曰不見核桃將何立論公曰師意如何師曰我見有核桃但不見全核桃耳公踴躍公又舉百丈耳聾因緣及雪竇頌古并祇要重論蓋代功等曰俱不知拈又拈雪竇也師領之又以高峰枕子因緣類同百丈師乃不肯明晨公呈頌曰推倒蒲萄棚撐起蒲萄棚

天明知事散依舊可憐生師因以木如意一枝爲之餞別復以偈書扇曰相逢幾度語無差今日重拈鏡裏花餞別木蛇公舊物似將曹女嫁曹家士拜領而別

師王西禪爲監院六十三初度上堂偉侍者問七九六十三且止父母未生前還許學人會也無師曰問即不得進曰恁麼則不弄啼鶯舌解吟無字碑師曰易拾爐中雪難分海底燈進曰肯諾不全蒙師指不犯師顏請借寶師曰好炊無米飯供養莫將來進曰祇如將來又作麼生師曰恐喪我兒孫者作女人拜

支那 石雨禪師法檀卷第十

四

曰恁麼則借他香燭稱他壽去也師曰新荔枝新荔枝師至方丈復問曰適纔道新荔枝是賞你是罰你者曰恰好拈出供養大眾

師供雲門老和尚像次師曰今日供養先師先師還來麼士曰有飯即來師曰畢竟在甚麼處曰問取大眾師曰柴長三四尺盡作畫圖看

大鼎問昨日雨今日晴則不問世尊觀明星意旨如何師曰途中善爲進曰恁麼則枯木花開也師曰開後又如何進曰一枝直入千峰去師曰折向誰家仔細看進曰黑白分明賀太平

師問來雲雲門胡餅話汝作麼生會曰君尊臣卑父慈子孝若還不是不妨別道師曰未在更道曰嘉州牛喫禾益州馬腹脹師休去

集生余居士問雪峰大師所遺三個毬子還是一時用爲是次第用爲復總不用師答以偈曰雪峰毬子總不用死爛蛇頭能活弄次第拈來舉向人脊毛與眼一齊動一時拋出大家看波斯乞命無門縫三轉語酬余石頭莫教磕破人間夢

僧入室問古人云師厲聲曰你自己的問將來進曰適問午星禪友迷中有悟悟中有迷師又厲聲舉筆

支那

百兩禪師法權卷第十

五

曰你不曉得此筆會喫飯僧出師遂頌曰迷中有悟悟中迷筆能喫飯幾人知直須打破燈籠看露柱分明說向伊以筆畫一畫曰噫

師與鶴凌侍者等圍爐大舉須菩提巖中宴坐諸天散花讚歎因緣曰空生宴坐巖中與枯木還有差別也無若有差別在甚麼處若無諸天何不散花與枯木各各入理深談道一句看一僧曰養子方知父慈一僧曰苦匏連葉苦甜瓜徹蒂甜鶴凌曰不是苦心人不知師曰各只道得一半凌問曰和尚作麼生師曰爲空生能如枯木故進曰若然則墮於偏空二乘

師曰二乘不能如枯木進曰爲甚麼枯木庵前不見天華師曰爲他不如空生凌乃禮拜

位中參師曰那裏來進曰江西贛州師曰崆峒和尚卽今在什麼處中進前問訊曰恭惟和尚萬福師曰錯了也進曰莫壓良爲賤好師曰錯錯

師問午星鎮州出大蘿蔔頭意作麼生午曰某甲二十年前向者裏打失眼睛又問暫時不在如同死人老僧不在汝作麼生午曰正快活師休去

師問樵之旣到靈峰爲甚麼不見靈峰進曰王山太高一日喫糕餅次有麪獅子被老鼠咬師曰旣是獅

支那

百兩禪師法權卷第十

六

子爲什麼被老鼠咬樵之曰當仁不讓午星曰三十年後此話大行師笑之

碎愚參學人在門外來乞師向門裏接師曰老僧不在門裏曰爲甚麼不在門裏師曰不接客曰也是和尚慈悲師休去

師問九達如是之法佛祖密付汝今得之宜善保護作麼生保護進曰大衆珍重師曰銀盤盛雪明月藏鷺意作麼生曰木樨花裏引遊人師曰如何是曹洞宗曰日落空山照遠林

僧問南泉未出方丈爲什麼去莊上喫油糍師曰你

幾時離禪堂到者裏曰還是神通妙用法爾如然師曰會即法爾如然不會即神通妙用又問畢竟作麼生參師曰麻三斤乾屎橛

僧問產難因緣求師指示師示頌曰燥熱不可說一雨忽清涼獨有傳言者東村王大娘時當驟雨僧欲解說頌意師曰我頌也不過依時及節僧又不曾師復頌曰世尊有語俱不會初生孩子却知音及至長成人間及依然箇莽復忘恩

師落堂僧出問取不得捨不得時如何師曰你果到者田地也無進曰請問和尚師叱曰若果有者等功

支那

石雨禪師法檀卷第十

七

夫如老鼠入牛角可立等你悟去如不曾到見解得說他作麼徹巖出曰若論取捨不得春溫夏熱各自依時及候去好師曰即今作麼生進曰滴滴泉聲穿衆穴沉沉夜色沒疎親師舉香板曰且道者個是親是疎進曰和尚自分明師曰我不識進曰莫道和尚不識三世諸佛不敢正眼覷着師曰上座還覷得麼進曰若覷着則瞎却眼師曰古人道蓋子落地碟子成七片你作麼生會進曰蓋子落地碟子七片擬議思量腦後中箭太虛閃電不停機千丈深潭和底見師曰忽然有人問你水牯牛多少價又作麼生進曰

識破不直半文錢師曰且去

乳峰問福城高挂劍斬盡五峰寒當機一句作麼生道師曰將有餘補不足進曰共舍千古意雨過一山青師曰路遙知馬力歲久見人心峰舉坐具曰總不出者坐具頭上師曰祇者坐具甚麼處得來峰喝師曰更道看峰遂禮拜師曰也不出者圈圓

僧問數日把住關津只爲齊家治國於今家齊國治時如何師曰佛殿山門齊拱手進曰大開關鑰又作麼生師曰香爐無耳莫顛顛進曰端坐皇極殿遊步逍遙宮且道是甚麼人的行履師曰不是上座境界

支那

石雨禪師法檀卷第十

八

進口與麼則辜負人心師曰灼然孤負

僧呈題扇偈曰鹽官錯喚作犀牛師曰不喚作犀牛喚作甚麼若道不得當罰錢三百供衆僧禮拜師曰禮拜且置畢竟喚作什麼僧展扇曰請和尚看師曰恁麼與犀牛何異僧問指師與一摺曰三百錢一文也少不得

問如何是正中偏師曰驢前馬後不須言曰如何是偏中正師曰馬後驢前無正徑曰如何是正中來師曰驢前不是馬後曰如何是偏中至師曰馬後不是驢前曰如何是兼中到師曰下座時不向汝道

問不是心不是佛不是物是什麼師舉圓眼曰者個喚作什麼進曰圓眼師曰又道不是心不是佛不是物進曰和尚莫將境示人師曰瞎

僧問今日居士請回向金剛經提坐具曰未審者個經還假回向也無師曰忙者不會會者不忙進曰縱饒回向得又明個甚麼邊事師曰你道我怎麼回向進曰十峰勢到嶽邊止萬派聲歸海上消師曰還當得回向麼進曰也須和尚證明師曰我無恁麼閒功夫

錢聖月居士問赤肉團上有一無位真人四大未成

支那

石雨禪師法檀卷第十

九

時且道真人在甚麼處師曰莫被臨濟瞞却好進曰只今禪師舉拂士禮拜曰頻呼小玉原無事只要檀郎認得聲師曰如何是聲士無語歸位師曰莫顛顛去

僧問如何是清淨法身師曰今日不打你進曰如何是圓滿報身師曰還要第二杓那進曰如何是千百億化身師便打

梵則侍者問古人道出門便是草不出門亦是草請問和尚爲甚麼不出門亦是草師曰喚作什麼門曰恁麼則三世諸佛歷代祖師盡是草裏漢也師曰說

三世諸佛歷代祖師的請出來與老僧相見看曰相逢不拈出且道具眼不具眼師曰直饒舉意便知有的亦未許他具眼在曰畢竟是什麼人纔許他具眼師曰腦後見腮莫與往來曰謝師答話

師問僧如何是在的人與不在的人僧下語不契遂問梵則如何是在的人曰不敢相違和尚師曰如何是不在的人曰金砂易辨師曰語雖去得不甚諦當你問我看則問如何是在的人師舉起扇子曰者個是甚麼曰如何是不在的人師曰者個是扇子則禮退

支那

石雨禪師法檀卷第十

十

師問紫仙我有一物無頭無尾汝畢竟喚作什麼進曰淨陽爭敢瞞和尚師拈拂子曰者個又喚作甚麼仙奪拂子曰要用便用師曰恁麼則不成實王仙送還拂子曰始成實主師乃擲拂曰與汝打蠅子罷

師問新開嘉州牛呌禾益州馬腹脹汝作麼生會開曰兒孫得力室內不知師領之

問識得拄杖子猶是途中事作麼生是到家的事師曰走過長亭又短亭

問心月孤圓光吞萬象如何是吞萬象的光師曰識得心也未問不是心不是佛不是物畢竟是個甚麼

師曰老鼠吞大象

僧問古人道恁麼道則易相續也大難指香爐曰者個作麼生續師曰聽得他答你麼進曰恁麼則相隨來也師曰且去

問吹法螺擊法鼓號令人天展令旗架令箭群邪失色赤劍當機一句作麼生道師曰一不隻二不雙進曰用後如何師曰看毛在眼上進曰還許藏鋒納銷也無師良久曰會麼僧擬議師曰去去

僧入方丈問某甲做功夫覺心口痛師曰心口痛不如不做曰某甲參本來面目定要見他個落處是否

支那

石雨禪師法幢卷第十

十一

師曰本來面目眼不能見若要見還仗耳朶鼻頭僧禮拜去傍僧失笑師罵曰笑個甚麼僧曰說個眼不能見便好說甚麼耳朶鼻頭師曰他若問不將眼見將甚麼見你如何答侍者應聲曰却是眼能見師曰眼見青的黃的者曰若有色相則不能見師即扭住掌曰無色相又見個甚麼者一喝師又打曰除了喝說一句看者提納頭襟曰某甲祇知是件納頭師休去

黃元公問雲門大師云法身有三種病兩種光且道是甚麼病甚麼光師曰再求再聖再復再靈問雪覆

支那

石雨禪師法幢卷第十

十二

千山爲甚麼孤峰不白師曰家家有路透長安問如何是夜半正明天曉不露師曰露也露也問東山水上行畢竟明什麼邊事師曰也是蟻子負須彌同坐斷十方猶點額密移一步看飛龍如何是密移一步師曰一寸光陰一寸金問從天降下則貧窮從地湧出則富貴如何是從地湧出則富貴師曰白蒲聚畔了又來討問古云清光照眼尚迷家明白轉身猶墮位且道意作麼生師曰醜婦抹胭脂問楊大年云八角磨盤空裏走意旨如何師曰墮也問上座以露柱明不遷義水流風動又作麼生師曰到卽不點問玄

沙云諦當甚諦當敢保老兄未徹在請師道一句來師曰腦後見腮莫與往來問壽昌大師云奮然揣出虛空骨驚起須彌折斷腰且道如何是虛空骨師曰出問杜順和尚云懷州牛喫禾益州馬腹脹天下覓醫人灸猪左膊上意旨如何師曰鵬月火燒山僧問世尊拈花迦葉微笑世尊云吾有正法眼藏付囑與汝設使斯時百萬人天俱咲正法眼藏付與阿誰師曰貪觀天上月失却手中撻問有一人不從雲水至不從人天來和尚與他何處相見師曰喫茶莫動口問有一棒打不回頭還是師子兒鳳凰兒師曰

同坑無異土問頭頭顯露物物明真不用躊躇直截便道請問和尚道個甚麼師曰心不負人面無慚色問華嚴經曰刹說衆生說三世國土說請問和尚說個甚麼師曰三年無改可謂孝矣問日月照臨不到天地覆載不及劫火燒他不着畢竟何處是他安身立命所在師曰隣家乞新火分與讀書燈問如何是向師曰我問非有餘如何是奉師曰汝答非不足如何是功師曰唱者啞如何是共功師曰聽者聾如何是功功師曰龜毛兔角磕頭絆脚問楞嚴經如何和合妄生和合妄死師曰趕得着謝

支那

石雨禪師法權卷第十

十三

雙脚問如何是八角磨盤空中旋的意旨師曰賊是小人智過君子問長安大道長遊戲處處無私空合空請問和尚如何是處處無私空合空的意師曰脚上帶黃泥定是遠來的墨鏡問馬祖一喝百丈耳聾黃蘗吐舌即今聞之又當如何師曰更須驗過始得問破沙盆何故水屑不漏師曰低聲低聲問牛兒以草爲命因甚不許他食師曰言清可恕問天地古今有幾件用不得的事師曰短擇門長種火問春花一樣開爲何有結果不結果師曰貪程猶是可錯路實難容問會向上事的人

爲何現前拈不出師曰再求再聖再復再靈問因甚成了佛祖公案師曰老僧住持事繁問向上向下是同是別師曰熱時向火冷處添冰問黃龍三關趙州三度意旨如何師曰將謂救不得問一樣絺子爲甚有精肥之異師曰閒人不是等閒人問彼時夾山回首船子作何方便免得自身不濕師曰更使瀉山笑轉新問苦甘齊結實爲何時節不同師曰知恩者少報恩者多問古人云渠卽是我我不是渠渠我兩不立何處得相逢師曰堯智八彩舜目重瞳問禪關不放開生佛

支那

石雨禪師法權卷第十

十四

那裏來師曰禪關已放開生佛那裏來問神有五通佛有六通未審那一通如何是師曰曲徑達青松問有一人目矇口啞耳又聾手足全無直隴側有人問佛法一句將何祇對師曰只見錐頭利那見鑿頭方問二六時中還有不穿衣吃飯的人也無師曰覓則葛藤滿路不覓則當處生苗雪竈問余集生居士更欲師代答問既是光明臺因甚麼夜來復暗師曰將謂親見光明問古人拈一莖草建刹已竟光明臺爲何費了許多心力師曰話作兩橛問九旬禁足三月安居內無半畝之田外無十

方之供往來龍象憧憧畢竟喫個什麼師曰上座向甚麼處來問謂是宰官長老之名四海傳謂是長老文多一幾莖鬚髮畢竟是同是別師曰菩薩子喫飯來問昔日維摩臥疾毘耶見文殊談不二法門今日石頭掩室光明見某甲談個甚麼師曰我不談不二法門問樓觀滄海日門對浙江潮拈來用得却好且道是什麼人境界師曰尺璧非寶寸陰是競問佛真法身猶若虛空應物現形如水中月卽今西禪有請傳山又請不得彼先此後作麼生是應的道理師曰三月二九月九行人莫向江邊走問傳山已去瀛山

支那

石雨禪師法樓卷第十

十五

又歸壽昌徵言幾乎絕響幸有石頭老人在緣何隈山傍水虛度光陰莫是有待時節麼師曰閒人終是等閒人問聖人不出世萬古如長夜如何得一道光明普照去師曰黑問邪風時時熾盛正法日日陵遲將何以爲中流砥柱師曰來說是非者便是是非人法林問天上無彌勒地下無彌勒誰與他安名師曰欲窮千里目更上一層樓問達摩不來東土二祖不往西天誰人傳授師曰雪後一朝霜問馬祖曰藏頭白海頭黑是何道理師曰猩猩自古借猩猩問趙州生而知之因甚麼八十猶行脚師曰只爲生而知之

問香巖上樹有人問西來意答他好不答他好師曰墮也問興化打中間的遇着卒風暴雨因甚麼向古廟裏躲過師曰恩大難酬問古人未出門爲甚麼却去莊上喫油糴師曰不會栽秧看上帶問徹底無依畢竟向甚麼處安身立命師曰鷄寒上樹鴨寒下水問一悟永悟因甚麼却有大法未明師曰無米熟熬油

支那

石雨禪師法樓卷第十

十六

藍覺非居士問昔日大顛打首座今日西禪打首座是同是別師曰城門失火殃及池魚問一了百了一悟永悟因甚麼有先得後失師曰禍因惡積福緣善慶問一言合理天下同歸因甚麼有先與後奪師曰俗眼難瞞問大徹底人作麼生根本無明不了師曰休把枯楊樹名爲繫馬椿問不籍緣生不因境起者等人曾堪入道麼師曰自糞不臭

有益麼師曰苦匏連葉苦問彼此同門出入因甚麼
覲面忘知師曰自起自倒問大悲千手眼云何不居
尊貴師曰養子方知父慈問此土無佛向那裏描畫
去師曰看毛儼然又曰賊身已露問拈不起一句子
畢竟重幾觔師曰不是半觔定是八兩問併却咽喉
唇名請和尚答話師曰此問不答

劉若樸居士問現前者點靈明最初從何而生師曰
生也問凡有言句盡是點污如何得不點污師曰巡
人犯夜問入門須辯王不露鋒芒時如何辯王賓師
曰足上帶黃泥定是遠來的問君子龍興大人虎變

支那

石雨禪師法檀卷第十

七

本色道人喚甚麼作通變師曰一色非關雪問山門
頭有兩個無面目漢來時如何相見師曰點即到
問古人生也不道死也不道和尚爲甚麼終日口喃喃
師曰不道不道

師與相鯁生居士同遊龍潭師指石曰可取得雲間
去麼居士撫掌一笑至晚設茶師曰古人說學道須
是鐵漢把手心頭便判直取無上菩提一切是非莫
管且道菩提作麼生取居士出衆曰日間所指石頭
實取得去師曰你試取取看士便轉身作負石勢師
曰你可放得下麼士作放石勢曰有甚麼放不下師

信口偈曰深山佛法石頭小大負之而趨不煩挾帶
士欣然禮謝

石雨禪師法檀卷第十

終

松江府金澤信官趙
順浩寺弟子淨穆參兩
嘉興府太平巷廣言堂兩
全梓

石雨禪師法檀卷第十

六

石雨禪師法燈卷第十一

嗣瀟小師淨在編

頌古

世尊初生

風淒淒出林虎烟迷迷霧鎖鎖大地衆生眼欲開忽
然撞着雲門普楚歌聲一何苦八千兵散何所裊裊
餘香滿世間伊誰聽者忘淒楚
鶻臭娘生袴一腰痴人道是赤條條縱然夜半明星
皎汲盡天河洗不消

世尊觀星悟道

支那

石雨禪師法燈卷第十一

今也見古也見何曾能得全身現擡頭失卻眼睛光
大似優曇時一獻奇哉三界苦衆生一時炤破娘生
面

世尊拈花

世尊逼猪迦葉打狗李四知香張三識臭我欲驢前
爲證明依稀又落馬蹄後若是雲門偃祖來滿口不
消道個瘦

菴提遮女問文殊明知生是不生之理爲何却
被生死之所流轉殊曰其力未克後進山王舉
問脩山王脩曰笋畢竟成竹卽今作篾得麼進

曰汝向後自悟去脩復問進進曰者箇是監院
房那箇是典座房脩禮謝

說真方賣假藥絕處逢生還須扁鵲甚麼處去也千
里追風趕不着

金剛王寶劍

出匣寒光四海寧收來滿地血猶腥太平原是將軍
定不許將軍定太平

踞地獅子

飲爪藏牙合兩睛全身不動轉威猙狐疑不決忘前
後香象惶惶醉未醒

支那

石雨禪師法燈卷第十一

探竿影草

家家深夜穩眠牀風送花陰過短堦欲識裏頭真富
足定多籬竇吠寒獾

不作一喝用

驚飛戾天魚躍淵哥哥騎馬嫂乘船若還說與孃知
道朝打三千暮八千

德山托鉢

破爛袈裟搭半肩出遊無度取人嫌歸來獨掩三更
月又被狂風揭草簾客啓意太聯纖活得三年豈偶
然

洛浦參夾山

前脚不着實後脚忽移步跌倒爛泥中傍人稱怨苦
莫怨苦喚得起來連累汝

興化擯維那

其父攘羊子證之三通法鼓擯猶遲維那昔若能幾
諫不枉稱為唱道師

以今世人輕賤故先世罪業即為消滅

關關幽鳥啼紅翠一楊熏風驚午睡舞袖單衫入市
塵張公喫酒李公醉

日日是好日

支那
撰述

高麗師範卷第三

三

日日是好日歲朝不是年初一端陽粽當重陽糕中
秋月餅元宵喫風日陰晴屈指推臘盡都言是歲畢
咄

趙州狗子

家家有幅遮羞布放下便能當雨露獨怪當年老趙
州擲却頭巾頂却袴

藏身處沒踪跡沒踪跡處莫藏身

花落花開花復殘腸喉宛轉旅魂單傷心最處啼成
血萬古人悲行路難

趙州勘破婆子

以楔出楔弄巧成拙鍊打心腸綿團口舌活人卽用
殺人刀至今遍地流腥血

疎山造塔

愚者見之名正言順智者見之一味怪吝驀地相逢
老算師掀翻幾個醃薑甕

趙州與侍者賭餅

同調相憐事隱淪深山鋤土不鋤金拈開覺得金如
土高下千秋定管款

上馬金送去下馬銀接還存亡漢室在其間思歸不
解亭侯印一劔如何破五關不見道行路難路難不

支那
撰述

高麗師範卷第三

四

在登高山

雲門一棒打殺與狗子喫
紛紛落井去拖人愧我無繩千尺深萬里無雲天有
過碧潭似鏡月難尋

乾屎橛

門外小人至門內有小人一掌一握血一棒一條痕
噫桃花浪破漁舟穩萬里征人泣斷魂

南泉斬貓

夢花汀裏小機關物外獨超也看瞞入水救人春浪
起至今點額未曾乾

釣得乾魚架火熬逢人失手可憐宵朝來無限風波
活赤鯉從今帶尾焦

心不負人雙首座滿面羞慚王老師舉直更兼能措
枉草鞋頭帶較些兒

收拾乾坤把住貓飛刀血濺梵天高無端變作金獅
子萬里迢然路正遙

女子出定

酒逢知己千鍾少話不投機半句多我醉欲眠君且
去明朝有意抱琴過

舉一不得舉二因緣

支那

石雨禪師法檀卷十一

五

短亭不覺又長亭祇爲留君與別君忽憶虎溪橋外
事笑聲今古許誰聞

僧問審卞如何是佛法大意卞云貧兒抱子渡
恩愛競隨波

盡謂易分雪裏粉誰知難辨墨中煤音書有恨曾相
寄未審遊人歸不歸

婆子燒菴

冬令冬行也大奇何緣劫外起春鷗驚殘旅夢天明
後幾個惺惺幾個迷

高峯無夢無想主人公

半生活計一漁舟幾度風波爲下鉤行向桃花源盡
處歸言獨自訪仙游武陵守親垂叩興敗無家方自
咎休自咎一溪水綠仍如舊

雪峯義存禪師參德山問從上宗乘學人還有
分也無山打一棒曰道甚麼峯曰不會至明日
請益山曰我宗無語句實無一法與人

不是騎牛覓牛便是以水擦水一劈華山兩開自首
從來免罪未免罪黃金無假不須真纔到鰲山俱撲
碎

鰲山成道因緣

支那

石雨禪師法檀卷十一

六

隨風逐景掠烟霞浪子回頭便做家若道今朝方悟
道鰲山依舊在天涯

鹽官洞上德山來桶底三番大脫開不是巖頭周匝
好至今儼侗不堪擡

雪峯見僧來以手托門放身出曰是甚麼僧亦
曰是甚麼峯低頭歸菴僧到巖頭舉前話頭曰
我當初若向他道末後句天下人不奈雪老何
僧後再請益頭曰雪峯雖與我同條生不與我
同條死要識末後句祇者是

一箇爲人須爲徹一箇殺人須見血欲得燒成九轉

丹同條生不同條滅

雪峯見僧來參便曰是甚麼

是甚麼月滿長安路正堪眠不免曹山墮

是甚麼紅爐不是火煉成金今人棄如土

雪峯上堂輓出木毬玄沙捉安舊處

半夜三更神出鬼沒演咒書符還見也不

雪峯因玄沙來三毬一時輓出沙作臥勢峯曰

你尋常用幾個曰三卽一一卽三

人人盡道雪峯有當陽難掩玄沙口一三三一是幾

多分明露出家常醜

支那

石雨禪師遺卷第十一

七

南山驚鼻蛇因緣

父子相將學弄蛇一千五百眼俱華南山喝去全身

露毒氣彌深莫觸他

拖人下水不濕腳下水拖人脚不濕玄沙不顧犯當

頭一手扶人一手擲

雪峯示衆曰飯籬邊坐餓死人臨河渴死漢玄

沙曰飯籬裏坐餓死漢水裏沒頭浸渴死漢雲

門曰通身是飯通身是水

說邊說裏說通身總是画蛇添足人曠劫無名名飯

水一番拈出一番新

雪峯上堂曰盡大地撮來如粟米粒大拋向面

前漆桶不會打鼓普請看長慶問雲門曰雪峯

與麼道還有出頭不得處麼門曰有慶曰作麼

生門曰不可總作野狐精見解

電卷星馳會者稀滿山依舊雪霏霏雲門長慶遵師

旨普請搬柴尚未歸

雪峯遊山次指面前地曰者一片地好造個無

縫塔沙曰高多少峯乃顧視上下沙曰人天福

報卽不無和尚若是靈山授記未夢見在峯曰

子作麼生沙曰七尺八尺

支那

石雨禪師遺卷第十一

八

顧視上下七尺八尺佛界人天分等級無等級通途

特地栽荆棘一尊塔樣兩人爭塔卵爆盡我還出

雪峯指火曰三世諸佛向火焰裏轉大法輪沙

曰近日王令稍嚴峯曰作麼生沙曰不許撓行

奪市雲門曰火焰爲三世諸佛說法三世諸佛

立地聽

殺人火活人火火性無情莫莽鹵鑿壁偷光已有人

兄弟相將學步武久假不歸歸便休眉毛惜取留還

我

雪峯普請次路逢一獼猴乃曰人人有一面古

鏡者彌猴亦有一面古鏡三聖曰曠劫無名何以彰爲古鏡峯曰玆生也聖曰者老漢着甚死急話頭也不識峯曰老僧住持事繁話端使不是玆生古鏡無明辨不清焉地持歸相照耀彌猴從此露全形

雪峯在洞山作飯頭覆却米盆因緣

一枝佛法到龍潭吹滅殘燈徹髓寒九上三登明此意砂盆覆却總無端

雪峯因僧問古澗寒泉時如何峯曰燈目不見底曰飲者如何峯曰不從口入僧舉似趙州州

支那

石雨禪師法錄卷十一

九

曰不從口入不可從鼻孔裏入僧却問古澗寒泉時如何州曰苦曰飲者如何州曰死峯聞得乃曰趙州古佛遙望作禮自此不答話藥因救病出金瓶劍爲不平離寶匣相如何事愛廉頗趙國方今在兵甲

雪峯曰世界澗一尺古鏡澗一尺世界澗一丈古鏡澗一丈玄沙指火爐曰澗多少峯曰如古鏡澗沙曰老和尚脚跟未點地在

從來好手讓僧繇四影圖形未肯休自古誌公無面目于今點出一雙眸化爲龍飛去了堪笑三郎坐釣

舟

雪峯因闍王施銀交牀僧問和尚受大王如此供養將何報答峯以手拓地曰輕打我輕打我欲見雪峯無處真闍王銀椅驗來親誰知一代傳持者却作靈山護法人

雪峯因闍王封柑橘因緣

咒咀諸毒藥所欲害身者念彼觀音力還著于本人雪峯僧堂內救火因緣

柴頭發火救須柴此事誰人省得來要見父慈因子孝自將門閉自還開

支那

石雨禪師法錄卷十一

十

病人膏肓可奈何良醫拱手藥誰和如非別有超師作海上奇方有幾多

三聖金鱗

賣油娘子水搥頭不覺衣衫盡是油更欲當風兼賣俏被人掀倒罵無休

雪峯因闍王問擬欲蓋一所佛殿

誘人犯法得人憎反逼將來愧不勝兩手攤開遮不住至今枯木倚寒藤

雪峯望州亭相見話

烏石嶺頭石色烏望州亭望趙州過二番相見無差

舛及到僧堂便懣懣

一大藏教是個之字

只知以楔出楔不解將空塞空葛藤裏翻身易當道難栽無影松

玄沙三種病人

將謂抱肚叫屈原來賣弄家私硬證烏龜作鱉釣魚習氣還癡

甘贊入南泉請黃葉散觀

癡憨頑鈍瀟灑風流學人不曾休休休休

玄沙因我得禮汝

支那

石雨禪師法稿卷十一

十一

因我得禮汝誰云話彼此隔岸咬蛇聲帶累蝦蟇死

夾山無舌人解語

無舌人無舌人千年枯木一回新杜鵑元不喚春去客路傷殘夢自喚不用喚就路還家盡是親

法眼問永明智云隔壁聞釵鈿聲便名破戒今

男女駢闐又作麼生智云好個入處眼云此子

他日有五百羗徒

幾多娘蠢幾多妍覽徧名山又市廛無奈家貧遭劫

久借婆衫子拜婆年

春光別貯一金壺擬學江南唱鷓鴣謾把花枝招石

女橫推不倒直須扶 其二

和普明禪師牧牛頌

無端露地忽咆哮踪跡分明路已遙無計喚回奔競苦權將野草當靈苗 未牧

崎嶇石徑四蹄穿水盡山窮下一鞭且得鼻頭繩在

手東西從此任吾牽 初調

顛狂每欲息驅馳你若思歸我亦隨運足不知途路

遠綠楊鞭影送頑疲 受制

也只尋常這一頭何須今古較剛柔前村更有閒田

地水草依依且暫留 迴首

支那

石雨禪師法稿卷十一

十二

每憶溪山山那邊飢餐渴飲更天然一聲黃鳥春歸

去鼻有芒繩不用牽 馴伏

踞虎盤龍總不如隨緣坐臥已無拘橫拈短笛松陰

下一曲斜陽尚有餘 無礙

倦來聊睡柳陰中牛入花茸又草茸隨分納些終不

犯睡惺重睡睡猶濃 任運

人牛俱在此山中何必相煩問異同隨處風光隨處

好不妨明月下天東 相忘

覺來拍手一身閒記得當年此日間獨立曾無牛可

牧無牛猶有一重關 獨照

阿誰不欲共追踪到此方知萬象空空處不留如不
信前村芳草又茸茸雙根

密移一步看飛龍

日出東方月落西前堂端坐掩柴扉春來夜雨雷初
動松老成龍喚不歸

轉身就父

那個臺無月誰家樹不春反手摸着枕定是夜眠人

嘉州牛喫禾益州馬腹脹非日

壯順和尚只知拈頭撥尾不解泥裏洗土塊頌日

長亭又短亭趙氏送夫行雁杳魚沉後孤征萬里情

支那

石雨禪師法檀卷十一

主

石雨禪師法檀卷第十一終

松江府弟子相淨權三兩
丁智感趙淨塵各壹兩

石雨禪師法檀卷第十二

嗣瀟小師淨柱編

贊

騎牛出山像贊

食雪山雪白而且肥一色邊事人所見希隨類而墮
如虎之赴驀爾騎歸忘却舊路噫隨緣水草納些些
花落珠藤鳥亂啼

蓮花座觀佛贊

法身本無相無相非法身六載雪山雪忽爾春風新
春風新鷓鴣頻實花王綻絕纖塵剎那邈得伊神否

支那

石雨禪師法檀卷十二

一

擬議幾何失却真

佛牙贊

如何佛說法亦不惜齒牙牙法兩無壞永永鎮群邪
細字金剛塔贊

金剛爲體無縫可通慧命所寄能仁所宗天光明淨

雲色朦朧如沙聚海如蟻行空卽之也寒潭月影撈

撈無踪望之也撐天拄地八面玲瓏斯之謂寶王塔

而現於一毫之中

接引像贊

不立一塵捨師不得不捨一法取師不得不取不捨

恁麼得依舊勞他一臂力

吾師脚跟不點地纔聞喚着忙回視一縷纖雲引臂
長逢人便道西方事霜林夜半鳥驚棲無令好夢風
吹去

盡作唯心淨土觀遲遲五濁放身安迢迢每欲空回
首臂已長伸屈復難

普賢大士贊 二則

熱惱場中衆苦交逼左之右之無法可釋騰騰象王
以雪爲食從眉山來業示其白異類中行普眼莫測
但存想間儀容儼集咄咄獲得真賊走却賊

支那

石雨禪師法檀卷十二

二

萬行莊嚴如意之故走徧大千不曾動步盡道思承
白象力誰信曹山立三墮

獻象圖

散星成象觀星成佛牧象以奴獻象以法法邪乃狂
法正乃降佛從海湧波浪汪洋汪洋奈何截流而過
得善現者庶不負圖

觀音大士贊

聞得老兄當年買胡餅放下却是個饅頭只今在此
死丁丁立個甚麼噫踏着了也貪他一滴枝頭水不
得縱橫自在遊 鰲頭手執楊枝瓶

不提魚去沽村酒不踏鰲頭海上來鸚鵡堤邊銜柳

去南詢童子未曾回咄且問你將什麼利生休休騰
雲駕霧不如你說法還須老比丘 雲端

應現重重三十二光彩無非一月真除却寒潭千尺

影誰得當天指示人 水月

神悲行苦言真露甘熱跣其足寒幪其甕無利那項

思靜離喧婆心最在無人處細把楊枝着意參 楊枝淨水

應無子之求憐有子之累隻手迎送間施彼了無畏

子送

幪頭唯衲被觀者自知音逐臭隨香者多從紙上尋

支那

石雨禪師法檀卷十二

三

纔放魚籃便把經卷掣電之機換善財眼噫淨瓶打
破方知歇今且從人亂指點

因看月在水萬境悉平沉再四親撈攬良哉觀世音

水

世界大海中衆生沒于苦自古運悲人慈航把柔櫓
西行浪復東無計回長風業有所不免變現終無窮
獨有普門士應身三十二如解轉拳人手無縛雞勢
聊爾借婆衫拜婆了年事隱隱袈裟吹隱隱雙趺危
寶髻青山聳纓絡秋雲垂忽爾全身坐忽爾衆生度
不見有衆生祇把楊枝顧癡情盡說飛甘露分明以

水濟于水丈夫終不從他誤誌公十二面難描從茲
筆底無回互大海中柳枝

卽此物非他物得到手鮮潑潑任君殺任君活價不
相應賣不成短巷長街喚一聲人人打動化龍情猶
待春雷撼地鳴魚籃

原非男女忽示女相女人得度何男女相

垂手不入屢動足不點地身居潔白中好願酬還未
稽首挹香風萎花願吹去更雨新好者接人方有據
憶憶昔孤峯絕頂時一捏直教成粉碎蓮花

隨衆生機性惡性善觀面提撕寶花利劒

支那

石雨禪師法檀卷十二

四

目橫秋水言行如也童子渺然玄寂一字一句

從胸流出通身是口不音門德誰是知音還從胸沒

女人應受因類女則普門細字像從胸書起

大士既證此圓通又不肯住在裏許要我題破其中

意言外知歸還讓你圓光下像

一波纔動萬波隨之雲行風捲柳露垂絲一釣便上

當機者誰不擇異類良哉大師

布袋和尚贊

遇物便採入遇人便傾出問他作什麼倚杖笑而立
設更擬議間提起走不及無奈袋口何所以成狼藉

包乾吳坤容妍納醜四十九年何所不有忽爾知非

拄杖在手便好乘閒打開袋口呵呵寶壽山高月半

銜漸出雲衢人見否攜歸更問長耳叟爲法相可

松根爲枕布袋爲蓆白雲青天懶去求食一覺醒來

腹猶呆哉千古一笑兩眉豁開

伏虎羅漢贊

猛於虎者唯慈忍力大空空就手而食大空既空

小空不從頻頻回顧示以怒容

朝陽補衲贊

荷葉收香秋麻正長鶉衣結就糞掃堆旁衲頭下事

支那

石雨禪師法檀卷十二

五

針針相似咬斷線頭方可接續

寒山拾得贊

寒岩寺裏討飯來國清寺裏燒火去盡道文殊與普

賢相逢狹路難回避噫石塊木椿有何憑據

十八大阿羅漢贊

長眉曝日而童子進香者

離離披披水田其衣霏霏拂拂霜雪其眉心擬向日

乃負其坐背癢不禁侍者之故

對巖花而翻貝者

依文解義三世佛冤離經一字卽屬魔言頽然一翁

一俱不羨巖花似火雙眸若電

傾瓶放光而出神遊戲者

倚光而出非意所生不知何日打破淨瓶放過一着落在第二一若不存二復何寄

山居靜坐而猿猱獻果者

蟠桃既熟知是幾年偷心所得誰爲汝憐爾不異我不許藏躲但辨肯心妙哉厥果

坐叅經義而執卷忘倦者

老老大大手不釋卷懶逐文言只圖遮眼眼既自全月亦自圓世人若看牛皮也穿

支那
撰述

石雨禪師法權卷十二

六

携卷坐柳陰而次第簡閱者

出息不涉入息不居衆緣陰界不能礙渠楊柳春回每苦轉緣一大藏經從頭再讀

定中有鬼撼錫而不動者

把住要津官不容針畧通一線山鬼入林不采無窮伎倆有盡過十小劫金錫乃振

倚樹高臥而獼猴爲伴者

津梁既疲未忍言歸尚有侍者聊以應機侍者爲誰二獼猴子一動一靜自成賓主

拈丹桂枝以示鹿麋者

無法可說花拈一枝香生滿谷悟者爲誰鹿性既馴

馴復何守庶幾無聊可以爲友

騎三脚蟾以出海者

無物不有無時不然龍宮雖好不可久延撒却驪珠衣中自有爲有力者負之而走

騎蝦精破浪而出者

江既無底海亦無邊路頭在手白浪滔天如人履地人乃不會何獨疑于一蝦之背

握玻璃盞以調藥餌者

玻璃盞子內外明徹人今無此何以利物藥餌漸調

支那
撰述

石雨禪師法權卷十二

七

慰彼疲勞匪酥匪酪飢渴乃消

擎鉢多而降龍者

我無神通神通在龍雲周雨徧不離鉢中縱以爲體奪以爲用誰爲阿師只堪應供

努臂日而伏虎者

爪牙既歛風習未除努目而視安敢縱渠大空小空始絕回互若欲把門還少一箇

亦有布袋而非彌勒者

同不在心異不在腹以有布袋令人描摸是耶非耶擬之卽差可知兜率不是爾家

坐觀塔光而擁衲者

孤峯一衲似有來繇誰知只在光影門頭光不透脫
雖云是病不妨借此爲炤妖鏡

坦腹而布袋者

天上無姓地下無名當年一問粉碎乾坤廓落一囊
嗒然忘我大千有物無不包裹

擊磬而出定者

欲觀自在未絕偏圓離出入際默爾忘緣既非無語
亦非有證誰似其人一鳴其磬

寶公贊

鶴凌侍者請

支那

石雨禪師法幢卷十二

八

十二時歌步步嬌曾從異類出鷹巢還須化鶴凌霄
漢尺拂休忘鏡剪刀

初祖贊

崑石請

崑山有良壁如何喚作石武帝問西來西來道不識
不立文字誰是知音楞伽四卷可以印心但能推倒
嵩山壁便好爲他的子孫

立雪齊腰贊

齊腰不沒膝此意許誰知只可面當壁翻身早已遲
冷眼難瞞熱心一段死不干休雪花片片可憐坐斷
十方者到底被他將眼換

好雪片片落不着面壁多年不禁寒心未安時臂未
斷展開還好與人看

真歇了禪師塔在皋亭山方被劫火其僧以繪

像索題募建

題落驢前贊落馬後祇這些子火燒不透殃及兒孫
是誰之咎使有人云歇了休拽取鼻頭來寶壽不應
觸諱犯當頭紅爐雪又重芳茂

雲棲宏大師贊

生平不識彌陀面今日毫端全體現人人盡道見雲
棲誰向雲棲那邊看

支那

石雨禪師法幢卷十二

九

雲門湛然和尚贊

洞山於良久邈得雲巖禪誰知因過水兩眼方始圓
年深代亦遠幾希失所傳江南雲門裏放下無聯織
復爲分明極令人話正偏寶壽山何秀西溪水亦鮮
以此示後賢後賢曰儼然

古越雲門法幢獨露價賤如金貴如土故有空王俸
了不知顧邪風振搖卽隨類墮令人對此憶曹山毀
之譽之誰之過

聞說雲門夜半日出一人傳虛萬人傳實捧拂拈筴
對面不識祖彌不了所以殃及

兩手握何物持歸問汝師汝師曾問我我今復何辭
譬如迦流者溪石多參差攀攬所不及情知源在斯
因師乃聞我因我聞祖翁祖翁曰耳聾知此乃可起
曹洞之正宗 爲雀陵智超請

宗傳曹洞戒受雲棲教尊賢首總作全提或拖布袋
郎郎當當或登寶座巍巍堂堂雲門惺惺天華寂寂
養子之緣子肉不食擬報師恩幾缺師耳描師邈師
隨類墮只

真不可邈一邈便像眉目儼然却成兩樣不兩樣能
隨類墮者是之謂雲門湛老和尚

支那

石雨禪師法檀卷第十二

十

石傘在上若耶在東門齒不缺耳朵不聾是耶非耶
豈力未克噫持書千里迢迢客畢竟何繇到此中

博山無異和尚贊

脚下無私隨往自適今之古之路逕開闢舉壽昌宗
起博山宅把住要津爲眉毛惜噫拂子橫拖不顧人
至今幾個知恩澤

密雲和尚像贊

一條白棒顯家風今日相看影現中道師不足隆臨
濟怒髮莖莖直指空

麥浪法兄如六賊戲彌勒像贊

舉動如天衣再來遊戲如彌勒應世乘拂於顯聖雲
門住持於彌陀梅市悄地裏結却袋口忽然間拽杖
而去那管伊六賊六通一任他扯來扯去斯之謂麥
浪懷兄永不負先師之記

聞谷大師贊

雲棲的嗣淨土正宗龍池有鳴掉頭弗從西來祖意
曲暢旁通川超流赴茗溪道中隨方應化雁過長空
影非留水此似誰容我生武水鄉與師同擬議師德
海月可籠吾師之德榜摸無踪瓶窰火發庶幾可攻
說淨土法開慈悲方師去我來喜拈遺香淨慈隔岸

支那

石雨禪師法檀卷第十二

十二

游芝山堂開卷拜贊是我同鄉

東山爾密和尚贊

東山阿兄宗通說通誰是其人水上尋踪

具足禪師贊

白石之上青松之下是誰似伊得能瀟灑何以孝聞
左無股者解脫自居世間頓捨同師點沸共抽薪也
派出源分易幾冬夏泡漚復親活埋話新電影忽墮
空花未淪且結空菓聊以獻蘋秋風落落難擬其神
春流浩浩彷彿其身身與神會午夜紅輪手執何物
欲誰付與我爲證明須一轉語不是木蛇豈曹家女

喚作如意非我儔侶兄雖點頭我亦不許薦取薦取不負同處

題瑞白和尚住陽明洞鍊壁居秋景畫像時開法雲門

坐破鍊壁伊誰可測常局柴扉見亦不識別峯拜之一龜毛拂舉兎角杖搜陽明窟飛一葉秋揭藤斗笠不離把茅啓雲門席豈忍不禁先師累及噫盡道世間行樂好逍遙那及在山日巍巍堂堂辨邪別正六出瑞花其白無並寒殺關黎韜幾晦微曹洞一脈大地春歸

支那

石雨禪師法檀卷十二

十二

南明大師贊

遠臨臨濟中接斷橋車車溪水鴛湖滔滔噫者個緣何無一滴沿流不止問吹毛

自題

若耶溪上雲門月流落清流話圓缺平日拈來作鏡看却教胡餅知時節何時節試問黃橙與綠橘

山爲日

曹洞正宗何背何向試問觀者果像不像不是暫時落魄便是白衣拜相

寶壽龍門枯藤槁木顧虎頭輩十描九錯寶鏡無塵

黃金無真因緣時節藤木生春噫省然眉目霧將散看取麟湖月上新

省眉請

雁過長天秋霞作箋一筆兩筆影落寒泉泉不留蹤雁不遺影你是何人示人以景不是景手執木蛇知爲誰昨夜夢溪清夢醒咄

印如請

西溪深處古杭之餘峯七十二何處逢渠昔有政公好騎黃犢人或擬之柳鞭一促

騎牛象

奇哉寶壽追踪熊耳九年面壁沿流不止魚魯鬚眉烏焉衣履畢竟如何逆流洞水

九壁請

寶鏡堂前一輪明月背觸俱非如入虎穴擬犯其威

支那

石雨禪師法檀卷十二

十三

遭其耳缺吾道欲隆記取時節正月小盡梅花似雪

寒影入溪任人拈掇

道隆請

三喚三應意豈有他只此斷拂觀面非賒梧桐瀉影秋月欲斜西山雖好不是你家

爲日生侍者請時生將歸寧化之西山菴

因汝識我我不是汝高踞要津把斷拂子淨玉瑕生曹溪洞水何物沿流云祇者是

淨玉請

衲僧氣宇山清水碧塵累既清無往不適拄地撐天此外無禪可密傳者密在汝邊

傳侍者請

如是之法佛祖密付逗到靈峯一撥便露任伊描得十分真寧識曹山尊貴墮咄

玄豹齋中偶然佇立一人傳虛萬人傳實若道是曹洞正傳爲甚麼到者裏拈椎豎拂咄

汀州本然註

是渠非渠鏡裏尋渠撲破鏡來觸處逢渠

天華顯聖雪峯長慶只因寶壽扯拽不定扯得定綿

江撈得獅峯影衣裏戒珠須自證

寶壽之寶雪峯雪分付諸人莫辨別若搭生薑賣與

人管教辣斷娘生舌

雲庵頭語

說像不像野燒不休燎天灼地此箇獨留愚者怖走

此復誰收問取淨節是真火頭

節火頭詩

旁通法眼曲暢雲門卽此面目曹洞後孫

支那

石雨禪師法檀卷第十二

十四

題久默像

弁嶽峯頭浪濤天誰云妙唱不干舌太湖澄碧峯影斜不務速說今已說

唐存憶居士行樂圖

子孫世立童子送芝

人生行樂耳妙云樂有極寶樹行有林盤陀坐有石花輪胎始成蒲輪擬相迫此際紫芝香卽之不可得色果卽空耶壽茲良可釋選佛亦選官語諸賢子息

題章天對居士小像

角巾原不染風塵博得清閒倍爽神樹下有形能息影石邊童子慣隨人破瓢擲去成奇響斗笠掀開不

厭貧古鏡自來如面潤一回深照一回新

題穆溪野老小影

卽曹愚公居士

優哉游哉出朝入塾豐草長林是所思也道可樂乎道可行乎溪影自照渠正是吾

題江陰芙蓉菴渭筠真

日中逃影旣已知非攝身松下似與世違身亦是影孰究其微芙蓉湖上秋月輝輝再三撈漉始得忘機

遠思曹司理乞題行樂圖

三首

一經旣明志忽青紫春至花發於我何喜

勵志一經

歸受一錢恐傷我廉傳經之外此復何嫌

廉風雨袖

支那

石雨禪師法檀卷第十二

十五

身心家國擬負而出月明星稀照我迥立

靜夜憂時

澄泉行樂圖

華嚴五山一山之首有老比丘年七十九見慈舟翁親雲門叟靜養自怡不遑他走香水海月豁開戶牖如寶鏡光畢彰妍醜隱現之機永垂不朽明年好學趙州禪若到龍門卽寶壽

孫冶堂居士像

五百頭陀結一緣扁舟別業到梅川紅衫竹杖追蓮社世外風流不問仙

劉元城居士像

遊雲遊宦前身後身水月既隱鏡花復新撥轉鏡看
何喜何嘆是速朽業是千古真

石雨禪師法檀卷第十二

終

嘉興府天寧菴北丘明淨施資一兩
信士徐煥淨璞智萌各五錢
廣遠霞谷智開各三錢
金門智全湯門智信各三錢全梓

石雨禪師法檀卷第十三

嗣瀧小師淨柱編

瀧語

付瀧偈

無付卽有法有付卽無法有無付有無無法
示唐所遠居士

參禪到無參處始是參有得力有省但屬想邊收是
明白路亦是門須打無門路處入且道無門路處又
如何入若道入了也還見石女生兒麼參

參禪到昏沉妄想衆苦交逼處纔好下手不得躲避

支那

石雨禪師法檀卷第十三

一

不得等待待得清閒安樂十個五雙要打無事甲
裏故於清安處似得力多於苦難處似退失易然寧
向苦難處退到大洋海裏莫向清安處得力到佛祖
頭邊還有從大洋海裏下手的麼劍去久矣徒勞刻
舟

參禪到公案明了處且莫草草急箇點山河大地明
暗色空身心世界衆生諸佛有毫髮許差別也無逆
順境緣有毫髮許留礙也無參到自已明了處亦莫
草草急舉個古人公案看一則兩則至於千七百則
有毫髮許差別也無三乘十二分教有毫髮許留礙

也無於此二邊合看分看橫看豎看看得脚跟穩貼貼地不妨著草鞋行脚若遇着沒個面目漢把住要津透不去撥轉頭來上大人丘乙巳從新念起方有些子丈夫汗臭氣莫局定自己已有風根無風根必遠得必近得但限一刻立一時萬不得已流至第二第三直須念念如初及至到家說個太近尚爾隔津况遠乎哉居士字祈遠則遠在目前且問目前無法又作麼生撥開寶壽山頭浪揚取荇溪水底塵

示金舅庸居士

凡學道人打頭切忌分儒分釋要從自己不明處發

支那

石雨禪師法檀卷第十三

三

心便無許多是非畔即發心不在廣學見聞不在避喧求靜所以道此事在穿衣喫飯處迎賓待客處舉心動念即不是也請看不舉心動念賓客如何迎待衣食又如何穿喫於此徹去儒不能拘佛不能束可稱過量丈夫士曰我於此似略沾味道余笑謂只恐不是蜜是蜜也大甜毋自欺焉

示晉朗

旭天欲朗野水先明俯仰優分融然忘謂此功奏之極玄導達之道邁也在晉之上九當代其私如禪者之治心勿以纖過而存之雖然獅子搏兔頗費全力

亦可吝也

示竹虛

三冬養就一旦干雪亭亭直上終不倚牆傍壁者竹之性也枝葉婆娑隨風搖曳根本不動者竹之韻也外實中虛首尾有節獨見知於君子者竹之品也今子字竹虛應具此性神超物表受世外之風韻立衲僧之品節庶不虛此字矣

示秋萍

秋風萍浪澹泊江湖辦道高流殊堪受用一任春回草末鳥轉花梢而寒暄無變矣無變隨緣剖微塵以

支那

石雨禪師法檀卷第十三

三

出大千經卷納須彌於芥子此秋萍開士之轉雜花也

木蛇爲祁季超居士所得以偈贈之

有敘

木蛇子打風打雨不曾打着些子即有一二見而死者久矣委諸岩壑戊寅秋杪適居士四九初度入山深語數日夕偶爾失手侍者相救勢已入穴不可倒拔因笑曰若欲取之必固與之木蛇子蒼天蒼天而已

唯偕我處者十有餘年矣羞囊頗賴渠逢人接言語可隨優劣機優劣可隨此秋夜挑殘燈寥寥扣知已

一摘西風寒蕭蕭在天地和取寒山詩拾得祇者是
附祁季超居士復語昨見寶壽山澄浪千尺偶爾
涵泳誤觸香餌被大師放出無影木蛇爾天開口
擬欲渾身吞噬雖則不惜性命一手擒下然已遭
他毒氣不少矣者個保社爲須大家打開一場昔
日頑皮懶骨未免帶鎖披枷冷面疎情也應捺脂
抹粉本是木石野人強作登場傀儡冷地思量冲
天怨氣一點深恨萬劫難忘吳山越水同作證明
大地虛空無從迴避恭伸惻愴伏惟鑒涵

示藻雪

支那

石雨禪師法極卷第十三

四

潔如藻白如雪究竟不知是何物江南聞說有雪門
但有纖疑必可決我無玄亦無奧相逢只唱漁家傲
更問如何性與心斷拂一枝當面挫也作詩也作偈
叶韻何曾有文字興到隨腔信口歌記取是名雪書
記

四十一初度

香泄梅梢好禽啣啣初度因緣忽然記憶說是來朝
却是昨日人人有氣出孃生鼻若能摸着一時賀畢

書扇示炤渠侍者

扇面雖醜不可棄渠秋月在炤暑尚有餘縱經臘後

亦可應機何必破也覓犀牛兒

題松菴圖爲青林兄六十

青青者松神靜而工無矯於夏無軟於冬擬共松老
結菴於中聽入耳順忍俊不禁風聲松聲雜然不混
忽遇趙州堅指勿吝

付大鼎新

掀翻教網重重拾得金針玉線綉出枯木生花雪峰
毬子如箭焉爾拈歸本處也是玄沙舊面

示柱書記

負律入禪萬無一失以古較今語不同日古推見地

支那

石雨禪師法極卷第十三

五

今論樞機諸方不言言自余始况當汝躬機與言同
迴波逆浪無逐澆風願志不深我宗莫尋不許離我
我不許親明月藏鷺有過無過速道速道錯不錯錯
示悉檀法孫

惜哉大荒宗風碌亂洞上一派不容妄薦通代相傳
徵文驗券賴有拜書柴林一段樵牧放歌狐狼恣踐
迦流得源任恩任怨柴林蓋尤
點別號也

付寶維那

曹溪一滴耶溪之源耶溪一滴流入龍門當軒布鼓
若個知恩愚者一擊打碎乾坤速須縫起付與兒孫

五位金彰開寶鏡半輪新月在絲綸

付律侍者

洞上一宗機貴回互人天衆前密受密付金砂易辨
有話不墮見不拈出竿頭進步師資道合偶成唱和
不肖兒孫永永流布

示一葦

柳條一條道人活計片語不合掉頭而去可憐世人
反就世味縱有學人自稱標致觸着便喝冒承臨濟
忽遇利名如蠅死涕泣其慎之聽我半偈佛法世法
一葦瞥地

文那
撰述

石雨禪師法稿卷第十三

六

示自勉

銅牆鐵壁趨向不得百尺竿頭動步卽失諸佛現前
無可爲力唯自勉之識渠是賊渠正是汝墮身荆棘
橫行直撞以怨報德何以故轉側轉側

示肅容

真實踐履無剪爪工梓速朽質山窮水窮銀山鍊壁
虎豹後攻動着卽喪不動卽凶轉得一語巍巍大雄
不轉不得攝身其中意不在語爲超生生死死既超
虎豹自耻壁裂山崩歸家莫止佛佛道同無任真空
打天打地罵兩罵風將五道五拿空道空從空放下

仍入此中此中樓閣百萬億重重重涉入善肅其容
盤珠宛轉何去何從始堪道人長慶堂曾參洞上之
宗

乙酉冬從寶壽至興善補祝馥生兄五十壽值
馥兄又過東塢歸晤

舉棹何提波瀾匪別萬方多難路引風雪空堂客襟
信宿獨吟相彼何適雲水爲林天命不虞知之者娛
雙溪秦溪乃避乃趨

示景林智志

諱爾智志豈在溫暖至冷莫中精進無轉字爾景林

文那
撰述

石雨禪師法稿卷第十三

七

取舍從心心若了了景亦無侵了心有法戒品善達
先參其身身從心發心在何處參參不住一盞天涯
衣纓錫具坐臥之中行住相從暫時失照其過無窮

示相續生居士

萬法歸一一歸何處自問自答應無所住無住無功
無功無空泥牛吼月木馬嘶風

示無外

汝發大心我說大戒從此永無退其大乃無外

示劉養純居士

我道東籬菊綻爾言黃葉飄空既已善知時節密移

步看飛龍

四威儀

山中行竹杖只宜輕撥撥草不過使蛇驚

山中住客來都不懼說說鬼亦自饒幽趣

山中坐石爛莓苔破白雪歸忘却來時路

山中臥那得論朝暮有夢時好友俱應做

遠門以續燈元辭遊嵩岳搜求諸祖遺言偈以

仅之

繼祖續宗貴子眼通純金璞玉野鶴孤鳴千里萬里
踏倒能峰還鄉一曲善爲道中

支那

石雨禪師法檀卷十三

八

示端白侍者

僧心本淨當臺明鏡端謹儀形清白梵行寂照虛容
垢盡斯證禪無妙玄亦無動靜貴出生死一喚一應
應者是誰水澄月映

道懷告假歸恐其耽着窠臼以此警之

菩薩未離覺不能證極果而况凡夫僧乃敢倚門戶
直須方外遊隻影自擔荷有無面目人真是汝親故
相逢出是非佛日始獨露

鯁生居士從雲間遠來時余兼理龍門喜留信宿

雲間過武林誤入西溪裏相逢匪無人何以爲鷄黍
迎咲情頗歡指看溪源水此去龍門高登咳春雲起
雲中隱逸流語子必有以

鷄黍爲朱爾于居士作

金籠鎖鸚鵡鸚鵡苦思歸既失烟霞杖徒傷錦繡闌
臨風吐音響對月理毛衣但得君恩放還尋隴樹飛

念佛偈示鯁生令慈戒用

念佛須念心心淨佛土淨六字大真言生方親把柄
眷屬團圓頭修行堪共命世事只隨緣同遵法王令
參禪偈示鯁生內齋智達

支那

石雨禪師法檀卷十三

九

參禪參自心自心在何處早晚細追求莫隨煩惱在
眷屬同勤修超出人間世請看愚痴人忙忙作何事
詩偈一

四言

爲來雲題畫

山藏雲出雲入山開試問雲山從何處來

示深谷還鄉

古佛道場秋風肅肅擬傳其聲好深其谷

爆竹

者龍侗漢通身毒藥劫火洞然七零八落

煨黃獨

種似西來單傳有據每顆一食地爐生計

晒鹿皮

南軒奏晴午睡乍醒復展臥具瑤光奪晴

牧牛圖

雲門山前草足水足若欲牧牛返被牛牧

寄曹白僧居士

五首

山胡爲高水胡爲長石雨道業白僧文章

其二

常行粥飯一飽便歇鬼臉神頭弄巧成拙

支那
撰述

石雨禪師法檀卷第十三

十

其三

弄拙成巧是名顛倒夜光投人按劍不少

其四

一月在溪一月在谷請出指觀匪僧匪俗

其五

聞我欲去聞君欲來狹路相逢咄哉咄哉

住天目山西方菴

以下五言

偶以天爲膽攀空躡其奧回首笑猿猴猿猴可能到

其二

杖頭紅日挂眼底白雲行何獨無人迹寥寥絕鳥鳴

紅梅

人間脂粉氣染不到梅花分得海棠色春晴散曉霞

訂訪嵌石兄因病不果寄懷

六首

生平托知己懶集一身貧兼病二月餘遣人安得人

其二

夢我復夢君與君同笑語尸臥仍隔津夢醒俱逆旅

其三

買舟一葉輕欲棹每無力何處輕薄兒飛帆去能疾

其四

深夏金石流溪水却膠舟負病乞時雨一雨安能周

支那
撰述

石雨禪師法檀卷第十三

十一

其五

雲出山則雨入山農復苦安得呼長風吹雲到青浦

其六

立秋秋已立喜雨雨已集鴈來還未來何處飲高醕

題畫

一葉橫烟波絲綸已在手試問浩蕩情亦知秋暮否

和橫山草堂詩

有序

橫山草堂武林江邦玉居士偕隱處也訪之欲有

言以人集索其題指歷幽勝復出文起文公所詠

視余余歸躬耕間就題携鐮依韻運錙其奈山荒

草深與敗中止何

漱雪橋

石梁千尺雪且作漱流觀十載忘歸道於茲一倚欄

蓄翠泉

苔影寒不留烹試此常想蘇子於虎跑龍樽咏清賞

鹿藩

初防鹿女心幽花亂幽景不覺老維摩默然深以靜

扁岫

山有囊雲岫溪無留水花漁郎從此去着意飲餘霞

竹浪居

支那

石雨禪師法檀卷第十三

十二

隱小若知足深山在夏涼數椽浮竹杪搖撼接江光

空蘊菴

蘊蘊諸空空空空空諸蘊微風拽梵音每與書聲近

香夢窩

遊夢入衆香若爲香所轉覺起坐巖窩爐烟裊餘篆

挂屐寮

挂冠潔其名挂屐淨其聲相逢暖茗事多半聖之清

巢松

倚蒼蒼松危樓更架重擬將身類鶴一啖響千峰

雲肆

酒徒初散霧茶侶乍生烟物物層樓耳長生不是仙

悠然見南山齋

採菊意何深無絃空抱琴南山亦在望真得古人心

却月廊

每當明極處不忍坐其下挈影就迴廊深於愛月者

浴硯池

一洗黑雲亂魚龍競其光唯故所難革我亦惜遺香

醉山樓

酒其可解醒何物不堪醉所以江家樓對山有酣致

雜咏八首

支那

石雨禪師法檀卷第十三

十三

雲氣秋未清道心貧未切未清秋未深未切貧未徹

其二

節山高結屋種竹揀天綠日月遶人間捫天何所欲

其三

碧沼不盈尺竹影深不極兼彼高雲天沉沉安可測

其四

秋花不易開秋花不易落所以老成人出處慎輕薄

其五

有言入荒艸無言空渺渺萬竅因風號聽者俱了了

其六

幽徑苦無痕至人言無門望之若可即鳥跡空中存
其七

上山不能遲下山不能疾鄙哉猛虎行誰爲山水惜
其八

悠悠日復日丈夫挽弓射神僧拄杖頭撐撐願努力
百丈巖

巖有凌空志人無物外愁相將尊百丈六尺自甘休
一線天

誰將巨靈斧劈破青山痕人遊向幽谷一嘯開天行
鐘

支那 石雨禪師法檀卷第十三 十四

有聲復無聲放下復懸起勘破老閑黎從今不打你
鼓

牛皮在者裏牛在甚麼處來朝陞座時分明指不去
古鏡

揭開方寸光大地現神力誰醒復誰妍塵堆二三尺
初任寶壽得石田禪師塢

故身俱地土地土中爲誰千尺松根遠其如事可追
其二

五百年前後曾聞長者言塢門非自啓吾輩未知源
其三

廣廣六尺餘深深一尋許唯不逐滄桑焚香薦藜糈
隱真火頭

忽爾飯香藹忽爾茶氣伸何時茶竈墮免爾勞其薪
丁怙思居士以乩仙語指來佛日一見如故志

相看明鏡裏佛日自無塵彼此如相信何煩復問津
感

贈道懷禪士五十初度
出家復出家佛日照袈裟學到知非處心空自雨花

夾紗扇竹影
空中拾鳥跡寫出竹心虛似隔紗窗月橫空雪一枝

支那 石雨禪師法檀卷第十三 十五

示趙淨塵居士
一日入名山三日無俗慮雖然非急務此中有深趣

贈伯瑞仁丈勸省風因起此濁世
人生定有因性善習相累知此返風根果熟爲人瑞

石雨禪師法檀卷第十三 終

松江府華亭縣弟子丁智感參兩
嘉興府平湖縣弟子秦智崗參智韶
徐如水劉智京喻天振袁敏文
釋淨津各貳錢智雷四錢五分
全捐資壽梓

石雨禪師澧檀卷第十四

嗣澤小師淨柱編

詩偈二

五言律

對月懷白僧

念屬懷君細宵嚴景亦工一方雲影淨萬里月光通
好護北堂草須珍林下風團團如有語應寄老山翁

移菊

何處殘秋色當窓復傲然以爭松柏秀因對雪霜妍
冷淡宜孤衲疎狂見隱賢許多深遠意如不耐人憐

支那

高麗詩集卷十四

二

石城送蘭友居士復遊江陵

幾度天涯聚雲遊與客遊論心蕭帝寺讀賦仲宣樓
世外成千古人間定白頭何難于此別吳楚一江秋

同樹倩閉戶真州

不期爲市隱畏暑息肩輕畫壁秋烟動茶爐夜瀑清
豈尋閒學解因對古先生未諳深山理寧知閉戶情

立秋夕共嵌石韻懷諸法侶

爽氣排空度涼暉迫暮低信懷邀滿月却意飲長霓
世路平難涉名巒險易梯引身招隱谷秋近海門西

住天台香柏峰

香柏峰無柏頻頻設問端祇因溪蘚滑錯認石頭頑
砌冷蛩方鬧林幽草未殘不禁餘習遣常作舉頭看
遊新安訪曹白僧一蕊同入黃山徐渭友同曹

石葉浙下因贈渭友

性情分地主隨往愜幽尋浩渺歸狂譜高寒得隱心
飛橈輕與翼理杖迅於駿山水非吾輩悠悠空古今

贈月涵二首

廢燈空籟後啓幕信生平止水光能發頑虛性可成
虧盈存至理黑白寄浮情霜重寒梢折一聲棲鳥驚
精霜復嚴雪寂照亂雲平已許愁心寄還期淨業成

支那

高麗詩集卷十四

二

晝光謙爾德秋氣浩吾情深岫梅胎結無令蝶夢驚

立秋警衆

草木接秋氣雨餘開竹扉扶花憐我道聽水覺前非
白日靜於夜纖雲涼似衣無爲山好住向便逐時機

和答博山雪關禪兄原韻

把茅旣已葢隨地復精藍插草一何易拙鳩殊未諳
憐時初放菊清露正流甘深愧癡夢綠蘿空自菴

入關紀遊

此去如招隱迢迢一老僧仙霞知嶺峻南浦挹波澄
買渡懷船子登臺弔子陵一絲千古意離釣道誰能

初春卽事寄懷京臺王居士

祖道春寒色遮遮猶在衣雪峯雲影亂長慶梵音微
却喜殘梅吐偏憐野鶴飛懷君還惜別未忍便言歸

答黃井門居士謝茶韻

偶攜身作客無語制三關茗碗方招隱詩筒已貯閒
女蘿牆角外玉磬響餘閒一點衣光白松燈獨照還

雪峯元旦

試作初生看山雞忽地鳴有峯先沐日無地更沾情
保子能如赤求心不待誠夜來聞杓卜必定是虛聲

答林有道居士原韻

支那

支那

三

極目望何賒行行更結跏息心孤夜月耐眼澹秋花
慧業蟬聲噪餘生峯影斜家風偏寂莫招隱愧袈裟

喜陳孔端同鄭天御夜過靈隱寺

相攜踏黑月遊覽得其神寺古傳燈遠僧貧款話真
杯茶三刻飽疎雨一番新問到無心處超超物外人

方賓侯居士先夢入雪峯及至一與夢中無異

因贈

交遊迥不雜選履訪山僧目引秋空路心持臘月冰
山門相見了堂與夢初微一一生前境雖虛却有憑

同陳五臺希節二居士中秋夜話

爽雨三日後對客當中秋不語朗天性或言消茗甌

澹烟暮月去清露逼人流徙倚更珍重千峯峯上頭

答林羽仲居士見訪韻

日煮雪峯雪無論前後身烟霞開夢幻星月近天真
片語投深夜杯茶試小春不辭酬酢禮爲結再來因

再和答翁公若居士

客來無可待絕頂一閒身試問人間好何如我意真
荷鋤三作禮倒屣一回春有興同懷古先應結淨因

和韻送翁公千居士歸三山

交理薄雲氣情真敬老松福田耕夢筆慧業掃邪宗

支那

支那

四

語別燈花焰心期春草茸再來能不遠殘雪有餘峯

九日

絕頂當重九何由復問高捫天能不遠念友覺無聊
下視吾安敢凌霜菊自驕折來許可寄插簪任山樵

藍長者名與雪峯大師並美其德可配給孤

施德尊西竺神州一給孤王封唐代爵家慶富村圖
遺囑言猶在法堂草已多後賢方繼美仍念雪峯無

升山度元宵

山已隨仙化誰開選佛場從唐推小劫禮塔辨遺香
燈續人間火雲生月上光生平幾登眺此度較清狂

對燈

那須頻顧影入炤不勝情髮白明非鏡懷伸愧獨丁
破窓星已散聯榻夢誰驚曉發天涯去修香助短檠

遊桃源洞

此行非誤人不復記歸踪葉艇初辭釣花源已褪紅
僧無迷路恨樵有避秦風鳥道誰爲鑿神仙亦易逢

秋夜同永中居士及來雲幻來諸子待月

花不拈吾懶如何可破顏拾題人事外得句道情間
雲淨依秋立山奇入夜閒鐘敲殘月上餘半在溪灣

辭雪峯日寄懷王東里總憲

支那

石雨禪師法權卷十四

五

擬寄雪峯雪毬門路不通兩峯雖覲面千里但同風
夢卷烟雲外懷伸杖履中昔年王太傅指鉢定降龍
從九龍入靈山寺

欲療烟霞癖先憑佛祖嘆臨奇應冒難涉險在無因
三峽夢曾幻九龍舟未渝挂瓢山寺小問法喜無人

柘浦值筆山費明府貽詩和韻奉答

度嶺衝雲脚晴風拂路塵崎嶇非世理蕭散任吾人
交淺神先合機投話轉親相攜推出處家國與心身

示休山

龍門無宿客爾獨愛休山忍俊看雲幻安心傍石頭

蕨肥充一鉢菲短縛二間不逐春風暖寒爐古廟間

立秋聽月

寂寂先秋聲雜以微蟲鳴遶砌聽何極轉轉成淒清
仰天發孤嘯怒者其誰生扣所以聽者月擊空潭明

龍門山十二景

半山亭

信是來時道忘來知幾年澗分蠻暑外橋度早秋邊
瘦筇支還歇枯藤斷復牽躊躇當進止崖背一亭懸

九曲嶺

一歌登一曲汗漫不爲遙逼面雲連石過頭杖沒腰

支那

石雨禪師法權卷十四

六

竹疎生就懶松老養成驕鎖得溪聲住流泉不可招

石壁土地

伊誰懷巨靈一削開青壁老樹已栖神岑樓方篆額
蛟龍信有門狼虎豈無宅樵牧所避趨願言仗威德

鸚鵡峯

各自何年命凌風勢欲飛無情能說法有恨復誰歸
立雪懷西隴披雲學舞衣老僧禪定久爾亦竟忘機

積雪泉

洗出泉如雪玲瓏石罅中神功歸造化古跡見宗風
照影誰無愧論心我未空難將妖怪膽似鏡得含容

釣嶺

霽色添飛瀑山僧徒倚時宜亭
弗未剪擬釣竹先垂負命魚
難得直釣人正疑何如捲絲去
名利不吾欺

千丈崖

孤危成久立一嘯振崔嵬
鳥已銜花去猿難摘果來
風雲磨歲月草木避塵埃
小劫論初開龍門自此開

伏虎洞

曠劫虛巖腹乘閒幾度登
石頑疑伏虎洞暖合居僧
不羨桃源好誰矜避世能
更無煩結構隨意捲蘿藤

瀑布

支那

石雨禪師法檀卷第十四

七

山無五嶽勢瀑掛一天虹
雨過拖銀練風回挽玉驄
滄洲歸浩渺帝座復靈通
臨下登高者翩翩氣自雄

石關

石關僧似吏難禁採樵人
恐趁街花鹿還嗅王樹神
淒清局碧岫離亂在紅塵
宰相無何宰烟雲經濟新

雜花居

偶構藏經室山推此最幽
雜花因聚散野客爲焚脩
變豹屯香霧飲牛歸上流
當年李太士棗栢味堪求

龍潭菴

奇哉絕巘下每聽老龍吟
鱗隱終難測潭空不可侵

傾珠飛夏雪激玉寫秋琴
上有尋源者禪安活水心

甲申除夕

逼近干戈歲人間夢不除
雪殘遮忍草春信報燈花
談理何妨劇推心未有涯
團團聯友義不盡在杯茶

乙酉人日

硯拭隔年塵尋歡一試新
羊朝剛積雪穀日始逢春
屈指推前事伸懷想故人
天涯多半在記此最靈晨

春杪得曹白僧居士詩札依韻答之

世路窮魚澀難禁海亦枯
山空一病叟藍載幾門徒
春月雲非淨晨燈影欲孤
寥寥長夢裡子得獨醒無

支那

石雨禪師法檀卷第十四

八

中秋苦雨 乙酉

一雨逼中秋況當多難日
濕烟揮涕眦薄粥委飢質
鼓戰轟溪聲兵交進岩石
月淹霄漢間僧亦悞良夕

除夕贈適園主人

是處靡寧日憑舟去若雲
村深諸籟遠別業一香焚
雞犬能無恙干戈付不聞
未疑僧乍到却喜歲將分

丙戌試筆

試筆先書吉無文莫問奇
未堪銘座右聊且命詩題
觀化臨池得占眉拂鏡疑
志言俱有待趨避總相宜

元旦用除夕韻 二首

春風初醞釀曉色護新雲園乃澹於古梅唯爛若焚
履端端不俗卜響響何聞所願還明霽乾坤豈易分
春與精華惜寒香復凍雲鶉衣僧尚結木佛許誰焚
乍可離聲臭殊難遠見聞何期米雪外一徑小橋分
過陸菴弔楚石琦禪師遺踪

靈骨覓還無晝清啼夜孤殘碑摹碧蘚敗塔禮於菟
大塊皆遺跡荒村一徑無徘徊青條下翻惜老松孤
夜雪示定嚴

百物嚴身具心從何處生風吹柳眼大雪打竹頭輕
暖茗推枯定脩香集夜晴雲中還見月月窟更誰明

支那

石雨禪師法檀卷第十四

九

螺髻齋

丙戌春居適園所構

屋如螺髻聳斜倚高花枝拜舞竹風細飛騰魚浪吹
異香妍蘚徑苦茗暖微思儘力排春夢仍歸夢醒時

菩提山雲萍兄壽日

妄作彭殤語如何舉壽觴花枝春過半山路晝初長
寂養沿流地閒超離亂鄉菩提果無樹時至亦芬芳

機山錢太師過訪華藏菴原韻答之

杯茗推名理無能話別傳懷深聊借問機契豈期然
短棹垂楊外安車落照邊道人離合意多半信前緣

初住佛日東三宜兄

翻思茅屋下日用不多忙地掃三茗簾爐供一炷香
放參雲間寂請益鳥蒼茫此意誰同得詩成卽寄將
佛日十二景

向上菴

每從公事暇便入臯亭間結屋貯遐想安心向上關
苔花寒古砌天籟杳空山更有通霄路人何去不還
尋本空禪師塔

持帚覓靈骨雲波烟浪中風生猛虎氣草沒象王踪
掃石石無語問樵樵徑空我師各自達佛日豈朦朧
黃鶴峯

支那

石雨禪師法檀卷第十四

十一

仙人事飛舉黃鶴化爲峯禪室開初地明珠闕二龍
雲深丹竈冷霜重藥苗空會取西來意無情話始通
渥洼池

渥洼所以名怪石臥深清學士言猶重龍駒勢若猱
藻荇生古壘日月轉雙睛聽法魚曾化聞雷此弗驚
悟道松

趙州指庭柏明教種蹊松掩映亭橋外婆娑古寺東
驚心鳴竹翠照眼露桃紅觸處能緣會言松悟亦通
仙姑洞

曾聞有女英采藥事仙行髻挽山花秀裙拖雲練輕

深達閨閣夢秘養太玄羨歲月藏來久唯存古洞名

石鼓亭

西蜀有靈桐皋亭虛石鼓張華試一鳴佛日傳千古
香杳征途間淒淒問渡苦只知山場名何不尋山譜

蓮花峯

西盼入林杪天中湧石臺名虛偏有韻形似復何猜
板地一葦起凌雲幾瓣開法空云是座不必坐如來

別泉

在水必同源分流是誰始幾年穿石垠一旦合溪汴
味別胡爲奇香芬未足美汲之不可盛性所使然耳

支那
照述

石雨禪師法檀卷第十四

十一

龍藏

山將添物色不耐隱龍鱗頭角崢嶸日泉源活潑春
靈通溪窈窕遺蛻石嶙峋追彼藏脩意爲吾擁護神

龍洞

頑然大塊下何物許玲瓏洞口搏虬樹溪隈舞釋龍
雨餘雲吐白風靜霧埋空秉燭遊人意冥冥不測中

松篁橋

橋上山重重橋下水淙淙已無車馬至未許烟雲封
春老斜風竹秋深細雨松不因閒送客誰續虎溪宗

聞雪嶠大師計

道大不容偶如顛事獨征憐時垂老健易調諧新聲
菊綻秋光重月沉霄氣清一林霜似洗山水謝閒名

壁觀石影像

有引

大師面壁九年影射入石儼如墨蹟遠門首
座以續燈元走少室用紙描歸眼鼻宛然此

非測度所能知也格外提撕誰是其人
持來呈舊面千里一何欽不是三光影分明九載心
癩腮癩石入碧眼碧苔深莫作尋常看尋常何處尋

五言古

雪後獨遊天台山先生天台山絕頂

支那
照述

石雨禪師法檀卷第十四

十二

洗新青竹杖直取台之顛一步一遺世兩腋雲翩翩
諸頂雪方霽於彼何凝然澗杳裂山色途窮每願還
忽然響猿嘯引藤躡其玄一場若天設寒犬遙迎宣
人也居士禿不佛復不仙一宿理微徑回首迷曉烟
俄耳躍而出宛然空處天周日渺不礙晨星納袖圓
古跡鮮難覓蝕以枯蘚錢近代有先哲以山得氏焉
脫冠隱其意題崖撐數椽況多浣其石粒土俱爲田
有岩可畱月有池堪龍潛一葉觸其水晴空噴怒涎
須臾雨漫漫須臾雲綿綿雷洞雷吼擊風洞風盤旋
榜石曰試心心散者不前日關曰了心未了者何緣

吾欲學同調力耕民其衣可以忘歲年

投老七十二賢峰下

我鄉無雲巒拳石乃如寶所以五嶽遊孤筇費鞋草
歸老西谿梅溪與山相抱七十二賢峯朝暮可尋討
俗人不願來願來幽士少何處是他鄉對此永爲好
題醉茶菴贈念庸菴主

意思道忽絕醒極却如狂所以趙州老一言千古忙
主亦何攸往明珠嘗自藏長夜棲遲者寧辭驚異光
解醒既須酒茶醉非荒唐不息參尋客長安在路傍

再過橫山

支那

石雨禪師法檀卷第十四

三

越嶺問遠嶂乃作平林行松竹塞古路幽尋遂隱情
苔蘚足堦砌溪澗何淒清屐痕不忍躡忍縱車馬聲
引策歷重賞傑閣藏契經鏗爾發鐘籟深理超淵明
塵氛久橫絕橫山所以名

先是雪關禪師訂遊西禪不果華雨監院復同
衆護法招余余至賦贈華公

生愛遊名山心期遍區宇無奈杖頭何處處風霜苦
山隨溪水深嶺入梵宮古所以入嶺人每憶玄沙虎
首謁長慶稜蒲團破堪補百鳥啼殘冬單衫笑欲舞
地暖海風和吹雪化爲雨雨石亦雨花一喝定賓主

庚辰夏杪天御鄭居士飄然來數宿而去書扇
送之

雪峯亦人間人乃不可到有客騎天風素影造玄奧
暑氣辭衣裾寒雲信風掃重岩驕虎狼法窟恣荒草
我聞楚然音一嘯輒傾倒采芝作香糜汲溪浣懷抱
懷乎不可留指向來時道

懷鴛湖禪兄

雪峯作

本是故鄉人同爲異鄉客客路何參差一得復一失
得者全節名失者信狼藉蒲團補愈穿毬門路愈塞
賴有望州亭引領慰朝夕每見非其人中心轉抑抑

支那

石雨禪師法檀卷第十四

古

三界無歸期唯期共加食

沈槐庭居士生西實錄

人生浮雲中昏昏長自蒙智者覺其幻一月光乃通
愚者逐于水而尋來去踪非愚亦非智問彼槐庭公
槐公豈無來來今水所宗槐公豈無去去今水所窮
水性辨消長月明隨異同既已知時至生方卽有據
覺號口應心貫珠手應句嗒然喪其綠倏然犯其忌
良哉去住情示彼兒孫意相將眼共瞞一喜復一懼
親友亦見聞何不妙于契胡然爾爲爾胡然譽爲譽
我贊贊槐公槐公知也未

武夷紀游 二首

披緇廁水雲願言美肥遜名巒信衲衣奇嶮徧幽振
入閩胡爲哉三年僅一問款款潭之陽好友事玄論
買楫聯游心復爲春雨禁從者亦累人孤錫不容震
日夕連霞光百里自囚頓病逐霞氣生一策夜中奮
明滅星影低武夷乃在近
巖嶠縱玄賞游次不欲工按圖非所願靈絕情已鍾
手摹碑薛碧九曲歌晦翁佳此善棲託妙與仙佛通
層層捫仙掌天游豈無踪雨氣各遐矚凝意開晴空
忽復雨如注歸臥舟自從雨復不爲苦被笠搜蒙茸

支那

石雨禪師法幢卷第十四

五

垂垂二三子扶藁頗未慵指顧了不俗歸記相奏功

壬午仲
春作

示范濟美居士

人生天地間不知來所自茫茫幾十年去復何止至
試于二六時反覆靜以思思不出其位下學以達之
不達世間理安知出世書回觀頂至踵一笑當何如
不爾第二義令勿信爾意致身清寂間看心當動處
勿遏其不萌勿慮其不寧常念夢裡身與醒唯一靈
夢時非無有醒已不能守應知醒所持至夢亦徒手
夢醒同大夢吉凶人所共誰能一體觀趨避乃自重

攝心于一經此乃避之精攝經于一義此乃趨之明

譬之登絕頂一覽小衆景萬山拜其下烟雲任馳騁
譬之臨濟水濟澄月斯美千江千月輪得一無此彼
來知其所來去復何徘徊長空雲影靜廓然心鏡開

游五洩初渡

廿年游五洩漁浦得初渡臨浦江更幽食乞秋田富
潮下魚蝦多稚子泥沙臥棲真寺裡僧袖香踏江路
日暮肩輿歸說法因茶故茶醉人心醒達者妙於悟
世界總不寧此何獨安坐奮此遊山身竟若桃源誤
入洞巖紀遊

支那

石雨禪師法幢卷第十四

六

落葉驚杖履發我十日遊沿村正登穀瓢笠資晴秋
積此廿年想擬一舒雙眸雙眸不足仗張炬開冥幽
吁嗟天地裝天外誰舉頭復何幻空洞索隱垂玄鈎
捫壁洗題字闢荒追蔣侯宅捨袈裟地不下祇給流
挈妻舉糧去千古何悠悠往往踵其跡深煥安能求
或遇典敗返或畢窮日搜水隔深不測小隙烟氣浮
忽忽附蛇驚忽忽委馬牛百怪疑海市黃昏開蜃樓
獨見天池徐志怪詩尚留不得袁石公文章覆甕休
二子不可極欸乃聞江流我亦覓歸路魂夢殊難收
五洩撥朝露遊侶與愈道

端午後三日栢子持象田書至因寄諸禪士

孤燈忽自語晨鵲噪重簷復省夜來夢有因豈無緣
苔扉向空寂此際誰垂涎或者迫於憤或者發於顛
顛此乃爲正憤此乃爲賢盥沐禮黃面幽事非空傳
剡上舊遊集染思多象田寶泉及蒿芝清夢猶拘牽
草木澹生計鳥獸深雲烟一自飲茗永忘來不記年
邇聞異人樹結影枝葉連枝葉所未貴心腹奚相憐
心腹是何物哲人玩其先其所以玩者勿謂玄復玄
言路不可繼意思徒蔓延明明一切境逆順何淪漣
苦實不可追觸目溟渺焉此時捫鐵壁銅牆覩應穿

支那

石雨禪師法檀卷第十四

七

所以從門入最上長棄捐況當劫小濁一覽眉鬚攢
丈夫別有淚途窮呼蒼天呼不再三應響寄空谷全
神氣爲虛化斯理胡無嫌試觀化化時殊難洞源淵
如有所立卓且暮遇始圓

壽崑石馮居士六十偈

我從寶壽山來住佛日寺不慣提綱宗何曾唱玄義
攜筇黃鶴峯翩翩挹仙意忽逢檀施家眉壽方開際
庭前多桂蘭偕老有伉儷百齡考會歡五福箕疇備
貞下而起元歸根而復始所以耳順年恰與圓通遇
如鏡與鏡涵光輝自相契處世世不羈出世世無繫

周全乎兩間團圓乎一諦華封三祝優岡陵半偈記

記復何所云寶壽閒家具拈出大家看賢峯七十二

喜賦石澹然二兄至

癸未春作

友道茲已忽所珍良在僧僧無情雲浮耐久來遠朋
千里神自接命杖何騰騰閒林春正好蘭氣不覺蒸

其二

片言不易盡杯茗不易乾可以徵我道不美空盤桓
事存毫髮細理進百尺竿從此慎輕別天海何足寬

其三

舉論別無客兩久愁亦安採芝候新霽貧計聊爲歡

支那

石雨禪師法檀卷第十四

八

楚歌正楚楚春夢方酣酣但得每聯席安能愧素餐

其四

世界入小劫骨肉亦星列吾輩喘息餘何以慰時節
平生空花交還願空果結所以憐我痴我痴咲不歇

石雨禪師法檀卷第十四

終

嘉興府嘉善縣弟子淨覺捐貲貳兩

平湖縣弟子陳智谷王智四

陸智元陳智遠趙智甘各五錢

梅智果陸顯奉各叁錢全梓

石雨禪師澧檀卷第十五

嗣澧小師淨杜編

詩偈三

七言絕

白蓮

輕雲新夏葉初擎
嫩蕊俱含無染情
雨過明珠千萬斛
臨風着意向人傾

自笑

持梳不耐聊成禿
作佛無心偶出家
究竟不知因底事
也來隨衆挂袈裟

支那

石雨禪師澧檀卷第十五

一

重登黃雀樓

有序

戊午秋同葉西一蕊入南嶽從此過洞庭登岳陽
險涉君山今葉西已作故人一蕊又棲遲舊里余
因叅黃蘗將遊眉山阻風復登一望愁餘不勝腸
結

轉蓬飄泊又經秋
情在那堪此再遊
明日洞庭風縱便
拚教不上岳陽樓

翻空惡浪想君山
涉險乘橈共往還
何事殊途今日淚
當時談笑死生間

死者難追生者疎
名山五岳更愁余
癡心終擬同禽

向肯使山濤請代書

九峯送士遜居士還蘄水

暫離不必重爲約
相聚何曾夙有期
歸去致聲真好友
九峯新得一相知

送九峯三如行脚

多年浪子不還家
對此因憐客路賒
會得隔江招手意
送行茶足罷叅茶

拾枯

學個樵夫打個歌
無腔無奈興來何
牧童笑倒黃牛背
約我明朝早上坡

支那

石雨禪師澧檀卷第十五

二

同三宜法兄踏月過秦止于豹囊齋

鷄兒山下雨狂僧
卜夜登臨引瘦藤
犬吠豹囊齋上月
敲門喚醒讀書燈

住香栢峯

六首

石梁三度半生餘
山鳥溪花也笑余
擲却破瓢拘折杖
吾心休矣卜吾廬

斷橋殘雪猶迷路
幾片落花何處渡
迦流披雪得其源
茆菴一箇無人住

初居積雨憩勞肩
山境商量勘老禪
一喝籀龍齊豎指
滿山雞鶩也擎拳

打笋錯過羅漢菜採茶開徧。松花歸來撥火忙敲
石煮得羹成日已斜

無端妄想不能降種芋便聞煨芋香想到鼻邊流涕
處更添三召也尋常

休糧一味打黃精無意飛昇脚已經五百頭陀邀趕
供不分遠近好同行

答汪天如居士

殷勤積取十分閒買得天台半角山君欲住時須借
看清貧幾許在腰間

贈南湖萬如禪師新築桐月菴

支那
撰述

石雨禪師法槌卷第十五

三

殘雨殘烟湖水隈新桐爲月遶籬栽得閒舞棹乘桃
去等個人來問渡來

宿雲竇閣默先稿

微雲拂月不知春露滴幽香冷徹神夜半細敲天外
響是鈴是塔是風筠

負暄

抱衲重岩捫虱兒不禁背癢喚沙彌無端搔着虛空
脊說與傍人但采頤

答石梁陶居士索竹栽

欲空諸有維摩室一日不宜無此君數縷秋雲掃花

去閒庭月影任紛紛

送正南監院乞糧

一鉢千家自在身神通未及飽諸人應知牛首辭天
供背負腰肩肯厭頻

看嵌石此間二關主於小東山

山亦愛謙名自小人俱尚隱共爲關隔江洗展遊如
倦石指長伸羨此間

三十初度

偶來掘地覓青天因地無聲三十年直却鼻梁橫却
眼幾回堪笑又堪憐

支那
撰述

石雨禪師法槌卷第十五

四

施茶菴

客到便請吃茶去趙州昔日嘴頭禪兒孫近代成狼
籍處處爲人種福田

大佛頂

我我佛頂觀何難解者須從脚下看更請撲翻千古
鏡紅光靚露影團團

雲鏡行脚頌三轉語贈之

饒不出門亦是草遊情當下宜了了囊中借取草鞋
錢路債須防人索討

出門便覺草萋萋良驥偏爲鞭影欺何似牧童揚曲

去飽餐黃犢任東西

萬里無寸草處去死蛇滿路須迴避逢人急着早歸
鞭共我開田說大義

挂瓢堂

林深忽見許由情身外能將長物輕道似未同耽寂
寞尚餘風打挂瓢聲

和陳居士韻

富陽一曲落梅花冬暖三山草亦芽千古流傳無孔
笛不逢知己自須誇

示禪人

支那

石雨禪師法集卷十五

五

天地如舟一水浮從來船子善遨遊全人也解垂絲

意誰是金鱗得上鉤一水

古寺雲橫徑不通鳥啼花落自從容僧心不是矜羊

角只爲時流逐去踪雲徑

石巖如鳳自棲遲豈不飛鳴爲待時翼未凌雲空掠

掠銜魚白鷺上楊枝鳳岩

人人看底眼橫空三際如何豎可窮獨許摩醯羅面

上如伊三點異還同豎目

敲空作響不須疑擊木無聲亦可思曾信祖師親口

說聞時用眼始方知聞空

悟得浮雲無去來道人於此眼初開幾時化作如膏

雨看取龍驚動地雷

悟雲

數墨尋行讀梵文烟迷霧鎖正紛紛忽然月出開殘

卷彈舌橫眸舉向君

古梵

日既歷天而不遇葵心傾倒欲何求形端影向中庭

葵心

直你若無心我亦休

法雷

山隈髮塔雨烟堆昔日從空震法雷我到湖光開曉

傳度

支那

石雨禪師法集卷十五

六一

枯木逢春花未開花開要等箇人來望州亭外重爲

望明月如珠出蚌胎

珠胎

學道從來要素心軒窓無恙掩關深何時打破關來

看欲上峯頭尚隔津

素軒

玄路須知到者稀碧雲如水露華微千秋錫杖泉邊

玄微

月肯與人間照是非

非臺明鏡即無塵自古皆知面目新近代殊多林朋

非臺

紛幾何昧却祖師真

僧心淨即現曇花不負安身佛祖家但有木毬皆會

觀悟迷何必隔天涯

悟曇

寶筏何愁浪濤天爲憐無主趁風船指開古岸無多

隔只在當人回首邊

是岸

生卽無生悟未曾設誇博飯種田能詢參百丈當年

意大義分明上祖燈

無生

孤情卓爾出雞群幽谷陰崖叩薛紋風翻有時超物

表此行寧免累浮雲

鶴凌

硯田何似慧田寬喚出瀉山水牯看耕破石田知寶

壽祖師靈骨露巉峴

慧田

摩尼至寶伴衣襟盡地人俱向外尋淨極瑞光遮不

住真堪耀古與輝今

瑞真

支那

石雨禪師法檀卷第十五

七

雪峯泉水應潮生一滴能諳巨海情是法本無高下

路誰能自肯放心平

應生

不鳴則已鳴則驚不修則已修則成會須啄破無明

殼瑞羽靈毛賀太平

鳴岐

唯有塵中作主人能知化外自來賓儒冠釋履千江

月喝去浮雲只一輪

爾賓

紅塵浩浩不勝情一念回光宇宙寧但得怨親平等

看團圓便好說無生

寧宇

欲迦西溪覓本源群居七十二峯賢浴開萬古瞿曇

面石澗淙雲出細泉

石淙

喜陳克一居士入山

躡屐呼筇挈伴遊雪峯堂上整三絃因而識得衣珠
在用處應如急水流

那德公季超止祥世培冒雨入山

剔起燈花仔細看曲談名理總無干交馳棒喝空山
裏竹影敲窓月又殘

送敬愚法姪携母歸江南

骨破皮穿事弁山天華叢裏每偷閒曾携寶鏡堂前
月照過東關送爾還

話月軒

支那

石雨禪師法檀卷第十五

八

月當圓處難爲話指向人添指上痕意在聖經賢傳
外一回親見始忘言

同浪首座應建州葛舍初家信宿言及十年前
先師亦曾宿此屈指三代矣

通代沿流過建川相逢懶話祖師禪爭看梅蕊含初
碧我愛千秋火裏蓮

飛來解

誰爲片石本無情飛去飛來主廢興憶昔梵卿隆宋
世此番不逐野雲輕

雪峯寄曹能始居士

登幾重雲天幾重長年無夏那知冬衲衣一種高寒
色山外憑人想雪峰

克壯方居士負高才秋試未遂欲棄去詩以慰
之

選官選佛較疎親肯賺丹霞見未真及至見真燒却
佛不如留取舊頭巾

喝水巖

震威一喝響千秋何止泉從別處流多少游人猶不
信翻山爭禮石龍頭

獅子峰

支那

石雨禪師法幢卷第十五

九

石如獅子踞孤峰霧鎖烟籠幾萬重一日吼教群獸
恐爪牙摹將弄晴空

如意贈考亭朱步紫使君

如意家傳上祖圖贈君老景扶高歌高歌切莫唾吐
壺吐壺唾缺將奈何

考亭書院看梨花

玉雨香飛越霽遊高人自起理茶甌靈峰溪古連書
院千樹梨花千樹侯

遊武夷

虹橋斷板閣高巖非鬼非神可得參欸乃一聲清夜

分半空明月挂仙帆仙船岩

巖巖虎踞水龍盤吟嘯風生百谷寒降伏不煩仙佛
力直教霞搏與雲搏虎嘯岩

十二樓頭第一宵城高不讓五城高相逢不復疑仙
跡節節梯雲犯九霄城高岩

盡詫神仙也愛錢我來探討豈徒然披雲一解山靈
愧散作苔文片片鮮綺鏡岩

石龍千古鎮長吟噴沫成溪入曲深中有老僧閒結
構萬山春雨和鯨音龍吟菴

武夷歸道

支那

石雨禪師法幢卷第十五

十

九灣三十六峯頭應笑披圖學臥遊老病不煩登陟
力雨輕雲細一帆收

山居七首

採薇不足又採蕨山居那得貪嘔歇草鞋繩斷行復
行大嘯一聲探虎穴

飄花過眼白兼紅片片香隨何處風幸自夜來春夢
穩不從醒後更談空

當牖森森起籜龍未驚雷雨未成功一枝石裏夜斜
出便擬臨崖學釣翁

幽居初見樹驚秋山上登山當遠遊一覽不知天下

小鏡湖隔岸曉雲流

夜咏秋空夢欲清西風故作短長聲寒塘曉起看搖落自愛巖松老不驚

白雲片片欲飛秋橋斷天台不斷流好友有懷誰到夢遠山何事獨登樓

身問橡栗滿秋林眼向人翻白轉深兩袖持歸珠欲瀉瀉山千古一知音

錢武山太守過皋亭相訪不值寄懷

皋亭山似武陵山種徧桃花戶不關爲寄問津賢太守再來應不怨空還

支那

石雨禪師法檀卷第十五

十一

錢雍明居士以護法入皋亭因贈法號掌亭

談空亭裏莫談空八面春風入座中宿食事完何處去不妨別別主人公

主人無客亦寥寥聽鳥觀花暮復朝聞道王中還有王踏翻流水斷溪橋

贈楞嚴壇懺主

十首

觀入微塵法界寬不勞心力得心安花香散滿全無物少室天台總一般

不將心去復觀心諸佛全身何處尋一色一香一作禮幾乎漏洩垢衣珍

解未圓通證未圓香臺遠徧話猶徧袈裟角上風輪

輻撲滅燈花月一天

大時梵響奏晴空諸佛何妨影現中一散烟雲徧花

雨擡頭子夜日輪紅

細和香土結壇儀不是其人不可依二十五尊同學

侶善觀音響卽當機

結侶登壇不等閒況當劫濁亂離間誰云法地曾無

動呵護神工讓王山

春光周匝王山神繚繞風幡話不真一句伽陀無義

語若云心動賺當人

支那

石雨禪師法檀卷第十五

十一

經行坐臥在其中海印光生觸處通舉意塵勞先起

客施爲動轉未忘功

咒心熟處憑三昧三昧圓時賴咒心掘土作香香作

土會須彈動沒絃琴

咒力功深願力深共將大地變黃金更轉黃金作大

地了然無事昔時人

寄次升陳孝廉

桃綻天台劉阮心皋亭石鼓待知音神交不復論深

淺論到神交言也深

香上葉孝廉擬裂逢掖樂搭袈裟謀予以書詩

亦真切真慧業文人何遽輕天福耶因先以法
號大夢喻而止之孝廉尊慈霞舉然後抽身入
山飯牛上流風瓢挂樹非分外事也其他參究
上乘禪不能更添饒舌即請質之大夢禪士
蝴蝶莊周兩未真回看總屬故園春至人無夢堪游
夢哀樂難尋夢裏身

陳次升居士以桃花風雪孰寒孰暖爲問因答
四偈

桃花日暖雪風寒道在平常日用看看到不分寒暖
處人生甘爲眼睛瞞

支那

石雨禪師法檀卷第十五

十三

桃花非暖雪非寒不涉春秋心已安燕去雁來緣底
事當陽一問海天寬
雪風撲面一何熱日曬桃花片片寒豈是陰陽故顛
倒不妨作句話頭看
沒風雪亦沒桃花寒暖教人何處誇撒斷溪橋復招
手隔江相見話偏賒

寄橫山江雲叟壽

蒼松氣結紫芝香石老雲凝碧鮮涼久嚮住山知此
意何妨更送引年方

示晴雲

青天喫楮亦奇哉多少禪人着意猜拂拂清風磨日
月晴光不碍白雲來

募三衣

何故僧衣似水田檀那種福要豐年耕鋤不費纖毫
力我搭袈裟汝出錢

募豆腐

供佛西天用乳糜此方唯腐更相宜秋收顆顆摩尼
重磨水成丹點得奇

下雪峰坐古泉精舍適何道人索書偶拈一偈
示之

支那

石雨禪師法檀卷第十五

十四

閒居何事可思量思入无思道味長梅向寒岩將脫
凍春回難挽世情涼

示趙淨塵居士

下地修行早已遲團團眷屬好尋思從今識取爲人
本父母生前爾是誰

偶成

峰高佛日洞山宗成始因緣見本空明教重興支派
正難將斷拂又成終

秋雪灘

昨日山中始立秋如何積雪滿汀洲風翻日晒蘆花

白浪拍波飛赴小舟

七言律

答天目友人問行脚

別來君獨隱松關愧我瓢囊曾未閒
先煮瀑花澆渴想漫移殘月照顏
顏棒頭幾度辭黃蘗屐底三翻破
博山語及雲門不欲語一溪風雨過潺湲

乞糧

靜侶星分已有年偶然雲聚栢峯前
三間細雨斜風屋數畝寒苔瘦石田
拄杖埋頭應自遣鉢盂開口畏人嫌
龐公倘未浮家去且結今生未了緣

支那

石雨禪師法槌卷第十五

十五

訪盤銘弟掩關古廟適聞昨夜破關入小天荒
噉笋去矣

廟古爐寒澗草香有扉慵掩護雲光
扣門殊愧言辭拙飲水寧甘杓柄長
髮不剪除真抖擻詩非模擬舊文章
狂歌昨夜破關去笋欲參天上小荒

爲得山林農部五十壽

前殊不少知音把臂於君語更深
忠膽暫從林下出香臺曾向夢中尋
籌剛半貯滄桑室杖每雙懸緇素
心驗取若耶溪上記疎通洞水正如今

答昌基陳居士來韻

一曲春先已落梅爲誰捺抹強登臺
旗峯未展機如電鼓石方搥吼似雷
香啜數甌茶盡醉光吞萬井月初開
夢回卜夜成多事鍊笛敲殘惹鳳來

游勺菴答雪洞禪士勺園居士原韻

三千里外是何人擬易疎渠擬易親
妍醜許誰窺寶鏡淺深容我探波臣
澗猶凍鎖雪峯遠園已春回勺土新
看到落花思結子不須梅熟齒津津

靈峯見雪

酒半茶危較異同老梅吹瓣又春風
犬聲似豹驚山展溪勢如雷驟玉驄
蕭寺歲歸閒倚磬賢關讀罷冷

支那

石雨禪師法槌卷第十五

十六

歌桐千秋自許尊凝靜對雪長懷到剡中

雪中補壽朱步紫使君七十

薄雪沾松髻欲垂耆考亭文業信誰推
玉枕談名理又索靈峯補壽詩上國懶
呼鳩似杖沾村羸得醉如泥歲寒不倦
尋遊屐共攬烟霞接武夷

壽京臺王光祿六十

共乞新秋巧月涼朝餘瑞靄爲稱觴
呈將延引芝苓術品入氤氳鳴香言不
慮穿於耳順交非云淺則情忘雪峯若
是前身我檀越當年亦姓王

游溪山寺

橫拖拄杖入溪山博得同遊半日間話到中興黃菊
綻翠開斷碣碧苔斑機鋒欲解東坡帶公案須參佛
印闢茶罷索書留偈別塵勞有路又思還

同公履次倫二居士遊龍潭

蛟戶風迴度石關此番恰值遠遊還搏珠反擲當兒
戲屑玉飛空似等閒不爲詩人消渴想亦應於我破
顏顏情知世界紛無緒何事歸山又出山

守歲得歲

爐灰消盡不勝寒又向循環覓起端鄉國夢魂星散
散水雲骨肉日團團香憑梅蕊開詩眼法禁椒花入

支那

石雨禪師法槌卷第十五

七

頌盤彈指剔翻燈是火無邊憂喜不相干

祝香幢兄六十壽

一灣蘆荻一溪烟一箇菴頭一指禪春信鷓鴣傳語
外生涯黃葉止啼邊風高樵李心先醉聲偏胡笳耳
不宣試問阿兄多少壽趙州還有半生緣

登拱宸橋有感

爲問甘泉學避兵鄉名調露正秋清人烟已逐浮雲
散烽火猶連野燒明身在茱萸囊且佩離無黃菊把
難盈登臨雖有津梁在欲遠塵氛傍禁城

居山

雖則深山亦不寧草衣木食尚堪撐古人爲道尊清
寂我獨偷安避戰征呼吸光陰真可惜死生大事豈
無驚曾聞有片閒田地得者方知不染情

七言古

寒食懷葉西眉子

寒食食寒食不得陰窓淒淒暗雲逼四野風號薤露
悲白楊洒空鬼雨泣千古如藤一握愁慧刀欲裁提
復休桃花峯頂在西山葉西眉子歸安處臥碣
沉碑未易求

答曹白僧居士索黃獨

支那

石雨禪師法槌卷第十五

六

住山人堪辟穀山尾山頭種黃獨日日時中煮一枚
額定一年三百六西風起一朝霜家家門口稻頭黃
山居我亦秋收足松鼠牽藤落子香北隣老病初好
裁詩寄東頻相討杖頭掘起雪絲根大者如瓜小如
栗呼童子聽吾訣莫着油鹽火須裂送與主人親口
嘗氣味相投再來說

再過江陵訪蘭友居士哭眉子葉西二法友將
辭遊裴眉二友是丙寅秋同作于此

君家黃山下別業楚江頭一帆縹緲三千里來往常
爲雲水遊我亦生平耽此癖十載飄流再經歷徘徊

指屈社中賢此日惟君款瓢等荒園流水便河橋要
離隔岸紙錢標淒淒風雨當寒食瀨上幽魂似可招
多情有約追圓澤相逢那必三生石木供綿綿如有
神欲理愁腸向誰泣景物依依情總關無寥辭擬上
峩山峩山峩峩不忍攀三峽猿啼路幾盤

活埋社言志

并序

往閱高峯錄至掩死關處畏其骨幾欲退還及遊
天目登千丈崖屐酸不敢上謁中峯活埋菴讀紫
栢大師題像云自古名高累不輕飲牛終是上流
清吾師未死先埋却更向巢由頂上行因愛二老

支那

石雨禪師法檀卷一五

十九

之風并愛其山得一絕嶮居之二易寒暑以待師
歸江南初沾法乳卽叱余遠遊復適楚久之忽聞
師訃奔喪歸與田園二兄言舊聚行脚事深慨道
法零落有意續活埋之燈見余同志卽欲結影恐
香雪未深遂意得更入層巒共我一坑埋却比余
有天台之興偶得香栢峯頗寂故駐錫遲之今處
已定志已決侶已集田兄囑余敘活埋之約余謂
活埋何約第苦久長難得人耳略請各言其志以
見終老之懷不同志者不得入社他時或有岐路
借意龍天恐俊不禁者不惟永絕交遊北山當更

有移文在也

半生山水固耽神博得身貧道亦貧潦倒自甘成廢
棄骨頭那許埋紅塵中峯昔亦患此癖幾度欲埋埋
不得其父高峯抱枕眠撲然一笑成狼籍漸而我
何人斯敢以其名契所思所思未遂在佳侶頑鋤拙
斧今相知相知不必忘我你你去搬柴我擔水好在
無心唱一歌舉起鑊頭齊和取翻出春雲鳥亂鳴飛
花不向水流輕本色自超諸隱逸肯使華歆笑管寧
靈雲悟桃香嚴竹遺臭累人空碌碌何似衡山芋子
香千秋薰火今猶熱但得團團志不遷蒲團破爛補

支那

石雨禪師法檀卷一五

二十

教堅開轉杜園還杜田那管十年廿年三十年

同嵌石遊石梁下寺和壁間楊脩齡先生韻

瀑聲雜雨聲愈惡新霽攜筇攪雲脚雲飄微風吹瀑
花散人脩篁翠盈壑玄龍化石眠橫空欲跨擬心那
能着應供人歸瀉影輕巉暖錫響從空落三度何緣
我得遊結隣更許甘貧薄有時耽懶依重岩不禁爽
朗凭寥廓寒拾風流不可忘挈侶登臨願如昨偶一
行吟句可書空山毫楮何從索清磬一聲分下方寒
濤面面迎松閣泉石何曾非舊時何似翻翻成旅泊
杯茗悠然客氣消王亦忘懷心自諾

再和前韻 有序

辛酉春偕吳翰生曹一蕊遊有歸邀白僧同投閒
散之願余時已肯之今余與嵌石結居二載音問
絕聞亦可念也適有僧歸新安書此寄懷

意趣不佳神亦惡三日芒鞋懶繫脚士夫胸貫五車
書山僧祇愧無丘壑隔院苔荒仙逕幽石枰花影空
相着徘徊可憶爛柯人悠悠何處星零落洞口殘紅
如餞春涼颺忽贈秋雲薄信是高巖暑不歸披襟一
嘯何清廓課程且喜定登臨明日斷橋華頂昨枕瀑
石梁今夕眠靈蹤五百堪須索都來不出魂夢中認

支那

石雨禪師法檀卷五

三

是曇花羅漢閣萬里郎當到水雲駭目那能暫棲泊
煩歸傳與有心人回首看看全舊諾

送即念西堂歸小天荒

送君歸住茆屋有好茶有好竹溪聲久不共人語拽
杖莫驚山宿鹿梅花開須早來天華隨意點蒼苔人
生韵事春風足放個小舟山陰溪上回樂已哉燒却
茆菴請不猜

贈懶散蓮花菴掩關

大地一關房知音不少關房一大地識者偏多若論
懶散分中兩俱不涉雖然直得連開臘月滿湖香須

記天華舊風月

警侍者淨地

住山好住山好犁鋤放下三餐飽枕石高歌帶月眠
犢兒不喚歸來了無端你何緣打起腰包出翠巖
又道不明生死事摯錫持瓶願願堅瞞却母辭却父
父送子行三五步忍淚千行無可言子若修行來度
我破險浪驚長江眼眼紅塵非故鄉戒基不築隨流
去他日如何架棟梁起五更睡半夜吃飯穿衣是什
麼冷灰煨豈熱將來爆地一聲真痛快急收裝歸故
里雙親一見愁生喜不羨人間衣錦衣逍遙舊日間

支那

石雨禪師法檀卷五

三

田地

示空諸

既空諸有復空諸無空諸又空雪點紅爐紅爐雪花
偏繁不逐春風輕漏洩掀起眉毛問是誰屈屈掉棒
打月

贈道興關王再住錢塘

錢塘江上結茆處先師親手栽楊樹一點千秋利濟
心幾度海風吹不去豈少天涯弟與兄惟君已去還
來住不負先師囑托因茶湯冷煖隨人意越水吳山
來問渡天華龍華兩條路雲門道法似中興憑君指

去無差誤

示謙光重住小天荒

天荒未破雲蒼蒼天荒已破水茫茫水冷雲寒人去
去蕭蕭瑟瑟仍荒荒汝其復住無多事離披草屋因
風在東斜西傾沒可何添新換新隨他去不離不琢
山之靈一丘一壑僧之精倚松倒影碧潭靜清宵要
使龍吟聲莫遣春雷知所止龍不隱鱗真可恥我亦
當年學住山住不慣時看樣子單丁結伴依穴巢草
衣木食耕火刀罵風槌雨暮與朝而今博得徒勞勞
汝其汝其無以我謙乎謙乎光乃超

支那

南禪師法權卷一五

三三

題悟衡手書華嚴

佛豈不知不可說最初三七何饒舌小聖當場啞復
韓微塵偈秘蒼龍穴菩薩名龍亦可疑入宮探討知
時節從茲傳演紛紛然畢竟何者爲華嚴走殺匹鞋
瞋睡禪問着葫蘆口向天何如深掩破蕉菴腸不沾
牀信筆參十年鍊坐只尺龕如無所獲寧自甘領我
眉毛何足惜付彼之心之所宅須彌可握海爲墨贊
彼東南指西北以彼之心擬佛心佛心擬經亦如惑
我贊明立于其中任人千古空思測

祝吳真人

靈峯伽藍

三月十五真君生九十六歲真君死若將生死見真
君靈峯未識伽藍王靈峯伽藍今若雲不護不法凡
愚群論其有禱必有應不擇良賤唯真君曾聞真君
寓此像潭陽敬之負之降兩地相爭莫可何聽之溪
流遡流上始知真君護靈峯隨緣赴感施神通我來
寄錫非無謂掃其塵坐修其宮爲其辨出茶酒味悟
此純陽了無異世人只聞醉洞賓不聞曾受黃龍記
從今了此生無生覺得趙州茶有味緇素相將獻一
杯神通便與靈峯契

示省一

支那

石雨

十五

十四

省得一萬事畢稍不然勤旦夕東若安西可必祖師
意最省力柏樹子莫忘憶信手拈當面擲

爲靈韻禪士題不借居

說卽不說借卽不借打開袋盆傾瓶瀉結却口木枯
花謝閒言散語盡期無至道于中討甚價有人來討
草鞋錢豎起拳曰借不借

訪雲屏兄於菩提山

絕頂結屋矮亦高海風吹老松枝驕養性不令雙眼
縱紫竹遮牕不剪梢每當靜夜枯定起愛聽松濤連
海濤客來躬自爲枯槲汲泉煮茗翻山腰七間僧堂

不肯住孤峯獨宿何其勞我來話舊夜扣關開門一笑掀眉毛

石雨禪師澧檀卷第十五終

嘉興府萬壽巷智耕施贊一兩

淨行淨戒各五錢智古三錢

薛鳳岑成筏吳佳道顯通閣

淨雯潤凡心賢等上

比丘尼 昭真慧光寂空內音

各二錢五分全梓

石雨禪師澧檀卷第十五

三五

石雨禪師澧檀卷第十六

嗣澧小師淨柱編

序

香雪遺稿序

昔大陽玄將入滅思無可踵其迹者作偈并頂相華履及衣寄托浮山遠偈曰楊廣山頭草憑君待價煇異苗翻茂處深密固靈根遠受之一夕夢青色騰曉起得投子青符其夢大陽一絲復繼皆遠之力也嗟乎具足兄與余同出先師之門各天一涯聚首未幾忽言長別亦以如意法衣法卷寄余曰香栢支峰秀

支那

石雨禪師澧檀卷第十六

二

隨緣折一枝花開香雪遠何必異苗為蓋香栢是余棲懶處也比讀偈時屈指其門所遊處者為予默靜卽念現子數子三年來俱周旋其間余非敢暫疎其意也今結制天華仲冬無嚴寒盤銘弟輯余剩語得香雪錄共謀入東將落成索敘於余余曰此吾未了事也遂欣然點筆卽擬聲鐘告衆曰道得卽今句子卽入天華一數道得過去一句卽是香雪一流余肯以香雪作異苗觀耶抑非異苗耶請看看若耶水逆流了也

雪峰語錄序

古尊宿刺語如雪峰者殊難多得但其間趙州不肯處至今疑賺殺人若不是個裏轉身具一隻眼未易望殘蠹而津津也得山林居士以入道因緣紀號於雪峰夢裏雲門先師奇之將謂拾得寒山同時說夢居士亦以夢身奇緣不忍忘却雪峰法脉輒尋諸簡編獲玄沙稿請序於先師然猶以未行雪峰語爲恨耳偶從雲水拾全帙欣未曾有書付剞劂政山野抵西禪日也適問及雪峰語錄居士躍然曰何緣奇若此因備述前話併夢中景索予弁言竊謂居士夢入雪峰見的是紫衣羅漢胡親到時面目儼然而衣煥

支那

石雨禪師法權卷一六

二

金色脫無王僧說破未免覲面疑生則是錄也雖現成古板在乎眼底一新亦須另着一番話會庶幾與雪峰親相見乎顧所喜當年原夢於先師者今日夢破於山野矣

汪子野山中樂序

樂有世間出世間世卽身口家事眷屬入山林爲清出城市爲濁以未參樂地樂實苦也出世亦然以既參樂地苦實樂也樂地者淨土也境緣殊勝也境勝則觸處皆樂無退轉繇也此以舍受言也現在何如一心不亂也不亂則境不能動謂之有王王爲何六

字真言也卽此六字逼塞虛空離身口等滿前如子龍挾真命天子直破重圍而致坐平也然則禪與淨一乎曰禪無着力淨可着力也抑有異乎曰禪從無主而得王王卽有仗忽問正睡着無夢王人何處則真主現前而不識必欲死關遇緣方識識則安邦定國矣淨從有主而無主無主卽空寂故目前法法寶花行樹而不覺必欲親見彌陀而後回入娑婆回入則安邦定國矣一異之義如是然此一絡索何因因吾友澹然與子野汪居士交喜居士之爲人嚴身口以持戒儉家事以供僧對妻子同梅鶴以閉戶爲深

支那

石雨禪師法權卷一六

三

山乃深信淨土而不毀禪并其著述視予予則不啻搔着癢處矣余愧生不諳音律見人歌輒喜喜至忘倦故咏居士之作不覺雲興霞舉雖不合韻而七十二賢峰皆響轉憶寒山詩謂入夜歌明月侵晨舞白雲居士足以當之謂焉能任手口端至髣髴予足以當之卽此歌舞生則定生去實不去又詎可與愚者道

南明禪師語錄序

昔彙雲門先師稿有無趣無幻二大師語錄序其中稱趣爲仰山再來稱幻爲臨濟直下兒孫無趣克家

之子乃知南明大師爲幻之嫡傳也余初參雪門卽入龍居禪席值南師首衆重蒙提挈一日遽問曰一念緣起無生超彼三乘權學等見阿誰緣起有生耶師與一喝余時茫然夜坐單後過數炷香如彈指頃始知有做功夫事南師之力也時同席有玄微兄者又爲南師嫡嗣及師遷化余在山水中每遇玄兄聚舊卽以大事爲問玄兄以病自謙遜名匿影余住雪峰嘗一接書問再接偈言知己在持普明矣迨余遊汀州遣禮招至欲行古道遜余上堂余復邀衆檀護迎請陞座堅執不允故勉爲結制竟成賓主焉話次

支那

石雨禪師法樓卷第十六

四

復及大事卽頽然不疾余曰斷橋倫一脉至兄止耶曰不然脫有可兄意者能指出以相示乎余唯唯卽索南師源流并斷橋倫歷代付法偈及語錄一卷莊讀行狀益知居常孤潔不肯輕展鎗旗竟以退託終其身故余不得不憑臆揭出使人知斷橋兒孫猶在也

和栢堂詩序

凡和詩者不超原唱不若無和此余於栢堂山居幾構而幾闕筆也茲讀鷲湖兄所和如啜蘿芥於醅酊令人眼目一新實稱老手近代禪講集必有詩詩必

有山居多屐不食丘壑杖不飽烟雲縱描寫十分何異矮子觀場而因人啼笑哉鷲兄一生肥遯全節避名故自比於龍山之菜葉黃牛之橘皮其高臥何慚哉急付剞劂以代招隱

度親菴序

孝有世間出世間世間資身出世資神世間資存出世資世間資近出世資遠爲人子者若不會遠近存亡身神爲一致而超然於世出世外者何足以語孝哉凡有身者必有心有心者必知身之所從出有身而無心異類也有心而不念身之所自者夷狄也

支那

石雨禪師法樓卷第十六

五

能知身之所自卽知有親有親始有本有本始有末如樹本生枝葉仍受雨陽以資本未有暫不資本而能枝葉婆娑以蔭覆於人也外道有忘身離念脫空滯寂者佛必深呵痛叱此不以無身爲貴也貴有身而知本知末本末不離此人子所以不可不孝亦必不能不孝也雖然永言孝思世有幾人嗟乎此儒之追遠釋之薦昇道之祭祀不撤可不嚴整痛志不忘耶古航師做武林度親菴事菴爲葛屺瞻公舍宅供佛中設接引彌陀旁設上中下位不論富貴貧賤僧俗男女各以宗親牌位羅列香花六時佛號鐘鼓晨

王其事者俱精律衲僧至今遠近縉紳士庶咸欣然從事謂度親第一義諦此余發心欲隨處舉揚於古師之先而行運於古師之後故一展師疏愧喜兼抱敢不合掌敬附永言遐哉古師也既已超然物表何患親不可度而猶深體佛言佛言二親最神也最神之言智者參之則度親之舉將見爭趨競赴而梵宇輝煌殆不煩神運矣

鴛湖禪師語錄序

近代禪宗多旋蒸熟竇且向人曰直待龍天推出語此太平話耳斯何時也敢栖隱耶初聞亦覺心爽更

支那

石雨禪師法檀卷第十六

六

二十年彼此悟者皆是也三家村土地廟點心舖子唯恐不售甚至挑糖擔子敲鑼上門換亂頭髮鐵釘者又不可勝數欲求如鴛湖兄東躲西逃避各全節曾不一二見其又患斷橋脉微實當已躬林下水邊炤影珍重故其器之晚成不期自貴余下雪峰以富沙之普明招余開法余亦爲搥毒鼓推出瞎驢拈五位入三玄絕無剩少及輯南明大師語錄敘之知爲臨濟二十九世孫鴛兄即踏翻船子法嗣如夾山者三人錄師遺語過寶壽請敘并塔銘憶昔雲門先師敘無趣無幻二老錄則今日之敘又敢以不文辭耶

隨事寫神庶使生摘之流與分洞分濟者一醒春夢其中奪食驅牛雷奔電掣當有如張無盡者點出金剛眼在

嚴無救居士山居詩序

詩中有禪者唯奇幻絕人非有關於性命也道人之詩不真妙悟必多雜疏荀氣易令人作嘔無救老居士因病得閒日叩大事因緣融文心爲禪思和噉噉山居詩語語適適復多警人心意如流水細聽看念斷非老於林下聽水二三十年者烏能至是哉此真詩禪也

支那

石雨禪師法檀卷第十六

七

陳默公居士詩序

泊舟荅上寄宿溪庵曉窓炤雪人盡稱快快應候耳默公在座歌落花三十韻一助飄瞥憶曾補落花廿八言不因學士遣黃州彭澤先生醉未休懶向春籬數狼藉誰知依舊可憐秋殆補菊花也擬更補雪花飯香催供而止

香幢兄山居詩序

香幢兄代先師座余亦得次僧倫頗稱交契及兄分化橋李真得兼宗說於先師者每托病榻晦結一指菴吟咏水邊遠絕四鄰若深山谷余亦爲名山累了

無定踪時法門既碌碌矣兄自若也余適楚歸同寓湖兄訪之篤居桐月衡宇相望氣味相類余自顧覺形穢焉及偕王天華顯聖在寶壽入閩歸法門更碌碌矣兄猶自若也每一興懷得不移我北山亦既幸矣寒松顏色敢異復青耶客冬作三泖遊取道一看話舊而已茲于東塔復得披襟領契已出意外更出平生法語詩偈一字一珠讀不忍置因以山居小冊序梓以篤兄稿成余亦得董其事耳聊志歡喜敢讓不文

記

支那
概述

石雨禪師法權卷第十六

八

上虞寶泉寺記

上虞寶泉寺去縣南五十里建於唐大中七年咸通六年賜額寺南爲南寶村隔飲牛溪數十武渡溪北折里許卽寺溪西三里卽剡溪可通竹筏雨過溪深則大帆乘潮直泊山趾緣溪東南二里曰牛步以昔爲白道猷騎牛入山處牛隱其地有牛倒形跡江公亮詩曰亂山深處隱招提古木層陰白晝迷好是道人岩畔月夜深清照飲牛溪此指其膚近者言其前後在望則覆卮東山兩俱爲靈運遊樂處若夫雲連台嶽波接海濤梯寶泉頂顧一覽而盡寺之興廢目

唐及今不知幾幾予庚午年入寺時聞諸鄉老曰數十年前寺經大廢國產四百餘畝古冊尚存至今俗呼爲和尚田竟爲居民所有指舊任僧仁賢曰彼重興時僅復山田百餘畝又以鄉宦有圖風水成訟後廢去復指寺前梵宮池白蓮曰此種每年間發居民無知侵爲稻畦今師來復覩此花之盛且欲卒仁賢之業則仁賢之功不虛矣詢昔賢名氏則曰有白禪師住此不知何許人因憶公亮詩亂山招提之句知其爲騎牛翁無疑也寺有古觀音伽藍二尊是守道場王見侵害者輒多靈護古礫石板山門石柱舊跡

支那
概述

石雨禪師法權卷第十六

九

此不繁述考諸新誌欸只有三誌叢林則有建寺賜額及廢併事誌軼事則有大和中鄭註在寺出身事誌山川則有白道猷從此入山事新誌爲神宗時邑侯大聘徐公所修故凡誌廢寺槩以國初目之其過於略可知矣抄冊又以寺產易爲舊田其故又可知矣有心此道者深念國家多事未暇及此則新剏庵院不能無故宜以此不朽之跡王之庶使諸方衲子有所歸佛道有所賴卽國亦有所補也因記之

復寶壽泉記

戊寅初夏彌月不雨泉井俱涸飯頭西土者引鋤覓

源直入王山後澗培棘裂石迸沙而出者三其次者已似兔兒梅花虎跑上者覓痕尚存知其爲五百年前所銘寶壽泉也味特香潤土人相傳飲者多壽蓋指此耳諸禪侶爭以偈呈以美西土之勇焉余乃向疑井在懷遠樓下其陰重易使人病卽室後小泉雨過濁不可煮茲得此知井上之銘皆後人衰相不求源而源愈沒矣今當填井廢小泉移銘以復其源俟夫有福者來他日千鉢盈盈卽真石田再世也諸禪侶其深識之識畢大雨三日予復爲之歌曰入虎窟探蛟宅培棘烈荆身不惜虎跑錫卓何足奇頓令鋤

支那

石雨禪師法檀卷第十六

十一

齒生津液閣下井室後泉細品情知味不鮮不似厭常新可喜尋源意在石田邊竹苗枯秧苗死山下人家望雲駛一雨三日誰之功能令枯者榮死者生天者壽病者起吾聊以徙其碑復其古記其事而已

銘

調象菴越山兄塔銘

向上一路千聖不傳却之不後引之不前所好者道進乎學也才旣吾竭恩愛自捨越山崢嶸實稱其名朋來以樂未免於情縫掖思裂髭髮思截會稽雲門中有古佛挈侶辭家嶺出仙霞不惜腳指却笑玄沙

登雲門堂遐契於夙擺壞金鎖香象踟躕葉落思根酬及至恩還鄉一曲友誼復敦鼓山靈骨蔓不可覓禱於北林舍利湧出建寧堵波結茅於窩通霄古路剪藤伐蘿虎窟狼窟百廢始葺遙迎博山躬爲輔弼迦流建川盟結死關老矣瓶窵指畫其間復歸男則調象爲適象王回旋度生事畢有塞優婆仙陀純陀永佩遺則塔樣我我銘其上不幾點污

林孔昇居士旅菴銘

支那

石雨禪師法檀卷第十六

十二

三界旅泊賢愚共處吉凶係焉趨避取與爰有居士結菴以志占旅之易在九之四艮哉至道惟嫌揀擇

素位之思安往不適

方竹拄杖銘

拄杖銘

內法於天外法於地以禮節之逢場作戲

其二

迷爲彼用悟則用彼兩端忽超此公之旨

其三

山無高下水無淺深窮玄極奧資爾行吟

碗銘

虛而能受應量無咎飯食已訖勿存窠臼

龕銘

天地一龕一龕天地因堅固物置不休器死埋則同
生埋則異生死一如離出入際

跋

寄浮法師手書華嚴跋

寄師以親老不事遠遊甘隱法華山塢於織履之暇
書此大經點畫從虛精孝思中流出故嚴謹之氣開
卷挹人觀其軸終愈整使龍樹當時以上本品偈傳
誦人間寄師見之或未以爲繁耶昔子瞻謂顏魯公
書雄秀獨出以其精神益有感於以死赴國之時也
而寄師其嚴謹獨出者歟

支那
撰述

石雨禪師法檀卷第十六

十三

心海師數珠七翼跋

一集春雨古澗流香究其所自費我商量提起數珠
舉似亦易欲理其由與水何異座有耆宿胸自淵博
尋流得源其書可讀嗟彼世人日用不知今也百八
顆顆可思或顯或密深入理窟如雜寶叢無所不攝
讀罷聯珠雨歇花芳夢亦就醒枯木欲狂

嚴印持居士日記卷跋

記功論過凡有心者俱可能之至於無功之功無過
之過俱不可能也今居士日記大半從本地證得所
書師友法言如人飲水冷暖自信自信信人何過之

有哉無過無功則就日中庸不可能也我故曰居士
能之

唐祈遠居士所蓄關虛白山水圖跋

以見山忘道之說遂廢幽尋者此俗子也何足與語
道嘗見袁石公有聽水無蕩思愛山無執顏之詩何
止深於山水亦能深於道矣余行脚時於山水不啻
如頭目髓腦南嶽匡廬天目黃白台宕出入飄飄者
二十餘年然亦不費苦參而轉煩惱作清淨如明師
如良友然邇來嘗以湖光溪色遠嶂平林指點向人
以振西來祖意人往往曰吾因是而見道矣忘山矣

支那
撰述

石雨禪師法檀卷第十六

十三

我亦曰此俗子也何足與語山水今從江南雲門遷
居間林寶壽山坐七十二峰樓上戲作趙州水法間
以子瞻枯木竹石綴之至苦無知己忽祈遠居士以
關子圖索題開卷三丈煙雲吐納不知其幾千萬里
長江太湖石山曲折種種畢具兼讀後跋韻極可稱
二絕遂書此於卷端請視諸知己我衲輩知此者
知此唯徑山雪嶠師耳雪師見此定當點頭曰此三
絕也

真歇了禪師碑尾跋

物不速朽曰金與石金石匪堅以示靈宅靈之起伏

人之賢愚得人則引失人則漓爰有禪士字曰虛量諱曰慧明能起塔樣塔既祝融銘亦丙丁徧告同志數年克成一字一句無損無益我爲合掌以記時日

省省禪士書華嚴經請跋

拈來皆是用去無疑無內無外就能辯伊一微空處衆微若爲譬如春至花敷枝枝一枝受暖萬木依依秋風葉落歸根何知人之履踐七通八達是大丈夫兩眼斯豁具大總持無所不攝嘗海一滴識全海味會全海波歸一滴義只在毫端變幻無際作如是想書經有地雜花榮榮菩薩寶髻髻中明珠普得也未

支那

石雨禪師法檀卷第十六

古

石雨禪師法檀卷第十六

嘉興府香萃庵等雄捐資壹兩
東塔寺疏 祥符普閣 選勝淨儀
法華寂涵 楞嚴海坤 各五錢
照內性鑑 各叁錢 普忍淨照 各貳錢 五分
紹興府天華寺智孝五錢

石雨禪師法檀卷第十七

嗣澤小師淨柱編

疏

裝大悲像疏

示菩薩身影現婆娑衆生心量種種自譌如千江水千月隨波大施小施福女福夫所以莊嚴手眼不可無如是之多

裝地藏像疏

勝奇賢侄爲度母故誦地藏經見聖女救親因緣卽發心裝願王聖像復思人人有母吾安得而盡度之

支那

石雨禪師法檀卷第十七

一

欲卽此一尊結普利緣乞疏於予予諾之久之無隻字又久之復無隻字別日行矣又復無隻字余自咲曰予豈無母耶予豈不孝母耶予豈不信有冥苦耶予豈信而不願入耶何鈍置若此適三宜兄在座笑曰作疏已竟予亦大笑索筆疾書曰明珠晃晃金錫琅琅是幾許短是幾許長人人有個地藏王何論貧富兼存色身金身一任裝三宜兄曰噫

重修大船砌路疏

持地菩薩因平地而得平心雲門先師因平心而得

平地蓋先悟後修先修後悟之謂也余忝繼踵天華欲重修大船廣運沙石補其坎圻固其隄防使代代平先師之心年年平持地之地願施者勞者與天華共成不朽之業雖日末法三災難逃定論獨不聞有妙莊嚴路一門超出者乎

修寶泉寺疏

古虞寶泉色味俱佳源流不絕故古人以此名寺奈久經廢荒僧多散去今衲輩偶爾雲留擬疏其源通其流欲使盡地人尋心地流者易得其源耳今在着力之始能有一助鋤鑿於其間者他日寶泉遍地流

文部

石雨禪師法檀卷十七

二

香煩客一盂清涼熱惱其福利有不可思量者莫道山僧以境示人好

活埋社募藏經疏

藥山看經祇圖遮眼離經一字魔言說趙州轉藏只解連床依文解義佛冤家社結活埋經師經論師論何關數墨尋行田開大義參實悟實悟豈類死灰寒木宗通處管取山神難着眼說通時從教頑石易顛頭

募二教方冊疏

爲學日益爲道日損此齊運之語也各見一邊者遂

成偏僻殊不知日損即損爲學之益日益即益爲道之損也果以廢學爲道者豈孔子十五志學於中盡廢其學而平至從心所欲乎以余論即爲之廢學亦可也第廢學之學不易爲愚者道耳古靈欲釋三教中所堪助道之損者而學之當以我語俟諸中行君子或不無少助山居之高志云

蘭芳山募藏疏

蘭芳秀發壁立江干善接一方總歸三寶然三寶雖一體使人知有佛而敬僧乃法寶流通之力也能流通者似又僧尊奈何近代僧多口受口受則疑誤後

文部

石雨禪師法檀卷十七

三

人此蘭芳王者所憂而發心募藏之所緣起也募畢當大開閱藏道場使一方生正信舉邪外備倫理入通途知三教之大全知自性之本有此本有之法佛不能冒僧不能演吾故曰法尊

攝心菴譯華嚴經疏

攝心菴古名清溪雪師蓋誤稱也因初有舊以清溪雖幽隱未稱實參本色故以攝心易之欲以諸所有物攝歸於心入一微塵裏冥搜禪定已二百餘年矣神宗末年有涵如承雲諸公者從雲門飽參歸結社其中剖破微塵出大千經卷爲語溪一帶緣檀信

作無邊佛事三載一週週而復始復請三宜和尚掩關三年茲當來雲上座新董其事以此新新無盡之義正之於余余因喜而助言并疏其所從來云

龍泉寺改應為禪募疏

勦業易守成難此世俗家之說也佛家亦然一人為道處亦隨之而興與必有衰衰而不至淹沒無跡者賴應教存羊之守居多也以羊存故有賢子孫者出知禮之可復則合眾歸仁焉內仁而外必有仁者至此龍泉劍合之舉感來平石禪友之謂也人有一矣翕然來歸十方響應轉瓦礫作金碧特易耳將使

支那

石雨禪師法檀卷一七

四

天下應門徒守而不能克一己之私者聞此發心躍然樂改為禪當自龍泉始善信其樂助之

法相寺募建白衣大士閣疏

定光現相元是王張宗乘大事留下肉身原是拖泥帶水心腸所以感得一切求男女人終日耳朶邊噴噴貼貼不得已攪行奪市隨所樂求莫不響應茲者白衣大士恣俊不禁擬向山門頭把住要津要挂專門牌額雖然寶壽於此不無緣緣寧忍坐視乃因晴雪融禪而說偈言長耳乃可圓通圓通豈離長耳聞說王中有賓便要賓中有王閣高高聳千尋衣白白

雲萬里融禪畢竟能融一任人人參取

大悲菴化米疏

得任山三昧者必以大悲心為體不與厭喧求寂者同日語也故我友平石見菴以大悲名即喜而隱之不專以木食草衣為得也予願所見聞者俱發大悲心行正施度所有四事供養盡入大悲體中平必從正定心受之正定中所受即萬兩黃金也合消請諸善信勿以隱居無為謂施無所著而失善利也

葺小荒天疏

會稽山有天峰今名天荒俗所誤耳曾是雲門先師

支那

石雨禪師法檀卷一七

五

圓頂相處故天荒以避名稱小真天峰之隱山也宜乎隱山之流居之故即念與謙光親手誅茅廣僅盈丈既蔽風雨稿守三年苦田漸闢可絕外緣以予在天華強念出山及歸道侶雲從遂成雅集次年又強之首眾歸為小東山菴主邀入關似亦愛其字小偕欺石弟而從之天荒則有古靈書記受托焉盤銘弟往來養病兩山相望朝雲夕霞正得意時也忽敗茅風妬古靈欲葺之余曰近地任山者盡天荒耳今賴即念僅得一破何復補之古曰天荒可破葺屋不可破也余嘉其志之堅喜而助之并囑其輯集凡所題

咏法語詩賦使千古之下知我道亦有破天荒之故
絕勝天台一招隱學也

報國院募疏

證道歌云在相布施生天福猶如仰面射虛空狂慧
者往往阿布施爲有爲余謂在相布施爲有爲固是
矣請不住相布施可乎則知乃福乃慧只知在與無
在一布施間非離布施而別說無住也今報國院往
來浩繁監院事者深憂粥薄發願以百福莊嚴接待
高納募三石三年爲一願一任水雲朝暮桂笠携囊
請問昨日有人天台來却往徑山去不知是住非住

支那

石雨禪師法檀卷十七

六

道得者也要一願道不得者也要一願何故一盂香
飯子何處有饑虛

如離掩關募疏

參究到黑漆桶牛角尖當銀山鐵壁轉側不得處此
關意也其次禁遊覽客喧屏嗜好焚筆硯吟咏稿其
身心一番寒徹大地回春則梅花撲鼻矣今法相皎
然耽心翰墨余以向上事發之遂猛欲避去易字爲
如離備筇笠爲遠遁余復緩之且曰今以大地爲開
房者皆是說空行有不敢效之且從跡上徹去耳爲
鈍根不到千穩百當不休復擬掩關又不暇計日給

之需余不得不告諸檀護共成其美也

西禪結制募米疏

世有論儒釋者以是證非而已是非心生未免乎競
競則於道懸遠此過在言遣言也復不能廢言以近
道故大覺璉以三皇治世及五帝三王弊而爲秦漢
得我教迭相扶持配以四時循環可謂千古確論矣
戊寅冬余應雪峰西禪之招先集西禪與諸護護談
三教同家意出大覺答孫莘老書讀之咸謂陰歷之
論爲不虛卽以護國保民報親之道與林下人計書
疏徧告結制一期以西禪是唐懶安禪道入閩初地

支那

石雨禪師法檀卷十七

七

至雪峰則大盛當時國界之盛亦隨之矣奈威儀久
既不堪得余中丞集生公同衆鄉紳並力併舉舉花
雨監院總之功虧一簣耳愧余就山水人無補助才
每揮塵弄無義語爲活中有不甘炊無米飯者領疏
分衛爲濃忘軀倘或同道相親直出是非之表當以
予言作無言觀

堯峰山募建藏經閣疏

姑蘇名藍堯峰其一也觀夫聳出奇巒白雪朝暮直
不下虎丘諸峰而王席代不乏人規繩整整夜半鐘
聲千古破客船之夢矣邇林臯禪師以磬山法道補

大其間一枝笑欄觀面相呈三藏十二部置之空閒
無用地不爲分外然雖如是離經一句卽同異說固
當以金針玉線莊嚴正法眼藏令向往者至重重樓
閣彈指間開諸佛全身於中獨露巖幾堯峰道場更
添光彩云

東塔募建山門疏

把任放行全賴者個大家扶起出入有度

無任勤舊接待募疏

生緣在錢清而不居出家在方外而不寓此無任者
宿之行脚也見行脚僧往來錢清者乞茶乞飯煩煩

文淵
撰述

石雨禪師法權卷一七

八

施主心力欲體施主之意結庵爲王以接納之朝朝
暮暮迎雲送水願成就日料料空囊一文不帶止諸
昔守郡侯投一錢而水清不又超勝有功不牢無任
之真也檀信其成就之

化千僧鍋疏

無底鍋炊無米飯木偶人調不濕羹乃祖師之玄唱
鍋須底飯須米唯有智人能妙饌是如來之實語
若各見一邊者名擔板漢不勞拈出今皇亭山佛日
寺有數百僧俱弄虛頭漢被老僧把住要津使他步
步踏看實地粒粒咬着米糝此全非禪者募大鍋所

由起也人以屢經十萬貫騎鶴上揚州爲得意不知
遊戲無端不如全非不帶一文赤腳下揚州使揚州
雁變之地轉禍爲福知有此無漏功德庶不虛往全
非其努力焉

靜聞堂王結社興萬壽禪院爲接待疏

昔寶峰真淨禪師舉淵首座王奉新縣慧安禪院時
湛堂爲座元問淵曰公去如何任持淵曰某無福當
與一切人結緣日負榜花打街供衆湛堂以偈餞行
淵去逐日打化遇暫到卽請歸院歇泊客某歸修供
如此三十年風雨不易百廢具舉一日見黃龍死心

文淵
撰述

石雨禪師法權卷一七

九

禪師訪之淵曰新長老汝常使沒意致一著子該林
人今夜且留此待與公理會些細大法門新憚之不
宿而行今靜聞堂王辭佛日庫司結社共興萬壽禪
院雖不及淵北人之孤硬而慈意過之他日有如黃
龍者來不知如何接待若肯一味承迎禮拜茶飯殷
勤宿歇方便亦不管他有意致沒意致亦不管他是
聖是凡一任他去諸方擺尾搖頭定不惟靜聞爛泥
裏有利也呵呵

古泉恭募藏經緣疏

泉從地湧菴得泉名僧依菴住還藉僧弘然僧欲弘

而法有未廣者此古泉募藏所由興也時當末運僧行荒疎才入禪流便學遶禪床爲轉藏出入息爲轉經動欲廢置文言殊不知不屬文言何從得此省事濶乎且一大藏教不過說此省事濶耳從上古德莫不精心妙思悉了佛之方便乃得門庭濶大宗說兼通然後隨機設化非如不識一丁者專以一機一境爲得也今古泉禪衆力事耕鋤減口接待一時各士高僧都集淳風漸成法窟種田博飯與商量浩浩並行食輪與濶輪共轉報四恩資三有俱承此一滴泉開甘露門他時源遠流長有莫可涯量也其成就者

支那

石雨禪師法錄卷第十七

十

福亦如之

大佛殿募供佛地疏

淨光禪士古德濶師之嗣祖聖棲之淨業結侶發願募造西方三聖身皆丈六不惜頂踵歷數寒暑今始得成金光煥赫見者欽仰以未得善處供養正與余謀客曰佛靈自解尋覓在處何勞人力爲余曰人力卽佛靈也一念精進勸破怪襲令人捨所難捨辦所難辦無非接引大意悉是彌陀化身以我化身嚴我濶報心佛衆生三無差別良有旨哉外道欲毀外像別說報身小乘欲離報化別說法身凡夫欲捨自性

別說佛性所以不信立地成佛有如此者則莊嚴爲自莊嚴捨爲自捨辦爲自辦自性自度自性自成一香一花一瓦一笠是真布施施能卽到彼所卽到彼所非立地成佛之別名乎客又曰燃燈佛指釋迦佛布髮掩泥處曰此一方地宜建一梵刹衆中有賢於長者持標於指處種曰建梵刹竟時諸天散花相讚此是宗門捷徑願事斯語矣余曰識得此一方地則大地具足識得此一標子則萬木森然如或未然再請淨光禪侶從頭指出

書問一

支那

石雨禪師法錄卷第十七

十二

答太平山一我徐居士

買山而隱可屈本懷但貧無所措則不可也倘得居士爲外護王衲爲內護聚幾個可雕琢漢一整開田說義之風山居庶幾可守矣何如何如別後無他念獨以居士英氣未消知見太濶做不得鈍工夫爲懷耳大凡不肯鈍做者纔到無趣向處十個有五雙退還脚底一絲終不能斷此皆近代士大夫參禪通病也見居士不以衲爲白墨屢施惠教衲雖不敏又敢以居士作士大夫觀耶衲貝雖佳弟居士此時尚是出爐熱鐵極宜一氣打成若於道理棲遲便道冷落

他時欲重整鉗鏈只恐頭醋不酸二醋可知矣

答子將聞居士

昔曾識面於西築雖不及接語然以親近家師得神交於居士久矣昨家師過天華蒙寄問參話因緣正抓着貧僧瘡處適值季超邪居士設茶茶話已悉其槩茲以居士深心此道故不得不重饒舌耳所謂參了竹篋話了又參三玄三要者益因彼不知凡是話頭殺活俱具將謂竹篋但能殺爲小瀟爲一概頭禪故須更參三玄三要以活之爲之堂奧爲之大瀟使一切瞎驢見人便道我已會竹篋話了今正參三玄

支那

石雨禪師法權卷一七

十三

三要在或云三玄三要等俱會了一切諸論公案尚未透脫在此皆以古人有某處得名某處得地之說貯於胸田殊不知得名非小瀟也非一概也亦與話頭無涉也悟之淺深也悟竹篋小瀟爲一概即一概小瀟也悟竹篋爲堂奧爲大瀟即堂奧大法也故古人有一兔當陽橫古路蒼鷹才見便生擒後來獵犬無靈性空向枯椿舊處尋之偈又有悟三玄三要者曰得意忘言道易親豈拘拘以話頭爲淺深耶以話頭爲淺深者即認語中有語名爲死句死句其可示人乎居士履踐既久或以此探貧僧則可耳若果未

能確然不回狂瀾於既倒則未之信也近來宗門雜沓非內外護者不能揀別或有人問喚作竹篋子話卽向他道石人慣弄無鍼線又有問三玄三要話卽向他道石人慣弄無鍼線請問同耶別耶深耶淺耶大瀟耶小瀟耶居士能一眼覷定定不以野狐涎爲是師子乳耶非師子乳耶以家師還渡吳山匆匆喋喋不覺滿紙聞公車北上戰勝歸時當與居士共出隻手一斬支離何如何如

答祈遠唐孝廉

自先師圓寂愚兄弟俱抱拙巖阿唯家瑞兄努力一

支那

石雨禪師法權卷一七

十三

出別業弁山非居士不忘佛囑爲功德王惡道風未能遐布之若是也謝謝不盡敝寺天華雖係先師殘局奈貧衲薄德渺福縱有雲水相依不過種田博飯而已獲蒙來問愧無以酬忽記古人有若有路可上更高人也行之句則知所云半年參究毫無進步是居士真實得力處也果能以此無進步穿衣無進步喫飯迎賓待客有什麼過處近時宗門雜沓知解紛然賴我弁山古樸孤硬稍可一挽軟暖邪風然非國王大臣并力於其間必難扶持此末運者昨冬艸艸登座門人隨錄刺語梓行聊寄一冊并先師塔銘及

拙題大士畫像以赴尊意晤面之緣不識在何日也
臨楮依依

答卽念首座

吾弟出先師之門賴諸方知識及衆兄弟鉗錘雖在
天華人天衆前偶爾成文亦是吾弟本有之物於我
何關况欲易此虛幻之名分乎若欲與近代濶門有
益則吾弟自有兼人之度當於授徒之際虛淨一派
以智字傳則不負先師不辜兄弟無損於古有益於
今可以循昭穆可以便稽致而一舉盡得之矣故諱
與字俱仍舊貫唯號贈此間蓋取前題小東山之詩

支那

石雨禪師法集卷十七

十四

日山亦愛謙各自小人俱尚隱共爲開隔江洗屐遊
如倦石指長伸美此間之意亦不俗也

答蔡雷讓居士

向聞居士造履綿密將謂專修淨土中人及一促膝
居然禪宿也古謂見面不如聞名唯居士能反是耳
本色修行人何又欲煩行脚爲雲門雖淺賴有竹可
看泉可飲如肯留意衲當分半榻以俟日來與諸衲
力用磨磚灑頂刻無暇忽覩尊翰及諸法言固自一
種意味然未免心識運爲耳衲又不喜人脫空漫語
於其間不識何以教我來語偶以朱筆點汚想在個

中必能情諒也又見索頌古公案若不諳訛處果得
淨盡無礙更說諸訛無有是處

答寶壽衆檀越

僧懶僧也喜聞寶壽可容我懶有檀越可成我懶又
何煩尊翰爲卽欲月杪棧杖以雲門兄弟尚爾聯纖
故先遣徒數輩料理之隻影渡江當不出春半間也
俟入山後方敢遣訊通意蓋不欲以在持俗套相及
耳倘檀越亦能以野人宥之使他日懶瓚家風復布
寰宇或可一遣熱鬧時流是檀越之正信護持也呵
呵

支那

石雨禪師法集卷十七

十五

與黃元公司理

清淺若耶不能久欸玄論爲悵茲入西溪深處寶壽
家風不減楊岐唯春暖花香僅免縮項嗟吁耳浪首
座尚未能以公署作蓬戶觀又不欲效顰投刺倘居
士不惜乘橈衲當以快鐮掘進土穉龍供居士大嚼
一回也何如

答祁季超居士

正岑寂間忽得知已書如獲至寶又與世寶兼及感
當何如更感餘杭邑宰之囑此又居士與令弟之分
身護瀟也便當達之昨小徒三登回知居士同令弟

結制寓山不勝欣美納常謂令弟既精於遊宦其游
禪窟亦必有精而後已者今果孜孜無倦耶二令兄
八令弟曾入七期否煩俱爲致聲天童歷然之爭居
士欲納有以息之此亦有開大事意欲居士先我着
眼倘於此辨得不惟可驗兩家之妍醜即天下衲僧
正邪俱可驗矣惟試爲辨以寄我衲當相隨來也

與嚴印持居士

別後訪耗望老師談及瀟湘何啻抓着癢處惜居士
輩不在座未便越水推船耳其間更多忍俊不禁處
俟晤語時述之倘有及於子將居士幸以此意通之

支那

石雨禪師法履卷十七

十六

使此老不致埋沒一生掃蕩近日野狐狂妄然得處
所就成廣容萬指不可不商諸海岬公也心海師卜
居淨林寺側獲一訪之恨識之晚彼聞居士許我度
歲山中亦爲生喜品字爐頭當有一段佳話在也
石雨禪師法履卷第十七

嘉興府梅溪巷通勝助刻資貳兩

東塔盛時壹兩 淨朝五錢

通議三錢

宅在巷行普壹兩 全壽梓

石雨禪師法履卷第十八

嗣瀟小師淨柱編

書問二

與石浪首座

自首座去後每以入山不大深爲憂故今年春亦欲
掩關以深之忽無所至知首座早已出關任超山矣
豈技癢之若是耶朽尚掩關者有四故一以法門愈
亂愈不可辨亦且不必辨以正不勝邪故二者觀時
觀機知分知力恐不知不觀非唯無益且有損故三
者屢有不可却之招恐費周折故四以行人數十輩

支那

石雨禪師法履卷十八

一

忍苦忍貧死守不去唯恐任持不耐久爲不安以約
三年之限爲慰諸行人故但不識首座何所見而入
何所見而出也前光明寺有二僧來一稱首座爲姪
一稱首座爲弟者俱以老成俱以吾首座不甘寂寞
爲言今聞遷任可謂之知任與弟者矣雖然倘任超
山自有別意非人所能料則慰我甚矣前得首座書
讀未竟而象田即念書亦至彼亦往往以我不復出
爲願故聞其守益堅語益切此與吾首座臨行與藻
雲言無異也倘首座之守亦無異則雲門二甘露門
他日普天匝地有不可量者在也觀象田嘗以得云

首座爲有同氣爲幸爲慶此添有挽回薄俗之度者
首座又不可不時通氣脉爲他日計也又聞首座每
與人抗此金與石觸之謂也知不可勝而爲不可也
况瀝門雖屬不堪不久自有定論何用是汲汲爲故
我於二月十五入關大書聯曰定論不須下千古偷
安聊爾約三秋此立而待之之道也願吾首座亦宜
安心而待之今洞下雖不乏人但少遍相護惜者聞
承覺師爲人頗端此可幸事但可讚之而已以其扶
律行事不致損故耳無諍無辨之道正宜今日力行
山居殿有半功葵心已退執事月印嵌石二公并知

支那

石雨禪師法權卷十八

二

衆敬愚及數十輩少枝葉可稱精進即鶴凌孫亦頗
能逐隊執勞能久久不退或有過師之作未可定也
首座所應承緣事得能修德以化之則無不濟者若
以末爲本我不願也目下近遠意頗悅從但以歲餘
爲難禪堂從房一齊歇下聽緣而已方今各各努力
鋤鏤山田較首座去時俱已轉生作熟蓋飯可供四
十人菜園春收可續絕糧即堂中主有山鳴悅衆有
維茲書記有深雪普柳一響草鞋如虎此山居之近
况也寄聞吾首座喜之

復黃元公司理

宗風禪沓王事勤劬此窮和尚之對極門徒也承訂
梅花開後主人對客今梅花開已主對客已有人同
客如何是王不識居士何以答之山中萬境雖開無
奈諸禪者往來煎逼特甚此入山不大深之故也故
限約三年掩關以深之昨已僞矣矣

與余集生中丞

昨承光顧使十四年來積想一傾頗稱慶快及捧讀
復黃海所居士書至爲道不爲名爲德不爲身處令
人愧愧不休幾欲薄憤憤而不爲矣復自顧疎拙恐
蛭努之取笑於人也然瀝門危亂得居士兼內外而

支那

石雨禪師法權卷十八

三

護之衲輩敢終默而置於不聞即弟親時觀機思懶
瓚之尚不可薄也容山居殘局苟完二年節願得遂
當拚此殘質唯命是從是至願也

復章天對居士

每當岑寂時與道侶相集一咏鬱花令人遊夢無盡
忽接惠翰暢讀花因欣慰欣慰爰發孝廉已先居士
着鞭耶天華護彩舍此其誰山荒失賀居士能爲我
致意否禪道之衰今時已劇所期入此門者以真實
履踐爲先然後應機接物妍媸自辨所以佛祖言句
大似試金石子具正眼者用之任他頌古拈古轉機

著語是佛是魔無不悉辨履踐不真者未免金鎗易換矣居士天性生知讀書之暇又能構此格外語言逢場作戲無不可者再得捉膝時一番商確然後流通爲美辭花之洗豁人目見者無不以爲不朽之業也恨不能多得耳昨有相知欲爲小序至手當卽寄覽也

復曹一葢居士

前接尊翰及箋頭深知不忘我故人甚但天各一方流光漸遠每一興懷不能罷衆命千里杖爲愧仲春得脫雲門入西溪寶壽非隆慶也較隆慶深數里竹

支那 石雨禪師法權卷二八

四

木蕭疎修徑不減雪樓是嚴印持聞子將諸公所蓄以遲某者憶往與兄輩願願不淺此特爲之先導耳天如居士兩番入山場後後訪之想已還新安矣其冷骨如故真隱君子也聞白僧兄獨居故里欲附一信與天如往奈又不果山居初得安懶幾與世隔絕見聞故不及爲覓便郵兄有書往幸達此意不識何時來湖上也聞兄近不乏道交爲慰又得趙居士偈意更慰第不卽覲面爲惜想真辨道人應不便爾休去其間出入於境緣逆順處定能以不欺自鑑耳聊評其意以復長至邊果能一遊乎先附力王做功夫

語一紙一煩致之巖石兄近况每同弟打橡栗爲安心瀟因續元去促托筆伸意翰生稜西蘭友兄弟踪跡何似有便通我以慰念舊之懷世情擾擾瀟門猶惡有心者能一棟邪正庶報佛恩於萬一弟亦當於岑寂自砥以觀其時也

又

承書與續元禪友來如親覲一度卽以書復續元去亦應如見我然猶未免於一水盈盈之思也不如天如兄偷空入山數日與七十二賢峰分賓列王談以爲暢力窮向上不涉世緣令人益珍其爲老成聞兄

支那

石雨禪師法權卷二八

五

近况頗細稍慰懸懸趙公之約何以杳然不可以兄之慈法帶累人也笑笑

答郭德公居士

秋空寒寂忽承令弟至得接尊翰惠施又知道念日堅雖覺喜躍然猶未能深慰鄙懷者以居士是大猛烈人定能一刀兩段討個分曉而肯悠悠說堅不堅乎堅不堅則疑信相參隨人上下而已宜居士所不爲也近欲入闕將有一年之別古人云三日不相見莫作等閒看想居士自能努力而不俟祈禱當先有便羽報平安也

答邢吉先居士

前翰中有一切無心卽離俱病之間此特遣着語耳
苟執而不化則又有無心猶隔一重之語其疑又何
有已時乎真辨道人觀時觀機竿木隨身逢場作戲
出處聽緣而已至於功名宜冷則冷之離亦一道也
宜熱則熱之卽亦一道也但得左右逢原何病之有
哉

與蔡子穀居士

世情戀戀法愛猶覺依依但不可爲愚者道耳分袂
歸每與相知言及護持金粟之神餘光豈止被及一

支那

石雨禪師法檀卷十八

六

法相而已哉不知近日戒酒光景何似石車兄以雨
阻不及入山特遣侍者渡江踐約可謂不負先師者
見時煩爲致意元公居士幾日曾相見否

與集生余中丞

承護念入閩冬復春矣不識道體健飯否叢林得人
否某抵長慶來縉紳居士俱欣然誠不虛老居士願
華雨監院雖根性過緩亦稱穩當臘八日付戒一壇
春新積香儀續置禪堂一所張方伯捐俸結制內外
三百餘俱精進擬浴佛解制後同京臺諸居士上雪
峯或可存老居士意第欲併舉恐不易也大約閩中

漫道邪禪未真似有起色在宿願未酬者今正是時
且僧俗望駕如渴未審肯卽扶策否否則究有頭債
有王與山僧有何交涉衡廷田事勢不可復茲另拾
百金造廊起手其東邊精室向爲人得今已力爲復
之以滿尊願爲杜口處耳此間興廢任在居士故不
得不喋喋也餘不悉

與李超祁居士

閩中緣未竟而歸思動者再矣雖知僧無家其如知
已何近聞邊報甚恐而憂國愛民之人未審此時作
何話說陰聖之論斯林下人所深愧也觀令弟才力

支那

石雨禪師法檀卷十八

七

衷赤片片終不甘弄寓山片石已者居士能佐之乎
今居士既承當個事則知向之稱隱稱逸可謂前言
戲之耳古云見道易守道難而行道復難况戴兩重
髮而居於行守之間抑又難中之最難不可不深慎
也居士勗之

與陳華甫居士

福建佛事喜無男女雜踏之擾諸鄉縉紳俱認真護
念第衲所深意投老者唯寶壽拳石耳况與諸善信
大有夙緣令人夢寐以之非勉強也惟居士力護以
俟衲歸歸期舊約或半年一年決不至爽信者今秋

入關定當努力念我山林人自不能安邦定國又無德堪爲陰翊惟居士矚伸一肩任之而已使人人各發此念而國界未有不妥者居士勿以一人力微爲自怯也我教謂一人發真歸元十方虛空悉皆消殞此雖理路亦可事推况居士已知會萬法爲自己者則一人自幹一人事皆居士之本願特爲饒舌耳忝知愛之私故私望之

答陳克一居士

石頭南嶽上諸祖以人多質樸故酬對處顯多密少其真證者即顯亦密也其未證者似以意通意通則

支那

石雨禪師法語卷二十八

八

落知解即密亦顯也非師家答也至於石頭南嶽猶顯密兼唱下及五家分門列戶純貴乎密者以人心離殊殆盡有錯會者有附會者真假莫辨非的悟的傳暗機圓合實王叶通者孰能把握探竿知水之深淺哉所以推此秘密一路最妙最玄極尊極貴使放僻邪侈惡魔外道不能假借以亂真此不得不密也古謂威音王以前無師自證即得威音王後無師證者盡屬魔邪良有以矣今居士雖做處實樸實處亦真故見諸祖平實顯言一印印去略隱密便料理不下此過在以顯爲顯未能顯密圓通耳如居士所印

正脉中南泉之寬廓非外寂寥非內及不是心不是佛不是物等謂無疑至於斬猫趙州頂鞋等謂不了則疑信相半非過量人所自安者唯居士更過此開則一任懷中抱子脚後登妻盡是秘密機關否則平地上跌有日在珍重珍重

復賴州嗟峨諸檀護

靈際斯興道音遠播於桑門佳聲此振德化潛施於詞苑瞻貽言而色起聞高韻以神飛恭惟諸大居士閣下心空及弟氣吞秋月之長江意極無爲法運春風之百丈嗟峨古剎賴檀信而重整型規寂照寶方

支那

石雨禪師法語卷二十八

九

得漁住而一新儀範叢林幹疊祇樹金湯內外得人而有慶通遐獲善以無虞想佛法之隆盛俱讓康寧思祖道之恢弘咸輸肅肅早納入於仙霞經三百而遊七閩目窮水山之勢離乎浙地幾十度而接八行招歸故里之殷且解富沙之新令還酬寶壽之舊緣或趁春風而笠戴江西事難預定或取白門而棹遊真境法不先期茲承寵召未便專辰聊申恭復以代晤言

復王東里總憲

下雪峰滿擬走使遠使余隨林轉流覽古江淹滌山

水曾以數行遣徒代訊復爲永安路阻至今竟便無郵每念華林把晤若非老居士打開格則的又焉能令貧道肆口恣心橫拈到弄爲作家相見也呵呵冬制正結建寧之普明而洽禪友適至捧讀翰招任持三平不勝踴躍奈先一日爲建陽靈峰邀住未及應命而至殊積想未消終當向百丈際邊與老韓覲面相見不煩向侍者處尋消問息也偈扇伴啓草復不宣

答考亭朱步紫使君 附來問

佛曰覺儒曰睿作聖皆屬思也六祖乃謂不思善

支那 撰述 石雨禪師法稿卷十八

十

不思惡則孔子九思中間思明思聰思問難等獨非善歟周公夜以繼日思兼三王而施四事豈非欲多多益善歟善何不可思也關雎寤寐反側鍾情窈窕思果善歟惡歟豈聖人獨難之歟且善惡雙遣思置何處釋亦戒偏空也抑問之老莊其言上善若水水和萬物而不爭又曰賊莫大於德有心而心有眼六祖無亦欲人忘其爭去其眼歟易稱無思也寂然不動感而遂通天下之故此語頗有會歟三教一理愚蒙未能融合大和尚何以教之

人生日用雜念雖多不出善惡無記三性出則爲空入則爲有空爲小聖有爲凡夫唯大根器大力量人以中道第一義諦不偏不倚極學窮參一日豁然空有雙銷二六時中隨緣任運不着於凡不在於聖兩邊不立中亦不居克盡已私復還天理如鏡垢盡因人妍醜非鏡有妍醜也佛爲覺睿作聖亦若是而已非屬思非屬無思也非思故寂然不動非無思故感而遂通道之上善儒之至善釋之性善非善惡相待之善也此語三教真可會通一言以蔽又何足疑若疑六祖不思善不思惡似屬無思不妨深體六祖問

支那 撰述

石雨禪師法稿卷十八

十一

意卽知宗門謂教外別傳直指人心見性成佛直接引人之言外風規也彼以三教學人着於言教不重已靈去道似遠間有體認悞以思惟測度聖人境界說時似順行時却違不肯將此思惟測度的心體究一番故祖師西來見人說心說性要覲體舉出個心來性來見人思善思惡要人覲體舉出個思善思惡的道理來故六祖問惠明曰不思善不思惡正與麼時如何是明上座本來面目惠明言下大悟則知宗門爲人別有長處其意非專教人不思善惡也今老居士既已會通肯於不思善惡處更加參究體認一

番定知飯是米做從上疑情一笑而釋矣然參究體認是又思思者與思不同教中先以無思爲體後以有思爲用尚屬漸途以其不如頓教以思無思之妙反思靈談之無窮也故終日思而無思無思而思高登聖域豈小聖只知無思而凡夫只知有思耶此六祖去古未遠尚可如是提撕處今之世穿鑿殆盡才有言語知解橫生不能復爾激發後昆至使陞座指揮難爲下口不得已曲暢旁通若一味以言遣言以理遣理使人墮入葛藤無有解脫此無貴於宗門也衲不敢以宗自居特信宗之妙或可與老居士同參

支那

石雨禪師法檀卷一八

十二

何如

答唐祈遠孝廉

昨走數行草草附訊正恐道駕冒暑令人不安忽接惠翰殊慰鄙懷所云弁山法道居士全始實賴全終然全終惟艱貴使先瑞兄安於常寂耳雖雲門一脉靡靡不振而弟兄之分恒安杳鑒者皆貧道自甘所致今一旦僭竊不唯取笑諸方亦獲罪於常寂矣况寶壽雖小未可遽有庖人之越萬不得已尚容秋涼一奠弁山擇一法侄王之一整無諍之風庶不負全始盛懷而且爲全終穩策餘則不敢與聞向承布施

百不却一此謹奉璧者恐蹈傷廉故輒耳笑復不盡復弁山諸法侄

叢林者道德之所從出也欲行道德先正名言名言不正道德廢矣今弁山法道已徧天涯而獅蟲咀嚼賴以鎮安使愚得以傍觀泉石猶冀略伸管見於他日耳恐一番當局未免迷生此在諸法侄所宜深護於我也况百丈移龕未曾親送二世新遷未曾遣吊萬勿復舉杜我將來常住公物檀護公書統此璧謝與離言法侄

寬有頭債有主此大衆告諸龍天而吾法侄有不容

支那

石雨禪師法檀卷一八

十三

避者昨數行中無許多便宜與法侄討得若爲先識焉兼之護法傾城卽請高踞龍華頂額則寶壽峰在西溪深處當贊嘆無盡也

復考亭朱步紫使君

一出仙霞略無寧暑此佛法之累人耳至於千里神馳夢無迷路知老居士正入慈恩院裏游也自念形骸雖遠而玉枕峯松終無變色此亦貧道於居士另思路矣冰輪至得接惠翰不異把臂一度何啻闔越作同室觀耶靈峰殘局全賴護法爲之合尖其叢林規矩決意付托來雲入室王之以幻來年老午星

善病樵之時想任山恐不與一人肩之則遍相推托殊非長策餘樂助者助之貧道則年已知非不復料理常任明年俟寶壽稍安準頂笠一行一瓢一侍別構一茅於寺之北隅或資化寺側得與老居士啜茗對奕拭眼看來雲與大眾之有爲此又不啻樂死也

復會稽諸護法

向年濫席天華過蒙內外之護至今銘佩猶懷戀慕之私緣貧道分慚迂拙道力浸微祇合屏跡空巖任情丘壑故拂然渡江似不再問人間事矣豈期入閩輒爾數年益素愛閩山故有是舉雖彼糾紛及略不

支那

石雨禪師法檀卷第十八

十四

加顧卒一日竟歸者原爲寶壽破壞意欲粗加修葺得把茅蓋頭足了一生誓不欲再現前粧重新舊樣區區此心大都如是前渡江登拜欲爲濶棕復以緣隔不偶茲蒙瑤翰忽頒琅琅珠玉且復有天華之命是更欲鐘鼓爰居耶雖達師弟暫避吳床奈其衰朽難承鼎餽况師任葦俱翩翩超逸自能料理何藉手一躑躅朽僧渡江濡首耶萬不獲已一到卽行并候興居聆霏霏玄屑也

復曹石倉侍御

西溪道上等個人來十里梅已脫雪飛花而個人猶

屬杳然忽接翰惠雖免梅花笑人終未似把袂閒林生我山光也承命作讀聊構小偈塞責謹書請政靜聞假歸便謝不宣

別夏緩公居士

貧和尚清罕官正爾相當唯損清惠爲受不安耳貴境多善信欸話甚殷此皆賴呵護使然所喜郡伯政亦甚善似不復用頭陀法行常不輕行也至廿五日始解纜滿擬一造高齋作數刻別語聞交游接踵唯望風依依覺新我飄笠晤謝有期爲道自愛華藏菴樸僧數輩人頗憐之第憐之以道者又不得不仰仗

支那

石雨禪師法檀卷第十八

十五

聞言於郡伯處矣

答王祇叔居士

正臥疾間高人韻士一時良集復得居士至使荒山生色不淺賤恙亦繇是起第愧黃牛橋皮助話太清耳前已承惠茲復損米正當結制敢不拜領爲居士結一度禪悅也謝謝佳扇如命塗抹容補不盡

復福城衆護法

靈山親囑原爲末法之金湯梓里光招適愜同仁之志願豈是祖福不了端因道種將圓固漸添錦聊用續貂恭惟諸大護法臺下朝廷在石鄉國觀瞻瞻席

上之經綸不難旋轉乾坤撥林舉之餘暇亦且推敲
堂奧以治國者治心無異孔顏面目展報君者報佛
居然楊李芳踪所惜祖庭秋晚兼之孤跡縱橫愧無
寶劍之橫抽猶藉杵光之鎮肅寵翰來當重九後鬱
鬱菊花新開期諒在小春初融融冬日暖敬酬台論
無任溯瞻謹復

復天寧大眾書

于木隨身意在驚蛇撥草逢場作戲妙於唱王酬賓
奈何近日宗風似隆而實替法席似安而實危矣佛
恩難報信施何當福城東塔既爲先師來應萬壽天

支那

石雨禪師法檀卷第十八

十六

罕復因寶閣相招雖指揮不能推重於人天登臨未
必增輝於梵宇喜法舟之靈塔猶存漢官之威儀復
整移藤不遠覲面非遙此復

與存憶唐總憲

昨者瑤翰賁臨兼承諭糜管城之錫奈艸野不文無
以克當雅惠可勝歉然家君以蚤年掇巍科業已追
縱繼美復以慧眼勘破世離飄然長逝此豈高閭門
陳車馬之亢宗也哉行將起九世之白骨登之寶池
珍域矧陟岵在瞻定然康壽倘轉哀爲樂夾疑成信
只淨名龐老不得擅燬於先宗矣擬欲躬弔靈龕奈

方結制不便行邁謹遣監院俚語代伸併祈老居士
熙熙怡怡完此一段家風則光前耀後雖今日之慈
孝乃他日之道愛也肅此布悃統希鑒茹無任願溯

與扶搖唐居士

猶憶曩歲營慈遐逝山僧曾以葛藤一絡索向總帷
饒舌爾時尊公深道德器可徵世德之報不爽不料
尊公便爾撒手政以繼美有人掉臂不顧真解脫丈
夫也擬躬弔靈位奈時方結制不便携錫謹以俚語
半紙代伸統惟亮鑒可勝瞻跋

寄次升陳孝廉

支那

石雨禪師法檀卷第十八

十七

久嚮高致不異大蘇乃從小蘇邊得精神交接何幸
如之因憶臯亭桐扣雖絕響來久以衲觀之徧山皆
石鼓也第復俟知音耳他日既聞聲逸遐邇當不使
張華擅美千古矣况渥洼池讀書處踪跡無恙豈慧
業文人多忘前事耶笑笑

寄稚升陳居士

紫雲佛日兩度快談草草送別雖不作世情想而道
念猶覺依依不識日來精進何似深美師資相契尋
常已是難得况契以道乎且當仁不讓頓入頓深吾
宗謂智過於師方堪傳授豈虛語哉 卷第十八

石雨禪師法檀卷第十九

嗣瀧小師淨在編

佛事

雪峰掛鐘板擊板一下曰八百年中祇是者個千五百人向甚麼處去也若論兵隨將印馬聽鐘聲也須各各有出身之路始得出不得山僧爲你出去也乃擊鐘一下

寶壽挂鐘板舊日規模一任梅花連夜發斬新條令豈容客子帶春回銅頭鐵額的到此也須重鍛龍馳虎驟的不妨依教奉行今有密言有誰唱和良久曰

支那 石雨禪師法檀卷第十九

無則仰勞二上座去也遂擊鐘板

爲冲天開關三載黃金應失色一朝瓦礫自生光禪和特地來相接一句明明爲舉揚乃舉鎗曰個個頂天立地爲什麼被者個轉卻沖一喝師曰怎麼則更勞彌勒重彈指去也

爲瑞峰開關從門而入不涉程途從門而出豈離當處何用山僧重添註腳師以鎗畫此○相曰二年暗裏添秋色一日清香菊滿林

爲來雲封關我手何似佛手露柱忽然開口我脚何似驢脚却被燈籠道着上座生緣在甚處確柴開花

春又去大衆音日黃龍禪師以此三關語勸人自古至今聞者各各藏踪歛蹟今日山僧舉出莫是要封上加封鎖上加鎖麼良久曰欲知華藏莊嚴界且入微塵一點看

爲妙天蘊空封關化金牛飯不齋羅漢僧煮趙州茶懶作人天福腰包頂笠渡錢塘安心欲寄雲門足雲門因我不留情移節更向清涼宿清涼山甚奇特不離紅塵高峽峴忽憶騎獅看母人依稀尚有苔封迹就崖茅屋起三間隔斷紅塵喚作關有人問及關中主指出飛花共鳥語知見何須妙入天諸蘊空來不

支那 石雨禪師法檀卷第十九

三

是汝不是汝倒跨文殊鎊獅子鎊獅子且置畢竟如何是封關一句乃舉鎊鎖曰鎊上座與諸人道了也喝一喝遂封

爲來雲遷關天華關不住雲門住不關聖凡無限意截斷在其間大衆且道如何是其間的意噫只尺不見他家事遍界無藏汝不干

推來雲爲監院開關入門不是藏踪出門亦非顯迹若道不變隨緣猶是當年氣息饒你隨緣不變不妨等待他日且道如何是今日事良久曰腰纏萬貫衝寒去背負休辭冒暑回

為隱明開關銀山鍊壁黃金失色淵海空天光生瓦礫若是密移一步看飛龍個裏依然無出入有出入畢竟以何為準的乃舉鎖匙曰看看且要勞他一臂力

為屍行芥城封關海濶天空智者不居鐵壁銀山愚人不識然則如鏡照鏡不妨者過那邊死限之心既固活埋之念須堅雖然欲知此話行須看三年後為正衡開關若論盡大地是個關房本無出入只因迷故關上重關亦是迷上重迷之意今人只思尋悟全不知迷既不知迷悟從何得所以老僧常向人道

支那

石雨禪師法稿卷第十九

三

迷有十分悟有十分今日開關豈屬迷悟大眾聽取一偈有出入無門戶無開掩有封固若是香象截流機終不從他覓頭路乃舉鎖匙曰且道者個是甚麼試開關看

蒼龍峰新建山門祝語蒼龍飲碧潭千古飲難乾放行兼把往來往客心寒宗乘中道無門為解脫之門教乘中道開廣大之慈門且道畢竟從那一邊卽是乃卓拄杖曰且從者裏入

掃散木老和尚塔爛煮石牛頭活烹木虎尾供養不將來將來不供養大眾先師有伴也先師來也且道

那個是伴舉數珠曰莫者便是麼噫無縫塔前無影樹果熟香飄劫外春遂展具曰仰勞大眾同聲回向掃靈雲祖師塔人見我亦見飛花如血濺昔日鷓鴣啼春風為吹斷斷不斷古月峰高事可疑從今掃破春風面喝一喝曰禮拜看

掃九峰慈慧禪師塔瀉山一脈天涯不隔會得此意峰峰秀出不止於八終不至十但能千里外逢師鳥語花香看今日咄

掃升山道希禪師塢春鳥自語春花自紅古今有異仙佛同宗雪峰道絕玄沙路通嘆平高就下承渠力

支那

石雨禪師法稿卷第十九

四

山化為龍若個逢

掃長慶安禪師塢讀無字碑知音罕遇禮無縫塢作者難逢不如撮黃土香作女人拜也圖個開山可報祖道重隆且道如何是重隆的意良久曰不須今夜明星現踏着源頭水自通

掃玄沙備禪師塢我亦當年脚指破塢樣分明呈者個師不出嶺我不入世人擬說兩何故偶然踏斷偈水聲百萬人天俱見過昨夜黃犬吠大蟲侍者從今不回互亦回互解道原來不是你咄自此兒孫更莫疑個個踈通石頭路

掃長慶稜禪師塋家冢逗到清明節處處骨堆都迸裂獨有西禪長慶寺低灰化作白蝴蝶顧問大眾曰又向甚麼處去也各禮三拜看

掃古靈贊禪師塋境寂山空百丈家風唯師證得歸報師翁無聲三昧末後路通大眾且道如何是無聲三昧噫青草淒淒沒不得鳥鮮啼春花解紅

掃雪峯真覺大師塋森森檉枝機機掃出全身見聞即別望州亭相見了茶傾三奠不爲多烏石嶺相見了香蕪三枝不爲少僧堂前相見事如何還讓再來藍長者且道以何爲證不見余中丞道輓得毬

支那

石雨禪師法檀卷第十九

五

見是雪峰

掃鼓山晏國師塋有來由無縫罅不堅久難敗壞分明寫出秋山容祖師靈骨難遮蓋卓拄杖曰好遮蓋他家有路通霄外諸大德還有把臂共行者麼良久曰且回向看

掃雲門先師塋烟雲冬夏花鳥春秋有恩難報有怨難酬若道石傘峰依然峽峴若耶水仍舊東流且喜未見先師靈骨在還要見先師靈骨麼良久曰不見道祖禪不了殃及兒孫喝一喝曰回向

掃天衣懷禪師塋往昔曾挑水一担兩頭脫傳得雲

門宗我來爲掃塋一掃葛藤窠一掃秋風葉噫祇因埋沒本空踪至使吾師今受屈良久曰屈

掃岐律師塋不舉宗乘不拈經教昭慶登壇暫時顛倒歸來擬欲露全身塋頭無縫埋荒草荒草枯蛇足多掃除一句問如何大家齊念薩婆訶薩婆訶且置不知塋還受掃也無師以坐具打一圓相喝一喝回向

掃具足禪師塋克聖淨賢請欲攬青風以爲帚朝雲掃却暮還有欲撮黃土以爲香山自高兮水自長汝欲克念以作聖以德報德非究竟汝欲淨意以爲賢知恩

支那

石雨禪師法檀卷第十九

六

報恩恐未然汝欲我爲作方便遂以如意畫一○相曰一切存亡此中見若是具兄嫡骨兒定應着眼急須薦若不薦作麼生成得個掃塋事良久曰不見道寶印當空錦縫開即以如意打聖一下曰後句也須你自道始得

真瑞白法兄塋挽青雲而作拱撮黃土以爲香法門之理如斯兄弟之情何在不得已倒拈帚柄一掃寒空若掃塵不掃塋恭而無禮掃塋不掃塵同條生不同條死塵塋俱不掃爭奈白浪滔天塵塋一時掃且道我師兄靈骨在甚麼處欲知他日蓮華會且續開

山一代燈

封爾密法兄龕巍巍堂堂輝煌煌出不全露人不
覆藏打開玄路掣開金鎖欲助慇懃實傷我股賴有
後昆交參鐘鼓鐘鼓聲何淒楚休淒楚雲門門外更
封雲且看回互不回互

爲久默禪師起獅子出獅子入全在獅兒奮迅力
雖然有手大家扶不勞動着纖毫忽大衆且道既不
許動如何說個出入的道理嘆海神不貴夜明珠信
手撮來當面擲封埭日中月夜半日會得者萬里神
光不會者惆悵何極太湖南方山北莫道此中無縫

支那

石雨禪師法燈卷第十九

七

陪彷彿栽松當道青依稀字刻碑文白舟藏壑山藏
澤天下情知不可藏祇貴瞞人雙眼黑衆中還有不
受瞞者麼良久曰莫怪早秋涼都緣風雨急

供佛日中興也是你今朝鼻孔頭却在我手裏顧衆
也是你中興也是你今朝鼻孔頭却在我手裏顧衆
日還有與祖師出氣者麼實則始終賓主則始終王
祭金臺掄法師增佛日既重興不能逃定業今日累
我來一一爲公說且道說個什麼乃顧彼眷屬曰孝
子與賢孫大家在者裏

行知山封龕善行知山汝聽我言我來汝去六門緊

開更須封固矢上加尖噫若要光輝前後際無過未
後一堆柴

澄源者舊火

曾以賣墨爲行脚

澄源老澄源老天下名山幾

遍了不尋朋友不尋師不爲參禪不問道隱向天華
十有年晨昏惟數自家寶且道如何是他自家寶良
久日妙品極品大國香寥天一金不換莫遮便是他
自家寶麼昨夜一時分散了直須貶向無生鄉也要
天華重煖好

幻虛禪人火

時當雷雨乍歇

虛空幻出無本性本性幻出無

虛空霹靂一聲雲散後乾坤依舊月明中更有截斷

支那

石雨禪師法燈卷第十九

八

聯纖一句仰勞大衆共送雲程

安心禪人火盡道虛空奕兀誰知大地平沉雖則名
曰淨息未可號作安心乃舉火炬召大衆曰山僧欲
煩者個上座送彼一程得麼擲火炬曰切忌攢頭入
此中

海火頭火一向你燒火今日火燒你但得火性空你
性亦復爾海火頭會也未一陣無風波浪生智海雖
深終見底

尼僧火八苦交煎一老尼業緣了却是歸期聯纖唯
有骷髏在百煉精金略較此從此去莫狐疑欲識路

頭真寶處夜半烏鷄焰裏飛

俞宗明火臨終剃度沙彌身居士相三年已前絕較
量忽然今日春雲生青天何必重遮障妻淚泣母淚
泣一一爲伊俱剖析且道剖析後一句作麼生從教
爍盡無明火切忌西方祇者是遂槌火炬曰失
玉函禪人火昨夜白牛臥深雪曉來有眼難尋覓迷
時從此迷悟亦從此徹迷悟不相關撒手便言別大
衆且道他路頭在甚麼處看取火聚婆羅門分明煉
出黃金骨咄

嗣南容公火白雲坐斷已三年頂後神光此日圓歷

支那

石雨禪師法檀卷第十九

九

代祖師無巴鼻鬚奴拈起一毫端恭惟嗣南容公一
生操守精嚴末後孤峰獨宿若是今日靈龕自舉性
火自焚無以慰彼高足孝思故特邀我山野聊借勝
熱婆羅門火光三昧爲津送之資且道津送一句如
何舉揚擲火炬曰會得龍門無宿客誰分東土與西
天

勝蓮禪人火秋風清秋雨頻大地從今絕點塵臨行
切莫輕移步乃舉火炬曰此個西方路最親且道路
頭在甚麼處遂擲曰也勝蓮花足下生
完修禪人火完修既以修完大衆作何話會若作未

後商量莫惜山中柴貴喫一堆烈焰亘天紅道火須
防燒着諱

達之禪人火達之達之人謂你死我謂你生人謂你
生我謂你死不是我不順人情只爲你本來如此不
如此青山雨後青達之在何處若道者個是松聲慼
慼若道者個不是澗響淒淒噫總不如個丙丁童炤
破神光千萬里
敬泉居士火草淒淒烟沒沒春復秋夏復膈分明指
出是俗是僧又誰管你非生非滅擲火炬曰咄一生
疑慮從今徹

支那

石雨禪師法檀卷第十九

十一

無說禪德火一念萬年萬年一念放過石火遺下烟
電恭惟無說禪師一生竭力叢林頭目髓腦俱捨既
植無漏正因必登無漏正果唯是兒孫孝思特請山
僧舉揚末後一句聽取偈曰不假靈犀一點光情知
曾見我清涼今朝攪動無明火東土西方總道場乃
擲火炬曰咄

智憫火墓考妣雲棲一脈西方路通生前歸命死後
遺踪有子出家世孝匪同晨昏參叩父儀母容再三
哀懇寶壽石翁無明一舉燒破太空霄毛猶在付與
丙童喝一喝曰回向

驚林勤舊火白雪漠漠流水淙淙雲程迢遞木落林
空驚林公驚林公破家蕩產安寧後捨命忘軀始見
功雖然若非末後光生未免終成滯貨且道如何是
末後光聳勝熱婆羅門惡發檢取省毛過別峰
靜虛耆舊火秋風蕭蕭白雲瑟瑟生名靜虛死稱其
實向上一關恐汝未識大衆送汝莫留朕迹擲火炬
曰咄

心量庵王火青山寂爾綠水悠然生滅既滅寂滅現
前路頭入手便擬爭先莫爭先烈焰巨天燒不盡一
任人來看九蓮咄

支那

石雨禪師法幢卷十九

二

權厝嵌石兄佛事浮生如寄人所共知死亦非歸阿
誰委悉且道今日將我嵌兄權厝於此畢竟圖個什
麼婆心最在流連處水盡山窮卒未休
具足禪師入塢生於越長於越股爲療親刀見骨清
道橋邊露風根若耶溪上連枝脫遊剡溪任香雪拖
泥帶水藏真說惹得兒孫逐隊疑今日分明都漏洩
不漏洩無底鉢盂誰動得噫若是師兄滴血兒會取
當陽遮一撥

清池兄入塢分明一派清涼池幾度曾經劫火炊此
物至今終不壞耀地輝天也大奇乃舉骨曰且道是

什麼物與麼奇特遂擲曰大衆普送看

靈鑒法師入塢舌頭有路不難尋轉入臨平路始深
恐或賺人思自覆層層無縫復森森

爲宗明入塢時雷雨死不盡燒不盡霹靂一聲天地
震天地震塢門開眷屬何須復舉哀嘆青松依舊青
如洗翠竹重重翠莫猜

爲淨坐送母明悲入塢母以大悲心生子子已出家
子以大悲心送母母已苦拔雖然直待子母情忘方
可入此無縫寶塢且道無縫塢作麼生入坐日無縫
塢且置某甲母親畢竟在什麼處師擲骨曰行到水

支那

石雨禪師法幢卷十九

十三

窮處坐着雲起時

靜安入塢有妻已爲尼有子作沙彌故鄉情已盡何
得更言歸風淒淒雨淒淒江北江南事可疑山僧特
特與伊決日出三更未是奇乃擲骨曰嘆
定生禪者入塢無縫無影撐天拄地生決定生任實
不任卽此非此好個人處咄咄烟鎖雲門幾萬重不須
回首頻頻去

尼淨輪入塢若道是一堆枯骨又是淨輪尼若道是
淨輪尼却又是一堆枯骨他既赤體爲人人宜全心
委悉更要彼此利益莫待平空一擲爲甚麼如是不

見道迢迢與汝疎切忌從他覓

爲界如入塋死不盡燒不了去不得任不好無縫塋
一時倒末後句莫尋討五番服毒達磨心爭如者個
無煩惱乃舉骨曰且道者個是甚麼昨夜月明雲散
了

達禪人入塋出得者個入得者個不出不入當面蹉
過欲不蹉過須是 者個師指山曰爲甚麼虎山缺
了一塊衆回顧師擲骨曰達之向甚麼處去也良久
曰六月炎風吹不到解轉身來能幾人
爲盤銘弟入塋盤銘弟盤銘弟爾謂我生忙我爲爾

支那
石雨禪師法檀卷第十九

十三

死計我生既有所爾死亦有地畢竟問盤銘即今在
何處若道此卽是此內無盤銘若道此不是此外無
盤銘好山不自秀好水不自清一曲兩曲無人會嚙
作迦陵頻鳥鳴於今不是苦吟聲嘆依棲尚有石田
惠千古爲君作證明

爲法雷送母淨緣入塋白雲無跡綠水有源二俱不
住誰是淨緣會得者男相女相悉歸安養不會者無
縫塋裏暫爾偷安且道無縫塋又如何偷安昨夜花
枝零落盡曉來依舊北風寒
爲有道夢期入塋桃紅柳綠盡是惺惺眼睛不勞左

顧右盼日暖風和盡是亡靈神識何須說出說入到
者裏直下會得無縫塋豁然大開如或未然春風昨
日通消息易語枝頭指向西咄
法平座主入塋是法平等無有高下此是法平座主
一生講不了的公案今日要山僧與他了却聽我偈
曰生同大衆死同大衆塋頭無縫大家相送大衆旣
是無縫如何說個送的道理良久曰試回向看
顧養心居士入塋雪滿乾坤江山一色色卽是空雅
君委悉生前奉素養心末後全歸子德大衆旣是子
歸就父爲甚父全不顧良久曰但解早翻身何非極

支那
石雨禪師法檀卷第十九

十四

樂國咄

爲太常葛吧瞻居士點王山高爲筆水長爲墨先生
之風描寫不及其天道也天何言哉其文章也文不
加點雖然湖南夫子成千古風月依稀任王張
嵌石兄入塋天無私不蓋地無私不載獨有者着子
至公而無外恭惟嵌石明普師兄生緣在楚出家於
當陽之青溪參訪適越受學於雲門之顯聖行道入
吳駐錫於金澤之雲關總不出者着子的威德其間
風霜雲水冰雪叢林潔身也畏五色糞之染汚嚴心
也學二無漏之精備譬諸美玉不過無瑕譬諸青天

但能絕翳如我歟兄帶水拖泥和光混俗末後又有
醉還風債之風流不食周粟之標致可謂世出世間
道誼朋情无所不被者矣大衆我歟兄既有如是作
略山僧何故與他燒作一團煉作一塊只有東邨王
大老挑柴過唐公嶺忽朕一担兩頭脫卻向寶龍橋
上高叫曰悔悔雖朕如是我歟兄一世清高又豈肯
向俗人口中取氣且道如何是他清高處大家聽我
一偈鑿石束虛空虛空入方器同條生不同條死喚
作巖頭末後句送骨曰嘆

栖煙盤銘山鳴同入塢常寂光土凡聖同居土一手

石雨禪師法檀卷第十九

十五

遮欄一手揭露樓臺盤銘山鳴三位覺靈既已共命
同船從此不須回手與回手同氣相求同聲相和擲
骨曰隆

遙寶壽舊音同需骨入新音同塢如來禪祖師禪盡
似春風二月天東雲水西雲水鷓鴣啼落花飛去衆
覺靈且莫動雖朕不食空王棒也要大家知奉重擲
骨曰送

九蓮庵王人塢朝九蓮莫九蓮今日晴明色更鮮雖
是春初行夏令臘月曾經火裏看百尺竿頭開別徑
密透一步絕聯纖爾等徒衆還知路頭麼良久曰蒼

天蒼天

驚林動舊人塢昨夜雨聲滴瀝今朝紅日西沒送者
妙用无窮亾者神通叵測山僧有語叮嚀野鳥枝頭
唧唧凡聖同居捺起便行常寂光土不勞駐錫只有
一尊無縫塢動着依朕入不得且問不動又如何不
見道海爲龍世界天是霍家鄉遂擲骨曰咄
爲大和長老魯巷居士同入塢臆盡春回青山雪布
虎咬大蟲一個兩個縋素同途有過無過噫看他直
入無生土乃以拄杖擊三下曰露

石雨禪師法檀卷第十九

終

文那

石雨禪師法檀卷第十九

十六

石雨禪師漫稿卷第二十

嗣瀟小師淨在編

祭文

祭具足瀟兄文

於乎於乎於乎哀哉一慟欲繼再慟復甦三慟復欲繼道乎情乎腸俱可裂生未同埋死未同穴此慟於情也生也不及死猶可追此慟於情之至也而又何慟乎死者自滅生者自存此慟於道也死實生也生實死也此慟於道之至也而又何慟乎繼復甦甦復繼道乎情乎吾已矣乎於乎尚饗

祭麥浪瀟兄文

雪門一派兄爲次子我又次之百難一比兄具說通泥帶水我溺烟雲掉頭不理不水則山忽數寒暑散曰自高愧不能耳聞先師赴歸首訊兄瀟座改觀金充增明天台且入蠅翅已成修涂驥尾終擬附行不期瀟筆竟成終席我過聯牀劇談兩夕登座指捕屬累如答兄亦有心我自不識指雪門言廖落何堪老弟當此我亦已甘兄再三讓我再三謙今日迴恩句句哽咽以哽咽意可莫兄乎復不成歌奈何奈何

祭西築宗禪師文

至靈前拈祭文曰生從何來死從何去那個能无此一滴淚將此一滴飛入九天九天不知滴入九地九地不會且問靈骨畢竟在什麼處良久日到江吳地盡隔听越山多維那遂宣祭文曰師乎師乎赴至之日殊不可信云已二七所可疑者先有十日夢師怡狀欲有他適送師遲遲雲飄只尺追不可親如千里隔无可疑者師向无疾日近有之无泉苦厄別子將聞趁殘暑入九日不出索飲食畢兀坐胡牀合掌西訖隨暮課聲渺狀圓宗某日不狀師願願堅字雖曰西意不在焉築西築室錫杖泉邊志之所共證諸流

支那

石雨禪師漫稿卷第二十

二

泉同辭西築受雪門囑某苦遊詢師歸碌碌放古定光示人以福詩乞補松號栽松子古殿一新莊嚴不止至孝慈嚴語溪所傳事翁與母相繼解縣寄聞天華薦昇於天書乃約曰世事紆紆了武唐局可以就焚獨憶雪門汝已滌倒屈指諸方暮山已老我獨慕之門庭尚悄得遂所懷是生可了是故聞之痛爲踟躕夢耶非耶占其來辭紅輪既隕秋風凄其採菊盈把雨淚如澌西湖已竭棹不可拽高峯已頽杖不可挈愁雲四聚蕭蕭落葉定光无光法相相滅末後殷勤无德可會問師何之示人親切人自不知某亦饒

舌撮土爲香當龕一蕪大衆哀哀一時漏洩

祭爾密法兄文

嗚呼日中玉兔夜半金烏霜飛六月大地請訛哭既不成歌復無聲要終原始實煩忍聽花宮燁燁同參乍結萬指叢中目擊而合並觸逆流洞水分遊剡溪雪棹東山是幽初開講席香臺煥赫循循誘人憧憧謝屐石傘忽摧載撐載持未克手足力曷可支重開五位推兄獨貴一整復整類網大備傷哉法流運不可週津梁示倦一疾弗瘳嗣法有人庶得其真我歸自閩陟江若奔合掌一別笑談不撤如深夜燈熾然

支那

石雨禪師法檀卷第二十

三

乃滅是眼可瞞神光卻圓敬修杯茗滴破重玄重玄若許易免復處紅爐迫霜辦香一縷

祭瑞白法兄文

正惜狂瀾不可遮那堪砥柱復傾斜纔掀百丈潛孤穴又逐千江湧素車葉落有根歸石傘法流何處剩龍華辦香一掃尋靈骨痛唱新豐慰克家

祭久默法侄文

惟苗有種靈根獨擁一穗兩岐分香播龍得名蘭芽天華首衆得地龍華其名愈重或出或處或奪或縱去就得宜低昂賈勇欲隱如影欲諱如鐘靖共爾位

人天接踵建無勝幢妖邪震恐戒雲棲虎法雲門龍端規肅矩復整頽風水之四海月之天中影分流散莫不朝宗法流寶壽句與山崇當我閩適抵掌談衷閩歸未久計音何從珠光含浦劍氣埋豐不堪着眼爍破虛空今夕何夕鴈墮增叢薄修葺飯淚捲西風尚響

祭嵌石兄文

於乎兄之生也荆南之青溪我之生也浙西之武水雲水相逢影形相倚共禮雲門於石傘耶溪聯策諸方於名山勝水兄精嚴也嫌五色糞之惡臭我疎散

支那

石雨禪師法檀卷第二十

四

也事一瓢飲之間遊參詢既暇隨緣去留或高或下一出一處兩心相參易地相許兄念母儀兄母即我母也我不遠三千里之波濤代爲親省我勞拮据我處即兄處也兄不惜一喘息之匡廬躬爲佐助我已倦飛而知還樂西溪之偏僻兄又無心而出岫欣金澤之雲關往往來來越寒度暑擬投老於龍門之鸚鵡峰居詎意單絲不線寄遨遊於寶壽之七十二賢峰畔此則孤掌誰鳴脫爾長行謂宿債之必酬勤乎囑累示定業之難追嗚呼精嚴畢竟先驅靈骨先歸無縫埴疎散終成滯貨痴魂滯此最頑皮兄其有靈

忍受疏儀我雖不敏敢輕杯茗一滴九泉三生永賴
嗚呼尚饗

祭卽念關王

一炷香一杯水將謂汝供我誰知我供汝一生上下
分明今却拈頭作尾且道何故如是良久日不順非
孝不奉非輔

莫正法禪侄文

卽唐麻遠

嗚呼惟靈處爲真儒唯孝與廉出爲真釋唯淨與禪
其外護也雲興霞舉其內護也珠藏玉貯龍華得名
聞名已成金粟得地地偶畝傾干戈四起歸寧故里

支那
撰述

石雨禪師法檀卷第二十

五

一方廬舍庶幾可倚咄哉性空撒手波洪佛法世法
兩不耐功噫不因昔日旁參我誰送嗚嗚一笛風尚
饗

雜著

規約

讀賀家池上天華寺一一軒窗向水開之詩則知寺
之閱人多且久矣今復新於陶章諸宅宗曉張道尊
共請先師湛然和尚雅集龍象重整宗綱復得達虛
關王輔翼之自先師圓寂門庭愈肅僧衆愈調關王
茲又以謙自居特虛丈室見招山野欲思所以報佛

恩於不朽防滲漏於未然耳奈山野久耽山水少入
叢林無可益於法門但憐時弊慕古道近賢者遠不
肖或堪與同志者共諸師友能不以人廢言信從少
分清規遍相砥礪卽是自信信人終不至於慢人自
慢矣又何佛恩之不可報檀信之不可耐慧命之不
可永繼乎

堂約

若未知有者須信井中有金必用勤淘勤汰既知有
者須信金中有土還有熱龍熱爐一口氣打將來管
取成釵成釧遲延些冷將去未免費炭費柴作是觀

支那
撰述

石雨禪師法檀卷第二十

六

者則惟恐規矩之不嚴又何慮繩墨之絡索哉恐有
以放肆爲灑落將狂妄作逍遙者鼓而攻之約罰如
左

寶泉寺規約

上古叢林都遵佛制自百丈大師以來宗門大盛故
有不作不食之風開田說義之舉及乎沿流至今牛
以耕鋤爲業惟汲汲以利自圖竟不知義從何說智
眼觀之實爲可嘆僅有壽昌黃蘗諸老雖不離鋤耨
不妨規矩可觀威儀可畏此真可起作食之風者今
寶泉破宇頽垣大衆雲集一時所須不能盡取給於

檀那未免有效顰之愧若更踈慵威儀全缺不惟向去道法不隆吾又恐退失一方善信而後已故起此時約諸兄弟爲法爲衆爲此一方各自努力執務恪守清規共安澹泊必以見道爲期至於興廢盛衰自有分在無甚強焉約立於左

題法相戒酒卷後

長耳古佛風顛無定蹟遞代沿流變現不盡應以宰官居士諸男女得度者能俱現身爲說本法更多酒徒詞客應接無虛往予踞西築菴聞酒氣與茶香鬪額愧不能和其光因尋參方外往來二十年矣今值

支那

石雨禪師法檀卷第二

七

司理黃公一整茶鎗酒旗大敗予來得陞座話清平話漚和勤舊出卷讀之何異老衲法言此又宰官之現比丘身也逆順隨緣彼此相現莫要扶持此末運麼請看脚下是什麼下得一語現與不現俱成剩義其或未然且喫茶去

雲門初任規約

近日任持不無條約但設而不行行而不整致使人心日下叢席就衰今顯聖家聲未墜先師遺屬猶存諸兄弟惜乎丈室久虛恐負方來龍象復蒙護法宰官正信居士見招山野任持業已不辭衆請規矩重

新則我豈敢謹就先師所未足參入雲棲之少分佛法無多貴在力行而無倦行之既整何煩王法以加焉

題蘇門黃孝廉太上感應神珍

聖賢經傳深淺隨機易乎明著難乎隱微如藥之性妙於應病如影赴鏡妍醜斯正或專受持或工書寫或隨傳唱同歸善也東創新裁繼往開來功高敷演其利博哉工於佩帶無往不在曲順人情體物無累放生大意

登越山得山林居士邀過草堂坐忽蒼頭告王人有

支那

石雨禪師法檀卷第二

八

饋生魚者主人卽連命放以適丁禪侶良集爲喜余因引鄭子產章爲問孔碩諸公子各說所見已余日子產之道恐卽在圍圉洋洋悠然而逝處蓋校人烹之卽校人之魚也使畜而至於得其所哉是子產之魚也子產可欺也子產放魚之道不可欺也卽子產之魚亦千古不可烹也諸公子俱躍然喜得放生大意時武林報國院三學師在座索余爲文以竟放生池事遂走筆記此倘見聞者以余語爲當則同證無生不特同證子產之道同放子產之魚而已又何止放生得長生耶

說夢篇

方賓侯先曾夢遊雪峰及入山歷諸境喜與夢中無異告余余曰卽今是夢唯文殊菩薩親證所以道邇來觀世間猶如夢中事真是大夢覺人故能於夢醒俱夢之中承昔願力善人游夢三昧指迷人間示同迷夢非真如夢中人於違順境起苦樂見也亦非冥然無苦樂違順而言醒也余自乙亥冬主會稽雲門席喜陶石梁居士講學甚得宗門旨趣一日偕祁季超居士訪余曝背簷下梁曰連日講學談及因果人不甚信因以夢喻頗覺曉了余曰山僧亦喜說夢每

支那

石雨禪師法檀卷二十

九

對人說你卽是我人不甚解乃以昔年夢事告之初夢入山覺幽邃可愛忽值虎哮吼奔突余時魂分失意復得樵者相救擊虎虎斃且感且醒身汗漓漓魂猶未定見月明在牖山鷄奏更斯時斯境夢耶醒耶壯周蝴蝶了不可辨復自念曰一臥如尸尸是我也夢身入山身是我也夢山山亦我也虎亦我也我復愛我山畏我虎復得我樵擊我虎而救我身以感我之樵醒時一覽違順苦樂物物頭頭亦復如是兩居士大笑余又嘗以我證我境遊我之夢告我之人而我之人亦不信真可謂寥寥天地間獨立望何極安

得人焉與同遊夢鄉同作夢事心心相知鏡鏡相照平爲賓王振我說夢之宗而大夢覺仍書贈賓侯居士其爲我分身說夢乎

普明寺安執事引

泥金剛不入水筋骨不出木羅漢不入火舍利不明所以普明寺寒爐發焰紫雲峰白浪滔天要使久參初學各各量才堂內堂外齊齊知有倘有出格漢子不拘繩墨也要還我三玄三要的落處方可明窗安置如或不然大家相聚喫葷葷不吃任從伊

齋單引

支那

石雨禪師法檀卷二十

十

經云飯千億三世諸佛不如飯一無念無住無修無證之者且道普明寺裏誰是其人有甚饅饅饅子一任下來還有麼不見道財法二施等無差別

堂規

安禪結制原是好肉挖瘡以世無生知必待挖瘡而醫藥瘡愈而後知全體之妙有瘡未愈而遂廢醫藥者如大事未明而便忽規繩也野鶴孤雲誰非自在旣肯放下雲頭必有大不得已事然後信人入人保社聽人爐鞴豈又厭鉗錘之嚴密哉姑立十則務在力行微細條章事憑衆職

行狀

師諱上明下方字石雨出禾之嘉善陳氏望族父文錦進禮退義以型其躬一鄉儒者爲之下晚以艱於育子令其庶徐氏如法相禱定光古佛而有身徐實爲師生母師之生明萬曆癸巳正月廿九日午也自幼徇齊氣宇俊逸如獨鶴摩霄稍長入塾所誦習卽了大義不屑句讀亦不慕儒冠二九諸伉儷則曰從父所制匪我思存也父遊雙瑤師隨之行見緇衣攸叙宛然三代禮樂計決出家旣又曰老父在未可奉身而去也迨父捐館管窺窻已母令依法相西築宗

支那

石雨禪師法幢卷二十

十一

禪師雅染相傳甲寅孟秋之朔云嗣是恒與靜安老宿專修淨土一日念佛忽擲魚子笑曰不特西方可生東方亦可生矣靜曰莫艸艸未是汝到家處示以南泉三不是語師鉤置疑礙橫生胸痛不止乙卯春參雲門湛老和尚於禾之石佛師以并念佛事呈門曰此信心真切塵勞暫息耳復以礙胸作苦事告門曰愚癡東西參禪圖大安樂豈是苦得來的縱苦得來也是苦禪參他作麼師承啟迪如暗得燈自此工夫不用氣力矣時輩多弄口頭擎拳豎指者滿堂師寫謂禪若是者等參的我也會得一日見鄰單商量

支那

石雨禪師法幢卷二十

十二

公案到相關處師出曰我卻道得衆曰你試道看師作女人拜而出一衆失色師笑曰禪至此亦爲可憐俄舍去一盃飄然有孤身萬里之志遂爲新安諸名士所重後憇承天閱楞嚴至如汝文殊更有文殊是文殊者忽覺身心世界打成一片同參微相謂曰石公似有所得請試看爲扭住曰道道師滿口逼抑無對聞門主東塔又如請益門示以一人所在也要到半人所在也要到遂南詢撥草乞食羅岩山下雖無深入宇宙每一頻仰自謂寸絲不挂人矣丁巳春參博山來禪師以頌偈呈政山曰語句未玄諄諄以死

工策勵直抵衡嶽結茆毘佛洞刀耕火種值歲儉卽以帶沙糠爲禪悅師恬如也戊午夏遊五乳謁憨山大師談至無生話醺唱甚洽已未觀雲門升壇納滿壬戌春辭門住山門曰下流甘墮小乘那師曰豈懶費之流亦小乘耶門曰亦是小乘奈單丁苦究之願甚堅登天目最奇嶮處菴曰西方潛一載餘枯槁淡薄倍於南嶽工夫至此所謂死得活不得者是也癸亥冬聞雲門大開爐鞴海內英衲無不畢集卽下山進堂默禱韋馱曰一生所參學問積劫所護命根盡情交與菩薩惟憑菩薩慈悲說竟大慟自此精進日

倍一日因見堂中商量浩浩結同志者十人約不語
限七日徹證未至所期門上堂曰放下着忽覺通身
慶快如窮子歸家口占偈曰平空一擲絕躊躇轉眼
風波徹太虛會得竿頭舒卷意放生原是釣來魚錄
呈雲門門閱畢大呵曰弄者個殼當作麼門取偈入
袖中又三日聞僧舉大慧竹篋子話曰如荔枝相似
殼也忒了核也去了放在人口中只是不鮮吞師不
覺失聲大笑首座麥大師問曰做甚麼師正色曰幸
遇我持不語戒自是首座每邀入室不讓於師矣一
日門火浴僧有問亡僧遷化向甚麼處去身甚抖戰

支那

石雨禪師法幢卷第十

十三

門曰且莫問話先把者抖戰去了着師出曰和尚何
得以相貌取入門將答師即作抖勢曰又作麼生門
曰賊師曰賊賊便歸衆嗣同化山和尚入室門問曰
如何是一口道不盡底句師曰晨昏禮拜和尚也是
尋常事門曰趙州道無意作麼生師曰和尚喜着基
某甲竊知門曰他道有又作麼生師信口頌曰家家
有幅遮羞布放下便能當雨露獨怪當年老趙州撿
却頭巾頂卻褲門喜之以偈印曰分明識得趙州狗
拾得鼻頭失却口莫於萬丈峰頭立且向叢林陸沉
走并仅斷拂一枝故師自號斷拂子嗣爲洞宗三十

三代也繼謁黃葉有禪師於基隆以絕學無爲微論
竟日大爲賞識尋往黃安鷄兒山養靜冬夜不設臥
具竟夕趺坐積草爲褥時當體罷則喙首假寐畢盡
抖擻之風偶遊渚宮聞雲門訃音南還顯聖卜塔竟
治任入天台棲息香栢峰庚午春同具足和尚住味
之西明作活埋計有翻轉杜園還杜田那管十年廿
年三十年之句繼徙寶泉因象田蘭芳堅請結冬不
得已而起壬申出住天華暨登座舉揚大法妙叶全
提至若鉗錘學者別具作家手眼因邪打正得藤外
轉身知有尊貴一路每見狂妄之徒謬稱證悟師以

支那

石雨禪師法幢卷第十

十四

金鍼玉綫細密工夫爲之落草盤桓則口噤不能加
答蓋師平日所貴者真操實履直達佛祖堂與其家
風嚴密率類此甲戌冬峨雲王冢宰世培祁中丞等
請主顯聖杭州司李黃元公聞師敏捷未有以異之
一旦徒步入山卽鳴鼓請說法師便陞座公禮拜問
曰請大師舉揚雲門未了公案師曰竹拖風尾慵迎
客公曰今日親見作家師曰松作龍吟懶送人乃衆
示法語皆起來機公嘉歎復問曰明頭來時如何師
曰耶溪不許扁舟宿公曰暗頭來時如何師曰此太
錢塘尚隔程公曰不明不暗來時如何師曰杭州理

公事時向居士道一日在報國院與石車和尚同座
公問車曰往天童還到雲門否車曰且看公曰兩大
師不放過時如何車曰與他一頓棒師曰居士還甘
麼公曰天童和尚在背後師曰原來不甘公又問車
曰兩石相磕時如何車曰一輾便死公顧師曰和尚
如何師曰只可自怡悅不堪持贈君師之應機詳載
語錄茲不廣引也丙子春嚴印持聞子將諸居士請
主寶壽卽宋石田薰禪師息影處也先是有五百年
前石田五百年後石雨之識故諸居士請師益堅師
顧衆曰能事饒頭者隨我而去師見法門愈亂不久

支那

石雨禪師法樓卷二十

十五

自有定論掩關大書曰定論不須下千古偷安聊爾
約三秋于關後葺茆爲別室忽得石砌如八角古井
師啓視之見舍利雜五色土知爲薰公之地印持諸
公以爲舍利藏見有時識之所云良不誣矣集生余
中承會同閩紳京臺王光祿等於戊寅冬迎至閩之
長慶已卯夏徙雪峰集諸房衆導以上進漸知嚮風
辛巳遊古汀艤舟埠埠縹緲道延入靈山結夏秋
寓獅峰開戒及冬應爲湖禪師孝廉朱聯岳黃蘇門
普明之請才解制而贛州嗟峨漳州三平俱以任持
相延師底力辭之居考亭之靈峰凡五閱月復歸寶

壽是冬再至天華癸未春吧瞻葛太常請興龍門師
見棟宇湫隘乃卜築東偏興新殿堂躬先荷耆爲大
衆倡鳩工庀材不兩載而已落成甲申冬石倉曹侍
御等請主禾之東塔期畢歸龍門乙酉秋會四方多
難兵燹交加龍門隣剝半作行營一衆聳懼師示以
安心靜守晝夜結參罔或少懈荷戟之士欽其道力
莫敢舉刃相傚焉山阿以寧阜亭之陽有佛日者唐
本空禪師故剎也邇來住持難得其人本山勤舊偕
護法存憶唐總憲武山錢郡伯等數延師主席師不
允丙戌秋敦請至三有泣言大師不往古剎必廢者

支那

石雨禪師法樓卷二十

十六

師幡然從之比入院參徒駢集廩無宿春領衆行化
以贍不足而廢者修缺者補叢林應用翕然就緒及
開爐弘戒衆萬有二千餘指師書門以示來參曰擇
木嶺相見了也松篁橋滑倒時如何松篁橋相見了
也爲甚僧堂前不肯住僧堂前相見了也且道丈室
向東向西若也道得許汝相見不則且居門外丁亥
夏閩撫佟君持景師道望修幣遣官迎興芝山雪峰
二剎師婉辭以謝撫軍順其意不强起之孟秋魔事
忽作師不惟不校深加憐惻故唐總憲曰道高魔高
道與魔原相對待吾師汪汪千頃於人何所不容尤

見道力弘深化人以不屑之教誨大爲美服大爲浣
慰屈冬結制宿衲響譽倍於客歲一日坐金湯閣歎
曰世界如此多事不如歸去好乃囑維那元正三日
解制衆咸驚異蓋師歷坐道場凡結冬俱於正月廿
九日解因師以是日誕諸禪德必申慶祝而後去也
衆白師請如初師不許三之日解制上堂曰人人藤
斗笠個個水雲包出門踏着草途路轉迢迢到者裏
不倒斷得一回直饒說個回途得妙就路還家便是
千里萬里昔洞山辭雲巖巖問向甚麼處去山曰無
巖曰莫還鄉去麼山曰無巖曰幾時回山曰待和尚

支那

石雨禪師法權卷第二十

十七

有住處卽回巖曰此去難得相見山曰難得不相見
今日若道難得相見便生幾多情見了也只因洞山
是個得的便道個難得不相見看他何等穩密何等
把細佛日期中豈少一知半解只是到者些原委處
未免走作卽今你要東去西去不見古人道直須向
萬里無寸草處去又云出門便是草又云不出門亦
是草便見舉措不得只因你不能向異類中行且道
異類又如何行乃屈指曰一雞二犬三猪四羊五牛
六馬爲甚麼七人不道參至晚陞座示衆曰一期圓
滿可謂有始有終若論本分家風一落始終必不免

于始終之患須知本自無始又何有終今人不解自
推只管向外推求推到伏羲神農黃帝以上說盤古
便爲分混沌之始不知盤古是個甚麼混沌是個甚
麼若看一念未萌以前父母初生之際豈不真是盤
古真是混沌只因不覺總在始終裏面安身一有始
終便有生滅便有輪迴所以一切聖賢苦口教你參
禪參到一舉一動亦無始終處便是就路還家便是
出輪迴處且道始終畢竟如何免得你且將年月日
時推看推到一刹那際如擊石火閃電光相似以拂
子擊案曰如者一響說他始也得說他終也得說他

支那

石雨禪師法權卷第二十

十八

生也得說他滅也得若再推到初生卽有滅再推到
當處發生隨處滅盡再推推卽是不生不滅便好孤
迥迥峭巍巍一任逆來順往七縱八橫踢倒便行撥
起便走有甚麼拘戀處便是解脫丈夫便是出塵羅
漢還有此等人到此等地步麼不則惜取眉毛好初
四日辭衆出山柱作禮問曰和尚幾時來師曰初八
九日便回初五日次上墩初六日至寶壽囑付事宜
諄諄不勑初七日上龍門是日山風甚厲師有寒色
遂泄瀉示疾至晚付託後事如寶壽次早命具湯
沐浴旋謂侍者智海曰扶老僧起來師端坐不語時

同門兄妙首座寶首座律監院等待側察師有去意
亟問曰和尚還有分付也無師曰我無甚麼分付少
頃寄淨法師全陳華甫益朋二居士恰從禹航來問
候師一見合掌微笑遂坐脫時戊子正月初八日申
時也赴及遠通靡不驚痛越九日化山和尚渡江來
封龕容貌如生封竟乃築塔於龍門案山金龜巖下
去寺三百武坐南向北師世壽五十有六僧臘三十
又五初師王龍門葛公吧瞻恐師再受別請師曰脫
余若赴諸山畢竟歸根此地公欣然今師豫知時至
示寂茲山信師言之不爽已師天性冲醇凡應緣酬

支那

石雨禪師法幢卷第二十

十九

物俱以慈忍力循循善誘有嫩必彰有瑕必隱爲世
導師罕有其比然整躬勸勵自超方以至行道三十
餘年雖祁寒溽暑丙夜不寐先覺有言古之君子其
責已也重以周師之謂與嗣師而建幢者卽念現王
越之象田石浪如王信之驚湖饒之薦福其餘尚在
水邊林下潛行密用師嘗謂門弟子曰誘引後學度
量須做博山接納上流機用宜如顯聖雙眼圓明振
起吾宗使狐狼野干假借不得是所深望也每見時
輩分洞分濟抑此揚彼王普明時搥毒鼓推出瞎驢
使接斷橋一脈有曰洞濟相參千古一遇至若所歷

道場去住如雲停鳥飛不可方格其機辯峭拔入理
深談則見於各會語錄中其遊戲翰墨綽有風雅則
見於雪蕉諸作別有闢邪說合若干卷並傳于叢林
後之覽者將藉是以知師者焉不肖在覲師有年維
是生平涉歷本末機緣聞之頗詳謹做年譜例譏次
行實惟祈立言君子博綜先師遺墨摘其大要論而
著之以垂不朽後學幸甚往哲幸甚昔戊子仲春朔
日攝佛日方丈事嗣法小師淨柱拜狀

石雨禪師法幢卷第二十終

支那

石雨禪師法幢卷第二十

二十

瑞白禪師語錄

明
•
寂 瑞白明雪
蘊
編 撰



編刻瑞白禪師語錄序

瑞白大師爲雲門湛然大師嫡嗣邇之洞山爲三十二世邇之達磨爲四十二世宗風大暢將二十年嗣法門人三十餘數崇禎乙亥秋囑囑雲和尚主天台護國席丙子夏囑久默禪師主弁山龍華席大師遺隱崇崗歸寂百丈塔葬龍華囑雲和尚爲大師嫡嗣少林謂之得髓也行道天台重輝寶鏡所謂振佛祖將隆之宗風開人天已翳之眼目使曹洞一宗麗如臬日故錢太師序和尚語錄曰弁山有天台猶孔之有孟老之有莊父子一家弘揚至道皆歸無爲之化

支那
瑞白禪師語錄序

也予讀之踴躍歡喜非特見和尚之心亦見弁山大師之心矣和尚以深大願力爲大師存日所有語錄雖已梓行大傳於世然未刻之散稿尚多不意法兄久默禪師亦隨歸寂況舊有同編之訂未果是以和尚收先後刻未刻者總編爲全部成十八卷將大師平日爲人一片老婆心重重拈出使後學共覽皆知言卽無言其說法七七未談一字與拈花面壁總在此矣秋日上人幻如徵序於予予雖不知禪亦幸忝參席末分固難辭不容不言也時
崇禎十六年歲在癸未季秋望日參學弟子小寒山

舊序

陳函輝頓首譔

越國宗風雲門倡始而金粟磐山繼之雲門邇弁山興於是曹洞之宗大振余未及見弁山之面然已見其心矣寶鏡懸空十方普照主賓偏正形影歷然洞山禪已屬老漢矣吳興唐祈遠雅有道風杖屨往來與師倡和嘗與余訂湖上之盟過弁山而問道虎谿之笑其再見於斯時乎

黃端伯

祖師西來不立文字然猶怪其垂法諸語較之拈華

支那
瑞白禪師語錄序

微指尤章彩兆何也世以下世燈以照燈篇帙之盛幾掄三乘十二分而出其上施設門頭丹青筆意纖引一期室灑增長葛藤啼不止黃葉不輟所謂臨摹古畫轉失本色惟我瑞白禪師不然扼住要津稍通消息將與麼地與麼時與麼機緣向諸人觸體邊穿却一雙正法眼如鳥度空如羚羊挂角不存軌則此案真可以抹拖泥帶水者之病既聽雲門曲又從我弁陽看弄遮般師子莫把禪師一片老婆舌作文字理會好

張時化

陳函輝頓首撰

至道無隱荷擔惟人乃補偏救弊之方則乘時而起無有定執吾儒自六經晦蝕異喙沸騰程朱子起而彰明輔翼之扶教以明宗也所以玄詮微旨即深造實履而益著繼而訓詁沉埋塗飾規表焚坑之慘諸儒自爲之而加烈焉陽明子崛起于萬死一生中與之昏衢寶炬而昭揭中天明宗以扶教也所以匡時持世取諸良知二字卷舒裕如然而總以云教初無偏畸釋氏何獨不然禪宗雖五宗分派總歸一地流行柰道法垂秋不無汎濫承滯語言慧巧穿鑿至以

支那

瑞白禪師語錄序

二

傳燈續命一椿等作沿門戲具吾滋懼焉瑞老大師爲雲門冢子暢洞上玄風九坐道場嗣法三十餘人道化條達血系衍繁猗歟盛矣亦知老人致此之繇乎無被寢處者十三年七祭尊宿孳孳若渴且甦復絕絕復甦並不輕肯究乃警地師之精進謙退何如也若夫身律之嚴而即嚴以率衆如法學習不徇情求諄諄遺教經犯者呵爲叛臣逆子尤足砥輓近膏肓衣拂之下尤嚴更無一人竿濫如徒侈熱鬧門頭不顧將來決裂謂法王何至師之拈提個事煅鍊學人真所謂轟雷掣電眼目動定難施烏道魚蹤光影

索摸莫及者矣而一片切切爲人熱血讀其書猶將點點滴滴噴吐迸出噫若大師者復何間然行解圓融宗教攝合謂無滲漏善回互卓哉定評乎蓋無滲漏則正令全提善回互則不存執則所云補偏救弊無有定執者儒與禪寧岐術哉余在護國親遭毒手惜乎辜負婆心今幸嘯雲大師處幾番寒熱流浪知歸始悟嘯大師之願力機權直與老人和玉乳透金針同口出氣而已洞山父子其遺風再振乎茲春重梓全稿成嘯大師之志余亦慙愚之故竟讀新編而齋旣爲之序時

支那

瑞白禪師語錄序

三

已丑年孟秋日參學散人吳應芳敬題

入就瑞白禪師語錄目錄

卷首

像

序

卷第一

上堂

二十九則

卷第二

上堂

二十一則

卷第三

小參

二十一則

夜參二則

卷第四

支那

瑞白禪師語錄目錄

一

茶話

二十五則

卷第五

茶話

二十一則

示衆十四則

卷第六

問答機緣

五十五則

卷第七

問答機緣

三十一則

垂問七則

答幻輪法師十疑問

卷第八

頌古

一百一十五則

卷第九

頌古

百三十六則

卷第十

法語

十一篇

法偈

七十二首

卷第十一

歌

十五首

讚

五十一首

銘

二首

說

七篇

叙

一篇

疏

三篇

佛事

十一則

卷第十二

支那

瑞白禪師語錄目錄

二

詩偈

一百一十五首

卷第十三

詩偈

一百首

卷第十四

書復

二十八篇

卷第十五

書復

三十一篇

卷第十六

書復

十一篇

參請因緣

七篇

行腳

一篇

附來書

十四篇

卷第十七

塔銘一篇

傳一篇

卷第十八

行狀二篇

跋一篇

支那撰述

瑞白禪師語錄目錄

三

瑞白禪師像



支那撰述

瑞白禪師語錄像贊

教海掀翻獨闢新碑正偏不居士
賓豈立深洞上真風暇月下衲子
傳達磨嫡髓稱四十二世味難化
色見与聲求亦不離斯語如是

嗣法門人所薩和而拜題



入就瑞白禪師語錄卷之一

明住天台護國寺嗣汾門人寂蘊編

上堂

崇禎元年十一月二十七日紹興府太史姜箴聖少府陶石梁封翁余心源孝廉史汝諧凌二鉉文學沈求如管霞標及衆居士等請師繼住雲門顯聖寺崇禎二年九月初十日衆請上堂

師拈疏云會麼世尊未出世達磨不西來已有這個消息其或未會有煩維那爲衆拈出宣疏畢拈法座云坐斷千差路魔外不能知威音王未曉彌勒亦生

瑞白禪師語錄卷之一

瑞白禪師語錄卷之一

一

疑嘆且看雪上座行履遂登座拈香云此一瓣香三德圓明六通具足發一切智之光華結菩提果之秀麗信手拈來端爲供養

本師釋迦牟尼萬德慈尊伏願人人性海圓成個個智門了辦此一瓣香奉爲當今

皇帝萬萬歲伏願龍圖如芥城而永固鳳曆齊刻石以長春此一瓣香奉爲滿朝文武合國勲貴分守寧紹憲臺紹興府主山會兩縣上下諸衙各位尊官綬章齊顯祿位同尊此一瓣香受靈山之付囑承願力以熏修穿過三綱五常透出止觀定慧熱向爐中端爲

越州護法宰官居士等福基慧命各願昌隆智種靈苗同希增秀常作國家柱石永爲佛法金湯此一瓣香全越咸音那畔獨超今世門頭不須雨露滋培寧受雲霞覆育信手拈來端爲供養顯聖堂上傳達磨正宗第四十一世湛然大師大和尚用酬法乳之恩遂歛衣就座叅頭白槌云法筵龍象衆當觀第一義師云若論此事無人不具無刹不彰圓陀陀包括虛空活潑潑徧呈萬象露裸裸全無滲漏赤條條永絕周遮左右逢源隨流得妙遂豎拂云會麼於此會得一雙孤鹿奔山頭於此不會獨隻雙鸞棲海底乃舉

瑞白禪師語錄卷之一

瑞白禪師語錄卷之一

二

昔日法燈禪師云山僧本欲潛棲巖壑養拙過時奈緣先師有未了公案今日出來特爲了却時有僧問云先師有甚不了公案法燈打一云祖禪不了殃及兒孫僧云過在甚麼處燈云過在我殃及汝今日山僧本欲潛棲巖壑養拙過時亦爲雲門先師有未了公案今日出來特爲了却或有問雲門有甚不了公案只向他道石女驚回霜夜夢木人撲落半天星或云過在甚麼處向道易使清風梳翠竹難教明月住須彌大衆雪上座恁麼舉揚且道與古人相去多少還有辨得出者麼如無更聽一頌秋老園林紅葉飛漁

霜月下整竿絲扁舟不向蘆灣宿舉棹金波任往回
今日雖不敢與他爭鋒也要諸人據款結案下座問
荅不錄

上堂今朝九月十五翠竹黃花歌舞白雲片片嶺頭
明月團團洲渚金風拂拂西來落葉紛紛覆土鴻鴈
一聲嘹唳邊塞征人淒楚大眾且道他淒楚個甚麼
鴻鴈不來霜不至及其霜至又逢冬僧問昔日世尊
拈花示衆和尚今日將何利生師云籬邊黃菊嫩進
云却外靈枝如何接折師云林中老葉新僧禮拜師
下座

瑞白禪師語錄卷之二

瑞白禪師語錄卷之二

三

上堂三秋夢過又逢冬綠竹依依笑我儂微尾微頭
渾不薦白雲空自鎖花宮噫須領畧莫朦朧傲霜黃
菊今猶在蝴蝶尋香何處客僧問玉峰雪嶺寒葩綻
暗吐浮香浸太虛時如何師云一九二九進云還許
學人折一枝否師云汝非其人進云却將何物應天
時師云一枝雪裏吐紅霞進云寄報上林游玩客江
南特地占先春師云閒言語僧拜師下座

上堂世尊曰治世語言資生產業皆與實相不相違
背夫子曰吾道一以貫之昨夜搗臼生花鳥龜發笑
香爐峰神惡發焉頭一擲騰過東海撞破龍王腦殼

直得血染香水海天明起來大地一交嚴霜會麼會
麼久立珍重僧問雪浪掀天舞蒼龍出窟遊正恁麼
時如何師云瑞氣滿乾坤進云如何是他靈運行藏
處師云布雨不興雲進云布雨不興雲卽不問還歸
大海事如何師云兩岸東西僧拜師下座

上堂沒意白雲封巖麓無心明月印寒潭於是句中
全曉會依然又隔一重關既是曉會爲甚麼又隔一
重關向道莫去歸來背父昔日世尊在神通大光明
藏中與清淨慧菩薩云居一切時不起妄念明月圓
團元不炤于諸妄心亦不息滅春日容容草自青住

瑞白禪師語錄卷之二

瑞白禪師語錄卷之二

四

妄想境不加了知穿花蝴蝶忘情意於無了知不辨
真實不知誰是弄香人大小世尊只可抱橋柱洗脚
今日雲門雖與他着語猶未剿絕更有一偈舉似大
衆香爐飛過海石拿便擲開鐵馬雲中吼泥牛上五
臺具眼者辨取僧問黑豈未生芽時如何師云金鷄
啼半夜進云生後如何師云玉犬吠天明進云黑豈
已蒙師指示開花結子事如何師云石拿峰頭明歷
歷僧拜師下座

冬至上堂明明聲色難該歷歷覆藏不可直須言外
知歸休向句中擔荷清淨伽藍烏容瞌睡百花叢裡

豈可散心石傘峰頭那堪住足萬竹林裏快且翻身
鑑湖波底行拳玉筍山頭歌舞還有恁麼人知恁麼
事麼良久云暑退三秋起冬至一陽生今日是冬至
節屈躍雲禪友入山設齋更請山僧登座說法爲大
衆結般若緣正所謂財法二施今問大衆且道應時
納祐一句作麼生道天寒日色淡水冷草方枯下
上堂道本無言徒爲指示殺活縱奪露布門庭這邊
那邊總無正意全身擔荷猶在半途觀體承當奴兒
婢子談今論古播弄唇皮驅魔使佛元非尊貴既不
恁麼且道畢竟作麼生復高聲云密移一步虛空外

支那
撰述

瑞白禪師語錄卷之二

五

鶴出銀籠始是奇僧問這邊那邊卽不問大中現小
事如何師云金鷄初唱佳林曉進云如何是小中現
大師云鑑湖月落潭無影進云不大不小又如何師
云五雲溪畔木人歌僧禮拜師云切莫承虛接響又
僧問朔風凜凜逼冬過白駒馳騁似投梭學人向甚
麼處安身立命師云日落海底枯進云還有處也無
師云大唐休住足新羅莫倚停僧拜師下座
上堂正值鷄鳴乃云窓前鷄唱午屋後鳥鳴中明明
相告報休得更朦朧大衆珍重僧問天氣寒冬霜雪
皎庭前桂立影婆娑意旨如何師云兩春夾一冬進

云恁麼則拔枝弄影去也師云無被煖烘烘僧云某
落歸根時作麼生師云赤條條底僧拜師下座
雲門先和尚忌日上堂此日先年先年此日四野水
花朔風歷歷正恁麼時且道先師卽今在甚麼處良
久云木人夜半繡花冠石女天明打破鏡遂下座率
衆到像前頂禮拈香云此一瓣香燕在爐中不爲別
事祇要報冤雪屈且道與先師有甚麼冤讐以手指
像云當初只爲路長短今朝方覺水河多僧問生如
寄死如歸未審先師歸於何處師云石傘峰頭雲靄
靄進云幾時復來師云萬竹林中綠依依恁麼多時

支那
撰述

瑞白禪師語錄卷之二

六

不見先師面依然不改舊時顏師云莫眼花僧拜師
回方丈
解制上堂把住則黃金失色雲門寺裡拗拄杖高
掛鉢囊一個個掃踪絕跡放行則瓦礫生輝萬竹林
中橫擔拄杖緊峭草鞋一個個放光動地且道放行
好把住好且待別時來乃舉昔日洞山解制云兄弟
東去西去直須向萬里無寸草處去今日雲門不問
東去西去直須向枯木生花處去水河發焰處去只
如水河發焰處作麼生去良久云兔角杖頭挑日月
龜毛繩子縛虛空僧問軟草敷座坐九旬界中個個

證無生堂裏聖僧證個甚麼師云如是如是進云還向人天說法否師云他從來不開口進云水鳥樹林皆演無生他爲甚麼不開口師云只爲關黎不薦僧拜云大衆却聞法竟師拂拂子下座

崇禎三年九月廿七日紹興府衆鄉紳太史姜箴聖倪鴻寶藩司徐亮生學憲李玉完孝廉凌二鉉史汝諧及文學衆居士等請師住延慶寺開堂師拈疏云三世諸佛歷代祖師一大事因緣盡向此中漏泄了也會麼若也不會有煩維那爲衆拈出宣疏畢指座云寶座從空湧佛日自天開觀面無回互當下絕往

支那

瑞白禪師語錄卷之二

七

來喝一喝遂陞座拈香云此一瓣香供養

本師釋迦牟尼萬德慈尊伏願三途登十地之階九有證菩提之果又拈云此一瓣香奉爲當今

皇帝萬萬歲伏願堯風永扇八表安寧舜日高懸四方樂業又拈云此一瓣香奉爲滿朝文武合國公卿同布仁風高增祿位又拈云此一瓣香奉爲越州護法宰官居士伏願智慧齊日月以長明福慧全須滿而鞏固又拈云此一瓣香非三草二木之形非青黃赤白之相四時收不得八節豈能該信手拈來供養雲門顯聖堂上湛然大和尚用醇法乳之恩就座白椎

支那

瑞白禪師語錄卷之二

八

竟師云若論第一義只在當人自己二六時中輝輝於萬象之表蕩蕩於六根之門歷歷於聲色之間靈靈於交接之際橫之則周遍法界包括虛空陸之則透徹古今融通三世意欲取之處處無踪意欲捨之頭頭顯露魔佛齊該聖凡平等應用無虧隨緣自在遂豎拂云會麼若也不會山僧再與你通個消息良久云石牛吐霧三冬暖木馬嘶風六月寒僧問人天轉集龍象雲臻當陽句子請師指示師云杲日團團進云如何便得承當去師云金風颯颯僧拂坐具云謝師指示師云放汝三十棒僧拜師下座

上堂九月重陽十月朝林中落葉悉蕭蕭鴻鴈北來霜露重四隣砧杵亂輕敲須領畧休自撓當機覲面無逃避莫教辜負我儂豪遂豎拂云會麼水底木人吹鐵笛雲中石女弄琵琶僧問雲門一路人皆委延慶家風事若何師云屋後千竿竹進云忽遇上上根人來如何接取師云門前萬疊山進云金風剪盡秋林葉露出枝頭一點紅師云莫錯會遂下座上堂今朝十月十五山河元來故土白雲澹泞無窮秦望峰巒起舞鑑湖徹底清流日月星辰炤普越州瑞氣騰空城中士民輻輳觀面舉似無藏休更迷頭

狂走唳山頭翻白浪金牛變作狗僧問云祇如金牛
擊桶道菩薩子喫飯來意旨如何師云菊花朵朵黃
進云今日檀那設供大衆臨筵和尚又何指示師云
芙蓉簇簇嬌進云會中個個肚皮憨師云全賴關黎
力僧拜師下座

上堂廬陵米價高趙州茶錢大曹山酒甚嚴胡餅無
縫罅南山驚鼻蛇陝府鐵牛怕延慶拄杖子一齊都
按下且道拄杖子具何威光唳放去乾坤窄收來毫
髮寬敲落虛空髓攪盡碧波潭遂舉南泉斬猫話云
昔日南泉兩堂爭猫師云逐境漂流漢南泉提起云

支那

瑞白禪師語錄卷之二

九

道得卽不斬師云雖是落草求人也也要決斷是非衆
人無語師云死漢也須恁麼始得南泉將猫斬爲兩
段師云正令當行已展不縮至晚舉似趙州師云祇
要圓成前話州戴草鞋而出師云雖是賊過後張弓
也要據欸結案泉云子若在却救得猫兒師云重賞
之下必有勇夫也是憐兒不覺醜依山僧看來二俱
有過南泉顛頂趙州龍洞各與三十棒今日延慶恁
麼批判也要諸方簡點會麼若將得失論長短依然
辜負祖師機僧問雙劍挂眉間銅頭翻鐵面未知是
何人師云雨過青山碧進云滿山荒草爲甚麼不住

師云鑑湖波浪寬進云恁麼則自在去也師云切忌
顯顛頂又僧問不問西來大意請師洞上玄微師云
風來水面紋進云甚喜蕩蕩平平無及無側師云鐵
船水上游進云盡道寰中天子貴那知關外有將軍
師曰關黎非爲分外僧拜師下座

上堂碧天皎皎一個金烏藏玉兔星河燦燦兩行玉
樹宿烏鴉寂寂鑑湖駕扁舟於蓮野巍巍秦望鎖白
雲於林間正恁麼時君臣道合父子一如卽不問作
麼生是轉身一句良久云庭前翠竹和根拔免教丹
鳳再來巢下座

支那

瑞白禪師語錄卷之二

十一

上堂天寒地凍裂萬象森羅歌水底金烏結廣寒宮
亦絕眼中童子疾石女流出血延慶分明說諸人得
自得大衆得且不問作麼生是說底事相逢盡是揚
家醜幾個休心息是非僧云進無門出無路正恁麼
時無回互門路則不問如何是無回互底事師云堂
堂獨露身進云恁麼則一輪明月無人管師云五嶽
清風祇自知僧拜師下座

上堂一念普觀無量劫無去無來亦無住遂豎拂子
云三世諸佛歷代祖師天下老和尚盡在山僧拂子
頭上放光動地談說般若西方極樂世界娑婆世界

阿閼世界香積世界一切世界亦在山僧拂子頭上
大小相容淨穢交泰重重無碍會麼如此會得十世
古今始終不離於當念如此不會無邊刹海自他不
隔於毫端今日是仕望陳居士爲令先君十周年特
自入山齋僧請山僧陞座敷揚般若以此功德惟與
見彌陀於極樂授記於蓮臺又豎拂云如此會得
君臣道合父子一如其或未會山僧更與通個消息
良久云瑠璃殿上青苔冷翡翠簾前玉枕寒有僧問
檀越設齋請師說法卽今陳處士在甚麼處安身師
云歸家樂業又僧問一念會觀無量劫無去無來亦

瑞白禪師語錄卷之二

十二

十二

無住爲甚麼目前有生有死師云空花鏡裏觀僧打
圓相云恁麼恁麼聲師云親見彌陀親蒙授記僧拜
師下座

解制上堂自日道場功德聚三身圓現十方尊提起
也水到渠成充塞法界放下也風行草偃徧滿乾坤
祇如不提不放一句作麼生道良久云吹笛木人腔
調美拋梭石女錦綾新僧問一期聖制周圍群士星
歸林野轉身句子請師分付師云步步霜花厚進云
如何得不涉程途便還本處師云煦日水質清又僧
問有佛處不得住無佛處急走過畢竟在何處安身

立命師云三冬寒氣重僧打圓相云蒙師指示學人
便恁麼去也師云切莫草草匆匆僧拜師下座
崇禎四年九月湖州府衆鄉紳唐司馬存憶沈司寇
何山閑冢宰會泉朱太史平涵韓太史求仲及孝廉
文學衆居士等請師於白雀寺開堂師陞座拈香云
此一瓣香虛空包不住大地載不起今日拈來端伸
供養

本師釋迦牟尼萬德慈尊伏願三途圓種智九有脫
輪迴又拈云此一瓣香奉爲當今

皇帝萬歲萬歲伏願道德同堯舜帝業等義皇又拈

瑞白禪師語錄卷之二

十二

十二

云此一瓣香奉爲分守嘉湖憲臺湖州府主并歸烏
二縣上下各衙伏願仁政聞四海德化滿乾坤又拈
云此一瓣香受西天之付囑爲東土之檀那今日拈
來奉爲唐司馬沈司寇閑冢宰朱太師韓太史等一
班護法宰官及衆孝廉衆居士等伏願道心堅固福
祿綿延又拈云此一瓣香無輪無枝四時香馥沒頭
沒尾八節光騰端爲供養紹興府雲門顯聖堂上湛
然大和尚用酬法乳之恩遂就座白椎竟師云秋色
漸深滿林紅葉承玉露金風乍起半山冷氣逼人寒
徹骨徹髓自家知通天通地何人曉道有也覓之不

見絲毫道無也用時遍滿法界觸處靈明何須他覓
遂豎拂云會麼烏鴉藏玉樹泥牛舞碧波僧問師唱
誰家曲宗風嗣阿誰師云黑狗白雲蹄進云宗旨已
蒙師指示曹溪一滴事如何師云泥牛翻白浪僧禮
拜又僧問金風吹落林間葉還有不落處也無師云
古榦赤條條進云曹溪水白浪滔天還有無波浪處
也無師云大地盡皆濕僧拜又僧問擊鼓陞堂卽不
問獅子出窟事如何師云一聲哮吼驚天地進云青
龍崗上生波浪九曲池中水逆流師云未具牙爪在
僧呈坐具禮拜師下座

支那

瑞禪師語錄卷之二

圭

結制上堂師豎拂云會麼活潑潑觸處靈明圓陀陀
隨緣無碍遍法界不離當處該萬有只在目前無古
無今貫通三際非彼非此坐斷十方歷劫孤明阿誰
無分若能直下領畧且喜窮子歸家其或擬議思量
枉受玲瓏辛苦又豎拂云會麼鐵犬吞大象石女模
螺螄今日是結制之辰乃有沈居士宿稟善根不忘
付囑建此法幢令堂太宜人設齋邀同衆居士入山
請山僧敷揚般若佛云以大圓覺爲我伽藍身心安
居平等性智既以大圓覺爲我伽藍則十方世界無
邊香水海百億須彌百億日月森羅萬象草木叢林

盡入山僧大光明藏中旣云身心安居平等性智則
若聖若凡若人若天若修羅若餓鬼若地獄若畜生
悉皆成佛證大解脫個個得真如三昧一相三昧一
行三昧無緣三昧直道作麼生是平等性智不因西
風起爭得樹頭紅僧問大開爐鞴急搗毒鼓選擇聖
凡句請師指示師云杲日輝輝進云瞿曇已滅度彌
勒未降生阿誰得中師云大衆濟濟進云銅頭鐵額
漢如何相見師云兩眼對兩眼進云只如無位真人
又作麼生接待師便喝僧禮拜師下座
上堂漫天網未張唬得金烏藏海底塗毒鼓纔振驚

支那

瑞禪師語錄卷之二

古

起玉兔上松梢藏白額於煙雲籠金烏於寒嶺龍吟
霧起虎嘯風生籬菊呈祥芙蓉現瑞正恁麼時且道
是何人境界豎拂云會麼山頭白浪湧海底火正紅
拈拂下座

上堂孝廉唐祈遠居士設齋請師求懺宿業師陞座
云杲日初昇大地濃霜盡消滅微火乍降萬山新積
頃成灰任他黑業水堅憑我智慧了却喝一喝云若
向這裏會得霜也日也薪也火也愚也智也罪也福
也染也淨也煩惱也菩提也生死也涅槃也悉皆消
滅何故清淨個中元無他物今日祈遠居士乃唐司

馬大公子也身處孝廉不受五欲弘荷大法不昧初心決志禪門棲心淨土恐有無始業債以爲障道因緣特擔錢糧入山禮懺請山僧舉揚般若以消宿業古云罪從心起將心懺心若無時罪亦忘罪忘心滅兩俱空是則名爲真懺悔所以三祖參二祖云弟子罪障深重乞師懺悔二祖云將罪來與汝懺三祖打箇叉觀良久云覓罪性了不可得二祖云與汝懺悔竟居士若向這裏會得卽如罪性不在內不在外不在中間當下清淨會麼更有箇末後句舉似石女穿針挑蜀錦木人搓線繡鴛鴦欲知懺悔真真意好向

支那

瑞白禪師語錄卷之二

五

其中仔細參西堂出問弁山峰頂雲靄靄太湖波底月團團是何意旨師云籬邊黃菊秀進云卽今鐘鼓交參居士臨筵萬象森羅咸皆稽首是甚麼時侯師云日午打三更進云只如月落雲收光境俱忘請師再道師云且喜太平進云明暗雙雙俱不炤未審此時作何活計師云柳標橫擔不顧人堂禮拜云不登弁峰極目望怎識太湖涯際寬師云切莫草草又僧問了則業障本來空爲甚麼瞿曇不免金鎗之厄師云鐵馬趁泥牛進云及乎未了者則何如師云金烏啣玉兔僧拂坐具云學人縱橫去也師云且喜沒交

涉僧禮拜師擊香臺下座

上堂扶桑日出須彌峽吼北俱盧洲人無貪欲南閻浮提衣足食足特地報知莫生疑惑且作麼生是不疑的事良久云靜倚長松忘百慮擡頭祇見帝王家下座

上堂師陞座云颯颯西風片片白雲繚亂舞澄澄碧漢團團明月逞全輝不離寂場千江有水千江月無心舒卷萬峰鎖住萬峰寒炤無炤功無炤何妨會炤來無來相無來豈礙常來古今印同十方合一人人炤燭個個現成會麼有意氣時添意氣不風流處也

支那

瑞白禪師語錄卷之二

六

風流遂覽拂下座

上堂孟冬初臨大地朔風寒徹骨一陽纔復乾坤萬象氣稍和茅筍土底抽芽水仙盆中發笑梅蕊含玉粒茶花吐珠璣正恁麼時且道是何人分上事咦黑帝令行猶正切那許東風弄柳條下座

天台護國寺僧月堂紹興府衆鄉紳錢相國麟武陶給諫虎溪商開府等軒余太史武貞吳孝廉佩茲及衆文學居士致書備禮上弁山白雀寺設齋請師住護國寺上堂乃云好音在耳歷歷風生彌六合真機滿目明明萬象徧乾坤左之右之顯神通江北江南

何須覓會麼今日天台護國寺月堂同衆居士至并山設齋請山僧過天台山僧以并山期限未滿待三年後方可同諸公搬磚弄瓦運水打柴發揚無爲以助國化且作麼生是無爲底事戶外竹風聲細細澗中流水響潺潺僧問師搭紫衣登寶座未知說法度何人師云霜花滿地進云三冬瑞雪家家有何須特地又相爲師云祇爲狂徒渾不薦所以今朝爲指明進云等閒識得東風面萬紫千紅總是春師云不因柳毅傳書信怎得家音到洞庭進云說法度人衆師示應請天台事若何師云古路風霜細進云嶺上寒

機語

瑞白禪師語錄卷二

七

梅纔放蕊江南早有十分春師云我這裏無此閒事僧禮拜師擊禪床下座上堂一九與二九相逢不出手南北嶺頭雲片片水花就東澗西溪凍斷流猶若銀絲穿古岫大衆正恁麼時寒威沉沉朔風凜凜且道是何人境界良久云一片長空渾若洗兩輪日月壯山河僧問凜凜朔風寒徹髓迸出梅花遍野香正當恁麼時和尚作麼生慶賞師云紅爐添白炭滿酌并淺斟進云慶賞一句衆師指醉人歸去事如何師云紅羅帳裏睡昏昏進云眉毛尖上呈春色大地全彰白玉洲師云切莫逐

境漂流僧禮拜又僧問如何是熾然不二句師云朔風凜凜雪花片片進云恁麼則徹骨徹髓無縫罅透頂透底絕遮欄師云正好三十棒進云不涉功勳豈受賞罰師云猶有不涉在僧拜師下座上堂主山高案山低白虎長青龍短洗鉢崖前觸着磕着迎聖道上往往來來且道是何人境界咦不因樵子徑怎到葛翁家今日是沈居士身染微恙道友莫居士等特擔錢糧入山飯僧更請山僧陞座舉揚般若以消夙業更祈世壽與佛壽綿長色身同法身堅固須知古人有語若欲懺悔者端坐念實相且道

機語

瑞白禪師語錄卷二

六

實相作麼生念良久云木人醉倒乾城裏石女吹簫入畫樓豎拂下座上堂今朝臘月一枯木生銀華千峰咸玉聳萬水總白霞古渡迷過客林深隱樵家鳥道無踪影玄途安可誇大衆正恁麼時六花現瑞寒光散彩且道是正位一色也今時一色也會麼琉璃殿上君臣合珠玉簾垂父子同僧問雪覆青山頂梅花唱好音這段風光事受用是何人師云頑石無高下進云花落雪洋洋時還成甚麼境師云東湧西沒進云恁麼紅日當空炤清波遍界流師云與波作浪僧禮拜云幾番徹骨

寒風盡枯木花開色更濃師云不是時節又僧問朔風凜凜通身是寒徹隨底事如何師云祇要大家知進云徹隨一句蒙師指迸出紅輪又若何師云炤天炤地僧禮拜師下座

解制上堂一百二十日修煉般若結制於圓覺體中一千四百四十時究無上道解制於光明藏裏其結也枯木寒崖滴水滴凍壁立萬仞凡聖不通掃踪絕跡其解也陽和氣轉一葉一花聊通一線僧俗會會觀體全彰結解且置祇如收因結果一句作麼生道良久云乾坤撲落須彌倒透出虛空外面行使下座

瑞白禪師語錄卷之二

瑞白禪師語錄卷之二

九

入就瑞白禪師語錄卷之二

明住天台護國寺嗣法門人寂蘊編

上堂

唐孝廉所遠居士請師烏鎮圓義庵上堂師陞座云靈機未動十方刹海冷沉沉智境纔彰觀面當陽明歷歷寸絲不挂何妨戒定慧以薰修不立一塵豈礙萬象森羅而依附孤迥迥穿過鐵壁银山峭巍巍透徹金輪水際其大也包括虛空其細也纖毫無間坐斷千差路掃除凡聖名若能直下承當始信本來是佛遂豎拂云會麼蒼蒼并嶽摩今古新新花柳醉遊

瑞白禪師語錄卷之二

瑞白禪師語錄卷之二

人下座問答不錄

蔣夫人壽誕請上堂師陞座云蕩蕩和風起寒塞之柳眼輝輝煦日發枯槁之花心蘭萼騁香機桃李舒艷質韶光彌而六合滿春色臨而宇宙新添一紀而萬紀同庚增一福而百福齊舉正恁麼時且道是何人分上事良久云十二朱門添吉慶三千玉閣霽祥雲下座問答不錄

長興孫夫人壽誕請上堂師陞座云金籠放鵲願壽命之龜年畫像呈詩祝永齡于鶴筭誦經禮懺宿業頓爾冰清供聖齋天福壽綿然滄海同虛空之不老

等松栢以長青若能當下知歸方知定有餘慶會麼
權將日月爲天眼指出須彌作壽山今日長興孫夫
人天命之年入山禮懺飯僧更請山僧說法以延福
壽雖然須知福壽之根本始得遂豎拂云若向這裏
會得則過去無量劫無量劫生日祇是這個今日生
辰也祇是這個未來無量劫無量劫生日也祇是這
個會麼如此會得須知更有向上一竅在作麼生是
向上一竅良久云白雲淡蕩西風急刺破羈縻阿個
知僧問諷經延壽卽不問臥月眠雲時如何師云刺
破你腦殼進云黃金殿上金鳳舞白玉階前玉鷄鳴

瑞白禪師語錄卷二

瑞白禪師語錄卷二

三

師云非汝境界僧拜師下座

崇禎六年九月二十二日紹興府衆鄉紳胡岡卿璞
菴陶少府石梁劉納言念臺董寶卿皇庭徐兵憲檀
燕王制憲峨雲丁宮坊歐石邢天部淇瞻倪侍御三
闌余殿撰武貞孝廉史汝諸凌二鉉及衆文學居士
等自弁山請師於叢山戒珠寺開堂師陞座拈香云
此一瓣香秉三皇之敕令行五帝之仁風四海尊崇
萬邦仰望奉爲今上

皇帝聖壽萬歲萬歲萬萬歲又拈云此一瓣香稟忠孝
以生成統三綱而和暢奉爲現前大護法胡董劉徐

陶王丁邢倪余等一班宰官洎居士檀越等伏願道
德與聖德同修君命共至命齊布又拈云此一瓣香
出自塵竭提國長在弁嶽峯頭三玄三要以薰修五
位君臣而建立熱向爐中端伸供養顯聖堂上圓寂
先師湛然澄大和尚用酬法乳之恩遂歛衣就座白
槌竟師云若論第一義五目不能觀六通豈可及諸
佛不到處難話祖師機實相本無名言論難開口直
得心思淨盡萬行空餘一段靈光處處顯露明明不
昧寂寂無私本自現成阿誰無分遂豎拂云會麼泥
牛撞倒須彌頂木馬嘶乾四海雲西堂孤崖問云越

瑞白禪師語錄卷二

瑞白禪師語錄卷二

三

地雙獅吼龍象盡交叅威振大千句當陽請舉宣師
云金花遍界新進云滿盤都托出誰是知恩者師云
寶劍贈與烈士進云恁麼則恩歸有地師云阿誰無
分進云今日人天交集會騰騰瑞氣滿精藍師云且
喜天下太平堂禮拜僧問諸佛不到處難話祖師機
祖師機卽不問如何是諸佛不到處師云黑漆漆進
云恁麼則越州石鼓驚天地引得泥牛就地來師云
烏龜飛上天僧拜師下座

上堂金烏乍起紫氣騰騰玉兔高懸寒光淡蕩叢山
亭上物色鮮明如來藏中境界殊勝直示臨濟三玄

三要發明洞上五位正偏父子功齊君臣道合功位全彰則且置功位俱隱一句作麼生道良久云泥牛踏翻潭底月木馬嘶風透碧霄僧問三玄三要卽不問五位君臣事若何師云爐中香裊裊進云如何是正中偏師云石女夜不眠進云如何是偏中正師云秋到樹頭赤進云如何是正中來師云泥牛上五台進云如何是兼中至師云黃葉頗相似進云如何是兼中到師云踏破波底月進云恁麼則父子功齊君臣道合師云閒言語僧拜又僧問獅王哮吼鼓峯前獅子增威異獸潛是甚麼時候師云日輪當午僧拂

支那

瑞白禪師語錄卷三

四

具云恁麼則露爪張牙去也師云看箭僧呵呵遂拜師云頭落也不知便下座

上堂秦山卓爍鑑湖寥廓爐峰岷嶽會稽咕咕昨夜一陣西風起滿山黃葉盡零落會麼須彌踰跳三千界磔磔花開百億春下座

上堂生而無生千紅萬紫爭奇巧滅而不滅滿林黃葉盡消磨遂豎拂云且看山僧拂子還是生耶滅耶來耶去耶有耶無耶常耶斷耶會麼石女驚殘夢木人解唱歌今日是躍雲禪師四七之辰其徒自得設齋請山僧陞座說法以此般若功德增崇品位莊嚴

報土且道薦拔一句作麼生道良久云秦望青松古戒珠戴花香僧問生不曾來死不曾去爲甚麼又有生方之說師云黃花遍地開進云卽今彌陀又在甚麼處師云七寶池中光燦爛僧合掌云恁麼聲師云未夢見在進云作甚麼便得高超去也師云秦望山頭雲僧拜又僧問彩雲生滅卽不問卽今立處請指示師云鑑湖波底月無形進云恁麼泥牛踏破峯頭月脫體全彰海底眠師曰浴鵝池上放光明進云幸到源頭清徹處漚生漚滅水無痕師云你不知去處在僧拜師下座

支那

瑞白禪師語錄卷三

五

上堂萬象森羅盡說法露柱燈籠常咕咕諸人何故不自知更用山僧來叨叨不叨叨爬下眠床穿着襪遂豎拂云文殊菩薩現會現色身三昧鑽入你諸人眼睛裏去也會麼良久云滿林黃葉地鋪錦朔風炭冷水成冰僧問金鎖玄關卽不問慧鏡閣中是何人所居師云烏龜飛上天進云恁麼則不必猜疑去也師云阿誰無分僧作插香勢云還許學人恁麼相見否師云不許僧拂坐具云不恁麼去也師云放汝三十棒擊香臺下座

上堂本來恒寂寂施爲動作遍乾坤用處常空空見

色聞聲沒半點沒半點處萬別同途遍乾坤時千差
一致空中鳥跡水底魚踪且道是甚麼人境界孤猿
叫落三更月野鳥啼開四季花今日是星樓祝居士
爲薦令先君設齋請山僧陞座說法以此功德追薦
見泉處士莊嚴報境大衆且道見泉處士卽今在甚
麼處安身立命良久云蓬萊三島神仙住九品蓮臺
佛祖行僧問世尊道迷悟生死了不可得卽今見泉
處士生耶死耶師云雲鎖長空日不見僧呈具云若
於個中能領畧朝生暮死不相關師云三十棒僧拜
云謝師答話師下座

支那

瑞白禪師語錄卷之二

六

上堂孤圓活潑人間天上盡該羅廓徹靈明十方三
世總無隔四聖六凡等有青紅赤白無依心佛生從
來一體儒釋道本自無差若向這裏承當直下現成
受用途豎拂云會麼良久云白雲常自來青嶂明月
何曾離碧天僧問儒釋道無差爲甚麼門庭各立師
云黃葉飄飄進云大有人不肯師又作麼生方便師
云朔風自凜凜進云恁麼則一輪杲日無違背團團
水月影難分便拜師曰正好着力又僧問長空雲散
現杲日大海波澄露錦鱗正當恁麼時如何師云凍
斷五雲溪進云便恁麼去又作麼生師云三江潮頭

息進云還有向上事也無師云有進云如何是向上
事師云戴山亭踔跳僧拜師下座

上堂豎拂云聞聲悟道見色明心戴山亭踔跳上三
十三天撞破天王腦殼東海龍王鮮血迸流天下覓
醫人將閻羅王脚跟一艾燭大唐天子通身慶快會
麼今日是俞居士同令堂及衆夫人設齋請山僧陞
座說法爲大衆結般若緣且道如何是般若良久云
黃牛頭上兩個角草鞋肚裏四條筋僧問千尺寒松
秀金鸞石鳳啼是何意旨師云石傘峰頭傳消息進
云是阿誰的境界師云五雲溪畔長水花僧拜師下座

支那

瑞白禪師語錄卷之二

七

上堂飄零黃葉傳古佛之家風游衍行雲顯當人之
面目稽山寂寂西來大意全彰爐嶽巍巍列祖真機
獨露戒珠閃爍慧鏡常明一道神光貫徹今古會麼
覓火和煙得擔泉帶月歸今日是邢吉先居士設齋
爲山僧慶誕請陞座說法爲大衆結般若緣卽此以
祈居士智門了辦道果圓成大衆且道圓成一句作
麼生舉揚良久云轉功就位柴堂冷退位朝君古殿
寒便下座
解制上堂把住也結定布袋口封住拄杖頭鐵壁銀
山鳥不飛度直至三江浪息大地波沉放行也陽和

氣轉遍界春回直得枯木生花永河發焰正當恁麼時還放行好把住好良久云且隨老木同寒瘡將逐春風入燒癩莫有逞驢唇馬嘴者出來吃棒僧問把住放行即不問當體無依事若何師云今朝臘月八僧拂袖云恁麼無掛礙隨處逞風流師云三十棒進云凍雲飛盡孤輪迥徹底無私遍界輝師豎拂云跳不出這一重僧喝禮拜師呵呵大笑下座

上堂湖城錢夫人設齋請師陞座云三春已過韶華老李白桃紅何處討菜花滿地黃如金燕子梁間指示人遂豎拂云會麼於此會得頭頭釋迦出世於此

支那

瑞白禪師語錄卷之二

八

不會步步彌勒下生良久云鳥啼花發笑雲興宇宙清今日是湖城錢開府老夫人及眾比丘尼送法衣上山設齋修福延生請山僧陞座為眾結般若緣且道般若一句如何舉揚夏初日漸暖行人盡解襟後堂素朴問高提祖印最上一乘弘範毘尼一乘最上今日和尚二法竝談施主功德還有邊際也無師云弁石播苔痕進云青龍峰頂獅子吼百千群品證無生便禮拜師云非為分外遂下座

上堂崇禎甲戌年十月望日龍華結制唐孝廉祈遠居士請師陞座拈香畢乃云世尊初成道日云奇哉

眾生皆具如來智慧德相儒書亦云在明明德康誥曰克明德太甲曰顧諟天之明命昨夜青龍崗起舞花石澗踴跳驚得獅子巖向象王峯鼻孔裏藏身直得彌勒峯呵呵大笑且道笑個甚麼他道皆自明也皆自明也會麼晝午月明皎夜半日輪紅山僧一向有病佛法付在首座杜絕人事以盡殘喘清晨內外大眾誠心跪請故不得已乃陞此座遂豎拂云若向這裏會得則現現成成個個具足其或未然可將個本叅話頭頓在目前念茲在茲如鷄抱卵如猫捕鼠打成一片情境俱亡見色時不知色聞聲時不知聲

支那

瑞白禪師語錄卷之二

九

忽爾觸着因地一聲始知成佛其來舊矣更有末後句舉似大眾一月印千江千江同一月於斯會得時烏龜喚作鼈西堂離言問云不問洞上舊家風請指龍華新氣象師云寶珠池內水長流進云祇如凍雲彌布日月潛輝又作麼生師云家家圍爐添白炭進云恁麼則泥牛耕破龍崗脉桃花依舊笑春風師云未是龍華氣象在堂一喝師云今日不打你堂禮拜歸位僧問陞堂即不問捲席意旨如何師揮一拂進云朔風吹黃葉明月下太湖師云非汝境界僧禮拜師拈拂下座

上堂解制嚴克涵唐祈遠嚴淳之沈仁叔丁子敬丁逸群姚聖錫王禹南朱心印李明吾暨眾居士等請師陞座師豎拂云會麼一向把住今日放行其把住也山河失色截斷眾流波瀾不生魚龍潛躍黑漆漆無聲無臭六戶不通風其放行也幽蘭現瑞百草排芽柳眼重新乾坤增彩明晃晃在前在後宇宙咸光輝祇如放行把住二俱不涉諸公作麼商量良久云石女慣吹無孔笛木人善弄沒絃絃今日一期圓滿莫有悟明自心者出來與汝證據僧問來去主賓卽不問五位功勳事若何師云木人慣弄無孔笛進

支那

瑞白禪師語錄卷之三

十一

云如何是向師云且莫妄想進云如何是奉師云祇要歸家進云如何是功師云鋤天掘地進云如何是共功師云木人舞袖歸來晚進云如何是功師云石女謳歌罷戲場進云不涉功勳句子再乞再慈師一喝僧禮拜云古風來驚嶺今日始重光師云開言語又僧問正當解制卽不問放下一句事如何師云橫肩拄杖進云虛空昨夜傳消息驚動垂楊兩岸搖師云切莫東遶西遶僧禮拜又僧問滴水滴凍卽不問大地回春事若何師云處處山花粧得巧進云恁麼則蕩蕩東風若管絃驚醒多人開夢眼師云十字

街頭一任東遶西遶僧禮拜師下座

崇禎八年乙亥八月師從天台回龍華孟冬望日結制請上堂師登座拈香畢乃云經之綸禪和邀同眾上座請病朽陞堂舉揚這一個豎拂云會麼覲面無向背當處絕遮攔無向背處嚴密不通風絕遮攔時行藏難着眼爲萬物之本作生佛之基三際凝然十方不隔要用便用棒喝交馳明妙旨要歇便歇寂然無語顯單傳正偏兼帶則且置祇如不涉離微一句作麼生舉良久云象騎鐵馬行宇宙鳥龜騎鶴上崑崙首座歷然舉坐具云這個是無向背底如何是絕

支那

瑞白禪師語錄卷之三

十一

遮攔句師云寒風颼颼進云是甚麼人境界師云無鼻孔長老進云不涉離微請師再舉師云三冬無暖氣進云恁麼則九夏雪花飛師云未是時節在座禮拜歸眾知客問云人天交集選佛場開覲面相呈請師的的師云弁山踔跳進云久知個裏無多子竿木隨身任縱橫師云花石澗邊行藏好進云不是特來陳舊話祇因舉起又重新師云再犯不容進云莫將鶴唳喚作鶯啼師云錯客禮拜又僧問結却布袋口封住拄杖頭正當甚麼時候師云水厚三尺進云還許傍通一線麼師云不許進云與麼則卽今結制去

也師云相逢莫出手僧禮拜又僧問云大開爐鞴鑄聖鉢凡即今凡聖交參請師妙手師云個個鼻孔遶天人人脚跟點地進云倘遇無面目漢和尚又作麼生款待師云三十棒僧拜師拈拂下座

祈遠唐居士薦妹請上堂師陞座云西風乍起千林落葉盡歸根玉露纔臨萬派清流回源早既爾轉功就位全在得力兒孫若乃借位明功須知父祖不出父慈子孝嚴嚴密室不通風君敬臣忠巍巍寶殿排班早直須正偏不立手足情忘一道虛明觸途死爾會麼今是金門唐氏法名大貞頓捨塵勞頂趨寶所

支那 瑞白禪師語錄卷之三

三

棄婆婆如涕唾取極樂如上乘親觀彌陀記授蓮品茲今五七之辰乃兄祈遠居士入山敝僧請山野陞座說法薦拔唐氏大貞增崇福智大眾且道作麼生是薦拔一句良久云寒潭月落泥牛吼大野雲乾木馬嘶僧問大圓鏡中本無來去即今亡者向甚麼處安身立命師云秋色沉沉僧禮拜云出沒終不離乾坤師云寒光蕩蕩便下座

季玉嚴居士同令堂太夫人請上堂師登座云子湖徇子飲盡趙州茶南泉貓兒喫却乾屎橛嘉州大象恨不伸陝府鐵牛淚成血木馬嘶風秋色老石虎頻

吞波底月報君知得不得居士今能知時節嚴太夫人亦歡悅大眾且道如何是那節良久云象王鼻頭長波斯面孔黑季玉居士出問古云我若一向舉揚宗乘則法堂前草深一丈未審今日弁山草深多少師云三長兩短士轉身顧視一拜師云恁麼則露裸裸地進云草枯鷹眼疾師云只恐不知春進云和尚快下座師云秋色滿庭進云雪盡馬蹄輕師拂拂顧眾下座

雲門先和尚九周年上堂師陞座云先師自丙寅年臘月初四日去世遂屈指云丁卯年臘月一周年戊

支那 瑞白禪師語錄卷之三

三

辰巳巳庚午辛未壬申癸酉甲戌乙亥却有九周年也雖去世九年元不曾離今日雖不離今日却又去世九周年且作麼生話會若也未會病朽爲汝舉揚正偏五位以報先師恩德遂喝一喝云病朽未出法堂元無此一喝既登此座方有此一喝是正中偏也即此一喝當處寂然是偏中正也即此一喝不帶名言是正中來也今對諸人有此一喝你等諸人因此一喝得知本有是兼中至也我此一喝聖凡情盡能所兩忘妙盡有無是兼中到也以濟宗論之正中偏奪人也偏中正奪境也正中來人境俱奪也兼中至

人境俱不奪也。兼中到卽玄要妙旨也。以雲門宗論之卽此一喝應彼來機謂之函蓋相應句卽此一喝。凡聖掃除絕彼知解謂之截斷衆流句卽此一喝。問事答事問理答理謂之隨波逐浪句以爲仰宗論之卽此一喝。直顯大月輪三昧謂之圓相卽此一喝。示向上一機謂之暗機卽此一喝。元從自心流出謂之意語卽此一喝。見者聞者默然知歸謂之默謂卽此一喝。無量妙義一時收盡謂之義海卽此一喝。四十二字母及世間文字無不統攝謂之字海以法眼宗論之卽此一喝。直示一真法界謂之總卽此一喝。有

支那

瑞白禪師語錄卷之三

古

炤有用有收有放有賞有罰謂之別雖縱奪賞罰之別總歸一心謂之同雖同一心縱不是奪賞不是罰謂之異雖賞罰收放之異咸成一個自己謂之成雖成一體不妨殺活縱奪各住本位謂之壞非惟一喝如然至于一棒一拂一句一字乃至揚眉瞬目折旋俯仰莫不皆然諸方野狐禪以達磨對梁王實無功德一語謂之濟宗以人天小采一語謂之洞宗又有等以棒喝謂應酬虛套盡屬支離邪解故病朽發明此旨勿使後學蹈於邪坑復喝一喝云且道此一喝是正耶偏耶人耶境耶三句耶圓相耶六義耶若

簡點得出則參學事畢其或未然可到先師座前觸禮三拜先師爲汝說破首座出問和尚未出方丈先雲門及五家宗旨宛然至于陞堂就座也是畫蛇添足未審和尚以爲何如師云猿抱子歸青嶂後鳥啣花過碧巖前進云與麼則十方原不隔今古一毫端師云峯巒挺秀鶴不停機進云有意氣時添意氣得風流處且風流師云未許話會在座禮拜歸位僧問長空日落峯含翠老樹雲凝堦影閒正當恁麼時雲門和尚還應供否師云冰河皎皎進云與麼則銀浪湧山頭師云雪花片片進云一自優曇開越嶺至今

支那

瑞白禪師語錄卷之三

古

清味徹茗溪師云切莫妄生節目僧禮拜僧問五家門庭蒙師指雲門大師面目在甚麼處師云描不成畫不就進云南北山頭雲寶珠池內月又作麼生師云還許話會麼僧禮拜云謝師答話師云未許話會在便下座解制祈遠唐居士設齋請上堂師登座云巍巍煦日添心色蕩蕩和風起見塵如此句中玄會了依然墮在冷水水直須恁麼中不恁麼不恁麼中却恁麼恁麼中不恁麼解制何妨結制不恁麼中却恁麼把住豈礙放行正是太陽門下日日三秋明月堂前時時

九夏祇如功位俱隱一句作麼生道良久云鐵馬空中吞皓月泥牛生得一雙寅僧問三月安居徒自縛請師爲衆施寥廓師云拄杖橫挑撥亂雲進云縱橫一任天涯外闌闌山林色色新師云眠牛嶺下且安身進云瀑落聲沉鳥雲飛勢斷峯師云遊人獨自逞風流進云風流久操胡笳調今日龍華值子期師云且莫草草僧禮拜又僧問一鑑無私輝宇宙晴空萬古絕瑕痕正當與麼時是解耶結耶師云桃紅柳綠進云恁麼則一衆霑恩有地師云橫擔拄杖僧拂坐具云便獨步去也師云草履破雲行又僧問把定重

支那

瑞白禪師語錄卷之二

七

關卽不問放開一線意何如師云緊峭草鞋一任踣跳進云祇如風行草偃水到渠成又作麼生師云衲僧躋躋登堂後檀越巍巍送供來進云與麼則雲移出谷渾無礙月臨滄海任縱橫師便打僧拜師下座唐祈遠居士至室中問如何是參禪得力處師云頭頭上了曰如何是參禪險難處師云切莫妄思量曰如何是參禪受用處師云全體絕遮攔曰起滅不停時如何師云不是別人家裏物曰熟處難忘時如何師云好個消息曰風恬浪靜時如何師云全家安樂曰鐵壁銀山時如何師云莫向這裏縣根曰一念無

私時如何師云正好喫棒士禮拜而退

崇禎十年丁丑四月八日江西南雲山慧燈寺說戒上堂師云南徑荒涼特爲舉揚慧燈燄燄祖印重光大明春色至萬物盡芬芳南雲徧覆娑婆界一片風光滿上岡於此會得釋迦降生背覲面於此不會依舊薰風度短牆會麼如或未知且聽受戒

入就瑞白禪師語錄卷之二終

支那

瑞白禪師語錄卷之二

七

入就瑞白禪師語錄卷之三

明住天台護國寺嗣法門人寂蘊編

小叅

住雲門小叅師舉證道歌云心是根法是塵兩種猶如鏡上痕痕垢盡時光始現心法雙忘性即真大小永嘉祇道得一半雲門即不然心是根法是塵兩種猶如車兩輪兩輪未轉車無用兩輪轉處示車身且道與永嘉相去多少莫有與他出氣者麼出來與山僧相見僧問寶鏡當臺爲甚麼胡漢不現師云賊身露也僧禮拜師便打

支那

瑞白禪師語錄卷之三

二

小叅舉起茶鍾云今朝七月三十日地藏菩薩降生向山僧茶甌裏洗浴諸人還見麼若如此見得衆生度盡方證菩提於此不見地獄不空誓不成佛若有通方作者出來相見時有僧出問云如何是雲門主人師云林中整日懽進云如何是雲門家風師云淡飯憑君喫進云客來以何款待師云黃蘗任意餐僧禮拜師回方丈

小叅欲知佛性義當觀時節因緣時節若至其理自彰靈雲見桃花是時節因緣香嚴擊竹是時節因緣玄沙聖指是時節因緣乃至世尊夜觀明星皆是時

節因緣祇於諸兄弟清晨下床着衣喫飯屙屎放尿

迎賓待客燒香掃地莫不皆是時節因緣且道作麼生是自彰的理還會麼朔風徹骨人皆委霜花滿地阿誰知僧問如何是雲門境師云翠竹搖風聲颯颯進云如何是境中人師云整日無事做閒步竹林中進云還有向上事也無師云有進云如何是向上事師云踢斷五雲溪僧禮拜

小叅方纔過元旦不覺三十日梅蕊已飄空堤柳含煙綠林遠和風輕山深寒氣毒覲面已相呈薦取那一着大衆且道如何是那着會麼綠竹無向背青

支那

瑞白禪師語錄卷之三

二

松絕往還便歸方丈

小叅春風蕩蕩春雨霏霏泥濘路滑行人濕衣就裏暗通消息那個男兒知歸且道通個甚麼消息會麼順風過若耶隨流落鑑湖

小叅三尺水河連底凍數竿枯樹盡銀花太陽一出峰頭外清潭依舊弄魚蝦見色明心雖好事撒瞎時人幾眼沙莫有清淨寶目不受翳障者麼出來高鑒看時有僧出云獅兒獨吼雲門裏杳象群藏北斗中師作啞啞聲僧拂袖云嶺外彰爪牙去也師云這野狐精又僧問富翁錦上重添錦卽不問孤鴈寒江事

若何師云千江有水千江月進云凍灘獨立遲春信
爲甚不見東風弄柳堤師云寒氣太重僧云何時得
一聲嘹唳斜陽外帶得平安書信歸師云一枝梅蕊
傳消息萬里山河享太平僧禮拜師圓方丈
小叅越州一朶梅爐峰東畔西有人玄會得綠竹放
紅絲會麼會即便會不許節外生枝若要節外生枝
打折你驢腰莫言不道有僧問如何是威音那畔事
師云石拿峰踣跳進云恁麼則離家轉却雲山外師
云鈴嶺漢進云過在甚麼處師打云教你不要節外
生枝僧禮拜師圓方丈

文那

瑞白禪師語錄卷之三

三

住延慶小叅一段真風本現成當人何必苦追尋森
羅萬象舒光彩隨緣用處卽天真衆兄弟做工夫不
可驅昏散不可斷妄求真不可高標聖境不可希
圖悟門不可沉空滯寂不可流浪前塵不可舉處承
當不可卽念卽真不可撥波求水不可妄認身形若
能如是行去正所謂當處卽天真佛也雖然須知更
有向上一竅在且道如何是向上竅良久云杲日無
私炤任運過西峰僧問桃花三月茂梅蕊雪中香提
起坐具云未審此枝花屬何境界師云水河三尺浪
進云葉落枝枯後又如何師云泥牛雪裏眠僧禮拜

師圓方丈

小叅虛寂寂明歷歷舉步莫疑動用不悉徧滿乾坤
時人不識釋迦兩腳舒達磨惟面壁彌勒呵呵笑休
更生疑惑大衆作麼生是不疑惑的事颼颼林上葉
飄飄舞太虛僧問水窮山盡向甚麼處着脚師云坐
看雲起時進云虛空粉碎如何下手師云泥牛吼水
面進云空懸燦燦一龕燈師便打僧禮拜
小叅一個話頭明歷歷內不出外不入忽然驀地
爆一聲方始徹皮又徹骨大衆徹皮徹骨卽不問作
麼生是爆底事還會麼踈踈翠竹通身冷皎皎澄潭

文那

瑞白禪師語錄卷之三

四

徹底寒

小叅朔風凜凜逼人寒大地霜花添瑞色滿目文殊
是對談休向南方尋知識南方知識卽不問作麼生
是對談底事良久云翠竹枝頭冰葉重烏鴉體上冷
毛輕僧問古云直饒學到佛邊事猶是錯用心畢竟
如何始得相應師云鞋薄脚底冷進云上無佛道可
成下無衆生可度爲甚麼又道個超凡入聖了生脫
死師云衣短肋下寒僧禮拜又僧問卽心卽佛則不
問非心非佛是如何師云翠竹濃霜重進云恁麼則
脫體無依迥然獨露師云水中已生骨進云向上還

有事也無師云來年二三月僧禮拜

小叅百歲充陰一夢周幾番歡喜幾番愁一聲鷄唱
惺惺也苦樂盈懷祇自休人生在世總是一夢而已
或夢做輪王統御四天下或夢入山林修無上佛道
或夢轉法輪度無量衆生或夢做菩薩行六度萬行
或夢修十善而報生三天受享快樂或夢造十惡墮
於三塗忍無量苦忽然一覺如大夢醒始知從前所
作所爲了不可得知醒時人說夢中事心縱精明欲
何因緣取夢中物直得默休而已莫有百花林裏過
一葉不沾身者麼出來與雪上座相見時有僧出問

文那

瑞白禪師語錄卷之三

五

一切有爲法如夢幻泡影如何是非幻一句師云石
女唱山歌僧禮拜

小叅年新月新日又新和風吹破碧潭水慙慙報與
諸禪者烏龜騎鶴上崑崙烏龜騎鶴卽不問且道作
麼生是新年底事良久云陽和布德澤桃李又重新
便歸方丈

小叅一碗無油燈歷歷甚分明晝夜無私炤達者暗
裏驚炤卽不問作麼生是燈遂堅拂云徹地通天光
燦爛老少盈懷任意觀

住龍華小叅師登座云開疆展土彌勒樓現於當處

伐木誅茅普光殿建於目前宇宙高人出出入入乾
坤道者往往來來性海悟於剎那行門成于頃爾星
霞散彩日月舒光正恁麼時成家樂業一句作麼生
道良久云四海衲僧明正化十方檀越助無爲僧問
新年佛法則不問莖草現瓊樓是何人境界師云一
枝梅蕊傳消息進云丈室現三萬二千獅子座還是
神通妙用還是法爾如然師云處處陽和大地春進
云我佛成道長者施園獲何功德師云徧界不曾藏
僧禮拜云弁山騰瑞氣霄漢產祥光師云莫眼花又
僧問上香呈般若點燭布禪機祇如未上香時般若

文那

瑞白禪師語錄卷之三

六

在甚麼處師云雨打堦前濕進云般若已蒙師指示
新年佛法事如何師云爆竹一聲除臘去梅花幾點
送春來進云恁麼則道場建處祥雲集佛法興時秀
水朝師云也不爲分外僧禮拜

小叅玄鳥來翼蒼庚初鳴桃花結蕊雷霆發聲西來
大意全彰祖師巴鼻獨露正恁麼時截斷衆流卽不
問隨波逐浪一句作麼生道柳眼乍開風日暖山河
無處不新機有僧出問九九八十一犁耙一齊出是
甚麼消息師云老筭抽芽進云梅花飛片玉桃蕊吐
紅霞仗甚麼人恩力師云太湖波底月弁山崖畔春

禮拜

小叅一向恁麼一花一彌勒一葉一釋迦頭頭顯妙處處呈奇一向不恁麼削跡吞聲壁立萬仞孤迥迥峭巍巍三世諸佛無開口處處歷代祖師無措足處且道二俱不涉作麼生商量會麼無陰陽地草常秀花發寒崖不帶春僧問今朝二月望桃李花未放如何是萬紫千紅境界師云今日是花朝進云花在那裏師云東山西嶺一枝紅僧禮拜

小叅兩輪日月快如梭蕩蕩薰風度薜蘿滿目清涼可人意試問諸公會也麼須領畧莫蹉跎覷面當機

支那

瑞白禪師語錄卷之三

七

如不薦去問龍華阿逸多莫有高揖釋迦不拜彌勒者麼出來相見時有僧出禮拜問曰善財童子登妙高峰頂爲甚不見德雲師云綿密不通風進云爲甚別峰又相見師云傍通一線僧禮拜有居士問云特到龍華求佛法慙慙低見撒明珠明珠卽不問如何是佛沏師云今朝又起風進云起後如何師便打士禮拜

小叅一向恁麼祇是人屢番手隨波逐浪殺活縱奪收放自如一向不恁麼壁立萬仞截奪衆流魔佛不通聖凡絕跡其或恁麼中不恁麼不恁麼中却恁麼

冰河發饑枯木生花石女吹簫木人演武祇如恁麼也沒交涉不恁麼也沒交涉恁麼不恁麼總沒交涉且作麼生良久云大海不容明月照禪室豈留半夜燈僧問如何是恁麼一句師云清流落太湖進云如何是不恁麼一句師云弁山絕消息進云如何是恁麼中不恁麼師云弁山峰頂雲太湖波底月進云如何是不恁麼中却恁麼師云太湖波底月弁山峰頂雲僧禮拜

小叅因中明果德果後施因行因行一齊彰聖凡無二道既無二道則知未離堦率已降皇宮未出母胎

支那

瑞白禪師語錄卷之三

八

度人已竟如是則知亘古亘今祇是一念無凡聖無得失無是非無生佛無有無塵塵爾刹刹處處綠楊堪繫馬頭頭顯物物露着着全是祖師機於此會得總是建化門頭邊事須知更有向上一着子在良久云木人纔撫掌石女笑呵呵僧問寒山雪覆烏藤樹枯木逢春花再開是如何師云九夏雪花飛進云等閑識得東風面萬紫千紅總是春師云祇明今日事昧却本來人進云撒手懸崖下分身徧刹塵師云且喜沒交涉僧禮拜云瞞人不少

住白雀小叅師舉船子偈云三十年來江上游水清

魚現不吞釣釣竿斫盡南山竹不計工程得便休大
小般子雖是落草求人大煞勞嘆生弁山即不然數
十年來山上游草深林聚獸鳥稠等閒撒個漫天網
也有金毛也有狐只如野狐堪作何用尋常翻個筋
斗子惹得傍觀笑忻忻野狐且置莫有金毛獅子麼
出來抖擻爪牙看時有僧出以坐且覆頭云和尚會
麼師云野狐精僧禮拜云又被風吹別調中師云總
沒交涉便回方丈

小叅頂門正眼要在作者知歸肘後靈符須憑英雄
提掇殺活縱奪珠走盤而盤走珠人境交加位轉機

支那

瑞白禪師語錄卷之三

九

而機轉位圓陀陀體用一如赤灑灑逆順自在且道
是何人境界舉雪峯在德山作飯頭師云倚門傍戶
漢一日飯遲德山托鉢向齋堂師云雖然正令全提
也是憐兒不覺醜峰云這老漢板未鳴托鉢向甚麼
處去師云不妨撥着德山低頭歸方丈師云可惜放
過雪峰舉似巖頭師云辜負已靈頭云這老漢未會
末後句在師云東家死人西家助哀山聞令侍者喚
巖頭至云汝不肯老僧那師云陷虎之機頭遂密啟
其意師云巖頭道甚麼一條拄杖兩人扶山至來日
上堂果比尋常不同師云雖然將錯就錯誰不識汝

狠心虎膽頭至法堂撫掌大笑云且喜老漢會末後
句也雖然後來只得三年活師云這裏有些子請訛
莫是徒弟授記師父麼且喜沒交涉莫是神通知道
麼且喜沒交涉莫是如蟲禦木麼且得沒交涉既不
如是畢竟作麼生良久云霜花和石冷青松帶月寒
小叅一段真光觀面來何須特地強安排神通變現
無踪影祇在當人眼自開以拂子打圓相云此是真
光作麼生是眼開底事將拂子放開云此是眼開的
事作麼生是真光會麼山僧拂子是指月山僧語言
是話月作麼生是真月若會得真月時無有聖凡大

支那

瑞白禪師語錄卷之三

十

小得失是非無有祖師機關亦無衲僧巴鼻亦無正
偏五位亦無三要三玄亦無炤用人境亦無三種滲
漏還會麼塢內霜花滿六合東雲輕
住龍華小叅李祖虞居士請小叅師云業遂殘冬去
福同春日來欲知個中意泥牛上五台會麼今日是
祖虞居士爲薦孫氏孺人請山僧小叅以此般若功
德資助孫氏往生極樂古云因緣和合虛妄有生因
緣別離虛妄各滅虛妄有生即無生虛妄各滅滅
即無滅既無生滅即無來去無彼此無生滅則十世
古今始終不離於當念無彼此則無邊剎海自他不

隔於毫端遂豎拂云會麼殷勤爲解丁香結指出蓮花胎裏人僧問雲去雲來天本淨蓮花托化事如何師云七寶池中香馥馥進云孝子忘却思親念吾師棒下長靈根師云親見彌陀別樣春僧禮拜師歸方丈

元旦小叅師登座豎拂云昨夜彌勒世尊降跡龍華放玉毫相光令諸世界合成一界令森羅萬象草木叢林明暗色空諸色合成一色令四生六道地水火風諸相合成一相令四聖六凡若大若小若男若女若僧若俗一切無明妄想智慧愚癡煩惱顛倒生住

支那

瑞白禪師語錄卷三

十二

異滅一切心數之念合成一念令過去未來現在三世諸時合成一時新舊不別聖凡一體正恁麼時且道作麼生商量良久云弁山古澗波中石花柳枝枝不帶春有僧出問今朝第一日師登第一座如何是第一句佛汾師云雪覆青山峰不露進云恁麼則空裏銀石舞無根樹生花師云沒却汝頭僧禮拜師回方丈

小叅三世諸佛以一大事因緣故出現於世歷代祖師亦以一大事因緣故出現於世天下老和尚莫不以一大事因緣故出現於世所謂開示悟入佛知見

也世尊拈花皆是開示迦葉微笑是悟入也馬祖一喝是開示使百丈悟入也黃檗三頓痛棒是開示使臨濟悟入也香巖擊竹靈雲見桃花是悟入也方纔孟夏時節榴花現瑞梔子呈祥玄符未挂魔王膽落菖蒲劍立平寰宇金蓮拳打破虛空正恁麼時莫有悟入者麼出來呈似看如無再過二三日畫橈舞碧波僧問四月閑人少農家盡插秧觀面當陽旨請師爲舉揚師云山高水低進云當陽一句蒙師指向上宗乘又若何師云明月挂松梢進云恁麼則彌勒峰頭拍手笑青龍崗上浪滔天師云浸殺你僧禮拜師

支那

瑞白禪師語錄卷三

十三

歸方丈

壬申冬結制小叅幾片白雲露當人之面目一輪杲日顯佛祖之真機更兼滿地霜花况乃徧空水冽如此會得歸家穩坐如此不會於斯辛苦會麼良久云木人唱曲渾閒事石女吹簫始是奇今日弁山結制之辰山僧久病向不陞座大總憲唐老居士具香儀命祈遠居士入山同長興衆居士啟請爲衆說汾山僧久病無恙可說有一則古語舉似大衆遂豎拂云會麼古云萬象之中獨露身這個是象如何是身復拈拂云這個是身如何是象如此會得弁山頂上七

縱八橫如此不會老僧歸方丈去也便打

元旦小叅黃道啟文明處處門符迎新歲陽和布德
澤家家爆竹振堯年冰花解而煦日威柳眼開而和
風力蘭花挺秀梅蕊含香寒巖枯木心開嶺頭稿草
芽發森羅添吉慶宇宙湧祥光正是轉位就功時節
祇如君臣道合父子如如作麼話會良久云彈琴石
女音聲美鼓瑟木人韻調高僧問黃道文明啟何人
得所繇師云全賴東君力處處強出頭進云恁麼則
學人相見去也師云覲面相呈事作麼生僧便喝師
云未在僧禮拜又僧問東君昨夜傳消息報道今年

瑞白禪師語錄卷之三

瑞白禪師語錄卷之三

三

煦日新如何是新的句師云百草頭邊楊柳青進云
一毫端上呈春色萬紫千紅徧界輝師云還有春寒
四十五進云新句已蒙師指示向上宗乘又若何師
便喝僧禮拜師回方丈

上元小叅今朝正是十五處處喧天鑼鼓報道上元
佳節徧地燈毬亂舉文殊大顯神通諸人切莫莽鹵
若還遠得些兒當處超佛越祖作麼生是超佛越祖
底事柳眼乍開風細細蘭香初起日融融弁山三月
安居冬期已過今朝正是正月十五日雖不解制一
任東走西奔雖然放行不會動着半步如此會得太

陽門下日日三秋如此不會不妨明月堂前時時九
夏會麼山頭翻白浪海底火正紅僧問把定重關經
九旬驀然打破事如何師云今日是元宵進云恁麼
則展翅沖霄去也師云金翅鳥王當空進云縱橫奔
出乾坤外翻身踢破太虛空師云早被他拿下了僧
一喝禮拜而退師云蝦跳不出斗又僧問百日期限
今已滿歸家底事是如何師云黑漆漆進云歸家後
如何安養師云整理意氣新進云正當元宵節屈和
尚又作麼生慶賞師云燈花燦爛進云堂前瑞草傳
消息引得男兒滿面春師云三十棒僧禮拜師

瑞白禪師語錄卷之三

瑞白禪師語錄卷之三

古

住叢山小叅觸著磕著無非本地風光左之右之全
彰自己面目拈起則該括森羅萬象放下則迥脫虛
寂孤明即如不拈不放如何為人良久云朔風大地
寒煦日花枝放今進堂將一月了莫有工夫透脫者
出來通個消息僧問拖泥帶水忘物我大方獨步任
騰騰時如何師云旭日昭憲前進云恁麼則踏破千
江月獨露戒珠光師云又有一重在僧禮拜云耀古
騰今輝宇宙衝開碧落任縱橫師云看取脚下又僧
問虎頭帶角出荒草未審以何爲食師云吞却你也
不識僧拂坐具云橫衝直撞去也師云粉骨碎身僧

一喝師打一棒便回方丈

小叅陽燄翻波五十年空裏栽花顛倒顛時人添得
眼中翳妄爲山僧慶誕緣須領畧莫遲延擬議鴿子
過碧天豎拂云大衆且道山僧年紀畢竟是少長
久云泰望山頭翻白浪鑑湖波底剔銀燈汝等諸人
一期將過已過關者不在此限若未過關者古人云
若究理坐看一七若不悟明截取老僧頭去今尚有
二七日在再加精進再加勇猛策勵身心忽然一念
相應心華發明焰十方剎始不辜負結制叅禪也其
或未然話盡山雲海月情依然不會還飛去珍重

支那

瑞白禪師語錄卷之三

五

夜叅

住雲門夜叅一葉扁舟浪裏顛絲綸拋去看洋錢釣
頭忽爾金鱗現不負漁翁冒晚煙遂以拂子作擲釣
勢云雪上座今夜拋釣擲釣莫有負命底鯢鯨麼出
來吞啗看時有僧出禮拜師云元來是個蝦蟆僧問
如何是佛法師一喝僧無語師云果然是個死蝦蟆
便打

住龍華夜叅舉三祖云有卽是無無卽是有又云一
卽一切一切卽一但能如是何慮不畢大小祖師口
門窄說到這裏伎倆已盡雪上座卽不然昨夜碌碌

開花露柱發笑燈籠躡跳上三十三天觸着帝釋鼻
孔多聞天王惡發將須彌山王一擲直得東海龍王
頭疼三日會麼若會得出來通個消息其或不然明
日登壇受戒與諸人說破

入就瑞白禪師語錄卷之三終

支那

瑞白禪師語錄卷之三

十六

入就瑞白禪師語錄卷之四

明住天台護國寺嗣法門人寂蘊編

茶話

住雲門結制普茶師云今朝九月九個個咸知有芙蓉開口笑黃花盡稽首石女春糍糕木人捧盤爇爇喫趙州茶不飲曹山酒且道如何是趙州茶滿酌淺斟皆具足何須山野丹來傾僧問如何是結制師云歸單去進云如何是解制師云今日不向你道進云如何是不結不解的意師云汝非其人進云還有向上事也無師云無僧云爲甚麼無師云雲門結制僧

支那

瑞白禪師語錄卷之四

一

禮拜

茶話選佛場中明聖智紅爐鞴裏煨真金妄昏從此無逃避管取凡心卽祖心衆兄弟各人將從前所有貪嗔癡愛無明煩惱禪道佛法昏沉妄想聖情凡見真如佛性菩提涅槃一收收來放在大爐鞴中然後架起智慧火一燒燒教無有起處無有滅處無有來處無有去處無有聖凡魔佛邪正是非淨穢好惡到與麼時豈不是凡心卽祖心耶雖然如是若是祖師向上一竅未夢見在且道如何是祖師向上竅良久云日來石傘降頭白水出昌源波浪清

茶話一個話頭牢把持綿綿密密莫尋思努力今生

了却去休待當來彌勒時衆兄弟三七排遣已畢明白四七坐香起頭三七日中所做工夫相應麼話頭純熟麼妄想平貼麼昏沉輕清麼可通個消息來若全無得力可再發大志精進中更加精進勇猛中更加勇猛將一個話頭一扣扣住如無始以來冤家相遇一般與他一滾滾作一團內不放出外不放入茶裏飯裏眼裏夢裏行住坐臥裏不可絲毫放捨直得東西不辨南北不分觸境逢緣因地一聲始知成佛其來舊矣還識舊時佛麼金風飄落盡古幹赤條條

支那

瑞白禪師語錄卷之四

二

僧問一葉不留時如何師云古幹赤條條僧禮拜師便打

茶話一迷大覺性六道受沉淪妄想能消滅當處卽天真所以世尊初成正覺之時嘆曰奇哉衆生皆具如來智慧德相良緣妄想執着而不證得誠哉斯言衆生執有是妄想人天執十善因果是妄想聲聞執偏空是妄想緣覺觀生滅因緣而證果是妄想事度菩薩執六度萬行是妄想大乘菩薩去二邊存中道是妄想乃至等妙有微細所知亦是妄想卽今堂中高標聖境希圖妙悟是妄想或妄認識神者或撥波

求水者或沉空滯寂者或遏捺妄心者總不出妄想若是丈夫漢一念看破一齊放下當處是一尊天真佛也三祖云虛明目炤不勞心力非思量處識情難測到此地位權且引汝入門要汝知有若是祖師門下正好買草鞋行脚正好來山僧手裏喫棒何故須知有向上一着子在且道如何是向上一着子良久云湛水無龍隱枯木有花開僧問如何是向上一竅師云向下會取僧云還許學人知也無師云不許僧云爲甚麼不許師云爲你不通向上竅僧禮拜師云果然又僧問瑞花今已現瑞果幾時紅師云三冬日

支那

瑞白禪師語錄卷之四

三

色冷如水進云還許學人偏衆去也無師云不許進云爲甚不許師云祇爲人人有分進云花果已蒙師指示請師再露瑞根看師云一枝雪裏弄馨香僧禮拜又僧問正恁麼時全身獨露正體堂堂獨露一句即不問正體堂堂事若何師云玉燭搖紅影進云轉身後一句又如何師云石傘咲吟吟僧禮拜爲了幻知賓住護珠庵茶話赤水有玄珠人人須探覓離婁不可求罔象偏能得欲識護珠人問取幻禪客大衆護且不問作麼生是珠良久云鑑湖多媚色長瀆有光生僧問如何是禪師云禪問如何是道師

云道問如何是父母未生前師云風生壁下寒僧以手作插香勢云還許學人恁麼會否師云不許進云零霞落野田師云莫被聲色轉僧禮拜師云又恁麼茶話古云一入門來先須知有知有者始可奉重作麼生是奉重底事莫是臣奉於君子順於父麼且喜沒交涉既不如是畢竟作麼生良久云相逢盡道休官好林下何曾見一人汝等衆人進堂已五十日了在禪堂中挨磨經行團團轉轉七尺單前上上落落事作麼生祇如二六時中三餐茶飯豆腐麵筋青菜蘿蔔廢了常住多少油醬青菜豆腐即不問你各人

支那

瑞白禪師語錄卷之四

四

向蘿蔔頭上道取一句來若道得皇恩佛恩檀越之恩一時酬畢若道不得他日見閻羅老子喫鐵棒有日在莫言不道時有僧問古人云不可以有心求不可以無心會不可以語言造不可以寂默通除此四路和尚如何接人師云鐵牛不怕獅子吼進云恁麼則石傘峰前演摩訶師云如何是摩訶僧一喝師便打僧禮拜

茶話緊着程途再着鞭草鞋更用把繩添行到水窮山盡處大家齊和太平年而今衆兄弟做工夫必須要透頂透底徹頭徹尾做將去方好不可半途而廢

如人行路相似但有路可上更高人也行直行到水窮山盡再跨一步方有少分相應亦如將軍上陣一般雖然捉其先鋒擒其殿後若餘黨未盡待汝卸甲停戈賊兵復起依舊喪身失命必須破其窠窟勦其巢穴滅其餘黨然後爲太平也前半期排昏敵散去其龐重後半期有微細流注必須以智慧炤破盡淨無餘方可心地太平雖然如是此乃功勳邊事須知更有不涉功勳坐見太平者且如何是坐見太平底事良久云虛寂六宮天下治舜日輝輝炤大千僧問月團前後總不問正當月團時如何師云明朝十五

瑞白禪師語錄卷之四

瑞白禪師語錄卷之四

五

日進云意旨如何師云大衆普茶僧打圓相云還許學人怎麼會否師云不許進云爲甚不許師云正當十五日僧禮拜茶話過去未來及現在十方不隔一毫端若人於此能明了歷歷分明珠走盤今勸衆兄弟先要明了自己進堂時是自己做工夫到於今也是自己明日出堂時也是自己從無始以來也是自己威音王佛出世時也是自己乃至釋迦佛時也是自己當來彌勒佛時也是自己直至師子佛時至佛時也只是自己曾無第二人第二念一身如是多身如是一世界

如是多世界如是乃至盡虛空所有世界盡世界所有衆生莫不皆是自已所以經云十世古今始終不離於當念無邊刹海自他不隔於毫端此之謂也莫有識自己者麼出來呈似看時有僧問直指單傳即不問三藏殊文事若何師云白月印長江進云初機難會乞師下個注脚師云清波明透露僧禮拜解制茶話月鈎雲餌整常拋湛水澄潭正寂寥有時浪裏吞鈎去收捲絲綸意氣高大衆且道收綸捲釣一句作麼生道良久云柳條橫串花籃裏街坊高叫賣新鮮僧問金鈎玉線將收挽鯨鯢忽現事如何師

瑞白禪師語錄卷之四

瑞白禪師語錄卷之四

六

云虛空撒下漫天網縱使英豪怎出頭僧云拿雲攫霧去也師云霹靂一聲魂膽碎僧云三汲浪高魚化龍漁翁空捕夜江水師云已被柳條串却住延慶茶話十方同聚會個個學無爲此是選佛場心空及第歸今日選佛場開十方同會且道作麼生是無爲的事祇如佛又如何選遂豎拂云白雲繚亂舞翠竹冷颼颼僧問碧油幢鼎建祖令若何宣師云泰望摩霄漢進云卽今君臣道合文武功齊和尚又如何闡揚師云溪水澄澄洗玉肌進云恁麼則闕裏祥光包宇宙師云今日結制僧禮拜云林間瑞氣新

師云知恩者少

茶話應緣莫執沉寂莫貪風塵霄漢月映寒潭魔佛齊收總屬顛頂有無不立是非之端畢竟如何噯噯噯噯會麼世事秋雲薄人情露水長

茶話大道無形相自心等虛空證得自心時無有是非者既無是非則無生滅無去來無取捨無凡聖無高下無得失如是則三教一理也三觀一心也三世一時也古今一念也三德一智也聖凡一體也物我一如也僧俗一性也五教一乘也遂豎拂云會麼若也不會山僧便與你通個消息良久云籬邊黃菊金

文那

瑞白禪師語錄卷之四

七

粧就樹頭紅葉殊染成僧問白水煎茶葉香氣滿甌來時如何師云供養大眾進云卽今茶與趙州茶是全不是別師云一口吞却僧禮拜

茶話善惡分明報乾坤豈有私泥牛遭霹靂木馬害癰疽威音那畔魔佛潛踪今世門頭有無並立前三後三三三明明陳數目不落因不昧果五百生野狐惡人燒佛眉鬚落讚勸聞經福無涯且道憑何節目得恁麼利害豎拂云有水皆含月無山不帶雲僧問時人造業有何報師云金花剪就檀香木進云體中辦茶供衆有何福德師云蠟燭燒成柏木油僧禮拜又

文那

瑞白禪師語錄卷之四

八

僧問是人犯殺盜婬妄向和尚懺悔和尚終日阿佛罵祖向甚麼處懺悔師云香煙冲碧漢進云恁麼則無懺悔處師云金花落眼前僧禮拜又僧問盡大地是個禪堂喚甚麼作界外師云延慶寺進云盡大地是個蒲團又喚甚麼作界內師云延慶寺進云卽今結制安禪陞堂入室和尚與學人說個甚麼師云延慶寺僧禮拜云謝師指示師云莫謗老僧

茶話真空不自空明月印西東妄心不自妄春情來柳上識得真妄時依然成兩樣不兩樣三十棒喫石女害相思泥牛喫鐵棒會麼若也不會再與你打些

葛藤今夜是商品及衆居士辦茶供衆請山僧結般若緣遂豎拂云若向這裏會得一切現成一切受用一切自在一切超脫不須驅昏敵散斷妄求真總是一個自己既是自己已不須做作你若認自己是頭上安頭你若別求自己是斬頭覓活如刀不自割指不自觸眼不自見眼若可見眼卽成境刀若自割刀卽成物指若自觸卽成別指所以見物者是眼斷物者是刀觸物者是指二六時中當下運用者是個自己會麼切莫作夢好

茶話枯定愚癡窟狂慧生死根定慧等雙持真是如

來子經云如來所得法定慧力莊嚴而今做工夫者或枯身泯智歇滅妄心以爲禪定殊不知皆是愚癡也或穿鑿古德機緣下得幾句轉語聽得幾部經教以爲智慧殊不知皆是生滅根本也當知正慧與狂慧不同正定與邪定各別見境不生心動念者正定也了達諸法無我者正慧也定慧皆是莊嚴自心之道也定不自定依我作定慧不自慧依我作慧如此觀之則定慧皆是假名須知定慧向上有事在會麼三句紅日三千熱一夜冰花大地寒一僧禮拜問云誰却定慧請和尚速道師打一棒僧拂袖而去師云

瑞白禪師語錄卷之四

九

三十棒一棒也饒不得茶話提起智慧刀萬緣俱勦絕話頭莫放寬直須窮徹骨古云一念萬年去寒灰枯木去古廟香爐去今時久做工夫不辦長遠心決定志或半月一月半年一年稍見些影響以作了悟者或認些門頭戶底以爲能參者或看些言句以爲得入者此都是妄認前塵錯亂修習非我種草也莫說學所得者皆是影響總有真實悟入者古人云大道未明如喪考妣大道已明如喪考妣二六時中戰戰兢兢如臨深淵如履薄冰所以湧泉四十年方成一片趙州三十年不雜

用心豈似而今容易得者當須體究不可草草莫有百花林裏過一葉不沾身者麼良久云泥牛吐霧方纔美枯木生花始是奇僧問大道未明如喪考妣大道已明爲甚麼也如喪考妣師云前途路更賒進云盤要溫和要寒師云也須保重始得僧禮拜又僧問如何是暗中明師云白雲籠月色進云如何是明中暗師云翠竹舞清風師云明暗雙雙卽不問卽今覲面事如何師一喝僧禮拜住龍華茶話元宵普茶次師云昨夜明月潛輝暗通一線今宵燈亮普照覲面無私花毬散彩蠟燭爭奇

瑞白禪師語錄卷之四

十

正恁麼時且道承誰恩力還有人道得麼良久云東君昨夜傳消息隴上梅花有幾枝茶話薰風拂拂塵雨颼颼田苗增秀圃菜添客恁麼會得何必言功且道不涉功勳一句作麼生道雨過山頭碧月昇大地光中秋茶話師云亘古亘今一輪月剝剝塵塵俱炤徹時刻清光覲面提何故今宵稱佳節缺與圓圓與缺添却時人眼中屑莫有不受翳障者麼良久云此處一輪滿清光何處無復云秣如人人有段清光爲甚麼不炤時有一僧出將袖一拂打箇翻身云此還是

炤麼師云怎奈五雲橫簇僧云恁麼則收光攝彩去也師云何處更藏僧禮拜

新春爲李宅懺畢茶話和風蕩蕩消積劫之堅冰煦日輝輝動寒崖之枯木堅冰消則定水處處澄清枯木動則慧芽時時增長且作麼生是不涉生滅一句還有人道得麼如無山僧自道去也弁山煙浪盡明月下太湖僧問脫鼻金牛眠露地時如何師云東林西林進云孤舟已繫垂楊岸不怕狂風猛浪來師云過頭過底僧禮拜師歸方丈

住白雀茶話師至白雀普茶次當家啟請爲衆說法

支那

瑞白禪師語錄卷之四

十一

師遂云白雀飛來添湖中之瑞氣青蓮湧出闡弁嶽之風光九曲徹底清流太湖萬里波浪正恁麼時且道是何人境界會麼滿堂僧簇簇千古道風香僧問獅子未哮吼龍象已交參主伴圓融句請師一舉揚師云蓮花從地湧進云佛汰不敢問到院事如何師云賓主交參進云恁麼則青蓮解說汰白雀亦知音師云千古意分明僧禮拜

定職事茶話文殊智頭顯露普賢行處處全彰根境不相知事理俱無碍且作麼生是無碍的事理遂登拂云會麼木人輕拍掌石女笑呵呵開示不錄

結制普茶次師舉起茶鍾云會麼若向這裏會得無聖無凡無小無大無漏無爲無真無妄無內無外無僧無俗無我無人無結無解何以故我王庫內無如是刀其或未然且將個本參話頭頓在目前如靠須彌山相似如貓捕鼠相似如鷄抱卵相似切切孜孜綿綿密密忽然撞着因地一聲始知成佛其來舊矣又舉茶鍾云泥牛翻白浪木馬吼清風西堂孤崖出問九旬結制今宵始此夜臨筵事若何師云金風黃葉落進云多子昔年千戶曉今宵公案又重新師云霜花滿地堂估似花云今古相承惟個意描不成今

支那

瑞白禪師語錄卷之四

十二

盡不成師云歷歷分明堂禮拜云某甲恁麼去也師云切莫亂走又僧問坐斷千聖舌頭把住諸佛要關事如何師云凡聖不通風進云只如東西不辨南北不分又作麼生師云弁峯寂寂進云恁麼則三百五

百證龜成蟹去也師云切莫草草匆匆僧禮拜

浴頭辦茶十六開士隨類而行驀頭一潑忽悟水因既不洗塵元無二人亦不洗體豈有兩身中間寂然腦後抽釘妙觸宣明佛祖俱陳師復喝云此是妙觸作麼生是宣明的事其或未會且向浴鍋中擦癢揩背忽然摸着方始心安今日是心安辦茶請予指示

山僧無可指示曾記得古人一則因緣昔有一無垢世界造化浴室後有老宿問云既是無垢爲甚麼却造浴室至今無人下語汝等諸人各下一語看西堂云若不造浴室怎顯無垢師云誰不識汝是西堂茶話觀音峰下洗鉢崖前紅葉歷落石壁悄然如此會得不用參禪會麼白雲嶺頭住清泉澗底流問荅不錄

茶話識時機破時弊明眼宗師通回互知進退伶俐學者若還清濁不分必然法道廢矣上古之時淳朴之機行過於解靜沉死水難以發言所以徑山七百

鼓那

瑞白禪師語錄卷之四

三

高僧無人發問百丈遣黃牯至徑山發問然後始解問話豈比今時道理不知青黃工夫不知進退妄生穿鑿或云乾屎橛樹子一切皆空但憑我拈來卽是或云機鋒如空谷谷響如有人叫一聲谷中卽應一聲所以有人問一句我卽荅一句猶如空谷之應聲也若如此會盡是地獄種子破敗禪門安可爲當家種草也祇如大慧禪師呵叱人說道理彼時人坐在百尺竿頭守住道理不能翻身故此大慧呵叱要使竿頭進步今時人道理全然不曉却教人不要明道理祇如不從道理而得者有幾人也自七佛所傳

者皆傳此清淨心體也豈可不明道理乎如臨濟香巖南泉輩皆云精通性相熟練教乘然後爲禪師也豈可不明道理如古人云祇貴子之見地不貴子之行履今日以山僧觀之祇貴子之行履不貴子之見地何也古人質朴言不妄發今人滑瀆聽其言則超佛祖之先觀其行則落凡愚之後豈可重其見地也古之人以行過解故不重其行不是無行今之人解過行故所以不重其解不是無解也山僧所舉皆是時弊你等他日爲善知識若不革故自新儻侗過日祇圖門庭闊熱非佛弟子也珍重

鼓那

瑞白禪師語錄卷之四

丙

昔茶次師舉古人云卽此見聞非見聞師云一有多種二無兩般無餘聲色可呈君師云喚作聲色卽錯個中若了全無事師豎拂云者個是甚麼體用何妨分不分師云言語道斷非去來今卽且置祇如石女拋梭又作麼生還會麼若不會山僧再與你打些葛藤只如你們清晨下單來耳聞鐘鼓鈴魚之聲眼見森羅明暗之色有甚麼隔碍你有甚麼繫絆你你拈將半毫聲色來看要且聲不是聲何故聲色從因緣所生當體全空以全空故當體無生以無生故則無去無來無取無捨非有非無當下只是個本地風光

不可向外馳求以作聲色會也既不是聲色且道畢竟是個甚麼古云填溝塞壑無人會堪笑騎牛更覓牛珍重

普茶師云大衆山僧在此待你們搆去還搆得麼搆得亦是你搆不得亦是你正當此時歷歷孤明無昏無妄無有思惟分別喚作識心得麼既不是識心且道是個甚麼總是你自己喚作一時一念一剎那際三昧曾無甚麼隔碍你無有纖毫蓋覆你何不恁麼會取好昔有僧問歸宗如何是佛宗云若向汝道恐汝不信僧云和尚重言焉敢不信宗云卽汝便是僧

支那

瑞白禪師語錄卷之四

五

云如何保任宗云一翳在眼空花亂墜好言語汝但着佛見祖見菩提見涅槃見悉是空花汝但不起一切見連這不起亦不起方得淨盡無餘方喚作無心道人也今日是李清程居士宿秉善根不忘付囑大心頓發護持三寶得入山辦茶供衆以行菩薩行汝等須當各各努力一念純真方可喚作無心道人方可消受得他的供養汝若散心雜話滴水也難消你要學佛學祖參禪悟道明幾則公案此是這邊語那邊語此是向上語向下語此是隔身句縱奪句殺活句若如此會盡是散心切莫草草時寒珍重僧問

支那

瑞白禪師語錄卷之四

六

趙州三十年不雜用心他在甚麼處過日師云九九八十一今日從頭起進云至於穿衣喫飯又作麼生師云薰風自南來進云爲甚麼八十猶行脚師云朔風從西起進云如何是悄然處師云石女睡正濃僧禮拜

普茶次師云一句當陽絕正偏豈分位次涉言詮電光石火如能薦始識拈花教外傳教外別傳之旨不涉言詮句意思量分別識心一切淨盡無餘祇露目前些些古云承言者喪滯句者迷要在圓陀陀活潑潑處要會卽會不許擬議一擬便落二落三了也你

看僧問趙州如何是西來大意州云庭前栢樹子僧云和尚莫將境示人州云老僧不將境示人僧云如何是西來大意州云庭前栢樹子雖然道個栢樹子何不將境示人雖不將境示人不妨道個栢樹子何嘗涉於言句情境今時人只管穿鑿古人語句此是正位此是偏位此是人此是境遠之遠矣且道作麼生是不涉言詮的句良久云污泥出沒渾無染流水滔滔絕往還

龍華除夜茶話師云弁山沒有甚麼與大衆分歲有一則古語舉似大衆三祖云至道無難惟嫌簡擇但

莫憎愛洞然明白今日是除歲明日是新年作麼生
不簡擇左邊是廚房右邊是齋堂作麼生得無憎愛
若向這裏曉得親剥泥牛與大眾分歲其或未然且
歸堂中參究不得草草僧出云嶺上寒梅帶雪開師
云是簡擇進云多謝泥牛師云又是憎愛又僧云和
尚未開口已前早已勘破了也師云灼然簡擇僧便
喝師云憎愛
端陽茶話今日端陽佳節畫龍艾虎關額奪得錦標
歸來特與諸君漏泄見作麼生是漏泄的事石榴紅
似火梔子白如綿

支那

瑞白禪師語錄卷之四

七

豎碑茶話碑文鐫白字萬古微猷當道種青松見聞
不昧如此會得猶在半途如此不會白雲萬里會麼
良久云弁山一日雨橋流水不流僧問弁山風景事
如何師云花紅柳綠進云還有向上事也無師云有
進云如何是向上事師云弁山吞却西湖月僧禮拜
師打云將頭不猛累及三軍
唐祈遠居士設茶師云內護外護要心堅般若通明
絕萬緣透出毘盧頂額外始是吾家祖師禪般若無
名非凡聖故般若無形非長短故般若無相非青黃
故般若無知非意識故欲學般若者將心意識掃得

絮絮淨淨然後始相應也古云衆生心識處處能
惟不能緣於般若之上蓋般若離一切相故諸人還
會得般若麼藕斷絲不斷功深願亦深
普茶師問衆云紹興請山僧戒珠寺開堂且道我去
不去若道不去古人云隨緣赴感靡不周若道去又
道而恒處此菩提座若道得許過戒珠道不得且住
弁山汝等諸人如何定當僧出云長空一片月師云隨緣
恒處此菩提座響又僧出云長空一片月師云隨緣
赴感靡不周響僧禮拜師便打
沈居士請茶話師云明月映寒潭千波頓息樹頭葉

支那

瑞白禪師語錄卷之四

八

不動大地風澄直饒心境一如光含萬象未知有向
上一竅在且道如何是向上一竅泥牛撞倒須彌頂
木馬嘶乾四海潮莫有問話者麼有居士出禮拜歸
位師云好與三十棒

入就瑞白禪師語錄卷之四終

入就瑞白禪師語錄卷之五

明住天台護國寺副法門人寂蘊編

茶話

師赴戴山請過報國院曹源禪者同眾居士設普茶請茶話師云三世諸佛爲一大事因緣故出現於世間莫不使一切衆生開示悟入佛之知見也達磨西來掃除名相不立文字直指人心見性成佛亦爲此佛知見也遂豎拂云若向這裏會得則現現成成二六時中觸着磕着穿衣喫飯屙屎放尿迎賓待客莫不具足若也不會將此佛知見頓在面前如鷄抱卵

支那

瑞白禪師語錄卷之五

二

如猫捕鼠念茲在茲打成一片情境俱忘忽然一念相應因地一聲始知成佛久矣莫有會得者麼可出來通個消息如無山僧自道去也良久云塵累不侵金菊蕊水輪常映碧潭深僧問如何是賓中主師云我是弁山老進云如何是賓中賓師云門外弄糊塗進云如何是主中賓師云滿街花柳新進云如何是主中主師云烏龜飛上天進云還有向上事也無師云有進云如何是向上事師云石女唱山歌僧禮拜住戴山結制茶話不了於自心云何知正道彼繇顛倒慧增長一切惡所言自心者卽當人二六時中折

支那

瑞白禪師語錄卷之五

二

旋俯仰迎賓待客屙屎放尿一切處靈明廓徹放光動地者是也昭昭於心目之間恍恍於色塵之內毫無間然奈何衆生迷而不知謂之背覺合塵諸佛證之祖師悟之謂之背塵合覺雖悟迷之不同未曾欠少也遂豎拂云若向這裏會得則現現成成其或不能可將個本參話頭頓在目前如一人與萬人敵相似莫教絲毫放過或一年二年乃至十年三十年打成一片情境俱亡忽爾因地一聲始得其自心也今日戒珠結制與諸兄弟同期妙悟同期出生死同期證無上菩提且道如何是同期的事寧會麼水向石邊流出冷風從花裏過來香僧問不問佛祖機緣請指戒珠家款師云戴山亭進云阿誰領畧去師云浴鵝池與汝無分進云千里同風爲甚麼無分師云不是一個中人僧禮拜云大眾證明師云且喜沒交涉張居士保病設茶師云病從業緣生業從心識有心識本來空病緣無所住病緣既不住真心恒徧知一切日時中法道不思議且道如何是不思議法青女乍臨樹頭赤碧波潭底桂輪明今日張居士身染貴恙入山辦茶求大眾轉念使他魔障消除身體康健抵如轉病爲福一句作麼生道病退身安混閒事積

德堂中慶有餘僧問銅肝鐵膽人皆具爲甚人無薦
得時師云太煞不唧啗進云還許他領畧麼師云不
許進云爲甚麼不許師云好事不如無僧禮拜
茶話師豎拂云拈起拂子穿過你諸人眼睛放下拄
杖壓碎你諸人觸體只如不拈不放你諸人向甚麼
處着倒良久云會麼風舞松枝龍耀日水流黃葉蝶
沉波僧問得其門者等諸佛於一朝失其門者徒修
行於曠劫請師指出其門普令諸人得入師云戒珠
圓陀陀進云恁麼則五百高流衆全身在個中師云
也是尋光認影進云離名絕相非今古越聖超凡在

藏那

瑞白禪師語錄卷之五

三

此時師云三十棒僧禮拜
陶陳吳邢衆居士設茶師豎拂云會麼圓陀陀不受
纖毫蓋覆赤灑灑全無半點囊藏焰萬象以無私周
法界而光耀直須進開頂門正眼徹見自己家珍作
麼生是自己家珍良久云秦峯一片雲雲變鑪湖幾
處水叮嚀今日是陶陳吳邢衆居士設茶請山僧說
法若論此事達磨西來只要人信得自己所以大珠
見馬祖問云阿那個是慧海的寶藏祖云卽今問話
的便是一切具足無所乏少這是第一個信自己的
樣子又大梅參馬祖問云如何是佛祖云卽心是佛

繇是大梅直信自心向大梅三十年不出山這是第
二個信自己的樣子遂豎拂云衆居士若向這裏信
得及說一個成佛也是多的所以古人云踏破鐵鞋
無覓處得來全不費工夫珍重僧問圓陀光爍卽不
問炤破頂門事若何師云叢山頂上風光好進云無
孔鐵鎚深逼拶眉毛血濺幾多人師云戒珠堂中瑞
氣新進云杖頭截斷三江浪別起驪珠耀太虛師一
喝僧禮拜
茶話向上一竅千聖不傳目前一機列祖莫辨連得
連不得石火電光有思惟沒思惟難免話會莫有密

藏那

瑞白禪師語錄卷之五

四

移一步者麼出來通個消息良久云直須透出虛空
外始好和光混太清僧問擦掌摩拳卽不問臥月眠
雲事若何師云水寒石骨冷進云莫就是他受用處
麼師云風清月色明進云假饒三根椽下七尺單前
又作麼生師云觸着磕着僧禮拜師回方丈
茶話水性常清淨波瀾本自如如來清淨禪圓明具
足者人人自心個個圓滿具足若聖若凡若老若少
若僧若俗雖迷悟不同不曾欠少遂豎拂云卽此拂
子人人皆見三世諸佛也如是見博地凡夫也如是
見老也如是見少也如是見僧也如是見俗也如是

見卽此見性各各圓滿具足既然各各圓滿具足必須起行操修所以有三期結制之說汝等諸人旣以進堂半期已過若有工夫已入手者正好造修使其純熟習氣輕薄妄想平淨保養聖胎若是未入頭者再加精進再加勇猛以期妙悟不可中路懈退珍重僧問師今顯此大神通的明何意師云法界本無私進云恁麼則棒打石人頭曝曝論實事師云秋深黃葉老僧禮拜

茶話心同虛空界示等虛空法證得虛空時無是無非法所以達磨西來不立文字掃除名相直指人心

支那

瑞白禪師語錄卷之五

五

見性成佛此是達磨傳見性之章本豈有是非也又七佛傳法偈云身從無相中受生猶如幻出諸形像幻人心識本來無罪福皆空無所住罪福皆空獨露心體此是七佛傳清淨心體之章本不逐聲色也今時有等妄生穿鑿自立臆見教人不要看心看性看理看玄單單向事相上看謂之一切事究竟堅固此豈不是杜撰也若如此做工夫落於聲色盡是邪魔外道豈同諸佛諸祖傳清淨心體見性成佛之法門也豈不見僧問趙州如何是西來大意州云庭前柏樹子僧云和尚莫將境示人州云老僧不將境示人

僧云如何是西來大意州云庭前柏樹子看他趙州雖然道個柏樹子原不將境示人古人爲人撥掉塵境事相單單直示人心豈似今人不許看心只向事相上看此豈不是迷却自心逐境飄流也若不以心爲本則開示學人做工夫者當參個甚麼悟又悟個甚麼真謂之邪說也古人掃除道理者祇爲學人坐着自心靜死水故爲掃除也所以云認着依然還不是黃蘗云是甚麼心教你向境上去看縱然會得也只是個炤境的心靈雲見桃花悟道所以玄沙云諦當甚諦當敢保老兄未徹在此正是不許你認着

支那

瑞白禪師語錄卷之五

六

自心也一向往往有人傳來山僧不信今見其開發示語山僧不得不言豈可坐視緘口今特舉似大眾一任簡點

茶話三祖云法無異法妄自愛着將心用心豈非大錯世尊云有無俱遣淨覺隨順直下教人識取自心豈有異法耶六祖云不思善不思惡或云放下着或云莫妄想皆直指無異之自心也法雖云易而行者實難後來諸祖或教看話頭亦只以異方便明此自心或看萬法歸一一歸何處者或看乾屎橛者藤三觔者或看柏樹子者或看無字者不許你起情識測

度要你起真疑斷偷心打成一片根境俱亡忽爾因地一聲識取自心也有等不識此意將此衆話頭一齊撥掉單單只看竹篋子正所謂妄自愛着也若竹篋子是則衆話頭亦是若衆話頭不是則竹篋子亦不是何故是則總是不是則總不是豈有好友耶祇如天奇毒峯俱看誰字話頭發明高峯看萬法歸一雪巖欽看無字話頭亦有看炭團而悟者亦有看摩訶二字而悟者似無念和尚看黃瓜茄子而悟者皆是起真疑使然豈有取舍耶若有取舍正所謂大錯也今特舉似大衆免蹈前弊珍重

支那

瑞白禪師語錄卷之五

七

茶話實際理地不受一塵三觀何施六度安用今世門頭不捨一法萬行齊修千儀悉備即今森羅滿目燈燭輝煌且道還是今世門頭耶實際理地耶會麼紅爐焰裏冰花結三九天中柳絮飛今日是頴水居士辦茶爲薦令岳母孫夫人高超淨土遂豎拂云若向這裏會得則孫夫人不來不去不生不滅向拂子頭上坐寶蓮花親觀彌陀親蒙授記良久云鴉鳴鵲噪頻伽鳥古木森森寶樹行邪驤超居士問云修行的人了却本分事爲甚麼有佛可成師云祇爲了却本分事又問六度萬行從何處起師豎拂云從這裏

起又問善惡二塗本無差別大修行人爲甚麼諸惡莫作諸善奉行師云當初祇爲芽長短燒了元來地不平士禮拜而退
茶話水碧秋深處處寒大菱落水望泥鑽毛豈摘來和殼咬現成公案不須參不須參納被蒙頭萬事完若向山僧數語下會得一切現成無所乏少其或不然將個本參話頭頓在面前念茲在茲綿綿密密打成一片忽爾因地一聲始知不須參之意也
解制茶話十世古今始終不離於當念無邊刹海自他不隔於毫端即如你諸人出家也是這一念行脚

支那

瑞白禪師語錄卷之五

八

也是這一念參善知識也是這一念結制進堂也是這一念堂中有話頭也是這一念咬牙側目擎拳豎臂摩毘擦禪研真斷惑種種施爲總不出這一念諸人還識這一念麼良久云三九寒氣重圍爐火正紅僧問一念即不問一念未生時如何師云烏龜爬上壁進云香煙宣妙法那個是知音師云張阿郎進云露柱證明師云三十棒又僧問牙齒藏日月即不問眉尖逞風流一句請師宣師云通身赤條條進云朶朶雪花開四野清香直透萬重關師云還有一重在進云活潑泥牛隨處吼師云撞着廣額屠兒剥了皮

僧喝師云頭落也不知僧拜又僧問如何是臨濟宗師云三十棒如何是曹洞宗師云破草鞋如何是潯仰宗師云大燒餅如何是雲門宗師云海中秋白浪如何是汾眼宗師云爐中火正紅僧拜師歸方丈住龍華結制普茶師云久默斯要不務速說今日當場分明露泄敢問諸人還得不得若得方可結制過冬其或未然再與你通個消息病朽辭顯聖渡江欲往終南習靜今雖居此也是逢場作戲云

教誨

瑞白禪師語錄卷五

九

喚作圓明精妙體又將甚麼爲拂子如此會得三條椽下七尺單前保養聖胎佛也無奈你何祖也無奈你何閻羅老子也無奈你何其或未然可將個本叅話頭一扣扣住如絲綿團遇着倒掛刺相似一滾滾作一團行不知行坐不知坐穿衣不知穿衣吃飯不知吃飯打成一片根境俱亡忽爾爆地一聲方可到家始識圓明精妙體也呵呵

杖便打又僧問如何是護國景師曰青松翠竹曰如何是景中人師曰七長八短曰如何是人中意師曰病軀思藥飲曰向上還有事也無師曰有曰如何是向上事師曰紫霞峯頂浪滔天僧拜歸位又僧問如何是縱師曰上座堪雕琢曰如何是奪師曰打殺你曰如何是殺師曰不存你性命曰如何是活師曰且放你出氣進云縱奪殺活蒙師指直捷一句又如何師一喝僧禮拜師歸方丈

教誨

瑞白禪師語錄卷五

十一

如萬里無寸草處作麼生去師復曰這裏下得一語始許明朝解制衆下語不契師乃云結是解時解是結時識得此個時便是時節至所謂時節若至其理自彰諸人還會麼秋日本釋香吾無隱乎爾僧問結解卽不問不涉修證一句請師直指師豎拳頭云會麼僧進云本釋香滿院人人鼻皆聞既是解制時爲甚有會與不會師云茅本無長短原來地不平進云國師始創和尚中興護國家風今昔同否師云去却異同心方知今古事僧禮拜云洞上宗風重振此天台不異昔靈山師云作麼生是不異事僧復作禮云

謝師此問師微笑

住龍華茶話時因結冬制普茶示眾齋堂新起添席
初開四海龍象雲赴而來且道弁山將何供養良久
云臨濟饅頭曹山酒雲門糊餅趙州茶珍重

碧岑設普茶請說入道捷徑師豎拂云挺然獨露絕
周遮擬欲修行兩眼花萬苦千辛遭挫折十方坐斷
路轉賒能領畧卽歸家何須門外覓三車大眾且道
家在甚麼處日炤寒光淡風高秋色深今日是碧岑
辦茶請山僧說做工夫捷徑若論本分一着子不屬
修證古云無你用心處或云莫妄想或云放下着豈

支那

瑞白禪師語錄卷之五

十二

工夫可做古有一言之下心地開通者有一喝下一
棒下明白者如百丈被擲得鼻頭痛而悟入豈用工
夫也但做工夫是不得已爲下根人的事如山僧最
初念佛後遇一老宿授以半偈念得口中白醭流又
不知何者是四大何者是心境又遇一老宿教我聽
楞嚴經至同別二種妄見處遂悟得根身器界總是
空花單只得個空境不得自心遂生撥無之念後見
雲門先師先師云四大是假心境本空何者是汝自
已問話者又是何人念佛者又是何人我被說着病
根是時疑情頓發至紹興府延慶寺一連七日七夜

立在佛前如人推一推這邊跳過那邊胸中忽湧起
兩句證道歌不離當處常湛然覓卽知君不可見忽
然悟得自已此是得本也如高峯在三塔閣上見五
祖真贊百年三萬六千朝反覆元來是這漢一般只
是不能轉身吐氣與栢樹子諸公案俱不知道遂佛
前發願拈闍拈個一歸何處終日提一句一句追將
進去緊一陣緩一陣冷一陣熱一陣只是不曉得後
來先師在廣孝寺開堂末後有四句偈云豎起脊梁
生鐵鑄放下面皮莫回顧猶如象王脫金鎖若不如
是何却悟我隨依而行之一連做了十多日打成一

支那

瑞白禪師語錄卷之五

十二

片行也如是坐也如是卽如高峰浩浩作得主一般
只是不明一歸何處次日老和尚小叅舉南泉斬貓
話汝等作麼道我卽丟蒲團過去如此不期然而然
卽會轉機也次日有位同叅道友頌南泉斬貓我卽
知他錯處彼云汝頌頌看我卽提筆成頌彼不服卽
呈先師先師云汝不是汝不如瑞白不通文者過了
春期夏間又約六七衆打七至第六日聞鐘聲忽然
身心脫落不見有一物當情此正是虛空粉碎大地
平沉時節正如高峯梳子撲落地一般的工夫纔得
個太平時節我是萬曆三十六年下山將自己衣單

盡捨與人單只一衲瓢杖蒲團而已七年衲不解帶
十三年無被至泰昌元年具足師弟見我甚寒白先
師先師命他送被一床自此方纔蓋被上來所舉這
都是我鈍根人爲的事若是上根何用費許多周遮
遂豎拂云莫有從這裏薦得者麼良久云葉黃秋色
老水清徹骨寒時有僧出一喝禮拜而去師云且喜
沒交涉遂歸方丈

茶話進堂一個月那事瞥不瞥更擬問如何今朝冬
至節節節若喫白菓咬破殼莫有悟明心地者出來
通個消息拄杖子與汝證據開示問荅不錄

文那

瑞白禪師語錄卷之五

三

海空設茶請茶話師云花開春滿樹葉落盡歸根海
空終見底人死不知心死後且置卽今諸人現在那
個是汝底心且道此心是青耶黃耶赤耶白耶常耶
斷耶圓耶方耶有耶無耶若人識得可出來通個消
息若也未知切不得熟睡饒語杓上聽虛聲
師設普茶囑托乃云老僧今日設茶有所付托遂舉
趙州問僧云曾到此間否僧云曾到州云喫茶去又
問僧云曾到此間否僧云不曾到州云喫茶去所以
老僧設一盃茶使汝諸人各各盪了嘴唇汝等可知
否此是第一等付托第二汝等堂內禪師各各用心

做工夫參禪發明心地使慧命有所賴此是第二等
付托第三內外一切職事各各爲常住爲法門爲衆
生要永遠堅固此是第三等付托第四潮州及長興
衆居士各各護持佛法護持錢糧他日俱是龍華會
上人此是第四等付托各各記取僧問如何是第一
付托師云茶碗乾到底如何是第二付托師云一呷
三口如何是第三付托師云賞你一個圓眼進云恁
麼則人人撐天拄地去也師便打僧一喝禮拜師呵
呵唐祈遠居士問盡大地是個自己屋裏爲甚麼要
回九華師云也少這一瓣香不得士云恁麼則和尚

文那

瑞白禪師語錄卷之五

四

元不離弁山弟子常得親觀師云善哉善哉付托有
在士禮拜

示衆

住龍華示衆四禁語第一不許暗中獨坐第二不得
尋光推求第三不許揀揀語言第四不得門外打之
遠如此做去不妨克日成功

過密印寺衆請示衆師云蕩蕩和風過晉昌李白桃
紅滿院香秣爲諸君渾不薦今朝特地爲舉揚須領
畧漫商量豈拂云會麼無邊花柳一時新拽杖便行
示衆一不得放過二不得話墮三不得孤峰頂上行

四不得三家村裏坐於此會得道遙遙通於此不會亦不曾失落作麼生是不失落底事良久云一條拄杖無長短滿面春光滿面涼莫有問話的麼僧問薰風南來是處生涼爲何弁山通人大熱師云太湖波浪三千丈僧禮拜

示衆暑氣將清未清梧桐葉落不落不是三要三玄亦非君臣道合會麼祇待交秋之後嶺上白雲寥廓住護國示衆崇禎八年乙亥二月初二日入院內外衆請上堂師不允惟大書數字榜於室前曰佛法不在陞堂當知不難日用若能此處會得更有何事不

瑞白禪師語錄卷之五

瑞白禪師語錄卷之五

五

畢如或未知各當努力開田鋤地運水搬柴捨此他求非吾至道珍重

示衆山僧住此山爲了諸公願若論佛祖相傳事不在高登大座拈提豎拂一問一答彼此酌唱謂之說法爲人古人巖居穴處茅屋石室張弓打土搬柴運水挑離插鋤皆是弘揚個事爾等日用時中能守本分莫向外馳或勞或逸或出或入蚤則起晚則宿饑則食渴則飲無非常人妙處豈乖佛祖相傳之事哉雖然切忌認着但能默契何事不畢珍重

示衆祖師云外息諸緣內心無喘心如牆壁可以入

道果有如此行履如此力量便是大力人超凡聖之機脫生死之徑乃在通矣何在病朽警策如何若何方能了事乎思之參之自不相賺

囑托職事夫爲佛子當報佛恩所言報佛恩者非但拈椎豎拂爲然卽看守古道場者荆建梵刹者聚衆坐禪者掩關者齋僧者造像者種種佛事莫不皆是報佛恩德耳今以弁山無主向未曾交脫不料覺元又不啣啗故此暫回龍華料理一番交脫清楚然後再來與諸公商量個事拈提格外以作休老之計願諸社友各發大心念祖道之荒涼愍護國之頽朽秉

瑞白禪師語錄卷之五

瑞白禪師語錄卷之五

上

四願以維持空三輪而造作精勤造守真報佛恩過石宕庵示衆桃源洞口來清泰庵中過明月庭前輝清風白雲播如此會得靚面無私如此不會也不妨處處磕着會麼天台山上清流水一路隨吾過天華寺示衆清風微微細雨霏霏天台老漢帶水拖泥良久舉拂云會麼扁舟過若耶白浪湧清池僧問清風微微細雨霏霏卽不問如何是帶水拖泥句師曰蒿塢葉船到天華進云還有爲人處麼師云領常住茶僧禮拜

住嵯峒山元旦示衆師云老僧有數語舉似大眾乃

云監院請我上堂老僧特爲宣揚勞券三十痛棒徹骨徹髓清涼諸人若也會得不負老婆心腸諸人若也不會天明點燭燒香不敢爲諸人說法只要據款結案

戊寅十一月八日崆峒山建達磨堂上梁示衆師云伐木誅茆三世諸佛全身露搬磚運瓦歷代祖師顯神通湛監院兩肩擔當衆禪和一心真切十方禪衲爭長競短肯肯綮綮八表檀那棄堵傾囊英英卓卓同祈國祚永固其明般若真宗卽今達磨堂已建立且道達磨大師在甚麼處會麼崆峒山色常春色寶

支那 瑞白禪師語錄卷之五 七

蓋峰高始道高監院問初祖佛法卽不問和尚今朝事若何師云臘燭盡輝煌進云恁麼則炤天炤地後畢竟作麼生師云兩脚趂錢糧進云此是監院事和尚事又作麼生師一喝院禮拜僧問崆峒故壇則不問達磨新建事如何師云橫梁豎棟進云恁麼則蓋天蓋地去也師云天下人有賴僧禮拜

示衆師病槩不見客一日西堂同衆職事進方丈問安云多時不見和尚待我等禮一拜師便拈起竹篋一齊打出復以偈示之曰衆職入室問安堂頭拈起竹篋當頭劈面便揮不知是何意旨咦九月楊花落

滿堤三伏炎炎水骨脆

庚辰仲秋師受南昌王請主百丈道過吉安府居士劉養純賴中衡伊北尤暨衆居士等設齋於請示衆師云明暗交參殺活機正偏兼帶顯離微大丈夫兒須了却莫負當陽第一機且道如何是第一機舉起念珠云萬雲從空起千波逐水流於斯會得現現成成無欠無餘二六時中一切具足圓陀陀活潑潑淨裸裸赤灑灑頭頭釋迦出世步步彌勒下生正麗居士有云日用事無別唯吾自偶諸到這裏既是自已說個正偏殺活縱奪總是閒言語於本分事

支那 瑞白禪師語錄卷之五 六

了沒交涉其或未然直須看個話頭畢竟是個什麼朝參暮究念茲在茲至於穿衣喫飯迎賓待客屙屎放尿總莫放過一朝冷灰豆爆驀地一聲管取現成受用大衆努力今生須了却莫待當來彌勒時僧問如何是本分事師云香烟繚繞進云如何是向上事師云燒餅一口咬個缺僧及衆居士禮謝

入就瑞白禪師語錄卷之五終

入就瑞白禪師語錄卷之六

明住天台護國寺嗣法門人寂蘊編

問答機緣

除夜僧問古人烹泥牛與大眾分歲未知今日雲門以何物分歲師云石女烹茶僧云怎麼則謝供養去也師曰木童把盞 僧問如何是雲門一句師便掌 僧一喝師又打僧云看破了也逢禮拜師曰久遠人這 師一日禮雲門先和尚像僧云像在此老和尚在甚麼處師云東山西嶺松僧無語師曰且道在甚麼處僧云東山西嶺松師打云學語流 僧問達磨

支那 瑞白禪師語錄卷之六

面壁意旨如何師云九載不通風又問人天交接兩得相見如何是相見的事師云兩眼對兩眼 僧問橫抱焦桐覲面酬請師彈出漢宮秋師云南無阿彌陀佛進云牛兒未解朱絃韻想再從頭鼓一周師云這一落索那裏來進云朝飛雉水吟龍盡在梅花一曲中師云學語流 僧問一靈真性依四大而住四大分張後向甚麼處安身立命師云山花開四色進云和尚歸方丈學人進禪堂中間事作麼生師云立地可知歸 僧問如何是雲門境師云綠竹青松進云如何是奪境不奪人師云閣黎解轉身進云如何

是奪人不奪境師云翠竹滿山林進云如何是人境兩俱奪師云乾坤一齊崩進云如何是人境俱不奪師云香風吹遍野遊人意氣新 僧問如何是四句師一喝僧一喝師便打 僧問五家宗派流芳遠洞下玄微請示陳師云寒蛩鳴砌壁進云意旨如何師云白鷺上青松進云與麼則事理全彰如何是不涉理事一句師云鑑湖波底月進云學人則不然師一喝僧禮拜云鑑湖波底月師云學語流 僧問千山疊疊萬竹森森是什麼人行履處師云秋風來我舍細雨灑芭蕉 僧問皓月懸空玄珠護水相隔天淵

支那 瑞白禪師語錄卷之六

如何撈捕師曰大菱和殼咬進云還仗阿誰力師云團眼去核吞僧拂袖云承和尚指示學人怎麼去也師云且喜沒交涉 僧問文殊是一切智人爲甚麼出女子定不得師云嘴長三尺進云罔明爲甚麼出得師云舌短二寸進云出得出不得是同是別師云猛虎咬大蟲 僧問桂輪孤朗爲甚麼清光不照師云忘功體更賒問雪鎖梅花爲甚麼香分嶺外師云靈氣難藏隱 僧問單明大法不明自己此人只具一隻眼如何是大法師云棒喝交馳接後機進云如何是自己師云猛虎咬大蟲又問如何是尊貴墮師

云大地平沉 僧問南泉庄上喫油糍意旨如何師云官不容針私通車馬 僧問龜神聞嵩山和尚說無生法得生天上既是無生法爲甚麼却生天上師云若不生天怎顯無生 一日師指施生臺云此物得甚麼古傍僧云古到古只是藤多些師云若不藤多怎顯古器 僧問古云終日喫飯不曾咬着一粒米既喫飯爲甚麼不咬着一粒米師云奉親事忙 僧問師住皖山還知皖山境界否師云頑石團團青松鬱鬱 僧問如何是正法眼藏師一喝僧一喝云兩喝後如何師云合着你的嘴 鐵壁居靜室僧明

支那 瑞白禪師語錄卷六

三

如何是無夢無想主人公師云鐵壁山高僧云莫說是麼師云是卽頭上安頭不是卽撥波求水僧云無是無非是否師云無是無非死水身棲僧拜云恁麼則來朝天池挑泥師不顧 僧問如何是不思議境界師云螺螄吞大象 有僧碧文從少林來言在北方講下十餘年少林住三載師卽問曰宗教兩般都不問你將腳跟下一着子道一句看僧云自己腳跟下沒有甚麼說師笑僧少停請師道師云待石磔磔開花卽向你道僧云石磔磔開花也師云向汝道竟僧云謝師指示師云承虛接響漢 居士問戶外清

風正入室時見個甚麼師云相識滿天下知心能幾人又云瞎又問十方聲動一時俱聞正恁麼時如何抵對師云遊絲風前舞一句絕異聞又云聾又問有時山青水綠有時不山青水綠有時花開蝶滿枝有時花謝蝶還稀恁麼風光落在何處師云石女唱山歌清韻無腔調又云過又問五根性地用之則同五處境緣是同是別或分未分誰做阿翁師云黑漆燈籠光焰夜又云同別總是境分不分是塵空花何足究兎角不須論誰做阿翁問端的從來雨落地地下濕問有氣爲生無氣爲死生卽生有死卽死無無既無

支那 瑞白禪師語錄卷六

四

生云何生有誰從無來能知無底師云石笋抽條色更鮮又云生本無生死亦無死生死性空緣生則聚能知其底鐵犬嚎吠問天上天下唯我獨尊此我是我指我作我彼若立我必有所對云何獨尊獨尊無配畢竟作麼直言無諱師云露又云既云獨尊元無有對覲面無私風吹柳絮問佛法僧三連則能侗分則成概畢竟如何方不二說師云鐵裹綿團又云佛法心三元是名言能侗成概總是妄談不二之說松竹唱言問且勿論古亦不立今正恁麼時塵勞頓起燕雀爭吟除則增頭著則失身這位真人位居何地

師云泥鑄金鐘鐵打茅苦又云古今不立正性條直
塵勞頓起光騰萬里增頭失身是自家底這位真人
居何地夏池荷葉生青翠 居士問銀漢無聲水輪
直上時如何師云清光普照問手足俱無如何是爲
人處師云一枝枯木正芬芳問不執本來中間是甚
麼人師云胡張三黑李四問明君登極四夷咸寧各
營不卸甲時如何師云時時奉重問龍女獻珠成佛
爲甚卽今立菩薩下風師云若不立下風怎知他成
佛問善財一生果證爲甚麼今尚雙髻小兒師云易
分雪裏粉難辨裏中煤問若人識得心大地無寸土

支那

瑞昌禪師語錄卷六

五

許多卉木何處栽培師云落花隨流水 居士問經
云心生法生心滅法滅何故大慧云心生法滅性起
情忘似意相乖師云石人打破水中天士復請開示
師云心生法生者根塵對偶之妄心也妄心單根不
立獨境不彰所以同生同滅大慧云心生法滅性起
情忘者真心露而法塵滅本性起而妄情消是也
博山三問問學者時有禪人持此語請師答之問古
澗寒泉水作何色師云明月映蘆花問不萌之草爲
甚能藏香象師云焰裏梅花開四色問脫體無依的
人向何處安身立命師云大唐說法新羅打鼓 張

居士問經云大火所燒時我此土安隱如何是安隱
處師云三兩綿子六兩條問經云我今爲汝保任此
事如何保任師云明月照塔前 王印海居士問曰
老師大事徹矣師曰敢問居士以何爲大事士曰性
命爲大事師曰以何爲性命士曰萬象森羅悉無不
是師曰此是境緣邊事且道放下境緣如何是性命
士以脚踏一下師曰此亦是境緣邊事士無對師曰
而今人都向情識邊作活計撒下境緣畢竟尋個落
處始得士曰老師落處作麼生師云今日天晚明日
來士曰道無蚤晚師曰又墮情識士無對 沈求如

支那

瑞昌禪師語錄卷六

六

同史青都子虛居士上山喫茶次師曰沈居士五六
年不相見未知你本分事何如沈曰本分事在
事師便掌沈曰還嫌鉢盂無柄那師曰你元來在鬼
窟裏作活計沈曰沒眼漢師曰本分事也不識 謝
居士問如何是法身師云五位峯頭浪潑天如何是
報身師云花紅柳綠笑嘻嘻如何是化身師云明月
印千江士禮拜而退 問金剛經云如何是過去心
不可得師云水底月如何是現在心不可得師云空
裡花圓覺經云如何是非幻不滅師云萬里一條鐵
士禮拜 僧問如何是閉門造車師云魯班真脉線

不許外人知如何是開門合轍師云半路大路一條
線 西堂孤屋問如何是無佛處主伴重重師云我
同你在這裏問作麼生是度生時聞音落落師云噫
噫噫叭喇吽問仰山當時插下鉤子爲山道南山大
有人刈茅意旨如何師云虎有起屍之德問只如仰
山拈起鉤子便行又作麼生師云子承父業九峯爲
甚麼不肯首座師云峯巒奇秀鶴不停機問只如他
道明一色邊事不契先師意旨未審先師意旨如何
師云枯木生花問古德道無身有事超岐路云何是
無身有事師云野岸不逢人問無事無身落始終作

支那

瑞白禪師語錄卷六

七

麼生是落的意師云月落潭無影灰飛煙亦無問猛
虎以肉爲命爲甚麼不食其子師云草鞋肚裏四條
經問法法不相到爲甚麼風來便息了燈師云眼花
作麼堂拈起燈柱云既是分明極爲甚麼又道所得
遲師云過蟻難尋穴歸禽易見巢 僧問一口氣不
來何處安身立命師云日焰寒光淡進云畢竟如何
師云山色冷如水僧禮拜起少停又問曰山色冷如
水意旨如何師云大地徹骨寒問如何是佛師云葉
落秋林僧云學人不曾師云遍地殘紅 僧問如何
是住山斧子師云八兩半斤問古云渠正是我爲甚

支那

瑞白禪師語錄卷六

八

我不是渠師云秋水連天碧問摩竭令提婆宗是同
是別師云弁嶽呵呵笑問如何是大機大用師云三
十棒一棒也饒汝不得問如何是末後一句師云須
彌跢跳上三十三天問這○字意旨何如師云暗問
燈籠遭撲爲甚麼露柱頭疼師云九曲池近來被沙
塞問牛過窓櫺頭角俱過爲甚麼尾巴過不得師云
虛空粉碎大家看 僧問父母未生前如何是學人
本來面目師云紅日上粉牆進云學人不曾師云光
明燦爛僧禮拜 一僧住山求師指示師云一下鋤
頭三刀栗僧云種後如何師云茅團芋頭好煮粥僧

無語少停師問你歸山一句作麼生道僧云單瓢直
杖師云恁麼則行脚去也僧云正是住山師云未有
住山意在僧云學人只如是和尚又作麼生師云棄
卻瓢囊擊碎琴僧禮拜 僧問鴻濛未判天地未分
如何是空劫已前事師云水冷草枯問如何是今世
門頭事師云一陣和風起徧地盡花開問世尊爲甚
麼拈花師云祇爲你不薦問迦葉爲甚麼微笑師云
一人傳虛問如何是衲衣下事師云橫針豎線問一
人發真歸元十方虛空悉皆消殞如何是消殞的事
師云玉人夢破一聲鷄 離言西堂問善財徧參知

識爲甚麼獨不參府舍那如來師云誰是虛舍那曰
徧參知識爲甚麼獨往南方師云空接空問善財初
見文殊已得根本信智其後又見文殊是何意旨師
云騎虎頭收虎尾問文殊遙伸右手過一百一十城
摩善財頂還攝不見有何深意耶師云葉落歸根問
龍女成佛爲甚麼須待分身佛集師云月落潭無影
問多寶出現爲甚麼須待分身佛集師云月落潭無
影光明徧大千問一寶塔中爲甚麼却容兩佛師云
烏鴉頭戴雪問佛土本淨爲甚麼更須三變師云黃
金瓦礫 眠石西堂問上既無佛可成下亦無生可

支那

瑞白禪師語錄卷之六

九

度未審諸佛出世作麼師云葉落塔前梟問達磨西
來不立文字因甚又道楞伽四卷可以印心師云竹
密不妨流水過問弑父害母不容懺悔呵佛罵祖還
有過也無師云花落鳥不驚問不立階級的人如何
接待師云蒼天蒼天問宗教無二致因甚門庭各立
師云油鹽醬醋問事事無礙緣何水不容火師云天
空雲影轉問戒爲定慧之基因甚麼不守師云嘛呢
叭咪吽問三世諸佛爲甚不知有師云只爲你多事
問狸奴白牯因甚却知有師云觸着磕着 僧問撥
草瞻風祇圖見性卽今學人性在何處師云山高水

低進云見得自性便脫生死眼光落地作麼生脫師
云西風颯颯進云既脫生死便知去處四大分張向
甚麼處去師云草枯霜花冷 僧問典化擯克賓維
那意旨如何師云孟母三遷教僧求頌師云驀地相
逢探個人寒巖獨坐自沉吟棒頭覷面全提挈從教
日後自分明僧禮謝 僧問緝目澄清四大海未審
佛身何許大師云黃瓜茄子問一切有分何爲獨計
狸奴白牯師云祇爲安分問古云禪是佛心教是佛
語然而語從心發如何有宗通教不通者師云啞子
話古今問佛祖出世凡有施爲莫非爲人如何是自

支那

瑞白禪師語錄卷之六

十一

受用的師云目瞽童人不出頭問宗門無肯語如何
又有付法之說師云木人害相思 僧問古人謂向
上一路千聖不傳把斷要津不通凡聖今云若有佛
法可傳便與古人斯言相背若實無可傳則今舉揚
酌唱者是甚麼法師云不因柳絮隨風舞怎得桃花
逐水流問大徹悟的人爲何命根不斷師云當初祇
爲茅長短燒了元來地不平問有不悟的人還出生
死也無師云大唐天子不肚饑 僧問古云有佛處
不得住無佛處急走過要問個住處不知向甚麼處
開口師云上來供通是實曰不落不昧向甚麼處商

量師呵呵大笑問北雁歸南地還有西來意否師云一回飲水一回咽 僧問世尊云如來清淨慧皆因禪定生六祖云我這裏不論禪定解脫貴乎見性成佛佛祖一個鼻孔因甚各有不同師云一點水累兩處成龍問知之一字衆妙之門因甚又道衆禍之門師云鏡中無痕相河底却有沙問有一人禪也不參道也不學佛亦不做未審此人還撥因果也無師云三十棒貶向鐵圍山問極目能察秋毫因甚不見眉毛師云這裏不是問人人有個主人公爲甚只是不見師便打云見麼問無一法當情爲甚被物所轉師

支那

瑞白禪師語錄卷六

十二

云祇爲無一法當情問楞嚴云圓明了知不因心念夫心有念有心無念無且了知既不因心念願聞其肯師云動容揚古路不墮悄然機 僧問一念不起淨眼圓成一切事法宛爾無殊此之境界與悟人境界是同是別師云秋深水含碧問心不是佛智不是道如何是真佛真道師云海棠滿院香問水中鹽味作麼生分析師云花香滿粉牆問一句話頭絕斷一切事法如兵討賊賊盡兵休而因甚不悟師云鐵馬吼虛空問話頭提掇得力綿蜜處忽身心世界盡情忘却時主人公復在何所師云泥牛撞倒須彌山

雪航法師問若人識得心大地無寸土卽今山河大地是有是無師云鏡裏莫攀花問念念釋迦出世步彌勒下生爲甚麼又說擬心卽錯動念卽乖師云長安甚開我國晏然問纔生一念卽傷他永嘉又云若實無生無不生師云貧恨一身多富嫌千口少問菩薩護生猶戒草木爲甚麼南泉斬却猫兒師云當陽拈出無縫罅問古人道若論此事直須如鏡常明爲甚又說打破鏡來與汝相見師云柳巷花街無住足問自心起信還信自心且道信後如何操履師云石牛翫月問達境唯心已分別卽不生畢竟如何達

支那

瑞白禪師語錄卷六

十三

境唯心師云潘塘花柳醉遊人問如何是今日事師云花紅柳綠問如何是無見頂露雲攢急師云夜半正明如何是劫外靈枝不帶春師云天曉不露如何是那邊不坐空王殿師云莫守寒巖異草青如何是爭肯耘田向日輪師云不向紅紫闌芬芳 僧問叅到急親急切處一念不生時回頭返照尚有一念不生在此後當如何用心師云此處正是生死根本須要努力打徹始得問叅到內不見心外不見境止有虛明一片凝然不動者如銀山鐵壁去此後當如何用心師云境空而心不忘正要跳過銀山鑽穿鐵壁

方可到家問叅到急親急切處不自執迷不取解脫
不斷生死不求菩提當此際也雖有妄想亦不留碍
此後畢竟如何用心師云此處正是鐵山下鬼窟莫
守寒巖異草青坐却白雲宗不妙必須百尺竿頭更
進一步始得問叅到根境無依猶如空中樓閣七倒
八顛相似畢竟于用心處云何倒斷方能續佛慧命
廣導群迷以報我和尚之恩耶師曰必須將此七顛
八倒抖擻乾乾淨淨向那邊更那邊打一個翻身回
來却向今世門頭應用無碍雖然如是更須知有向
上一竅在若要知此向上一竅老僧與你通個消息

支那

瑞白禪師語錄卷之六

七

三秋籬菊陳金色映水芙蓉朵朵鮮 僧問如何描
得先師像師畫圓相示之僧無語師良久云會麼僧
云不會師云先師像也不識僧禮拜 僧指先師像
云這個醜陋形阿誰肯供養師云專爲流通問最初
威音王末後樓至佛叅見何人師云鬚張三黑李四
問如何是寬濶句師云包天裹地問多年舊病不痊
乞賜一方師云慈心湯送死猫頭問家遭賊劫賊又
不知賊又不認得乞賜神力相扶掃除安靜師云王
莽元是漢朝臣 黎明郭居士送書至師開見一張
白紙師云已喫吾三十棒了也遂將此語寄回 師

一日上堂有僧問云修證則不無染汚卽不得一物
無依的人作麼生修證師云秋樹梧桐老僧擬議師
便打三日後僧進方丈師云敗兵來了僧云今會也
師云秋樹梧桐老汝作麼生會僧云當體赤條條師
云未在僧卽云秋樹梧桐老當體赤條條隨緣聞應
用何處不逍遙師打一竹篋僧禮拜 僧從木渡來
求住請開示師打一棒云會麼云不會師云汝向這
裏看去年深日久自然有個入頭處中不曾走却驚
復示之以偈云一棒當陽勢自彰要伊直下肯承當
電光石火如能薦頓息鈴聲返故鄉 座主參和叅

支那

瑞白禪師語錄卷之六

七

禮人事次問云門庭施設卽不問如何是乾清宮中
事師云木人舞袖修作禮師及詰曰宮中事且置門
庭邊事如何僧擬議師便打

入就瑞白禪師語錄卷之六終

入就瑞白禪師語錄卷之七

明住天台護國寺嗣法門人寂蘊編

問答機緣

師住護國衆請結制上堂不允惟任入室請益一日
內外堅請上堂師遂呵罵拄杖打出有僧曰請和尚
說法却被打出又一僧曰這老漢全身爲人 僧問
如何是宗乘師曰破草鞋 僧問如何是禪師云松
枝垂曲曲 居士問生死不明乞爲開示師曰爾既
不明何因到此士曰仰和尚大名師曰承誰恩力能
知瞻仰士沉吟師震威一喝士遂有省 居士問天

瑞白禪師語錄卷之七

二

台山高未爲高和尚德重是爲重請垂悲愍爲示至
道師曰道在爾邊求之却遠士曰弟子迷昧敢乞指
明師拈起竹篋曰會麼復擊案曰咩咩士連拜曰卽
此是也師打一竹篋曰更道士復作禮而退師曰會
則迷迷則通士沉吟師曰依此看去 僧問昔韶國
師紹法眼正脉未識國師正脉還有相繼也無師曰
歷歷曾無味佛祖總相傳進曰恁麼則五宗原一脉
堪笑復分門師曰閣黎知一脉也未僧沉吟師曰若
是到家人何須話長短 僧問趙州有趙州無還是
有無否師曰天清地濁進云許人學說道理否師曰

瑞白禪師語錄卷之七

瑞白禪師語錄卷之七

二

不許僧曰爲甚不許師曰佛祖無法說僧無對師打
一篋曰叅 僧問如何是室中事師曰非汝能知僧
曰請和尚指示師曰且去明日來僧禮拜師打一篋
曰這裏無內外卓卓要分明 僧問護國十景如何
是紫霞峯師曰仰之彌高如何是玉印峯師曰鑽之
彌堅如何是永護峯師曰瞻之在前如何是三台峯
師曰忽焉在後如何是蓮花池師打一篋曰會麼僧
曰景致衆師指宗乘事若何師曰主山高聳案山低
僧作禮師曰還有問麼僧無對師喝復曰歸堂去
如安麗然論古彼此不服師聞喚入室中曰你各舉

來二僧將開口師曰每各好與三十棒皆作禮而出
時有僧曰是賞是罰師打一竹篋曰歸堂去 素樸
閣黎問天台聞久今日親來不涉途程一句請師明
示師曰露柱懷胎賴燈籠進云與麼則宗風徧大地
個個獲清涼師云在汝分中如何受用僧拜云頭頭
自偶諸師微笑 僧問昨日燈籠發笑今朝大地增
光祇如光景俱忘又作麼生師曰石女蹉跎無朕跡
木童撫掌孰能窺僧拜曰謝師答話師曰得免貴忘
蹄 四月八日戒期畢圍頭問如何是戒師曰莫動
着如何是定師曰洪波本自如如何是慧師曰光明

晉徧如何是向上事師曰霞峯卓爾出群峯僧拜師打曰少此棒不得師再問曰賓主睦時全是妄君臣合處正爲邪作麼生得不妄不邪去衆下語不契時嘯雲上座卽趨室中日開和尚垂問今來奉荅泥牛吼破沉潭月木馬嘶空峻嶺雲師微笑曰親到始得雲曰這是甚麼處還看得個親疎師休去次日結夏制命爲第二座時有數僧乞爲說破雲曰請問和尚去僧問師曰問取西堂去僧回復問雲曰問和尚否僧曰和尚叫來問師雲曰昨夜石虎生雙子今日依然不見踪僧不會作禮而去雲曰蒼天蒼天師

瑞白禪師語錄卷之七

瑞白禪師語錄卷之七

三

聞曰疑殺世間人僧入室禮拜呈夢曰昨夜得一夢夢師付拄杖一根卽陞座說法今特呈師師曰你若除却虛浮心肯真實做工夫日後自有悟在何必打妄想作夢又來說付法恐有人笑你在僧面赤而出師大罵之有僧呈紙一張跪地求法語內要師讚美師大書一篇末後乃曰能依病朽語不枉爲個僧不然終是駢前馬後輩○會麼風吹陣陣桂花香紅輪映入鷄冠赤師游桃源洞回作詩一律侍者舒光問如何是杖頭春色師曰照天照地進云如何是鉢底清風師曰八面四方進云人人有分爲甚麼

和尚獨自受用師曰柰他脚跟不點地進云恁麼則個個受用去也師曰且到桃源洞口看僧禮拜曰不外此山中師微笑僧從天童來呈頌一本行脚機緣一本乞師印政師曰若求印政則非正也僧不服無語師斥之曰野狐精處處食人涎唾濟得甚麼事僧知非乞開示求住師令焚之復開示僧半月不睡後有省師住崆峒座主率衆參問云如何是無聲聞師云鴉鳴鵲噪如何是離色見師云青黃赤白如何是和尚眼師便喝如何是學人心師云鑑照進云和尚莫分別師晒云汝又向分別處作活計僧問

瑞白禪師語錄卷之七

瑞白禪師語錄卷之七

四

如何是子仙禪院事師云人人鼻孔撩天進云祇如崆峒八景又作麼生師云怪石奇峯秀進云崆峒八景與子仙禪院事是同是別師云青流落貢溪石鼓參問云學人偏位中來請師正位中接師云不接鼓禮拜云謝和尚慈悲師云話未圓在鼓人事畢侍者禮拜問云石鼓問話未圓請和尚圓却前話師云你問來者云爲甚麼不接師曰恐汝向正位中作活計本珠問雪覆千山河處覓歸家之路師云看脚下問明月蘆花如何辨別師云瞠開眼問佛祖近傍不得的人作麼生親覲師一喝珠禮拜好木問學

人妄冒塵勞斷不是不斷不是畢竟如何是師云莫把是非來辨我浮生穿鑿不相干問鬼窟風起家賊難防還許剿麼師云正好聽用問智識俱泯聖凡不立的人爲甚麼還有噴喜師云煤人頭戴五花冠問千刀萬刃不能入的是甚麼物師云水底燈花問有無俱非如何是非非肯師云一呼三凡浪一吸九州乾界滋問歷代規模從何而起師云看取令行時問如何是山中禪師云頑石蒼苔古如何是市中禪師云驢嘶馬叫如何是村中禪師云犁耙日日新問盡大地骷髏如何活去師云花開碧嶂紅如錦問拈

支那

瑞禪師語錄卷之七

五

刀弄斧如何不犯鋒鋒師云雨打梨花蛺蝶飛問哉斷命根如何下手師云頭落也不知問出脫這個將甚麼提攜師云葫蘆浪裏顛問鳥道玄路如何得縱橫無礙師云橫衝直撞問如何是君師云紫石磊磊尊如何是臣師云雄峯草色青如何是君視臣師云青鏡韶花林如何是臣奉君師云黃葉舞秋林如何是君臣道合師云古殿無朝客永絕天子音問古云投子山打瓦鼓楊平山撒白雨抵如瓦鼓子作麼聲師云瑟瑟進云白雨下取龍女織得絹二丈五一半屬羅江一半屬玄武這足絹又作麼生分張師云你

一半我一半問古人閱破龜墮因緣忽然大悟如何是他悟處師云白日見青天問前問一併芟却請師沒口道一句師畫○僧問世尊拈花達磨面壁崆峒爲甚麼水上來師云一機獨露問江西馬祖稱選佛場祇如不落凡聖的人又作麼生選師云高中一名問活潑潑轉轉地未審節目在甚麼處師便咄問同光帝問興化朕收得中原一寶祇是無人酬價化云借陛下寶看帝以手引摸頭脚此意如何師云白鷺下田千點雪問雲門一寶如何秘在形山師云黃鸝上樹一枝花問如何是大唐國裏無禪師師云

支那

瑞禪師語錄卷之七

六

古路不逢人問如何是廓然無聖師云故國絕疎親僧問悟後的人未審以何爲食師云一株菜三莖菹問達磨大師隻履西歸得何方便師云兔角拄杖問長安問前百丈爲甚麼墮野狐身五百劫師云陰花難盛露後百丈爲甚麼出得野狐身師云朝陽日色舒問文殊爲何出不得女子定師云雄峯覲面存罔明爲何又出得女子定師云松翠鎖雲煙問高峯枕子未落地時是如何師云寶持瑠璃瓶安能快撒手枕子落地後時是如何師云家中無一物出門利萬金問如何是鸚鵡救產難因緣師云一片祥雲起幾處

妄疑猜問如何是崑崙騎象鷲牽師云石笋開花
色正鮮問大千却壞時如何得不隨他壞師云牛皮
靴鼓響瑟瑟曹自悅居士問一念未起時如何師
云石人戴鍬帽復頌曰石人戴鍬帽不落古今調真
機覲面提當下沒可保問萬念紛擾時如何師云縱
橫自在頌曰縱橫自在成團作塊塢裏桃花岸邊柳
絮問忽然忘念時如何師云夜半日頭落頌曰夜半
日頭落當念亡穿鑿識得渠儂時驢子三隻脚師
上百丈泰和縣妙合請齋於苾芻園楊塞雲居士問
云大師親觀湛老和尚幾多年師云前三三後三三

支那

瑞白禪師語錄卷之七

七

又康田甫居士禮拜有楊行甫居士云此公乃宗門
中人也師提念珠云這個是宗耶教耶律耶淨土耶
康云總不與麼師云居士畢竟又作麼生康無語師
云好與三十棒宗侯朱玄阿居士問江西緣起無
風之波振一旅之師防不須打殺如何得天下太平
師云木女彈琴問孔子厄於陳蔡從者不亞崆峒千
古文章於斯爲盛今日大師遭圍是同是別師云石
女觀陽燄問白法道場今已復某甲晝夜黑漫漫敢
問衆緣作麼生得淨師云木馬遊春僧叅云會曹
洞宗旨師乃舉僧問洞山蛇咬蝦蟆救卽是不救卽

是山云救卽雙目不覩不救卽形影不彰如何是救
卽雙目不覩僧云猶帶識在師云如何是不救卽形
影不彰僧云猶帶情在師云恁麼則未知洞山宗旨
在師復舉此以驗大衆各下語呈頌俱不契師意
維那克歸請師代語師云你問來歸禮拜問云如何
是救卽雙目不覩師云芳花無艷色如何是不救卽
形影不彰師云鍬壁也須放光明復請師頌師乃頌
曰芳花不艷澄真跡鍬壁放光露古顏正去偏來全
理用沒弦琴上有音鮮僧復呈八問師一一荅竟
更請師頌師頌八首以示之僧問如何是一色師云

支那

瑞白禪師語錄卷之七

八

雲封古岫復頌云雲封古岫本無差心境何勞驗作
家兩岸蘆花飛白雪禪人依舊眼睛沙問如何是不
得色師云根境不到復頌云鐵壁银山若個攀大千
沙界絕遮欄石牛高卧忘水草獨坐巍巍睡正殘問
如何是借師云清風明月復頌云脫體無依絕往還
也須垂手過前山桃紅柳綠花狼藉滿面東風開咲
顏問如何是借借師云明月照見夜行人復頌云一
顆摩尼全體露赤白青黃影現中方圓長短渾無礙
癡兒切忌墮偏中問如何是不借借師云石牛吐露
三冬暖復頌云夜深獨自寂無依開門聞步月明時

藤蘿倒挂懸崖下又聽猿猴喚子歸問如何是全超
不借借師云石女踏翻水底燈復頌云寒水冷凍正
威嚴玉關寂寂有誰前琉璃殿上君臣泯杳杳未央
不露顏問如何是始師云肇復頌云有時覲面不相
逢有時相逢不覲面瞥爾一念露真規石火光中須
急薦問如何是末師云黑頌云末後一句太無端木
人歸去夜深闌麻衣脫却形踪泯衲子徒勞着眼看
蕃光問久別尊慈特來省候如何得不辜負去師云
只要你設齋光舉坐具云請和尚慈納師一掌光禮
拜云謝和尚不恡慈悲去也師呵呵大笑

瑞白禪師語錄卷之七

九

垂問

師住龍華護法唐司馬存憶居士誕辰又因薦舉招
尤師命眾諷蓮經延生解釋經畢師垂問云退位朝
君卽不問冠帶還鄉事如何眾下語畢請師代語師
云歸隱林泉榮祖業那管長安車馬喧 師住崆峒
因侍者玄輔禮佛師問云禮拜爲求智慧爲甚愚癡
喫飯爲要腹飽爲甚壯飢者無對請師代語師云執
藥應成病貪食過轉賒又云一帶煙嵐封寶蓋數點
殘星霄漢中 崆峒除日供雲門大師真師問眾云
從古已來皆稱頂像老僧今日將雲門先師寫作像

頂汝等諸人商量看還是頂像耶還是像頂耶說得
端正明日乘拂衆下語畢師云總沒交涉克歸問云
師意如何師驀頭一棒便歸草龕克歸復問畢竟是
像頂是頂像師云雲封寶蓋霧鎖崆峒克作禮而退
元旦齋畢師問盡虛空所有世界盡世界所有人物
皆過年拜節還有不過年的人麼眾下語不契僧請
代語師云寶鏡不隨春色轉澄潭豈逐月輪飛 衆
入室問安師問昔日十大高僧爲却氏夫人禮懺却
氏得脫蛇身今汝等二十人禮懺爲老僧保病懺完
爲甚老僧病不愈侍者云豪門偏覺貴天子不知尊

瑞白禪師語錄卷之七

瑞白禪師語錄卷之七

十

師云也只道得一半者問訊云謝和尚證明 師于
戒珠垂問云黃昏鷄報曉爲復不知時節爲復別有
長處 又問云有一人大唐國裏不許安身蠻夷邦
中無容住足且道過在甚麼處 師百丈垂問三則
云佛殿當門簷椽因何墮落一花問野狐旣脫去皮
袋因甚虛名千古不昧問冬天日色爲何寒冷
答幻輪法師十疑問并書○ 附來書

伏惟宗門久曠湖地更踈數百年不聞提唱之聲
幾千里少見舉揚之事茲者禪師出世弁幘流光
整持已墜之綱振起永淪之界人天拭目以觀瞻

龍象傾心而咨請大開向闕禪篇殊多疑闕未逢
具眼作家曾無剖決幸遇出群宗匠有藉指歸望
金錚之抉翳青目輝華願寶鏡之鑑微愚衷朗豁
畧申十則顯俟報音激切具陳伏希慈恻
世尊降跡惟指一心無人擔當三乘別演開性相於
空有談經論於五時方便調機皆爲一致拈花破笑
乃心體之傳來不立語言實覺知之格外迷之者禪
自禪而教自教悟之者禪即教而教即禪惟在人明
道元無二今承數問理曠機微畧陳鄙懷寧副尊意
伏惟明鑒草復不宣

又那
瑞白禪師語錄卷之七

瑞白禪師語錄卷之七

十一

今於十問每一問下各有二答先以宗眼提持
然後依理破疑

問世尊始降分手指陳天上天下唯我獨尊此宗
門第一則公案也疑曰宗門之唱必爲接機當此
之時所集者不過官娥綵女走使黃門而已誰能
領悟玄旨而世尊急忙舉揚此道也且功不浪施
法無虛設若唱此玄宗無一人領畧者不徒然其
聞設乎此事在教用顯三界獨尊則便在禪而爲
第一極則恐未必盡與否
答明月舒光 又破疑云雖知根鈍且稱本懷也要

露個消息世尊一日曾非男女黃門之別也

問普眼欲見普賢三度入定不可得見佛教普眼
但於靜三昧中起一念便可得見普眼依之果然
得見普賢疑曰禪宗之道要在一念不生純清絕
點太虛相似尚難湊合此何入定不見而反起念
得見耶豈靜定之功不如動念之有力耶今欲求
見法身還以靜定而得見耶還以動念而得見耶
答秋風吹黃葉 破疑法身無相不可以動念見也
無動念處是真見法身普賢即自心之行也行以動
念觀之故見耳

又那
瑞白禪師語錄卷之七

瑞白禪師語錄卷之七

十二

問世尊說大集經勅一切衆生各發弘誓唯一魔
王曰我待衆生悉盡成佛無有衆生名字我乃發
菩提心疑曰此魔王者住何境界而作如是偈強
之說也然此是能發菩提心者耶是果不能發菩
提心者耶

答月落潭無影 破疑真法界中無有發不發耳祇
是一個魔王何境界之有哉

問調達謗佛等罪生身入地獄等又經言調達累
世與佛爲讐至於法華則言調達是過去授法之
師轉授調達當佛之記疑曰調達於此果入地獄

耶不果入地獄耶入地獄則違法華師佛記佛之
文不入地獄則背謗佛譬佛之說畢竟是何意耶
答風吹柳絮毛毬走 破疑實際理地不受一塵祇
是一個調達無有墮地獄成佛之事今世門頭不捨
一法則先酬其報而後成其佛有何不可

問世尊靈山會上拈花示眾眾皆默然唯迦葉微
笑故得付法疑曰此是百萬人天眾非不廣也教
化已久根非不熟也迦葉之在法華猶為中根其
餘上根利智非無傑出之人也此道人人有分何
止一人獨得而餘皆絕望也經云但有聞者皆得

支那

瑞白禪師語錄卷之七

七

作佛豈教之接機普而禪之接機隘也

答仲冬嚴寒 破疑雖眾廣根熟所悟不同一人領
解者意在付囑此道非廣隘之謂也

問世尊臨入涅槃文殊請再轉法輪佛言我四十
九年未曾說一字疑曰佛法流入此土者尚五千
餘卷而天竺及天官海藏不知其若干數量矣經
云去來坐立常演斯經文云熾然說無間歇而世
尊何緣作如是說耶佛無妄語畢竟是曾說耶未
曾說耶

答門外歌聲滑 破疑五千餘卷龍宮海藏者乃黃

卷赤軸也常演此經無間歇者乃自心之旨也豈關
名句文身事乎

問從上禪宗一向闢教然初祖西來卽以楞伽付
二祖爲印心之本五祖以金剛而設化六祖闢無
住生心之旨而開悟後之繇華嚴法華楞嚴圓覺
等發明此道者不一則教無負於禪也而禪何妨
於教而用闢之茲復還並行而不悖與否
答石女梳粧 破疑曾無祖師闢教之說或有闢者
皆是呵叱其病也非叱其教也如永明天如泐潭諸
大老皆宗教並行之

支那

瑞白禪師語錄卷之七

七

問古聞禪律相非蓋禪則直捷簡徑律則瑣細勞
煩故兩不相入也然禪是佛之所傳律是佛之所
制其源同出於佛也僧者均是佛徒同尊佛道何
故相非還當各循一法而行也還宜兼修而兩無
害耶

答芳花無艷色 破疑通人達士必無此說執相迷
心故爾相非禪是心之體也律是心中相用也有用
無體全是虛詐有體無用必喪孤危若缺一者乃凡
夫見耳

問中峯禪師云禪者淨土之禪淨土乃禪之淨土

也有言叅一歸何處與叅念佛是誰皆可以起疑情發悟門者也如永明天如楚石空谷諸師皆以禪淨兼修今可卽念佛以叅禪不離當處求生安養與否

答九品無冬夏 又曰禪土皆自心耳如中峯所言問大聞愚昧一法無知曾覽華嚴一真法界廓爾虛通次探法華實相玄宗凝然常寂究楞嚴妙如來藏會萬有以忘緣研圓覺平等性智合群靈以朗鑒涅槃之法身常住三際文虛而絕待般若之炤體獨存纖塵片境以無根法有多門理無二致

支那

瑞白禪師語錄卷之七

五

依教之見解如斯於禪如何得契合也

答陽焰翻波 又云且喜公會如來禪矣若要會祖師禪須向僧問雲門如何是透法身句門云北斗裡藏身從這一語下會得卽契合一道也末後觀禪歌甚妙大有宗趣公當禪教並行之也

入就瑞白禪師語錄卷之七終

入就瑞白禪師語錄卷之八

明住天台護國寺嗣法門人寂蘊編

頌古

世尊陞座

當場一機覲面示伊不假聲色寧屬有爲文殊曰檀香鼓聲催昨宵一陣春風起山花處處笑微微

拈花

拈花示處無多子祇要當機見得親賴有頭陀解微笑直至而今花更新

未離兜率已降皇宮未出母胎度人已畢

支那

瑞白禪師語錄卷之八

煦日炤大千明鏡含萬象萬象一光收本無來去相石女唱囉哩嚙嚙吞大象

乾闥婆王獻樂迦葉作舞因緣

錦上添花色更鮮婆王自昧作習言長空雲散青天皎五湖波底月團圓

世尊勅天上人間魔王護法因緣

分明語處露堂堂誰云真佛與魔王不識梅梢春色意空有聲香度粉牆

圓覺經居一切時不起妄念四句

天明鷄報曉日落鳥歸巢雨打堦前濕風和花更嬌

楞嚴經若不見吾不見之地自然非物云何非汝

掃去千崖雪指出老猴精一雙皂子眼徹底放光明
噫半夜皂裳休着美天曉牙床不睡強

經首咒字

不是以不成八人人對面如盲瞎開口叫時喚不出
仔細思量却惱殺休惱殺四七元來二十八

女子出定

本無來去何有出入出入元非真來去總成跡文殊
與罔明徒廢已之力燒却枯椿飛盡灰樵人何處下

支那

瑞白禪師語錄卷之八

二

刀劈咄

師室中常以女子出定因緣詰問禪人往往皆作道理會昧却宗旨故示之以頌

女子文殊罔明拈來勘驗禪人逐境皆因昧已歸根
格外翻身曙色朦朧兮金烏似箭更闌深閨兮玉兔
如銀

鳩鵲摩羅救產難因緣

寒泉古澗兮絕波瀾三個鯉魚兮弄影潭山僧看破
今無踪跡萬古清風兮播宇寰

完初禪人每入室次師以產難因緣詰之惟以道理相酬不能轉身吐氣候轉向上關師遂以頌示之

石火光中立問端低要神龍起波瀾神龍不解翻身
轉依然死水黑漫漫須領畧沒交關莫向言中覓指
南春回大地兮山花爛熳槐色澄清兮石骨冰寒

金棺示雙趺

四十九年無一字柳示雙趺重舉似大千沙界任流
通西風吹起黃花異

達磨大師對武帝因緣

一句全辭截斷咽喉臨鋒寶劍孰敢陳頭朔風彌布
今寒威凜冽六花飄蕩兮水骨齊周爭奈皂圖刳石
固任從風雨御堦流

支那

瑞白禪師語錄卷之八

三

碧眼胡僧早破家梁王殿上撒泥沙龍床穩坐憨憨
睡脚踰蘆根意氣賒斷臂安心傳底事而今滿眼數
如麻

武帝請傳大士講經

大師揮尺涉塵纖那堪更向艸中盤楚王不識連城
壁徒使荆人獻聖顏

寶公刀尺

主持個事聽從爲刀尺杖頭祖意垂利物應機隨處
用家私狼藉有誰知

青原不落階級

撒手捨筌筌時人那得知菊花三月茂臘月柳花飛
石頭云恁麼也不得不恁麼也不得恁麼不恁麼
總不得

石壁非泥石甕非磚打破菱花無像可施垂翼大鵬
無伴侶陰迷六合達天池

馬祖云有時教伊揚眉瞬目有時不教伊揚眉瞬
目有時揚眉瞬目者是有時揚眉瞬目者不是
石貴如藏石鶴如翔無可不可南鄉北鄉春蘭秋菊
人皆笑花下相逢笑一場

僧問馬祖離四句絕百非話

支那

瑞白禪師語錄卷之六

四

崑崙之王剎山之壁價重連城時流莫識藏頭海頭
銀山鐵壁要津把斷無人渡一片銀花黑似漆

馬祖日面佛月面佛

日面佛月面佛西湖南岸三天竺南高峰對北高峰

六條橋鎖垂楊綠

曹山死猫頭

古巖高掛任風吹雨淋日曝無乾濕若還觸着些兒
氣大地衆生腦破裂

曹山辭洞山山云向甚麼處去蒼云不變異處去

洞云不變異處豈有去耶曹云去亦不變異

碧潭穩夜蟾華映鏡像分明豈動搖識盡懺懺誰賞
鑑木人高步出青霄

南泉斬猫

提起劍斬却猫一段春光人不曉南泉舉似作家兒
趙州老人頭戴草頭戴草凜凜威風振華表

三世諸佛不知有狸奴白牯却知有

王宮深寂寂禁外莫能知一聲哮吼處花葉惹遊絲

百丈再參馬祖因緣

互換之風畫足蛇振威一喝意便賒全提正令全機
喪那許時人弄爪牙

支那

瑞白禪師語錄卷之六

五

僧問百丈如何是奇特事丈云獨坐大雄峰

獨坐大雄峰親言指示儂長空孤月皎幾處色溶溶

馬祖送醬百丈因緣

馬祖頻陳雄峰全舉一唱一酬師資相許芳草萋萋
春光爛熳黃菊離離白帝起舞

百丈得大機

一喝大鵬擘水開百千龍子盡藏埋玄關三句輕掣
斷皮髓何曾得到來

黃檗得大用

一掌擘開華嶽秀源頭流出活水來門風蕩蕩乾坤

振普令兒孫紹祖懷

黃檗在百丈開田築地因緣

師資唱和意非輕打地時他問地因空裏一聲轟霹
靈電光影裏又翻身

德山托鉢

明修棧道暗度陳倉巖頭老漢善挈宗綱密啟意別
宮商風送清香到洛陽

法眼指簾

指簾當處驗渴鹿逐陽焰若能解返擲免被清涼騙
汝爲我開田我爲汝說大義因緣

瑞白禪師語錄卷八

六

大義從來不較多舒開兩手演摩訶片雲歸嶺青山
露水面風生六月波

栢樹子

栢樹子會也麼一輪明月照娑婆時人不肯擡頭覷
水中撈摸受奔波絕奔波折角泥牛出愛河

南泉山下有一菴主不禮南泉

官烏棲去玉樓深微月生簷夜夜心香輦不回花自
發春來空帶辟寒金

趙州今夜答話

今夜去答話招商店裏將旗挂引得商人進門來奪

却財寶遭打罵老趙州老趙州一段冤憎萬古愁

臺山婆子

一指路二勘破梅花鏡裏清香墮時人徒自眼模糊
却向光中尋墮過今日雲門爲舉揚雪山六載瞿曇

麻三斤

洞山麻三斤無星秤上稱識取鈎頭意莫認定盤星
乾屎橛

乾屎橛對面說擬思量千里隔一個漆桶向空拋兩

個烏龜笑不歇

雲門六不收

瑞白禪師語錄卷八

瑞白禪師語錄卷八

七

六不收四時有萬仞峰頭看垂手等閒眨眼過千山
瞎驢落在吳塘後花正開柳正舞石女畫眉懶梳洗

雲門須彌

須彌山兮觀面提從來不屬有無知半開打破念情
淨赤日蕭蕭任所爲

雲門扇子踔跳

扇子踔跳拄杖解笑拂子高飛禪板嘶開雲門老漢
總不知三世諸佛曾未到

雲門一字關

普響新露確電光難湊泊遇着三公子一串都穿却

錯天下衲子徒描摸

雪門餅

橘赤橙黃桃紅柳綠現前三昧時人不復堪羨雲門
老古錮問着只將胡餅堊咄明眼衲僧莫輕忽

南山起雲北山下雨

南山起雲北山雨無陰陽地花飛舞折脚波斯摘一
枝清香飄入隣家去

仰山指雪獅子話

雪獅子指示人不解翻身平地沉賴有雲門傍着眼
轉躬推倒楚王城和風起煦日臨超然一色化乾坤

支那

瑞白禪師語錄卷之六

八

柳垂煙岸添新色上苑花開布錦屏

板齒生毛語

向曾祖意有西來板齒生毛若話陪雪覆千山人影
絕夜深撥棹古灣回

投子答趙州不許夜行投明須到

不許夜行投明到玉石鑄成生鐵銚木童拿去煎糍
糕石女看來呵呵笑

趙州茶

遙想當年趙州老逢人祇獻一甌茶如能當下親承
得明月清風意自賒

丹霞燒木佛

丹霞燒木佛火燄爲三世諸佛說法院主眉鬚墮
落穿却祖師鼻孔天下禪和穿鑿料掉沒交涉且
看老瑞如何頌出

木佛燒來顯大機眉鬚墮落又相爲要知個裏端的
意秋林黃葉逐風飛

百丈野狐

不落不昧露堂堂五百生狐絕覆藏杖頭挑出明臺
似方知異類放毫光

黃龍三關

支那

瑞白禪師語錄卷之六

九

我手何似佛手南北鳥飛兔走我脚何似驢蹄石女
陽翻須彌人人盡有生緣五虎曾下西川噴一枝梅
破臘幾處草芽鮮

大蘿蔔頭

趙州拈出大蘿蔔塞斷天下衲僧口千古萬古硬糾
糾黃頭碧眼難下手忽下手銅兒倒騎鐵馬走

日日是好日

日日是好日元旦卽初一春至百花開秋來樹頭赤
婆子三十年供養個死漢

枯木寒崖觸處遍地湛水澄潭睡龍藏聚浪裏翻身

世間有幾一條白練鎖虛空明暗雙雙何忌諱

風穴一塵

明暗繇來顯妙傳掃除明暗若爲觀日頭夜半昇峯
頂瑞草無根色更鮮

僧問大隨一字壞

大隨一字壞匝地清風撲面益常流衲子眼未開千
里迢迢還路債投子忒煞老婆心猶自裝香遙禮拜
遙禮拜露古熊一陣微雨灑東林蒲地落花真可愛
僧問大隨如何是室中燈隨云三人證龜成鳖
句中無味若爲參禪者徒勞話歲寒焰焰祖燈明歷

支那

瑞白禪師語錄卷之八

十一

歷朔風吹處嶺雲寒

草鞋覆龜

一個烏龜覲面提何須更問祖師機草鞋蓋覆重拈
出雨滴簷頭地有泥

玄沙膿滴滴

膿滴滴君難識紅如硃黑似漆玄沙惡氣遍天下至
今聞者頭腦裂

玄沙天龍見虎話

是虎是汝兩俱錯雪竇更添一落索石人半夜睡正
濃此時誰能下註脚不註脚桃花綻去春風惡

僧問巴陵如何是吹毛劍陵云珊瑚枝枝撐着月

吹毛覲面提珊瑚當處絕嬌花不帶春祇要應時節
別別秤鎚陀上三斤鐵

巴陵祖意教意

鷄上樹鴨下水好個鐵蒺藜虧了巴陵使來年七月
中秋風又復起

高峰無夢無想主人公

打碎琉璃碗卸却珍御服衲子開口笑雙髻罵天目
欽山一鏃破三關

一鏃破三關哺時夜未闌與君放出關中主煤人頭

支那

瑞白禪師語錄卷之八

十二

戴鐵帽舞碧眼胡僧尚不知釋迦彌勒目雙瞽

白水聲色

偕來聊爾了門頭豈把芭繩繫死牛玉鼠銀盆雖類
色到頭不許一般收

五祖演云如牛過窓櫺頭角四蹄都過了祇有尾

巴過不得

功齊功化何曾了已到家鄉未徹頭直須翻轉乾坤
也楊子江心水倒流

圓悟問大慧云踞虎頭收虎尾第一句下明宗旨
如何是第一句慧云此是第二句

抹殺人滅却法第一
句中阿喇喇獅子翻身入母群
免墮寒巖青草下

僧問審括禪師如何是佛法大意括曰貧兒抱子
渡恩愛兢隨波

薰風渡汨羅綠水湧清波徧界雲影動涉蹤盡徧頗
僧問雲居簡孤峯獨宿時如何簡曰九間僧堂不
宿誰教你獨宿孤峯

夜深石女卧眠牀天曉木人忙喚起池上鴛鴦獨自
鳴一聲飛入紅蓼裏
香巖上樹

文那

瑞白禪師語錄卷之六

三

樹上樹下最威雄鐵額銅頭怎觸鋒雲散長空孤月
淨天柱却在萬雲中

疎山造塔

一文錢折角泥牛海底眠二文錢石女梳粧出庭前
三文錢柳綠桃紅三月天九斤龜毛長三丈鴈月蓮
花色更鮮尋聲逐色今徒勞側耳返本還源分鼻孔
遶天

猶兒偏愛捉老鼠

朝悠悠暮悠悠金風匝地冷愀愀天皇皇地皇皇三
春柳絮白如霜化母造成無功錦那許傍人話短長

疎山問馮山有句無句如藤倚樹樹倒藤枯句歸
何處馮山呵呵大笑歸方丈

東京掃蕩西京滅一統山河歸至尊笑罷不知何處
去霜天月夜子規鳴

婆子請趙州轉藏

一匝旋來大地收任他諸佛莫能酌縱饒婆子解機
變也是人前強出頭

仰山插鑪

父子相逢事便奇插下鑪時已露機南山刈茅人大
有宗風從此振華夷

文那

瑞白禪師語錄卷之六

三

熊秀才乘藍輿至西山偶見一僧貌古神清龐眉
雪頂紫衣坐於磐石才下輿問曰莫是亮座主麼
老僧以手向東一指才隨手東視回觀老僧不見
一指當陽舉似人韓獪逐塊枉勞神若向東方空看
指回頭昧却本來真

秀才嘆曰夙緣不厚雖遇而不遇也

雖遇而不遇纏中不走驚再上藍輿時虛空吞皎月

香巖獨脚頌兼着語

子母母動也子覺母殼轉位就功即不無子母
俱亡那時今時應緣不錯物物全彰同道唱和印

寒方名獨脚能我

子母從來不二途子繞觸處母同遊孩兒若得身榮
貴脫却老娘舊住樓子母如能俱亡也九月楊花徧
地周柳林黃鵲穿梭舞那有青紅染指頭

染深水牯牛

有僧從金粟來說金粟有染深
水牯牛話請師答語更請頌之

天明放去離欄圈烈性猖狂舞似風煩惱海中雙足
涉無明林裏一身冲東西兩岸貪苗稼四葉三途露
影踪忽地拽來蔦鼻看依然還是這牛兒

事事無礙

事事無礙非中非外打破虛空銷鑿法界石女騰空

支那

瑞白禪師語錄卷八

丙

鐵船裝載火裏蟪蛄現神作怪

頌雲棲大師公案一則

黃侍郎問師云夜來老鼠唧唧說盡一部華嚴經
大師云猶兒突出時如何黃無對大師代云走却
法師留下講案

華嚴歷歷談非舌聞者應須着眼參突出烏花白猶
子管教一吼觸髅乾雲棲老幾多般法師走却分雲
封古岫留下講案今霧鎖寒潭

頌雲門顯聖先和尚公案十三則

神珠問某甲不恁麼問時如何師曰戲論珠云恁

麼問時如何師曰戲論珠云恁麼不恁麼總不問
時如何師曰戲論珠云還有向上事也無師曰有
珠云如何是向上事師曰戲論

本人龍宮探驪珠覲面拈來一物無不是龍王多把
住恐教大地別親疎

僧問祖師禪如來禪是同是別師曰古越是杭州
曰恁麼則同也師曰長江分彼此

古越是杭州長江分彼此若知絃外音揚聲囉囉哩
僧問如何是圓相師曰大燒餅

燒餅托出任君殮底意絲來非等閑不是仰山親嫡

支那

瑞白禪師語錄卷八

五

子何能特地示毫端須領略莫顛顛春風蕩漾今花
開碧岫秋色臨空今霧起寒巖

師同陶石簣無念師向火石簣曰無念師在此阿
師得力句乞爲舉似師曰向火背猶寒

六月日頭炎似火三冬朔氣冷如水一句當陽無縫
罅不落言思始可親

僧問如何是暗機師曰凌霄峰

凌霄峰莫朦朧摩尼寶珠映現無窮識耶珠體莫認
青紅金風黃葉秋林落幾家砧杵月明中

僧問如何是義海師曰半山亭

胸中無得失舌底是非空一輪明月皓幾處色朦朧

僧問如何是生死中不生死的道理師曰舌頭短

三寸

三寸舌頭短衲僧巴鼻長秋風吹桂夢徧界盡馨香

僧問十方薄伽梵一路涅槃門乞師指個路頭師

曰那個是御愛峰

水流東徑朝西徑雲起南峰過北峰舉似分明無別

旨涅槃頭路翠叢叢

和尚一日喫茶次拈菓子云法身徧滿一切處若

道這個菓子具法身恁麼則喫却法身若道不具

教

瑞白禪師語錄卷之六

六

則法身有不徧之處汝等諸人揀點看看

是法身非法身兩重枷鎖難爲情透網金鱗擺尾去

豈向鈎頭把餌吞徑山老休顧人泥童翫月消情緒

木馬嘶風俊不禁

和尚一日舉雲棲大師云我聞雲棲和尚滅度後

有人於庫房中見若他道生西方爲甚麼又在庫

房中旣在庫房中有違西方願力汝等諸人試定

當看

脫體無依絕去來徑山和尚強安排沒絃琴韻人難

委獨坐朝陽空抱腮

僧問和尚曰乞和尚指示心要出離生死真實的

意和尚曰我從來無一字與人

鐵甲將軍塞外威痴心只要討皇基鉗鎚擊碎黃金

骨脫却龍袍卸甲歸

僧問和尚曰和尚在此作甚麼師云殺人僧云只

恐和尚不會殺師便掌

眼蓋乾坤意氣高吹毛倒握驗英豪可憐不解知機

變徒把殘軀一旦拋

僧問四大分散後向何處安身立命師曰你問這

樣大法也不禮三拜僧禮拜師呵呵大笑

支那

瑞白禪師語錄卷之六

七

急水灘頭着一篙惹得驪龍鼓浪濤萬斛之舟俱覆

却篙師猶執手中橈

頌金粟密雲禪師十則

栗顧漢月舉僧問古德云朗月當空時如何古德

云猶是堵下漢僧云請師接上堵古德云月落後

來相見旣是月落後且道如何相見月便出法堂

栗下座

海枯水竭須彌倒黃頭碧眼一齊掃下座出堂端的

意金毛獅子不落草

漢月問海衆雲從慈霖天霑現躍飛騰則不問如

何是驅雷掣電底句栗便喝進云恁麼則金粟花
開寶林果熟去也栗又喝月禮拜歸衆

一喝須教作者知更加一喝大慈悲雙收雙放明宗
肯不伎不求世所稀風磨鐵壁猶如洗雨灑殘紅觀
馬蹄

僧問狹路相逢觸骸粉碎當恁麼時無位真人在
何處安身立命栗云天上天下惟我獨尊僧云恁
麼則萬里無雲一輪迥炤去也栗云脚跟下好與
三十棒

三尺短一尺長個中元不帶商量萬里無雲一輪炤

瑞白禪師語錄卷八

六

脚跟紅線絆千行三十棒斷愁腸掃除凡聖提挈宗
綱山花發笑兮春迴大地籬菊開殘兮冬有嚴霜

僧問曹溪一滴直透龍池曹溪一滴卽不問如何
直透龍池底事栗云穿過觸骸進云源遠流長一
句作麼生道栗云但與麼去僧便禮拜

直透龍池伸一問廣慧波濤如海濶金粟門頭不見
人大地山河俱覆却與麼去真灑落不立聖凡烏有
主角蓬萊高閣兮越州聖境煙雨樓臺兮福城清樂
僧問如何是金粟境栗云四野桑田進云如何是
境中人栗云金粟峰頭望僧云人境已蒙師指示

擊鼓陞堂事若何栗云瞻之仰之

四野桑田不是境峰頭望底亦非人當陽拈出無迴
互瞻之仰之覲面陳電光石火今拿雲攫霧慈霖普
澤今廣濟衆生

僧問聲色未萌覲聞莫及正恁麼時乞和尚通個
消息栗默然良久乃震威一喝僧云人間四月春
光盡金粟秋來菊正開長恨春歸無覓處誰知轉
入此中來師云葛藤窠裏藏頭縮尾

踢倒葦香幢須彌山粉碎毘盧不現境乾坤無一事
金藏雲起世間成界立娑婆分四至

支那

瑞白禪師語錄卷八

九

僧問如何是佛法的大意栗便打僧云猶是古
時家風栗復打云汝作古時家風會
出活潑潑轉轉轉覲面全提無榮無辱一段靈光絕
古今何須特地生疑惑

僧問如何是本來面目栗云舌頭拖地

眼觀山色秀耳聽水聲悠舌頭拖地處特地爲君酬
金粟示衆云突出難辨坐斷千差萬別一塵舉起
透徹萬別千差

沒踪跡斷消息上下四維銀山鐵壁機思盡淨絕塵
埃一個鉢鍤空裏擲空裏擲船高水長雨落地濕

拄杖子

稜稜角角炯炯爍爍炤用齊行殺活縱奪棒起臨濟
正宗扶持楊岐驢脚虛空攪得成團大地撒爲塵末
分明指示諸君也惟有桐溪最清徹
僧問倪禪師如何是石門境倪云猿啼獅子崖前
石龍吼文殊寺裏鐘
一聲漁笛破滄浪幾點桃花映水紅清興一團何所
有遊人空自對東風
又問如何是境中人倪云踏破虎溪橋下月坐斷
天池第一峰

敬述

瑞白禪師語錄卷之六

三

世界清平宇宙寬得盤桓處且盤桓東山石女三分
話西海泥童話幾般

總

輝煌燈火元宵夜燦爛星河霽碧時靚面相陳無剩
語徒教人境話支離

大陽三句 平常無生句

乍起和風柳眼青頭頭善應妙難尋空中鳥跡水中
影碓嘴生花色更新

玄妙無私句

棒喝交馳任意避金針玉線縫皆周弘通妙挾無遺

影法界塵毛兩俱收

體妙無盡句

一顆摩尼觸處彰施爲盡是自毫光古今燦破曾無
間涉水登山任舉揚

人就瑞白禪師語錄卷之八終

敬述

瑞白禪師語錄卷之八

三

入就瑞白禪師語錄卷之九

明住天台護國寺嗣法門人寂蘊編

頌古

正偏五位

正中偏夜深玉女不成眠漁翁舉棹清波上攪動澄
潭月一團

偏中正萬象森羅圓古鏡物物全彰炤不差絲毫皆
入那伽定

正中來有無不涉絕塵埃炎天大雪飄飄墜火裏蓮
花朵朵開

瑞白禪師語錄卷之九

一

兼中至賓主相逢天然義全憑語脈露單傳一句當

陽明的的

兼中到打碎觸樓真個妙却外今時俱不拈那有毘

盧印可寶

功勳五位

本無位次絕參商也須移履下村庄六戶靈靈忘耶

捨何勞守住在枯椿

向

念念無私不敢迷百花叢裏看爲持千紅萬紫芬芳

好總屬東君一道施

奉

不居空有謾商量縱使離婁眼似盲無孔鐵簫雲外

品不干六律與宮商

功

心色相交理事融權施應物道人風昨日家童頻報

道葵花傾向日明中

其功

不向威音那畔行豈從今世門頭立渾然打破舊時

窩鐵鷄鑽天沒踪跡

功功

奪人不奪境

一樹碧桃紅似錦兩瓶金菊賽金蓮個中非是陰陽

地不許佳人着眼看

奪境不奪人

春風疑不到天涯二月山城未見花公子王孫徒翫

瑞白禪師語錄卷之九

二

賞那有紅紫帶回家

人境兩俱奪

天崩地裂人民喪那有君王正令行神劍亡鋒歸寶

匣生佛而今徒有名

人境俱不奪

携酒遊東郊山花遍地紅笑談歌舞去意氣自匆匆

三玄三要

第一玄動靜不干絕衆緣更聞萬籟聲俱寂禪者徒

勞着眼看

第二玄威風凜凜劍光寒紅旗閃爍乾坤淨電轉星

飛過碧天

第三玄越州城裏倒撐船東雙橋下多裝載西郭門頭去復還

朕兆未分作麼道石女頭戴紫羅帽深閨不出冷恹恹宮漏沉沉天未曉

一法元無萬法周喝下何曾有去留轉側木人剛半夜珍衣不掛柳稍頭

日出峰頭本自孤高低普炤有於無百花競秀爭光彩半點工夫用得麼

一喝如金剛王寶劍

支那撰述

瑞白禪師語錄卷之九

三

神威凜凜倚天寒阿個男兒敢近看擬議欲將佛祖現人亡馬喪滿長安

一喝如踞地獅子

全身獨露冲寰宇那有妖狐現本形一吼乾坤皆振裂個中誰是對機人

一喝如探竿影艸

試將一語知端的驗彼來人有與無穿過觸髅行正令神豪鬼哭兩眉悞

一喝不作一喝用

喝時祇麼忘消息佛祖機緣收不得野鴨湖中翻浪

飛不知身上乾和濕

賓主歷然

月色穿雲透碧霄波斯夜半舞風濤山頭白浪連天地石女經行俏步高

正法眼藏

掃除空有任繁興大地山河一掌平法法頭頭開正眼寒崖花發不沾春

妙唱不干舌

青松翠竹解談禪流水高山總亦然二六時中無間斷老僧何用口唇宣

支那撰述

瑞白禪師語錄卷之九

四

死蛇驚出艸

骨爛皮穿氣息無忽然撞着爪牙舒神威一振清四海狼煙滅盡豈躊躇

解針枯骨吟

鐵圍山下骨一堆些兒觸着振全威驚回石女雙流淚至今猶自倚雲飛

鐵牛舞三台

千載鐵牛忘水草而今放出兩岸來足伸踏破毘盧印尾搖掃盡九垓灰

三墮頌

并問答

僧問如何是類墮

師答云觸處逍遙絲毫無染

披毛戴角混塵埃足舞西風類莫該芳草垂楊俱踏遍渾無些子帶回來

問如何是隨墮

答云百花林裏過一葉不沾身

聲色叢中任意遊閑然出沒豈能收山花鳥語縱橫現何有纖毫染汚尤

問如何是尊貴墮

答云不住九五位常與群臣遊

虛寂靈源不自尊常隨六國走烟塵秦樓玩月燕邦

瑞白禪師語錄卷之九

五

戲到處逍遙到處人

涅槃經四生頌

并問答

僧問如何是不生生

師答云冬至纔逢九春來百花開

明淨摩尼珠本來無一物當臺鑒炤時隨處陳方色

問如何是生生

答云青山點翠

忽然一陣雨溪澗長洪波枯稿悉滋潤農人笑呵呵

問如何是生不生

答云境像收歸古鑒中

桃李花無艷遊人興自衰水中無月影免使費心裁

問如何是不生不生

答云石女打破鏡

石女忘歸路木人何處尋杳然無影跡佛祖莫能形就路還家

觸目青黃露本真縱橫到處是家珍水底金烏天上日眼中童子面前人

新豐曲子

昔日新豐曲無人和得齊今朝重舉似音韻果然奇

明月印蘆花

蘆花開遍野明月挂中天不識其中意都言一色然

瑞白禪師語錄卷之九

六

鏡裏梅花清香墮

石光閃若電渴鹿逐陽燄木女害相思泥人綉花絹

竭盡今時

真如心裏妄涅槃性上塵自己非堪寶佛祖是閒名

分明月在梅花上看到梅花早已遲

一段風光炤眼鮮何須携手入桃園運足已垂空劫

旨擬尋思去隔天淵

汾陽重陽九日菊花新

義公拈出膠盆汾陽不覺粘手賴因菊底翻身不然甚麼開口不開口木人捧起盤兒走

重陽日頌示禪人

重陽九日菊花新特示三玄意旨深報爾知音禪衲
子今朝離菊又重芬

法身

雲起山頭暗風生樹搖尾桃開三月花菊綻九日蕊
法身向上事

鐵樹花開正是時忽被石女摘一枝沙神怒發須彌
倒驚起泥龍上玉池

萬象之中獨露身

赫赫威音外獨超萬象先明明無隱匿何處有三玄

支那 瑞白禪師語錄卷之九

七

法界緣起

一波纔動萬波隨滴滴全彰造化機落葉梧桐秋已
蚤百花開處鷓鴣啼須領畧莫狐疑翠竹搖聲今風
生大野月映寒潭兮碧水畫眉

僧問百丈超云某甲今日辭去或有人問和尚說
甚麼法向他道甚麼超云但道大雄山頂上虎生
獅子兒

虎生獅子兒木人唱巴歌擬議停思者却被佛祖呵
僧問明焰安一藏圓光如何是體安云勞汝遠來
僧云莫便是一藏圓光麼安云更喫一椀茶

問處分明答處彰圓光之體露堂堂春風有偏山花
早秋氣臨時樹葉黃

僧問百丈惟政禪師云牛頭未見四祖時爲甚麼
百鳥啣花獻師云有錢千里通云見後爲甚麼不
啣花師云無錢隔壁聾

一段春光炤眼鮮攀花弄柳任溪邊時人須識東君
意莫向枝頭覓翠妍

百丈普請鋤地次僧聞鼓鳴歸院因緣
鼓聲纔動競頭奔卉木俱霑雨露恩重勘過眼中釘
百花叢裏覓鮮新

支那 瑞白禪師語錄卷之九

八

百丈因一僧哭入法堂因緣

哭上法堂草深一丈一時埋却野狐伎倆匝匝清風
撲面來舒襟樂意頻收放

百丈惟政禪師問南泉諸方善知識還有不說
似人底法也無泉曰有政曰作麼生泉曰不是
心不是佛不是物云

一問一答真機漏洩更欲重徵喬木生節寒凝徧佈
今霜花朵朵黃葉飄零今朔風凜冽

僧問百丈智映寶月禪師云師唱誰家曲宗風嗣
阿誰月云翠堵那吒掌上擎云

宰堵掌上擎觀面已分付更欲問如何特地成露布
不露布初生孩子子元無禪

百丈道恒禪師三訣因緣

喫茶珍重歇時人眼中屑若喚作三訣重添第二月
穿衣裹脚下禪床運水搬柴知時節

百丈惟古禪師上堂多虛不如少實

一卓一語機用雙舉更問如何大虫捉鼠

百丈中靖元肅禪師塢

尖尖鋒青虛巍巍磨太古欲識渠儂言但看清風舞

漁家傲題船子夾山因緣

支那

瑞白禪師語錄卷之九

九

一語合頭猶未徹禪師笑倒纔方革傍面三桡君已

瞥眼中屑回顧頻頻繫木橛

覆却舟兒真剿絕夾山從此偷心歇兩岍蘆花飛白

雪向誰說幾度秋光與明月

又頌

金鱗已遇意偏攸誠老何曾覆却舟萬古清風波浪

吼依然蘭棹在中流

僧問夢筆禪師如何是佛師云不誑汝僧云莫便

是麼師云汝誑他

寂寂沉沉無所倚全提觀面莫能擬春風散盡桃花

飛秋月影臨江水止

闍王延夢筆禪師齋王問曰好將得筆來也無師

云不是稽山繡管慙非月裏兔毫大王既垂顧問

山僧敢不通呈

觀面通呈非兔毫輕分闍主不辭勞梅花吐處春香

露煦日纔臨冰質消

王又曰如何是法王師曰不是夢筆家風

不是家風一句機偷香暗裏有誰知千峰布列須彌

勢萬派宗分大海歸

雲門三種獅子

師居雲門室中作

支那

瑞白禪師語錄卷之九

十一

入窟獅子

歛跡藏形古壑中豈尋聲色受華榮聖凡掃却無依

倚斗柄星河霽碧空

出窟獅子

爪牙抖擻望天開哮吼一聲碧嶂寒魔外不知何處

去威靈耿耿落人間

不出入獅子

窟內未曾留形跡人間那得有聲名石笋抽條千丈

碧泥花發艷四時春

圓覺經頌

文殊章

本起如來清淨因桃紅柳綠一般春凡夫不了元無
我病眼空花認作真圓炤婆伽親指示依然幻翳眼
中生文殊當下知消息石女峰頭喚故人

普賢章

幻化元來生覺心春風微動水生鱗時人但見波濤
滾豈識波濤全體真有覺還同如幻立若緣無覺鏡
中痕兩重公案都除却天柱峰頭蓮夢新

普眼章

漸次修行滅幻門火風地水究元辰忽然突出孃生

支那

瑞白禪師語錄卷之九

十一

面剎剎塵塵總是春擲柳黃鶯歌上死穿花杜宇遶
南林泥人翫月思情美石女簪花巧樣新

金剛藏章

金剛抉破三疑網幻戲場中脫却衣若說本來成佛
道挖瘡好肉事非宜只因蒙昧難開曉金輪重重說
是非識得上林花滿地風翻蝶舞過東籬

彌勒章

起心若欲斷輪迴荆棘叢生覺地迷夢去雖然諸種
事醒來何有半毫微若能寤寐都拈卻撒手懸崖好
作為鍊犬山中呼萬歲泥猿樹上唱囉哩

清淨慧章

聲聞魔佛及菩薩正眼觀來總是邪朕兆未分難話
會鴻濛已判念心差千紅萬紫筵青嶂總是陽春一
氣嘉踢破乾坤收脚轉回頭別有好生涯

威德自在章

突出乾城三觀門止啼黃葉却非真新人乍出梳粧
巧莫認衣裳要認人戲水遊魚知水意穿花蝴蝶味
花深長安一曲有餘樂野老君王共太平

辨音章

二十五輪徧互修一輪於內作根絲列開寶網光相

支那

瑞白禪師語錄卷之九

十二

映影現重重無盡頭四塞八蠻朝帝主兩京七地總
皇猷鄉村野老茶鹽足一曲昇平樂事稠

淨諸業障章

萬象收歸古鑑中我人生命盡消融空中飛鳥無形
跡水底遊魚有甚踪出岫浮雲何處往乘風花瓣任
西東回頭忽聽木人鼓魄散魂飛沒影踪

普覺章

作止任滅聽從爲休將四法取圓基平懷一種隨高
下大道從來沒是非碧嶂野花開似錦石人觀去絕
惺迷妙開寶印空中起印印何曾半點非

圓覺章

上下中期結制修鈍根須假煨塵浮大鵬翼展冲霄
漢豈類鷄鶩落草坵十世古今頃一念誰能百日定
程途狸奴白牯咸知有飢則食今渴飲流

賢善首章

三世如來一口宣流傳須要善賢兼能聞一句勝多
寶羅漢難同半偈肩不是天然生就覺又非觀行始
成圓鷺鷥昨夜沙汀宿分付漁翁仔細看

總

一道靈光貫古今刹塵俱是一毛吞獨超物表離名

瑞白禪師語錄卷之九

瑞白禪師語錄卷之九

三

相阿個能言圓覺心一自伽婆分旨後千燈千焰續
燈新牙蘆隨海飄波去熊耳峰頭花滿岑

首楞嚴經要頌

大佛頂

三德圓明非形相直教佛祖也難觀一聲胡笛邊營
外幾處淒涼幾處歡

首楞嚴王

一相該通空劫前河沙功德孰能宣超然不屬青黃
色了了無依當處玄

七處徵心

七處徵來七處真鷓鴣啼在百花林遊人沉醉桃園
裡昧却枝頭好鳥音

五陰

真如迷却翻成妄相妄空時當處真收拾伽藍歸去
後白牛耕破劫前春

六入

一團空聚無彼此痴兒妄自別疎親堂堂天子登朝
日六國文明賀太平

十二處

塵塵三昧首楞嚴擬心取着早垂遷月穿潭底非形

瑞白禪師語錄卷之九

瑞白禪師語錄卷之九

古

相痴子徒勞摸碧川

十八界

本來一相無疆界那許其間物我分十八疑關齊擊
碎滔滔流水下滄溟

七大

事理交參周法界將心擬處涉流沙情塵識破元無
事木馬遊春意自賒

聲塵圓通

妙音本自無來去聞聲悟入已成虛直須透徹聲前
韻浩浩紅塵任卷舒

色塵圓通

色色塵塵淨法身祇因憎愛昧天真苟能觸處通消
息堪笑沙陀入聖倫

香塵圓通

妙香元不從天降蕤向爐中塞碧虛觸着些兒頭腦
裂衲僧巴鼻盡蠲除

味塵圓通

古今一味平胃散點着通身冷汗流慶快怡然拋藥
病那容更犯死猫頭

觸塵圓通

支那
撰述

瑞白禪師語錄卷之九

五

能洗所洗性本然焉頭一潑觸光圓器界根身渾一

色輝輝秋月焰中天

法塵圓通

心緣既寂法塵空事事全彰振古風東嶺桃花紅爍
爍西溪流水響瑟瑟

眼根圓通

見色非關眼上能時人休向眼中親應知那律非循
目智鑑圓明耀古今

耳根圓通

及觀聞性性俱空頓入圓明顯妙功歷歷松聲連夜

吼呌呌鳥語亂山中

鼻根圓通

循空返息本非真翻身踏倒涅槃城紅日舒光來嶺
畔清風明月過溪濱

舌根圓通

身心世界兩相遺觀體全超知不知處處總成真法
界禪兒何事苦尋追

身根圓通

無痛痛覺覺亦空根身從此影無踪出門不踏來時
路方顯男兒志氣冲

支那
撰述

瑞白禪師語錄卷之九

六

意根圓通

物物頭頭本自真何須旋法美空生寶明空海人元
具桃李爭妍處處春

眼識圓通

心見圓明處處彰白雲閒矣水偏忙爲憐顛下生育
者權示溫和解妙常

耳識圓通

無心聞處是心聞塵刹全彰這個人百億分身無去
相六牙常在寶王城

鼻識圓通

鼻端白相示修行暫爾權爲縛縛忽忽然摸著娘生
鼻林泉巖谷悉光明

舌識圓通

奇哉妙舌自天然不假喉唇齒吻宣無孔笛吹清韻
徹滿慈謾謂得親傳

身識圓通

身本無根何用執心本無生何用息身心寂滅兩俱
空透此方名真法質

意識圓通

一段情緣當下除神通遊戲總無拘塢中昨日濛濛

瑞白禪師語錄卷之九

七

雨嶺上今朝日色舒

地大圓通

根身器界若微塵微塵空處卽天真堪美頂門開正
眼大千沙界一齊平

水大圓通

滔滔流水性真常若個於斯返故鄉直於山海忘能
所蝴蝶穿花過粉牆

火大圓通

凡火慾火智慧火清淨寶焰光粼粼大千烟燦熾空
窿然却佛魔與物我

風大圓通

羣動悉憑風力持反觀風力亦無依忽然踏著風中
主飄飄一葉過南池

空大圓通

色空本自一真空逐境迷心有異同異同炤破真空
現翻轉真空跨鐵龍

見大圓通

六根清淨生元佛六根妄染佛爲生見覺圓明生佛
淨個中那有樂邦名

識大圓通

瑞白禪師語錄卷之九

八

十方唯識鏡中痕但離取捨妙圓成頭頭盡是天真
佛念念全彰阿逸身

圓滿菩提歸無所得

元宵通夜家家火水月交光處處圓五十七番虛涉
後始知空費草鞋錢

總

二十五個鐵蒺藜頭陀授作雪花飛綠水溶溶歸巨
壑白雲片片遶須彌

金剛經要頌

世尊著衣持鉢

一段風光祇在斯着仙依舊不爲奇清風陣陣飄香
至碧水滔滔盡翠眉

應如是住

搬柴運水尋常事覲面無非是道場觸處盡成安樂
地何須此外更商量

如是降伏其心

着衣喫飯任從爲映色摩尼衆像隨但得有無諸念
淨金烏依舊落城西

實無衆生得滅度者

空花鏡像了無關擬欲援生墮鐵山踏破瞿曇關棧

支那

瑞白禪師語錄卷之九

五

子風自清兮雲自閒

不住於相

祖印高提不住中巍然大用有無空騰騰任運靡存
跡霧鎖秦宮絕雁鴻

應無所住而生其心

坐斷兩頭中莫立逢緣擊節任縱橫摩尼現色原非
有石笋開花映水紅

無我人衆生壽者

木子山中敲鼓鑼泥人拍手助高歌忽逢瞿叟來照
見滿面慚惶沒奈何

四果不作是念

設分位次隔參商息却名心絕短長若是威音親嫡
子不從這裡費商量

燃燈佛所於法實無所得

倚門傍戶走他鄉雲水將來作道場候爾踏翻潭底
月了無一法贈劉郎

持四句偈得福甚多

家藏白澤勝神符百怪安能敢穢污若得空王真號
令三千諸佛作驅奴

歌利王割截身體

支那

瑞白禪師語錄卷之九

三

忍辱功能作聖人幻成四大却非真任他節節支離
去一段風流獨露身

一念信心卽得菩提

棄家浪走不如屠自昧千金七寶軀偶爾忽逢長者
示凡心卽與聖心符

受持讀誦此經若爲人輕賤一節

念念輪忠不敢違色聲叢裡了無羈苔封古殿忘臣
主阿個能言佛祖機

三心不可得

兎角爲刀出遠征烏龜跨下羽毛生木童拔去搓繩

索縛住虛空架火烹

無法可得

三藏靈文不較多權將音語示娑婆忽地雙林開正眼試問還曾有也麼

如來說非衆生是名衆生

生佛從來共一程凡民何必羨公卿如能當下歸家也凡聖原來是假名

如來者無所從來亦無所去

一念緣生卽是遊塵分紅紫有何愁威音那畔元無動今世門頭示兩眸

瑞白禪師語錄卷之九

壬

總

切切怛怛老婆禪失却瞿曇臉半邊四相掃除無一物呼名般若亦纏涎

法華經頌二

三乘不立一也無三一元來醒夢夫若是空王殿上客撒手歸來月滿湖

妙法不在聲名上尊者徒勞授記功欲識個中端的意桃花却白李花紅

入就瑞白禪師語錄卷之九終

入就瑞白禪師語錄卷之十

明住天台護國寺嗣法門人寂蘊編

法語

示唐祈遠居士

欲出塵勞斷生死而證無上菩提者必須參扣話頭而期妙悟也所言話頭者卽自己本地風光歷歷孤明不可絲毫間斷古云暫時不在如同死人要念茲在茲如此做去或三年五年十年二十年打成一片人法俱空偷心淨盡露裸裸赤灑灑如明鏡當臺物來斯鑑來無所粘去無存跡不執留不計憶任運騰騰

支那

瑞白禪師語錄卷之十

一

騰覓絲毫起滅之相了不可得此時方喚作大光明藏也雖然如是須知更有向上一竅在且道如何是向上一竅石女懶畫眉木人呵呵笑

示張我復居士

道本現成仁者自昧但向已求莫從他覓何也蓋人脚跟下一着子本來現成二六時中放光動地輝騰古今無有間然良由衆生迷背自己光明循諸聲色念念攀緣無有停息會不自知故稱爲迷也公等旣已知非必須發勇猛心立金剛智二六時中但扣已而參密密孜孜看這見色聞聲生心動念妄相攀

緣廁屎放尿拖着死屍行的畢竟是個何物從無始以來至於今日還有第二人耶還有第二念耶若無第二人第二念可見祇是自己一段光明何不如此着眼承當個事免向外求窮却無有得時轉求轉遠也如此見得透信得及此但祇是今世門頭古人喚作弄光影漢須知更有空却已前一着子聲色之所不到者古人所謂無聲無臭此也誠能離却聲色至於靜悄悄虛寂寂露裸裸時自然與他相應不然光陰易度時不待人努力努力

示筍石禪人

數語

瑞白禪師語錄卷之十

二

迥然獨露不用尋思湛海圓澄森羅隨映刹那忘炤瞥爾情生智境暗朦白雲萬里直須向隨緣應用處挂定脚跟不昧絲毫看是何物忽然摸着自已鼻孔打翻舊日家風一段光明始能常在○會麼朔風滿地霜花巧凍日和光瀟蕩行

示胡内生

家國無常身勢幻夢念念遷謝不暫停留學道之人惟在決志透徹祖師巴鼻洞見聖賢心肝作一個頂天立地大丈夫漢也若要作此一大丈夫漢二六時中不被聲色轉不被名譽縛莫苦飢寒勿受利養祇

究已事爲懷切衆爲念雖與衆同處不與衆同流切切孜孜綿綿密密忽爾相逢平生慶快到此方知聖賢佛祖也生死與涅槃也才智也文學也是甚麼爛狗污始覺本來無一事也勉之勉之

示躍雲禪友

一躍而登青雲至也雖至涅槃義天不可坐却直須轉身離位亦不可住於這邊雖聞聲見色亦不可分別青黃好友應物現形如水上葫蘆相似圓陀陀活潑潑轉轉轉底無有絲毫住着方能妙運無窮也若如此行去三二十年自然煩惱不能縛生死不能拘

數語

瑞白禪師語錄卷之十

三

捧足既無路潛覷豈有門閤羅老子雖有供養亦無處施設古云那邊不坐空王殿豈肯耘田向日輪然雖如是更須知有向上一着子始得欲知向上一着麼鑑湖明月映爐嶽白雲封

示隱願禪人

皖城僧隱願設齋懷香入室求開示師打一竹篋云會麼願曰不會師又打一竹篋云會麼曰不會師云不知痛癢漢願悲泪乞求微細開示師云求開示底是甚麼人曰不知師云卽此求開示者當下是汝自己本來面目亘古亘今先天地不生後天地不滅經

中所謂不生不滅二六時中了了常知心無間色
經眼卽知青黃赤白聲歷耳卽知鐘鈴鐃鼓氣入鼻
卽知香臭腥羶味入舌卽知甜酸苦辣觸入身卽知
冷煖澁滑意思法卽知過未善惡現現成成絲毫不
味爲甚麼不自領畧返向他求也願曰若如此者莫
認識心乎師卽喚云隱願願卽應諾師云是識耶是
真耶願曰弟子愚昧不知乞求和尚說破師云古人
道佛法不離穿衣吃飯處屙屎放尿處迎賓待客處
生心動念卽不是了也汝不生心不動念喚一聲應
一聲且道不是汝本來面目是個甚麼此處不可喚

支那

瑞白禪師語錄卷十

四

作識也願曰若然者識與真何所分乎乞垂指示師
云見色聞聲歷歷孤明不生分別者曰真曰智生心
動念思量分別者曰妄曰識所以云生心動念卽不
是也願曰蒙和尚慈悲開示若恁麼則大煞現成云
何又說參話頭做工夫師曰祇爲分明極翻令所得
遲只爲你不信所以教你參話頭做工夫做來做去
做到結角羅紋處偷心淨盡忽爾觸着自己本來面
目方始信得及也你若當下肯信何用許多週遮與
他三二十年做工夫信的總是一般三世諸佛出來
只要人信自心是佛所以云一切衆生皆具如來智

慧德相又云一切衆生皆證圓覺又云汝等所行是
菩薩道豈不直指爾耶又臨濟曰道流卽此歷歷孤
明聽者聞者是汝自己佛更莫外求馬祖曰卽心是
佛又僧問歸宗如何是佛宗曰卽汝便是僧曰如何
保任宗曰一翳在眼空花亂墜何其直捷何其現成
豈非要人直下信去也願曰蒙和尚委曲開示弟子
信得及怎奈無始已來妄想流注何師云汝喚甚麼
作妄想古人云識得不爲冤曾非別人羅山問巖頭
起滅不停時如何頭云是誰起滅當知妄想全體是
個自己若人識得心大地無寸土何塵境之有哉汝

支那

瑞白禪師語錄卷十

五

今於妄想既不能全體擔荷當以智力治之一觀妄
想當體全空了不可得一於妄想起時莫生厭心斷
他心亦莫隨順他去古云但有念起卽莫隨之則久
工夫純熟自然成一真法界矣勉之願作禮再叩
而退

示鏡愚禪人

今時住靜者或以偷安躲懶爲事者或哄幾個齋公
齋婆以過日者或孜孜於茶笋山花以營爲者皆非
道人之所爲也汝當發大志奮大勇猛以本分事爲
念飲食衣服助道而已若可消遣卽休不必苦勞身

心虛度歲月學彼不唧啗者但自知足卽是富貴古所謂憂道不憂貧也爾其勉之

示存焉禪人

學道之人將心地打點得乾乾淨淨不留一絲毫雜念則真心之所存焉若有一毫之念而起者則蓋覆自心爲障爲礙昏沉暗昧真體何繇而得明潔也若真心存則定水清慧鑑朗萬象莫能逃其形生佛莫能隱其質昭昭然物來無所粘迥迥焉物過不留跡寂靜孤圓卓爾象表豈三世十方之所間隔者哉

示離愚禪人

支那

瑞白禪師語錄卷之十

六

天人執有愚也二乘墮空愚也菩薩住於中道愚也等覺菩薩有微細所知并極微細所知愚也衲僧有禪道佛法見知逮機鋒轉語向上向下全提半提總皆愚也佛雖五住究盡二死永亡以法界海慧照了諸相猶如虛空若見量未脫此亦愚也且道作麼生得離愚去咦三脚香爐騰過海無毛鷄子撲天飛

示恒聞禪人

雪關云鏡愈磨而光愈現古人云打破鏡來與汝相見又作麼生若向這裏會得方好參禪可吃崆峒手中痛棒不然則踏破鐵鞋無覓處徒勞磨煉費工夫

示曹自悅居士

僧問趙州狗子還有佛性也無州云無但恁麼看去因甚道無不得作有會不得作無會但只提一聲無又恁麼看定行亦如是坐亦如是動靜閒忙亦如是來來去去忽爾因地一聲看破無字捉敗趙州則不被天下老和尚舌頭所瞞曹公還識無字落處麼遍地霜花美朔風夜正寒

法偈

示久默首座

直上峰頭脚步寬全身投入骨毛寒一日關山開霽

支那

瑞白禪師語錄卷之十

七

色鵲躍蘆花心自安

示肅雲西堂

習靜從來稱小節弘揚正法分當爲宗綱能續家風盛始是超群佛祖兒

示惠斯書記

如來根本慧有無俱不立會得個中意鐵毯水上踢

示朗然上座

混不得類不齊折角泥牛碧天飛有時撞入乾城裏帶水和泥指路迷

示本珠監院

鑑湖一輪月發揚佛堦春百花齊放處大地喜吟吟

示破暗侍者

如來淨慧燈能破衆生暗大地悉光明燄燄無窮盡

示起元侍者

淨體本無生緣生皆如幻如幻非生滅當處真元者

示元潔侍者

元妙寂淨潔徹無瑕橫亘十方瑩然應物

示仁亭閣黎

三世圓明十方不隔一念萬年是真實說有卽是無
無卽是有陽焰水波阿誰過咎我卽是渠渠卽是我

瑞白禪師語錄卷之十

瑞白禪師語錄卷之十

八

恁麼會得山花朵朵塵境莫隨智炤勿立空空蕩蕩
一輪杲日

示陳道人

英雄丈夫特發大志看個話頭決非容易造進其心
莫中路退晝夜六時忿然精銳見色聞聲切莫縱意
切切孜孜急着眼覷努力真誠忽然瞥地大地山河
一光現瑞裸現現絲毫不昧當此之時再進一步
向上一機諸佛亡示頃爾翻身山河粉碎嘆半夜鷺
鷺飛入海天曉烏鴉上帝畿

示吉先邪居士

瑞白禪師語錄卷之十

瑞白禪師語錄卷之十

九

英勇丈夫特發大志禪宗須參儒宗須契氣宇如王
頂天立地切切孜孜卑明此事二六時中勿得虛棄
以悟爲期以了爲畢惡境當前無得縱意順境臨頭
亦莫隨去順逆皆空必如是觀看破源底卽這個是
奮然一揮三千俱備石女觀花木人遊戲三教心宗
一言已發

示復初堂主

既復其初須超其後初後俱超一心可透森森萬象
彼彼無咎陝府鐵牛撞倒古路更問如何三十竹就

示素朴閣黎

自性清淨純素無瑕朴實行去到法王家有亦不立
無亦不拘森羅萬象亦任其舒雲行雨至水到渠成
棒喝交馳機用皆能

示侍者舒光

淨裸裸原無縫罅赤洒洒周徧大千打破舊時精魂
石女解駕鐵船

示啟元禪人

大丈夫須立志圓頂方袍非容易努力精勤莫暫停
時時參扣西來意鳶飛魚躍顯真機咳唾掉臂祇這
是莫放寬不可住做到水窮山盡處翻身直過故家

鄉三脚鮎魚爬上樹

示懷止禪人

參禪人須猛烈緊作工夫莫放缺行住坐卧用心追
急急要拿這個賊若聞聲若見色此是禪家好時節
一念相應捉敗渠凡聖兩途一齊歇

示審可禪人

汝來參我已多年只爲心頭未了然克苦三冬明道
德辛勤九夏究禪源水中捉月何曾有鏡裏觀花未
可拈識破祖師言外意方知石女唱囉哩

示如安知客

瑞白禪師語錄卷下

十

吾宗細密欲知初莫效時流鹵莽居保養深藏毛羽
健鵬程九萬任如如

示張望百之東山坐禪

心本無東西地却有南北君今此一行須奮大猛烈
撐起兩莖眉牙關咬作鐵捏定金剛拳要拿這個賊
莫向動中求莫向靜中得孜孜只麼尋密密心莫歇
忽爾心境如此是好時節撒手再前進上關打教徹
和賊捉敗渠烏鴉頭戴雪

示慧然禪人

汝求警策工夫莫歇放下身心一塵不立密密綿綿

看是何物莫往有邦休住無國但恁麼去風清月白
忽爾掀翻證龜成鳖更問如何青山羅列

示自愚慧知客

撒却聰明智慧佛道祖道齊傾但祇飢來吃飯管甚
五位功勳做個死人有氣觸着即便翻身風起自然
樹動何存却外而今若能如是行去自愚着着知音
喫葉落梧桐處露珠墜地時

示慧日禪人

自心智慧猶如杲日普照萬方無處不悉光明煥赫
圓滿無欠觸着磕着法法周徧不用管帶亦勿動念

支那

瑞白禪師語錄卷下

十一

應物虛明事事成現若外追求古佛難見

示世調禪人禪淨不二

禪不自禪因心而禪土不自土因心而土偏執其禪
見之不圓偏執其土心之滌漏禪土齊修九品優游
禪土齊蠲彌陀現前無量壽佛不帶名言

示顧鏡滄居士

寵辱鏡中花恩情水上燄爾今識破渠惟道能堪美
急早做工夫從緣恁麼薦孤明絕意想個裏常時現
焉忽露真機虛空解掣電

示閔淨道二居士

自心本無瑕貪嗔癡有染揮除這三毒急早尋方便
看個趙州無工夫急如箭間忙動靜間要打成一片
時中露髑髏未嘗掛絲線捉敗老趙州方知轉轉鑽
本來常清淨何曾有染玷

示不濫維那

百川入海何曾滿萬象含空豈有抑况復吾心包太
虛從今亘古元非濫

示位中書記

參禪不重有諸新揭盡根源始得真撒手歸家無所
事泥牛吼破碧天春

瑞白禪師語錄卷之十

十三

示盤銘禪人

提起話頭莫放寬綿綿密密要勤參昏沉不可容他
人妄想來時掃蕩完歷歷孤明是甚麼夏天暑氣逼
人寒

示西航禪人

披雲當袖走諸方撥草瞻風意氣昂拈却君臣言外
會掃除空有個中彰主賓相見應回互父子投機謾
度量縱使門庭如鐵壁輕輕一拶徹當陽

示持印禪人

活潑圓明非中非外運水搬柴燒火切菜祗這便是

幻然皮袋更問如何漆桶不快

示玄所禪人

歷歷分明處時人幾個知爾今玄會得所用絕思惟

示觀初禪人

此心纔肇觀初成觀面全提露本真一段光明無住
處依然石女過西秦

示完初禪人

信手拈來妙入神偷心淨處露家珍荒田不簡無非
草月印寒潭玉兔陳

示堂中禪者

瑞白禪師語錄卷之十

十三

一個話頭牢把持精勤努力莫依稀磬魚擊處忘能
所觸破珊瑚樹上枝

示乞食

從來托鉢有來繇佛語阿難依佛倚重示古規登聖
徑門門粒粒可皆周

示古栢禪人

參禪者莫外求好向自心覓踪繇言談語句非他物
動靜施爲到處周離計着沒羈留一顆摩尼映碧秋

示梵僧大海

航海冲波十萬程名山親謁契無生杖頭脚底渾非

礙踏過烟霞我獨尊

示衆青趣偈因中也設問衆答之不愜師意故書偈示衆曰

祇因日起明中暗原爲月落暗中明須知明暗元無二只因起落暗明形

中也呈偈師亦答之曰

敲唱俱行觀體驗明暗雙臨驗作家若是門前坐草客安知殺活事無涯

示婁居士因士問如何是主人公師以香几擊之復示偈曰

支那

瑞白禪師語錄卷下

四

拈香示處要君知觀面何嘗有是非六九梅花春色

露秋深黃菊綻東籬

示金貞度居士因士問趙州八十猶行脚只爲心頭未悄然如何得悄然去師云恁麼行來亦

非閑復示偈曰

居士問我悄然事恁麼行來亦非閑舉處分明向上關誰能更守於常道

示謝玄中居士

玄途休住足中道不須安會得個中意泥鰍上竹竿和魏東曉居士偈

兩忘淨穢亦非中聲色繇來樹過風個裏虛明全體露泥牛夜半撞金鐘

示黃蜃濤居士

富貴貧窮一蜃樓莫將心識苦追求須從今日親明破好向如心道地遊

示長興衆居士

提起話頭莫放寬綿綿密密要真參昏沉抖擻當精彩妄想輕清勿鹵慾執有魔王堪作隊隨無窮子正同班兩頭掃却無依倚歷歷孤明珠走盤

示李警菴

支那

瑞白禪師語錄卷下

五

既然不挂紫羅衣速速歸來已是遲頓欲洞明諸祖意秋林黃葉又離枝

示姚居士

是甚麼夜半三更吹着火無底鉢兒去燒茶拈着磁鍾成話墮

示方居士

見色聞聲本現成何須特地苦追尋而今觸處逢渠也野鳥山花觀面陳

示沈仁叔居士

志立堅強猛丈夫操功七日自心孤慧刀劈破無明

網放起鐵船水上浮

示江弘之居士

一塵渾不染諸佛悉皆明鳥道從來寂水花火裏生

示江猶甫居士

蓮可坐分桂可攀從來儒釋一心間如能確實行將去浪湧桃花燒尾班

示興國衆居士求偈

一個彌陀本現成思惟運用放光明果能不外尋知見卽是蓮花胎裏人

是起話頭莫放鬆行住坐臥要加功忽然看破原無

瑞白禪師語錄卷十

六

底祇是尋常舊主翁

五蘊元非有三毒本來空識取天真佛東南西北風
鴈過長空處影沉水底時若然玄會得真妄自如如
寶鏡當臺時光中含萬象形影一齊燭鏡鷄飛天上
白雲陳祖意明月印禪心觀體齊兼帶何須問老僧
八月西風緊三秋菊正黃若問祖師意從來不覆藏

示信豐衆居士

坐臥經行須着眼看渠渠果是何人貫通三際元非
異喚一聲時應一聲

青山聳翠有誰知流水滔滔最上機奉白諸公須薦

取休教錯認浪花飛

一個話頭明歷歷動靜施爲自現前當念和甞俱露
徹低頭便見水中天

百不思時是阿誰經行坐臥露天機若向其中開隻
眼石女生兒罵古錐

一個仙桃覩面陳直須細嚼團圓吞若還嘗着些兒
味管取凡心卽祖心

薰風陣陣自南來惠我清涼暑意開無限祖機都露
洩何須俛首更疑猜

信步行來路不差求之仍復遠天涯直下能知無一

瑞白禪師語錄卷十

瑞白禪師語錄卷十

七

事不須更御白牛車

有無俱遣設追尋逢緣不借是真身星沉水底金錢
燦怪石山中狼虎形

示鍾魁所居士

孤明寂歷少人知指物傳心爲標的智者於斯了達
時頓同諸佛亡修習

題自性彌陀

一個彌陀恒不離六門常自放光輝青松帶月和烟
冷翠竹穿雲映日奇雀噪簷前彰法語鴉鳴樹上顯

圓機窮途接引無休歇何故衆生不肯歸

降魔偈

魔佛從來不共家
力扶正法掃群邪
多生願力如山重
那管時人厭與誇

擬荅復禮法師

真法性本淨
元無妄念起
病眼見空花
假說妄生始
若了花無生
當時妄即止
妄止無明空
原不有起止
一念亘古今
何嘗歷生死

付袈裟

金襴袈裟錦色堪誇
付吾兒傳遍天涯
流通慧命坐斷塵沙
好提妙音開盲昧折群邪

支那撰述

瑞白禪師語錄卷之十

六

付拄杖

一條青梨佛祖齊垂付
吾兒點豁盲迷廓清宇宙正
令全提却掃功勛無背觸
妙鉗鎚放開徧大千收來在掌握
付與克家兒光明恒不沒
嘆秋林葉熟紅巖前弘兩足

入就瑞白禪師語錄卷之十終

入就瑞白禪師語錄卷之十一

明住天台護國寺嗣法門人寂蘊編

歌贊銘說叙疏佛事

十二時歌

半夜子時睜開兩眼翻身起
滿天星斗墜寒簷錯認金花放玉蕊
鷄鳴丑時啟鎖開門放出狗撥火燒香探有無
堂中禮佛忙稽首
平日寅時水添柴煮菜根
古竈鍋前吹把火半升羅裏解翻身

支那撰述

瑞白禪師語錄卷之十一

二

日出卯山中猶是不明曉
亂峰脚踰似顛狂拽杖隨行入荒草
食時辰肩衝腰斧去樵薪
萬年枯樹連根斫百劫香藤帶葉焚
禺中巳時荷雲鋤去種地東西兩岸一齊翻
又有茅團又有芋
日中午忽聽堂中三下鼓
雙手捧起鉢多羅始憶當年金牛舞
日映未白雲片片如破絮
蓋却南山與北山爾從何起亦何住

哺時申大道忙忙有幾人踏破草鞋赤脚走橫擔直
負受辛勤

日入西騎却昆崙顛倒走須彌岌岌海水騰驚起波
斯大張口

黃昏成掩却柴扉一墨黑轉身露柱纔磕着信口念
個波羅密

人定亥收入從前愁布袋脫下娘生牛鼻棍長伸兩
脚渾無礙

牧童歌

因看慈明禪師牧
童歌故作此和之

淨裸裸赤灑灑倒跨牛今沒可把信口唱出曲無腔

支那

瑞白禪師語錄卷二

三

散誕清風明月下趺入山縱意遊白雲影裡任悠優
枯樹煙生芳草綠豈味尋常這一頭水草足飽駒駒
兩岸東西得自繇從今不犯他苗稼不用鞭兮繩也
休牧童兒真快活手把泥團空裏將搓攏乾坤又放
開渾然不知舒與縮日已高午正好蹄角精純不須
保橫眠倒臥柳陰邊這段風流世莫討日已暮收歸
欄却外今時水草閒從今鞭杖何須問一個閒人天
地間這牧童真奇怪不姓張兮不姓戴借問牧童何
處居千山萬壑元非在

贈頑石禪友歌

常兀兀謾騰騰挺然獨露放光明觸目世間人不識
權且呼爲頑石名頑石頭最高大鎮壓山頭無縫罅
三世諸佛賴爾維碧眼胡僧常倚借頑石頭最堅利
金剛力士無能碎如來掌上顯神通外道天魔誰敢
覷頑石頭壓塵世生在深山絕名利披雲着霧自優
游歷劫何曾異今日頑石頭最堪愛生在煙霞與物
外博山峯頂氣雄豪雲門脚下常自在頑石頭有志
氣獨立峯頭絕忌諱任從日晒與風吹凝然一塊何
曾異頑石頭真奇怪嬌房酒肆渾無礙磊磊落落祇
麼行體性虛融戒非戒頑石頭最包容十方刹海一

支那

瑞白禪師語錄卷二

三

毛中自他不隔無來往那居邊際於其中頑石頭多
智慧不論三乘與四諦聖凡情盡絕古今身居刹那
離三世頑石無名無形段劫成劫壞靡改換娑婆境
內暫安身應物逢緣光赫煥頑石從來沒滋味世間
愚者盡拋棄不知內藏無價珍通方作者方能識愚
人只知頑石名如何知得頑石心頑石心量絕有無
是非得失豈能拘浩浩紅塵到非到白雲常鎖如自
如有問如何是頑石蒼苔片片印清虛

草龕歌

師初住空閑室無一物掛簪
屣縛草龕以居之故有此歌

草龕兒最空虛包含法界盡無餘三世如來頭出沒

四生六道任其居隨其有隨其無挂拂捲席總無拘
有時子仙成大睡有時瑞老上踟躕四禪八定從此
起五位三玄任卷舒草龕兒真有趣聲聞圓覺莫能
覩十地菩薩較些兒解向其中舒兩臂草龕兒真奇
妙通身連絡通身竅內外虛明絕點埃那有雌黃與
做造草龕兒真奇妙王將相無能到瓊樓玉殿莫
堪倫銅雀靈臺難比耀草龕兒亡冬夏寒不侵兮熱
不怕假使三災遷變時一個渾然無縫罅有問草龕
意若何三更紅日亦無夜

雪山像贊

支那

瑞白禪師語錄卷之二

四

棄却皇宮雪山打坐六年苦行後人規模忽觀明星
悟得遮個喫婆心一片有誰知流水高山重點破

圓相半身佛贊

不是月輪亦非寶鏡權現半身且徹爾因喫靈木條
然鳳豈立無影林中鳥不棲

觀音大士像贊

見色如盲聞聲如聾弘音不昧號曰圓通

心經觀音像贊

通身是經通身像遍界無聲遍界聞一念心空觀自
在鴉鳴鵲噪任紛紜

釋迦文佛像贊

咄這老漢從無始來渾忘得喪不合去觀明星向鹿
野死却陳伎倆惹得五天國王起模畫樣本待以火
焚之權留道握供養

姚道握請

水月觀音像贊

大海之中磐陀石上耳聽潮音千形萬狀聞修淨盡
坦然自放救苦尋聲慈功無量喫踏翻波浪底月鐵船
水面浮

達磨大師像贊

剿却梁皇意根斷送神光手臂恰恰道個安心露出

支那

瑞白禪師語錄卷之二

五

風流體態從茲家醜外揚後代兒孫逐隊喫渡江原
不傳宗旨跋嶺空留破草鞋

梁皇不識二祖豈逢嵩山之石乃知其翁

達磨渡江像贊

雙眼圓明六宗俱契瑠璃殿上不許安身鄉村渡口
連咋走過喫隨波一葦妙無窮雲在青天花在樹

達磨面壁像贊

面目雖無脊骨已露後代兒孫個個看透

達磨西歸像贊

本來東土度有情却又隻履西歸去不是一番走煙

塵爭得雙株徧地布

玉彌勒佛贊

通身白毫全體明徹龍華寺裡顯神通兜率陀天藏
醜拙呵呵呵識不識雪溪一帶鎖虛空并巖蒼蒼常
卓卓

高峯大師半身像贊

擡頭見真讚收回自己枕子撲落地打碎虛空三關
留不住半節與兒孫喫春風蕩蕩花狼藉仍是從前
舊主人

手捧寶塢羅漢像贊

瑞白禪師語錄卷之十一

六

一頂摩霄兩脚踏地手捧寶塢示第一義喫雙睛覷

破光明也兎角生花遍處香

呂巖真人像贊

挂却儒冠去學仙半升鐺內煮山川黃龍語下知端
的顛酒扶妖總不言

平之畫無量壽佛像爲母慶誕請贊

其壽無量今曾何終始其土極樂今曾何泰否不去
不來今巖松點翠無生無滅今秋江渟泚

雲門先和尚真贊

四首

這老漢多伎倆心記五車胸懷三藏樓欄拂子左拋

右拋斑竹拄杖東蕩西蕩演一乘於萬竹林中布十
德於海塘邊上指涉漏斷衲子命根立君臣爲人天
榜樣到今日覷面全提衆兒孫休云畫像不畫像喫
六出滿山河徧地銀波浪
手持如意巍巍獨坐曾爲群生全提這個時人不識
當面錯過喫幾瓣梅花落剡溪四明山下神風播
石傘峯前萬竹林上坐斷乾坤孰堪論量喫和風蕩
蕩兮綠柳垂絲煦日明明今紅桃播浪
依真畫像像非真從像顯真真非實非實非真兩皆
幻難描老人真儀質要識老人面目麼三冬桃瓣隨

瑞白禪師語錄卷之十一

七

風舞九夏霜花遍地鋪

雪關禪師像贊

行曹洞機傳博山拂獨坐胡床乾坤一握且道是誰
異師白足

無碍像請贊

孤巍卓立無情緒迥歷靈明不覆藏特爲諸君通一
線休從像上覓真光

道興小像請贊

拂子揮天蒲團着地獨坐巍巍示西來意喫翠竹搖
風徹骨寒錢塘江水多滋味

烏鎮密印寺虛懷小像贊

身如木石意若死灰手持素珠且道是誰喚壽聖塢
邊傳今古青溪岸畔示菩提

慧心小像請贊

歷歷分明不用外尋崖前獨立卽此慧心喚怪石蒼
苔古青松白鶴奇

道詮小像請贊

眼不見色耳不聞聲纖毫無昧梧桐葉青

黃唇清居士爲母真請贊

朕兆纔分坤道流行爲賢者之母作萬物之根喚降

瑞白禪師語錄卷之一

八

身百億無來往蓮花胎裏又重新

蕭月瑞居士爲母真請贊

法界之母闔門範儀空花示現鏡像何歸喚香煙堆
裏蓮花國寶樹行中古佛垂

自題

這漢生來個個語話相逢不讓院公山頂笑傲雲霞
顯聖寺裏大典波浪拈一條沒巴鼻的竹根東觸西
觸打得那杜禪和徹骨徹髓無處安身拈兩片有涎
唾底臭皮左說右說哄得他行脚僧忘境忘人橫來
豎撞以栢樹子爲人云是返魂香將乾屎橛施陳道

是人天供養似這般不唧溜的漢子也有人寫他在
紙上喚分付諸方禪學者莫被他瞞換眼睛

這個阿僧有骨無筋巍巍獨坐何喜何喚撐開石傘
并嶽重新劈破空同別起慧燈喚南雲花爛熳平川
水潦清

這阿師沒搭唾手握山藤聖凡俱殺破異道於筆端
呵邪禪以口舌識者知是達磨嫡骨兒孫洞山正脉
不知者亦隨人異訝

兀兀兮若山寂寂兮真閑聖不可並凡莫能攀境上
無心戀忙中事不關喚一片浮雲何住處數員頑石

瑞白禪師語錄卷之一

瑞白禪師語錄卷之一

九

自斑斑西堂離言請贊

我像無形非眼力之所能見我像無色非青黃之所
能成湛如秋水空若太清六合無高下古今一坦平
說甚麼十二類生監院湛空請

寂寂兮無聞歷歷兮有色正令全提人天法則觀面
橫施佛祖機聊通你等個消息侍者鏡惠請

咄這頑像沒伎倆雲門寺裏惹得人憎并嶽峯頭渾
亡得喪既不能演教談經又安知捧鉢持杖有問西
來之意若何便將他舊頭一棒本待要以火焚之權
留與兒孫供養侍者奇光請

默默無言巍巍獨坐舜若多神莫能看破喚作瑞僧
早已話墮 侍者寧遠請

這漢癡迷不識威儀輕輕觸着聲吼如雷喚祇爲慈
悲心大切喜兮怒兮與人提 侍者通問請

堪美良工筆力精筆筆全提此個身雖然眉目威相
似一點中心難盡成難盡成五彩分明事最親 西堂中

渠正是我我不是渠恁麼會得克家之兒峒山芳非
分春色之英都湖澄清兮秋風之精 維那克歸請

明暗交泰互同生殺偏正齊拍刳外火發
侍者破暗 心徧十方身通三際默坐無言示第一義咄 西堂不

瑞白禪師語錄卷之二

十一

寶蓋峰前花發笑金蓮山上草呈吟嘆是這阿僧非
這阿僧爾其細聽 侍者元紫請

傳達磨六七世之正宗泰洞山四八代之真子居崆
峒五位之山中提正偏兼帶之心肯這便是楊阿師

的臉嘴
輔輪請

是像卽真是真卽像不像不真是何形狀坐斷十方
觀體坦蕩 西堂石潤請

體非玄素何有此像此像非真玄素不狀假斯紙墨
權爲供養 侍者玄素請

概爲沉香便就是你
一念請

五蘊山頭一片雪湛水澄潭一輪月清波蕩漾妙何
窮認着依然猶未徹 源初請

一心常在那伽定眼若盲兮耳無聽任他聲色亂聾
聾何曾動着昆盧印 維那五言請

和風吹起柳條新煦日臨頭花似錦綠水波瀾陳道
貌切休喚作世間境 不貽請

有眼兮非見有耳兮非聞有鼻兮何嗅有口兮難言
惟心兮漠漠廓落兮誰親喚怪石枯藤和露冷金鏢

寶蓋帶煙橫

支那

瑞白禪師語錄卷之二

十二

這漢呆癡獨自亡思青黃莫辨動靜焉知手持白拂
胡施亂施不識者以爲祖師之機喚風起船頭波浪

湧水澄山色印寒潭
存璞請

硯瓦銘

觀面無遮通身沒縫書大藏經作人天供世間功業
頓渠所成若非渠力何繇作文體若剛堅心絕異緣

半嘗獨露不受綿纏本不可說表裏漆黑識得渠時
成佛心歇

銅香爐銘

觸目無私通身赤露篆煙裊裊消大千垢包括虛空

容納微塵卽此便是烏用別尋

尊稱達磨正宗說

千流萬派一源而出千枝萬葉一本而生何得認流
迷源執餘棄本也今人必稱五宗爲始者皆是迷源
之謂也古雲門鴻卽二宗已絕法眼一宗傳於高麗
國只得洞濟二宗在於震旦耳今依愚見當尊達磨
大師爲始蓋我國之心宗自達磨大師航海而來至
於我土直指人心見性成佛由是心宗傳布四方而
今叢林皆設達磨大師之像良有以也在西域當尊
迦葉尊者爲始在東土當尊達磨大師爲始若尊曹

撰述

瑞白禪師語錄卷五

三

溪尚有五位祖師在前故有遺也源達磨則該曹溪
亦該洞山本洞山則遺達磨亦遺曹溪故本能該未
卑不該尊也是以當尊達磨大師爲始自達磨大師
至雲門先師乃四十一世矣知我罪我何敢辭焉後
代所稱者當云傳達磨正宗第幾十幾方不遺其源
則見源之有始也

達磨西來說

禪心湛寂本自虛玄三際融通十方不隔奈何情生
智暗逐境迷心認妄失真飄流莫返故勞大聖降跡
現化西乾四願嚴身六度濟物使人人返本個個歸

家揭破無明點開慧眼操舟破迷天之大浪揚帆鼓
覺海之洪波直抵梁朝發明聖諦一語不契折蘆直
顯舊家風人魏知機而壁全彰目前事至寶不昧冷
眼難瞞斷臂安心神光有在雪花遍處瑞氣常新禪
體傳時門風大振諦不爲何塔級觀體堂堂有修證
無染汚總明自己德山棒臨濟喝機用全彰大雄虎
南山蛇殺活自在雲行雨至斷盡衲子命根掣電轟
雷施設佛祖機要炎焰日中冰雪朔風水裏楊花森
羅萬象無私千古真風不墜由是教外一脉東土大
行故禪宗直指之始祖始于達磨大師也

撰述

瑞白禪師語錄卷五

三

恕已說

世尊云天上天下唯我獨尊以此觀之則在天而天
而不天在人而人而不人乃至地獄餓鬼畜生及與
諸類亦不諸類如是則無往而非我亦不我無我此
聖凡不涉有無無拘人我兩忘恕責齊遣是謂真恕
已焉

開爐說

嗟嗟末世去聖時遙槩以訛傳曾不知反只此開爐
一事古之叢林或十月十五或十一月初一日開爐
正月十五日止火有爐頭有炭頭爲大眾煖寒故有

開爐之說到開爐日爐頭散爐炭頭散炭善知識藉此以拈提指示大眾故有灑掃開爐燒香燭圓頭執手大家烘你也烘我也烘深藏穩便度隆冬之說趙州曾作爐頭因緣可攷雲峰悅化炭俱載方冊今時叢林將古規事跡俱以昧却但見語錄中有開爐二字單只以結制上堂爲開爐謂之陶鑄聖凡似卽也似是卽未是何也將叢林煖寒一段因緣俱以昧却不知出跡深可歎也若要復古依舊到冬日寒時散爐散炭善知識於此上堂庶事理雙全規制不廢矣又到夏天五月初一日挂帳九月初一日收帳亦叢

瑞白禪師語錄卷之二

西

規範烏得不審哉

辯率發微說

余想作文字者馳騁筆硯若非細心不無一時之失林間錄云古塏主去雲門之世無慮百年而稱其嗣青華嚴未始識太陽特以浮山遠公之語嗣之不疑二老皆以傳言之自若復曰其於已甚重於法甚輕此覺範所論是論之未當也古塏主既去雲門百年而未識雲門輪已以承嗣得非輕已重法乎青華嚴亦未見太陽而以浮山遠公之語嗣之又非輕已以重法乎反謂於已甚重於法甚輕是何言歟青華

嚴依遠公之語嗣之不疑此尊人也既從遠公有所悟入此入聖位也然而輪已爲物重法重入此華嚴大師萬古一段英氣起洞宗已墜之風開授子永垂之道後之學者及與不及雖未得而知且浮山遠公提挈華嚴爲法門之真子使其承嗣太陽而不爲已之嗣真以大道是輔何嘗以洞山臨濟二其心哉試觀今之人去古人遠矣或有親已門下者毋使過他人之室悲哉

藏經述意說

藏經之來本乎西土始因摩騰竺法後有玄奘大師

瑞白禪師語錄卷之二

瑞白禪師語錄卷之二

五

涉險登危斯文乃至白馬壇上帝主親驗僞真佛經火中光明徹於霄漢因是道經灰滅吾教流通欽此寶文傳布宇內見了義句頓悟靈覺之心聞般若名永證菩提之果言言見諦字字真詮庶使後學有聞不負請經初志

戒約說

世尊在世僧依佛住世尊滅後僧依戒住戒也者出三界之元首登四聖之要道不可一日有怠戒若有怠則塵不可出道無所明願無所興生無所度何得爲衆聖之皈者乎如是則知戒爲無上之梯航破暗

之明燈應當至意滌慮翹誠求佛冥加感發戒體所言戒體者卽我等之自心也是心覺徧謂之佛是心執持謂之法是心和合謂之僧是心圓淨謂之戒是以卽四法而爲一心卽一心而爲圓宗戒體卽戒體而爲萬行根基焉可有怠也歟

戒殺或問叙

世人烹衆生肉以克自己腹者迷倒之盛矣何也蓋衆生與吾人一體吾身乃地水火風所成衆生亦地水火風所成耳經云一切地水是吾先身一切火風是我本體以此觀之有何異焉旣爾誰肯烹自己之

支那

瑞白禪師語錄卷之二

六

手足以克口腹哉手足旣不可烹則衆生之肉亦不可烹也明矣古云心佛及衆生是三無差別又云凡有知者必同體如是則知心性亦何異哉吾人愛其衣冠整肅飲食甘甜彼亦愛其毛羽潔淨所食味豐吾人適意則喜樂盈懷不則憂愁煎逼且衆生亦爾放之則鼓舞飛鳴囚之則惶惑驚悸是以物我不異殺而食之豈其仁歟茲者仁叔沈居士夙願深厚示現名門不染繁華留心祖道於弁山發明本有不勝喜躍復念衆生沉迷何以導之遂體上帝好生之德與聖賢同體之仁戒殺放生假設問難發明孔孟佛

祖之心名曰戒殺或問實苦海之慈航大病之良劑也余一見而加額合掌聊叙數語以爲擊節倘過大集會中憐惡鬼王曰仁叔仁叔我待一切衆生成佛盡衆生界空無一衆生名字我乃戒殺放生且道仁叔又作麼生老僧祇爲大笑呵呵

募茶疏

茶爲奉客之先供止渴之要湯纔入門來卽與一碗使其沾著唇齒當下知歸故爾趙州無論到與不到咸云喫茶去今日弁山意欲借彼發明諸人大事乞衆檀那各出隻手成就勝緣俾飲者嘗者枯腸頓息

支那

瑞白禪師語錄卷之二

七

不受於嶼入清涼地獲如意果則諸檀福德孰可量

乞米疏

金牛飯普周沙界雲門餅塞滿虛空一粒米撞倒須彌兩文錢各出隻手使無口人受食無腹人飽食則大檀之功等太虛量也

重修洞山祖塋題辭

洞山古刹我等祖基傾頽已久瓦礫不存今幸孤崖上座住持欲重新祖塋奈工力浩繁凡我輩爲洞上兒孫烏可坐視乎必思水源木根法道有本各出隻手共力可成一磚一石建祖塋於當場一瓦一椽覆

靈骨於本處法幢高豎祖道重新始不負我等微末
報本亦可啟迪後昆孝道有在
佛事

爲啟明舉火

執火炬云銀光耿耿且喜窮子歸家寶月輝輝瑠璃
殿中朝父恁麼時君臣道合父子一如是何人境界
啟明上座殿塵世而高登九品棄婆婆而端居淨土
會麼以火炬打圓相云烈焰叢裏翻身常寂光中
爲心光舉火

泥牛吼盡澄潭月木馬嘶乾四海雲一段心光歸去

支那

瑞白禪師語錄卷二

六

也九蓮臺上又重新且道還鄉一句作麼生道烈焰
亘天星宿朗霧鎖長空山色青

爲亡僧舉火

生死去來目前包裹般若如清涼池四面皆可入生
死去來總沒交涉般若如大火聚四面不可入今日
這方來上座挺身擔荷覲面全提且道是出也入也
以火炬打圓相云通身一具黃金骨烈焰光中仔細
爲奇風舉火

細雨乍收孤日朗白雲纔破碧天青一段奇風全體
露再駕赤龍行一程唳轉位忘功歸去也青山綠水

自知音

爲玉章舉火

玉章玉章收回文彩以空合空豈有去來其來也轉
位就功升嶽峰頭花爛熳其去也轉功就位碧波潭
底桂輪空正恁麼時明暗雙消君臣不立且道在何
處安身唳海底吹來三昧火頂刻燒乾五嶽雲
爲覺元舉火

覺元覺元返本還源菩提觸目擲却大千祇如天台
不住龍華不去且道向甚麼處安身立命以火炬打
圓相云唳再向紅爐親煨過任汝分身塵刹中

支那

瑞白禪師語錄卷二

七

爲明軌上座入塔

本自無縫罅八面絕遮欄一頂摩霄四稜着地圓陀
陀藏了幾多骸骨活卓卓收盡無限觸體人人對面
齊觀軌上座親登此處以手撫骨云軌上座聽吾說
今朝正是清明節百花競秀楊柳青夜深更看峰頭
月無縫罅裏快翻身荆棘林中忙舉足過此二途且
道向甚麼處安身立命良久云幾樹桃花無艷色數
枝枯木盡芬芳

爲矩耆二上座入塔

朔風匝地霜花滿萬籟無聲境寂寥今日與君輕決

斷翻身此處路非遙二上座聽吾教婆娑世界休生
戀西方淨土快須逃過此二者且道向何處安身喫
三冬枯木秀九夏雪花飄

掃雲門散木先和尚塔二則

秋風颼颼秋雲披離秋雨壓落黃葉紛飛此是先師
客儀會麼轉功就位無遺影古殿蒼生阿個知僧問
先祖儀容卽不問圓音周徧事如何師云青天白日
進云恁麼則水注松濤宣妙法青山翠竹演無生師
云非汝境界僧便喝師云未曾見面在僧云歸去罷
師便休去癸酉秋

支那

瑞白禪師語錄卷之十一

二十

山之高兮水之源兮先師之心兮晴空一聲霹靂泥
牛木馬奔馳如此會得則先師儀容宛爾如此不會
桃花依舊笑山堤會麼遂顧衆頓足云蒼天蒼天卽
上香乙亥春

掃百丈大智祖塔

雄峯鎖白雲諸祖真機獨露千林飄黃葉衲僧巴鼻
儼然滿目儀容通身師表會得者全體受用不會者
運水搬柴會麼會麼今日特具辦香聊陳薄供以爲
大智老祖掃塔之敬諸人還見智祖廬良久云石塔
蒼苔古翠竹綠衣新
入就瑞白禪師語錄卷之十一終

入就瑞白禪師語錄卷之十二

明住天台護國寺嗣法門人寂蘊編

詩偈

遊雲門十咏

尋路

興哉拽杖行信步入荒草間取採樵人咸云此路好

上爐峰

白雲縹緲處獨立兩山間分付登臨者藤蘿信手攀

陟嶮

懸崖多峻峻磊落路難行步出稜層外坦然一掌平

支那

瑞白禪師語錄卷之十二

一

絕頂

雲外孤峰立群巒足下蹲卓然無與並唯此獨爲尊

下石屋

踏破蒼苔徑徐徐下古丘紅霞穿石屋疑是化天樓

過梅塢

纔聞梅塢徑倏爾口流涎會得其中趣何須更問禪

宿旃檀林

林中無異木純是旃檀遠一宿此林中時聞香風好

禹陵

聖德乾坤並仁風日月齊功圓歸正寢殘說留會稽

樵風徑

採樵人已去，曲徑水長流。拂拂仙風起，飄飄轉盡舟。

問歸

紅日落山堤，遊人問故棲。牧童遙指處，轉過石橋西。

遊雲棲五雲峰

循溪直下五雲峰，絕頂蒼蒼霄漢中。綠水青山環滿目，何須更羨楚王宮。

登投子有感

憶昔當年美道風，法音雷吼振花宮。寧期聖跡成荒草，枉見山頭樹樹松。

瑞白禪師語錄卷之三

瑞白禪師語錄卷之三

二

山居雜咏

前五首紹興鐵壁山居作
後七首潛山皖山習靜作

鐵壁花開三月春，桃紅柳綠亂鶯鳴。峰巒競秀常盈目，莫不皆承化母恩。

茅舍寒嚴因雪凍，雲厨供缺爲糧虛。山僧盡日無他計，笑飲清泉樂自殊。

鑿我鐵壁錦屏風，展在天池峻莫窮。人鳥不來消息斷，個中誰許話禪工。

軟似綿團硬似錢，任從禪者來咬掙。閒餘散步下天池，猶傲清風與明月。

自適常居鐵壁巖，腳踪曾不到人間。有時洞裏朝陽

坐惹得天花雨滿山

自構茅庵萬仞峰，四時煙霧聖門封。有時寒結稍頭露，疑是瓊花長谷中。

榮辱無干意自如，飄飄高掛隱山墟。終朝獨適非爲寂，喜有閒雲伴我居。

青石塢中青石主，常將薄粥爲賓煮。滿盤托出任時食，滋味須知無幾許。

山居多野趣，松竹鎖雲霞。谷鳥時頻唱，令人興轉賒。徑幽人跡少，竹密鳥聲多。縱目傳心旨，何須問遠磨。

華堂塵事冗，茅舍道心寬。體掛金魚客，寧如破衲安。

瑞白禪師語錄卷之三

瑞白禪師語錄卷之三

三

皖山峰頂別諸方，青石塢中意氣長。散步林間觀日

駛，跣趺石上笑雲忙。清泉沸澗涼堪浴，爽氣臨人興愈彰。野鳥山花頻適趣，不論榮貴幾存亡。

和桐城何太師探五印寺藏主偈

三首

藏滿龍宮不較多，一微塵內盡包羅。任從黑白惟心現，識與不識總非他。

四緣開合亡生滅，礙與無礙不是塵。但得異同心念息，芬芳紅葉滿乾坤。

萬象能言非有意，虛空作語絕知音。偷心喪盡真機顯，塵刹無勞耳去聞。

和陽明先生良知偈二首

五月端陽節屆時艾符競面不須知凱風颺颺榴花
舞滿目清光更是誰

滿目清光更是誰盡龍爭鬪舞靈知清波蕩漾全神
力纔涉思惟卽有爲

和具足師弟活埋偈

汝既活埋我亦埋白雲流水兩悠悠蒼苔明月無窮
意一任四方八面來

和李其張梅詩韻

奇偉靈苗出世才冰肌玉骨豈能栽春花秋月難堪

瑞白禪師語錄卷之三

四

並萬古馨香絕去來

題龍華寺

豁開心地龍華現萬象全彰阿逸多縱使當陽親薦
得依然眼底又蹉跎

龍華八境

龍華八境偶爾點出拙不我藏首初八偈以爲拋
磚之意俟諸英才各陳其美永永連續繼諸來者

云爾

彌勒峰

春花艷艷體全彰冠月披雲鎮八荒祇爲世間人慕

切渾忘兜率坐來長

青龍崗

發脉須彌起弁峰飛騰形勢若遊龍層層鱗甲松栳
就慈氏宮藏眉睫中

象玉峰

卓然崢嶸聳孤麓紫霧紅霞覆體如却笑普賢牽不
去老僧常在背跏趺

獅子巖

巖似金毛踞弁坵未伸牙爪絕狐遊口從天地同開
起吼到而今聲未休

支那

瑞白禪師語錄卷之三

五

寶珠池

竭羅腹內已多年何故遺來弁嶽前晝夜清流無間
斷驪龍永劫尚盤旋

花石澗

古澗清流入帝基粼粼花石綴新枝喜如畫意將歸
院宋子看時亦謂奇

六和泉

甘泉常噴碧雲開玉色澄明何處來想是華林園內
老爲憐枯竭潤山隈

天井嶺

玲瓏一竅生
物免教青親

和唐祈

草色蕭蕭日

切祖語還將

門留龜毛拂

師登天

原韻以

人人心地有

染光明卓實

擬通

遙迢千里到

月凭欄高看

石梁億劫一

夢杖頭高剔

問我西來何

外誰識獅兒

天台高臥白

寂故人未到

巉巖絕壁漫

識無絃曲調

玉印峰

當空懸寶印玉石點蒼苔宇宙增光彩宗風靚面來

舍利塔

三塔標原跡於中舍利藏生機時復感觸處悉成光

蓮花池

乾坤開一竅清水四時流紅日爭奇媚香風徧界周

遊桃源洞

昔年懷此勝今日始親來劉阮仙何在胡麻跡未灰
曉花迎日媚野鳥帶雲回徑轉情猶適仰觀石上苔
宿慈雲寺

支那

瑞白禪師語錄卷之三

八

信步尋芳徑逍遙翠藹中慈雲蔭古寺法幟顯雙松
水活龍堪隱山高禪亦豐鐘聲敲月落紅日又昇東
登高明寺

峭壁開清響天關對雲松風無限趣誰識個中親

遊國清寺兼贈不訛禪者

雨花飛瑞色雙澗吼清波仙灶陳真跡頻觀總不訛

再遊桃源至普光寺贈了心大德

尋芳興未竭搜杖喜風涼捫壁登玄路攀蘿上普光

山高僧鵬長樹老道風香相見如相識清談意更長

過香栢峰同達虛坐月茶次即事

扶筇陟險過峰前香栢烹茶問妙玄明月一輪東嶺
上談禪不用老僧宣

丙子季冬所遠居士浣竹知到崆峒接師回弁

岳以五絕送行師和原韻以慰竹知辛勤云

勞公跋涉到崆山一路風霜聞也寒水涵船頭銀砌

岸瓊刀刺足甚爲難

忙把枯柴信手燒通身和暖路非遙薑湯到口寒衷

解暫且安單竹箸餐

海內尋師爾一人三千里外涉煙塵和風乍起忙歸

去寄朶梅花報早春

支那

瑞白禪師語錄卷之三

九

他方卽與此方通僧俗元同祖道風若遇知音頻舉
似而今不必說空空

迴絕諸塵出上方從今不話祖師堂玄途鳥道俱無

影生佛之緣兩并忘

回首座久默

龍華不比古雲門雲門住處未親承龍華命帖昭星

月毋得推辭往別行

復方大方居士偈

勞病多年萃草叢祇緣退養寓崆峒休心禪觀諸緣

寂息影雲霞萬壑空有賴大檀興保社還從蟻法振

玄風君今若問回桑梓日到西峰又轉東

和友人

勞君攜杖過茅菴峻嶺藤蘿儘可攀鳥道玄途休住足翻身直過上頭關

靜坐偶作

飢食渴飲總休功終日清閒翠竹中無事藤床心亦寂那知身在梵王宮

除夜

今年今夜盡今時種火圍爐半榻棲一覺鼾呼清夢斷烏輪依舊轉東籬

瑞白禪師語錄卷之十一

十一

聞爆竹聲

因地一聲吼沙界悉皆聞催去三冬冷驚回大地春渡江卽事

爲懷緣行篤寧怯渡江濱冒雪衝寒去銀舟破浪行

題升高池古栢

昔日趙州曾指示今朝池畔又重拈禪人於此能親薦不負高標競面傳

題紅蓮

鉢頭摩現寶池中如月如輪顯妙躬泥底根潛絲密運水浮沓霧氣明通因心卽與果心合素質何堪衆

質同體色幽微渾不染從教八面有薰風

題竹勁鞭

稜稜層層無物可及摧破乾坤卓然獨立信手拈來非鎗非戟用去體徧十方收來纖塵皆息警惺大地昏迷撥出長天杲日提起魔軍膽喪放下佛祖莫測擊碎威音軀體穿過衲僧巴鼻有問如何若何葛頭便與三十

題扇

全體一片白雲通身一具金骨一個鼻孔遼天半輪明月往復展開徧滿大千收來在吾掌握拈起當處

瑞白禪師語錄卷之十一

十一

清涼放下紅塵卽沒搖蕩乾坤今清風颯颯舒卷寰中兮元無背觸

飛來峰

人號飛來今出自何方克塞寰中今其體恒常嵒岬嵯峨兮威雄無比磊落昂藏兮氣宇難量一片陰雲兮形藏不見清明皎潔兮靚露堂堂萬山分派兮此是其源寒暑相遷兮渠自不傷形影孤高兮萬方瞻仰聲名徧布兮千古流芳

塢口圓覺潭

塢口一橫橋橋下一潭水潭水清如鏡焰微法源底

兩岸竹松佳一天星月美形形不相知影影含潭裏
風動水生紋風息紋無起聽其清濁流濕性無彼此
道人心亦然祇在於動止動止兩相遺若水而已矣

龍松

不假良工手全無刀斧痕天然奇特性峰頂伴閒雲

藤如意

本自無根蒂何有聖凡名坐斷千山色堂堂獨露形
拈起天花落發揚大地春若問其中旨天心掛桂輪
雪

冽冽寒威遍界周六花飄蕩滿空浮乾坤今日一時

瑞白禪師語錄卷之三

瑞白禪師語錄卷之三

三

老處處青山盡白頭

蓋覆乾坤全在我囊藏異色豈絲他殷勤報與諸禪

者切記休云六月花

一色克然滿純真絕點埃大功無隱晦覲面爲君開

霧

倏爾形克霄漢中渾然一色意何窮離婁望去明非
極罔象行來路正通上下參差難辨的東西起止那
分容密移一步虛空外倒跨飛龍絕妙功

漁家傲詠雪

輕飛妖嬈通身白萬象森羅祇一色大地嵯峨藏醜

拙無差別瓊樓玉殿咸歡悅五湖四海水花結六合
彌漫雲陣列枯木寒巖樵者絕威逼逼銀花滿目誰
人識

漁家傲自慶

自慶僧緣多劫就親承佛法離塵垢單傳直指吾今
透無綰手跌坐蒲團忘白晝慈悲愍念將生採曠劫
深因弘願厚堅鎧精軍長夜驟雄糾糾魔王逃竄無
門路

風月比懷

秋月明難比道人心月明不照覆盆下道心能鑑於

瑞白禪師語錄卷之三

瑞白禪師語錄卷之三

三

古今秋風清難比道人身風清猶落千林葉道身不

染世間塵

憲前梅

鴈梅花傲盡冰霜苦玉骨展開人已知清香放出風

堪鼓報春回特向憲前吐

憲前竹

憲前竹寒苦倍精神雪到枝頭堅節操風來林幹長
威聲虛心腹不改四時青

嶺頭松

嶺頭松挺立冲霄漢烟雨滋培氣色鮮雲霞馥郁清

光煥峭嶽魏風月恒相伴

尋山至崆峒

內子夏初師離并山欲隱終南道
通觀州開卷尚幽遠可栖故捨舟
人山卓錫于此秋
七月二十六日也

爲尋山水過虔西頂笠腰包上貢溪一到崆峒諸相
淨渾然忘却往來機

結邪

誅秦展土結邪房爲遯浮名隱上方一片閒心無個
事枯枝高枕咲雲忙

上梁日落雪

關州峯頭壁棟梁十方同集喜管糧諸天也解生蒸

瑞白禪師語錄卷二

瑞白禪師語錄卷二

古

敬故有奇花雨滿堂

草龕

草龕不比朱門屋蒲榻過於七寶床高枕無虞塵自
淨白雲終日意便長

別崆峒

因山頂俗姓種田擾閭亦因唐所遠居
上屢書請師回并巖故別崆峒他處

逃禪息影虔南地不奈音書甚苦催辭別崆峒他處
去層巒疊嶂又深栖

南雲山慧燈寺卽景

丁丑二月十三日師
離崆峒隱跡于此

鳳翔峰

當陽獨立絕商量不隨群峰出上方極目欣然無別

示南山風勢在空翔

獅子巷

古稱獅子巷觀面少人知踞地神威露何須嶺外馳

化龍泉

龍從一滴變再滴鼓風濤活潑誰能測終歸爲海潮

象鼻坡

南山已峻極眾獸未能栖何用撩天鼻來呈向上機

放生池

殺盡偷心者尤生在放生臨機垂一語不昧自分明

遊魚嶼

瑞白禪師語錄卷二

瑞白禪師語錄卷二

古

魚嶼一念遊能周萬古秋固然空寂寂到此識踪繇

天生蓮

靚面呈佳瑞應機解放光天生香馥郁妙德個中彰

鉢盂山

世尊方托出讚歎美空生自昔降龍後黃梅傳到今

盤龍澗

澗曲似盤龍何人識此宗真機全體露勿可復朦朧

香爐峰

喜有香爐不計年薰天薰地自周全而今拋在南雲
裏說向時人不值錢

聞柳聲示衆

一下柳聲滿塢聆提持個裏甚分明
觸體擊碎能知痛始許諸人薦得親

初夏挽春

桃紅已褪菱荷新
梔子清香亦寒襟
滿眼韶光元不減
依然春色在乾坤

夏日即事

一番雨過一番晴
花果鮮榮稼穡青
竹底風生涼拂拂
山家野老盡舒襟

蚊重示衆

支那

瑞白禪師語錄卷之三

五

南雲山塢草生多可趨
蚊重遣睡魔况復痛
錐親徹骨癡人不省爲癡何

雙茶點翠

雙茶聳翠立庭前
占斷春光年復年
法說熾然誰個會
徒教終日鎖風烟

並頭蓮示衆

一蒂雙花燦明明
兼帶齊時人知妙
用不負露真機

入就瑞白禪師語錄卷之十二終

入就瑞白禪師語錄卷之十三

明住天台護國寺嗣法門人寂菴編

詩偈

再住頤州崆峒山

崇禎十年丁丑秋監院湛空并頤城高樓居士會
同鍾玉所鍾鳴宇劉寬我諸護法資書上南雲山
再請師還山賦此

策杖重來此縱觀仍舊遊
何期劉子樹肯首咲相留
崆峒諸景緣起

丙子秋七月廿六日子到山時
蓁莽蒼鬱藤蘿絆腰

支那

瑞白禪師語錄卷之三

五

遂令撥雲開徑誅茅始
縛茅屋結草龕以居之
既居矣猶未窮此山中
諸景既而過南雲山丁丑秋再上
崇崗稍潤其居漸開四野
不覺佳景天然露現始各
五位山寶蓋峰等八景至
戊寅春遊之又立飛龍崗
等四景名初夏之時梅雨
綿濕古路從蠟燭圍過坂
因田畦窄來往者未便予
偕隱虛等八人從水口下
新開一橫逕又得羅漢之
名舉目遠瞻危巒怪石羅
列屏几烟霞滿岫蒼翠森
然則又有奇峰紗帽石觀
音崑清涼岩之名至秋遊
歷群峰又觀有眠牛石一
脉泉已卯春偕諸子再登
奇峰又見石剝石鯉等峰

然而立宛有參天之勢故爾名之然景無前後前後在人自刼初成之時諸景一時羅列雖後有探幽賦咏者年遠亦無所考今或山靈有在老僧有緣自到山漸誅草莽取景題名總爲崆峒山之諸景固是鉢孟安柄亦可存于後賢知此則有佳詠志之不朽也

崆峒卽景 并引

崆峒山荒涼甚久斷碑古碣盡已湮沒子仙初到惜無片言隻字可攷但觀其山形相似物類者指出八景示諸禪衲共相唱和以爲永遠之志其院前觀面一峰形如寶蓋故稱爲寶蓋峰院之東角

支那

瑞白禪師語錄卷之三

二

一峰俗呼爲酒鑾山形似金鏢故名金鏢峰院後主山五峰並列偏正互陳君臣不亂稱爲崆峒五位山門前一池圓如寶鏡故名寶鏡池院右一崖世呼仙人着棋之處故名仙人崖院右一石儼似龜形故名龜石崖院之西畔新開一泉內有一龍頭石水從其出故名龍頭泉院南寶蓋峰之腰有一石其形似虎故名虎兒石此崆峒之八景余養病之餘咏頌八首俟諸文翰共咏精華以壯崆峒勝槩云

崆峒五位山 八絕

五位元一座偏正歷然分君臣同妙顯賓主互相陳險峻鶴難立平懷步入輕位功齊轉處木馬吼天庭

寶蓋峰

寶蓋觀空懸彌然覆大千禪流咸陰被妙色古今傳

金鏢峰

形似金鏢卓然獨立截破虛空有誰能識

仙人崖

挺然一座崖上有神仙立昧者眼模糊何能對面識

寶鏡池

圓明湛澈猶若寶鏡含盡法界毫無餘剩隱顯俱該

支那

瑞白禪師語錄卷之三

三

不存邪正放去收來大地微因

龍頭泉

一竅開天際石龍吐水流味甘禪德美益見洞山幽

龜石崖

一石橫空起其勢若龜形草嫩綠毛長苔生八卦陳

伸頭提正令縮尾跡何存舉目全體露靈德甚分明

虎兒石

怪石草中埋猶如猛虎踞爪牙雖未伸來者生驚怖

又題四景 并引

任運禪人搬木回至五龍湫憩息舉目偶見一水

瀑布噴珠而下遂有瀑布泉五龍湫之詩以呈老
僧老僧亦擊節和之故得瀑布泉五龍湫之二景
矣驚蟄節屆久雨初晴偕二三子步於南塢之石
濠見一嶺似鳳蹲立有所待焉遂指曰蹲鳳嶺從
鳳嶺而去不里許有岡若怒龍奔海騰空而過指
曰飛龍岡諸子各呈詩老僧亦占拙偈不覺四景
流落人間也

瀑布泉

誰將白練挂長空界斷青山路不通多少行來難措
足騷神閣筆費神功

支那

瑞白禪師語錄卷之三

四

五龍湫

五龍潭底隱滴水示全身澤世功無量三根得自榮

蹲鳳嶺

峭嶺盤旋萬壑中宛然彩鳳五雲籠不聞秦主吹簫
笛惟聽崆峒午夜鐘

飛龍崗

巖嶠轉變若龍騰駕霧排雲勢自神不向海中求德
寶憤居山頂聽殘經

錦花水

并引

戊寅春傳以爲瀑布泉已卯春余親觀之猶如錦

花鋪設泛濫無窮故名錦花水也

浪花翻作錦花飛意趣天然吐妙機化母織成無功
絹散之湖海作龍衣

崆峒卽景

十四絕

路逕新開氣象鮮碧崑紫石鎖嵐烟有人踏着些兒
地慕直登臨極果巔

奇峰

崆峒多秀麗怪石亦生奇竹翠通禪髓花黃啟道願
藤蘿佛膝曲古藤聖心怡極目頻臨望悠然任所之
紗帽石

支那

瑞白禪師語錄卷之三

五

天然紫石長苔封却似烏紗振國風想是辭官修道
者故將冠冕挂崆峒

觀音崑

森然喬木古藤封紫石磷層布錦峰趺坐忽聞清籟
響誰知大士啟圓通

清涼崑

苦樂無能到炎涼豈可侵忘機獨自坐那有世間塵
眠牛石

雲根高臥似眠牛歷盡寒炎不計秋鞭杖而今誰更
用祖翁田地賴耕收

一脉泉

活潑無依倚常年不竭涓榮枯咸被潤益自有來源

石錐峰

形如鐵錐立峰頭觸碎虛空獨自幽魔佛一齊俱蕩盡誰人能入此中遊

石鯉峰

石崇天似錦鱗龍門已透若何升蒼生枯槁須當清砥待雲雷布雨行

崆峒水口

一帶溪流下碧岑噴珠擊石響清音常年似唱胡笳

瑞白禪師語錄卷之三

六

調不許眼觀聞在心

羅漢松

翠葉婆娑色愈嬌和風鼓舞帶雲飄空山獨立清蒸暑多少行人息苦勞

空王墳

空王元無形跡微塵堆裏藏身今日分明指出青山綠水白雲

懶漢床

石榻蕭然崆峒天懶人時未離床弦自從劫外長眠起睡到而今不計年

白石

彷彿子母尊天依稀面然大士崖前獨立提持傲盡風霜月歲

崆峒家法十偈

崆峒家法絕連纖一句當陽直指全剿絕葛藤亡滲漏方知劫外有禪天

崆峒家法絕連纖棒喝交馳機活圓點着禪人通體快何須格外更求玄

崆峒家法絕連纖弗使諸人仍自纏截斷葛藤和本援翻然當下證金仙

瑞白禪師語錄卷之三

瑞白禪師語錄卷之三

七

崆峒家法絕連纖雨過青山色更鮮萬象無情能說法何勞病朽口重宣

崆峒家法絕連纖野鳥山花不問宣風捲殘紅親徹骨真機滿目個中圓

崆峒家法絕連纖月上東岡一顆圓寶色輝輝高下炤誰云祖印有其偏

崆峒家法絕連纖風舞清香襲法筵只爲老僧心力倦也來助我一談禪

崆峒家法絕連纖那畔今時已盡指月印寒潭常坦坦風吹威策自玄玄

崆峒家法絕連纖五位三玄總不然閒踏峰巒觀秀色映紅遍地草芊芊

崆峒家法絕連纖有甚工夫有甚禪畫飽三食日落後長伸兩脚任憨眠

春遊崆峒

崆峒景色自奇哉紅白枝枝間錯開破衲袖驚憐蕊落芒鞋步動喜香來空中亂舞隨風意巖下披離壯石苔踏遍烟嵐情未已攜筇更上一崔嵬

清明日偕諸子遊奇峰

策杖步奇峰芒鞋意趣濃野花近笑語翠藹露清容

支那

瑞白禪師語錄卷之三

八

爆竹連天吼歡呼滿塢雍烹泉敷石坐不盡話重重

過雲龍山

竹輿度山坡崑深鎖薜蘿撥開荒草逕點出古崖阿舊屋添新象老僧益壯多相看供蔭茗談妙喜閒過

觀奇雲偈

并叙

乙卯夏峯岡閒居養病自適晚食之暇夕陽初落餘暉散彩祥雲呈奇變幻莫測或爲獅兒返躑或作象王嘯呻或現海馬騰波或現鳳凰展翅樓臺殿閣人畜龍仙無所不有時余與二三子酌清泉縱奇觀偶占偈一首諸子亦各有和韵可謂不負

天開畫圖之妙耳

遠望夕陽落斜暉映彩雲神奇莫可測變化幾般形攜杖同諸子頻觀興愈清烹泉亦敷坐快意樂天真觀體非他物不知誰肯怪

陳乾所居士捐資爲師造一團瓢立春前五日而始落成時諸弟子各呈偈頌以爲慶意師亦示之以偈

若個團瓢昂然自在囊括虛空合容法界六戶玲瓏非中非外六角稜層大千俱蓋惟有一門往還無礙霧起連天渾一色風吹碧落皆慶快

支那

瑞白禪師語錄卷之三

九

警洗菜

一鑑清池靚面開厨人時以滌蔬臺莫教黃葉隨流水惹得禪和步跡來

新正雪覆絳桃

贈雲隱

一樹紅花覆白雪通身却似玉粧成寒凝不露真機骨惟有清香到處聞

師居崆峒養病無事每敲禪板自適或禪人請問工夫隨敲示之一日示之以偈

不揚塵尾不拈花專敲禪板作生涯分明擊碎虛空髓直下翻身意自奢

聞畫眉聲

空山有畫眉時向窓前語問渠何所言報云栢樹子
覲面爲人提阿誰能會耶熾然說法罷飛入峰頭去
送克歸維那回浙

克究宗乘忘倦久偶因浙底省師回東風乍起孤帆
展再上崆峒咲自開

示諸禪客

畫衣精勤莫暫違應知佛法絕離微個中一點通玄
路祇在搬柴運水回
諸祖西來意欸聲并掉臂玄中更有玄確嘴生花亦

支那

瑞白禪師語錄卷之十三

十一

庭前栢樹子趙老爲君指會得其中意揚聲囉囉哩
昔時楊大年決志爲參禪相見慈明後聲名播九川
贈宗侯朱南美居士

廓徹虛明本地光個中無物不含藏從來法界人天
美寶樹花開到處香

賢侯垂護道中興蓋爲靈山囑托深孝敬雙親天地
格珠蘭夜半現中庭

侍御張璠碧求偈

大道通三際恒沙歷歷周孤明常應用盡在一毫頭
動靜皆由我愁歡兩盡忘莫將心意會明月印于江

老病感懷

勞病多年老更彰幸今已歇自心狂眼昏無力看經
慢齒缺多風說法難脚懶山行嫌峻嶺身居龕內喜
茅房世間出世俱忘論惟覺頭寒一頂霜

已卯夏經行失跌因傷手有感

嘗謂多生業感深而今病苦漸相陵寒傷數月精神
減脾疾連年血力貧朔氣綿交嗽又發颯風初度手
遭侵雖然宿債隨緣遣難動虛閒一點心

題弁山龍華寺種樹

龍華席裁引路松
數里師乃賦此

支那

瑞白禪師語錄卷之十三

十二

新種松杉滿道傍婆娑遙蔭到禪堂堅牢神力能堪
護萬古龍岡翠色彰

答給諫熊青嶼次原韻

逃禪浪跡在天涯釣盡烟波意始嘉更遇大檀知個
事陳年枯木又開花

題百丈諸景

庚辰秋 建安王念百丈法席久虛虔修書幣遣
使特入崆峒山延師重興祖道師于十月初二入

院掃祖塔竟因閱寺志復登山翫景成二十首

百丈寺

名藍高百丈勝景冠諸方此地何今古溪清映月光

大雄峰

高標聳出太虛空脫盡凡塵孰與同百丈峰頭弘祖道芳花古木自叢叢

大智塔

石塔摩霄漢真身自內藏祥雲彌四野靈木占高崗說法青松吼談禪翠竹揚愧予無所敬一禮一爐香

鉢盂峰

孤峰圓立在山丘形似多羅意甚悠開口朝天吞日月乾坤作供一齊收

殿

瑞白禪師語錄卷之三

三

錫杖峰

一峰靦面存直示如來旨開展有誰能至人常在此

釋迦峰

天宮不肯住降跡萬峰頭大智相逢後聲名遍九州

迦葉峰

瞿菴稜層出世奇寒中獨立露真機烟霞常作袈裟搭鳥語花香咲自微

鳳凰窩

昔日宣宗聖駕臨鳳凰特立現佳徵而今香道仍寥寂惟有清名世上存

石笋

平空迸出幾千秋恰似天龍一指頭觸目能知元自具宗風從此滿皇州

七星橋

七星布列在山門爲鎖曹源一滴春度馬度驢憑跳躑曾無此子喜和噴

師表閣

古閣凌霄漢層層鎖霧霞綸言師表賜道望滿天涯野孤巖

五百生前異類身一言迴脫悟天真從茲月映中堂

殿

瑞白禪師語錄卷之三

三

滿故有名聞震古今

靈景亭

景勝靈俱勝靈空景亦空詩人多點綴遺跡古今同

大義石

頑石不開口善能說大義一塵合法界萬物悉皆備眼裏能聞聲個中可領會當陽絕覆藏真諦明麗麗

黃犬墳

十二類生觸目該圓明一性總無乖聞經既證天中樂名在而今土一堆

木人墓

木偶會開口鋸破水中天何朝犁罷去空臺鎖寒烟
大夫松

獨立山頭勢接天枝深葉秀鎖蒼烟昔聞宣帝曾臨
此既與安名不偶然

龍蟠石

兀兀臥茲山風霜不改顏一朝龍坐飲名稱落人寰

駐蹕山

鬼嶠摩碧漢清氣遠人間御駕登臨後春風幾度還

三旋嶺

三旋是何意爲君指路迷石門雙豁處不必更思惟

支那 瑞白禪師語錄卷二十三

十四

洞山卽景五絕

洞山者价禪師古道場也崇禎戊寅秋孤崖禪師重興主席孤崖乃師之法嗣因重修洞山志師有感賦之

洞山寺

梵宮高聳洞山奇誰是通家路不迷眼裏青黃如未

薦鐘聲擊處爲重提

和尚峰

孤峰聳立若僧儀細草婆娑似髮垂雲作袈裟松作

杖儼然半步不曾移

五位橋

一石橫空起正偏兼帶齊此中能進步不涉杖頭泥

逢渠橋

洞橋似月半開舒未有登臨不自如觸目波瀾皆性
色可知處處得逢渠

登雲居室

幽室高居峻不通天人何故得相逢念存有念神來
供心若無心佛莫窮碧嶂野花陳翠色清溪流水現
佳客真誠祖道誰能委總在兒孫一目中

美僧四調

堪羨僧家脫却繁華勤精進定慧無瑕玉候匪重名
利匪誇果極清高極志氣最亨佳

支那 瑞白禪師語錄卷之三

十五

圓頂方袍迥出塵勞觀大地猶若鴻毛縱橫物外不
受煩囂却遠情根遠愛欲有禪逃

一衲逍遙拄杖橫挑寒家懸一個飄飄連村乞食古
洞爲寮也不衆禪不學道無矜驕

禪板叮敲信口聲嘲無腔調韻徹清霄身心灑落不
染塵膠乃絕羈縻絕毀譽不世交

山居四儀調

山中行踏破羊腸古徑雲徐徐直上會峰頂轉盼天
池氣象新

山中住閒看浮雲還又去忽爾狂風四面來不知踪

跡歸何處

山中坐默默無言誰伴我
柴扉不掩客來踈惟聽幽禽吟戶左

山中卧衲衣當被和頭裹飄飄作枕正堪眠忽被猿啼又驚覺

四儀禪調

山中行草鞋兒都踏破穿過了古松陰又上前坡破
衲衣將藤花咸掛落烟霞隨杖轉禽鳥聽指呼一般
樣底神通誰儂不似我

山中佳
六時真快樂
喜清風翫明月
發明圓覺也

支那慣習

瑞四庫師誥錄卷之十

夫

無憂也無慮活潑潑念想隨處淨塵緣總不着一段底真風世人難比和

坐蒲團半跏趺萬慮定無昏沉沒妄想廓爾太清魔
與佛若到此俱乞命如來正受處光明藏裡身忽爾
的忘緣二世剎那頃

卧藤蘿枕雲根都放下閒清風空明月事不交餘四
圍山悄悄寂寂如帳掛青天錦被蓋白雲破絮遮一覺
兒醒來紅日照着咱

警世四調

歎衆生真顛倒隨無明入荒草步步忘却長安道你

只圖妻財子祿造下了罪業山高勸君家早回頭莫待臨時懊

縱貪嗔何日了迷自己那能曉
汨沒塵勞投榮耀身穿着華衣
美服口要喫百味佳餚勸君家
早回頭莫待臨時懊

爭人我惹煩惱愛嬌奢幾時了因循造下來生報誰
知道無情閨老業鏡前毫不相饒勸君家早回頭莫
待臨時懊

報君家早知道省前愆休營造好將賢聖語言效念
二句彌陀古佛思量那極樂清高勸君家早回頭莫

撰述那

瑞白禪師語錄卷之十三

七

待臨時懣

入就瑞白禪師語錄卷之十四

明住天台護國寺嗣法門人寂蘊編

書復

住龍華復唐司馬存憶沈司寇何山請主白雀

寺啟

秉勅旨於靈山同扶末劫闢津梁於震旦不負初心
大道既弘諸佛咸喜恭惟大居士閣下德彌朝野道
王人天四兵摧魔外之威猊三尺稟覺王之律令世
法之中常行正法國恩之外先報佛恩幸官身柱石
一時菩提願金湯萬里似楊大年之行正令若李都

支那

瑞白禪師語錄卷之十四

二

尉之近西河但愧淺陋息影半龕素愛清虛隨緣一
鉢何期鼎翰謂茲道俗晦多年豈敢當陽重向人天
豎一指固是宗門有幸况復重任難堪承金湯垂護
之雅斯則有命當遵在父母未生之前實亦無法可
說先憑短牘敬謝高情

附請啟

伏以萬象森羅法本周於萬古一音提唱權有屬
於一時頻伽妙響已知來自轂中獅子神威貴使
伸於窟外借人天之寶座導佛祖之弘慈眾望允
歸合詞虔請恭惟瑞白大禪師蓮座下玄珠久握

智印旁通接洞上之真傳受靈山之密囑鼻孔遶
天蘊彌天之辯慧脚跟點地露本地之風光大千
界內攝受無遺二六時中逍遙自在石室跏趺馴
扣階之猛虎孤峰嘯傲度問偈之飛仙甘露已澍
於他方化雨未敷於此土行錫既臨忍杜毘耶之
口慈航在望孰恢般若之緣况道場山之法輪未
轉則湛大師之遺戀方深賴今日之宣揚補當年
之缺陷自非克家令子誰爲通事舍人法華寺者
古德名區西具勝槩尼總持之發軔大光師之踵
興祥徵白雀遠符白馬之踪瑞應青蓮不改青山

支那

瑞白禪師語錄卷之十四

二

之色必逢大士始繼前修乘乎願力庶幾有志竟
成虛此覺場或者後來居上鴻山主人不待下語
而決無垢居士何必結菴以招伏望憫斯緇素作
我津梁豁開戶牖拯末俗於牛車截斷衆流報深
恩於鷲嶺浴日月之光華大昭佛慧平山河之坑
坎永奠皇圖及聞聞性處處開小白之花自覺覺
他人人證菩提之果恭迎法駕特佈微忱謹啟

住龍華復韓太史求仲潘侍御青蓮請主白雀

寺啟

不忘囑累庶令禪德增輝悟徹本來普使法幢重豎

志扶末運方闡真風恭惟大居士閣下河山毓秀奎
壁儲精珠回玉轉綜五經廿一史于毫端霞湧雲蒸
占三百六十名爲榜首洵朝端之柱石爲佛教之金
湯三氏兼通儒釋道何他何自一真不昧戒定慧孰
動孰澄威音那畔悟真機今世門頭通消息不昧弘
深願力故能說法現身居士有九成伯思垂護之心
山僧乏大慈黃龍接引之力既蒙見召豈敢固辭不
揣愚衷統祈鑒照

附請啓

二十八代綱宗提佛正令百千萬人觀望示世威

支那

瑞白禪師語錄卷之四

三

儀師門無多誰敢橫分戶牖學者雖衆必須蕩盡
干戈喜來病市之醫王重振塵中之法鼓恭惟大
師座下鶴鳴九臯河潤千里居則枯木止水安坐
十方出則鳴鳳遊麟禪祥萬物值耆年凋落之日
當正宗冷淡之時深賴典型用銷同異滴水滴凍
原來布袋解開入淖入泥末後牢關自握刻盡法
堂之草吹光布衲之毛莫負識痛癢之心公用布
學菩提之種子三輪普現一印頓圓驢跡坡間步
步象王腳跡雨聲蓬底點點龍女珠璣擔荷難辭
合衆拱聽謹啟

住龍華復孝廉史汝諧啟

受靈山之囑三才賴以匡扶秉東魯之規兩儀藉以
位育恭惟居士胸懷日月掌握權衡洞悟心宗透明
理學建法幢於越地四海欽聞護祖印於戒珠六合
仰望山野德涼學淺抱病巖阿翰墨飛神何敢違拒
謹此奉復惟祈鑒諒不悉

住龍華復吳太史

觀我

接手教云教乘粗知別傳未決乞天甘露研一滴以
豁我盲何如夫教意宗乘原非別物恭聞老居士於
世間經書文字及三藏十二部一切修多羅皆已透

支那

瑞白禪師語錄卷之四

四

徹毫無餘剩或意識之未到者不曾研究耳古云太
末蟲處處能泊惟不能泊於火燄之上衆生心處處
能緣惟不能緣於般若之上惟祈將從前所知所解
盡情放下放得潔淨然後向百不知百不會處下手
使他冷冰冰地空空寂寂虛豁豁無有一法當情其本
地風光方可透露古所謂外絕諸緣內心無喘心如
墻壁乃可入道此唯在篤行不復煩贅拙偈奉覽心
意緣有量不能緣無量本色修行人去却有無量妄
想生死根破妄涅槃城涅槃生死絕親見本來人若
見本來人魔佛俱不論有問西來意鮎魚壁上行

陳居士到山云老居士精勤護法決意宗乘年雖老而志益堅膚雖皺而心愈銳英雄之氣莫可摧也先師塔銘向蒙慨諾今將行實一一開呈伏祈慧鑒則先師末後一段光明全在老居士智海翻波舌鋒卓焯日雖西而餘影留可謂圓音再振森羅萬象現金容筆舌重宣明暗色空咸側耳宣王道釋迦道一命拈來實相禪文字禪二俱指出法音大闡寶月流輝後學有歸真風永扇臨楮飛神翹竚之至

住龍華與唐孝廉

卽塵勞而行佛事假世相以演真乘毘目仙人相存

瑞白禪師語錄卷一四

五

外道具足優婆夷不壞女流此華嚴中一真法界菩薩子也何待易其形而後爲道哉昨聞居士有出家之志切宜止之龐居士楊大年在家成道善星比丘雲光法師亦墮輪迴道繇心悟何分僧俗惟在居士二六時中將個本參話頭提起力究不可斯須間斷只向行住坐卧屙屎送尿拖着個死屍行底畢竟是個甚麼人於此看來看去葛忽撞着自己已固始知成佛其來舊矣

薰風拂面秀萬卉之花心杲日臨頭成百木之菓實榴紅通祖意梔白顯西來護持正法人當在此時洞

然矣至囑

朔風緊急刺破人人面門不知居士可知否耶知則古餘赤條條不知依舊一團茅草亂蓬蓬去也先和尚傳稿未審近日清否曾付梓否當旋音慰我不悉

囑託

弁山龍華寺承居士願力所成病朽如風燭草霜豈長久哉今復託重永爲金湯者蓋居士之誠敬居士之信心居士之行門必爲靈山記前隨類現身宰官說法乃如此也願居士如呂文正公後代不信三寶者勿生公家生公家者個個簪纓人人冠冕作朝廷

瑞白禪師語錄卷一四

六

六

之柱石爲佛法之金湯是吾願耳然參究工夫但以柏樹子話時時提持勿緊勿慢久久純熟自然打成一片有個到家時節不明時不可煩燥不可懈怠亦不必執坐但行住坐卧無令打失爲妙護法亦須且擇法眼彼師具正知見爲法門爲後學須要護持使慧命有在若彼師爲利爲名爲處所爲眷屬者此爲不淨說法也經不云乎末世之中魔王說法如恒河沙衆生愚昧不自覺知其爲護法者可不慎哉惟祈爲法門爲衆生驅邪輔正是禱是幸

別

爲衆竭力勞病臨身神倦氣微難以應接所以向深谷以養沉疴住窮巖而盡殘喘力疾當行准在此日龍華院事已付久默全在居士力請爲之庶使佛法有人寺得其主吾願滿足故遣奇珍馳書奉達

住龍華復沈司寇何山

既知渠是我則普天之下莫非王土率土之濱莫非王臣又謂流轉隨他去者亦是我也須知我無有我無我之我豈妄者哉達此真我則衆流自絕矣奚把柄之謂乎

住龍華復嚴比部克潛

支那

瑞白禪師語錄卷之十四

七

西堂回持老居士尊翰及齋僧銀上山老居士功德福壽可謂與和風並布煦日同輝矣承問叅究工夫事古云叅禪無秘訣祇要生死切二六時中但只猛着精彩莫管他閒忙得失將一句本來面目一提提起一靠靠定只恁麼叅將去行也如是叅坐也如是叅動靜閒忙亦如是叅叅來叅去日久歲深自然有個落處至囑

住龍華復邢文學吉先

朔風彌六合霜花遍大千錦衣公子黢黢添白炭百衲禪和藤床度饑寒正寂寥中忽接翰墨不覺喜動

眉顏寂寥翻爲和風煦日矣何也喜居士於此有入處則吾法門有賴但未知信得極否果信得極則識得渠今正是我我今不是渠直須恁麼會方得契如如之義矣若復向此如如中作活計正所謂錦獄安身猶帶一重羈鎖何繇而得解脫乎古云若遇御飯亦須吐却直向高高山頂立足十字街頭橫身雖在十字街橫身不妨高高山頂立足古所謂夜半正明天曉不露正此意也如此會得須知更有向上一竅要知向上一竅且待和風解凍後歷然還越時

住龍華復周廣文身爲

支那

瑞白禪師語錄卷之十四

八

接手教知居士乃個中人非汎汎可比若非親秉靈山記別易如是哉諦觀來書見地似有眼而無足何以故見雖精明而不能行履蓋功夫未到究竟故有此疑耳今勸居士可將從前所知所解一切放下放得潔潔淨淨不帶絲毫觸境逢緣如空谷答響明鏡照像不執留不記憶來無所黏過無所從如此行去十年廿年自然不須問人矣觀二轉語見地不無但未剿絕果要諦當知發棒之所以須要見徹擯首座維那落節處纔妙承五問今奉答問生死夢幻鼎鑊當前不能怡然答石女觀花問情緣假捏骨肉當前

豈能漠然答木人飲酒問肉身泡影凍餓當前豈能
澆然答金佛不度爐間較量下度撮摩虛空拂逆當
前豈能恬然答馬蹄踏微塵問日間猶可把持夢中
不能自主事變忽生更難卒應答明月應清波居士
若於答語中透得不妨做個灑灑落落丈夫立地成
佛漢子其或未然切莫草草

向者白雀一別清誨踈聞緬想高風日時暢望忽接
尊翰始知起居中帶恙堅修未嘗少怠真老當益壯
也來翰云所窺不無影響不能一脚踏着遇個促風
暴雨不能安閒然修行人要緊正在此耳祗恐居士

瑞白禪師語錄卷之五

九

二六時中不曾回頭力究惟向文字知解邊作活計
如說藥人相似真藥現前使眼花撩亂了也居士果
要真實相應必須萬緣放下放得潔淨無餘絲毫不
存古所謂百不知百不會如此日久自有自繇分他
時間家老子亦沒奈何不然只恐歲月蹉跎韶光難
再道力不克臨時未免忙亂可不慎歟

住龍華復史文學 頌水

別來數載清叙無繇忽接尊教心中積想頓然釋矣
來書云久厭塵勞志本真諦甚喜但做工夫人於塵
勞當減處須減不必厭煩若生厭煩則愈加塵勞且

看塵中聿身而過者是甚麼人看來看去忽然看破
始信塵中能作主化外自來賓可謂真徹矣居士果
有此志當貴乎發大憤立大志直下做去自有得力
處若悠悠洋洋即來翰所云來日之短此不待山僧
重悉矣

住弁山復俞文學 浪澄

接來翰知居士用心真切造詣淵微真法門之良器
也羨羨承如所言生不是佛而皆心也刀不是鋤而
皆鋤也瓶盤釵釧皆一金也果識金體何妨瓶盤之
殊果識日心豈碍生佛之異即生佛而真心即瓶盤

瑞白禪師語錄卷之五

十

而金體何差別之有哉須知古云不是心不是佛不
是物且道居士向甚麼處着眼此處著得隻眼須知
更有向上一竅要明此一竅問取智慧一子始得

住弁山復丁文學 子敬

適承佳貺謝謝來翰云身心總非無乃落空此因世
人執身心實有故吾佛破之令知身心空花當下即
歸真際豈復落于空哉又來云山河大地咸屬妙心
中之物混沌未剖向何處安身立命此處正要居士
疑着病朽耶通一線云無舌童兒解唱歌又來云寂
寂惺惺時却似無極涵太極寂寂惺惺此乃永嘉惺

寂雙流體用一如之義總不出自心若達自心無極太極亦在其中矣栢樹子語乃祖師向上提持不落有無及非有非無四句須離四句百非外會取始得如不會但祇恁麼去自有到家時節也

住弁山復沈文學七叔

接來翰知居士爲個中事懇切真誠非宿根深厚示現說法易如是也羨羨若論親切下手處諸佛無二道聖人無兩心三教聖人出世莫不指一心之道也夫心者乃當人二六時中迎賓待客折旋俯仰虛靈不昧一段光明曾無間然者也或有認作妄想者佛

支那

瑞白禪師語錄卷之十四

十一

云了心及境界或執有所得者佛云三心不可得此不過隨時破執之語但有言說都無實義居士若要親切下手處但將冊子上看得底解得底記得底盡情放下楞伽所謂五法三自性俱離八識二無我俱遣既遣既離這裏正好看個畢竟那個是我底自心行也如是看坐也如是看穿衣喫飯如是做迎賓待客如是做妄想起時切莫隨之亦莫厭之亦莫斷之只莫管他但恁麼做去打成一片情境俱忘觸着磕着忽爾因地一聲始知諸佛無二道聖人無兩心也

住弁山復嚴文學季子玉

接來翰知居士意氣聳聳然鋒鋒銛銛然大似一員猛將有八面受敵之威風但未久經行陣若遇強中強勝中勝恐被他生擒活捉則體面不雅只宜深蓄厚養餘思淨盡般若圓明那時出頭來一棒一條痕一掌一握血殺活自錄收放自在豈不快哉

住弁山復張居士

接來書知用心之深造詣之切真塵勞中丈夫也來書云昔日聰明見解山河大地都向盤古已前去了是則固是且道盤古已前是甚麼人道一句看又云忽將佛祖化作一團沒眼耳鼻口的東西塞住三千

支那

瑞白禪師語錄卷之十四

十二

大千沙界既無眼耳鼻口且道足下在何處安身立命又作麼生見聞作麼生唱飲向此無眼耳鼻口處道得一句可來山僧手裡喫棒不然祇是意解所通依草附木豈知佛祖之道哉

住弁山與湛初懷悅二居士

奔流日月舊人已換新人飛箭歲時新物難同故物若夫林間野壑抱道之士穩坐清虛恒處寂滅觀時遷以忘意觀物改而無心萬古真常煥然不變者烏有新舊之遷哉奉勸諸公頓發大心捨塵勞於貪嗔愛見證佛道於戒定慧門古所謂念佛則高登極樂

造惡則永墮沉淪報應無私可不慎歟蓋謂善以薰成惡乃習就莫待無常促至而後方省須知參禪定然悟道持素必也生天若聽予言不枉平日知我之深也

住弁山與吳居士 曉菴

登山須到頂不到頂不知山之高入海須到底不到底不知海之深學道須明極不明極不知道之幾微聞汝要坐關此不可也坐關乃是養道之位汝若參得透頂透底古今差別了了無疑方可杜門息影調養習氣不然可謂不知其時不知其位他日莫言不

支那 瑞白禪師語錄卷之十四

十三

住弁山與首座 久默

子承當個事必須精修造守弘揚大教以報佛祖深恩無得效世之常輩作個座主體態說些名言因果哄此齋公齋婆過日子也大凡住持其利無論大小衆不拘多寡必要率衆精嚴規矩緊密賞罰分明不可怠惰此爲主者之所當然不可濫同諸方禮儀有所不備規矩有所不齊賞罰有所不明則住持之道廢已道安在哉

住弁山復禪者 石門

接來書云昏散昭昭未有一時清淨又云是其無生

而有生者耶永嘉云若實無生無不生既無 不生何厭其昏散昭昭耶當知昏散昭昭曾非別人卽是汝自己昏者是汝昏散者是汝散以其有汝自性清淨之水體故有汝妄想之波浪若無水體則妄想波浪何處安著既知昏散非別人亦不可認着爲是從今已後將昏散二念放過一邊單只以本參話頭爲懷昏也如是做散也如是做閒忙也如是做動靜也如是做做到人我兩忘根境雙絕忽爾觸着磕着因地一聲始知不汝欺也

住弁山復禪友悟空

支那

瑞白禪師語錄卷之十四

十四

和風再布煦日重新是處山增色徧地花滿岑則弁山台嶽不隔一線矣月燈雲衣一般春色烟霞氣味大地逍遙任他狼烟四起我國晏然何驚悸之有哉護國之來亦不定矣直待禪堂已成或可不可且看天緣惟願鄉親緊把繩頭牢握露刃劈柢子於當處破趙關於目前他日相逢只得呵呵

入就瑞白禪師語錄卷之十四終

入就瑞白禪師語錄卷之十五

明住天台護國寺嗣法門人寂蘊編

書復

住弁山復唐大總憲 存憶

向來海眾安和吳浙法門興盛皆賴老居士弘庥之力也每欲共談個事惟待歸隱林泉今雖謫任而歸是亦福力所致龍天助此良緣令修吾佛出世之道此時正好友觀前來所歷許多名位許多威權許多顯赫許多榮耀而今數月之坎坷之毀責總是一夢而已烏得不爲虛假者哉所以金剛經云一切有爲

支那

瑞白禪師語錄卷之十五

二

法如夢幻泡影如露亦如電應作如是觀既知身外之物是虛假則知自身亦是虛假從頭觀之皮肉筋骨皆歸于土涕唾膿血皆歸于水煖氣歸火動轉歸風四物各離此身何有惟有常住真性克徧十方不假胞胎凝然獨露若不向此時究明辜負已靈豈大丈夫哉若待翻個筋斗則前路茫茫不知何處安身今勸老居士將世出世間一切外累一放放下看個不與萬法爲侶者是甚麼人扣扣定與他覓作一團行也如是坐也如是卧也如是不可斯須放過倘或遇境逢緣觸着磕着一念相應寧不爲出世大丈夫

天耶卽現在之龐蘊楊大年李都尉把手共行儒釋一貫豈不幸哉是禱是祝

住弁山復周羽士 三畏

白馬壇上俱剃度以皈依黃龍山前碎瓢囊而證佛一時捨邪皈正皆因仰慕上乘賢弟既有出塵之心病朽豈無接引之意但深思幻化見桐邑之災危須確究真宗望諸祖而力學知無常之促至生日幾何念父母之深恩難髮報効倘得發明心地必須代祖弘揚佛恩君恩親恩頃爾報答災障業障報障忽地冰消矣

支那

瑞白禪師語錄卷之十五

二

住天台復沈司寇 何山

辱承華翰頓令泉石增輝愚心亦銘刻矣老居士既以法門爲念病朽固可速整歸帆猶待桂子飄香孤雲自來弁嶽

住天台復陳吏部 本叔二篇

大道將隳賴仁人而護佑禪門圯落使賢哲以安寧若非智者傾心何能永標法幟唐居士見天台之久廢意在求人思公力以護持飛神遠逝幸居士願力深厚意在未覩之先爲道懸心留神已發之際雲林泉石咸有歡聲地土泥沙悉皆企仰居士有忠懿王

之大力山野無德韶老之宗風福薄才輕有辜重望
權作斷橋之畧約暫爲黑夜之螢燈以俟高賢續來
禪林始可與盛惟祈鑑燭佛日增輝幸幸

欲知佛性義當觀時節因緣時節若至其理自彰古
有聞蛙聲指木樨而悟者時節因緣也忠懿王供禮
韶國師建二十七刹亦時節因緣也護國之興賦田
千頃飯僧萬人房寮六百餘所煥若天宮亦時節因
緣也後來田地一旦屬於豪家房舍變爲瓦礫亦時
節因緣也病朽至此不過隨緣度日况欲構室以爲
退休之計不期常住淡薄雖有鉢資之餘已作雲厨

支那

瑞白禪師語錄卷之五

三

之供何有贖田之意哉縱有此意亦候時節因緣必
不強也聊此奉復

住天台復嚴文學

淳之

別時桃花呈笑臉而今梔子露芳容任他萬物陳奇
妙個中不與古今同正來書所云無縛無脫之旨也
既得斯旨終日灑灑落落何五欲習氣之有哉何聖
凡魔佛之有哉何境風扇動之有哉遇緣卽炤觸境
使知鳥得不爲秋空月影乎鳥得不爲夜靜鐘聲乎
到與不到無足論也古所謂萬象之中獨露身惟人
自肯乃方親公既自肯更何黏墜若稍有境風習氣

則自心不透當深造之則日進日妙自然萬無一失
矣雖然且道鶴出銀籠一句作麼生道若道得可謂
親見弁山來不然且待桂子飄香後南飛北鴈與

住天台復嚴文學

季玉

居士夙根淳厚願力弘深故能于般若中纔涉衆情
便有入路豈非示現受生同事之攝乎若真信得及
如杲日麗于中天無物不照無物不臨則知一切習
氣總是自心發現何差別焉何羈絆焉古所云萬象
之中獨露身豈非解脫乎縱有多生習氣但以知見
力治之所言知見力卽是自心非別物也如水起波

支那

瑞白禪師語錄卷之五

四

全波是水從心起妄全妄是心何差別之有哉卽此
是夢覺一如但於此做去久久純熟自然言思路絕
心體湛然何親疎何精緩如此着得一隻眼可謂向
上機關着着全提大用始信十方世界中惟有一乘
法諸佛無二道也提也是不提也是衆亦不是別人
放下亦不是別人可度生死海可登涅槃山雖然如
是且道騎佛殿入庫中將山門安燈籠裡又作麼生
如此有疑必須再叅始得但有路可上更高人也行
觀公偈句見地不無只恐依他作解耳拙偈奉復堪
羨汝今全體露拈花老子何曾付機緣偶爾霎時逢

始信人人皆本具。噴青龍巢在鵝鵝頭。石虎翻騰迎海度。青龍巢在鵝鵝頭。即不問。祇如石虎翻騰作麼生。道道得不枉親見。弁山若道不得。且待黃花綻相逢。咲臉開。

住天台復丁文學子敬

經云。十世古今。始終不離於當念。無邊剎海。自他不隔於毫端。夫如是。則具越一致也。萬法一心也。始終一如也。僧俗一體也。何東西兩浙之有哉。如居士始到弁山。謁予。即此一念也。同予上天台。入護國遊桃源。觀石梁回剎溪渡錢塘。乃至歸家。莫不皆此一念。

微通

瑞白禪師語錄卷之五

五

也何始終焉。何彼此焉。可謂不離。若上而親炙病僧。不出台嶽。已入龍華。如是會得。乃名小歇場。須知更有祖師巴鼻在。會麼。要知瑞老歸期日。且看橙黃橘綠時。

住天台復沈文學仁叔

末世佛法凋零。若非大菩薩。現宰官居士身。爲衆生說法。則衆生沉淪苦海。何繇同事攝化哉。想居士夙願深厚。道基恢弘。纔入禪門。頓省心地。豈非親受靈山記。剎乎接手教。知居士以再入爐鎚。重加煅煉。爲念此真勇猛丈夫。且吾出家輩捨俗趣真三二十年。

習氣不得頓斷。況居士纔入此門。焉能頓斷乎。古云。理則頓悟。乘悟併銷。事非頓除。因次第盡。當二六時中。要真真實實。看得破。放得下。正念當時。時現前。不可昧却。暫時不在。如同死人。若正念現前。孤迥迥峭。巍巍縱有感慨之懷。桑梓顧惜之念。如明鏡鑒像來。無所黏過。無所從。豈非是灑灑落落。閒道人。也。既知火宅道場。原非二地。行成解絕。豈有兩心。只在當人二六時中。操守切莫放過。必須以斯道而覺斯民。可以語戒者。戒可以語禪者。禪可語道者。道即是隨類化身也。今天台冠天下。名山護國爲韶國師。大剎桃

支那

瑞白禪師語錄卷之十五

六

源洞乃劉阮之仙境。石梁橋壯宇宙之奇觀。倘居士真能作灑落人。不妨駕高車一遊。暢望抒情。莫如此山之勝也。

住崆峒復唐總憲存憶

五月八日接翰。教知老居士。以碧巖相召。非渥愛愚庸曷至此也。柰山朽抱疴。深重應接艱難。力竭神衰。心枯血少。只得退隱崆峒。以盡殘喘。特此拒命。有辜賢喬梓之重望矣。更祈二六時中。將已躬下一段大事。不可放過。必須精精勤勤。自勉自勵。與他三世諸佛把手共行。方爲出世大丈夫。不枉塵勞一回致禱。

致禱

復嬰文學 抱玄

瑞生至接尊翰知居士留心此道克究宗乘為法門之金湯作文江之柱石忻羨來翰云念佛難使一心不亂參禪疑情不起斷斷續續淫怒竊發雖知淫怒佛性無二而又不取直下承當也蓋參禪人十個則有五個墮此病中皆因生死心不切耳若是生死心切將個本參話頭一提提起如一人與萬人敵相似莫教斯須放過倘或手寬眼慢即被他斬却頭去也誠能如是做去不日成功立地可待發明本有則不

瑞白禪師語錄卷之五

七

著問人矣既明之後露髀裸赤灑灑則知念佛心與淫怒心皆不可得曾無來處亦無去處何一亂之有哉亘古亘今曾無欠少豈有斷續耶如斯說個妙悟亦是聞名烏得不累贅乎到此頭頭顯現物物全彰切忌認着認着則依然不是雖然更須知有向上一竅在若要明此向上事可到南雲山中拄杖子與汝指出餘不瑣瑣

復魏文學 東曉

前者道駕過山陋室荒涼慢甚初七晚接尊翰如晤道顏亦知居士還楚矣來書云若見自己面則不見

種種矣既不見自己面所見種種者是何物見耶若以眼見眼似葡萄豈不能見也若以心見心如工技見亦不能見也何則心如幻故一滅永滅何能再見也要知數數而見者畢竟是何物而能於此觸着磕着必要討個下落不枉居士頂天立地做個大丈夫漢子也不然且看古人云萬象之中獨露身惟人自肯乃方親若向這裡看破則山僧此一絡索皆為刺語矣

復嚴比部 克濟

接尊翰知老居士留心此道真切做工夫入龍華隨

瑞白禪師語錄卷之五

八

眾坐香話頭頗馴習尚多起倒漏逗更以初學指南長途截徑為問若論指南截徑二六時中折旋俯仰迎賓待客抱子弄孫一一無非截徑處一一無非指南處只為老居士自不知耳雖然不知與他歷代祖師有何差別乎古人云佛法不離穿衣喫飯處屙屎放屎處迎賓待客處生心動念即不是了也若不生心動念則無往不是個事現前於此覷得破擔荷得起奚得不為截徑者哉若不於此領荷徒自勞碌耳經云不從人得何藉劬勞肯繁修證誠足以為證也

復唐孝廉 補遠二篇

行業弘深爲華嚴之長子道德高廣作佛祖之真兒
其唯護法也歟若上一別又經荷梅幾換榮枯難忘
是以龍華寺是居士血疏所成莫改初心終期果滿
奈緣山野病憊不能接衆談禪冥學愚頑其實有幸
道望心枯喉燥豈堪久居脾弱氣虛胡爲衆首只得
退歸崑崙以盡殘年是予之志願也今承居士翰墨
遠頒欲予再歸不得不書此奉復且久默上座向日
已曾面囑當請入華林陞堂說法衲僧濟濟乃龍華
之勝事檀越紛紛實護法之心誠何在區區病朽之
野衲哉內外若有梗法不遵方丈之規約者居士與

支那

瑞白禪師語錄卷之五

九

默公當以清規治之或罰或擯如不依者王法處之
則龍華永固默子心安卽山僧居龍華亦無二也
竊謂居士於此門中已將十年矣不知近日曾透徹
不不可悠悠徬徬今日也怎麼明日也怎麼臘月三
十日到依舊黑漫漫地及怨佛法無靈驗且閻羅老
子不怕修福者轉輪聖王其福最大亦難逃乎他手
亦不怕文學辯才者如古之才于今之會魁卽吳都
御等尚入地獄其才力雖大亦難免乎他手夫如是
當知明道要緊可將世間盡情放得乾乾淨淨
必須努力中更加努力精進中更加精進一念相應

則全體顯現通身手眼古今機緣了了無疑可謂活
潑潑轉轉轉隨處自在不亦慶快平生歟是不枉爲
法門出人頭地之一人也

復賴居士

大丈夫觀身世名利如夢幻泡影倏爾消落原非長
久何得悠悠徬徬待乎臨頭之兩哉來翰索良方只
有一服平胃散奉寄偈曰山中與井市元不有塵土
識得個裡人觸處皆清楚個裡人何識憤起大信力
提起吹毛劍境緣當頭劈

復丁文學

子敬

支那

瑞白禪師語錄卷之五

十

昨承翰問知二六時中未敢忘却話頭足見用心之
真造詣之切非汎汎可比也四偈首偈畧可三偈盡
屬道理於祖師關太遠在必須於話頭做去待他卒
地斷曝地折方與祖師關挨子少分相應若要知夜
半日輪紅石女繡鴛鴦木童把酒盞泥牛眠海底之
旨此非心思意解得底直須絕後再甦始可知此無
義味話要悟明自心要了生死要透祖關當知一切
言教俱屬方便古云但有言說都無實義卽龍女成
佛示爲法門故亦須轉然自古至今未始有一女佛
也若據佛法向上而言曾無轉與不轉若以幻化而

言亦無男女之相何轉之有哉望居士努力加功以期妙悟直與歷代祖師把手共行方知吾語不虛囑

復鍾居士

玉所

來書云主人公朝夕不離作麼生會既朝夕不離則不必會矣不必得矣若要更會更得則是頭上安頭鳥得爲主人公耶又謂入門大事更望提誨若要明此大事但於洗面時摸着鼻孔便知端的或仰面見青天時亦知消息於斯得個消息更上山頭拄杖子與汝剿絕何如

復席居士

珍字

支那

瑞白禪師語錄卷之五

三

接尊翰知居士有決絕塵勞之志力究祖道之心老當益壯則三世諸佛合掌讚歎有分也再祈居士更發勇猛堅固志願弗使中路懈退不然則靡不有初鮮克有終於道何益矣然真要了此大事但二六時中將個本參話頭緊緊扣住於動靜閒忙之時逆順開闢之際切勿絲毫放過功夫自然純熟打成一片忽爾因地一聲捉敗這賊可謂卽塵勞而作佛事也卽今之維摩居士也何在出家而後爲學道哉

復鮑文學

思薰

皇圖末運佛道垂秋非菩薩降跡與慈運悲則一切

衆生何繇得其安樂哉向聞居士開大方便作大佛事施藥施財利濟無量此非菩薩莫能矣今甥回山接尊翰知居士從門入意識會於懸崖撒手處絕不可異爲念但今時士大夫輩莫不墮此意識領會之病居士可將從前學解得底盡情掃向一邊此是對症與藥更須參則機緣如麗居士曾參不與萬法爲侶者是甚麼人只恁麼看去一切施爲動靜閒忙處但只緊緊着住看來看去忽然打翻自己家珍捉敗龐蘊老漢自然懸崖撒手自然露髑髏而赤灑灑覓其半毫世法佛法了不可得豈不快哉

支那

瑞白禪師語錄卷之五

三

復余文學

萬容

令師回山接手書承種種過諭復云根器雖卑而有佛祖之志可謂真大丈夫也公既有佛祖之志必要行佛祖之事所言佛祖之事者外以慈心濟物內以定慧修身自他一體物我同觀若能如是行去真爲佛祖之兒孫更須知有脚跟下一件大事始得所謂本命元辰公可知否若不知但恁麼看去切不得絲毫放過倘觸着磕着忽然如此了當卽是選佛場中已中甲科矣故謂之心空及第歸也

復泰和禪客

恒明

一切世出世間法皆是依時對機之所建立也若談性則一切皆真若破妄則一切皆假若談根境則一切皆是塵緣故法無定法隨人施設公所說者正是真如之理引維摩圓覺二經淫怒痴俱是梵行等此正是真如謂之理窟謂之理障謂之如來禪謂之百尺竿頭坐的人百尺竿頭須用進步理窟理障如來禪須用掃去方可透徹祖師關不然只在死水裡浸却何能知向上事乎如僧問趙州如何是西來大意州云庭前柏樹子柏樹子豈非黃花翠竹之類乎若以翠竹柏樹子俱作真如會則教家足以明矣何謂

支那

瑞白禪師語錄卷之五

七

教外別傳何用祖師西來何能開人眼目何可稱爲祖師關向上事何能喚作悟心人當細思之古人云若論此事尚不與教乘合况世間文字乎所以云不向言中取不向句中求沉言者喪滯句者迷此之謂也真如之理焉可及哉

復山主李居士

明吾

久違道範時切瞻依想近來念佛心純蓮臺標號實大檀功力之所至也病朽每感賢喬梓辱愛爲方外交忻然捨寺址構梵宇四衆既有依止而明心達本則居士之福德誠不可量矣奈病朽勞病多年心枯

血少氣衰力微只得退處深崑將龍華盡付久上座掌管予素知此人朴實任重今所托得人亦不孤大檀之望也更望道念堅固庶令龍華永興不惟居士合族之福綿遠亦且法被萬世之下皆居士之福也再祈緊着繩頭一句彌陀時刻莫放至於心佛不二

復龍華久默上座

近聞龍華規矩整肅道風遠播遐邇知皈正宜子之有力人主席何勞絮絮叨叨望病朽回來若不爲養病一接便歸何在四五請而再之又再也老僧原說

支那

瑞白禪師語錄卷之五

八

病軀若愈到六十歲或可回浙掃塔若不愈則老死崑阿而已衰朽之身心豈能伴精壯之機器哉田地可以清理者理之不可清理者還契書而棄之免使後人業累其餘瑣末汝當裁之

復護國嘯雲上座

二篇

向將護國付托乃病朽平日深知非偶然也舊秋出山時囑衆職事同心料理雖許再來亦病朽方便以慰衆心耳汝宜善守自能興復調衆有方服人以道何必怛怛而望再來此亦有時非自強也山中道場不比坡下叢席須效古之百丈今之壽昌種田喫飯

勞逸同心何患後日道之不行哉病朽意在四月八日上九華終南茲筆難盡爾自勉旃丙子二月廿日弁山入就老人書

病朽丙子夏初離弁山意往終南隱跡舟到贛州聞崆峒幽深可棲因喜居之觀來書弁正宗說皆慰吾意知天台衆職同心不負病朽之囑當思古之爲叢林主者爲弘祖道乃重其地地勝則人集人集則道行勞必身先逸必居後斯則德充道播無愧古人今聞同甘枯淡作務能隨昔百丈作食開田之風規羨有在焉近日有某妄判古人謂濟宗以棒喝爲本分

支那

瑞白禪師語錄卷之十五

五

洞宗以語句爲本分又某妄判世尊觀星明道六祖本來無物之偈并洞山偈皆載語錄中此若不與論之恐悞後學今有書到弁山久默處汝等當判之毋縱彼妄說妄說既杜法門幸甚後學幸甚病朽爲法門之願亦盡矣若不依余坐視不理將何以報佛祖正法之恩思之爲之人天慶幸

復禪者 念微

來書云祖意教意有人問着或時有語或時無語不能應機無滯伏希開示方便古云偷心淨盡方堪措泊若論此事惟在當人悟得親見得徹信得及方可

用得出若稍假擬議卽落二落三了也卽是偷心了也古云入荒田不揀草應機有滯皆于荒田中揀草之謂也若不揀擇拈來無不是何滯之有哉如洪鐘在架有扣則應皆無心也若無心而應則偷心斷盡二六時中總是一顆摩尼寶珠放光動地應用無窮何滯之有哉

與西堂 中也

子承當個事不可草草過日古人修道不爲住處不爲衣食不爲徒衆利養必以弘荷大法爲懷利濟衆生爲念二六時中造成一片黃金骨自爾燦開頂門

支那

瑞白禪師語錄卷之十五

六

眼他時論佛論祖亦無愧也囑囑

復禪者 位中

德舟到山知近日工夫掬飲搬薪一一成現則與三世諸佛同一鼻孔出氣但以機未圓活過後張弓之說爲問此正汝識心之過耳若能虛中而應不假思惟如鐘受桴如水銀墮地無有不響應圓活者也古所謂偷心淨盡方堪措泊不然則措泊不上衆之

復禪者 懸圃二篇

梵語阿彌陀此云無量壽亦云無量光公素心固願欲得見此彌陀者則六根門頭放光動地無處不是

相見處無處不是着實處折旋俯仰觸着碰着無處不是接引處何不明之旨哉何銅牆鐵壁之礙哉主張亦是汝不主張亦是汝勿謂無明煩惱却非本來面目誰知聲色裡元是法王身雖然如此永當正好向山僧手裡喫棒何故須知更有向上事在來書云疑團頓破又云證之一字尚未的確足見汝未具頂門眼惟依他作解若疑團頓破徹法源底一亦不立況其二耶佛祖之道豈有二乎二六時中穿衣喫飯迎賓待客折旋俯仰無非是爾證處古云今世門頭不捨一法不捨一法處處頭頭顯現法法全彰

瑞白禪師語錄卷之十五

瑞白禪師語錄卷之十五

七

是爾真贋定案也實際理地不受一塵卽是元無口也何必問人處胎出胎至于成佛皆獨尊之旨雪山修行爲法作則用拔諸苦正所謂修證卽不無亦顯獨尊矣當知不可尋言逐句但向二六時中動轉施爲無憎無愛看來看去自然明白

入就瑞白禪師語錄卷之十五終

入就瑞白禪師語錄卷之十六

明住天台護國寺嗣法門人寂蘊編

書復

住崆峒山復洪都 建安國主請住百丈山啓伏以澹哲遐舒金輪衍御協重華于帝道允執厥中李錫極于攸句謳歌壤內賴我王之多福庇兆姓之咸安恭惟 千歲殿下德邁宗彝名魁貴胤聰明天縱才博義豐瞻二酉之墳典至道精微辯雄問下羅五性之徧圓聲聞色見了自性歸趣大藏教總在裏許豎弄橫拈扶祖師關鍵一毫頭識盡原根何期宣

瑞白禪師語錄卷之十六

瑞白禪師語錄卷之十六

一

室之再來龍章遠錫憐念祖庭之下替虜翰星馳基山野病夫深慚襪線智門弘敞曷克撐持辱使命以傳呼竭厥愚而頂戴伏願法幢廣暨令德日新衣珠深藏自知有在髻中至寶着價無人言念不忘不顯百丈之前謨均漸雨露綸音常赫翊贊萬年之國祚媲美陶唐咫尺尊顏無任瞻仰屏營激切稱謝以聞

附請啟

恭惟大師座下名喧宇宙道括古今縱象王之威猛諸方膽喪張獅子之牙爪四衆心傾末後開維轟雷掣電未足以喻其神機個中事卽豎拂拈槌猶難以

形其妙用爲曹洞之真子接少室之單傳慈雲既已
遍滿乎虛空法雨亦幾普周乎沙界矣不穀寡昧無
聞承富有媿徒勤嚮往莫遂瞻依雖焚龍霄漢之相
懸固時節因緣之有待典型在望冀宗肯以弘揚繼
素投誠希大悲而接引念祖庭秋晚惟西江最稱冷
落嗟古刹草深獨百丈極其荒蕪山以人靈欣瞻古
佛再來興絲廢起快覩慧幢重豎聊成一時之勝果
實結千載之奇緣大振舊家風共覩人人登正覺路
全提新祖令爭看個個入不二門引領以俟錫來臨
書不禁神往

支那

瑞白禪師語錄卷之六

二

住百丈上 建安國主

已下皆百丈書

睿扞困深令儀孔邇繼起祖庭之隆緒履安王道之
平夷草勁風知遇疾風而不偃金將火試經百煉以
彌神不有多虞曷表金湯之大力量哉自別豫章邇
流新邑艤帆駛驟仰沐何窮一道安和承恩有驗初
二甫入百丈漱蓮封木猶存大智之遺風孰謂凜凜
清規消磨殆盡古竭新裁宛爾宣宗之弘範且喜糾
糾法塹先後同揆舊願竟成信不誣矣仰冀留心內
典尅志真宗識鎖情關原非他物明几淨御且道是
誰殿角微涼始信面南看北斗竿頭更進還期石虎

支那

瑞白禪師語錄卷之六

三

夜生兒未盡纖翳迷封萬里所慮巧萌銷骨事起投
杼全憑大手之維持永固雄峰之鎧冑謝言難罄面
晤可期縷縷襟懷惟冀一公之口述不勝悚慄之至
上大宗侯 南美

恭惟殿下金枝毓秀孝格蘭馨玉幹騰輝忠孚御詔
德澤久侔於召杜旁求遐邁於東平驚嶺親盟展維
城之赤手法門重係運禦侮之嘉猷狂瀾倒而更洄
慧炬微而復熾自古迄今所未有也洎到百丈遙想
仁風愧乏投瑤彌加銘刻烹茗曲水願象駕以雲移
掃石流觴望真機而雨沛現成公案一句了然目擊

道存神乎默契猶恐魔風易煽疑謗橫生質真不辨
於金鑰清濁無分於涇渭仰煩睿慮俯賜幹旋至於
郢筭入神又非臆見所能測矣臨楮踴躍翹企之至
復越州鄉紳大司馬王我雲請回顯聖寺啟
關山迢隔久失晤言翰墨南頻少舒宿悃細詢起居
之秩秩緬惟外護之惓惓垂念雲門移章貢水久虛
法席大檀猶且寒心切感師恩病朽詎能坐視但甫
遷百丈未及經旬遽爾遠歸奚逃輿議欲振先師之
道法可延同社之尊者掃塔還山備陳衷曲統希炤
入不禁神馳

復祔侍御世培

雲門邂逅十載睽違遐想丰神時增眷眷自來宗風大盛無逾越之外護頗多至于一種熱腸傾心護法獨讓于今嚴而復繼美前人更光先烈者又惟大居士為尚矣先師道價久播叢林世系金湯綿綿不替雖雲門一席覺有蕭條况洞上一宗已大傳海內重典之望指日可待矣既蒙佳音極承厚愛久病不堪應酬崕山又多嵐瘴俄遷百丈坐席未溫難遵還山之命恒為悵耳今秋新刻傳燈世譜令先君與石簣老居士俱纂入先師會下庶燈燈續燦後學亦有所

支那

瑞白禪師語錄卷之六

四

瞻依也向聞居士志祖道有年更望真參實究於二六時中默默提撕畢竟是個甚麼焉然冷灰豆爆漆桶掀翻雅紹先宗璧聯昆玉即使無盡大年復起不覺退身三舍雖然後日還雲門掃塔時再為勘過病中簡率不恭是有

復祁文學驥超

捧讀尊教知居士為雲門之意誠且篤矣但山僧病軀只堪靜養復蒞大利深愧無能恐負眾望之心實難應命也戒珠別後良晤無從未審近日道候何如禪者入山知居士承當個事不勝欣慰更冀深操實

踐解行相符毋使玄黃交戰於胸中逆順紛馳於境外情生智隔霄壤懸殊丈說尺行猶宜勉勵直饒坐斷十方須信密移一步掀翻寶所踢倒化城透過衲僧巴鼻橫行佛祖頂額乃可紹吾宗猷光揚法道誠法門之幸也千里面談伏惟自玉

上潘潘憲圭甫

辛未春辱翰教未獲識荆臺臺之情時挹懷抱爰丙子春志圖終養退隱南虔瘴重嵐深病軀莫遣茲新吳百丈因法席久虛雀角蝸房風寒月冷蕭條景况聞者愴然夫佛祖兒孫能不寒心哉適 建王遠召

支那

瑞白禪師語錄卷之六

五

荷書幣入山不揣病衰慙應斯舉中秋發棹舟次瑞筠不期疑者謬冒法憲致使霄壤情封幾乎掣肘復蒙高鑒備析縑素而俯循典議既叨護宥敢不銘心最覆車于往日仰德澤于斯時更冀臺下不吝鼎言大作金湯重護則兩浙吳山俱沾福庇矣臨楮悲禱之至

與劉鄉紳振宇

久仰遐風幸瞻傾蓋復辱厚貺愧感彌深予丙子春解弁山院事退老虔南嵐封烟霧莫適病軀茲因百丈古刹法席久虛師表名存清規實廢荷蒙建安殿下書幣遠頒舊住印宗承筐匊匊痛祖庭之寥落諾

千里之丹忱不腆鄙衷俄爾領命中秋發棹直抵瑞
筠李下一咻羣相和附誤干法憲眾議紛紜目雖無
愧于天表猶豫向乖乎人心幸叨明鑒得藉升需掃
增入山觀元踵謝但慮玉石濫觴鉤金未析幸聞撫
臺同盟締好敢望台駕俯賜先容則法門有賴槐蔭
何窮祖佛冥加遙仰合掌小刻奉覽伏惟晒入是荷

復賴城衆鄉紳文學公請回虔啓

恭惟台下碩彥遺風名宗瞻美痛慮久湮之叢席蠅
慕蟻膾共扶將墜之宗綱折枝反掌斯人斯德式敬
式崇同者既蒙邀惠于崆山復荷垂情于百丈啓旌

支那

瑞白禪師語錄卷一六

六

函而讀罷雪敷滿岫之蓮捫衷曲以倦遊愧謝嵯峨
之榻住持此地在我謂公欲永金堤惟憑護力庶使
城裏優曇與山中隔年桃李共開芬芳則此隆功德
久久不替矣俟或松欹崖畔煮石峰前數載襟懷再
伸聲謝未可料也謹復

與張侍御

瑞白

聞苑春先香生四野崖前飛瀑韻絲竹以無心檻外
流鶯奏簫韶而有意文明此啓足可徵焉德履攸深
揆之素契賀賀客秋極承厚貺趨謝未遑耿耿私衷
時增愧赧茲啓樟江解纜晚泊瑞筠惟鼓舌以寒心

藉餘光而憇息常嗟古剎草深法門莫振若非大力
曷輦金湯靈山囑別正在此矣矧百丈迺洪都古蹟
綸音勝槩稅駕品題寶之冊牘者指不勝屈惟祈光
臨垂覽惠藻春生是豈惟山靈之聲價倍重亦且庶
誌垂於無窮之世大幸於法門也肅此伸候伏惟台
照不宣

師初行脚參請七大師因緣

師參雲棲大師問曰圓覺經有作止任滅四病於今
但生心動念即墮四病作麼生出得去大師曰但憑
你作止只莫生心取圓覺即出四病也

師參黃蘗無念和尚師問學人千里遠來乞師指示

支那

瑞白禪師語錄卷一六

七

念曰有甚麼指示得佛法又不是青的黃的白的師
問即無指示可保任否念云保任個甚麼以罵云云
待其罵畢畫一圓相呈似念即一掌師拂袖而出
參憨山大師師問一塵不立時如何曰曾到這境界
不師云若到即是塵也憨變色云弄虛頭作麼

參峰頂養菴老師師問雪覆千山和尚如何爲人養
菴卽一掌師云莫就是和尚爲人處麼養云我同你
去看雪同行至門外師云正當此時狐狼野干百獸
俱無踪跡養曰止有獅子在師曰亦是野干

參博山無異禪師山問從甚麼處來師云桐城來曰

桐城風境比這裏如何師云處處綠楊堪繫馬曰猶作此解將桌一推進方丈師云這老漢又怎麼去也叅金粟密雲和尚入門便喝栗云好喝師連喝兩喝便禮拜栗打一棒遂人事值擡船次師云虛空駕鉢船時如何栗便打師接拄杖云波浪湧千尋時如何栗欲打脫拄杖不能師云和尚無下手處栗云且道承誰人力師遂鳴指一下栗微笑而歸一日搬瓦次師問片瓦飛空時如何栗便打師云怎麼則蓋覆三千大千去也栗復打師拂袖便行結制普茶次師問云法筵肇啟龍象駢填當陽一句乞師舉唱栗云老

支那

瑞白禪師語錄卷之六

八

僧耳聾試再舉看師云金風吹落林間葉野老圍爐笑語頻栗云閒言語一日上堂師問云正偏兼帶卽不問臨濟家風事若何栗便打師云金鷄唱落中天月泥猿吼盡五更風栗復打云再犯不容普茶次師問云慈雲普覆三千界只怕冬寒一夜風抵如狂風四起和尚向甚麼處安身立命栗云一脚踢你師云怎麼則秦駐山前端然坐金粟峰頭任往還栗云你要第二脚那師禮拜歸位普茶次師問云東征西討乾坤靜今日臨期事若何栗默然師云四海密傳天子令鄉村野老樂豐年遂禮拜歸位六十上堂師出

問云六十歲已前風行草偃六十歲已後正當六十和尚如何爲人栗便打一棒師二壽祝須彌福慶四海遂拜歸位上堂師出喝栗便打師又喝栗又打師云這老漢敗壞散木和尚開堂顯聖寺師爲第二座出問濟燈燭輝煌請和尚指示和尚云有眼皆見麼則個個成佛去也和尚云你眼元不瞎峰頭卽不問萬竹林中事若何和尚云三峰師云祇如石傘峰頭又作麼生和尚云七峰師云石傘峰與萬竹林是同是別和尚云二

支那

瑞白禪師語錄卷之六

九

斜七莖八莖曲師云向上還有事也無和尚云如何是向上事和尚云七莖八莖曲三落有無一句作麼生道師問訊歸衆上堂師浪裏翻身去拿雲攫霧事如何和尚云莫學問亡僧遷化向甚麼處安身立命和尚卽問師云怎麼則分身塵刹中去也和尚倒拖杖

行脚

師一日茶話畢首座叅頭衆職事請師說行

之衆請之再三師不得已乃云予桐城楊氏子父一舉早喪母卓氏自小有出家念每見有乞食破衲即跟隨許遠不忍捨去意欲出家以母老爲累念遂至十九歲老母天年已盡二十歲遂往九華聚龍菴法光和尚處落髮即燒火執役三載每扣以生死大事但云性命交與龍天四大交與大衆作務去予心中思忖若作務能成佛則人家做年者亦成佛矣心中不悅每見有耆宿老衲必參扣之忽遇知休禪師久宗講席予參扣求出生死要訣彼即問我發心所以我云吾一向爲生死要白曰飛昇超脫輪迴休師云

支那

瑞白禪師語錄卷之六

十一

此是外道見解我佛法中要悟明心地成佛作祖纔爲了生死吾慌忙作禮問曰何以爲悟休師曰若要悟須參善知識付以話頭晝夜參扣十年二十年一旦豁然開悟謂之明心見性予歡喜踴躍又問法光和尙開示我念佛作務何也休師云作務雖是好事非汝等黑漆皮燈籠之所爲也古云先入毘盧性海後行普賢行門豈似爾等一團無明身心行行若供養如意也有些福不然連福也無予聞此言心中暢快即便下山適遇西倩老師即參扣大事倩師云我見達大師授以毘舍浮佛半偈受持予即請問半偈

雖則受持亦不知何者是四大何者是心何者是境但只持誦而已後來行至涇縣幕山參隱安老師彼師見我初進教我止觀及永嘉集又見二外道一云觀空謂小真空見老真空一云白虎透三關予聞而不行此是宿生正信之力也一路行來因大事未明只是不悅晝則乞食或一食或兩食夜宿古廟衲不解帶行至南京普德寺聞二學者論楞嚴經九十六種外道一云即我土亦不少或云白虎透三關者或云嬰兒蛇女者或云小真空見老真空者予聞此言向日所聞即時瓦解冰消後至靈谷付衣復至浙

支那

瑞白禪師語錄卷之六

十二

江入雲棲受具歷明耶二師講席聽楞嚴經至同別二種妄見忽悟根身器界總是空華前來半偈了無礙自以爲罪福皆空遂生撥無因果之念忽得一場傷寒病作不得主方纔悔過病已將好聞鄰師云我紹興有一悟道禪師號湛然和尚甚是奇特今在壽聖講經予聞心中甚喜即往參扣禮畢和尚問向來做甚麼工夫我云向來持毘舍浮佛偈和尚云四大是假妄心是空甚麼人拖着你這死屍來即此問話者又是誰人我被這一句無可做聲方知向來所解空境全然不是徑到紹興延慶寺七晝夜疑情

不開至半夜立於佛前忽然間似手一提不知這邊那邊遂得個輕清心下忽湧起不離當處常湛然覺即知君不可見便曉得這拖死屍的這問話底方知前來悟的心境雖空而不得常住心體非爲正悟此一番雖得其體未得其用欲見和尚適往他處見幾位老師他問我柏樹子乾屎橛子不能對因爲不明心中疑云這還不是將從前放下再參就參個一歸何處從此延慶掛搭兩年一日浴出於竹園乘涼一陣風來將竹一推遂會得無情說法從此工夫一日一日自有妙處聞知顯聖寺坐禪遂去求單蒙本際

支那

瑞白禪師語錄卷之十六

上

兄慨諾遂上顯聖坐禪期完日和尚不在寺中當家相留因住下單只聽板喫飯閑事不管於此不明心中只是煩悶遂不語一百日又晝夜不睡打七七日不明又是七日又明白於禪堂四角俱貼起話頭一句一句追將去苦哉苦哉追得我前氣不接後氣如挑千斤擔子相似無可奈何四十二年甲寅歲雲門廣孝寺請老和尚開堂衆約我去坐禪我云待我明白此事方可去時有若虛本際二兄再三相勸云古人開堂三五百衆朝暮參請正爲此事不可堅執汝若親近甚有利益不可錯過予聞此語遂即同去

和尚結制上堂說法末後有四句偈云豎起脊梁生鏤鑄放下面皮莫回顧猶如象王脫金鎖若不如是何刼悟予聞此一衆法語痛哭一場即依和尚此偈做將去挺起脊梁捏緊拳頭放下面皮再回頭轉腦憑他死也罷活也罷由是猛着精彩做去連做了十日遂成一片晝夜凝然不散心中始知得力一日和尚小參舉南泉斬猫云道得即不斬以手作提猫勢云汝等作麼生道却救得猫兒和尚將手正作提勢時予心中忽然有個領悟處遂將蒲團一丟衆人各下語和尚云一語下徐州一同參通文者頌之謂

支那

瑞白禪師語錄卷之十六

上

得意予不肯同曰你試頌看予信口頌曰提起劒斬却猫一段春光人不曉南泉舉似作家兒趙州老人頭戴草頭戴草凜凜威風振華表同不肯呈和尚和尚曰還是不通文者好異日和尚於橋上乘涼即云溪水潺潺汝等各下語看衆各下語予云敲空有響擊木無聲和尚笑而頷之後入方丈和尚問工夫如何予一一實說和尚云從今已去一切放下但只休歇去予聞此語心下還不肯至夏期再約七衆同志道友打七至第六日正經行間聞鐘聲忽然身心脫落將從前一片凝然工夫一總都無了站立佛前半

炷香又漸漸覺來自云不可住着從此一番始是無疑後隨和尚上徑山至福城東塢期完和尚應石佛請講經予遂往皖公山住靜方方一丈邠達住三載遂下山參黃蘗無念和尚至匡廬見慈大師往峰頂叩養菴老師參博山至庚申春和尚六十却回雲門顯聖天啟元年於越之皖嶽山住靜二年天啟癸亥和尚開法顯聖予爲西堂助揚化儀天啟甲子復住靜於陽明洞乙丑冬過金粟領衆助揚法化丙寅春復回靜室至八月和尚從閩中回初五和尚誕日子過顯聖問安慶壽至初七日蒙和尚授以衣偈予拜

支那

瑞白禪師語錄卷之六

五

辭欲往南嶽衆居士再三相留遂爲予另擇鍾山古基新建靜室居住不期和尚入般涅槃叢林無主城中衆居士請予住持予以福薄不堪領衆却之復因衆弟兄邀同護法來請予不得已祇得從命今冬在此已揚家醜甚不啣喙那堪衆頭與衆板首今夜問予行脚不覺叨叨至此若是上根利智者何費許多周遮正所謂不啣喙中更不啣喙也時寒珍重

附來書

給諫陶虎溪侍御倪三蘭等請師主護國啓
恭惟大師著闍景賢禪河滴派秉宗律之一法開善

信之津梁豈拂妙演彷彿祇林天外語並行堅操依稀面壁坐中身法自受以雲門道先行於吳地茲月堂上人徧遊諸岳轉錫天台覲護國之萌侈憫發弘誓幸檀施之協助大建莊嚴八載精誠追踪神禹之倅一朝抵續聿新法王之筵金磬振於枝瓶奚翅八十一問廣長舌日光射於蓮座恍現八萬四千陀羅軀是此輩輩之落成正堪大乘之稅駕名藍更造洵乎典廢之有時玄度重逢詎非夙果之難已矧盼慈航速企瞻仰寶筏徐來臨楮曷任願候之至
大司馬王峨雲請師主護國啓

支那

瑞白禪師語錄卷之六

五

戒珠勝會獲聆法塵之玄音茅塞頓開實爲生平之大幸握別已來忽復經歲望風懷想如何可言伏諗道體清佳法雨廣被人天景從遐邇皈依可勝欣仰茲者天台月堂上人以十載苦緣重興護國古刹善信咸集恭迎老禪師法從弘闡宗風啟諸蒙暗萬祈慨然飛錫光寒拾之遺踪表應真之舊跡名山幸甚大衆幸甚造次附請不悉不恭統惟慈諒

文林郎許惺臺陳奕垣率衆請師書

昔承慧日遠照光徧幽明昨讀語錄神奇如入寶所親覺樹滿林旃檀撲鼻今夢覺生香肝膽馥郁惟恨

不及早日歸依座下以聆天鼓耳茲天台護國舊爲
佛祖散花之地人天歸投之所今幸重建衆亦有依
皆仰大師飛錫惠此一方顯了義於直下示尼珠於
衆前俾諸情與無情披雲觀日萎草台邑頓遇陽春
所謂翠樹細鱗皆普現色身三昧也翹首赤城幸賜憐慈

吏部陳木叔上師書二篇

函輝記讀書匡廬時纔十餘載偶遇宗師指點便欲
打破石壁撞倒鐵城少參臨濟之門一聞台山之路
不謂機緣不偶誤落名場塵網纏身住火宅中已將
三十餘載靈苑鷄壇滯人特甚今復脫濕裘而挂勞

支那

瑞白禪師語錄卷之六

六

車前途不知稅駕之地擬繞座三匝求我師以熱棒
醒塵迷耳護國荒蕪久就蓁棘承荷再轉法輪特開
覺路宗門大意豈人人所能領畧惟聞木樨而悟無
隱指柏樹以悟西來盡胡依樣不過套子話頭心印
了然自覺無言可說輝鈍根頑質尚容叩大壇以求
特示非區區影響之談敢遙相問訊也山寺聞食指
其繁無從借飯香積如來七十二寺之遺踪大半歸
於豪家向輝所撰緣簿已詳言之有寄嶠縣吳年兄
一書煩便致之瞻仰慈顏徒深依怙臨楮神往宣
天台稱天冠道場五百應真示現之方近漸鞠爲茂

草護國一架染地久矣荒蕪幸蒙老師和尚飛錫遠
臨山川生色棲真千仞衍法三車比於道嶽再來智
師登座而木樨無隱柏樹無言直指根宗正擬以頑
石聽虎丘說法不謂人天瞻仰弁雪邀靈相傳法駕
復赴諸前輩先生敦請何桃源桐栢之間不能稽首
攀留致暫違弘慈覆庇耶仲秋初九日從高足得師
手書云弁峰道場尚未囑付法嗣契乎真傳何煩世
尊惓惓授記譬如彌天法雨東霑西沾揆之大衆歸
依皆引領而跂足矣伏願我師特憫廢墟大眞寶刹
法輪再轉庶佛日得以增輝而宗門因之不墜豈獨

支那

瑞白禪師語錄卷之六

七

弟子諸人之望歲哉函輝五根獨鈍三業未清雖怙
戀師門而下愚中痞未能洗耳叩洪鐘滌腸嘗法味
尚冀老師而始終誘掖教誨庶不致竟淪墮落以負
玉成至于山寺傾圮此皆輝等之責自當少效護持
以展犬馬前允中上人往東甌亦曾托之諸相知者
矣輝亦擬於是月十二過茗溪而尚滯家冗稍羈趨
侍舟過峴山時亟圖躡芒拜違公也

孝廉吳芝菴上師書

芳業深器劣蒙數提示初無下手處日在丈室又開
方便令百不思百不爲善惡俱莫管放得空空蕩蕩

當時靜坐默觀此真對症之劑纔覺得從前勞碌終何益也護國中興宗風重振誠名山之鍾靈南方所共仰弟施給未敷責有攸歸然古道場初隆皆以寥寥莫莫起脚此在龍天自有重護當弗煩吾輩過計陳木叔書殷殷垂念留心此地可謂誠懇耶公來縣又畏暑而不能一而徒懷耿耿天氣炎蒸望加珍攝

刑部尚書沈何山請師書

飛錫遠邁想天台石梁熾然說法參方衲子一時雲集也弁峰蒼翠翹企杖履護國之期已洽衆望專候和尚復歸方丈以慰大衆渴仰尚容面叩以領

支那

瑞白禪師語錄卷之六

六

孝慈唐祈遠請師書

弁山大衆暨合郡若縉若素惓惓望和尚復還龍華不啻以日爲歲願和尚俯順衆情早定歸期彼護國不可無人若於法嗣中擇一人主之兩地交光相得益彰韶國師道場自有重新之日即同和尚在彼無異也願候返錫附此仰懇伏冀慈愍俯允愚言

總憲唐存憶居士上師書

承慈誨諄諄心目俱豁復讀新刻其中抑揚殺活縱奪自如至於辨邪正判古今皆不近人情非大師不能出此手眼庶後學一覽可謂金鑰自分不惟法門

大率亦王綱大翼之幸矣前閱禪燈世譜一書將雲門法眼二宗列於馬祖派下其甚疑之或謂出自天童手筆問兒竑亦莫知某謂必非密老之意或門下借密老之名圖炫名聞妄改有之也今聞大師欲翻此板仍依藏板改正不致轉轉謬傳甚慰愚意稍待秋日謹奉剡資以植法幢光明種子臨楮瞻依不悉

越州鄉紳請回顯聖寺啓四函

大司馬王峨雲請師書

睽違教塵悃積歲年遙瞻飛錫祇有神往伏論法候清勝化雨普施故山大衆日切引領今灑掃顯聖禪

支那

瑞白禪師語錄卷之六

九

堂復集舊門龍象雲凝谷口香滿爐峰同開無住之宗風滿逗別傳之至教人天共企遐邇同祈謹啓

侍御祁世培請師書

恭惟大師以古佛之應身佩洞宗之祖印勁骨高風實履真造海內所望以追蹤先哲力砥今時者實惟大師是賴焉彪佳自顯聖一觀慈顏之後風塵碌碌親教無繇而翹渴之衷十載如一日也顯聖寺爲湛大師唱道之地越中佛法頗於此卜興衰焉弟因一二宵小于中爲崇使住持知識屢不能久安其位今寥落之況不啻法堂草深越中四衆念湛大師法嗣

中繼祖燈啓後學而使海內衲子傾心歸附者莫大
師若也率皆竭誠致辭託季玉師特走虔州奉迎法
駕復歸雲門使石傘峰頭再進掀天白浪顯聖寺內
重開烹佛紅爐想湛師於常寂光中正當合掌歡喜
而四衆欣仰之私不言可知矣至於寺中不肖之尤
者當先清汰一二以待大師之臨而大師道高德重
纔一光降則頽綱墮緒自當立起而彪佳等不敏亦
不敢一日忘金湯之責耳先君向與湛大師爲世外
交得聞教外之旨今彪佳等獲於大師槌拂之下親
觀第一義諦何幸如之哉此番奉迎非比尋常而彪

支那

瑞白禪師語錄卷之六

三

佳亦非敢以啓請套束上瀾清嚴伏惟俯鑒輿情速
啓蓮駕臨楮可勝翹注

文學祁驥超請師書

當今洞上一宗固不乏人所稱行解俱到齒德俱高
具古佛之真心佩西來之密印者舍和尚其誰屬哉
非敢爲佞也駿佳不敢自謂頂門具眼而叅方眼目
頗有一隙之明故于和尚有深信有真服焉自戒珠
親承槌拂之後無日不仰企道風今春適有香城師
之便正欲附佈一言以通數年翹渴之私不意先慈
于頃刻之間無病而化煢煢草土中不及一伸款款

私衷曷任耿耿茲有啓者顯聖爲老和尚中興洞宗
之地而和尚又法嗣中有力擔荷之人今聽其荒衰
寥落和尚想亦有不安心者今越中四衆念非得
和尚法駕降臨顯聖決無可起之理矣是以合詞致
東託季玉師特走奉迎伏乞垂念越中自三十年來
兒童婦女皆知有叅禪一事機緣亦在將熟之時得
和尚雷音一再吼末法當有重興之望寺中一二不
肖當先清汰一番以待法駕之至其餘庸庸之輩和
尚一臨自當革面顯聖亦有重興之望矣萬乞卽啓
法幢而移之東南佛法幸甚衆生幸甚卽老和尚亦

支那

瑞白禪師語錄卷之六

三

當歡喜于寂光中也駿佳溯水源木本一日不敢忘
老和尚其敢一日忘顯聖哉一日不敢忘顯聖其敢
一日不冀和尚之光降而中興之哉哀毀之餘語無
倫次然一念之誠天日可鑒耳伏乞垂鑒爲荷

文學張懿才顯聖山主

緬惟大師妙明朗徹法曜圓通五臺以北兩浙以西
誰不景仰德輝皈依大乘趙州曹溪無過是矣憶自
掃塔松間相晤後七易寒暑大師之法慧日隆不肖
之塵緣日障靜言思之可悲可怖客冬有僧無慮還
雪水曾草數行并拙作一首相候想晉之玄覽矣茲

因顯聖禪林實尊師湛老和尚起手歸根之地乃超天以後梵衆靡所宗主爰堅請大師坐鎮方丈咸登歡喜地而大師欲徧度十方于是法駕所駐到處崇瞻然今願力已酬寧忍視本山之荒廢耶今諸善知識賢諸檀越家合詞具請得師座還山大闡宗猷永光慧燄非但衆生之福而實不肖之幸也顯候雲旌統惟慈炤臨楮可勝合掌頂禮之至

賴城鄉紳文學盧觀象謝讚杜郁之蕭良相等衆居士請師回虔公啓

諸方思服後先雖在乎因緣一兩普滋沾被寧分于

瑞白禪師語錄卷一六

瑞白禪師語錄卷一六

三

彼此故四十九年說法人間天上處處啟方便之門而三百餘會度人梵宇名藍在在應羣機之感自非大願是乘誰則深心以奉恭惟上瑞下白大師不事文言墮支離之見網直指宗印闡秘密之玄機道大則剎剎現身論久而人人徯志矧虔瀝雙江以錦石瑣百折于玉虹郡中古刹猶瞻巨麗者斯嵯峨乎况自勅建大唐院名寂照寺日報恩舊因虔神江東籤中有虎頭城裏看嵯峨句貴人顯官占此頻驗亦時往來夢寐相通載在燕京關聖靈籤及曾任本郡濮陽參軍頌語可據寺中上建釋迦彌勒迦葉阿難傍

奉觀音地藏羅漢聖僧森森濟濟象教巍峩宛因鹿苑移來化爲西江蘭若驚峰現出結成北嶺招提柰緣一毀百毀至爾因頽愈頽烏篆蝸涎痛矣野猿獻菓風催雨慘曷勝燕雀巢泥眼前功果未明身後因緣何有今合郡宰官而衛護玉屑珠霏四方善信以維持捐貲着力看走輪而削墨九仞非難俾築土以弘基朞月易就伏乞百丈大師龍天推轂嵯峨之主席豈曰偶然今古同符報恩之門新殆非人力或遇崆峒而駐席再開宗眼之門但灑章貢以飛甘普潤焦芽之種風行草偃望祖印之重新面命耳提矧法

瑞白禪師語錄卷一六

瑞白禪師語錄卷一六

三

王之復至雲山在目何妨掉臂即行龍象相隨正好逢場作戲願從緇白之請無執讓讓之懷欣然肯來可勝幸甚臨啓無任瞻仰之至

入就瑞白禪師語錄卷之十六終

入就瑞白禪師語錄卷之十七

明住天台護國寺嗣法門人寂蘊編

附增銘傳

增銘

若昔大猷載在儒典辭言圯族有誅慢自賢志自滿有誅朋家作譬作威作不與有誅所稱唐虞之際三代之英設坊自上猶有險膚譁張聒聒屑屑之辭胥動多方而下濫爲庶人之議者嗚呼非天子不議議逮庶人卽天子不復可問而天其或者于庶人中篤生大人焉俾以直議誅橫議而收其後如鄉原之議

數述

瑞白禪師語錄卷之十七

一

狂議猶楊墨之議仁義義其言教嘗碎其議嘗橫而誣必如孔子之議鄉原名之曰德賊孟子之議楊墨名之曰道賊而群碎乃帖然而議乃大定此之謂齒齊舌廣和合諍鬪具大人相作直心道場者是耶我聞仁王經云若國欲亂鬼神先亂鬼神亂故萬人亂亂所自起亦維曰國之王臣互相是非而已是非在國且以開亂況在天子不問之草莽人乎況在天子不臣之方外人乎嗚呼越自菩提多羅翻四七之後動作二三之前茅衣法傳是非亦傳中間六試毒而三揮劍西乾東震剝有宿債應償北教南宗誰是一

杖橫出競飲分河之水爭操入室之戈古既有之於今爲裂斯亦大人收後之時矣問誰其人僉曰弁山

瑞白禪師蓋以身任之師縱陽楊氏子法諱明雪署號入就諸方字之曰瑞白禪師方毀亂遽脫左髦事母卓以孝聞比學禮之年失恃而爲之耐曾不能飲杯園則旣田衣管屨持鉢唱跋思以三尊之教度二親矣九華慧公其難榮師也有休公者激發之使見知識于是始有事南詢香積取諸分衛旦過取諸半脚漂梗栖直都無一向邂逅紫栢之徒授以毘舍浮偈頗受持之歷慕山之門基之闕教非其好也慕雲

數述

瑞白禪師語錄卷之十七

二

棲蓮公之爲人造問作止任滅四病曰只莫生心取圓覺師出四病也師拜其語受具而去聞首楞嚴別業同分二見忽覺根身器界燈影日暈而已前所持偈亦自洞然無何且病病輒不能自主始信圓明禪師有云十二韋陀典一標月之指耳昔在祖師說法羣墜天蓮湧地尚未出離生死况是區區者何濟唐成春聞諸道路雲門顯聖有至人焉曰湛然大師師攝衣往從之問向來作甚麼師曰持毘舍偈曰四大是假妄心是空阿誰拖你者死處來師罔然爲鈍置者久之至第七夜于延慶殿立香忽地湧起不離當

處嘗湛然竟即知君不可見方曉前旨及被人問著
說訛正復在揚州越國間辛亥歸顯聖坐禪不語者
百日不眠者數七奮迅之氣猛于捉象甲寅春隨雲
門遷廣孝閣上堂激揚機語大非思量所及不覺痛
哭自誓曰死也罷活也罷拚此一生去工夫既成片
視回來差省力矣小參舉斬猫因緣師於言下知有
將蒲團拋出雲門曰一語下徐州時有同參通文墨
者頌之自謂佳師不肯乃信口曰提起劍斬卻猫一
段春光人不曉南泉舉似作家子趙州老人頭戴草
頭戴草草草威風振華表同參亦不肯進而質之雲

支那

瑞白禪師語錄卷之十七

三

門門曰不通文者佳會從橋上過垂一語云溪水潺
潺衆下語皆不契師曰敲空有響擊木無聲雲門領
之嗣入室師一一詰實而供門曰自今以往休去歇
去師猶不自肯更加精彩因聞鐘聲瞥地大徹灼然
有一到家休歇處自是機辨峭拔妙有嬰其鋒者尚
自陸沉衆中隨侍雲門巾瓶赴徑山應東嶺爲下板
也丙辰春往皖公山養靜只一茆龕廣可十磔手輪
可四十膚時與何太師芝嶽伽陀酬唱不啻公美之
遇斷際慮別有旨不關紙墨事已未下山訪黃蘗無
念大士盤桓信宿念謂侍僧曰者衲子他時有把茆

蓋頭在次第訪憨山大師養菴老宿博山和尚諸大
老各有機緣並見語錄師之引重諸方亦畧可見矣
庚申歸省雲門明年屏居天柱峰即宛委也癸亥顯
聖結冬龍象衆至擢師爲第二座初苦堂規不整師
有意振之偶如廁遲歸爲止靜者所誰何即長跪佛
前作懺一衆肅然一期斬然正使道學先生見之亦
當謂三代樂禮盡在是乎雲門念師分座爲勞利生
時至欲有所付師底力辭之珍重如千年桃正熟不
易作退華杏子摘卻也甲子誅茆鐵壁居雲水往來
如織有僧問如何是無夢無想主人公曰鐵壁山高

支那

瑞白禪師語錄卷之十七

四

僧曰莫便是麼曰是即頭上安頭不是即撥波求水
僧曰無是無非是否曰無是無非死水身栖一日有
女人上山師曰遮裡不著神錢社火去昔少年苾芻
指雲峰爲不通方漢此又過之矣乙丑參金粟入門
便喝粟曰好喝師連喝兩喝便禮拜粟打一棒人事
畢值擡船次師曰虛空駕鐵船時如何粟便打師接
住拄杖曰波浪湧千尋時如何粟欲打脫拄杖不得
師曰和尚無下手處粟曰且道承誰人力師鳴指一
下粟微笑而歸留師爲第二座每粟上堂師必出衆
作一番哮吼蹴踏馬群爲之一空粟蓋屬意焉當此

之時所謂天下權在信只爭左右投耳而師顧未之許意謂嗣業則孤雲門也乃行丙寅歸雲門呈偈曰蒙師饒舌十餘年本分繇來不可傳有見原非解脫道無心豈是祖師禪三玄四喝閒家具五位君臣總白拈欲識老胡親的旨金烏夜半麗中天雲門曰語無滌漏不落正偏是真個曹洞兒孫遂付衣法並偈曰誕生原是自心名空裏栽花本現成滿口道來無可道威音那畔幾知音嗣爲洞山三十二世也師既受囑累欲隱南嶽未果行而雲門逝衆請繼席焉師仍然西南向以讓有德戊辰姜太史箴勝諸檀護洎

文苑

瑞白禪師語錄卷之十七

五

闔山勤請事不獲已則應之得坐披衣後自有本分鉗鎚作家鑪鑪不妨鈍鐵點作純金而躍冶之子不堪重鍛又如真藥現前拈得使用妙手所觸殺活自繇而初學鹵莽但竊其似未免認杜漏藍作綿州附子自悞悞人過亦不在醫王此可明乎無師之智不從人授師亦未嘗有定法授人也本分繇來不可傳只此一語與他湛老人作供養足矣時師有雲門三種獅子頌繪炎葉林庚午夏將有終南之役經吳興爲吳興所遮道住弁山龍華寺繼錫越中士紳倪太史鴻寶徐藩侯亮生李學憲王完請于延慶開堂

皓月歸升山數宇初構明年有一闢提者將不和於法門孝廉張魯平以書勸師稍避之師曰我自以法道陰翼王度苟無愧心何避之有不聽所云陰翼王度語出柳子厚我

明太祖嘗引此以陽翼佛法豈非法王翼人王人王亦翼法王大人作畧先後同揆使彼蠢爾小醜早見御製文愧死猶晚矣無何唐總憲存憶入山蓋亦有聞而來先是道場山請雲門說法緣會未期唐孝廉所遠每念及則以未事雲門爲憾嗣聞師風如歷饑渴遂橫身荷之而師之開法於弁爾時道價頓傾流

文苑

瑞白禪師語錄卷之十七

六

輩逼亞老南矣是秋受沈司寇何山閔太宰曾泉朱太師平涵韓狀元求仲請主白雀師平凡概以佛法接人會有俗客過訪不相見而去師曰亦不孤他來意監院請云何不遂以三門外接下等人禮接之師曰若爾何謂平等自是有感鐵面一鉢五湖之志矣解制復歸龍華師他日無故不出山卽會下人總不許應人佛事雖營住時有緩急亦不許那借人物嘗曰隨家豐儉有飯則飯無飯則粥無粥則散更不喜人間慶弔禮及行苞苴酬酢曰此謂汚他家行惡行佛制所不許癸酉胡問卿璞菴劉納言念臺董聖卿

皇庭徐觀察檀燕王制臺表雲丁宮端歐石邢銓部
洪瞻倪侍御二蘭余中秘武貞請師戒山戒珠寺開
堂衆倍白雀甲戌還弁山糾殿落成衆倍戒珠乙亥
陶給諫虎溪商開府等軒請住天台護國寺將行嚴
比部允涵率諸子侄登山相留師曰許之矣不可爽
比入院百廢畢舉多年埋沒之招提一旦恢復秋還
弁山明年以病謝院事挽之不可乃飄然一往意在
終南也艤舟湖口爲石尤所阻隣舫一顧客見師異
之扣所往曰此中有山名崆峒拔地數萬仞泉石殊
勝足可樂道何必終南師遽移舟登巔一覽則二水

支那

瑞白禪師語錄卷一七

七

夾馳駒目離合魚龍猿狖在空濛縹緲中徹頂徹底
別開眼界師樂之若將終身焉未幾吳興書來趣歸
弁不許汀州太和各有書抵師爭以名監相延皆不
許承古有言蟻尋腥走蠅向臭飛問道之履亦未嘗
不填戶外也 建安王欽師道望齋尺一牘敗勤幣
聘住持洪都百丈山師雅慕百丈乃隨機赴之挾幘
追逐者百餘納舳舻相銜而進至瑞州則兵守之矣
蓋是遲倖驚謂寇至報之官司將以獻首功幕府耳
師爲軒渠一笑幕府知之遣官衛之上山師到山亦
第舉所謂百丈清規而重巽之時復荷鋪與作務人

俱人謂大智再來也何期化緣畢於此明春穀日示
微疾調衆益篤譚笑自如三月十九遲明起浴謂侍
者曰扶老僧入龕去小間手書偈曰來亦無一物去
亦無一物若知端的意百丈花稍月擲筆以手招衆
衆前師已吉祥而逝矣日正卓午也師示生萬曆甲
申十一月二十六日戌時示寂崇禎辛巳三月十九
日午時世壽五十有八僧臘三十有八塋全身於弁
山龍華乙山辛向正面方山師所筮也 建安差官
設祭議欲留龕見遺命但存髮塋於百丈先是弁山
報塋工竣師手書曰計到便來接龕復大署紙尾云

支那

瑞白禪師語錄卷一七

八

老僧不過四月矣又書真讚有再過十日之語凡皆
預知時至也師行脚十三年未常解衣臥及出世止
衣草布諸所創建僅蔽風雨曰吾做雲棲之作法涼
也喜時竹木去之日猶加灌溉功或謂之多事曰招
提在也嘗解衣衣窮乏或謂之不均曰周急所以均
也病者藥石之老者扶持之有所諾無或許而不予
無或不時予予則忘之無或責報天懷坦率提獎風
流與人相遊光霽中逼拶學人則不稍假顏色遇侍
者尤嚴每痛像季不重木又雖所犯輕必重繩之曰
五分法身尚不成就又能全該三德乎其垂訓初學

必曰僧不看遺教經法王之叛臣也故所在匡徒雖
衆初不濫竿四食三衣如法學習以期于事存高素
歸趣聖方要有不落今時者師之身律蓋如此見學
人久不還鄉師賢之或告歸寧師亦賢之囑曰使父
母知出世之因豈不踰勝世孝萬萬師之錫類又如
此乃至嘻笑怒罵布武布席一欠一伸一涕唾無不
可作佛事者每見人墮邪道中必起同體悲導入正
道或其人已眼本正因師故邪了無一長先學慢我
則教中有云如諸蠕動實不推理而舉蚊張臂怒目
自大是爲斷慧命人不忍不急救之然是導師之過

支那

瑞白禪師語錄卷之十七

九

又不得不從發病處一根格之首座敷諫曰闍諍世
界以諍諍諍彼亦謂諍奈何師曰摧邪輔正令法久
住佛之願也吾爲此懼又復何懼師故偏強他日嘗
謂我爲法王於法自在故行止自主絕不傍人而一
時正人君子頗以是增而重焉吳太史觀我云吾邑
之有弁山猶龍舒之有博山此非尋常定知地湧菩
薩不忘慈誓以佛知見爲我等輩留影是邦知言哉
蓋此洞彼濟門戶之分已非一朝一夕師用意良獨
若顧又未嘗不嘉與爲和合也而曰千流萬派一源
而出在西域當尊迦葉爲始在東土當尊達磨爲始

今後當稱達磨幾十世則舉本該末矣謂之尊稱達
磨正宗說倘亦靈源自稱釋迦文四十八世孫之旨
而向所云齒齊舌廣具大人相師蓋其人乎師九坐
道場別有語錄流傳并闢判十餘卷異方便一卷得
法三十餘人曰久默音曰孤崖聰歷然相離言義嘯
雲蘊數輩而下詳在行錄中不具列裕入山以來焚
筆研有年矣尤遜不敢爲諸尊宿作逸真語亦小避
諍風嫌於佐闕之意而起元生公是三十人中一數
持弁山法嗣久默音公等書狀來命裕爲檜上之銘
重以唐孝廉所遠爲之紹一再往返不聽辭謹序其

支那

瑞白禪師語錄卷之十七

十

事而爲之銘銘曰

我曹洞宗	兩派交鋒	其功不功	曰誕生王
密密堂堂	祖父之光	何期法筵	作仇自賢
衆竭國禪	何期么麼	飲水分河	入室操戈
爰生大人	驅魔白民	作佛忠臣	爰有弁山
振解關銀	破是非關	迦陵出音	孔雀空群
鐵羽翮翮	蓋膽有毛	怒目失嫩	英風颯颯
乃息紛拏	乃秉木叉	乃別牛車	一衆肅然
一期斬然	泥蓮火蓮	陰翼人王	陽翼法王
法昌大昌	破驢足腿	駁蟻尋腥	嫌太僧生

我思終南 我龜我壻 我剝我杉 而得崆峒
縹緲空濛 咄哉老翁 緣起淇都 相銜舳舻
伍伯追呼 化蟲化沙 撫鱗撫蝦 一龍一蛇
龍蛇之年 聖賢之躋 蒼天蒼天 內紹兒孫
多樹仍舅 足報雲門 忽披津梁 無縫斯藏
剛在青琅
菩薩戒弟子石頭布衲道裕前通議大夫四任職
方郎初以効政府
予告再以不奉
詔忤逆瑞爲民三以覆疏錯一字降調兩

支那 瑞白禪師語錄卷之十七 十一

賜環一奉

御劄以清執還原官以籌邊功歷太僕太常卿巡撫
山東以登撫兵變併逮謫高涼今以甘肅舊功蒙
特恩復初服還石頭城余大成撰文

傳

憶昔雲門湛大師最後說法吾郡道場山甫四日而
魔作罷去余時鄉居相距百里雖同郡莫以告者不
知也既而雲門道經吾里始獲一瞻晬容別未幾示
寂俄而升山彌勒峰之麓有泊然宴坐者距郡郭又
數十里余亦不知也明年門者呈張孝廉魯平居士

募冊余展閱次始知有瑞白大師云以示兒子茲茲
臥疾久欣然曰雲門法嗣也向者交臂失之引領道
場山有餘歉焉盍以今人之東隅補昔人之桑榆乎
余曰汝病未能出吾先往往則彌望荒萊數椽聞如
徒四壁立衲僧數輩菜色藍縷師氣宇巋然如泣千
衆留余同飯一菜而已時聞提乘壙謗謠騰播聞於
當道余爲白焉始有寧宇師初至人無知者坐是名
乃著緇素日漸奔奏蓋五年而向之荒萊漸成寶坊
然無歲不出其赴天台請也日不歸矣黑白敦請始
歸歸未幾復飄然長往往之日日將詣終南俄聞卓

支那 瑞白禪師語錄卷之十七 十二

錫虔南之崆峒山黑白敦請還吳歲歲不輟如初而
師一別五年俄聞赴百丈請又未幾復飄然長往則
盡大地人覓蹤影不可得矣嗚呼師何往乎葉落歸
根知再來否乎於是兒子竝持行狀來得細讀之始
知其願之堅也行之力也證之真也其落髮之地曰
九華聚龍庵當執爨時決志超凡既聞悟明心地之
言斯夕以之出門參方初誦舍浮偈繼遊講肆所至
若有負者聞外道語如水投石卽有證有得復自策
彌篤至聞雲門一伽陀慟哭拚身命以從事啐啄時
至雲門印之矣猶若不釋然者必無憾而後卽安堅

矣哉其願也至其行脚自離窳下養即遍四方飄納外百無一儲孤村乞而古廟栖寒夜無衾者十有三年已事未明皇皇焉自鞭其後嘗百日不語晝夜不交睫以求之每奮迅輒曰死即死耳不返顧也凍餒所侵患傷寒瀕死者三晚年病肺而畏寒每冬日熾薪室中自溫頭面爲赤或規之師曰而豈知吾昔年苦哉既出世爲人仍稟毘尼甚嚴御下一遵規繩不少貸小踰越譙呵及之侍者數受笞終無怨者初住顯聖爲兄弟聚林動患掣肘不遂意棄而渡江止弁山荆榛蛇虎之區墾土結茆栖焉衲子時往從之吾

支那

瑞白禪師語錄卷之七

十三

郡禪宗久廢閭閻從不聞百丈規何事相與恠之謗且撼者百出既鳴官或駭曰捕者至矣魯平居士虛精舍邀師避學徒喜恣患之師罵曰癡衆生世豈有畏難善知識耶苟無捍禁綱梗皇化脫有意外聽之耳難可苟免乎安坐如初久之耳目所薰漸生渴仰今本山著姓李舉族皈依道德所感也達官貴人欲致師一面師曰苟慕道彼不能來乎有比丘尼遊諸大家老矣入山禮師自請募千金建刹乞下院開女期所獲檀施悉輸嘗住師不許監院方苦匱乏從容言下院距寺數十里而遙四部

弟子古固有之何害師曰彼借龍華爲名相距遠終吾屬也且今安得如古汝曹聚首學道當道猶兢兢慮之况尼乎龍天道場即匱乏有尸其責者吾何藉千金爲監院曰彼遊朱門縱不藉其力奈騰謗何師毅然曰吾無可謗復何慮卒不許嘗住窘戒那貸曰有飯則飯無飯則粥無粥則散一那貸即錯因果矣龍華草創艱苦備嘗甫就緒忽棄之他適緇素奔走懇留有跪且泣者師翫然出門竟不顧初居崆峒改號結團瓢截枯木支茆匠者欲加琢不許同居不過十餘人辭歸者復數人師獨樂之將終焉俄而學人

支那

瑞白禪師語錄卷之七

十四

四合紳衿虛席請說法師復避之南雲山衆迎還崆峒江右建安王慕師道風馳書幣請重興洪都百丈山師聞慨然曰天下清規所自出也兆足以行矣吾縱老病其忍辭過赴之取道瑞州值有司以寇警愆功令千擲戒嚴比丘百餘警而相告曰數千群起誰何之邑令親入舟見師不覺意消曰此豈爲惡者耶加禮犒從者而去撫軍聞初以兵至既得實乃聽師住百丈但戒途次勿留多人而已師到院修大智之廢墜擬荷鋤力作爲四衆先而病魔數撓之伏枕次問道乞偈者未嘗不諄諄答也且招之曰及吾能

答時病已棘語期期不辨矣猶伸紙疾書代面命蓋始終未嘗先四大而後人也力矣哉其行也若乃證入之深密濟不敏何能悉之姑述其可傳者首參雲棲問作止任滅四病如何出得棲曰從汝作止任滅但莫生心取圓覺即出四病也參黃蘗問學人千里遠來乞師指示蘗曰佛法那可指示問可保任否蘗曰保任個甚麼師盡一圓相蘗便掌師拂袖出蘗顧旁僧曰這僧却有把茅蓋頭在參慈山問一座不立時如何慈曰曾到此未師曰若到即座也慈變色曰野狐精弄虛頭參峰頂問雪覆千山和尚如何爲

瑞白禪師語錄卷之十七

瑞白禪師語錄卷之十七

圭

人頂便掌師曰莫就是爲人處否頂曰我同汝看雪看雪次師曰正當爾時狐狸野干都無蹤跡頂曰止有師子在師曰亦是野干參博山山問何來師曰桐城山曰風景較此何如師曰處處綠楊堪繫馬山曰猶作此解推案入方丈師曰又恁麼去也參金粟入門便喝粟曰好喝師復連喝便禮拜粟便打擡船次師曰虛空駕鐵船時如何粟便打師接住曰波浪湧千尋時如何粟欲打曳杖不能脫師曰和尚無下手處粟曰且道承誰人力師鳴指一下粟微笑而歸粟上堂師時爲第二座問曰正偏兼帶卽不問臨濟家

風事若何粟便打師云金鷄唱落中天月泥猿吼盡五更風粟曰再犯不容普茶師問慈雲普覆三千界只怕冬寒一夜風祇如狂風四起和尚向甚處立粟曰一脚踢汝師曰恁麼則秦駐山前端然坐金粟峰頭任往還粟曰汝要第二脚耶師禮拜歸位上堂師出禮拜起便喝粟便打師又喝粟又打師云老漢敗闕了也使歸位普茶師問東征西討乾坤靜今日臨朝事若何粟默然師曰四海密傳天子令鄉村野老樂豐年禮拜歸位雲門小參舉斬猫話師忽有省拋出蒲團門云一語下徐州門坐橋上曰溪水潺潺汝

瑞白禪師語錄卷之十七

瑞白禪師語錄卷之十七

六

等道看衆下語不契師曰敲空有響擊木無聲門笑領之旋入室師陳所見門曰從今休歇去師猶不自肯更勇參六日聞鐘聲始豁然門上堂師問大衆濟濟燈燭輝煌請和尚指示門曰有眼皆見師曰恁麼則個個成佛去也門曰汝眼原不瞎時爲第二座癸亥歲也又二年乃至金粟共展化儀明年復還雲門呈偈曰蒙師饒舌十餘年本分繇來不可傳有見原非解脫道無心豈是祖師禪三玄四喝閑家具五位君臣總白拈欲識老胡親的旨金烏夜半麗中天門曰語無滲漏善解回互遂付法并偈曰誕生原是自

心名空裏栽花本現成滿口道來無可道威音那畔
幾知音蓋於洞宗爲三十二世也旋住鍾山門下寂
師繼席顯聖未幾飛錫來弁山復古龍華寺爲開山
俄應越延慶寺請期畢還龍華明年應本郡白雀寺
請期畢復還又二年應越越山戒珠寺請期畢復還
明年蔡林始落成明年應天台護國寺請是年秋余
及諸紳衿緇素懇迎始還明年復掃塋九華往崆峒
矣師自渡江後時時欲往終南值北方道多梗意猶
堅旣離龍華舟指終南輒阻石尤者數四師曰天也
偶隣舟顧客鍾願爲地主迎師崆峒遂從之已而避

教那

瑞白禪師語錄卷之十七

七

喧南雲山復還崆峒庚辰秋應 建安王請住百丈
明年春寂矣臨終偈曰來亦無一物去亦無一物若
知端的意百丈花梢月餘法語載在前後錄中不具
述時崇禎辛巳三月十九日午時也距生時萬曆甲
申十一月二十六日戌時五十八年矣僧臘三十有
八先是建壽塋於龍華寺之北甫成報師師喜曰俟
老僧計音到卽迎龕入塋其貽兒竝書亦然頗訝之
信使還瀕行寄語曰告爾堂頭秋間書來老僧歸矣
又聞季春九之日有學人求師像讚題曰再過十日
且看咭咭蓋預知也始師將往天台指方丈後牡丹

謂侍者曰明年開一花吾當歸非是不歸矣明年果
開一花及庚辰夏方丈榴花忽變白至是始驗其兆
噫神者告之豈偶然哉師說法白雀孤崖大師爲西
堂後於戒珠授衣法住洞山次說法天台嘯雲大師
爲西堂至秋八月付衣法主護國席師卽回龍華飲
隱終南值今堂頭久默大師爲座元卽以龍華委之
師仍居首寮虛方丈以俟師再來者累年數奉嚴命
始據坐餘後先付法稱嗣子龍華所錄凡二十餘人
後元潔師侍龕歸攜有稿本又十餘人得戒請益稱
門牆者不可勝數以十月之十三日奉全身入塋先

教那

瑞白禪師語錄卷之十七

六

是 建安王聞計爲文遣祭至則龕行矣於是百丈
僧賁文護龕至弁山設祭於龍華遠邇思慕辦香叩
几筵者不絕其徒求塋銘於余余謝不承又以傳請
不可以再辭爲傳其畧如此
贊曰洞上一宗顯於雲門克家肯構師爲哲嗣懷香
問道上逮王侯名聲普聞可謂殊勝矣晚歲因高峰
枕子一頌法戰不休擊鼓揚幡竟天殷地旁觀者口
舌目眙莫適所從乃吾聞之見竝師數稱天童命兒
速往瞻禮且曰老人年尊矣不往更復何待嗚呼此
足以見師之心矣末法關爭堅固諸善知識卽現闕

入就瑞白禪師語錄卷之十八

明住天台護國寺嗣法門人寂蘊編

行狀

爭身而爲說法縱橫逆順固非激揚吾安知反唇而
稽者之非前于後喁攘臂而仍者之非左提右挈耶
天師之真參實悟蓋自老師大衲以暨走卒兒童都
無間言非有期會要約也或曰師悟錄較高峰果何
如曰止止毋多言不問惟證乃知乎我非其人安用
與聞斯事哉

晉昌唐世濟撰

入就瑞白禪師語錄卷之十七終

跋語

瑞白禪師語錄卷之十七

十九

跋語

瑞白禪師語錄卷之十八

一

師諱明雪字瑞白號入就族姓楊父一舉桐城人幼
孤事母卓甚孝誓志超塵見僧則喜年二十杖桐合
苑訖從九華聚龍菴慧公剃落跪焚三禩遇長老知
休指叅知識始發足超方帶空鎖爲行厨徒枯廟爲
旦過邂逅紫柏尊者之室灑授毘舍伽陀信而持誦
歷幕山惟令閱教遊講肆不嗜糟粕慕蓮大師造雲
棲間作止任滅四病如何得出曰只莫生心取圓覺
卽出四病也師作禮圓具而辭聽耶楞嚴闡二種妄
見忽覺根身器界總是空花所持偈爲無礙病不能
支方悔庚戌聞會稽雲門顯聖寺有悟道知識湛然
和尚世所希有忻然往叅門曰向作甚麼曰持毘舍
伽門曰四大是假妄心是空阿誰拖你者死屍來師
鈍置疑甚至第七夜於延慶殿上立香忽然湧起不
離當處嘗湛然覺卽知君不可見方曉前話爲人問
一歸何處猶礙復看辛亥入顯聖不語百日晝夜不
睡數七勇猛大過氣如負重甲寅隨門遷廣孝聞上
堂激切痛哭發憤曰死也罷活也罷拚此身去不自

成片自覺省力小衆舉斬貓話領畧拋出蒲團門曰一語下徐州時一同衆通文墨者頌之自謂佳師不肯同曰若試頌看師信口曰提起劍斬却猫一段春光人不曉南泉舉似作家子趙州老人頭戴草頭戴草凜凜威風振華表同亦不肯實於門門謂同曰爾不如渠不通文者門於橋上曰溪水潺潺汝等道看衆下語不契師曰敲空有響擊木無聲門笑而頌之入室一一實似門曰今後當休去歇去師猶不放更添意氣閱六日聞鐘聲大徹機用拔萃尙陸沉而扈雲門赴徑山應東嶺爲下板也丙辰養靜院公山茆

支那

瑞白禪師語錄卷之六

二

蓬方十尺嘗分半榻以待往來青蔬白水必與之共時與何太師芝嶽廣偈已未黃蘗盤桓信宿而別藥謂侍僧曰者衲子他日却有把茆蓋頭在叅憨山峰頂博山諸大老莫不青眼機緣並見語錄博山留單曰莫道無人也有個在惟藥與博皆嚴許可遇師如是見重諸方庚申省雲門明年避寂天柱峰卽蜿蜒也癸亥顯聖結冬海內英靈駢集擢師爲西堂激揚老煉返擲頻施門欲付師不受人多之初堂規少嚴師偶於廁回遲欸門入曰闔靜者誰師已跪香佛前矣一期清肅悅可衆心甲子住鐵壁卽陽明洞也雲

水幢幢因僧問高峰主人公話師頌曰打破瑠璃碗卸却珍御服枕子開口笑雙髻罵天目有女客來進香師讓曰此非神壇社廟去卒絕乙丑過金粟領衆佐化儀獨稱酬唱之白眉兼作尸羅之具壽栗屬瞻驢邊師搖赤稍鯉意謂嗣之則孤雲門乃行丙寅呈雲門偈曰蒙師饒舌十餘年本分繇來不可傳有見原非解脫道無心豈是祖師禪三玄四喝閑家具五位君臣總白拈欲識老胡親的旨金烏夜半麗中天門曰語無滲漏善解回互遂付衣拂并偈曰誕生原是自心名空裏栽花本現成滿口道來無可道威音

支那

瑞白禪師語錄卷之六

三

那畔幾知音蓋門嗣慈舟念念嗣幻休潤遡洞山三十二世也旣受欲適南嶽緇素挽止鍾山無何門近請師繼席力辭諸方稱遲重戊辰姜太史箴勝陶少府石梁諸護法復請不獲已而應之據室多時尚稱靜主師自謙也鉗鎚綿密莽鹵者罔知痛痒語句直截支離者不識旨趣及諸尊宿來爲影響大叩大應方始欽服驅牛奪食辣於雲門不忝克家故有雲門三種獅子頌句句驚群上堂偶值鷄鳴乃曰窻前鷄唱屋後鳥鳴明明告報更莫朦朧大衆珍重解制普茶次僧問金鈎玉線將收挽鯨鯢忽現又如何師曰

虛空撒下湯天網縱使飛熬爭出頭僧曰拏雲攫霧去也師曰霹靂一聲魂膽碎僧曰三級浪高魚化龍漁翁空捕夜江水師曰已被柳條穿却師之酬機類此庚子夏將駕終南息影經吳興爲沙門昭宇文學李明吾等邀入弁山師見山水幽雅尋披榛支茆梵侶拈据經始龍華也秋越之鄉紳倪太史鴻寶徐藩司亮生李學憲玉完延於延慶寺結制屆蜡歸弁殿宇新構登座曰開疆展土彌勒樓現於當處伐木誅茆普光殿建於目前烟雲散彩日月舒光抵如成家樂業一句作麼生道良久云四海衲僧明正化十方

支那

瑞白禪師語錄卷之六

四

檀信悟無爲師之隨宜說法類此明年有信不具者將不利於法門張孝廉魯平勸避師曰吾行佛道導人趨善陰翊王度於心無愧何畏之有設有所加亦緣也可苟免乎不聽安若須彌不日唐總憲存憶入山彼風乃息先道場山請雲門說法不終三吳四衆慨聲未息唐孝廉祈遠聞是雲門嗣即懷香晉謁爲金湯之首也繇是銓孟葛附冠冕葵傾宗風丕振是秋郡紳沈司寇何山閔家宰曾泉朱太師平涵韓狀元求仲迎過白雀寺開堂唐總憲於寺遲師成律曰坐對神山遲海月靜聽鈴語落松風領聯也衲擁五

六百士夫問道絡繹自登曲肱來直以佛法相見客有不悅而去師曰亦不孤渠來意監院請易賓主相見師曰此地無緣則住餘處未聞阿世可行道也期畢歸龍華示衆曰剝除鬚髮而被法服所爲何事必須痛念生死立決定志發勇猛心求無上道未能了達且看話頭如鷄抱卵念茲在茲綿綿密密用力久之忽然因地一聲始知成佛其來舊矣初不輕易下山有顯耀者欲對靈演法厚禮連迎師終不赴卽門下者總不許應人間佛事雲廚至令不容除借嘗曰隨家豐儉有飯則飯無飯則粥無粥則散若除借未

支那

瑞白禪師語錄卷之六

五

免錯因果也素不事慶弔有充街坊者行苞苴師曰此謂汚他家佛不許可逐之或曰有來無往非禮也曰僧爲良福田奚以世禮酬酢爲癸酉會稽胡問卿璞菴劉納言念臺董寶卿皇庭徐兵憲檀燕王制憲峨雲丁宮坊歐石邢天部洪瞻倪侍御二關余殿撰武貞請於鼓山戒珠寺安期衆倍白雀道聲載路請益填門解制還弁藜林落成衆倍戒珠乙亥春陶給諫虎溪商開府等軒虛天台護國爲請卽詔國師法席也將行嚴比部充涵率子侄登山曰高坐弁峰化及天台如何師曰相許久可爽乎至茗城黑白遶道

師曰有緣再來皆依依而別途中見師相貌殊特或謂王公肥遯或謂古佛再來入寺百廢並舉一旦恢復秋日卽托嘯雲西堂主方丈還弁初赴台時門下乞歸期師指牡丹曰開一朵必歸後果丙子因病言隱他山衆懇不定沈中丞彥威曰誰主方丈曰久默音公竟飄然九華掃壙更號子仙囑從者毋稱和尚意與終南舟至湖口石尤頻作師曰緣也且泊隣舫一賴客識荆問及師直達客曰敝鄉有山名崆峒板地數萬仞峰巒並秀泉石俱幽足可樂道何必終南師曰且去看登其巔覽而樂結草龕翛然自適有終

支那

瑞白禪師語錄卷之六

六

焉志席未暖風聞遠兩浙道俗爲龍華太和鄉紳楊寨雲蕭伯玉爲般若汀州黑白爲聚龍峰爭請師一不允更避南雲山明秋轉崆峒問禪乞戒者鱗聚不三年成巨剎額子仙禪院初托不溢滿兩月卽逝更托謂斯教主之庚辰秋建安王欽師之道幣書延主洪都百丈山師重清規而應焉衲百餘舟五尾至瑞州沸然吠日一虛百實悞報數千疑而圍之師怡然安坐諸當事登舟相見始信善知識乃解且贖復從會城轉龍象蹴踏輪蹄輻輳王臣送供劉鄉紳攔途膜拜能給諫屬詩相賀撫臺委職護送上山師入

院斬新條令整舊家風肅清規掃荒會亦將荷鉏隨作人稱大智再來不期衆生緣薄明春穀日示疾勉衆愈篤談笑自若囑累石澗西堂主百丈至三月十五日令淨髮十九侵晨索浴畢謂侍者曰扶老僧入龕曰和尚一動衆皆不安師休去半晌手書後事偈曰來亦無一物去亦無一物若知端的意百丈花稍月擲筆以手招衆衆前師已吉祥而逝矣當午時也師生於萬曆甲申十一月二十六日戌時寂於崇禎辛巳三月十九日午時世壽五十有八坐夏三十有八塋全身於弁山龍華寺去三門之北五百尺乙山

支那

瑞白禪師語錄卷之六

七

辛向正面方山遵遺命也初壽塋成正月往報師手書曰計音到便來接龕後書種種意皆言表尾又致聲內外老僧不及寫書矣誰知是長別書哉持書者將行又曰老僧不過四月矣告爾堂頭秋間有書上老僧則歸卒成迎龕之讖又三月初九自題真曰再過十日且看咭咭後果浹旬而逞此預知時至也龍華石榴先夏變白涅槃之兆也遐邇聞計受益者墮泪未面者嘆息奉新沈邑侯枚臣欲晤未獲亦登山拜奠而去建安王欲留龕遵遺命護送歸弁展玉軸而祭焉師行脚時十三年無被未嘗解帶而臥龍

天推出仍依粗疎人施細滑則唱而膳衆數建聚林
僅蔽風雨傲雲棲之尚朴勤種竹木臨去猶時或曰
行矣何爲曰招提在也來無居乎嘗施衣但與乏者
或譏不均曰周急吾之均也病者躬視老者時慰警
以法要濟以藥石諸人一物終不爽襟懷灑落時露
天機令人聞風振起及鍛煉學人不假辭色全提正
令徹骨爲人故預師會得省發者衆所謂大開爐轉
點鐵成金也待侍者尤嚴諸方聞而膽悸憫末世不
重木又自潔水霜見犯末篇不恕防微杜漸嘗訓初
學曰爲僧不遵遺教經法王之叛臣慈父之逆子也

支那

瑞白禪師語錄卷之六

八

拂下雖衆未嘗泛納若未受具若受不持若離田服
若年輕若狂妄俱不納惟向上志者樂而親之否則
望風而退師之嚴峻又如此見門人久拚鄉曲者賢
之請假歸寧者亦賢之贖而囑曰諭父母出世之道
方爲至孝師之錫類又如此凡接機隨來而應或時
怒作佛事則轟雷掣電或時喜作佛事則婆娑和和
或時遊山翫水作佛事則遇景而頌皆以第一義諦
示人或時病作佛事則警四山之通或時貪作佛事
則納香費而結諸善緣或時捨作佛事則聚林成而
掉頭不顧或順或逆或隱或顯種種爲人無有定法

若有一定則鷄鳴狗盜者衆矣心直口快見善則讚
見不善則呵諸方於法門有所左者則力闢之音嘗
諫曰今末世明眼者不多公心者甚少不作是非會
者能幾况關乎堅固時彼必強辯反增葛藤何必師
曰摧邪輔正令法久住佛祖之願吾豈畏刀避箭哉
所謂說障道無畏也師性倔強行止自斷嘗曰我爲
法王於法自在師造道則尅若十餘年而盡精微養
道則深蓄十餘年而至繁衍故行道則縱橫自在得
不爲大善知識正人君子所重哉如 建安王曰名
喧宇宙道拓古今縱象王之威猛諸方膽喪張獅子

支那

瑞白禪師語錄卷之六

九

之爪牙四衆心傾唐總憲曰作過量人證希有事傳
的的意具上上智黃司理元公曰寶鏡懸空十方普
照洞山禪已屬老漢矣又吳太史觀我曰吾邑之有
弁山猶龍舒之有博山此非尋常定知地湧菩薩不
忘慈誓爲我等輩也哉亦有逆助如吳與瑞少焉自
化因而更振所謂慈善根力也於鍾山時有王姓者
施地祈嗣師題券尾曰還他二子後應其言師見時
輩有此洞彼濟之分而曰千枝萬葉一本而生在西
域當尊迦葉爲始在東土當尊達磨爲始今後當稱
達磨幾十幾世舉本該末謂之尊稱達磨正宗說師

九坐道場各有語錄總十餘卷關判名獅子吼一卷
別峰相見一卷其法嗣自癸酉秋於弁山付不肖音
於戒珠付孤崖聰次於弁山付離言義歷然相天台
付嘯雲蘊至崆峒百丈所付凡三十餘人受益得戒
者不可勝數竊窺師之爲道爲衆生爲法門必乘悲
願而來嘉言善行不能殫述畧錄遊化之跡以貽後
爾嗣法弟子大音樂譚狀

行狀

師諱明雪字瑞白入就別號也桐城楊氏子父一舉
幼孤事母卓甚孝誓志超塵見僧則喜年二十雙親

支那
撰述

瑞白禪師語錄卷之六

十

堊訖出家九華開宗門下車詣越叅雲門湛然大師
門問向作甚麼曰持毘舍浮佛偈門曰四大是假妄
心是空阿誰拖你死屍來師無對七日有省諸請訛
尚未徹底獨看一歸何處門一日舉斬猫因緣師遂
領畧拋下蒲團門曰一語下徐州又一日門于橋上
問衆曰溪水潺潺各下語看師曰敲空有響擊木無
聲門笑領之嗣入室門謂師曰自後當休去歇去師
猶不肯忽一日聞鐘聲豁然大悟往皖山住靜三載
編謁黃蘗博山峰頂愁山諸尊宿黃蘗博山每于衆
中稱美庚申省雲門歸越明年避寂天柱峰卽皖蛟

山也癸亥冬雲門結制海內英靈駢集推師爲西堂
激揚老鍊返擲頻施門欲付法與師不受甲子住鉄
壁卽陽明洞天也乙丑冬過金粟領衆佐化儀稱酬
唱之白眉爲尸羅之具壽栗極稱欲付之師亦不受
衆曰何哉師曰雲門不可負也解制遂行粟送河濱
而別丙寅歸雲門機緣問答芥鋒相投復呈偈曰蒙
師饒舌十餘年本分由來不可傳有見原非解脫道
無心豈是祖師禪三玄四喝閑家具五位君臣總白
拈欲識老胡親的旨金烏夜半麗中天門曰語無滲
漏善解圓互遂付衣拂并偈曰誕生原是自心各空

支那
撰述

瑞白禪師語錄卷之六

十一

裏栽花本現成滿口道來無可道威音那畔幾知音
蓋門嗣慈舟念念嗣幻休潤迦洞山三十二世迦達
磨四十二世也旣受欲習靜南岳緇素挽止鍾山然
師親雲門寂先蒙印可寂先惟付法寂後故道風德
化爲時首推雲門逝諸檀護卽請繼席而開法獨早
具足石雨二大師屈居左右二座助揚化儀諸方美
云此等高風足範百世然師道化愈暢諸公之盛德
益美視近世操同室之戈者何啻霄壤哉卽戊辰已
巳歲也庚午夏將適終南息影經吳興緇素聞之請
入弁山彌勒峰文學李明吾施山結茅師喜山水幽

清乃居之秋日越之鄉紳請于延慶寺開法屆臘解制歸弁湖郡眾紳請主白雀寺開堂台越眾紳居士請主天台護國席師命西堂孤崖本珠諸公預往料理期畢仍歸弁之龍華不數年開基斬草英靈畢集古之龍華由是恢復矣癸酉秋師赴越戒珠寺請開堂畢仍歸龍華乙亥春護法諸紳陶給諫虎溪倪侍御三閩商開府等軒吳孝廉芝菴等爲大台護國韶國師道場法筵久寂再致書敦請師于二月初二日入院自湖城至杭黑白盈道觀師威儀端嚴咸謂大和尚古佛再來隨途設壇具供瞻拜爲幸其後至者

支那

瑞白禪師語錄卷二

十二

猶望塵悲泣而忍去其爲一時傾仰如此然天台百餘年來不知宗乘何事幸師宗風不振遐邇歸依皆稱茲山中興主也師入院不允上堂惟隨機開導有居士訪師師示之曰觀白雲縹緲誰歟十罔措師復曰聽綠水潺湲此矣眾聞皆乞書之爲示眾語又示眾曰佛法不在陞堂當知不離日用若能此處會得更有何事不畢如或未知各當努力開田鋤地運水搬柴捨此它求非吾至道珍重示眾老僧因爲養病不暇爲眾說法雖然如是早已漏逗了也且道漏逗個甚麼會得者試出通個消息其機緣問答法語皆

載前錄茲不繁述至秋月欲付囑院事道跡終南又因龍華虛席眾紳屢請遂諾內外以護國付予予思負性堪同野鶴耻好爲人之師即欲攜筇遠遁雲壑力辭而不獲乃曰師命不可違既受付畢仍居二座以待師歸師亦不顧去赴龍華之請結冬制畢次年丙子四月八日解制即以院事囑首座久默遂飄然南邁舟至顛湖口石尤頗作師曰且泊因聞有山名崆峒幽邃乃棲之是時龍華方丈得人崆峒叢席亦就丁丑春師遂遁跡南雲山未幾眾復請歸崆峒問禪乞戒者雲集不三年成大刹額予仙禪院托謂斯

支那

瑞白禪師語錄卷二

十三

教主之庚辰 建安王欽師道德請主百丈寺將次南昌相從縑素瞻仰者充斥于道鷓首蔽江而下時督撫方戒嚴疑不測陳兵欲拒聞師號道風遂加敬禮至寺整肅舊規百廢俱備至辛巳春忽示微恙飲饌隨常至三月三日對侍僧曰吾體漸衰知非久矣初八日有禪人浙中來見師有志明曰捧師真請讚師題曰崆峒山頂快活不殺被陣業風雄峰挂捨一條性命今已七八再過十日且看咕咕唳日日本東流年年花三發至十二日喚諸弟子入室付托後事囑西堂石澗主百丈命監院造龕送入龍華塢中于

是勉策愈篤而笑談自如至十五日與侍者淨髮至十九日遲明浴罷謂侍者曰扶我入龕少刻復索筆書種種囑語誡諸弟子至末後大書偈曰來亦無一物去亦無一物若知端的意百丈花稍月乃擲筆手招衆衆近前師已吉祥而逝矣三月十九午時應前初九日書真贊恰十日歸寂此預知時至 建安王欲留師龕造塔于百丈因遵師命護送歸并展玉軸設祭致弟子禮湖嘉紹台諸官紳及緇素皆迎師龕于百丈至十月十三日奉全身塋于弁山龍華寺右塔中師生于萬曆甲申十一月二十六日戌時寂於

徵事

瑞白禪師語錄卷之六

古

崇禎辛巳三月十九日午時世壽五十有八坐夏三十有八師行脚時十三年不置被至夜不解帶而卧及出世仍舊粗疎人施細滑則唱之膳衆數建叢席僅蔽風雨效雲棲之尚朴勤種竹木臨去猶誡衆曰一朝僧能護千年常住則後學有棲止佛法亦在焉平日常施衣但與乏者或譏不均曰周急吾之均也病者躬視老者時慰警以法要濟以藥石煅鍊學人不假辭色全提正令徹骨爲人故凡預師會得省發者甚衆所謂大開爐鞴點鐵成金也待侍者甚嚴重諸方聞而膽悸憫末世不重戒律自潔冰霜見犯末

篇依規不恕防微杜漸嘗訓初學曰爲僧不遵遺教經法王之叛臣慈父之逆子也拂下雖衆未嘗泛納若未受具若受不持若初離田服若年輕若狂妄俱不納惟向上志者樂而親之否則望風而退師之嚴俊又如此見門人久拚鄉曲者賢之請假歸寧者亦賢之瞋而囑曰論父母出世之道方爲至孝師之錫類又如此至于應事接物方便大施或時轟雷掣電怒作佛事也或時婆娑和和喜作佛事也或警生死無常以示疾爲佛事也或示語言三昧以歌咏爲佛事也亦有莫測者或以食作佛事則納香贊而結諸

徵事

瑞白禪師語錄卷之六

圭

善緣或以合作佛事則叢林成而掉頭不顧或順或逆或隱或顯種種爲人無有定法所謂大機大用不存軌則是以心直口快見善則讚見不善則呵諸方於法門有所左者則力闢之庶妄見自息也其護法明眼者皆讚不已至末後將示寂半月之前預知時日書真贊并遺偈而笑談自如此來去自由正古所謂生平打徹末後自由足爲天下後世風規得道之實驗也然師平日行道縱橫自在來去無拘嘗曰我爲法王於法自在故示寂亦然 建安王欽師道風乃讚之曰名喧宇宙道括古今縱象王之威猛諸方

瞻喪張獅子之爪牙四衆心傾唐總憲曰作過量人證希有事傳的的意具上上智黃司理諱端伯曰寶鏡懸空十方普照洞山禪已屬老漢矣李家宰夢白曰露地白牛憑他牽引無邊寶刹盡現毫端吳太史觀我曰吾邑之有弁山猶龍舒之有博山此非尋常定知地湧菩薩不忘慈誓以佛知見爲我等輩留影是邦也亦有逆助如吳與瑞少焉自化因而更振所謂慈善根力也住鍾山時有王姓者施地祈嗣題券尾曰還他二子後應其言離弁山上天台時衆跪請復歸師曰牡丹今夏若開吾或有再來緣也夏日果

支那

瑞白禪師語錄卷之六

六

開一枝弁山持書報曰後園牡丹花開師咲曰莫有歸弁之緣乎初到天台未半月日聞門前二塔有佛舍利乃昔韶國師所建因祝曰此地若興有人繼席當放大光明於是每夜師常見二塔放光喚衆同觀有見者不見者師命衆禮拜畢乃曰舍利之光即佛光業障深者雖不能覩然而必有解脫之期憶昔韶國師曰此乃大乘之地世世當有大善知識弘揚祖道今塔光既放足信不虛矣時紹興錢相國麟武欽師道化欲將所敬遂據寺舊額仍書護國寺遣使賁禮入山桐城何相國芝岳扁寶鏡重光令僕入山設

喬陳吏部木叔書曰荷師大轉法輪特開覺路那天部洪瞻曰洞上宗風大暢雲門師居首焉吳孝廉芝菴書曰護國中興宗風重振衆宰官護法尊重如此師九坐道場卽越州之顯聖之延慶之戒珠湖州之龍華之白雀天台之護國贛州之崆峒之慧燈南昌之百丈各有語錄共一十餘卷開判一卷名獅子吼其嗣法凡三十餘人剃度弟子若干人室中密印者若干人護法王侯士大夫問道得明指歸者若干人至于聞名親相若隔江招手出山錫指而領悟者亦不可勝數至于開判諸方諸願學者世俗不諳或作

支那

瑞白禪師語錄卷之六

七

是非會去豈知無非提持正令一片熱腸待人何嘗有洞濟之分哉是以著達磨正宗說一篇庶主曹洞宗者皆稱達磨爲始祖意在息洞濟之諍苟知始祖原只一人則異派之諍自息矣誠足以見師之爲法門乃徹底婆心非比諸方妄自炫耀以是爲非以非爲是致使後學轉增慢見以闢諍爲是也已倘幸無私而存乎大公是非莫偶闢諍自息則闢判亦爲剽語如或未然不妨與一十餘卷語錄金重理究毋作是非會去爲率師嗣雲門澄和尚望洞宗爲三十二世望達磨則四十二世迦葉則六十九世

今稱達磨正宗四十二世乃尊此土之始祖爲息異
派之諱也蓋言善行固難悉述茲畧錄遊化之跡以
見師之爲道爲衆生爲法門必乘願再來也崇禎十
四年辛巳十月十有四日住天台護國寺嗣法門人
寂蘊於弁山室中和南謹狀

刻語錄跋

昔人有言曰先人之業振否皆在子孫也振則克之
否則過之故從上諸祖承荷拈花大法皆體先覺之
心務在後之有傳光前耀後則其先業法道皆有所
振者也是以釋迦文佛二十八傳至達磨大師再五

支那

瑞白禪師語錄卷之六

六

傳至青原再五傳至洞山再三十二傳至我先師和
尚其中雖有隆替不一然至先師之法道亦大盛矣
故天下問道縉素如水赴壑師九坐道場剎剎重新
語錄盛行有一十餘卷崇禎辛巳春不幸歸寂百丈
其後之續刻雖多記者不無魚魯之謬三禾之訛冬
日塔事畢法兄久默時主弁山席約予明夏入弁編
刻以爲垂後實錄亦不幸夏初久兄告寂遂資缺然
矣然同門雖多星散不一或有若久兄之志者塞值
世亂而艱于聚首亦有若久兄之早去而爲古人者
且予先年雖主護國僻居台山幸值餘暇敬簡前後

遺稿并已刻行者一一據題編次曰上堂曰小參曰
茶話曰示衆曰機緣曰頌古曰法語曰歌偈曰詩贊
曰佛事曰銘曰狀等其中關判一卷原爲息法門之
諱今諱既息譬如病既去則清溫虛實之劑復何施
焉故刪不錄其傳燈世譜一書已刻于百丈茲惟集
語錄一十八卷幾欲付梓未果至丁亥冬退隱嶧之
深山會諸護法紳衿閱訂助資已丑春初始完其志
孝廉佩茲吳公曰余嘗與諸公謂先大師語錄語最
平易而機鋒峻拔亦復金針綿密重新洞山之風真
爲萬世之典型後學之明鑑者也當請入藏共契經

支那

瑞白禪師語錄卷之六

六

弘傳庶彰大師末後光明同日月之並行而不悖非
獨不負師之克振隆緒之志亦使我輩護法酌教益
之恩在此舉矣于是予欣然不已曰諾已丑春嗣法
門人寂蘊和南謹跋

刻縣優婆塞戒弟子馬智福優婆夷弟子

余氏智樂捐貲刻此

瑞白禪師語錄壹部所祈

國泰民安福慧愈長情與無情同圓種智

四明王家琦書

歲在己丑春三月深山智通謹識

支那
藝文

瑞白禪師語錄



博山無異大師語錄集要

明

•

無異元來
永覺元賢

編撰



博山語錄集要序

佛祖之道如金剛王寶劍
得之不易用之不易付之
亦不易以其皆不易也故
傳持斯道者實鮮其人而

語錄集要序一

魚目混珠山雞冒鳳者嘗
半天下也我曹洞一宗盛
於唐衰於宋至元似復盛
而實衰其故蓋難言之也
自

元朝初雪庭裕公奉

詔住少林天下學者翕然
宗之歷傳至萬曆改元小
山書遷化

詔幻休潤補其席四方之

語錄集要序二

腰包而至者如鳥投林如
魚赴壑而潤公乃講習評
唱爲事大失衆望時有蘊
空忠和尚先事小山老人
有年受其密印歸隱盱江

之廩山天下不得而物色
之壽昌先師從其薤落後
蒙記荊始爲弘揚旣得博
山來公繼之其道遂大行
於世師苦叅日久備嘗險

語錄集要序三

阻故其言功夫爲獨詳其
慧光渾圓辨才無礙波瀾
浩蕩莫窺涯際故學者多
望洋而退其門庭緊密金
鑰立辯高提祖印不妄許

可故假雞聲韻者不得冒
渡關津而惑亂羣聽也余
因先師遷化後曾相依三
載雖無所得於師然三載
之中未見其一語滲入情

語錄集要序四

識但勉以向上事則師之
有造於余也大矣及余隱
荷山師自石鼓歸道經建
州晤於光孝寺師曰壽昌
塔掃也未余曰掃卽不廢

祇是不許人知師曰恁麼則偷掃去也余曰賢祇如此和尚又作麼生師曰掃卽不廢祇是不會動著余曰和尚却似不曾掃乃一

語錄集要序五

笑而別及師滅其語錄浩繁連編累牘流通爲難故遐方僻壤聞師之名向師之化而語錄實未嘗觸於目者有之余自壬午秋歸

錫石鼓乃因渾朴上人之請僭於全錄中擇其精要類而合之視全錄僅十之三然簡而易行約而易致使天下學者卽是窮之可

語錄集要序六

以見其大全使知博山之遺其廣大深密有如此非癡守一槩者可恍惚其萬一也嗚呼廣陵散不復作矣今幸其譜猶存安得於

涼風白月中再聞斯曲乎

峇

崇禎癸未春正月燈節日

住福州鼓山湧泉禪寺

傳曹洞正宗沙門元賢

語錄集要序七

題於所居之嘯呻齋



語錄集要目錄

第一卷

博山語錄

第二卷

董巖語錄

第三卷

大仰語錄

鼓山語錄

天界語錄

答問

第四卷

語錄集要

目錄

一

拈古

頌古

贊

禪警語

第五卷

書

文

序

疏

第六卷

偈

博山無異大師語錄集要卷一

首座成正 錄

博山語錄

師住博山有年未嘗開法後因禪衲集四衆啓
請乃陞座拈香云此一瓣香金藏雲而嚴枝幹香
水海以潤根株龍樓迎瑞而紫氣飛騰寶殿籠煙
而祥雲遍布燕向爐中端爲祝延

今上皇帝聖壽萬安

皇后齊年

語錄集要 卷一

一

太子千秋福基同華藏以莊嚴壽筭共毘盧而等量
更新檀那衍慶海衆安和此一瓣香淨明日月曠
蕩乾坤空覺性而無佛無生薰萬彙而有因有果
燕向爐中專伸供養

壽昌堂上本師無明大和尚用酬法乳之恩歛衣就
座曰惟竟師乃曰佛不求佛心不傳心如木與水
似金博金會得也目前包裹山澗猿長嘯會不得
也目前包裹林疎鳥不驚會不會總目前包裹空
宣無相偈卽此包裹也須包裹水操沒弦琴諸昆

仲於此徹去以須彌山作四大海白浪滔天以四
大海作須彌山紅塵滿地烹虛空之髓而滋味恒
新挑水底之燈而光明亘大這裏無加芒索個中
何用金針所以道指南一路智者知疎向上一機
石人撫掌開彌勒之樓閣而行願重重踏毘盧之
頂門而毫光燦燦到此則步步通玄智不能知識
不能識諸昆仲此是故鄉景象若肯就路還家便
得轉身歸父還肯麼自是不歸歸便得五湖烟景
有誰爭

語錄集要 卷一

三

上堂傾湫倒嶽大地全收歛土揚灰纖塵不立全收
則該羅廣博須知白晝鷄鳴不立則澹泊虛明誰
解紅塵大咲是佛亦打是魔亦打管甚船來陸來
饑也一食飽也一食且喜柴乾水便沒踪跡莫藏
身一雙赤手逢人且乞一文藏身處沒踪跡兩朵
攢眉遇佛堪消三拜吾在藥山二十餘年方明此
事親言出親口莫使外人聞諸人藏身處博山總
知博山藏身處諸人不知諸昆仲今日在此法筵
不免親面相呈若到諸方逢人不得錯舉珍重

上堂冬不寒臘後看老儂不愛雪稚子哭衣單惟有
東村一箇沒傷僅漢髻頭垢面赤手空拳寒不怕
寒熱不怕熱最冷唱個雪詞兒最饑做箇糶米漢
無一文錢要與天下人關富無一分色要與大地
人爭妍有時在十字街頭倒騎鐵馬有時在西洋
大海逆上須彌有時在烈火燄中嚼冰嚙雪有時
在紅塵堆裏掐草挑燈有時指東話西有時呼南
爲北將三乘法暫以作門牆指十地菩薩而爲眷
屬諸昆仲斯人還合伴不合伴復笑云已被博山
語錄集要 卷一 三
收下了也

上堂至理不渝至功不宰至道不形至了不辦於此
四句相應便做箇洒落衲僧眼不染玄黃腳不沾
泥水意不緣諸法舌不親玄旨到此則圓機普應
玄度該通淨體無依靈明絕待所以玄沙大師云
羅籠不肯住呼喚不回頭古聖不安排至今無處
所諸昆仲今時禪者不信自心是佛向外求佛不
信自心具足諸法向外求法既昧自心縱有弘爲
皆生死之業耳又當知求佛求法卽有所依既有

所依於自心不得自在譬如窮子於傭辛苦乞食
自濟昧却衣裏無價寶珠豈智者乎夾山大師偈
云勞持生死法惟向佛邊求目前迷正理撥火覓
浮漚無事久立珍重

誕日上堂本無今有笑看鏡裏狂花本有今無攪動
巖前湛水一片白雲瀾漫幾多花鳥迷踪撥碎虛
空爐鞴烹煎佛祖高揮寶劍草鞋救取貓兒還他
一個皮囊贏得五湖明月所以大覺世尊捨王宮
入雪山親明星開道眼於三七日中思惟是事然

語錄集要 卷一

四

後開權顯實說三乘法及至末後拈花示衆便云
有教外別傳簡點將來如夢境相似博山生居黎
庶無王宮可捨遊化東土無雪山可入大地黑暗
無明星可親奴郎不辨無道眼可開然則貴賤雖
殊要且頭腦相似自幼便可憐生二十以前成家
樂業二十以後花孽家財三十以前向北鬱單越
解三玄戈冑三十以後在南贍部洲碎五位鎗旗
四十以前你要去我鉤兒鉤你博山卻不鉤你任
你千里萬里四十以後你要住我有錐兒錐你博

山卻不雖你任你在蟪蛄眼裏今日正當四十歲
鉤錘一齊息博山不在這裏博山有一塊古地基
自天台韶國師開創以來千有餘載雲峰信道者
克紹相繼亦數十餘年今日在此說法是本有今
無耶諸人面前不得說夢是本無今有耶諸人面
前不得說夢看破夢境時如何諸人面前不得說
夢何以故個中求其生無生不可得滅無滅不可
得有本有不可得無本無不可得又將何而爲壽
也以諸佛身衆生身爲壽聖凡不可增減以過去

語錄集要 卷一

五

劫未來劫爲壽日月不可遷移以妙高峰安州海
爲壽燥濕不可損壞以盡虛空遍法界爲壽天地
不可覆藏然雖如是今日因甚麼喚作四十歲良
父云棲鳳巖前雲霧捲伏牛山下古今傳
上堂神藏禪師云知而無知不是無知而說無知良
遂禪師云良遂知處諸人不知諸人知處良遂總
知荷澤禪師云知之一字衆妙之門高峰禪師云
知之一字衆禍之門諸大老敲唱傍提各具一隻
眼博山今日不惜唇吻從頭註解祇要告報諸人

知而無知頭腦相似不是無知而說無知火燒屑
毛救取一半良遂知處諸人不知大似壓良爲賤
諸人知處良遂總知多知老翁莫與相見知之一
字衆妙之門把手牽不入知之一字衆禍之門脚
頭腳底知字亦不惡諸昆仲博山恁麼註解還會
博山意麼然雖如是博山決不恁麼道無知而知
爲之知知知之爲知不知爲不知諸昆仲還有不
向知上作活計另有超羣拔萃者麼當知水琴松
韻堪傳赤子之心赤尾金鱗不墮漁人之手且道

語錄集要 卷一

六

與古人同耶異耶復云東西南北十萬八千
臘八日上堂維那白椎云法筵龍象衆當觀第一義
師云第一義作麼生觀觀着則眼瞎嗅着則腦裂
舉步絕行踪動念非生滅眼色耳音聲心忘思路
絕古今諸聖賢同途而異轍中峰水底琴馬師天
上月投子手中油趙州庭前柏博山無可示梅花
枝上洩吐翠與含芳凝寒傲霜雪清香滿十方觸
着通身血捶手哭蒼天浮杯老結舌諸昆仲當時
擇迦文佛於臘月八日抖碎虚空七花八裂盡大

地無一人會得所以寶坊云不是凌行婆怎解同心結

上堂在迷迷悟在悟悟迷從來迷悟似迷今日悟迷非悟迷悟兩頭拽斷聖凡更復何言剔起眉毛惜取眼中瞳子綻開衣線露出鐵石心肝燈籠與露柱相交佛殿共三門闢額赤手團成泥彈子紅爐煉就鐵饅頭一任東擲西拋畢竟埋光鏤彩從教野狐精巖中脫殼轉轉不錯笑殺赤鬚老胡要知水牯牛山下投胎卓卓全該須是馮山大士諸昆

語錄集要

卷一

七

仲馮山大士作水牯牛博山頭角生已久矣還有人證盟也未良久云達磨大士來也放過一着元旦上堂春風纔動春花開春雨相催春水來惟有通玄峰頂石依前白鮮與青苔大衆如何是新年頭佛法復云東西林下鳥添得好音聲

解制上堂誰云結制仍解制縱有成規俱不是當空拋下雲門柴雪浪銀花匝地開簡得多年破木杓鷄子飛過新羅國你既無心我也休後代兒孫笑酒樓香巖粥飯長行者擊竹有聲聾兩耳翻思昔

日老靈雲一見桃花眼眼睛誰是迷今誰是悟春風觸着珊瑚樹誰是悟今誰是迷具足從前自家底心不心今物不物連書幾個向空咄諸昆仲因甚麼書幾個向空咄復合掌云我不敢輕於汝汝等皆當作佛

上堂諸昆仲凡心入覺須善用心不善用心魔得其便所以一個計字出九十六種外道一箇着字出五十蘊魔及魔王眷屬等具在教乘不可不知經云譬如孔隙處風則能入推動於物而不自在

語錄集要

卷一

八

菩薩亦爾若心有間隙心卽搖動而不自在乃至成就皆魔業耳何謂魔也歡喜是魔也煩惱是魔也昏沉是魔也掉舉是魔也懼動是魔也厭靜是魔也喜談論是魔也愛遊行是魔也乃至斥像毀經破律犯戒拈頰機絲擅開異解詩賦詞章文藝雜學併貪求說法悉是魔也所以博山教諸昆仲提一則無意味公案蘊在八識田中當下不知有血肉身心前境不知有山河大地非內非外滾作一個疑團行不知行坐不知坐如一人與萬人敵

又如心心常似過橋時直須發明此事到磕着撞着打破疑團通身是眼縱遇釋迦大師摩頂授記佛亦不做何況魔軍而能入耶諸昆仲如斯會去誰不丈夫雖然如是事怕有心人直須當下一念無生超彼三乘權學等見若將心令無心却成有直須覓心了不可得卽證超魔法門

上堂水流濕火就燥是水有魚是林有鳥喫飯咬着舌頭解道青天不用掃諸昆仲須自了同個夜兮同箇曉試將此語播諸方謾道荒田不揀草更看

語錄集要

卷一

九

雲門拄杖子化爲龍吞却山河大地了諸昆仲且道博山卽今在甚麼處良久云深固幽遠無人能到下座

開光解制上堂九十九日期今已解百十三昧許誰知畫龍未必乘雲去可惜人間十二時十二時辰彈指過貶起眉毛還是錯衲衣撩起伴雲眠磐陀石上松花墮聞見清兮清亦非法身無病不求醫頂門突出摩醯眼夜半烏鷄帶雪飛帶雪飛兮貴回互金鳳不棲無影樹縱橫十字數將來佛祖位中

留不住留不住今劈面來兔角龜毛眼裏栽今朝拄杖橫挑出那個男兒肯活埋諸昆仲今乃解制之辰遇無量壽如來爲汝諸人普作佛事放大光明焰十方國土無所障礙更以無礙神力將極樂娑婆融成一界若說是淨土卻是娑婆若說是娑婆卽是淨土且道無量壽如來畢竟居何國土今日博山親指出分明一點座中圓

語錄集要

卷一

十

曰山水之間得渠儂力進曰某甲從此信入去也師云信後如何進曰向後與和尚更道師云分作兩橛作麼又僧問昔九座大師云我今日向孤峰絕頂駕一隻鐵船截斷天下人要津抵如和尚今日又作麼生師云錢船卽且置閻黎要津呈似老僧看進云爭奈學人不會何師云不會請人裁進云恁麼則剛道是龍猶不信等閒奪得始驚人師云閒言語復曰諸昆仲佛法不是容易博山三十八年來實際理地洞然無礙事法中較量與理矛盾

者尚多卽今與諸昆仲陞堂入室結個粥飯因緣
於此座上問來答去如鳥云空如鼠云唧雖有其
聲究竟將來都無實義豈但無益恐成賺誤若是
祖師門下客要知祖師行徑方有說話分單明自
已底不知有古佛家風此人有眼無身若明得古
佛家風不知自己用處此人有身無眼直饒坐斷
兩頭不通凡聖轉身氣急猶在半途更須知有全
提時節始得大丈夫兒步入重玄睜開隻眼解作
家活用不乖方歛沙界于毫端纖塵匪礙耀珠光

語錄集要

卷一

土

於域內洞鑒無遺如日月光遠近斯炤拈拄杖云
還有恁麼衲僧麼僧問透網金鱗因甚猶滯水師
云度盡無餘影還他越涅槃進云恁麼則縱橫滄
海濶騰躍萬波隨師云作麼生說箇騰躍底道理
進云分明頭角久春江雨露微師云念文章可惜
許師復拈拄杖云還有問話者麼衆無對復曰今
日老僧失利

誕日上堂僧問莊子八千椿正眼觀來猶存數量大
通塵點劫衲僧門下尚在半途壽等虛空泯絕途

量一句請和尚指示師云玄沙元是謝家郎進云
和尚與玄沙同生去也師云年年桃李樹處處白
紅花進云這箇且置祇如當時韓文公問大顛和
尚壽壽多少顛提數珠云晝夜一百八今日座中
諸大檀越或問和尚法臘多少和尚如何應對師
曰漩復黃河水進云如是則和尚與大顛人有今
昔壽無兩般去也師曰乾三長坤六短進云水桃
雪藕非爲敬直奮空拳上法王時如何師曰坤在
上乾在下僧禮拜云謝和尚答話師乃曰天地旋

語錄集要

卷一

土

山河走石女生兒世間希有白向本爺娘乾坤兩
眉皺今日無端舉似人灼然笑破虛空口諸昆仲
若道博山有生是不諳佛法若道博山無生是不
諳世法生與無生拈放一邊且道四大色身從甚
麼處得來良久云乾闥婆神無限樂宮商不與世
和同首座問石女生兒得幾個師曰五男二女進
云和尚生身父母在甚麼處師喝一喝下座

佛成道日上堂僧問雪覆千山無點白雲空萬里絕
纖埃木甯甚麼人到此境界師曰無縫襖子足風

涼進云向上更請和尚道師云秦望嶺頭雲楚人
那得見進云還許學人進語也無師云試說看進
云恁麼則禮拜去也師不顧復云法本法無法庭
前瑞草和根拔無法法亦法黃河九曲金沙混流
今付無法時釋迦鼻孔長多少法法何曾法瞞博
山一點也不得諸昆仲釋迦大師四十九年橫說
豎說逆說順說誰人奈得渠何及入涅槃時以虛
空爲口滄海爲舌日月星辰爲莊嚴山河大地爲
聽衆橫說豎說逆說順說要且無人得聞博山今

語錄集要

卷一

三

日在此座上橫說豎說逆說順說誰人奈得博山
何博山今日不待涅槃卽此座筵以虛空爲口滄
海爲舌日月星辰爲莊嚴山河大地爲聽衆橫說
豎說逆說順說要且無人得聞這裏有些子請訛
諸昆仲過去釋迦大師所說法要無人得聞卽且
置現在博山所說法要因甚無人得聞這裏若緇
素得出許你親見博山既見博山卽見釋迦大師
若緇素不出縱見釋迦大師要且不見博山何以
故有口非舌無錢卦不靈下座

上堂撲落非他物縱橫不是塵山河并大地全露法
王身古人恁麼悟去大似喫常住餅作自己事博
山則不然行年四十九皮骨若枯柳四大體自如
面南看北斗博山恁麼道大似喫自己餅作常住
事徐六擔板各見一邊更有一偈爲之解嘲不免
總說向大衆去也祖父田園自家產業匪守珍御
不生下劣纔涉思惟平地遭賊醉酒臥街證龜成
隨博山恁麼道早作死馬兒醫汝等諸人也不得
鑽龜打瓦珍重首座云某甲不似和尚師曰汝又

語錄集要

卷一

古

作麼生進云行年三十七通身赤骨律不喫常住
餅鉢孟兩度濕師云卻是汝來得要且不會老僧
意在
上堂僧問鷺戶將開海門雷震敢問和尚一池鱸
何時際會風雲師云拄杖時常頭點空進云興波
作浪時如何師云開黎腳跟下水深多少僧喚曰
透網金鱗雖振鬣冲霄丹鳳不遺苞師云更須按
下雲頭始得又僧問乍入叢林蒙師命往白下請
有字經敢問和尚無字經命向甚麼處請師云磻

破獨懷僧禮拜師曰便抵如此耶出去又僧問近
闍宗猷既非臨濟馮仰不是法眼雲門未審香火
因緣從誰結得師曰渡河落影子進云大好山頭
一針鋒地容盡大地衲僧因甚麼這生具也容不
下師云闍黎曾到峰頭麼進云已拈玉線芒請露
金針穴師云急著眼覷進云更有話問請師垂慈
師云不妨舉着進云如何是功師云三人同一春
進云如何是其功師云力士舁杖鼓進云如何是
功功師云猢猻上露柱進云不得敲唱雙舉請示

語錄集要 卷一

五

正中妙快師云高低雲遶樹進云謝師答話去也
師云遠近鳥啣花師復曰春日山多霧樵人路徑
迷縱然得入戶腳下有黃泥諸昆仲永厚三尺非
一日之寒水漲千溪非一日之雨朝聞夕死非一
日之功立地成佛非一日之行所以釋迦大師曠
大劫來難行能行難忍能忍爲我等故修諸苦行
成就無上正真之道正爲我等今日事且道今日
事又作麼生若向今日會去與釋迦大師共一皮
袋子豈但釋迦大師與恒沙諸佛共一皮袋子一

語錄集要 卷一

六

心一智慧力無畏亦然于彈指頃成就無量無邊
妙行具足無量無邊莊嚴圓滿八萬四千諸波羅
蜜門其或未然而言凡聖齊同如持燭火擬比太
陽又如初生鳥鵲欲冲霄漢多不自諒也首座曰
和尚道水厚三尺非一日之寒冰解後如何師曰
七花八裂進云水漲千溪非一日之雨天晴後如
何師云石頭露也進云朝聞夕死非一日之功如
何是無功之功師云闍黎向上覷着進云立地成
佛非一日之行如何是無行之行師曰著衣吃飯
未爲分外進云和尚皮袋子與釋迦大師皮袋子
重多少師云半斤八兩
上堂僧問今在人天衆前作麼生相見師云是水東
流進云和尚安住在甚麼處師云門前剎竿二丈
五進云花落月明時又作麼生進步師云憑閣黎
跳躑進云石泉一線水源從何處來師云喉嚨下
進云流向甚處去師云頂門上進云高低物象一
顧齊平遠近音聲衆響斯應是何人境界師云沒
來繇漢進云幽閒鬼如何殺得師云借闍黎刀看

僧擬議師振聲一喝師復云明暗交叅正偏綺互
言中有響句下無私揭開雲霧見青天畢竟是誰
遭點額龍門萬丈笑看足下風雲金彈一丸播弄
手中戲具古人道一人所在亦到拄杖子不會諸
人卻會得半人所在亦到拄杖子會得諸人不會
所以道石人機似汝也解唱巴歌汝若似石人雪
曲也應和恁麼商量惟木上座卻較些子珍重
上堂僧問如何是法身理師云伸手不見掌進云法
身向甚麼處安立師云暗地始驚人進云未審法

語錄集要 卷一

七

身是何境界師曰山河大地進云離了法身又且
如何師云燦破四天下僧禮拜師云是法非法是
心非心非法卽法非心卽心打翻漆桶大地平沉
雲門大師甚是奇怪蓋子落地碟子成七片又云
扇子踔跳上三十三天築着帝釋鼻孔東海鯉魚
打一棒兩似盆傾諸昆仲博山今日亦如雲門大
師氣宇如王若渠來相見時又作麼生定奪衆無
對師云拄杖不在若等柄聊與三十何以故若不
挫其來鋒將來必成過患

上堂道非明暗法離有無布袋頭邊連得看來猶是
半途直饒坐斷昆盧不通凡聖旋風撲面氣急殺
人直下相逢不是渠轉位旋機沉毒海諸昆仲若
言卽心卽佛大似黃葉止啼又云非佛非心還如
夢中說夢不是心不是佛不是物是甚麼盤場丘
江西老宿恁麼說法尚喚作口裏阿漉漉底諸人
分上又作麼生諸昆仲莫祇論他非是好門前更
有鳳凰山

上堂甚麼物恁麼來重門關鎖一時開甚麼物恁麼
去佛機不隔時流意靈山會上有多端立雪庭前
無二致甚麼物幾多般見未分明莫浪傳嘗記實
方言道好天非高大海非寬說似一物卽不中多
情不用眉毛動修證卽不無染汚卽不得丫角女
子髮如銀病中勘破維摩詰卽此不染汚是諸佛
之所護念粉碎虛空撲地來百匝千重成一片諸
昆仲既不似一物畢竟似個甚麼有眼無耳朶六
月火邊坐任是同胞生也須更問過更問過是甚
麼良久卓拄杖子云拄杖子卻辯得

語錄集要 卷一

六

佛誕日上堂王宮未降佛事已過腳跟下好與三十棒未出母胎度人已畢腳跟下好與三十棒四十九年說夢取笑旁觀腳跟下好與三十棒三百餘會週遮模糊正眼腳跟下好與三十棒忽遇惡水潑來卽周行七步目顧四方自云天上天下唯吾獨尊腳跟下好與三十棒獨有雲門大師云我當時若見一棒打死與狗子喫卻貴圖天下太平雲門用此惡辣手段始能豎立宗乘若是倚牆靠壁漢又胡足道博山三十棒畧與通信座中還有下

語錄集要

卷一

九

得惡辣手段者麼良久云黃金自有黃金價切莫和沙賣與人首座問雲門一棒博山三十棒是同是別師曰出門是路進云未離兜率已降王宮未出母胎度人已畢因甚麼又喚作四月八日活佛降生師曰爭怪得渠進云詣佛出世爲一大事因緣和尚出世所爲何事師云笑看天花滿紙進云佛祖來償口業債未審是何口業師云惡毒糾纏進云教中道持戒但束身非身無所束因甚麼千佛出世又與人授戒羯磨師云羅浮原在廣之南

進云前無重難後無輕遮方堪受戒或遇箇大鬧提漢殺佛殺祖底出來未審還與他受戒麼師云堪爲來學典刑留待別時供養進云恁麼則和尚性命落在此人手裏也師云老僧甚得便宜進云法施殷懃且酬三拜師云止莫礙第二座問上堂古德云日月未足以爲明是甚麼物得恁麼明乾坤未足以爲大是甚麼物得恁麼大博山今日不惜唇吻與汝諸人註破卓拄杖云拄杖子眼亮爍破恒河沙世界明耶非明耶恒河沙世界在拄

語錄集要

卷一

十

杖子裏許大耶非大耶諸昆仲祇是根拄杖子又何得論明論暗論大論小大小明暗悉是對待之法然雖如是也不得草草何以故要知幽徑趣須辦半季糧珍重

上堂師方陞座二僧問不稱理各賜棒復云毛吞巨海海性無虧芥納須彌芥空宛爾若道是神通妙用斯人未達其源若道法爾如然猶是拍盲狂解是以二人各責三十棒赴出三門外去諸昆仲只須拚毫端而瀉海水碎芥子以露須彌旋嵐偃嶽

而絕纖塵競注江河

性諸昆仲萬花叢裏

去住揣空出骨何難清涼地上謳歌白日挑燈有據到此則正偏旋復雲樹絕依古木森然靈禽不住菩提涅槃真如佛性喚作破草鞋且拈放一邊各人衲衣下漿洗錢布施些子還肯麼昆目仙人執手時善財眼底微塵佛珍重

上堂三界無法何者是生三界無法何者無生生與無生二俱增語若謂是生前村古路坦然平若謂無生海門波浪萬千尋若道生即無生樓頭戍鼓

語錄集要

卷一

主

正三更若道無生即生彩筆將來畫不成諸昆仲幻化門頭高着眼莫將陽談亂紛紜生與無生姑置勿論且道二六時中折旋俯仰必竟承誰恩力良久云六憲虛淨無依將來用度恰好珍重

上堂大道虛曠無有程途幾動之微自當審細若藕絲而牽大象匪假神通如寶樹之宿蟪蛄難窺異色活中死句笑容含氷鍊之姿死處活來寒谷動陽春之談更須知當機劈面母待指陳互換相資那容湊泊諸昆仲當此時也寒灰發燄雪覆紅爐

水玉相啣誰能料揀若有人料揀得出博山明窓下安排着珍重

在壽昌守先師七衆請上堂一二三四五六天地位萬物育箇中有個無角泥牛東觸西觸至今無處藏踪祇得和塵混俗更須知平處險直處曲擊破重關謾輕忽太平宇宙斬癡頑此是禪宗親付囑親付囑破驢脊上蒼蠅出達磨未識叅禪孫臏不辭貨卜惟有壽昌老人一生何鋤頭上七縱八橫至今也填坑塞窟諸昆仲還有爲堂頭和尚出氣

語錄集要

卷一

主

者麼今日幸有博山不肖兒孫爲伊雪屈

結制上堂天地與我同根萬物與我一體時人見此一株花如夢相似諸昆仲古人於黑漆桶底鑑貌辯色無影樹下笑月吟風掣開金鎖玄關扯破漫天網子博山則不然有人問天地與我同根萬物與我一體意旨如何祇向他道昨日有人從燕京來寄得廣南信豈不見溪山各異而雲月是同又云時人見此一株花如夢境相似意旨如何祇向他道

不見人無遠

(編按：此處原稿模糊。)

慮必有近憂珍重

開光上堂佛身無爲不墮諸有慈德聲名垂不朽今朝覲面絕週遮眼上睂毛誰不有丹霞撥火而尋舍利善現晏坐而觀法身雲門用棒以酬恩洞山用蔴而報德這一隊老漢雖則一期方便怎奈千古顛預何似博山將大冶紅爐一槩傾出使天上天下有情無情觀端嚴之妙相植菩提之正因度普耀之通津趨妙嚴之果海紫磨金聚成轉根本法輪白玉毫光旋入普明三昧使大地衆生各各

語錄集要 卷一

三

相謂有佛出世各各自見已身作佛無有衆生無一衆生相者如是則無施者無化者無造者無受者亦無見者何以故施者乃至見者如夢幻故山河大地草木叢林情與無情世出世間如夢如幻故乃至諸佛出世諸佛涅槃影現其中如夢如幻故還有不在夢幻者麼卓拄杖云今日爲君親指出普天匝地盡光明

上堂一二三子平日復仰視兩口一無舌此是吾宗旨仰山大師生平家活徹底爲人若以意識度

量正所謂平地上死人無數也然此偈無纖毫縫罅博山今日向虛空裏釘橛子太清中加彩繪使諸人有所趣向有所捫摸也一二三子抖擻不下平日復仰視北斗向南看兩口一無舌空谷傳聲虛堂習聽此是吾宗旨披拂有餘恨諸昆仲當知此偈暗機圓合金鐘同玉磬和鳴正按全提瑞草與瓊枝並茂若向這裏會去平常心與道相宜若向這裏不會正是業識茫茫無本可據更有一事在佛殿東南缺了一角有人補湊得下博山遺

語錄集要 卷一

三

隻履以謝之珍重

上堂諸佛秘密藏祖師遞相付既同本來心何迷復何悟言語悉虛妄形色如朝露了形色語言究竟絕依怙譬如洞庭水今古清如故虛空非動搖太清絕點污有物終敗壞無形始清素諸昆仲迷鏡裏之頭徒勞狂怖昧衣中之寶枉受玲嶠卓拄杖云若向這裏會去猶較些子更欲遲疑向下文長留待來日擲拄杖下座

上堂心同虛空界示等虛空法證得虛空時無是無

非法大小祖師雖則是和泥合水要且弄巧成拙
將心與虛空分作兩橛說同說等論是論非雖不
涉是非亦將是非弄影耳夫虛心獨運妙湛何依
至體彌綸空界何立大方莫比其量慧目罔眺其
踪日月未足喻其明冰雪難以方其潔古澗之水
湛湛浸殺法身不萌之草茸茸能藏香象諸昆仲
且道徹底無依向甚處安身立命良久云衆既知
時節吾今不再三卓拄杖下座

語錄集要

卷一

五

仲終日拈香擇火待客迎賓動轉施爲折旋俯仰
還有知解也無既無知解得恁麼伶俐得恁麼活
潑古德云樵子負薪歸機婦連霄織看他家事忙
且道承誰力若向這裏會去卽是米做底湯是水
做底師姑是女人做底切莫當面錯過不錯過鷄
子過新羅依然辜負我卓拄杖下座

解制上堂世界乾城衆生陽燄諸佛鏡像六道空花
不躋圓覺大伽藍終是癡狂門外走若帶些些泥
未免紙裹麻纏除是鐵膽銅心始解步空捉影

百尺竿頭穩坐終落那邊三家村裏安身仍停此
岸只須藏身處沒踪跡金鍼繡出玉麒麟沒踪跡
處莫藏身鐵掌挪成銀彈子諸昆仲今日解制之
辰三年果滿萬行週圓且道百步穿楊一箭作麼
生透得過良久卓拄杖云好手手中誇好手紅心
心裏□紅心下座

語錄集要

卷一

五

分波竟莫得其涯岸當此時也去聖時遙人心狂
悖妄庸邪見布滿寰宇稱悟道者紛紛求其真叅
實究者蓋渺也諸昆仲若要會世尊拈花底道理
豎起拂子云向這裏會取若要會迦葉微笑底道
理擲下拂子云向這裏會取然須從水山雪洞裏
穿下過來始堪共語不然則就窩子裏打將去盡
是掠虛漢與自己本分中有何交涉卽今乃結制
之辰有吉安純初曾居士舟次一月而來爲彼乃
郎廣修供養復請博山上堂敷演此事不免譏世

導之陳案燃古佛之慧燈踵列祖之芳塵續金剛之慧命然雖如是諸人分上也須向無陰陽地上啣一莖草來始得卓拄杖下座

上堂單明向上語絕週遮洞鑒機微要在句外若作文言上理會正所謂埋沒先宗辜負自己德山大師云毫釐繫念三途業因諸昆仲十二時中折旋俯仰是繫念耶非繫念耶是正因耶是業因耶又云瞥爾情生萬劫羈鎖開口動舌處是情生耶非情生耶是解脫耶是羈鎖耶汝等諸人各向衲衣

語錄集要 卷一

主

下緇素看若以無念爲無念無情爲無情卽泥塑木雕若以有念爲有念有情爲有情正是業識茫茫無本可據衲僧家須另行一路始得祖師云心隨萬境轉轉處實能幽隨流認得性無喜亦無憂于諸境緣未免隨流且道喚甚麼作性若認得性正好喫博山痛棒若認不得性正好喫博山痛棒何以故龍門無宿客雨打石人頭卓拄杖下座

壽日上堂諸佛時常說法博山特地重宣是何言丫角女子髻皓然是何法明察秋毫雙眼瞎此情惟

語錄集要 卷一

主

有木人知六月炎天生凍殺若同這裏揭山頭之宿霧破水面之印文古佛向汝諸人面前說壽量品報恩品已竟所以云博山生大地衆生與博山同生博山壽大地衆生與博山同壽然雖如是更須知有出世事始是報恩者博山嘗有偈云欲報深恩出世奇報恩深處少人知而今洞徹無違理始信從前步不移古德云盡大地如粟米大拋向汝諸人面前諸人要且不會打鼓普請看若會得恁麼說話始知不移步底道理國恩佛恩親恩檀越恩一時報足若乃煖衾涼枕菽水承歡欲報深恩無有是處所以釋迦大師棄皇宮如脫敝屣乃至初利天爲母說法此釋迦之孝也目犍連尊者去鬚髮如除垢膩乃至餓鬼道中救脫母難此目連之孝也現前大衆思地獄苦發菩提心長連牀上瞋眉努目究衲衣下一件大事此諸昆仲之孝也作麼生是博山底孝拈拄杖云一條拄杖活如龍縱橫全得渠儂力連卓拄杖下座

除日上堂殘冬已去春風到來木雞報曉石女懷胎

庭前翠栢堪剪溪邊嫩柳重栽達磨不來東土寒
山元在天台惟有臨濟大師赤肉團上無位真人
分身無量散在汝諸人面門出入未證據者看看
饑同餐渴同飲寒同火睡同衾若向這裏能個瞋
睡未免受無位真人當面熱瞞豎起拂子云諸昆
仲會麼圓明了知不因心念珍重

上堂佛法非非法非非亦非非非俱絕跡始可話
離微諸昆仲若欲決擇是非除是向教乘中辯得
清濁然後始透得祖師關棧何謂清濁如教中說

語錄集要

卷一

无

貪嗔癡愛煩惱無明是障道法此是聲聞藏說是
濁流邊說無佛可成無生可度情與無情性相平
等此是菩薩藏說是清流邊說至體無名聖功獨
紹此是藥言無病人前不得說藥有修有證建立
因果此是聲聞藏說是濁流邊說無修無證不昧
因果此是菩薩藏說是清流邊說修與無修二俱
剩語此是藥言無病人前不得說藥若說有句無
句是外道說若說亦有亦無句非有非無句亦是
外道說離四句絕百非此是藥言無病人前不得

說藥若貪着塵勞侵損正法此是波旬說失于正
受樂着諸受此亦是波旬說山崩海竭不動其心
此是藥言無病人前不得說藥諸昆仲百非俱遣
宛然赤子之心一道齊平突出摩醯之眼珍重

上堂壽昌先師云踏上雲頭第一峰眼中廣博小虛
空當初欲見無繇見今日相逢處處同諸昆仲此
是曹洞宗旨分明向汝諸人道無纖毫蓋覆若向
這裏會去洞山大師在諸人腳跟下放光動地入
寶鏡三昧也其或未然博山不免註解一遍踏上

語錄集要

卷一

三

雲頭第一峰坑坎嶮巖也須仔細眼中廣博小虛
空眼在虛空裏虛空在眼裏試定當看當初欲見
無繇見對面不相識千里卻同風今日相逢處處
同是何面目指東爲西喚南作北得麼若向博山
註解處會去壽昌先師在汝諸人腳跟下放光動
地入寶鏡三昧也然雖如是博山不合將壽昌老
人受用底家私撒向諸人腳跟下豈不見父爲子
隱子爲父隱直在其中矣珍重

桐城宰官居士請上堂拈香祝 聖竟復云諸昆仲

參學須具參學眼若具參學眼腳踏實地步步登
玄若不具參學眼與參學沒交涉譬如善射者立
定脚跟然後拈弓架箭始能中的也黃蘗希運禪
師云老僧行脚時見草裏有人攔頭一錘彼人若
知痛癢便布袋盛米供養他雪峰大師三登投子
九上洞山炊飯擲巾成辦箇事此宗門中參學樣
子不似而今口稱行脚觀山玩水較量是非三三
五五聚頭雜話有一等向冊子上研窮枯骨上討
汁有一等長連牀上睜眉努目胡思亂想想久成

語錄集要 卷一

主

勞不是昏沉便是散亂如斯等類皆非法器諸昆
仲洞房春暖須知錦帳香銷庭際先生且喜寒巖
發談事驚極致理喜從虛所以道直須揮劍若不
揮劍漁父棲巢閒時喜唱步虛詞泥雨須防苔蘚
滑路憑高處險獅巖絕狐狸之踪影向暗中消靈
運結燃花之彩諸昆仲博山捨父遊走吟嶠辛苦
三十餘年今日到舒州城唱箇還鄉曲子徹見故
鄉田地徹見故鄉人物徹見故鄉春色世間之樂
百千萬億倍不足爲喻茲因桐城衆宰官居士及

諸山僧友請博山陞座說法博山果有何法可說
不免將生平所行底所見底所到底細詳一遍然
雖如是道曠無涯逢人不盡更須知有長處始得
卓拄杖云莫謂故鄉田地穩門前更有萬重山僧
問此土聖凡同聚會向上宗乘爲舉揚師云此去
南舒一百餘又問不問有言不問無言請和尚如
何道師云巖前生石虎僧喝一聲師笑云聲啊吼
如雷僧無語師便打

語錄集要 卷一

主

生生社陞座拄杖子謂之有是增益謗謂之無是減
損謗謂之亦有亦無是相違謗謂之非有非無是
戲論謗只須向四句外會去始不被拄杖子瞞諸
昆仲緣生無性拄杖子徹底無依無性緣生拄杖
子建立世界拄杖子緣生一切法緣生拄杖子無
性一切法寂爾所以道心生種種法生心滅種種
法滅祖師云百千法門同歸方寸恒沙妙德總在
心源會此一心法說生無生亦得說無生生亦得
說生生無生亦得說無生生亦得緣此運大悲
心興放生業飛者適虛空走者適林麓潛者適淵

冥豈可以世間生滅有無而較量其功德者哉博
山今日登此座筵不說有法不說無法不說亦有
亦無法不說非有非無法離四句絕百非石人點
額青山皺眉深寒博得三春暖破霧披雲入翠微
諸昆仲南山起雲北山下雨汝等諸人緊捎草鞋
牢把腳跟然雖如是爛泥田埂石頭路上也須防
蹶卓拄杖下座

生生社小叅諸昆仲宗門中事難以措詞盡力道不
得句作麼生開口三乘十二分教有人說去了也

語錄集要卷一

重

卽心卽佛有人說去了也非心非佛有人說去了
也不是心不是佛不是物亦有人說去了也且道
現前與諸昆仲分析底是箇甚麼若喚作業識茫
茫正所謂懷寶迷邦若喚作直下是佛因甚麼承
當不下昔世尊拈花示衆百萬人天悉皆罔措惟
迦葉一人破顏微笑且道迦葉笑個甚麼博山不
免爲諸人註破若向世尊拈花處會去山濤海雲
爲汝等助發機緣若向迦葉微笑處會去飛走鱗
毛普現色身三昧到恁麼田地不作箇解會亦非

無解會者雲門大師云古佛與露柱相交是第幾
機且道現前喚甚麼作古佛喚甚麼作露柱又自
代云南山起雲北山下雨且道雲門意在於何若
向雲門句下徹去會此分折底有甚麼難然雖如
是黃金自有黃金價切莫和沙賣與人珍重

皖城宰官居士請上堂天地與我同根萬物與我一
體肇法師恁麼道祇知全身拶入要且不會轉位
旋機殊不知大圓覺中無我無人無衆生無壽者
說箇一體已成兩橛豈不見喚作如如早是變易

語錄集要卷一

再

了也僧問大隨和尚劫火洞然大千俱壞未審這
箇還壞不壞隨云壞這僧倚牆靠壁冷地裏抱箇
石頭大隨兵權在手待到奉行又何曾放過道個
壞字正所謂殺人不眨眼僧云恁麼則隨他去隨
云隨他去大隨把定關鑰添枷着杻兩重公案這
僧徑往舒州見投子子云甚麼處來僧舉前話子
裝香望大隋拜云大隋古佛放光于此投子可謂
具金剛正眼縑素分明復令這僧向大隋懺悔僧
至大隋隋已遷化復往舒州見投子子亦遷化這

僧雖然皮下無血要且有始有終後人贊云一句
隨他去迢迢幾萬餘今時人坐叅知識尚不肖真
叅力究見這僧也須知慙愧始得茲因合郡宰官
居士於彌勒菴請博山登座說法諸昆仲當知古
佛堂前曾無異說夜明廉外別有家傳分明月焰
金沙喜見庭生瑞草家風笑展從他野渡無人寶
樹風清須信白雲有主諸昆仲若向這裏會去可
以與古人把手入理深譚其或未然生死分中快
須着力卓拄杖下座

語錄集要 卷一

重

展墓歸山上堂離山九十日誰是能離者本無心外
境愚者妄分別諸昆仲會得此意雖經歷恒河沙
世界無彼此之分無自他之想良以世人祇知有
一生身及一生底父母一生身底處所殊不知曠
大劫來能生所生底父母及一一生身底處所盡
其智力不得其數量諸昆仲若以恩報恩大恩莫
能報不見報恩者始乃得常住是故諸菩薩借此
世間孝運無緣之慈興無礙之悲耳諸昆仲金棺
扶觀認父骨於亂屍之中義井薦親見天人于寶

塔之頂此等俱見超物表理出常情若以世間情
想擬報深恩雖肝膽塗地不能報也昔興化令他
人助哀山河揮淚迦葉藉琴聲起舞草木含悲博
山今日以現前血肉身心供養現前無面目底父
母汝等諸人向這裏還見得徹麼卓拄杖云他家
自有通人愛不以親疎較短長便下座

為官論吳觀我居士茶話真不掩偽曲不藏直大千
沙界黑如漆揭開雲霧見青天男兒肯向他尋覓
一語中具三玄新婦騎驢阿家牽一玄中具三要

語錄集要 卷一

美

跛腳糊餅多踴跳有焰有用沙盆打着連底凍立
主立賓相將携手過西秦唯有東村王太乙一番
拈弄一番新今日為太史茶話要向博山言句下
一一討箇註解其或未然三十棒寄在別來相見
珍重

二月朔旦上堂纔方結制又是半月了也諸昆仲分
上曾有個入處也無若無箇入處須要尋個入處
若得個入處須要尋個出處直須自看諸昆仲當
知古路無塵只須知有門庭絕待盡却今時偏方

與正位攸同枝派共靈源皎潔到此則獨體識盡
烈火流金始名出世更須知有野老家風始得且
道野老家風是何景象卓拄杖云遲日穿芳逕春
鋤帶雨歸下座

上堂僧問古人道從緣薦得相應疾就體消停得力
遲請問如何是從緣薦得師云古鏡不重磨進云
如何是就體消停師云清光仍似舊進云從緣就
體蒙師指格外玄談有也無師云三歲孩兒頭似
雪進云恁麼則碧纓纒蓋綠柳萌芽也師云遠觀

語錄集要

卷一

圭

山有色近聽水無聲僧禮拜師乃云切忌從他覓
迢迢與我疎洞山老人草鞋斷矣脚跟露矣諸人
若知痛癢阿誰皮下無血博山與諸人同途不同
轍諸人向正位中來博山不在正位諸人在博山
拂子裏許諸人向偏位中來博山不在偏位拂子
在諸人袈裟裏許所以道對面不相識千里卻同
風若向這裏徹去當下知歸不留朕兆其或未然
千百世修行未爲晚也故我釋迦大師爲勇猛衆
生成佛在一念頃焉憊息衆生得果滿僧祇劫諸

昆仲當知明中有暗毫端現華藏之奇妙挾叶通
寶鏡瀉山河之影博山恁麼道猶是葛藤諸人也
須拚斷始得且道拚斷後作麼生行履卓拄杖云
不因樊子逕爭到葛洪家

結制上堂僧問古人道塵中能作主化外自來賓請
問如何是塵中主師云江西原是豫章城進云如
何是化外賓師云青山自青山進云賓主相見時
如何師云綠水忻綠水進云恁麼則金繩界畔飄
黃葉般若堂前解垢衣一句作麼生道師云願數

語錄集要

卷一

天

一籌進云博山今日結制人人鼻孔撩天請問更
與諸人說箇甚麼師云空中施彩繪論劫不成顏
僧禮拜師乃云便恁麼進堂去猶較些子更欲遲
疑劬去久矣博山從來無佛法繫綴於人豈但博
山乃至諸佛諸祖亦復如是但有言說都無實義
所以道釋迦不達南方禪達磨不會西來意博山
與諸人祇知二時逐隊但恁麼過時臨濟三玄三
要誑嚇小兒曹洞兼帶叶通顛預無識瀉仰暗機
圓合鬼面神頭雲門雨蓋乾坤心籠膽大法眼雖

云平易機險殺人博山總不恁麼今日與諸昆仲
結制將九十日爲一時以一時爲九十日若向這
裏會去萬年一念一念萬年生死情枯真如體寂
二途俱泯觸處皆通茲有嘉興沈居士不辭數千
里來此供養大衆且道作麼生說個通底道理卓
拄杖云根塵蘊界原無性誰道虛空礙眼睛

上堂搏聚四大緣生九竅識蘊奔馳何日了虛空無
限水雲分石女從緣步荒草荒草披離四部洲煙
雲旋合鑲重樓彈指豁開彌勒閣香水幡幢盡徹

語錄集要

卷一

弄

頭諸昆仲當此時洞庭無蓋凍殺法身廬阜悲酸
清淚如雨欲償廬陵米價踏翻東瓦橋梁從教雪
潔水清管取兒孫滿地到恁麼田地以何爲驗卓
拄杖云深山乘瑞運處處紫雲飛

博山無異大師語錄集要卷二

首座成正 錄

董巖語錄

上堂諸昆仲若論佛法列位未出禪堂門博山未出
方丈門早已漏逗了也又何待打鼓陞堂拈槌豎
拂揚眉鼓舌然後爲佛法哉然雖如是不免向第
二門頭爲大衆宣說若欲決擇此事須具大信根
信根若具便起大疑心疑心若起便得大悟門所
以云大疑大悟小疑小悟不疑不悟夫信者何須

語錄集要

卷二

一

信有教外別傳之旨拈一則無意味公案蘊在八
識田中如弊囊盛寶相似將自己參悟一念如金
剛王寶劍直須仗此劍剖此囊取寶到手始得正
剖與未剖之際不可起第二念有毫釐分別處卽
是第二念也有毫釐被世境牽引處卽是第二念
也亦不得置在無事甲中若置在無事甲中卽是
第二念也離此種種諸念正是做工夫得力處且
道如何是無義味公案如僧問古德如何是禪德
云猢猻上樹尾連顛又僧問古德如何是禪德云

猛火着油煎又僧問古德如何是禪德云杖籬山下竹筋鞭又僧問古德如何是禪德云礮磚此四轉語如天普蓋似地普擎隨拈一則參究若真發明一一皆吾家故物耳且道發明後又作麼生行履復笑云海爲龍世界空是霍家鄉

上堂佛法知時節秋風特地來秋空秋色滿秋葉砌秋磻當此時也銀蟾吐彩丹桂飄香雁傳北苑之書人問歸鄉之路所以云欲知佛法當觀時節因緣時節若至其理自彰諸禪德還有知此時節者

語錄集要 卷二

二

麼若未知便好知去當知知之一字衆妙之門莫待臘月三十日手忙脚亂便悔云嗟過好時節了也若知得又何勞博山在此座上叨叨呾呾豈不見南臺和尚云善哉三下板知識盡來參衆既知時節吾今不再三然雖如是南臺和尚脚跟猶未點地在衆中還有箇點得出者麼若箇點得出便進前掀翻繩牀喝散大衆博山也恠伊不得上堂若論佛法一切處現成法眼由斯領悟地藏以此傳心看他師資授受之際有甚麼奇特所以云

釋迦未出世達磨不西來佛法遍大地相逢口不

開諸大德欲明佛法須向釋迦未生時會取欲明教外別傳正法眼藏須向世尊未拈花迦葉未微笑時會取欲明安心之理須向達磨未開口二祖未斷臂時會取於斯時節會得猶較些子若待世尊生下時一手指天一手指地周行七步目顧四方自云天上天下唯吾獨尊便已納敗闕了也所以雲門大師云我當時若見一棒打死與狗子喫却貴圖天下太平可謂將此深心奉塵刹是則名

語錄集要 卷二

三

爲報佛恩諸昆仲其中還有知恩報恩者麼若有可請出來與吾相見其或未然可趁此手強脚健快須努力決明此事始不被天下老和尚舌頭瞞也良久云會麼相逢不飲空歸去洞口桃花也笑人

上堂諸昆仲欲參博山禪於未開口時會得猶是落二落三了也稍覺遲疑便合喫痛棒又何待開口縱能會得堪作甚麼豈不見從門入者不是家珍又安可爲當家種草也臨濟大師云向第一句薦

得堪與佛祖爲師向第二句薦得堪與人天爲師
向第三句薦得自救不了博山則不然向第一句
薦得便合喫痛棒向第二句薦得添枷着杻向第
三句薦得斬頭求活何以故個中半句也容不得
誰與你論第二第三鼓粥飯氣去也諸昆仲欲明
這個說話把萬緣放下單單只究此事如一人被
萬人趕來一起趕到萬丈坑邊若不跳下便碎屍
萬斷當此之時懸崖撒手拌身一跳直教到底使
虛空粉碎大地平沉待氣息甦醒起來便走上岼

語錄集要 卷二

四

此岼卽是大路搖頭擺手到家始得諸昆仲莫說
此事是難便生退屈若生退屈百劫千生無繇解
脫須發勇猛信根當知乃佛乃祖皆如斯成就彼
既丈夫我胡不爾古所謂松花若也沾春力根在
深巖也着開

上堂至體無生何拘緣境理無修證行絕塔差所以
云有相修行多劫終成敗壞無心體極一念頓契
佛家且如博山在此座上列位承聽我法是有心
耶是無心耶若說無心聽法者誰若說有心將何

語錄集要 卷二

五

頓契佛家非但不契佛家猶恐墮有相修行而多
劫終成敗壞矣諸昆仲若究本體無生便合本妙
教中云諸法不自生亦不從他生不共不無因是
故說無生此四句偈徹底爲人是教中極則若是
衲僧分上一點也用不着何以故在此淨白地上
誰管你自生耶誰管你他生耶誰管你其生耶誰
管你無因生耶若向衲衣下會去說自生亦得說
他生亦得說共生亦得說無因生亦得何以故在
此人分上天不能拘地不能束陰陽不能管五行
不能局不作衆生不成佛道且道畢竟向甚麼處
去良久云佛祖位中留不住鑊湯爐炭孰輪迴
上堂面西行向東北斗正離宮道去何曾去騎牛臥
牧童慈明老人舌頭拖地列位知得也未當知此
偈非妙悟而莫能知悟非情盡而莫能曉情非工
夫而莫能忘若於此偈徹去三千七百祖師說話
皆一場笑具說甚麼君臣五位接引初機說甚麼
炤用三玄誘諭後學所以云靈苗瑞草野父愁耘
玉瑣金匙智人不顧若具超方眼目卽是洒落衲

僧便好打禾山鼓唱德山歌擎秘魔叉舞道吾笏
向十字街頭搖鈴振鐸於孤峰頂上嘯月吟風其
間還有與博山同遊戲者麼衆無對復笑云有意
氣時添意氣不風流處也風流

上堂道非難亦非易要在當人無師慧一拳打破太
虛空一脚踢翻滄海水翻身直向新羅國須彌倒
挂毫毛角皓月團團出海門清風匝地難描摸難
描摸知不知今古攸分類不齊卽角總言心量大
年來方覺語聲低語聲低辨端的對面白雲千萬

語錄集要

卷二

六

里分明靚面更無真暗似日今明似漆諸昆仲須
委悉更有容易禪重與通消息良久云初三十一
中九下七

上堂一卽一切一切卽一明似黑月暗如皎日於此
四句之上會得便見燦大師七縱八橫釋迦尊九
紫十赤其或未然更有容易禪與君須剖析豈不
見水面挂燈毬東壁打西壁生鏤鑄蒺藜撥出黃
金汁阿呵呵甚奇特明眼衲僧須辨別參

因事晚參今晚好月天衆見麼可謂玉鑑光輝觸處

迴幾多盲瞽黑漫頭可憐不受金鉶者頭白終歸
暗裏休此月古今評論者不少自世尊以來迨于
今日千賢萬聖莫不盡力提携老婆心切簡點將
來祇說得月影邊事要見真月麼須是自己開眼
始得所謂靈山話曹溪指南泉翫寒山比說得彷彿
彷彿依依稀稀縱然道得十成博山未敢相許
何以故肘後不具靈符盡在是非窩裡大衆直須
努力跳出是非關若不跳出是非關三途黑暗將
何抵珍重

語錄集要

卷一

七

上堂二月半春風撼面時光換百花郊外闌芳妍好
鳥枝頭爭噪亂惟有禪家渾不改塵毛括盡大千
界淨土分明在目前直下是名觀自在誰更云玉
閣瓊樓誰更云幢幡寶蓋嘆夢幻空花何勞賭賽
寂喜杉山王老師人人只喫一莖菜

歲旦上堂和氣生枯卉寒雲散野郊木人占吉兆夜
半露龜爻大衆此是博山寺五百年前無隱經禪
師歲旦上堂語山僧今日亦有四句燭影搖紅處
香烟飛白時現成的佛法也要大家知如此會得

便見一年十二月月如然一日十二時時相
似如黃金之黃白玉之白曠大劫來未嘗變異大
衆且道那裡是現成的佛法衆無對師良久云東
君昨夜傳消息報道新年喜太平

上堂萬里不挂片雲虛空突出眼睛放開七片八片
收來一丁兩丁只饒通身是眼筭來祇得八成大
衆還有十成的袖僧麼咦且莫道着便下座

董巖菴講維摩經請師上堂五百童子從妙喜國來
脚跟下多泥水三萬菩薩往毘耶城去牙痕裡盡

語錄集要

卷二

八

雌黃不因示疾老毘耶劒戟鎗林難下口諸昆仲
當知至體無法可繫強名曰淨求其淨相不可得
但有其名名亦不可立或云無垢稱木人看陽燄
翻波石女聽乾城逸轡不留朕兆法界齊觀鼓吹
將來一場露布縱是通身無口未免大笑毘盧諸
昆仲當知法假人弘碑文刊白字題因人立當道
種青松猛虎喉中活雀兒救得是好驚鼻蛇邊爛
拄杖拗折爲奇且道博山意在什麼處吽吽以思
惟心測度如來圓覺境界如將螢火燒須彌山終

不能得然則博山今日高登華座大展法筵敢問
說何法耶解脫法耶不思議法耶不二門法耶現
神力法耶咄是何言歟良久云維摩大士來也稽
首大士雖則塵面蓬心要且起居多福

經題

上堂如是之法我從佛聞如是之法佛從我生撥出
虛空之髓倒拈蘭蕩之針觸着三世諸佛鼻孔只
得吞聲忍氣一任諸上座抱大不平諸昆仲當知
身外無土誰是佛國土外無身誰非佛國湖南老
人一麟角解道聖人無已靡所不已又云會萬物

語錄集要

卷二

九

而爲已其惟聖人乎然此則佛卽國國卽佛佛外
無國求其國不可得松陰凝翠壁國外無佛求其
佛不可得香霧靄青蘿博山總不恁麼是佛好與
一摑直教虛空粉碎大地平沉是國好與一摑直
教大地平沉虛空粉碎諸昆仲直饒煉作一團未
是衲僧向上事何以故功德天黑暗女有智主人
二俱不受

佛國

上堂法身無去來之跡應萬有故不來而來至體絕
上下之分總羣機故不合而合寶蓋覆三千之界

微塵等剎海之方山河大地川流泉源日月星辰
天龍宮殿乃至十方諸佛說法悉現於寶蓋之中
寶蓋覆世界百千萬億世界入於寶蓋而世界不
小寶蓋不大世界覆寶蓋百千萬億寶蓋入於世
界而寶蓋不小世界不大於此五百寶蓋而結成
一蓋莫是如來神力耶大定莊嚴耶淨心變現耶
乃至無我無造無受者之所成耶若如此會則未
夢見寶蓋在古德云大千世界是沙門一隻眼喚
寶蓋在諸上座眼裏得麼大千世界是沙門一點

語錄集要

卷二

十

靈光喚寶蓋在諸上座靈光裏得麼大千世界在
沙門一點靈光裏喚靈光蓋覆寶蓋得麼若如此
會去非但凡夫小乘所不共乃至諸大菩薩所不
共文殊普賢亦不共釋迦老子亦不共維摩大士
亦不共何以故報化非真故華嚴經云若有見大
覺解脫離諸漏不著一切世此非證道眼且道五
百童子是證道眼耶非證道眼耶若是證道眼五
百童子眼在什麼處若非證道眼五百童子眼亦
在什麼處諸昆仲作麼生是證道眼門前脩竹來

儀鳳淵底清泉隱臥龍

獻寶蓋品

上堂若欲說佛法無法可說法若以法說法恐辱於
大法然雖如是博山亦無開口處列位請博山登
此座何爲也不免俯順機宜向第二門頭聊開一
線將淨土二字從頭註解一遍去也心淨土淨大
千世界摩尼鏡打破鏡來時與諸上座相見土淨
心淨運爲不出那伽定七顛八倒時與諸上座相
見衆生行業不同途猛火燄中那客蚊蚋美惡從
彼類所現瓊花鏡裡影象昭然欲求淨土衆生心

語錄集要

卷二

十一

行中求從來不曾點污豈但淨土佛亦不爲安用
求乎譬如造立宮室若於虛空終不能成西天不
逢唐土不會若以空地隨意無礙根塵界中具此
一坐具地在梵天鷲子而所見不同易分雪裡粉
諸佛衆生而本源一爾難辨墨中煤於是如來以
足指按地曠大劫來未嘗變遷不勞神用卽時三
千大千世界若百千珍寶莊嚴喚作瓦礫砂石坑
坎堆埠得麼譬如寶莊嚴佛無量功德寶莊嚴土
等無有異自在天宮向什麼處去也螺髻梵王亦

須具慚愧始得諸昆仲清淨寶莊嚴土悉皆圓現
諸上座還要見也無若要見便向這裏見去若不
見自是諸上座不見怎怪得博山良久云舌頭無
骨眼無筋對面白雲千萬里

淨土品

上堂善權有則謂之方物應斯順謂之便大海全歸
一滴太虛祇是一線擲出駭鷄之屏入彼姪坊酒
肆放出屠龍之手何妨俗舍魔宮現長者居士之
身雲藏無縫襖作帝釋天人之主花綻不萌枝諸
昆仲維摩大士以大悲入生死海不捨衆生故以

語錄集要 卷二

十一

大智入生死海不迷衆生故逮乎開物導迷應時
動善如一箇寶鏡相似汝將一莖草來鏡中便現
一莖草鏡安得成草也汝將一錠金來鏡中便現
一錠金鏡安得成金也汝將瓶盤釵釧來鏡中便
現瓶盤釵釧鏡安得成瓶盤釵釧也諸昆仲當知
終日度生不見生之可度金剛三昧經云不生於
化其化大焉南岳大師云十方諸佛被我一口吞
盡亦此意也又如烈火燄中是草是金是瓶盤釵
釧盡入於烈火燄中煉成一箇不留影跡還知維

摩大士落處麼四海浪平看華鱗而吞吐九霄雲
淨憑靈鳳以翱翔諸昆仲且道吾祖師門下與維
摩大士還有優劣也無叫侍者維摩大士在甚麼
處喚來與博山搭背

方便品

上堂諸仁者是身無常無強無力無堅速朽之法不
可信也若如此看徹四百四病沒處安着四百四
病既沒處安金剛不壞之身當念具足無量功德
之聚觀體全彰四無量心六波羅密無不備舉古
所謂若要直捷會一切總不是若要直捷會一切

語錄集要 卷二

十二

總皆是諸仁者還要直捷會麼金剛不壞之身即
汝等精液膿血是也無量功德之聚即汝等四大
五陰是也四無量心即汝等集起緣慮是也六波
羅密即汝等根塵界處是也如此若不會執身取
靜非宴坐也我垢不除非說法也慈心不普非行
乞也不達平等非法食也不觀根器非適機也不
了真空非論義也相無相見非天眼也不達實相
非奉律也不履無爲非出家也不識佛身非巾侍
也諸昆仲十大弟子各負已之功幹大似棄滄海

而逐渡何日中而逝影豈智者乎然雖如是總被
維摩大士將泥彈子換却十大弟子眼睛去也十
大弟子還知痛痒麼譬夫堯舜入彩舜目重瞳從
古洎今縱有巧手丹青畢竟描寫渠眉目不出諸
昆仲要見堯舜眉目麼直須向堯舜未生以前開
眼始得

弟子

上堂妙道虛玄方之以實真空廓爾體之以靈微妙
德以無方齊古今於一念彌勒說不退轉之行攝
摩空花釋迦記未來世之尊延綿夢境四事推尋

帝錄集要

卷二

十四

求其生不可得一念彌亘括其記安寄乎既解空
裏弄花不妨夢中說夢古所謂安置水月道場成
就空花萬行降伏鏡裏魔軍成就夢中佛事非此
之謂歟夫菩提者不可以身得六月火燒無影樹
不可以心得三冬人嚼孟津水不可以身得身是
菩提故不可以心得心是菩提故萬紫千紅就裏
無邊春色身心及菩提是三無差別桂林月渚個
中誰辨秋光於實際理地求其身不可得求其心
不可得求其菩提亦不可得到此則步步登玄智

不能知識不能識所以肇公云聰者無以容其聰
智者無以運其知辨者無以措其辭像者無以狀
其儀及乎開物成務應化無謀古今天地人物日
月星辰森羅萬象人叢鳥跡城市鄉坊車馬駢闐
晝明夜暗莫不悉承菩提恩力當知舉足下足無
非淨名道場左之右之盡是光嚴住處三萬菩薩
各運無功之行二千魔女堪傳無盡之燈上至於
難勝如來下至於最下乞者果能分別不生是無
等等故般若云一切智智清淨無二無二分無別

帝錄集要

卷二

十五

無斷故諸昆仲要會維摩意麼都是菩提無有不
是之者要會博山意麼都不是菩提無有是之者
個中有伶俐衲子將是非二字拈向一邊從這裡
會去

彌勒

上堂不來相而來不見相而見城東母指皆佛面來
已更不來見已更不見萬別千差成一片欲知萬
法皆空大似浮雲閃電智者了無分別愚徒強拈
名言欲求正智當於六十二見中求幾片白雲橫
谷口欲求解脫當於衆生心行中求一輪明月印

波心野狐向金毛隊裡翻身金毛向野狐窟中踞地如斯會去則一切衆魔及諸外道皆吾侍也衆魔樂生死生死亦不惡菩薩於生死而不捨把將生死來外道者樂諸見還見諸見起處麼菩薩於諸見而不動太跋挈生雖是拈空塞空正好以楔出楔吸盡去也三界何安倒跨泥牛縱之無所縱之無所則攀緣何生攀緣不生拔其病本到此則純鋼打就生鐵鑄成有時在泰山頂上安身有時在大洋海底立命若夫菩薩以愛見心貪着禪味

語錄集要 卷二

七

等諸法是名無慧方便縛如時作麼生待風清月白時共汝商量若菩薩無愛見心不貪着禪味等諸法是名有慧方便解順時作麼生待雷轟電掣時共汝商量解縛雖殊至體不二一根既返六用互施諸昆仲此是涅槃心如何是菩薩行如博山晝起暗眠五鼓燒香清晨禮佛天明早粥日中午齋乃至迎賓待客胡言漢語瞬目揚眉且道還與佛法相應也無喚作菩薩行卽不可珍重

文殊

上堂諸昆仲盡大地是黑漆漆地汝向什麼處開眼

盡大地如個猛火聚汝向什麼處藏身盡大地如一釜洋銅汁汝向什麼處開口盡大地是個錢刺林汝向什麼處下足古所謂三界無法何處求心四大本空佛依何住經云夫求法者不着佛求不着法求不着衆求乃至若求法者於一切法應無所求然則盡大地光皎皎地無你開眼處無你藏身處無你開口處無你下足處四大五陰何甚麼處安着山河大地從什麼處得來然此則孤迥迥峭巍巍淨裸裸沒可把盡大地無針鋒許空缺處

語錄集要 卷二

七

釋迦老人亦無開口處神通妙用總用不着又何勞斷取妙喜世界借座燈王如來飲沙界於毫端擲大千於方外納須彌於芥子藏劫火於腹中延七日爲永年促長年爲頃刻大似聚沙作塔等同兒戲衲僧分上總用不着且道衲僧有什麼長處自從劫外花敷後直至如今笑未休

不忌

上堂諸佛是幻衆生是幻菩薩亦幻幻出無根幻復成幻幻佛既知幻我我幻何如佛幻一切幻菩薩於此幻世界以斯幻法覺悟幻生於此幻化中行

真實慈也於真實慈中成就無邊幻善向無緣體
上度脫無量幻生撥碎玉琉璃虛已實他是務揭
開真實藏賑貧濟乏爲佳善不善若浮雲碧海珊
瑚孕秀身受身如旅泊瑤池蓮萼披芳欲貪從虛
妄而生鐵牛舐犢三春雨分別從顛倒而有木馬
嘶風一夜雲諸昆仲當知幻法無依真心無住無
住無依是大火聚石火電光無着眼覷取之是迷
捨之非悟關穿險危鴉飛不度如馬之馬如虎之
缺指花夢花見柱非柱輔之順之五五廿五於是

觀衆
生品

文殊師利菩薩以無住本立一切法大似無風起
浪平地生波簡點將來好與痛棒何以故爲渠祇
會遮惡不知護善復笑云也是爲他閑事長無明
上堂虛而靈寂而妙纔思惟行不到堪笑缺齒老趙
州將丈六金身拈來當莖草一莖草是個維摩丈
室天女從甚麼處得來一莖草是個天女身形維
摩丈室安在什麼處只饒天花不着也被渠當面
熱瞞此花不如法是以去之眼裏着沙不得耳裏

着水不得勿謂此花不如法所以者何是花無分
別仁者自生分別想耳淨白人前不得說夢天止
此室其已久如燈籠同年露柱同壽吾止此室如
耆年解脫淨白人前不得說夢汝於三乘當何志
求前不違村後不迭店如入蘆荀林惟嗅蘆荀不
嗅餘香淨白人前不得說夢汝何以不轉女身舍
利弗莫是男子麼我十二年來求女人相了不可
得當何所轉淨白人前不得說夢汝於此沒當生
何所鑊湯爐炭劒樹刀山佛化所生吾於彼生淨
白人前不得說夢汝其久如得阿耨多羅三藐三
菩提七佛以前安名立字汝舍利弗還爲凡夫時
我乃得阿耨多羅三藐三菩提淨白人前不得說
夢我爲凡夫時無有是處舍利弗卽今豈是聖人
耶我得阿耨多羅三藐三菩提亦無是處淨白人
前不得說夢諸昆仲寒則普天寒熱則普天熱甜
瓜徹蒂甜苦瓠連根苦雲從龍風從虎聖人作萬
物觀維摩會上一個個聖智睿聰何似博山座前
聾者聾兮瞽者瞽

天女
身品

上堂如何是佛七凹八凸如何是道永霜雪電要知
佛道幽玄這裏看來恰好通達佛道行於非道擊
水驚魚穿林驚鳥行於非道通達佛道以緇混素
呼白爲皂謾將惡水幕頭澆昨日嬰兒今已老行
五無間罪而徹底永清入三惡道而澄潭落影徹
底永清骨格繇來故舊澄潭落影風流不出當家
示行三毒而成就慧心九轉金丹堪點鐵示行六
度而豁開智眼幾番落葉不知秋微妙義於諸經
架橋梁於六趣破魔外之計執成權小之智悲可

語錄集要

卷二

李

謂寶手功德取之不竭用之不盡者也乃至投明
珠於濁水擲至寶於淤泥興正路於邪途現涅槃
於生死譬夫一水成湯鹹之淡之酸之辣之甜之
苦之且道喚什麼作水也喚什麼作湯也經云如
是行於非道是爲通達佛道有人於這裡簡點得
出博山將架梁覆之珍重

佛道

上堂蜂房有蜜梗米有粥無明是慧煩惱卽佛月月
月從東海昇日日向西山沒大丈夫兒誰不知
有虛空坐斷成家曰無爲大浸任彌天殖種於空

終不就經云有身是如來種真箇是蝦跳不出斗
無明有愛是如來種好兒終不揚家醜貪恚癡是
如來種一切佛法從斯有四倒五蓋六入七識處
是如來種人人鼻孔向下垂那個眉毛不解皺乃
至十不善道六十二見一切煩惱皆是佛種槌
堆頭無價珠一顆圓明非淨垢諸昆仲若向這裡
會去正是借路還家就身打劫無量寶聚當下知
歸若這裏不會直饒坐斷虛空清光昭眼不通凡
聖正是迷家於衲僧分上了無交涉是以曼殊大

語錄集要

卷二

王

士善用返魂之藥仍續斷途之橋候轉鼻頭掀翻
唇齒布齒齒於淤泥殖菩提於糞壤指生死海內
有無價寶珠諸昆仲我等卽今在生死海內頭出
頭沒且道無價寶珠在什麼處膿血團中赤骨歷
精光直射斗牛墟

如來

上堂大道之源混沌之先騰今耀古徹地通天所却
中心樹子看來祇得一玄諸昆仲若論此事要識
得親生父母若識得親生父母莫道參學事畢更
要知毘盧有師法身有主經云智度菩薩母方便

以爲父此是化儀父母非親生父母也又云一切衆導師無不從彼生此是化儀導師非毘盧師也法喜以爲妻慈悲心爲女善心誠實男維摩眷屬一棚傀儡不假線索各人衲衣下簡點着還有許多般麼又當知空寂含覆是房舍也塵勞旋室是弟子也親益成已是知識也四攝誘引是妓女也歌誦法言是樂音也總持廣納是園苑也密固扶疎是樹林也開合適時是妙花也知解造實是慧果也去熱除垢是浴池也三昧澄清是定水也其

語錄集要 卷二

三

間更有一事聲訛不可不辯經云布以七淨花浴此無垢人若識得無垢人便識得親生父母若知親生父母便知毘盧有師法身有主諸上座要知法身主麼無手童兒能指出分明貌醜不堪傳維摩

品

上堂南泉大師云我十八上便解作活計趙州大師云我十八上便解破家蕩產南泉父子至親骨肉因甚麼造詣不同若向這裡會去豈但徹見南泉父子亦乃入得維摩不二法門博山當時於趙州

破家蕩產處便會得南泉作活計於南泉作活計處便會得破家蕩產此二語雖如冰炭唯親履實踐者乃能知之諸昆仲此事不從學問得不從思惟得不從脩證得不從辨慧得只如維摩大士牙如劍樹口似血盆問若雲興辨如瓶瀉到這裏亦開口不得只得無言可對無理可伸可謂理屈辭窮非但要默然不得不默也古德頌云維摩不默不良久據坐商量成過咎總是瞋睡漢說他作麼文殊大士略較些子向這裏按下雲頭睜開碧眼

語錄集要 卷二

三

雖然如是祇知掃葉不覺瑕生獨三十二菩薩一個個攢花織錦向無烟火處開弄春鶯於沒踪跡處開展門戶非但有益於當時正爲有益於現今亦有益於將來也假如有一僧向博山道和尚莫錯從古洎今未嘗有人如是批判博山祇向他道博山錯何似上座錯豈不見不因夜來雁爭見海

門秋不二

上堂饑來喫飯困來打眠咬着牙齒震動大千俊鷹不打離下雀好兒終不用簞錢舍利弗纔欲得食

早已被呵我等一日三食如何理會廬陵米價要
且不知閻羅老子打算飯錢作麼生折合到這裏
智慧辨才神通妙用總用不着只饒維摩大士遣
化人至四十二億恒河沙世界上衆香世界乞香
積世尊所食之餘復至娑婆世界施作佛事衲僧
分上簡點將來正是鬼神活計當得什麼事諸昆
仲若知十方國土猶如虛空衆香世界不離跬步
一念清淨釋迦佛卽是香積佛娑婆世界卽是衆
香世界若一念非清淨香積佛卽是釋迦佛衆香

語錄集要 卷二

語

世界卽是娑婆世界諸昆仲若向這裏信便信去
若不信從教立在古屏畔待使丹青入畫圖香積
上堂寂然不動感而遂通釋迦老人有耳如聾胡地
冬抽香筍楚天雁入回峰擊碎晴空一色揭開雲
霧千重此是衲僧分上具足底神通妙用又何勞
化寶座將丈室置右掌然後爲神異哉亦是維摩
大士佛事門頭瞥爾如是非實事也衆香世界以
香飯入律行娑婆世界以文字語言而入律行此
悉是菩薩導機動善應權化物亦非實事也或有

語錄集要 卷二

語

士是同耶別耶復笑云日月有明晦聖凡無二心
菩薩
行品

上堂道遠乎哉觸事而真聖遠乎哉體之則靈見聞
覺知是載道之器道不卽見聞覺知亦不離見聞
覺知動靜起止是聖所行處聖不卽動靜起止亦
不離動靜起止若得大轉變方有語話分諸昆仲
若以見爲見有見有不見以無見爲無見此卽成
斷見若欲具正見無見不見若以動爲動妄心
彌更動以無動爲無動此人非佛種若欲知不動

動上有不動會得此意縱萬境紛紜之際而恬然寂然所以肇公云江河就注而不流野馬飄鼓而不動日月麗天而不迴教中謂東方妙喜世界有佛世尊名曰不動東方乃羣動之本佛名不動亦此意也而以妙喜世界入娑婆世界事有往還之跡理無往還之功如有一人從東方來東方虛空無有空缺處復至西方去而西方虛空無有逼塞處如斷妙喜世界至娑婆世界妙喜世界無空缺處娑婆世界亦無逼塞處非神通力也法如是故

語錄集要 卷二

美

若會得此意是名真法供養如來諸供養中法供養最何以故一切諸佛阿耨多羅三藐三菩提皆從此經出故法華經云假使有人登須彌頂為人宣說十二部經未足爲難暫讀此經是則爲難諸昆仲黑的是字白的是紙縱是圓頓教乘不出大方廣十二部經典等且道喚什麼作此經這葛藤話不了喝一喝云專爲流通

見阿闍佛供養品

戊辰重至董巖上堂天不蓋地不載是甚麼物諸禪者也須審細千人萬人中不向一人不背一人是

甚麼物諸禪者也須審細虛空包不住大地載不起是甚麼物諸禪者也須審細蚊蟲若睫上安身蟪蛄腹中敷坐是甚麼物諸禪者也須審細於此四種上會去許諸人升博山堂未曾入博山室更須知博山室中受用始得諸昆仲頓明佛心毫無差互世間心念不見纖毫始名出世間人逢世間逆順境緣賢愚好歹如以手觸空了無交涉所以達磨大師云亦不觀惡而生嫌亦不觀善而勤措亦不捨愚而近賢亦不拋迷而就悟達大道兮過

語錄集要 卷二

毛

量通佛心兮出度不與凡聖同纏超然名之曰祖卓拄杖云達磨大師來也爲汝等敷宣第一義諦且道是何章句層巖磊落從教日久風吹行樹清涼好看花飛蝶舞

上堂佛不求佛心不覓心設有求覓者皆昧心取境耳若達境唯心不生分別想山河無影跡大地絕形踪青松與綠竹同科白鷺共黃鸝一色理無異狀緣幻千途果然徹究根源頓絕凡情聖解古德云若人識得心大地無寸土當知此一字法門豈

但奪盡世間法假饒千佛出興於世行苦行坐道
場說法利生般大涅槃祇是緣生法以智眼觀之
如夢如幻攝大乘論云卽諸三摩地大師說唯心
緣心彩畫故如所作事業若達本忘情自然無惑
諸昆仲此是教家極則更須知祖師門下長處始
得且道作麼生是祖師門下長處拈拄杖云昨日
是重陽今朝又過一日也卓拄杖下座

上堂如何是道平常心是道是聖是凡都一掃纔生
擬議隔天涯大似尋空向壁討諸昆仲能緣境有
語錄集要 卷二 天

境還能成境緣能境能緣境能拄杖子喚作能三
十棒趁出院喚作境三十棒趁出院喚作非能非
境三十棒趁出院喚作亦能亦境三十棒趁出院
三祖大師無風起浪平地生波簡點將來不無滲
漏雖然如是下文幸有抹言豈不見六塵不惡還
同正覺智者無爲愚人自縛據此亦有過犯何以
故說個同字好與三十棒趁出院卓拄杖云不是
與人難共住大都縞素要分明

寶方上堂第一義作麼生觀佛法二字不可黏着黏

着則埋沒慧命入荒田不據尊德較些子博山當
日在佛法中頭出頭沒蒙先師親垂隻手提挈在
淨白地上仍被淨白爲礙不免將脚跟下一片地
拋向他方不可說不可說世界之外然後向太虛
空翻筋斗孤標獨立始得些子實用今日與諸昆
仲相見譬如白日攫金諸人歷歷見博山博山總
不見諸人還信得及麼諸昆仲若見明此事須在
高高山頂立深深海底行撞破虛空始能捕空捉
影也博山記得親先師猶驪龍頷下探珠猛虎喉
語錄集要 卷二 天

中奪雀今日不免貴賈賤賣去也諸昆仲還有估
價底也無良久云也不可當面錯過

博山無異大師語錄集要卷三

首座成正錄

大仰寶林寺語錄

結制上堂諸佛出世爲一大事因緣幾幅素縑描不出博山出世亦爲一大事因緣一條白練驀頭穿破顏老漢曾相委多少人天受熱瞞博山今日不免信手拈來分明舉似使人人鼻孔撩天個個脚跟點地迥出昆盧之頂笑拈帝釋之花推倒大好之山吸盡西江之水如此奇特誰不丈夫自貴擔

語錄集要

卷三

一

荷誠難委縮諸昆仲此事不從功行得不從脩證得不從思議得不從學分得有一等人閉門作活暗裏休心將自己身心鍊得如枯木寒灰蟲咬衣而不知蛛結網而不顧縱是百年在定終如一個死人於本分事中全無交涉所以玄沙大師云直饒如澄潭月影靜夜鐘聲隨扣擊以無虧觸波瀾而不散此猶是生死岸頭事諸昆仲須就明中取則莫於暗裏偷光向花柳街頭違得九衢春色於芙蓉岸上帶來八面秋風應用無虧隨緣自在諸

昆仲且道作麼生是博山行履處良久云祇有一雙窮相手不曾輕揖等閑人

上堂心不是佛智不是道智盡無知無知知要博山晝起暗眠筭來恰恰却好對談無論是和非三寸舌頭胡亂掃有問禪夜深明月照窗前有問道無角泥牛臥荒草有問法南嶽石頭苔路滑有問僧眼中瞳子面前人更有當陽向上句分明說與君須記從來孝子諱爺名等閑拈出同兒戲諸昆仲博山今日拈出可謂不惜家珍也祇要諸人領略

語錄集要

卷三

二

不然則辜負大衆去也復笑云不辜負利哉無影樹留與後人看

上堂佛法有因緣因緣非佛法彼此不相涉蓮花從口發昔釋迦大師托質闍浮降神兜率未受羯藍之孕便展無礙之鋒現世界而無邊化衆生而無量簡點將來要且不會度着一個既出母胎捨皇宮之快樂受雪嶺之饑寒觀明星而悟真常卽塵勞而成佛事要且不曾悟着一法及乎開場四十九年談經三百餘會龍宮塞滿而法界全彰要且

不曾談着一字逮末後拈花示衆便云有教外別傳說印心之妙偈付上行之金襴要且不曾傳着一絲及乎三千七百承虛接響人人拖泥帶水而棒喝交馳各各帶水拖泥而眉毛倒豎要且不曾沾着一滴今日博山遠承慈蔭雖是他家兒孫要且不行他故轍是佛亦刻域內不留朕兆是魔亦刻緣中豈涉塵勞是僧亦刻拂羅漢之我人是法亦刻出智眼之金屑當此法筵之際向蒼烟紫霧之中細觀豹變於流沙絕域之外捷見飛黃直下

語錄集要

卷三

三

舉向上機徹頭示末後句諸昆仲既是直下喚甚麼作向上機既是徹頭因甚是末後句復笑云金背黃牛眠綠草銀蹄黑犬吠青天

上堂心本是佛智本是道認奴作郎終成不肖東寺要索鎮海珠仰山傾出一栲栳釋迦彌勒爲渠忙帶累博山渾落草不落草萬里山河明杲杲西湖水浸碧琉璃南海波斯無處討諸昆仲當此時也秋日微微秋菊離離秋雁南飛秋猿夜啼古所謂欲知佛法當觀時節因緣今時節至矣作麼生是

本成佛的心以手約云看看傍觀者哂當局者迷參

上堂昨日是重陽今朝不見九惟有破落僧面南看北斗懶烹石女茶酷愛曹山酒棒打石頭人不落瞿曇後諸昆仲通玄一脉智者知疎不動金鞭白牛迥野擬向溪東牧不免食他國王水草渾家不着拳撲碎玉琉璃擬向溪西牧不免食他國王水草罷拈金彈子大地沒閑人不如隨分納些些秋風多帶殺秋露逼人寒諸昆仲更須知人牛不見

語錄集要

卷三

四

海湛空澄涓滴非聲千山不露恁麼時節轉位就機一句作麼生道堪笑陶彭澤無錢對菊花

上堂雲居祐禪師云月色和雲白松聲帶露寒好個真消息憑君仔細看諸昆仲此四句偈如啞子作通事分明舉似於人祇要披襟領荷博山今年到寶林寺恰恰應這個時節不免註解一遍與大衆結個出世大因緣也月色和雲白人居翠蓋東更求親切句款乃月明中松聲帶露寒冷落絕躋攀渾身赤骨歷坐破蘚苔斑好個真消息全歸顧盼

中夜深人盡曉清碧許誰同憑君仔細看當下骨
毛寒携笻深嶂裏跌坐聽綿蠻諸昆仲且道博山
註解還徹古人意否一聲鐵笛歸來晚笑展家風
爛熳看

上堂說一個禪字好與三十棒杖頭有眼明如日說
一箇法字好與三十棒優鉢無根滿樹花說一個
佛字好與三十棒分付老盧高着眼說一個僧字
好與三十棒莫教流落在天涯過得瀟湘渡口便
知清白人家管甚烟雲埋沒從教黑豆生芽翻思

語錄集要卷三

五

昔日雲門老卸却鐵枷真個好一棒打殺貴太平
免使兒孫落荒草諸昆仲開眼說夢醒亦是迷白
酒青鹽我乃是誰寒永烈火痛下針錐今古幾多
伶俐漢分明辜負一雙肩復笑云博山罪過

上堂我有一句子當下絕羅籠遇險收雙足登山跨
遠峰雲凝天欲曉雷震鳥潛踪瑞草和根拔曇花
微蒂紅三玄稱絕唱九帶應奇逢淡淡澄江漢啾
啾較蠅蝶不吐南山霧何妨八面風鬼角情方瞥
龜毛意轉濃拈香添社火擇菜挫來鋒石女頻加

額木人幸歛容顏厭堆山富還期徹骨窮倒騎折
足馬踏碎玉屏風諸昆仲此句乃宗門中肯綮之
談博山今日盡情吐露若要會此偶意從水晶宮
裏穿下過來打破琉璃瓶子然後向十字街頭與
博山相見更有話在

上堂諸法不自生高樓石女夜吹笙亦不從他生展
似眉毛作麼生不共不無因青山隱隱碧稜層是
故說無生漫江水浸石頭城幾多獵犬尋羊跡誰
知一馬生三寅鬚亂喜從城下看暮年不見白頭

語錄集要卷三

六

人黃菊落英秋又過不知誰會凭欄情識盡鶻體
聽犬吠銷乾枯木喜龍吟諸昆仲更有三玄與三
要鐵膽銅心無處討吸乾滄海露出珊瑚枝冲開
碧落不顧無根草諸昆仲不許夜行投明須到

上堂世尊拈花久晴雨也迦葉微笑久雨晴也航海
西來衣線綻也斷臂酬心骨髓露也瘋顛求懺罪
性空也倩人書偈本無物也南嶽磨磚牛非駕也
馬祖一喝雄峰震也三日耳聾聽無敵也踢倒淨
瓶世界傾也三遭痛棒杖開眼也卸却鐵枷脚脛

斷也過水撥著渠是我也觀影大悟我非渠也遙
進行脚知親切也博山大似不肖兒孫簡點祖宗
過失今日不免翻案做個克家子將七珍八寶收
拾在一處然後跨白牛而坐斷十虛乘清風而遊
乎八極斫盡青松驚起千年白鶴高登碧嶂踏翻
幾片閑雲然雖如是更須知博山野牧樵情始到
大安樂處不然只饒聖處受生未免竿頭險墮
上堂旃檀叢林旃檀圍繞既被龍樹影不問鄧林材
荆棘叢林荆棘圍繞鵲鴻雖有志安識海雲低荆

語錄集要

卷三

七

棘叢林旃檀圍繞客來雖不待應物善知時旃檀
叢林荆棘圍繞高樓聲漸細移月過滄洲古人指
出此四種叢林敢問諸上座畢竟在那一種叢林
安身立命博山會一一穿過今與大眾開幾重關
鎖要入之者不可僥倖善而擇之若說旃檀叢林
穿過荆棘叢林幾點翠封塔下石數行雁過楚天
秋若說荆棘叢林穿過旃檀叢林不因樵子徑怎
到葛洪家若說旃檀叢林不是荆棘叢林荆棘叢
林不是旃檀叢林竹風與蕙蘭分香松影適茶烟

異色若說旃檀叢林卽是荆棘叢林荆棘叢林卽
是旃檀叢林水中擇乳須是鷲王敢問諸昆仲博
山卽今在那一種叢林良久云野老不知菴外事
慙慙只向佛前燈便下座

上堂達磨不虛傳二祖不虛受碧眼胡僧皺兩眉看
來不着隨人後密究深裁全火祇候龍隱長空鷄
鳴白晝諸昆仲當知魚遊陸地笑殺陝府鐵牛虎
踞衝衢驚倒嘉州大像法界撮來一粒太山只重
三斤到此則罷板雲樹懶聽風柯飲啄隨緣無循

語錄集要

卷三

八

軌度有時在太陽門下而玄唱玄提有時在明月
堂前而分斤分兩有時在芳草波心澡浴而手拈
青蓮有時在紫羅帳裏謳歌而針環玉線諸昆仲
縱有歡客嘉賓向甚麼處與博山相見良久云前
村烟浪裏犬吠有人家

上堂春雨淋不去瓊花生碓嘴夏日曬不乾深陰淨
如洗秋月頗相宜澄潭不見底冬雪凍法身飄飄
千萬里四季共一年循環差可擬寒暑不同時彼
此非相似恁麼也不得黃河水倒流不恁麼也不

得虛空生兩耳怎麼不怎麼總不得燒火拾枯柴
遊山觀止水怎麼也得買石得雲饒不怎麼也得
移花兼蝶至怎麼不怎麼總得碧沼間紅蕖清風
翻白羽諸昆仲以字不成八字不是是甚麼字以
手畫一圓相云白牛放去無踪跡空把山童贈鐵
鞭

上堂古鏡闊一丈世界闊一丈世界闊一丈火爐闊
一丈火爐闊一丈法座闊一丈法座闊一丈彌樓
闊一丈彌樓闊一丈眼睛闊一丈如何是古鏡隱
諸錄集要 卷三 九

顯幾微無欠剩如何是世界拈來擲去椰子大如
何是火爐深撥寒灰有點無如何是法座坐談誰
管天花墮如何是彌樓趙州東壁挂葫蘆如何是
眼睛團團光瑩若銅鈴諸昆仲今朝初一明日十
五雪峰拋毬禾山打鼓大家齊賀太平年聾者聾
今聾者聾惟有窓前白兔兒帶角鑽歸三尺土咄
下座

上堂天不蓋地不載逢貴買遇賤賣進前纔索商量
漆桶依然不快諸昆仲須是全身拶入徹底翻開

大唐國裏沒禪師涕鐵洋銅鑊丁日今有一事歸
汝諸人水底石頭顛倒走雲中泥雁往來飛這箇
若是即頭上安頭如汝文殊更有文殊是文殊者
這個不是即新頭求活如一月真其中更無是月
非月目前無法意在目前見見之時見非是見見
猶離見見不能及不是目前法非耳目之所到所
却月中桂清光應更多諸昆仲諸方將宗註教將
山將教註宗還有優秀也無註則註教則教矣
且道夾山意在甚麼處好鳥盡從林下聽鳳鳴不
諸錄集要 卷三 十

總舊時集

上堂一法若有昆虛墮在凡夫富嫌千日少萬法若
無普賢失其境界貧恨一身多泰山與華岳爭衡
少室共雄峰側耳慶藏四大海脚踏須彌盧於金
輪際下探不二之真源何香積界中博無殊之法
食此猶是門庭施設小不思議辨智分中了無交
涉諸昆仲須知法外無身心外無境智外無土空
外無塵纖芥方投子門洞達一塵纔起大地全收
結菴摩羅果於不思議之鄉植菩提樹於無陰

陽之地且道古今阿誰得恁麼受用惟有傳大士較些子君不見山海坦然平敲永來煮茶惜乎此老早矣未曾得見博山若見博山好與痛棒還是賞伊罰伊要渠識痛痒始得諸昆仲此事不要與列位公子得知若知時將謂佛法容易也然雖如是且道那個皮下無血珍重

上堂居一切時不起妄念月中丹桂和根拔海底泥牛驀鼻穿於諸妄心亦不息滅紅塵堆裏排班立白浪灘頭撒手行住妄想境不加了知臘月火燒

語錄集要 卷三

上

無影樹三春人唱採樵歌於無了知不辨真實須彌頂上花冠子非是人工蘊造來諸昆仲博山有不思議的爐鞴將佛祖言教煉成一個鐵橛子針劄不入水灑不濕若喚作教却又又是禪若喚作禪却又又是教直饒於禪教中分別不生更須知禪教向上有事在且道作麼生是向上事玄都觀裏桃千樹盡是劉郎去後栽

鼓山語錄

開堂拈香白椎竟師曰昔日世尊在靈山會上拈花

示衆尚餘一枝在博山手裏今日于湧泉堂上供養大衆去也古德云昨日作嬰孩今朝年已老未明三八九難踏古皇道恁麼說話披心瀝膽徹底婆心且道作麼生說個三八九底道理卓拄杖云黃河水溢黃河水雲霧山連雲霧山珍重

結制上堂三百年前諸尊宿在此一片地上東語西話三百年後博山在此一片地上東語西話雖則依模畫樣大似捕空捉影劈水尋踪簡點將來不無滲漏雖然如是彼一時也此一時也諸昆仲若

語錄集要 卷三

上

知得彼時卽此時不見有三百年前此時卽彼時不見有三百年後所以道一念普觀無量劫無去無來亦無住此猶是教家事更須知有宗門下長處始得且道如何是宗門下長處卓拄杖云朔風凜烈吹開寒谷之花石火輝煌拍破木人之掌珍重

上堂春日乍寒乍暖春風倏有倏無若從這裏會去佛法天地懸殊不從這裏會去向甚麼處會纔涉思惟成羣作隊不思惟處意如何行人更在青山

外今日博山親歷其境有一首偈分明舉似大眾
偈曰三脚驢子弄蹄行踏破蒼苔知幾層正恁麼
時誰會意白雲深處坐禪僧卓拄杖云喚誰是其
人珍重

上堂舉拂子云有物先天地無形本寂寥能爲萬象
主不逐四時凋古人恁麼道獨步全提至微至著
超規越矩方圓可成先賢朱晦翁嘗以此偈示門
人曰吾儒無此等語晦翁可謂知言也諸人還知
麼月渚風林流出現成公案鶯聲鳥語宣揚不二

語錄集要 卷三

十一

法門雲中之木馬長嘶山外之泥牛倒走母居正
位不犯當頭坐斷十方不通凡聖然雖如是更須
知有向上一縫子始得且道如何是向上一縫子
良久云口是禍門

上堂天地旋山河走面南辰看北斗家鄉田地謾商
量肉髻明珠誰不有諸昆仲論肉髻之明珠貴在
親知論家鄉之田地貴在親到親知則取之不竭
用之無窮親到則春耕秋穫布種以時果得如是
受用譬如擲劍揮空母論及與不及此等說話大

似嚼飯餒嬰兒諸人分上因甚麼不薦卓拄杖云
只爲分明極翻令所得遲

上堂黑狗爛銀蹄白日通霄吠石女倒拈針木人相
對語諸昆仲于此四句上透得過四方八面來虛
空連架打所以道一雙孤雁貼地高飛兩個鴛鴦
池邊獨立可謂明珠在握寶鏡當臺胡漢俱來隱
諱不得諸昆仲團大千于掌上擲化土于掌中
香水千金輪果能如是也儘奇特但切不得動着
動着則打折汝等驢腰卓拄杖下座

語錄集要 卷三

十二

上堂卓拄杖云轉山河歸自己月明當戶照轉自己
歸山河風冷厭山居撞鐘撞着老僧心祥雲從地
起鐘聲爲甚麼披七條衣寶蓋自天垂總不恁麼
道又作麼生不是家鄉客徒勞諸歲案此五種見
地雖則賞罰分明也要諸人委悉有一人在龜界
屏處說非法語犯十二僧伽婆尸沙有一人在淨
白地上涕唾犯一百應當學有一人撥草瞻風攪
行奪市有一人露盤卓鉢解作家方有一人針劄
不見血火燒不知痛病在膏肓不曉療治若有人

于此簡點得出博山分付拄杖子一任天下橫行
其或未然卓拄杖云柳棟橫擔不顧人直入千峰
萬峰去

金陵天界寺語錄

金剛殿拈香三門高聳臨霄漢廓爾方知祖道玄今
日脚跟親踏着優曇花影遍三千

天王殿拈香從來願力展慈威燦破虚空毫相輝依
正報中誰辨得山頭多見紫雲飛

大雄殿拈香黃金殿上三尊佛白玉光中一箇僧正

語錄集要

卷三

圭

恁麼時何所據香雲旋結萬千層

振宗堂據座寶鏡當臺驗正邪阿誰獨蹈大方家博

山手段從來辣客到蒿湯便當茶

開堂此一瓣香彌天亘地耀古輝今太極鍾祥乾元

衍慶燕向爐中端爲供養我明

太祖高皇帝

成祖文皇帝建立

三寶弘通大乘廣化衆生同圓聖智山僧某今日在
此法筵一言一句皆從

聖恩中流出以海水爲墨書其贊辭不能盡其萬一
也伏願

皇極御天遍大千而廣被

聖靈奕世昭萬古以常明

此一瓣香靈苗含潤寶樹敷榮景星聚以沐清庥
祥雲凝而乘嘉運燕向爐中端爲祝延當今

皇帝聖壽萬安

皇后偕聖壽以無疆

太子懋元良而永泰伏願

語錄集要

卷三

十六

金輪永鎮日新鶯嶺之風

寶位增輝時邁唐虞之治

此一瓣香萬物毓以生成陰陽協而秀發爲霖現

瑞裕國祐民燕向爐中用酬

檀護

滿朝合郡宰官護法大居士福基祿位咸增性種

靈根並茂

此一瓣香龍宮湧出鷲嶺拈來輝寶鏡而利益羣
生徹重玄而全該正命燕向爐中端申供養

先本師高昌大和尚用酬法乳之恩師歛衣就座曰
相竟師卓拄杖云諸昆仲達磨大師航海而來直
指人心見性成佛雖則門庭萬仞壁立千仞祇演
一心之法更無餘事乃至六祖傳衣五宗競出運
無礙輪化無緣聚祇演一心之法更無餘事馮山
大師敲唱同時暗機圓合傾瓶以辨超方撼茶而
彰妙用祇演一心之法更無餘事雲門大師箭鋒
相拄函蓋乾坤揚眉落曰顧盼猶遲如流雲翔鶴
湛水晴空祇演一心之法更無餘事法眼大師拈

語錄集要

卷三

七

現前石塞虛空口一切處現成六根互用六用齊
施祇演一心之法更無餘事臨濟大師一語中具
三玄一玄中具三要驅耕夫牛奪機人食電光石
火開眼猶迷祇演一心之法更無餘事洞山大師
混不得類不齊立寶鏡三昧炤學者肺肝分五湖
玉石雪盛銀盤月炤金沙祇演一心之法更無餘
事乃至博山今日遠承諸祖慈蔭循規蹈矩借路
還家駕輕就熟祇演一心之法更無餘事諸昆仲
含靈具此一心之法學人欲明此一心之法三世

諸佛歷代祖師示此一心之法故楞伽經云佛語
心爲宗無門爲法門諸昆仲大地沒遮欄要行行
不去要住住不得且道向甚麼處出氣還知麼鳥
鳴雲樹聲聲喚游子歸家魚躍烟波色色翻誌公
陳案漩渡空中梵宇刮開眼底重朦且道向甚麼
處認取自家心地卓拄杖云鼻根浮面上更不用
躊躇珍重

當晚小參南嶽大師云一切萬法皆從心生心無所
生法無能住若達心地所作無礙諸昆仲心無所

語錄集要

卷三

六

生山河大地從甚麼處得來法無能住終日着衣
喫飯因甚麼只認定着個自己去此二途作麼生
折合諸人分上也須自看有人通得消息博山將
袈裟以覆之

茶話若論參學分中事當下教諸人領畧去當下無
事去早是埋沒諸人了也其中有二種岐路一種
學人擔佛傍家走乃至求佛求法求禪求道求玄
求妙等隨處擔一擔子通身都是佛法如龜負圖
自取喪身之兆鳳縈金網趨霄漢以何期又有一

種學人自作主宰謂有甚佛可求甚禪可參甚道可學只剝得淨潔無依謂是自己受用其實未到淨潔處皆是業識心生出此等邪見只饒到淨潔處未許有參學分在諸昆仲若起世間貪嗔癡罪雖重猶輕若將淨潔處謂之參學極則此業最重世間無有與等者諸昆仲直須掀翻此二種邪見且道向甚麼處討箇安樂古德云如何是頭只須知有果是知有不愁不盡却今時也從上諸祖推此一事最妙最玄如荳草味如金剛杵若向這裏

語錄集要 卷三

九

開眼方許有說話分今晚爲三方丈茶筵中吐露個消息大衆作麼生理會若就此言句中透脫也不難其或未然各自喫茶歸堂去好

上堂洞山大師悟道偈云切忌從他覓迢迢與我疎我今獨自往處處得逢渠渠今正是我我今不是渠若能如是會方得契如如此是洞山宗旨綿密回互皆從此偈中流出不可不理會諸昆仲此偈中有二句最嚴渠今正是我我今不是渠渠者何物也而正是我我者復何物也而不是渠且道是

一個是兩個若向這裏會去始可有參學分須知此偈豈但曹洞宗旨卽五家應機接物皆當向此句中印過始得不然在一機一境上得些子解路盡是掠虛頭漢有甚麼話會處所以曹洞有三種滲漏一者見滲漏機不離位墮在毒海此不離卽毒海也二者情滲漏智存向背見處偏枯此向背卽偏枯也三者語滲漏體妙失宗機昧終始此體妙卽機昧也若據此三種滲漏學者明晦如見肺肝所以博山舉眼無人非敢以生滅勘驗諸方若

語錄集要 卷三

二十

見徹此偈洞山大師未曾入滅博山雖在今時亦不諳今時事祇與諸人二時逐隊諸昆仲古木叢中躑躅漏逗法身大洋海底翻騰清損漁父徹見本來面目野雲散而天青掀開煩熱胸襟衣線綻而體露還有與洞山大師共出一隻手者麼卓拄杖云舉頭天外看誰似我般人

上堂如何是佛十方世界最靈物如何是法古路迢迢苦路滑仍將佛法問根源雲散長空鶴唳天纖塵不立清如洗三個猢猻夜簸錢諸昆仲宗門中

事豈同容易一言一句一大藏教註不破歷代祖師機深智廣潛興密運須彌倒卓拄杖橫趨繪彩色於空中擲大千於方外且道向甚麼處捫摸所以云羅籠不肯住呼喚不回頭古聖不安排至今無處所玄沙大師恁麼老婆心切也只要諸人知箇落處始得諸昆仲青黯黯處樵子不借路以還家綿密密時機婦罷金針而夜織香銷錦帳露泥芙蓉發清嘯於深閨吐微言於連枕情濃意洽試問諸昆仲還知得也無良久云分明一段風流事

語錄集要 卷三

三

不與諸人較短長

小叅百千法門無量妙義盡在諸人心意識中悉皆具足汝若認着心意識便昧却百千法門汝若體會得百千法門何處有心意識來這些子關竅亦能殺人亦能活人諸禪者各各在衣線下開眼拚此一生討個著落

上堂南陽忠國師云青蘿實緣直上寒松之頂白雲淡泞出沒太虛之中萬法本閑而人自鬧諸昆仲作麼生說個本閑的法若會得本閑法則大千世

界有情無情等無纖毫閑相若有纖毫閑相則不得本閑法也何以故閑卽法故所以道靜則埋根千尺動則當處生苗只饒不動不靜未免飄飄搖搖博山則不然動則寒氷凝結靜則白浪滔天直下了無動靜紅爐片雪如綿若於此二偈中會去始明得本閑法也諸昆仲動非動相雖動極以恒安靜復靜元總靜機而常運秉常運之樞機履恒安之玄軌寶鏡懸而無隱隱珠簾捲以納方來不涉呼吸之離微寧有去來之踪跡諸昆仲順則吉

語錄集要 卷三

三

也逆則忤也肯則自許也若於靜閑親疎而較其優劣者盡其恒沙思量分別莫能得其量也卓拄杖下座

上堂僧問古德撥塵見佛時如何直須揮劒若不揮劒漁父棲巢又僧問古德撥塵見佛時如何渠無國土何處逢渠二大老各道得一邊一箇則門庭施設輝煌掌上之珠一箇則入理深譚擊碎秦時之鏡若是博山則不然有問撥塵見佛時如何紺髮旋螺髻兜綿印手文學人不曾意旨如何青蓮

捧雙足赤肉挂金襴且道與古人是同是別若說是同作麼生說箇同底道理若說是別作麼生說箇別底道理若向這裏融會得去博山與汝結個同叅諸昆仲居正而不立正位泥牛吼海岸之風垂偏而不住偏方石女弄珊瑚之影乞食於三家村裏謳歌於萬仞峯頭借松鏡以瀉清光拾苔錢而嚴富態有人向三種問答上徹去洞上宗風於斯有賴矣珍重

茶話不與萬法爲侶者是甚麼人紅塵堆裏露全身

語錄集要 卷三

圭

了知萬法空無物那見山河礙眼睛三歲孩兒頭似雪神光萬里一條鐵底事分明說與知當戶連山也太奇兼帶位中親透破巖前石虎夜生兒生兒則且置且道是甚麼時辰子丑寅卯辰巳午未申酉戌亥乾三連坤六斷離中虛坎中滿屈指顛倒數來依舊寸長尺短珍重

答問

僧問斷簡殘篇卽不問斬新條令一句請和尚道師曰裂破幾重清世界倒騎玉象趨麒麟進曰此猶

是斷簡殘篇師便打進云恁麼則天下太平萬民樂業師曰吸盡南山霧長存北嶺松僧禮拜

僧問夾山大師云截斷天下人舌頭卽不無爭教無舌人解語敢問和尚如何是無舌人語師舉拂子云會麼進曰此猶是有舌人語畢竟如何是無舌人語師曰白雲彌世界虛空無去留進曰如是則語帶玄而無路舌頭談而不譚也師曰汝向甚麼處見老僧進曰中興曹洞之宗除是和尚始得師曰也是閑言語僧禮拜

語錄集要 卷三

圭

僧問古人有言有物先天地未審是什麼物師曰空中書梵字進曰無形本寂寥觸體邊還有氣息也無師曰撲破不成文進曰能爲萬象主未審是同是別師拈拄杖云這箇不可喚作拄杖子進曰不逐四時別究竟將來相去幾許師云這箇喚作拄杖子始得進曰正當恁麼時普天之下蘭膏繼晷佳景呈祥如何是博山境師云塔下苔錢砌就進曰如何是境中人師云鼻梁向下垂

僧問釋迦老子四十九年說法正眼看來猶是無風

起浪敢問和尚說法還有爲人處也無師曰此去江西半月程進云倘遇個六根不具底漢和尚又作麼生師云水谿水底清如鏡進曰向上還有事也無師云楊子江頭浪濺天進曰恁麼則和尚恩大難酬師曰禮拜了退

首座問云適聞和尚高低一顧眼見鼻梁祇如畱塞虚空作麼生轉得身吐得氣師卓拄杖云蹤跡不施功千山添翠色進曰恁麼則撲破虚空通身活眼師曰門前一水收三水屋後千松蓋萬松進曰

語錄集要

卷三

五

祇如蕭使君道山河大地渾成夢且道是真夢是浮夢師曰直下看取進云與麼則龜毛拂子春風動拄杖縱橫法界收師曰且放過一籌座禮拜僧問今日壽誕敢問和尚年多少師曰頻添花甲子數到劫雲初進曰祇如和尚未出世時一句又作麼生師曰手中拂子三十錢買來底進曰謝師答話師曰且道劫雲之前是何境界進曰今朝不用重追究曾向湖南佛國來師曰三十棒自領出去僧問如何是無量壽師曰烏龍潭上浪滔天進云恁

麼則有量也師曰天池一滴水怎與衆同流僧禮拜

茹居士問向上一着如何道師曰石頭城外垂楊柳進云這是衆生眼如何是善知識眼師曰吹盡殘花色愈鮮進云未爲奇特師曰居士向下會取進云弟子參學二十年今日學得一拜便禮拜卓居士問諸佛國土亦復皆空畢竟向甚麼處莊嚴淨土師云青龍山上鹿兒肥士無語師云會麼士云不會師云流鶯雖有語天籟聽無人

語錄集要

卷三

五

張興公居士問和尚言學人須全身入理乃可問向上事卽今請問如何是理師曰橫身當宇宙大地沒遮欄進云如何卽得全身入師曰盡力推爺向裏頭進云未全身入者過在甚麼處師曰珍藏燕石不辨金光進云全身入時以何爲驗師曰十方消殞左右逢源進云全身入理後如何師曰跳出千層浪方誇稱意魚

陳雲怡文宗問渴鹿趁酸如何得歇師曰知不是水則了問摩尼珠久埋沒塵土中如何急切覓得師

曰覓他作麼問一斬一切斷如何得此利劍師云
咄誰敢當鋒問等是水味有品爲第一泉有品爲
第二泉作何分割師云嘗過始得問黑夜中認賊
爲子認子爲賊作何判斷師云呼名卽應問家親
作祟如何處置師云殺盡安居問的主主人翁如
何得覿面一見師云求見者不的的問堪舉家羅
經縱橫移動針必南指是誰作主師云真箇鐵心
腸問家宅是諸人生身活計見得甚麼便肯破家
蕩產師云解作家方者問電光中良驥瞬息千里

語錄集要 卷三

天

如何得一往追上攬轡入手師云轡在居士手裏
用追作麼問大慧云將八識一刀憑恁麼安身立
命師云妥妥貼貼問未開口以前爲甚麼便棒便
喝師云做賊人心虛問胡來胡現漢來漢現是鏡
體是鏡光師云毋容湊泊用在臨時問日昇月沉
雷轟電掣山靜雲閑水流花開農歌牧唱婦諄兒
喜莫非是這個透現如何得拈向脚跟下要用便
用師云居士終日還飲啄也無問今脩行人多怕
去後黑漫漫地不知現前黑漫漫地更苦多口說

無常生死事大不知現前剎那死死生生更切此
際重關一擊如何下手師云眼上眉毛重七斤問
高峰云大徹之人本脫生死爲甚命根不斷命根
既未斷叫做大徹徹底何事師云左搓芒繩縛鬼
子問一句當天八萬門永絕生死這一句如何得
恁麼有力師云世界賴斯成

六雪首座問學憑入室知乃通方入室且置通方一
句作麼生道師云斷貫索却用得問入室事作麼
師云稚子敲針問如何是坐斷毘盧底人受用境

語錄集要 卷三

天

界師云敗葉成堆問倒跨師子底人向甚麼處行
履師云羊腸鳥道問橫行四海底人未審具甚麼
手段師云小伎倆問懸崖撒手底人命根還斷也
未師云待開黎命根斷卽道問八卦正位如何排
得師云不得錯下點畫問路逢猛虎時如何迴避
師云叉手當胸問鐵樹珊瑚因甚麼被泥牛衝破
師云阿誰證據問無蒂曇花阿誰拈得師云無手
者問金剛際水如何汲得師云何勞太攘問和尚
壽室中有多少弟子師云心字不加點問祖祖相

傳衣鉢未審和尚傳箇甚麼師云案山石上共汝商量問千問萬問不消咳嗽一聲都已答竟未審和尚如何答話師云知時節卽還

僧問昨夜見一鹵莽漢殺却毘盧遮那如來未審如何判斷師云盡情斷却

僧問如何是白椎下事師云瀑布有聲雲不掩問如何是白椎前事師云深澗無魚水自清

僧問古人教人及盡今時祇如及盡後又作麼生師云懶梳蓬亂髮喜遇當來賓

語錄集要

卷三

无

僧問樓閣門中還客打瞌睡漢也無師曰待汝醒後卽向你道

僧問善財五十三參未審如今還行脚也未師曰洗脚上牀眠一夜三千里

僧問楞伽山旣不可往爲甚麼被夜叉王所據師曰手親眼便

僧問驚鼻蛇撞着赤眼人作何躲閃師曰恰好恰好僧問五家宗旨俱明因甚麼輪迴不息師曰熒火燒

山有光無焰

僧問維摩經云除去諸有併諸侍者爲甚麼連侍者不存師曰久住令人賤新來語自親

僧問世尊赤手空拳開已又屈屈已又開未審明那邊事師曰祇明這個事

僧問一切事究竟堅固不知大佛頂還在裏許否師曰暗裏抽橫骨明中坐舌頭

僧問棒喝如雷還供養得闍錡子也無師曰闍錡子若來也須喫棒

僧問從前老和上勸體卽今還有眼也無師曰布袋語錄集要

卷三

三

裏老鴉

僧問釋迦彌勒還酬引滿二業也未師曰二業是他果用說甚麼酬與不酬

僧問金剛經云應生無所住心旣無所住又作麼生心師曰巖花鋪地高秋興松月銜山報曉晴

僧問佛之一字吾不喜聞某甲不求佛日用事作麼生師曰下咽勸把筋燒火擇乾柴

僧問古德云渠無生死世人因何又被生死使師曰青山元不動白日鬼迷人

參旦生孝廉問是何面日師曰天不蓋地不載問作何究竟師曰地不載天不蓋問用何脩證師曰穿衣喫飯待客迎賓

師垂四問一問殿角風搖樹行人盡解衣時如何師自答云瞥爾沾嘗清涼徹膽

二問清風翻白羽野老笑相親時如何師自答云春來花塢樵牧含情

三問佛殿東南因甚缺了一角師自答云一人傳虛萬人傳實

語錄集要 卷三

三

四問僧堂中有幾人坐臥師自答云翻身峰頂六不同謀

僧問如何是君師曰澄潭水似米曰如何是臣師曰楊柳拂飛塵曰如何是君視臣師曰古鏡慢白綾

曰如何是臣向君師曰纖手按烏雲曰如何是君臣道合師曰一以貫之曰向上還有事也無師曰

有曰如何是向上事師曰舌頭無骨野馬無韁

僧問如何是君師曰水有筋山有骨曰如何是臣師曰鵲鴿鳥鳴似哭曰如何是君視臣師曰千年老

樹挂枯藤曰如何是臣向君師曰樓頭畫鼓正三更曰如何是君臣道合師曰金闕鳳嘶丹詔去邊陲人唱凱歌歸僧禮拜師問僧君位中事作麼生僧曰虛突兀師便打

僧問如何是博山境師曰棲鳳巖前雲靄靄浴龍池內水滔滔曰如何是境中人師曰光剃頭淨洗鉢曰學人不曾師曰這箇阿師還未曾剃頭在

僧問如何是道師曰紅綃曰紅綃莫是道否師曰不是道曰既不是道因甚答紅綃師曰因你問道我

語錄集要 卷三

三

答你紅綃

僧問達磨未來此土還有佛法也無師曰有曰如何是本來底佛法師曰天不能蓋地不能載曰是何物得恁麼大師曰喚作物即不得曰不喚作物時如何師曰亦無你開口處曰恁麼則不奈何師曰我亦不奈何曰和尚因甚不奈何師曰爲汝不奈何僧禮拜師曰出去救得千個萬個有甚用處

僧問如何是某甲安身立命處師曰天無蓋地無底問壽昌老人遷化去即今在甚麼處師曰清潭對

面抵是不知師復問僧問語且置天無蓋地無底
老僧意旨是什麼處僧擬議師便打勉云拶出虛
空髓有味掀翻宇宙殼無依個中不見壽昌老獨
有狸奴笑展眉

僧問如何是北斗裏藏身師曰掉轉身來僧擬議師
便打仍示偈曰掉轉身來酬北斗藏身一句絕來
繇要知大像嘉州路雪覆千山盡白頭

僧問寒暑相催時如何師曰錢湯爐炭問未與料作
時如何師曰淨地上一場懨懨問成後如何師曰

語錄集要

卷三

五

莊嚴妙麗一場懨懨問家裏事如何師曰坐底坐
臥底臥問門外事如何師曰鄉村險阻車馬爲難
問和尚爲人事如何師曰從來不曾費鹽醋問一
歸何處時如何師曰却值老僧坐臥

師問無擇上座曰賢弟到羅浮要與博山相見時如
何擇曰遍界不曾藏師曰恁麼則不見我也擇曰
兩衫一賽師曰更要親見一回始得擇曰無兩個
舌頭師曰待汝到羅浮黑夜動不得步時卽有深
入師遂示一偈曰遍界不曾藏青松遮翠壁黑夜

步難移深山神鬼泣

語錄集要

卷三

五

博山無異大師語錄集要卷四

首座成正 錄

拈古

僧問清源如何是佛法大意源云廬陵米作麼生價
高低米價環翠色於奇峰吞吐廬陵鎖蟾華於玉
樹須知大用無方有威斯應若論清源的佛法三
生六十劫未夢見在

南泉一日兩堂爭猫泉提起猫云道得卽不斬衆無
對泉斬猫爲兩段南泉舉問趙州州脫草鞋戴出泉
語錄集要 卷四 一

云子在救得猫兒

放開捏聚王老全機起死回生趙州手段救得救
不得總不干他事有人識得南泉便入慈心三昧
臺山路上有一婆子凡有僧問臺山路向甚麼處去
婆云驀直去僧纔行婆云好個阿師又恁麼去僧舉
似趙州州云待與勘過州云臺山路向甚麼處去婆
云驀直去州便行婆云好箇師僧又恁麼去州回上
堂我與汝勘破婆子了也

飛騰不度趙州關也呼喚不回臺山路也這婆子

荆棘滿地塵埃亘天不遇魔王安能捉敗且道勘
破後是甚麼時節依舊孟春猶寒

雲門大師云充不透脫有兩般病一切處不明面前
有物是一透得一切法空隱隱地似有個物相似亦
是光不透脫又法身亦有兩般病得到法身爲法執
不忘已見猶存墮在法身邊是一直饒透得放過卽
不可仔細簡點將來有甚氣息亦是病

精造之跡研極之疵非慧目莫能鑒也若夫知心
體合截流注之病根達本忘情鏡無已之境象除
語錄集要 卷四 二

非向威音那畔翻身十字街前打睡的漢方可診
候不然莫將日癰誤作傷寒

臨濟將示滅囑三聖云吾遷化後不得滅却吾正法
眼藏聖云爭敢滅却和尚正法眼藏濟云忽有人問
汝作麼生對聖便喝濟云誰知吾正法眼藏向這瞎
驢邊滅却

驅耕奪食須是玄師補網張風還他三聖正法眼
藏向瞎驢邊滅却分明露出半班要得完全待臨
濟眼光落地

廊侍者問德山從上諸聖向甚麼處去山云作麼作麼廊云勅點飛龍馬跋鱉出頭來山便休去來日山浴出廊過茶山撫廊背一下廊云這老漢今日方始瞥地山又休去

眼如瞎耳如聾諸聖去處點不成畫不就二老行藏還知彼落處麼正是憐兒不覺醜德山一條棒尋常血滴滴地到這裏因甚不用余所謂暗裏抽橫骨明中坐舌頭也

麻谷持錫到章敬遠禪牀三匝振錫一下卓然而立

語錄集要

卷四

三

敬云是是天童着語云錯谷又到南泉遠禪牀三匝振錫一下卓然而立泉云不是不是天童着語云錯谷云章敬道是和尚爲甚道不是泉云章敬是是汝不是此是風力所轉終成敗壞

章敬是字天童錯字南泉不字有甚麼語話分惟麻谷錫杖頭較些子善丹青者將此四老製作一圖畫是非窠臼自然瓦解永消

僧問雲門不起一念還有過也無門云須彌山

不起念橫拈三尺劍須彌山墜下一莖毛博山二

十年不着便從這裏識得雲門

仰山指雪獅子云還有過此色者麼雲門云當時好便與推倒雪竇云只解推倒不解扶起

五色令人眼盲五音令人耳聾既與眼對便成滲漏仰山指獅子示人賣弄太甚只饒推倒扶起總在獅子上作活計不受聲色者知是阿誰

法眼一手指簾二僧同去捲簾眼云一得一失

明鏡當臺明珠在握焰心微膽無有遺餘法眼用在機先這二僧一任指呼且道孰得孰失當衡者

語錄集要

卷四

四

鑑取

風穴郢州衙內上堂云祖師心印狀似鐵牛之機去卽印住住卽印破只如不去不住印卽是不印卽是盧陂長老出問某有鐵牛之機請師不搭印穴云貫釣金鱗沉巨浸却嗟蛙步蹶泥沙陂佇思穴喝云長老何不進語陂擬議穴打一拂子還記得話頭麼陂擬開口穴又打牧主云佛法與王法一般穴云見箇甚麼主云當斷不斷反招其亂穴便下座

風穴泥印子在手印住也得印破也得盧陂不搭

印正是鐵牛機可惜乾爆爆地若帶些水頭管取泥印子爛去看他印箇甚麼

雲門問乾峰請師答話峯云到老僧也未門云恁麼則某甲在遲也峰云恁麼那恁麼那門云將謂候白更有候黑

非常之問非常之答迅雷不及掩耳良駟不及追風宛轉偏圓各負鈞深索隱底手段簡點將來好與痛棒何也爲他無事生事故過卽不可

德山上堂云及盡去也直得三世諸佛口掛壁上猶

語錄集要 卷四

五

有一人呵呵大笑若識此人參學事畢

孤危不立更用相親法外無身猶欠哮吼鼻準與脣毛從來不相識相識去舌頭元在口裏

僧問趙州如何是祖師西來意州云庭前柏樹子

龐婆百草頭趙州柏樹子二人向無煙火處闢弄天工冷眼看來猶是剪彩耳只饒西來大意露布庭柯更須吞却門前下馬臺始得

維摩詰問文殊師利何等是菩薩入不二法門殊云如我意者於一切法無言無說無示無識離諸問答

是爲入不二法門於是文殊問維摩我等各自說已仁者當說何等是菩薩入不二法門維摩默然

明修棧道暗度陳倉若語默商量鉢盂安足二大士雖則傳脂付粉水洩不通以不二法門較之尚晚也

洞山供養雲巖真舉前描真話僧問雲巖只這是意旨如何山云我當時幾錯會先師意僧云未審雲巖還知有也無山云若不知有爭解恁麼道若知有爭肯恁麼道

語錄集要 卷四

六

語步安詳紐機圓活三玄五位盡在其中肯解二字披寶鏡之精光彰兼到之赤熾洞上宗風於斯可究矣

雲巖問道吾大悲菩薩用許多手眼作麼吾云如人夜中背手摸枕子巖云我會也吾云汝作麼生會巖云遍身是手眼吾云道卽太煞道只道得八成巖云師兄作麼生吾云通身是手眼

遍身是手眼汎寶舟而登彼岸通身是手眼搜要徑而啓重玄大丈夫橫身當宇宙要用便用只饒

八萬四千沒處安着然雖如是人出是非難

密師伯與洞山行見白兔子向前走過密云俊哉山云作麼生密云如白衣拜相山云老老大大作這箇語話密云你作麼生山云積代簪纓暫時落寞任緣而施隨流得妙雲蘿舒卷峯岳凝然白衣拜相雖則異地生苗猶是功勳邊事簪纓落寞之談不無補於密師也

僧問青林虔禪師學人徑往時如何林云死蛇當大路勸子莫當頭僧云當頭時如何林云喪子性命僧

語錄集要

卷四

七

云不當頭時如何林云亦無回避僧云正當恁麼時如何林云失却了也僧云未審向什麼處去林云草深無覓處僧云和尚也須隄防始得林撫掌云一等是箇毒氣

青林棒喝不施針錐在舌根上何曾放過這僧爛泥中有刺縱得便宜不知早入行舖了也當時若問博山但咄云沒去處看他道個甚麼近時佛法凋零討這箇師僧也難得

僧問乾峯十方婆伽梵一路涅槃門未審路頭在甚

麼處峯以杖畫一畫云在這裏僧問雲門門云扇子踣跳上三十三天築着帝釋鼻孔東海鯉魚打一棒雨似盆傾會麼

問處太親智眼成障傾出雲門七珍八寶天童喚作返魂香諸人還嗅着也未乾峯這一畫大地百雜碎非但路頭這僧腳跟下七花八裂了也

子昭首座問法眼和尚開堂承嗣何人眼云地藏昭云太辜負長慶先師眼云某甲不會長慶一轉語昭云何不問眼云萬象之中獨露身意作麼生昭豎拂

語錄集要

卷四

八

子眼云此是長慶學得底首座分上作麼生昭無對眼云只如萬象之中獨露身是撥萬象不撥萬象昭云不撥眼云兩個叅隨左右皆云撥萬象眼云萬象之中獨露身

法眼嗣地藏寬有頭債有主子昭爲長慶風不動浪不移豈可以人情汚佛事耶當時待問獨露身與萬象撥不撥但云是何言歟管取法眼如啞子作通使吐露不出

僧問九峯如何是頭峯云開眼不覺曉僧云如何是

尾峯云不坐萬年牀僧云有頭無尾時如何峯云終是不貴僧云有尾無頭時如何峯云雖飽無力僧云頭尾相稱時如何峯云兒孫得力室內不知

指活路于廊中古頭不粘着肉披全提于向上額顚不柱着天九峯口齒若校腸自有巧婦針線也所貴者兒孫得力室內不知且道不知者是何事從昔去問取九峯

僧問夾山撥塵見佛時如何山云直須揮劍若不揮劍漁父棲巢僧問石霜撥塵見佛時如何霜云渠無語錄集要 卷四 九

國土何處逢渠僧後舉似夾山山乃上堂舉了云門庭施設不如老僧入理深談猶較石霜百步

門庭施設入理深談孤鴈群飛缺一不可一句則玄景未移而天機獨運一句則神柯未伐而靈樹絕依二大士氣宇如王識得渠語者便好作罷叅齋

南泉示衆云三世諸佛不知有鯨奴白牯卻知有手托地尾連天王老師異類中行也三世諸佛不知有掬明月於無影樹頭鯨奴白牯卻知有剪白

雲於不應山谷何人知此意除是長嘯者

進山主問修山主云明知生是不生性爲什麼爲生之所留修云笋畢竟成竹如今作筏使還得麼進云汝向後自悟去在修云某只如此上座如何進云這箇是監院房那箇是典座房修禮拜

拈轉鼻頭披翻唇齒裁長補短自有機宜此語非但爲修公截舌亦爲後人點眼可謂絆斷葛藤而遊象徑芟除荆棘以露瓊枝其活句如此

首山示衆云第一句薦得與佛祖爲師第二句薦得語錄集要 卷四 十

與人天爲師第三句薦得自救不了僧云和尚是第幾句薦得山云月落三更穿市過

吞盡佛祖佛祖爲師號令人天人天作則向沒蹤跡處立名題分數目喚作第一第二早是蛇足矣然其舖舒展演與奪臨時首山舌上有鋒咽喉若海也還知月落三更句麼無爲無事人別有間家具

僧問仰山和尚還識字否山云隨分僧乃右旋一匝云是什麼字山於地上書一十字僧又左旋一匝云

是什麼字山改十字爲卍字僧畫一圓相以兩手托如修羅掌日月勢云是什麼字山畫一圓相圍却卍字僧作樓至勢山云如是如是善自護持

這僧旋身撥無煙之火仰山畫地挑海底之燈義天燦爛彼此作家六書中收不住且道是什麼字大地無盲人誰是賞鑑者

僧問雲門如何是超佛越祖之談門云餬餅

運劫外之香糜與現前之供養餬餅之談塞斷人口也其清音如玉只饒辨似懸河話會不下何也

語錄集要

卷四

十一

如野饑麥餅一飽卽休若論佛祖之談待別時來與汝註解始得

玄沙到蒲田百戲迎之次日問小塘長老昨日許多喧鬧向什麼處去小塘提起袈裟角沙云料掉沒交涉

人將語探水將杖探烈火裏辨真金鬧市裏識天子袈裟下認取老僧玄沙小塘斯人也縱然蓋覆將來口苦心甜更有事在

肅宗問忠國師百年後所須何物師云與老僧作個

無縫塔帝曰請師增樣師良久云會麼帝曰不會師云吾有付法弟子耽源却諳此事請詔問之師遷化後帝詔耽源問此意如何源云湘之南潭之北中有黃金充一國無影樹下合同船琉璃殿上無知識古殿苔封逢人不到白雲深鎖有路猶迷青山逼近見巍巍萬仞崖頭不露頂古今多少人向塔影邊描寫不出唯天童雪竇較些子

語錄集要

卷四

十二

黃蘗有何言句濟云某三問佛法的大意三度吃棒不知有過無過愚云黃蘗怎麼老婆爲你得徹因在更來問有過無過濟於言下大悟

三年不開口毒氣噴人三遭喫痛棒拂蒿枝相似黃蘗處喫交大愚處拔本末後逢人胡喝亂喝是何道理不向紫羅帳裏撒真珠畢竟是齟齬不出斗

洞山解夏上堂云初秋夏末兄弟或東或西直須向萬里無寸草處去良久云只如萬里無寸草處又作

麼生顧視左右云欲知此事直須枯木上生花方與他合石霜云出門便是草明安云直得不出門亦是草漫漫

洞山一具牙齒敲得鳴打得響胡言漢語撒得開收得聚可謂暖曖玄提也二老漢騎虎頭把虎尾口似蜜甜心如鴆毒還知彼落處麼

仰山夢往彌勒所居第二座尊者白云今日當第二座說法山起白椎云摩訶衍法離四句絕百非謹白仰山夢裏惺惺驚羣動衆說摩訶衍法離四句絕

語錄集要

卷四

三

百非曾透徹也未快須拋却捷徑始得

雲門垂語云乾坤之內宇宙之間中有一寶秘在形山拈燈籠來佛殿裏將三門來燈籠上

歷諸心指諸掌顯諸仁藏諸用開發性源其至矣夫拈燈籠來佛殿裏將三門來燈籠上雲門大師來也放過一着

臨濟問院主甚處來主云州中糶黃米來濟云糶得盡麼主云糶得盡濟以拄杖一畫云還糶得這個麼主便喝濟便打次典座至濟舉前話座云院主不會

和尚意濟云你又作麼生座便禮拜濟亦打

臨濟棒頭有眼善察來機不是不知來處要院主識痛棒始得院主便喝典座禮拜門裏出身剛柔相濟若微困去可謂一點水墨兩處成龍矣

僧問瑯琊覺和尚清淨本然云何忽生山河大地覺云清淨本然云何忽生山河大地

清淨本然山河大地從甚處得來云何忽生又一重也有青者不可以語其純素碧眼者不可以眩其玄黃天童所謂見有不有也於瑯琊答處便恁

語錄集要

卷四

四

麼悟去不知誰是其人

頌古

乾闥婆王獻樂迎葉起舞

袈裟角上帶些些撒向閻浮布種芽最喜琴聲清入骨山川隨處綻曇花

世尊因五通仙人問六通義

應諾聲消那一通山崩海竭絕行踪仙人有口難

分剖雙耳聰聰却似聾

阿難尊者問金襴外別傳甚麼

披得金襴早是遲聲音相應合知時門前倒却刺
竿子吹落空花第幾枝

二祖乞達磨大師安心

覓心不得與心安月印澄潭徹底寒莫逐根塵生
下劣金毛獅子大家看

南嶽遣僧問馬祖祖云自從胡亂後

盡掃塵志未休晴空白日使人愁太平不掛將
軍印擲刀懸戈始徹頭

龐居士問馬祖不昧本來人

語錄集要

卷四

五

山爲圖畫水爲琴誰解其中發妙音個是馬師彈
得出宮商清慘痛難禁

馬祖不安次

玉回珠轉發真機混不得分類不齊莫謂老儂無
氣力倒騎石虎過遼西

振聲一喝三日耳聾

豎拂當陽振祖威難將此際話離微灼然突出燎
空燧個是金毛師子兒

南泉問僧夜來好風

試問松風逆順酬設將得失豁雙眸毒龍未肯輕
開口鑒在機先始徹頭

僧問南泉百年後向甚麼處去

拽耙拖犁異類中崢嶸頭角出羅籠溪南溪北無
踪跡莖草啣來就與同

鹽官喚侍者

灼然扇破索牛來樹子無根石上栽當時圓相如
拋出多少英雄被活埋

歸宗剗草次

語錄集要

卷四

六

一鋤兩段血淋漓大地山河乞命時識得此翁真
面目難將麤細與君知

趙州問大慈般若以何爲體

相逢特地一重關大笑呵呵豈等閒置帚設言今
日事清機歷掌逼人寒

臨濟訪平田遇嫂使牛

路途不識棒加牛使得終須是對頭行過平田長
岸也耙犁未動合知休

趙州勘婆子臺山路話

腳跟之下臺山路今古無人辨是非勘過依前舊
直去卻來平地捉盲龜

婆子送錢趙州轉藏經

不受人間不施錢趙州多着一番顛勞渠四大和
風轉惹得阿婆道未全

僧問趙州如何是道州云牆外底

從來大道透長安牆外酬渠話轉難會得若翁真
實語現前一日飢三餐

僧問趙州如何是祖師西來意州云庭前栢樹子

語錄集要 卷四

七

庭前栢子是西來眼上睂毛脚底鞋嘗記江南三
月裏鷓鴣啼處百花開

青州布衫重七斤

七斤衫子真歸處何必尋渠較異同更問其中端
的旨趙州牙齒不關風

僧問趙州如何是出家州云不履高名不求苟得

三途迥絕出家兒身不寒分腹不饑竹杖敲殘山
頂月倒吹鐵笛詠新詩

三次喫茶話

南北東西四路通設將會未話形容醜醜滴入焦
腸裏靜水無波看活龍

婆子燒菴逐僧

萬花叢裏不沾身陷殺闢浮多少人識得這僧行
履處幾回歡喜幾回嗔

丹霞參忠國師侍者被打逐出

耳提面命貴當機大哭還思大笑時果是南陽門
裏漢皮穿骨露不饒伊

僧問大隋投子劫火洞然時壞不壞義

語錄集要 卷四

六

壞不壞今較大千骹髒言句不勝錢衲僧睂下如
開眼笑指虚空缺半邊

臨濟兩堂首座齊下喝濟云賓主歷然

未喝應須驗主賓衲僧肯向句中親若於喝下通
消息木馬嘶風過漢秦

德山托鉢

家門興盛子強爺密啓靈機路轉賒說法不同昨
口語鉢盂柄上較些些

三玄三要

言中有響句藏鋒血染山花別樣紅聊爾與君通
一線眼宛如瞎耳如聾

五位君臣

正偏兼帶驗重玄君義臣忠事事便獨蹈大方消
息盡絲綸應兆未生前

僧叅雪峰低頭歸庵至見巖頭指末後句

低頭無語便歸庵今古將何作指南祇這是時猶
不會青山如翠水如藍

雪峰南山龍鼻蛇

語錄集要 卷四

龍鼻當軒好看來喪身失命話全該一 傀儡都

拋出何似玄沙帶活埋

僧問雲門樹凋葉落時如何門云體露金風

樹凋葉落露金風澗水山花處處同普字法門親

瞥地不須擬議話從容

僧問殺父殺母佛前懺悔殺佛殺祖向什麼處懺悔

門云露

殺佛還如殺父時懺無懺處顯全機負慚願向人

前語笑逐清風倚杖藜

玄沙三種病人

剗腸吐膽老婆心擬議纖毫自陸沉要得現前真
受用六根不具始知音

大顛赴首座

數珠提起問端繇晝夜難將百八酬赴出座元誇
好手太山難掩大顛羞

夾山答法身句見船子後亦如前答

雪前風勢侵空急雪後寒光炤眼明黃葉紛紛如
剪綴剩餘松栢映山青

語錄集要 卷四

三

六祖遷化云來時無口

香煙直灌曹溪路石女猶眠錦帳中仍問歸期何

日月案山風起落花紅

鼓山聖箭

九重宮裏路通霄隨處稱尊舌更饒何似鳳啣丹

詔出邊郵萬里盡歸朝

大通智勝佛十劫坐道場

灰頭土面稱知識踏破毘盧額頂紅多劫不能成

正覺祇緣身在道場中

南院上堂舉啐啄同時語

子母渾融氣未分只須啐啄乃相親一朝敲破情
忘處倒跨橫趨不辨人

僧問雲門如何是諸佛出身處門云東山水上行

水上山行能信否誠然諸佛下生時而今不許雲
門語電捲風馳祇自知

法眼問修山主毫釐有差

權衡掌握重輕分毫髮無欺說似君用得熟時稱
好手公平須是當家人

語錄集要 卷四

主

趙州闢劣不闢勝

義勝緣輪理一如橫張赤幟道情殊趙州不是閒
相識驢糞逢人換眼珠

度侍者不肯首座

香煙斷處辯聲訛肯信峯頭語更多首座當時如
出定管教人唱太平歌

興化獎在太覺時爲院主一日覺勘驗化連唱覺連

打

販賣鬻主頻施喝痛棒如風不順情酸澁肚腸翻

嘔盡衲衣脫下便惺惺

雪峰古澗寒泉話

萬丈深潭徹底清隨緣飲啄不關情趙州言句從
來辣雨後青山眼倍明

世尊陞座迦葉白椎

清白門庭無剩法從來一道絕週遮飲光不合重
敷演擊碎虚空路轉賒

迦葉尊者因外道問如何是我我

醫盲手段不尋常撥翳金針別有方烜赤太陽重

語錄集要 卷四

主

益火真誠一片熱心腸

蜀僧爲六祖塑像

三十二相憑君塑就裏何曾有梵音佛性分明親
指示莫教辜負老婆心

馬師令人送書上徑山山發緘於圓相着一點

欽師猶被馬師惑殺得人兮活得人虎視諸方格

外音罔學一點是關津

馬大師西堂百丈南泉翫月次

窮源的是一家親個儻丰標壓四鄰拽斷傀儡棚

上索驀然鸚鵡過西秦

陸巨大夫向南泉道肇法師

指花破夢南泉事天地同根陸大夫當下不知花
是夢至今流落滿江湖

驚湖義禪師麟德殿與衆法師論義

捏轉鼻頭行古路撇開鄧市往山阿不知幾度清
風起無奈禪師一點何

僧問興善如何是道善云大好山

滿目青山誰是道居然知道不知山閉門作活何

語錄集要

卷四

五

多事樵採歸來鎮日間

僧辭趙州州豎梯子云有佛處不得住

不行鳥道不居鄺醉眼摩娑白晝眠謾道逢人莫

錯舉摘楊花是季春天

雪峯問靈雲前三三後三三意旨如何雲曰水中魚

天上鳥

前三三與後三三魚鳥何緣作指南因見桃花發

一笑而今觸處放癡憨

石梯見侍者托鉢赴堂乃喚侍者者應諾

穿耳胡僧拍掌回尋常問答語如雷莫言此外無

多事踏破須彌頂上苔

僧問多福如何是多福一叢竹

煙雲鋪地起重層斜曲縱橫指似僧古殿不嫌車

馬跡清風起戶雨如繩

丹霞訪麗居士見女子洗菜

東隣翠鉤映娥眉歛手當胸更是誰却被麗公看

一箭驪龍忍痛虎傷肢

丹霞問僧什麼處宿

語錄集要

卷四

五

食有因緣宿有緣縑衣端不向人求雲山黯黯清

如許一夜霜風盡白頭

道吾智禪師指佛桑花問僧

禪心隱隱露春規酒味沾唇覆玉尋更向花源辨

真假一雙空手夜歸遲

香嚴擊竹悟道

一擊有聲聾兩耳動容不墮眼初開未生面目渾

如此無限行人被活埋

趙州庭前栢樹子

庭前栢子西來意流布叢林是與非盡把乾柴當
猛火阿誰於此絕思惟

雲門餅

特地來伸佛祖談咽喉塞斷莫顛顛若將此語重
加註十擔油麻樹上攤

南泉斬猫

利刃當陽作者知何人救得此猫兒若無起死回
生術空向沿途自泣岐

洞山麻三斤

語錄集要 卷四

圭

端嚴妙相難描摸何似當陽指出來一夜西風侵
骨冷天明滿地是乾柴

自贊

生成眉宇是何標格從本無家隨方作客或時被有
識者呼爲瞎驢或時被無知者尊爲禪伯行藏不與
衆同流善惡難教分皂白茲因曇晦禪人勒逼將來
不免書此塞責

又

這漢子沒來繇擔閭浮重担結衆生深仇破鷲湖戒

律滅壽昌宗猷心毒如砒口甜如蜜得惡若虎暴燥
若猴且道是博山耶非博山耶依稀越國彷彿揚州

又

這箇老乞兒從來沒事幹平地起風波通身流白汗
不曾遇着個真冤家生平行業難了辨夜叉羅刹最
相親只是不容人讚嘆

又

獨坐蒲團想個甚麼瓶瀉雲興說亦不破有時喚作
訝郎當有時喚作破甕墮從緣返復百千名地轉天

語錄集要 卷四

圭

旋抵這個

禪警語

示初心做工夫警語

做工夫最初要箇破生死心堅硬看破世界身心悉
是假緣無實主宰若不發明本具底大理則生死心
不破生死心既不破無常殺鬼念念不停却如何排
遣將此一念作個敲門瓦子如生在烈焰中求出
相似亂行一步不得停止一步不得別生一念不得
望別人救不得當恁麼時只須不顧猛火不顧身命

不望人救不生別念不肯暫止往前直奔奔得出是
好手

做工夫貴在起疑情何謂疑情如生不知何來不得
不疑來處死不知何去不得不疑去處生死關竅不
被則疑情頓發結在眉睫上放亦不下趨亦不去忽
朝撲破疑團生死二字是甚麼閒家具噫

做工夫最怕耽着靜境使人困于枯寂不覺不知動
境人多厭靜境人多不厭良以行人一向處乎喧鬧
之場一與靜境相應如食飴食蜜如人倦久喜睡安

語錄集要

卷四

三

得自知耶

做工夫要中正勁挺不近人情苟稍情應對則工夫
做不上不但工夫做不上日久月深必隨流俗阿師
無疑也

做工夫人控頭不見天低頭不見地看山不是山見
水不是水行不知行坐不知坐千人萬人之中不見
有一人通身内外只是一箇疑團疑團不破誓不休
心此爲工夫緊要

做工夫不怕死不得活只怕活不得死果與疑情厮

結在一處動境不待遣而自遣妄心不待淨而自淨
六根門頭自然虛豁豁地點著即到呼着即應何愁
不活也

做工夫舉起話頭時要歷歷明明如猫捕鼠相似古
所謂不斬驚奴誓不休不然則坐在鬼窟裏昏昏沉
沉過了一生有何所益

猫捕鼠睜開兩眼四脚撐撐只要拿鼠到口始得縱
有鷄犬在傍亦不暇顧參禪者亦復如是只是憤然
要明此理縱入境交錯于前亦不暇顧纔有別念非

語錄集要

卷四

天

但鼠兼走却猫兒

做工夫不可在古人公案上卜度妄加解釋縱一一
領略得過與自己沒交涉殊不知古人一語一言如
大火聚近之不得觸之不得何況坐臥其中耶更于
其中分大分小論上論下不喪身失命者幾希

做工夫人不可尋文逐句記言記語不但無益與工
夫作障礙真實工夫返成緣慮欲得心行處絕豈可
得乎

做工夫最怕比量將心湊泊與道轉遠做到彌勒下

生去管取沒交涉若是疑情頓發的漢子如坐在鐵壁銀山之中只要得個活路不得箇活路如何得安穩去但怎麼做去時節到來自箇倒斷

黃檗禪師云塵勞迥脫事非常緊把繩頭做一場不是一翻寒徹骨爭得梅花撲鼻香此語最親切若將此偈時時警策工夫自然做得上

做工夫最要緊是個切字切字最有力不切則懈怠生懈怠生則放逸縱意靡所不至若用心真切放逸懈怠何繇得生當知切之一字不愁不到古人田地

語錄集要 卷四

无

不愁生死不破

切之一字當下超善惡無記三性用心甚切則不思善用心甚切則不思惡用心甚切則不落無記話頭切無掉舉話頭切無昏沉

切之一字是最親切句用心親切則無間隙故魔不能入用心親切不生計度有無等則不落外道

做工夫最怕思惟做詩做偈做文賦等詩偈成則名詩僧文賦工則稱文字僧與叅禪總沒交涉凡遇着逆順境緣動人念處便當覺破提起話頭不隨境緣

轉始得或云不打緊這三個字最是誤人學者不可不審

做工夫不得將心待悟如人行路住在路上待到家終不到家只須行到家若將心待悟終不悟只須逼拶令悟非待悟也

做工夫着不得一絲毫別念行住坐臥單單只提起本叅話頭發起疑情憤然要討箇下落若有絲毫別念古所謂雜毒入心傷乎慧命學者不可不謹

余云別念非但世間法除究心之外佛法中一切好事悉名別念又豈但佛法中事於心體上取之捨之執之化之悉別念矣

語錄集要 卷四

无

做工夫做到無可用心處萬仞懸崖處水窮山盡處羅紋結角處如老鼠入牛角自有倒斷也

做工夫最怕一箇伶俐心伶俐心爲之藥忌犯着些毫雖真藥現前不能救耳若真是個叅禪漢眼如盲耳如聾心念纔起時如撞着銀山鐵壁相似如此則工夫始得相應耳

做工夫不可避喧向寂瞑目合眼坐在鬼窟裏作活

計古所謂黑山下坐死水浸濟得甚麼邊事只要在境緣上做去始是得力處一句話頭頻起在肩膊上行裏坐裏着衣吃鉢裏迎賓送客裏只要明這一句話頭落處一朝洗面時摸着鼻孔原來太近工夫不怕做不上做不上要做上便是工夫做不上便打退鼓縱百劫千生其奈爾何

疑情發得起放不下便是上路將生死二字貼在額頭上如猛虎起來若不直走到家必喪身失命豈可住脚也

語錄集要 卷四

三

做工夫只在一則公案上用心不可一切公案上作解會縱能解得終是解非悟也法華經云是法非思量分別之所能解圓覺經云以思惟心測度如來圓覺境界如將螢火燕須彌山終不能得洞山云擬將心意學玄宗大似西行却向東大凡穿鑿公案者須皮下有血識慚愧始得

道不可須臾離可離非道也工夫不可須臾間斷可間斷非工夫也真正參究人如火燒眉毛上又如救頭然何暇爲他事動念耶古德云如一人與萬人敵

觀而那容耽眼看此語做工夫最要不可不知

做工夫曉夕不敢自怠如慈明大師夜欲將睡用引錐刺之又云古人爲道不食不寢予何人耶

做工夫不得向意根下卜度思惟使工夫不得成片不能發得起疑情思惟卜度四字障正信障正行兼障道眼學者於彼如生冤家相似乃可耳

做工夫不得向舉起處承當若承當正所謂瞞頂籠個與參究不相應只須發起疑情打教徹無承當處亦無承當者如空中樓閣七通八達不然認賊爲子

語錄集要 卷四

三

認奴作郎古德云莫將驢鞍橋喚作阿爺下領斯之謂也

做工夫不得求人說破若說破終是別人底與自己沒相干如人問路到長安但可指路不可更問長安事彼一一說明長安事終是彼見底非問路者親見也若不力行便求人說破亦復如是

做工夫不只是念公案念來念去有甚麼交涉念到彌勒下生時亦沒交涉何不念阿彌陀佛更有利益不但教不必念不妨一一舉起話頭如看無字便就

無上起疑情如看栢樹子便就栢樹子起疑情如看一歸何處便就一歸何處起疑情疑情發得起盡十方世界是一箇疑團不知有父母身心不知有十方世界非內非外輟成一團一日如桶箍自爆再見善知識不待開口而大事了畢矣

做工夫不可須臾失正念若失了參究一念必流入異端茫茫不返如有人靜坐只喜澄澄湛湛純清絕點爲佛事此喚作失正念墮在澄湛中或認箇能講能譚能動能靜爲佛事此喚作失正念認識神或將

語錄集要

卷四

三

妄心遏捺令妄心不起爲佛事此喚作失正念如石壓草又如剝芭蕉葉子或觀想身如虛空不起念如牆壁此喚作失正念落空亡外道魂不散底死人總而言之皆失正念故

做工夫疑情發得起更要撲得破若撲不破時當確實正念發大勇猛切中更加個切字始得徑山云大丈夫漢決欲究竟此一段大事因緣一等打破面皮性燥豎起脊梁骨莫順人情把自平昔所疑處貼在額頭上常時一似欠人萬百貫錢被人追索無物可

償怕被人耻辱無急得急無忙得忙無大得大底一件事方有趣向分

語錄集要

卷四

三

博山無異大師語錄集要卷五

首座成正 錄

書

報唐定齋廉憲

自去歲奉謁奇遇欣躍謂禪與淨土居士兼有之矣
翰教遠頒若猶有意于愚師弟者何謙抑亦至於此
竊謂毘盧性海人人具有從上諸聖語言及諸家公
案無非發明茲義總在學者見解何如居士書中超
脫之見卽是此境現前一了百了更無二語若曰明
諸錄集要 卷五

于此或昧于彼恐尙是意識中得來非性地上徹悟
耳雖然大善知識種福田植慧根何難于此道也卽
以居士勛業較量之闡中品士尺幅證心塞外閭兵
一鼓作氣文經武緯用無不宜第令持此向最上乘
中直是玄鑑洞觀單刀直入氣象貧衲將翹首居士
了一大事因緣也

與趙司理 二

貧衲草野疎陋承獎借過分且詔以靈光獨露之旨
使振百丈家聲自愧何堪誠知大居士得此光明幢

相三昧久矣故能以此光回焰一切每惟末法中士
大夫不罵佛謗法幸矣如臺下深心力護如已眼目
非微焰佛乘廣行慈願孰肯擔荷如此耶然知大居
士雖作如是廣大佛事亦不作佛事之想雖發露此
光而光非存焰故盤山祖師云心月孤圓光吞萬象
光非焰境境亦非存此正與大居士機理相契處然
下文云光境俱忘復是何物這裏到得便知云似地
擎山不知山之孤峻如石含玉不知玉之無瑕學道
入得此箇境界自然生死心破智不能知識不能識

諸錄集要 卷五

二

如來禪祖師禪一併打徹矣教中所謂絕心生死伐
心稠林浣心垢濁解心執着塵勞佛事皆爲遊戲出
世入世云乎哉大抵貴在一念生死心破自肯承當
而一切處自然法身獨露如青天白日一毫遮障不
得若有絲毫疑情未盡卽障道眼古人云一翳在眼
空花亂墜昔長慶稜禪師坐破七個蒲團因捲簾廓
然大悟乃作偈云萬象之中獨露身惟人自肯乃方
親多年誤向途中覓今日看來火裏永此卽生死心
破承當自肯樣子也古人深山二三十年草衣木食

真參力究蓋爲此耳貧衲自幼出家參尋頗力情關理路百揭千翻直得伎倆自窮所謂獨露者雖欲隱而彌彰不知其然而然至今喫粥飯始知甜耳以臺下家裏人說家常話非敢馳騁機解自揚家醜蓋承以靈光下炤故爾借光放光然亦自知不揣其量馮山云此宗最妙難得其人末法宗風掃地久矣僧中寥寥不意縉紳先生猶見居士所謂清獻公再來非耶承大教辨明實際無物不有無物不空真俗二諦於中影現無法也而假名爲法無身也而假名爲語錄集要 卷五 三

身此真性一段光明開發顯露清淨無翳如朗月處空無不現者至云潛思于碧年根力純熟如此則十二時中固不待提撕話頭如香象渡河截流而過一超直入已是漸言耳第禪宗向上不說法身邊事要在機用回互深含獨占古人云懷州牛喫禾並州馬腹脹天下覓醫人灸猪左膊上此語亦不可作道理會亦不可作機鋒契要知十二時中潛行密用築着磕着不差毫髮微見佛祖骨髓命脉則如居士所云縱橫自在御風而行者也若然者不把繩頭而繩頭

自把卽此繩頭復是何物上堂洵口而道爲好事者錄而成集忽視居士戲破又添一重公案也第捧讀佳製霍然忘暑所謂薰風自南來殿角生微涼倘因合刻永載法雲

報沈東華廉憲 二

春日得聞報知福星炤永谿也此非小緣皆湖東子民善因所致惟林下人躑躅不敢前蓋公門中非僧家行處祇焚香遙祝而已承翰教豐儀仍問及宗乘中事豈但爲僧者得沾惠澤卽三千七百祖師公案

語錄集要 卷五 四

亦復重宣也臨濟大師云一語中具三玄一玄中具三要此善知識臨機慧辯三玄三要未兆之先已通身突露非臨時湊泊如旃檀本香借火熟則分外香若以火論香則辜負旃檀若干言句中討玄要大可笑也諸家錄中皆下語大似以鶴粉喻雪雖色相似去雪實霄壤惟汾陽頌云三玄三要事難分得意忘言道易親一句明明該萬象重陽九日菊花新灼有真旨大居士切欲發明斯道在臨濟喫棒因緣上會去則待客迎賓拈匙把筯三玄三要不問可知其或

未然父母未生前那裏是我本來面目烏紗蓋頂黃金束腰傀儡一棚不加線索則生死暗然無寄本來面目是甚麼碗槌丘三玄三要留待台駕入山時再作個話會也

讀翰教不能釋手知居士靈機發發皆夙生般若慧之所成就非常情可及也惟祖師門下言句如煮木札羹如炊鐵釘飯不可以智知不可以識識惟悟與悟乃能明了若謂某爲三玄句某爲三要句某爲先焰而後用句某爲炤用不同時句正所謂以管窺天

語錄集要

卷五

五

以蠡測海多見其不知量也大居士決欲發明此一件大事赤肉團上無位真人在六根門頭放光動地不得當面錯過若錯過時百劫千生未有了底日子將前解路如斬一握絲一斷一切斷更不相續無位真人是甚麼乾屎橛但怎麼究去一朝知痛癢時向大愚肋下築三拳是大丈夫作略非分外也若依草附木東引西證說心說性者可請一義學沙門將三經五論細說一遍禪之一字拋向萬丈深坑過不可說不可說劫後再可譚不了之緣未爲晚也不識大

居士於此寧甘心乎

昨承諭入道貴在真實真實二字誠入道基本也不識居士於真實處曾入道乎少林大師云外息諸緣內心無喘心如牆壁乃可入道果得心如牆壁則真實二字不言可喻若心中揣摩生諸解路早是不真實欲得心如牆壁安可得乎果得心如牆壁正堪入道若以心如牆壁便欲住足祇是箇心如牆壁漢不堪與語道也然心如牆壁不容易到有一等人將妄心遏捺令心不起謂之心如牆壁大似水上按葫蘆

語錄集要

卷五

六

從少至壯從壯至老欲得心如牆壁無有是處真是箇究心人將一句話頭纔方提起如吹毛利劍觸其鋒者卽喪身失命欲其別生一念了不可得連真實二字安亦不佳斯二字誠爲入道之基本也大居士日用以此可坐進斯道不然則彈指一生可謂錯過也真實云乎哉

報林李神大宗伯

舊冬承翰教謂人生五十不知性命所在此爲誠言非套子語也當知此事萬劫難逢千生罕遇既知有

此關棧若不發明肯甘心耶祖師答見性偈云在眼
曰見在耳曰聞在鼻嗅香在舌譚論又云遍現該週
沙界收攝在一微塵大居士可將此偈細看一遍眼
所見耳所聞不逐聲色畢竟是何物也世人都被聲
色所轉輪迴六道無有了期一失人身萬劫不復可
驚可怖可懼可畏如有智者當于此着忙世間功名
富貴決定羈絆不得何也身非我有況身外乎看破
此境界十二時中深追力究念念不移決欲發明而
後已若能返照直下無第二人動轉施爲無虧實相

語錄集要

卷五

七

視生死如夢幻觀世界等空花永嘉云大千沙界海
中漚一切聖賢如電拂如此做一個凡聖不拘底大
快活人世間之樂事百千萬倍胡足爲此他日向樓
鳳嶺頭拍掌一笑何也笑此老婆心葛藤語耳

報吳觀我太史二

往返生生社與居士清譚將半月如坐毘耶城正所
謂彼上人者難以酬對然不二門向上更有事在故
云不可以智知不可以識識譬如入都城四會之衢
非行到不能親歷諸境嗟夫此道閉之久矣投子遠

錄公將五百餘載其間提唱者罕得其人生死分中
似不可以解心敵如南嶽見六祖德山見龍潭大有
樣子居士於此但當盡心單提一句話頭孜孜不捨
以期大悟若微見根源卽無明結使不斷而自消根
識境緣不澄而自殞可謂靈丹一粒點鐵成金自不
與諸法門較優劣縱不悟站定腳根終有到家日子
如不信斯道三阿僧祇劫始能成就古德云排此一
生乃至三生必能打徹豈欺我哉如看一口氣不來
畢竟向甚麼處去此處字上要切要緊切不可將經

語錄集要

卷五

八

書引證如教中謂無去無來等斯是毒藥不可沾着
一點但會深追力究決定要討箇下落如前教乘中
有相應法急須吐却或澄心瞑目寂照相治虛靈不
昧觀法無我乃至究竟不卽不離及事事無礙等語
在佛法中謂之入理深譚在參禪人分上謂之野狐
涎所以云鳳縈金網趨霄漢以何期居士不可不慎
貪納不得不盡情吐露也

貧衲生少智慧唯參究一念子蓋切今與居士論及
宗乘中事譬如居海者不問江河淮泗惟以海印印

之耳所謂看話頭六代相傳未之有問答之際一語中放不過便頻發疑情如能大師問南嶽大有樣子自後諸家激勵皆曹溪一箇印子上來居士于此須發起大信心要徹生死決從斯門而入捨此別求是岐路非禪門捷徑于此事上決不可生疑決不可以教乘中印證所云散位獨頭條起條滅者祇須切之一字是破意識利斧也禪警語大慧回書禪關策進悉能助發如參究一日得一日實用縱一生不明亦不妨具成佛作祖底基本古所謂但辦肯心必不相

語錄集要

卷五

九

賺承諭浮山聖道場處自有天龍擁護貧衲似不能應命山居人事叢雜年臘漸長兼以病魔日至每欲捨衆入深山遂谷以度餘年說法境緣付囑於大地有情待時節發生耳齊羣玉居士纔發信心須臾卽沒無奈死魔壞菩提心印大可嘆息唯居士體認自巳本命元辰莫管他世界成壞永嘉云大千沙界海中漚況漚中一隣虛起滅耶

與何芝岳相國

人生緣遇不易得皈向三寶倍復爲難惟居士深入

佛乘靈苗智種天性帶來而究竟一念子肯心自許誠進道之基本也昔人云我得百丈一句語做宰相此話一行使天下人皆知有佛法利益甚大非世間功德可比希居士變理之日毋忘此一句話頭十二時中幸以大法爲念直欲進陪上古洞鑒今時日應萬機不壞不雜觸境遇緣若臨大敵欲勝重門欲開猛浪中欲登彼岸大旱時欲得甘霖思到思不及處忽然摸着鼻頭原是舊時面孔端不借別人纖毫力若以世智辯聰揣度道理定信不及唯有力大人一

語錄集要

卷五

十

担擔荷更不搖頭轉腦也此事誠難決不可將經書上印證不可遏捺妄念不可使自心空寂凡諸動心皆成藥忌諒居士已深鑒此意不待貧衲贅語耳

報徐止觀居士

承諭末法下衰魔風熾盛宗門冷落主法無人余嘗于此撫几長嘆可謂襟期不隔千里同風但不識于此事中曾瞥地否若此瞥地不妨向祖師門下拋磚引玉撒土成金垂手將來與物作則盡大地是魔直從魔隊裏穿下過盡大地是佛直從佛頂額上行然

後向佛魔不到處解三玄戈冑碎五位鎗旗黑漆桶裏鑑貌辨色無影樹下嘯月吟風脚跟下動步觀體與博山相見倘未得如是禪警語不可不細嚼一遍提一個無義味話頭做一場沒巴鼻勾當一朝迸出頭來渾身當宇宙求其一衆生相了不可得何物在迷何人在悟居士與博山長太息悉剩語也貧衲掃一坐具地與居士作不動軒不識居士以爲何如也

報陳熙塘方伯

疑情不起是生死心不切似與前論中不相符合果

語錄集要

卷五

士

生死心切是誰二字不明安得不疑疑情頻發心意識尚不起况解路乎雖兼淨土決不可生自足想安隱想斯二種是究心人大病居士不可不知識得是病終不蹈此二途祖不云乎不斬狸奴誓不休彼既丈夫我胡不爾是誰二字是斷心意識底利斧截解路底垣牆出生死底要津也參此二字法門如韓信背木陣不顧危亡始得相應耳只此一生判百劫千生不了底公案有智者當以日代歲身可寒肚可饑不可使話頭有間斷只須迸破疑團心意識及解路

永消瓦解始得大安樂地是大得便宜人百千萬倍不足爲比也何如

報陳若來使君

瓶錫過貴郡方登岸卽蒙台駕枉顧譚及宗乘中事大發衷心歡忭無量別後六日登鼓山讀旌孝善果二錄足見居士一片慈孝婆心超出常情萬萬也然人生如芭蕉無堅實相又如作客寄住旅亭雖有旨酒嘉餚安隱快樂自非久長惟智者必尋歸家計耳視此四大色身如幻如化一氣不來作何究竟此是

語錄集要

卷五

士

吾人一件最要緊事於此不忙溫飽之餘悉爲別人忙卽溫飽亦是分外事况其他乎希居士慧發當機毋容暫息將一口氣不來畢竟向甚麼處去一句子孜孜切切只教覷破這一着始是大安樂處切不可從人言句上討分曉不可將經書上印證不可默照澄思以爲得意不可因循循虛度日子二六時中祇是一口氣不來畢竟向甚麼處去忽朝迸破疑團如駕輕車而遊熟路不亦樂乎放生業悉能助發機緣若得其所廣其悲願是貧衲至望

報陳四游京兆

貧衲行業無補主持宗門無甚長處惟一肯心自許
謬爲先師印可自謂藏身幽壑以保餘年不意往來
禪者以情量推之遂使水漲船高名過于實愧也何
如貴境鼓山聖道場處加以玄沙黃蘗長慶雪峰每
欲登攀無繇克就何幸檀越乘願力來城塹法門興
揚三寶況以楨幹宏猷廟堂遠略爲出世間畫一籌
策類風復振于今日氣象更新于此其功德熾然
非毫楮能罄然依正互融真俗雙顯外營佛刹內護

語錄集要卷五

三

心城頓使無價寶珠輝天鑑地不知居士肯暫然否
古德云我有明珠一顆久被塵勞關鎖今朝塵盡光
生炤見山河萬朵繇此觀之世界不在身外道場毋
論他方鼓山博山似不勞動步也承名敢不趨命第
寒山色色有羈殊不如願諒樞衣有時但不敢以年
月期限爲約耳

復邢梅陽孝廉并答

貧衲方息慈時卽聞令先師居京邸說法服膺豪傑
摧折慢幢如雷如霆可喜可懼因待受業師南詢不

遑親聆教益迄今渴慕之懷歷歷猶在庚申冬接翰
教始知居士入令先師籌室味無上法乳棄夢幻功
名自非深有所得安得如此行履今獲居士長篇高
論歡喜無量實以慰未見令先師之夙心也復承來
諭謂時當叔季大法平沉魔外說法不啻河沙讀之
至此則撫几長嘆足見居士一片大慈悲心腸雖未
面晤可曰神交况古稀之年乾乾若是使懶惰比丘
不無慚愧矣貧衲久廢簡編承居士殷勤致問不敢
不竭思以酬來意

語錄集要卷五

十四

一問狗子佛性之語似不可以識量上度又不可在
有無上作活計貴在真參實究果然當下絕親疎如
風捲塵不留朕跡若在有無上捉摸何啻捫空論太
陽遠近耶有角無鬚二種語翻趙州兩重公案思之
可見非泛論也

二問謂妙明體盡正墮頑空此是居士錯會綱宗之
旨不但見錯兼義亦謬解文中云妙明體盡謂理極
情忘力在逢緣有轉身活句况知傷觸不借中自非
知有不知有者如寐語相似安能識其來源也此正

是曹洞血脉如靈珠在握又如啞子喫蜜心口俱甜不能向人吐露若以頑空釋正所謂黑白相反也

報阮澹宇郡伯二

昨於緣幻場中與居士論及佛乘俱無詮次卽同體大悲亦是未了底公案吾人果於日用知同體大悲則步步踏着實地非心外之境耳古德云樵子負薪歸機婦連宵織管他家事忙且道承誰力知恩報恩只此一偈不知若士折旋俯仰曾薦之否果薦得則山頭之白雪清冷凍殺法身脚跟之流水潺湲侵損

語錄集要 卷五

五

漁父駢闐車馬鱗躍子民不須格外酬機最喜塵中見佛狂歌醉舞誇本具之神通淨几明窓樂現前之三昧不礙恒居火宅何妨倒跨白牛弄窮子珠奪饑人食剖微塵卷閤大千經世間之樂事百千萬倍不足爲比也貧衲以此酬居士枉駕之勞惟同體大悲訂今晚向華嚴寺中以償斯債希示的音其或未然明早則遠征之念已動接漸之行也

滄海一滴也世界一塵也貧衲近在石頭城大作一場佛事究竟如幻大居士還見聞也無若見聞者作

麼生是親切一句試拈出似貧衲使叅禪作見聞種子也頃接翰教謂投芥未合良以宗門中事自非親到古人田地所有議論悉夢寐中語悶九帶叙煥然出奇所謂三止三觀乃至無上無向無一無着而非無者斯卽向上着此論至精至極無人能到但以貧衲觀之祇是教中底蘊亦是教中向上似非宗門中向上語吾祖師門下貴在轉位旋機底一條活路居士肯向着衣喫飯處輕輕覷破大笑一場始瞥地耳然大章不妨流通與天下人作點眼藥非文字也

語錄集要 卷五

六

慧命中實受用也貧衲意謂宗門中長處只欲居士親到耳詩酒二事故乃陶情然詩能勞思酒乃傷脾台下高年幸清損之慰所懷也

報王季常郡伯

貧衲不憚番易八百長江千里爲法求人雖則托鉢空回惟與大居士夙緣深重而殷勤護念過於骨肉蓋以法爲親非世諦比也向蒙問及楞嚴深旨若窮其始終雖釋迦老人雲興瓶瀉亦吐露不出况其他乎若云清淨本然云何復生諸念此就衆生界中未

達清等四字而言果知得清淨本然山河大地向甚麼處得來緣生諸念從識薰起識如夢幻但是一心斯卽從凡入聖又不當以覺復生迷爲難惟吾祖師門下一句話頭全身入理徹處如紅爐烈燄乾柴溼草無不燒盡還源如人到家決不被諸岐爲障貧衲以此期大居士斯爲出世正緣似不可別生疑慮也

報俞容自勛卿

蒙問及曹洞宗旨此之一學最妙最玄拈穴細金針穿芒長玉線彩空中色相纖劫外花紋若非家裏人

語錄集要

卷五

七

竟不識家裏事非功力能到非智識能知惟沒巴鼻道人始全身擔荷辨莖草之味似不難耳想居士天資近道當深留意莫錯過此一段大事因緣此生不打徹他時後日定悔恨在莫言貧衲不爲居士說破決欲發明此事不妨以衆善助之譬如雨露滋嘉苗也

報余集生居士

震旦法席之盛無越於帝都雖代有隆替悉係因緣非智力所能強也唯我明聖祖神宗受靈山付

囑建立三寶弘通大乘是以天雨寶花增呈奇瑞宰官開士傾心法塹實千載一遇應斯嘉運也二百年餘芳規未替戴德愈新林下山僧朝暮祝誦未能報其萬一豈敢效顰瓚輩不思弘法深益且念正法將沉魔風熾盛稱悟稱證者已遍域中付拂付券者幾盡大地痛思古格爲法重人寧以身陷泥犁不將佛法作人情是何心腸今時急於法嗣忘其遠憂是何意調獨掌不浪鳴隻輪無單運擬欲遁逃深山不忍見此荼毒而居士復以慈心三昧見召將令不慧復

語錄集要

卷五

六

爲馮婦乎宗通說通內護外護居士似無愧公美印高敞利心孤嗣乏貧衲實忝聯運耳旻昭橫逼老人出山殊乏丈夫氣象剛刀雖快不斬無罪三十棒遠寄白門擒賊必先渠魁未知集生果能赤體承當與否百年曠茲盛舉何異慣削快靚肥牲兩載疲於津梁猶如羸夫睨彼巨鼎且浮山雙徑先聲已到諸執事人攀轅恐後今年決不出山語已在前意欲踐後倘違初心以赴徵命難辭衆口進退維谷居士其代我商之一芥翳天毫端含判邊隅都會孰劣孰優今

古異局彼此殊勢易地未必相爲聯合同異未可一轍而論若必按圖索馬恐劒去久矣高明如居士諒必不爾或是爲法心深意圓而語滯耶 諸大檀護未及徧復幸宣鄙懷統希炤亮不盡

與頑石禪人

余出家來初歷講肆便知有此事因求出世心逾切于經教中非不留意知在識見中用事如經云以知解心入佛境界如將螢火燒須彌山終不能着又云如日當空炤童稚閉其目自言何不覩多聞亦如是

語錄集要

卷五

九

故知知解逾多非但不悟道且爲障道緣也因拂袖別叅初脩空觀五年雖則塵緣淨盡于入理實未得力後于船子公案上又六年始瞥然也總不似賢弟寂而常炤炤而常寂謂之工夫欲將此心用心非但一生窮劫至劫似不能了何以故以能寂能炤之心爲根本故又以此心念慮不起爲本體獨露豈待少時只饒從生至老總不起念此念之根曾瞥然否若果無根性于境緣上自不別生心觸目遇緣如木石相似于本體上亦沒交涉也况在念佛作觀之間邪

不知賢弟將何爲本體又將何爲獨露若以念慮不起時爲本體自是念慮不起非本體也若以常寂爲本體卽是常寂非本體也若日用行事爲獨露正所謂業識茫茫非獨露也若將常炤爲獨露自是常炤非獨露也如賢弟本意恐在教上揣摩卽在八識田中認作本體故曰朦朦朧朧如在燈影裏行此是實供非妄語也去歲予與賢弟坐松陰聞鳥聲堂上論現量取境如一一明了祇是教家事與宗門中悟入大似隔靴抓癢也三喚侍者非容易會去若作容易

語錄集要

卷五

十

會國師彼時只消叫一聲便好云將謂吾辜負汝却是汝辜負吾何必三呼三應然後乃爾須知別有深意豈是檀郎認得聲便作悟門也舊時行履姑置之勿論果到不疑之地當時便得實用又何待病後爲然睡夢不得自繇此又據款結案大可笑耳復云岑大虫示人太孤渠往往見人陷此塗轍非是過掠學者故爾爲之乎當知岑師如吹毛利劒擬其鋒者卽喪身失命可謂婆心太切也佛云真非真恐迷豈但掀翻識情窠臼卽真之一字亦不知真之何地况

以外書平旦之氣似之乎大似夢中說夢又可發千載一笑耳大珠和尚問馬祖祖曰卽此便是大珠故爲有力者負之而趨恐亦未知日用行履若向這裏認其太賒不但未會大珠恐亦未見馬祖也又云識者知是佛性不識認作精魂折中且眞賢弟還識也未只須日用中是佛也須吐却臨濟云老僧未曾向紫羅帳裏撒真珠與汝諸人胡喝亂喝作麼如不向紫羅帳裏穿下過來未免有紅紫之誚非宗門得力之句也又用心曰無事時不怕不明白唯防念慮起

語錄集要 卷五

五

時若知一念緣起無生卽化了此是將緣起無生化念慮宗門中還容得此等說話麼三十棒教誰喫又云應物時不怕念慮起只怕不明白明白時卽有念慧有現炤此又以明白治念慮宗門中還容得此等說話麼三十棒教誰喫又云本體本具炤而寂也宗門中還容得此等說話麼三十棒教誰喫此卽是教家老婆舌頭非悟門也又云不必工夫又云如是保任又云勿忘勿助種種皆顛倒度量之心非參究也卽前爲賢弟說只是似不是眞卽此似字亦權巧也

安慰也如果似不待此體會動着便脫捺着便轉不必引經引教轉引轉遠不相應何也蓋爲從來不曾參究悉以知解心印定正所謂認奴作郎認賊爲子也古德云三世諸佛不知有狸奴白牯却知有僧問九峯云如何是頭曰只須知有進云如何是尾曰盡却今時其知有二字豈是揣摩識情以日用爲知有耶予曾拈云三世諸佛不知有掬明月於無影樹頭狸奴白牯却知有剪白雲於不應山谷誰能知此意除是長嘯者與賢弟知有是同是別又云宗門中一

語錄集要 卷五

五

切奇怪言句無非要人知此事只此見賢弟悟處若作恁麼知解宗門掃地而盡知有二字何曾夢見者乎只此知有賢弟便可用心直要徹見古人幽隱深奧所以云若要知此事直須高高山頂立深深海底行向威音那畔翻身十字街頭打睡更須白汗交流喫痛棒始得不然則炤而寂寂而炤終日保任終日不起念無事於心無心於事體悉此意未爲良證也

與善來禪人

迢遞三千里因循十二時支那都走過可惜腳跟皮

汝纔入門時便識汝了也東走西撞箇什麼若是皮下有血底漢子自當擇一本分宗師三二十年搬柴運水墾土掘地未爲分外今時有一等假知識魔魅人家男女開口便云有甚麼禪可參有甚麼工夫可做直下承當蚤是遲了八剎蒜此謂之俊捷謂之英靈謂之天然謂之超拔於本分上既不用心將這些業識銷磨不去墮了施主飯學詩學字學頌古學關示只饒學得口頭便利詩過李杜字壓鍾王頌古如雲興開示如瓶瀉瓶喚作業識茫茫縱供得人信

語錄集要 卷五

五

向禮拜供養抵裝束得一箇皮袋子一朝敗壞時手忙脚亂問王老子放他不過鑊湯爐炭鋤樹刀山百劫千生未有了底日子出得頭來知是幾多劫數以清淨眼觀此等假知識如廁中虫如淨地上荆棘如清風裏臭鷄又喚作無慚愧人無廉恥人汝還知麼汝還辨得麼若具參學眼向這裏辨得真僞便好干衲衣下抖擻幾根肋巴骨四大子假合便鼓兩片皮能譚能言一口氣不來向甚麼處去莫承當個事便休去莫將經書上印證去莫隨善惡業牽將去莫將

盡十方世界都盧是箇自己本無來去若如此見解將來飲洋銅吞熱鐵管取有分在既不如此又作麼生得的當一口氣不來畢竟向甚麼處去如坐在銀山鐵壁之中祇求迸開還容得第二念起麼還容得思惟分別麼到恁麼田地只須因地一聲向威音那畔又那畔翻個筋斗來始可向博山這裏喫痛棒不然且就千巖萬壑之中打野裡消日子總不干老僧事偈曰學道如牛毛發明如兔角人人喜平易那肯窺山岳積翠與重巖終是難描邈名言并奇句情想語錄集要 卷五

五

與劉胤平太史

佛祖之道貴在得人如彌勒菴與諸昆仲初會時祇欲居士深生信解世諦有爲之法非山野所望今科名巍赫係因緣和合偶爾成褻亦乃夙世靈苗之所發生當思之未兆之先所謂寤寐勤劬思報佛恩切不可自生怯弱就爲有力孰爲無力孰爲大根弘願孰爲淺根劣器居塵出塵全身擔荷者捨居士其誰

歟又當念生死事大無常老病不與人期失之刹那
悔之永劫參究一念不可須臾忘却禪警語作個策
身符子遠離諸過以期大悟凡在佛門一切善事盡
其力量皆可爲助道因緣若半遮半掩卽同流俗非
佛門弟子博山有一頌不免舉似居士若向此頌子
上徹去不須動步與山野大笑一場可謂老胡今日
有望也頌曰博山事香燈居士援毫管千里審跬步
兩人缺一半惟有過量漢不被時辰轉果知分寸長
却笑丈尺短楚水吳山霧一團森然雲樹謾勞攢梅

語錄集要

卷五

五

文

上養菴和尚七十壽

驚湖山高雲絕奕如蓋如幢金蓋色焰世明燈坐道
場一道靈光燭天北獨步寰中意自殊南方知識迥
良模推開辨老門前日奪得蘭公肘後符梅花枝上
露消息倒跨燕都神駿逸金鈎海底釣鯨飛天目峯

頭銀浪激歸來占斷白雲春飯糗羹藜絕四鄰德比
黃梅躬餉母詩同慈覺勸尊親天生純孝旣如此等
視衆生猶一子開堂法乳潤枯松說法金鱗躍芳渚
今年七十從心度半倍趙州花甲數使得時辰珠走
盤吞乾日月壺縣樹眉毛似雪畫難傳萬仞須彌聳
巨川擬同嵩少追芳躅笑與支那較大千

真鷲湖和尚

某年月日弟子某謹以素燭香燭之儀致奠于鷲湖
堂上示寂先大師養菴和尚之靈龕而言曰於戲先

語錄集要

卷五

五

師靈心湛寂道性貞醇幻化八十春秋渾無起滅成
熟千生善聚示有去來梅花枝上笑拈不夜之春茶
銚爐邊刺得活人之句見野焚而知起處境量消融
封鎖鑰以驗方來真機獨露不起日旋三昧大施無
礙鉗錘悲花法雨灑人寰慈意戒雷轟碧漢不謂化
儀告畢緣應已週金棺掩耀俄驚白樹以興哀鷲水
藏珠不覩玉毫之散彩白雲慘乎無色瀑布淒以斷
流頽法門之華棟四衆何依竭覺海之靈波羣生失
潤某等夙承洪鑄仰戴玄猷瞻模範以步趨風高莫

及藉聲光而提命恩大難酬叨餐法乳之深徒戀雙
趺之跡溪毛澗水聊爲最後之純陀海月山雲永作
吾師之供養至痛無文真炤靡隔

念佛文爲棲霞一門禪人說

夫淨土者乃一切衆生究竟安身立命處也念佛者
乃一切衆生第一背塵合覺門也寂光真淨惟是佛
居從此垂作實報淨方便淨及同居淨以接引彼菩
薩人二乘人及凡夫人既從實以施權則無權而非
實既隨義以立名應顧名而得義惟淨土之致不明

語錄集要 卷五

毛

故念佛之理亦昧但謂自性卽是彌陀而不知彌陀
不外自性但謂無念乃爲真念而不知淨念卽是無
念是以究極於一心不亂則諸佛心內衆生時時成
道托修於執持名號則衆生心內諸佛念念證真念
惟是佛如百川朝宗大海佛全在念如瑠璃內含寶
月不惟感應道交亦且自他不二但令諦信不疑決
定無諸歧曲也余幼慕禪宗得入壽昌之室謬承記
莚三十餘年寥寥海內有唱莫和刀刀魚魯轉見參
差方知祖師西來事出非常有大利者必有大害功

高易進無如淨土一門念佛得度今正是時之語非
欺我也一門禪友結蓮社於棲霞禪室攝念佛人同
歸淨土可謂末世津梁人天標榜乞余一言以作警
策余嘗謂一切行者須信自心有成佛種子信如來
有接引大願信有淨土可生信有彌陀可見將一句
佛號驀直念去念到一念不生則凡心卽是佛心更
何生死不了真可謂直捷穩當者矣勢至圓通文殊
三昧誰有志者而肯捨置弗修習哉

放生文爲報恩自觀以之二禪人說

語錄集要 卷五

天

五濁惡世缺陷衆生舉足動步無不是業招因帶果
無不是苦而殺生一事則猶業中之業苦中之苦也
止惡行善莫急於戒殺轉毒爲慈莫善於放生故五
戒十戒具足三聚莫不以此爲初基果位聖人因中
大士履真上賢出假菩薩莫不以此爲首務初果鋤
地而蟲離四寸道共戒也聲聞入定而刀杖變花定
共戒也菩薩以自在力現三塗爲淨土慈成力也如
來以佛眼觀大地衆生同成正覺悲無礙也好生之
德普涵於九界放生之功直圓於佛果而世人每易

視之者良緣同體之理不明故也蓋性爲生理識爲生基生機蘊於意地生緣熾於六情遍觀三界無非受生之場備閱六道咸稟妄生之氣達無性者方了緣生悟無生者乃能護物以無緣慈運同體悲能會萬物爲自己故拔苦與樂根於心現於事不期然而自然也若未明斯致形跡爲礙物我成敵在彼既有必償之果在我仍造必報之因因果相酬循環無際苦口良藥如水投石則奈之何然奔濤狂瀾勿忘中流之砥移山桴海弗替初心之誠難行能行亦在當語錄集要卷五

五

人之自奮耳苟能斷殺業除殺法離殺緣滅殺因忘殺機於根塵識界益生理於依正自他則菩提涅槃便可向放生一事中薦取豈世間功德所能彷彿哉自觀以之二禪者率諸善友創此社於報恩大刹予爲申明其義以告同仁俾能放所放咸契無生緣生之理庶地獄可以頓空佛性可以頓了謂放生社卽寂滅場可也

序

重刻五燈會元序

釋迦不出世祖師不西來佛法遍大地譚玄口不關當此時也語言文字踪跡不來棒喝機緣鋒芒不露逮夫拈花示衆牽起陳爛葛藤立雪安心突出現前公案遂使宗風廣衍慧日高懸燃長夜之燈羣昏頓曉拈一莖之草法界齊觀駕車須是打牛磨磚豈能作鏡如靈丹一粒點鐵成金至理一言轉凡成聖六代破水中之影觸目皆真五宗競空裏之花通身是膽橫趨而出笑木楔以何堪撩起便行悟佛法無多子觀水影不從他覓處處逢渠斷脚脛痛見已非頭語錄集要卷五

五

頭是道若論佛法一切現成諦審玄猷千燈互炤龍蛇分于棒下凡聖藉以喝通機發于未兆之先用施乎形聲之外乃至一言褒貶一棒縱奪以非爲是口似甜而意甚苦之以是爲非心實允而辭無洽矣雖久參耆宿不敢以正眼覷况識情解路能通之乎所以道狂機劣解不可以大法示不可以宗乘聞譬夫美食置諸穢器祖不云乎醍醐上味爲世所珍遇斯等人遂成毒藥惟大心衆生始能擔荷入斯乘者不可不自慎也會五燈爲一書者宋靈隱大川禪師未

蒙入藏雖一二處刊行安能廣布自性禪人頓發大
心謀於觀察曹君爲之首倡募諸同信工過半矣余
初上鼓山聞其事歡喜樂成復徵余爲序因援毫以
書其大槩云爾

萬佛名經壇儀序

衆生淨覺諸佛慧門繇薰變而成凡隨淨緣而見佛
既隨緣染緣實無生聖凡迷悟悉強名也圓覺經云
知幻卽離不作方便離幻卽覺亦無漸次如此領略
不假漸修非作故無本性無故良以衆生情生智隔
語錄集要 卷五 三

想變體殊趨暗背明捨安投險縱無明之熾火燎功
德之稠林沉業識之愛源漲真常之覺海戒乘路塞
人我山高衆妄起而邪見生諸器成而金體昧隨情
逐境破四棄之清規動念垂真結八重之障罪根本
繫乎七衆無論俗是僧結業失於一時豈分在此
在彼受六交之苦報雖千萬劫必償造十習之惡因
縱億萬生不返是以羣靈競出大聖垂休駕苦海之
慈航開覺城之鎖鑰說難思之懺法彰諸佛之洪名
設壇結界獻供懸幡燒種種香散種種花興大悲念

發菩提心禮佛一拜借壯士臂以折慢幢念佛一聲
擲如意珠以澄濁水空諸我相徹彼真源如滌淨器
以見純金似揭晴空而清智眼貴在力行毋容忽念
瑞凝相現罪滅福生若能諦信不疑定許超凡入聖
斯經自某朝翻譯載於藏典人所罕聞茲因某禪人
化某居士運大乘心廣諸佛行嚴涅槃岸拔衆生苦
消黑業于當念財法二施投智種於悲田賢愚一致
或云我本宗門禪客母容瑣瑣事諸壇儀當知彼卽
地獄罪人莫呵饒舌願賜流通

語錄集要 卷五

三

重刻圓覺經序

夫緣生無性生佛之迹本虛無性緣生聖凡之形宛
爾隨業感而報分優劣逐境浪而識變精粗如來大
光明藏是衆生淨覺之本源衆生最清淨心是諸佛
本起之因地當知無明無體皆是空花實際非塵妄
念輪轉究竟圓滿體常寂以遍十方平等道成心恒
通而含刹土不妨以幻修幻宜信居塵出塵開總持
之門絕去來之相登涅槃之岸忘得失之心虛空何
更生花真金不重爲鑛貪欲斷而生死斷愛渴除而

理障除非植二乘頓超五性無取無證眼不自見眼
非智非愚心不自生心植衆德本成就道源悟圓覺
以淨覺心取靜行而澄行證客塵永滅妙體方週聞
在刹那悟通曠劫二十五種輪觀隨順緣人百千萬
種法門樞機在我執四相而生顛倒二妄相依了六
情以契圓明一心匪礙作止任滅伏知識以銷融憍
慢愛憎觀衆生而同體期限成純淨之樂懺悔斷結
習之根悉備上機頓圓種智是爲十二分經清淨眼
目三千七百祖師密傳之要領也茲因顧居士發心

語錄集要

卷五

三

重刊使一切衆生入文殊智海普賢行門履圓覺妙
場坐華嚴法界激予序引予不敢以宗乘中較其優
劣大抵就斯經旁通箇消息耳是爲序

建州弘釋錄序

余作驅鳥肯嘗遊閩中知建州爲理學淵藪後閱傳
燈諸書又知建州爲禪學淵藪每見建州僧必詢其
鄉之先正然往往不能對因爲悵悵久之丁巳春吾
弟永覺師初棄儒入釋從壽昌先師學枯禪因與道
其鄉之先正甚悉皆粹若琪璧逸若鳳鸞多未所未

及知者余喜甚指其胸曰此是一部僧史記師曰吾
將志而傳之無何先師沒師來博山同居者五載余
問索其舊諾師曰俟識鼻孔後爲之後歸閩隱山未
通消息戊辰春余自鼓山還博山道經建州師迎於
開元寺余一見而識之曰今可志建州僧也師笑而
不答余乃問曰壽昌塔掃也未師曰掃卽不廢祇是
不許人知余曰汝儉掃去也師曰鉢尚又作麼生余
曰掃卽不廢祇是不曾動着師曰和尚似不曾掃遂
相笑而別至己巳冬以書來博山則建州僧志成寄

語錄集要

卷五

三

以相示且徵序焉余閱其所集凡分之爲四科首日
達本重明宗也次日顯化彰禍應也三日崇德錄衆
行也四曰輔教備金湯也合之命名曰弘釋崇法化
也其識正其論確其採訪博其分界嚴非良史也耶
昔者道宣作僧史於唐弗長於文且不知有別傳之
事齊達磨一宗於枯寂之輩識何聞也贊寧作僧史
於宋學富而才疎且列黃蘗於感通列嵩頭於遺身
列永明於興福至於雲門僧中杰也反舍之而弗列
則其謬爲尤甚覺範繼贊而有述高華秀朗登作者

之壇然止傳禪宗諸彥可以稱全史乎今師所志雖
僅僅一州而宣寧讓其雅當覺範推其完備迥然歟
出前無作者即此可以窺師之一班矣矧千載之上
藉師而傳之千載之下藉師而知之是師之功固在
千載之上下也建州稱弘釋者非師而誰歟余故樂
觀厥成不辭而爲之序抑又聞師撰述甚富盡當殺
青以傳若然則天下後世有大造焉非歟一建州也
余請拭目以俟之

重刻蓮宗寶鑑序

語錄集要 卷五

重

優曇大師徹證禪宗專心淨土自利早圓悲臻未悟
將念佛一門集成十卷顯諸佛轉未轉之機輪開衆
生信不信之障礙其引據確其總攝周其設教融其
指歸掇可謂大有功於後學者也慨末法我相自高
邊見分執貶淨土爲小乘指念佛爲權行甚者向人
涎唾下覓尖新語句蘊在八識田中以爲究竟極則
及乎到頭一毫無用是之謂棄楚璧而寶燕石返鑑
而索炤也其亦不辨甚矣夫我釋迦文佛不妄語者
不異語者彌陀經云一心不亂專持名號乃至七日

卽得往生法華經云若人散亂心入於瑱廟中一稱
南無佛皆共成佛道此其披心瀝膽徹底爲人此言
不信誰爲可信此言可信又何疑于淨土念佛之門
乎要而言之七日不亂爲何等心入瑱廟稱南無佛
之時又何等心能者得之禪道如是而已若是真師
子兒哮吼一聲百獸腦裂說淨土亦得說禪亦得說
淨土卽禪禪卽淨土亦得雙是亦得雙非亦得終日
念未嘗念終日生未嘗生終日無念不妨說念終日
無生不妨說生圓陀如摩尼珠求其住足處了不可
得何禪何淨土而乃二之然雖如是更有一句彌陀
未曾道着欲盡情吐露奈舌根短也噫掣電之機留
待哲者

八關戒序

語錄集要 卷五

重

衆生受佛戒卽入諸佛位位同大覺已真是諸佛子
此菩薩戒非八關戒也然戒有大小體非異同戒有
廣畧理無分析戒有斷續性絕開遮自非利生大士
不無犯于塵勞有力行人何難行于頃刻躋緣生之
道岸一日之齋通累劫之津梁一日之戒謾言瑣細

具得全功不論短長類同全戒譬如飲海一滴味同
全海又如一滴投海同海全波須知戒淺功深因微
果徹與聖人之方便悲開諸實之權標大士之指歸
喜見從權之實清山主撮其簡要吳太史覈其攸同
收圓行于一時植殊因于永劫不揀貴賤勿論智愚
但辦堅實心腸定入華嚴藏海

生生社戒殺放生序

語云護生須是殺殺盡始安居此勇猛丈夫決定志
也良以衆生恣無明窟養爛壞身祇解殺他不知自

語錄集要

卷五

七

殺五魔熾盛六賊戕害四蛇毒攻二鼠交噬從劫至
劫殺吾慧命劫吾法財可謂大冤家大怨敵而且親
之愛之從而結之殺一切衆生噉其肉血恣養四大
一氣不來盡成灰壤因有限身造無窮罪根性陋劣
迷極不返三途報至誰當代受若能返焰是大不然
當披堅固鎧仗金剛劍斬魔賊于五蘊葢林中逐蛇
鼠于無陰陽地上廣法身之慈怒起同體之大悲見
一切衆生如一子想無彼我相以無緣慈化無相衆
生此雲棲老人深達法相也湛上座與悲運慈悉做

雲棲軌則而桐之諸上善人互相鼓導生社緣此而
興殺業緣此而斷豈但戒殺而且放生豈但救衆生
命實乃續諸佛慧命廣一切衆生慧命也何以故以
同體故其無功之功無德之德所謂以殺爲生吾不
得以筆舌名之也

報恩品序

聞夫苦海無邊慈恩匪一情想局于限量識性迷于
無知限量則灼有親疎無知則妄分彼我輪迴于生
死三途之業報何窮旅泊于人天九有之昇沉不息

語錄集要

卷五

七

改頭換面多生父母結盜賊之冤戴角披毛歷劫宗
親債兒女之債大師興慈悲念說四難報之法施長
者現衰邁年誨一惡性之逆子胸前而寢膝上而遊
真情昔矣男爲慈父女爲悲母親愛彌平以世界爲
殿堂以人民爲根本主之深恩莫報以神通爲
利樂以度行爲修因諸佛之慈德無休捨幻化財植
人天福身命頓超棄有漏軀絕堅固想傳心爲最解
法義而流通法義還他三界智人知深恩而報答深
恩須是九濤居士不辭饒舌願入斯乘

正觀禪人刺血書華嚴諸經跋

夫大法難逢真乘罕遇千燈供佛酌半偈以何辭四句潤心捨全身而不愆况破塵出寶法界全經大士因門如來果海塞滿龍宮之藏具在一塵播揚驚嶺之奇縱橫萬象自非曠劫植菩提之因地安能手捧目觀偶此勝緣哉正觀禪人夙薰種智修假多方出娑竭之湧泉繡貫花之妙品加利刃不見當機之痛流鮮血無慚捐體之施書報恩金剛華嚴共計一百有餘卷以弘寶筏庶渡迷津蔓衍不二之雄文舌根語錄集要 卷五 无

疏

廣福菴化藏經疏

箇中不立元字脚一大藏教向甚麼處得來隨方建立總持門七百函經從自心中流出觀明星而悟道瞿曇之鼻孔頻開拈莖草以投機帝釋之面門劈破一片白雲瀟漫幾多歸鳥迷踪山河大地作琴聲到

處花飛蝶舞水鳥樹林譚實相何須鳥跡蟲文得魚兔方捨於筌罟盈倉儲如忘乎田地剗千燈而供養信知大法難逢捨四大以酬心祇爲恩歸有地周康溪發弘誓以相資衆居士乞片言而爲引續佛慧命而壽命無疆勞已色身而法身始顯佛緣克就世道遐昌

覺慧寺化藏經疏

法幢高豎人天之白業薰成寶藏遙頒緇素之玄風始著捨金輪而談真諦捨回帶雨泥牛剗赤肉以博

語錄集要 卷五

罕

真詮倒跨嘶風木馬普服雲興二百問人人衣縫綻開普賢瓶瀉二千酬箇箇鉢囊盛滿快驪龍之至寶須探覺慧奇踪踵伏龍之芳塵要入普聞玄徑天垂寶蓋千餘年之靈運重來地界金繩四大海之真源復湧打開瞿曇寶藏大家乞我一文豎起慈氏層樓普願同拈片瓦緣生之實相有據誰申較量之功性地之靈苗再生好下有情之種

護生社募緣疏

真心彌亘寧有六道之殊形妄念隨緣遂感多生之

異質如來大光明藏是衆生淨覺之本源有情最癡暗根含諸佛妙明之因地雖報緣聰聰蠢蠢然覺性完完全全蛛結網機械可知鵲營巢靈心逾巧鱗解鑽泥而隱虱惟趨暗而奔觀蠕動咸自貪生雖傷殘而猶戀質紙兒之鹿涕泣而腸斷幻囊護子之虫命壞而身環舊穴瘳乳捨將烹之鱉投珠醫未死之蛇何忍剝皮剔骨活潑潑以入鑊湯劈腹剗心魂飄飄而驚爐炭淚未乾而皮毛脫落肉尚動而厨竈喧嘩可憐頃刻下咽喉誰識神號鬼泣宜信無端被燒炙

語錄集要

卷五

聖

須知果欠因酬三途之業報無休萬劫之羈縻不息豈可恣情悖理烹鮮擇肥憫隱忘大聖之真慈食噉導凡愚之惡習無纖毫好生之念藉口曰萬物養人興殘慘造業之心又豈知三途在我不爽絲髮如影隨形普告達觀長者大發慈心効解網之仁啓放生之會杖頭之青蚨不惜囊中之故鈔何慳脫籠檻如出囹圄好看理羽毛而愉快免砧几如離屠肆灼然全幻體之靈知鼓翅空中現黃衣而拜主昂頭水面旋印紐以酬恩果報無差循環不息莫呵饒舌願賜

登名

法雲寺修造疏

華藏獻奇閬地槩稱佛國閭浮選勝樵潭刺有僧居喜列祖以傳燈賴衆檀而樂善山林積翠泉石凝光茲因道鑄禪人鋤破雲霞芟除荆棘寺基復古殿宇維新酬微笑之勝因集同叅之淨侶橫吹鉦笛倒跨泥牛採汲不虛施一任蒸雲驟雨茶湯應有待從教日炙風吹烹佛祖之心肝敲虛空之骨髓直欲頻開碧眼預須成禱莖茅嚴丈六之金身旋七重之寶蓋

語錄集要

卷五

聖

飲斷流之迅水踞峭壁之懸崖炊無米之香糜燃非薪之烈火鄉坊城市總須乞我一文居士宰官普願親垂隻手果因不昧佛道斯成

博山無異大師語錄集要卷六

首座成正 錄

偈

示董巖達空禪者

通達虛空翻白浪好把家私都破蕩有眼不見有耳
聾赤肉團中加痛棒從教白醜口邊生佛法塵勞一
坦平正念針鋒割不入面皮鐵鑄沒人情非禮莫教
輕動步舉止安詳要回互謾將知見妄疎親拶碎疑
團須妙悟不破疑團誓不休放出瀉山水牯牛一朝

語錄集要 卷六

一

驀鼻穿歸也迥地遮天這一頭

示峯頂智建禪者叅無字

狗子佛性無當下絕親疎如入千尋浪惟求赤尾魚
有角非闕鯉無鬚不是渠有無俱勦絕直探驪龍珠
又如四面火前方一線餘退步卽燒殺橫趨亦喪軀
烈燄非停止求生莫待徐用意切如此管取發靈樞

示叅禪偈

叅禪須鍊漢毋論期與限咬定牙齒關只教大事辦
猛火熱油鑄虛空都黃爛忽朝撲轉過放下千斤擔

又

叅禪莫論久不與塵緣偶剔起兩莖眉虛空顛倒走
須彌碾成末當下追本有生鐵金汁流始免從前咎

又

叅禪沒主宰祇要心不改萬彙及塵勞旋全誰恹恹
堅硬可擎天勇決堪攄海雖然未徹頭管取前程在

又

叅禪發正信信正魔宮震片雪入紅爐赤身遊白刃
只尋活路上莫教死水浸大散關忽開倒跨毘盧印

語錄集要 卷六

二

又

叅禪休把玩倏忽時光換至理雖玄奧秦時鏡鏤鑽
咄哉丈夫心着手還自判百年能幾何莫待臨行亂

又

叅禪無巧拙一念貴超越識得指上影直探天邊月
劈開胸見心刮去毛有血分明舉似君不會向誰說

又

叅禪須趁早莫待年紀老耳聾眼朦朧朝在夕難保
生平最樂事到此都潦倒佛法本無多只要今時了

又

叅禪莫治妄治妄仍成障譬欲得華鯨管甚波濤漾
至體絕纖塵妄心是何狀謹白叅禪者斯門真可尚
爲蔣居士薦母

叱去泥牛木馬橫拈玉線金針刺出真空錦繡何須
向外追尋

從來不是衆生何用更求活佛放光動地者誰喚作
天真一物

示雪航禪人

語錄集要

卷六

三

行盡千山與萬山逢人特地放癡愁一朝看破枝頭
月始覺澄潭徹底寒

示智鐫禪人

一片閒雲歸嶺去三間茅屋旁山隈乾坤裏向袈裟
裏今日分明付大梅

示炤浮禪人行脚

問君曾讀五車書掄管成文似有餘我已提鞭君信
否歸家應笑倒騎驢

示成涵禪人省親

幾回夢入故家鄉麥飯葱湯謾付量踏遍山川圖甚
事只須親見本爺娘

示志西禪人

分明兩口一無舌簌土揚塵無間歇突出海門大日
輪元來却是新羅月

爲六雪禪人入關

翻思昔日雲門老闢字相酬最上機分付博山問道
者莫教辜負翠巖眉

出關

語錄集要

卷六

四

始行大事六年雪頰入圓明一片水今日幸親無縫
塔掣開關鎖萬千層

示穆禪人

逢緣不盡謾云休細看瀉山五字牛肯信虛空成粉
末劫外無身何處遊

示廷禪人落髮

當機削去娘生髮露出摩尼頂上珠分付時人高着
眼此回親見赤鬚胡

答周肯成居士

苦海中流弄釣竿從渠漩洑不相參西江涓滴如吞
盡沙界都盧一座龕

示素真居士請經回

生成一片鐵心腸猛浪狂風頗願當今日回觀山頂
月逍遙誰謂脚跟忙
剗塵直欲見全經舟楫何辭泛遠溟怪石狂風穿下
過此回始道佛家寧

挽劉和鶴孝廉

澄江風細浪花開曾得金鱗上釣來抹搭不隨烟雨

語錄集要 卷六

五

散暮雲幾度夜招回

歲寒心有幾人知六月梧凋不近時却憶講經臺上
約而今已寫挽君詩

示衆禪人

一莖草上現瓊樓吸盡支那四百州贏得清風收白
汗何須特地使人愁
天高地厚問端繇棒喝交馳卒未休換骨洗腸猶不
是誰知屋裏販揚州

話頭一句如弦直問說如何見面親縱是風恬閒不

微還憐活水躍金鱗

一句話頭如鐵橛三千里外步如初從來心法無前
境大地收來一草廬

一句話頭如鐵橛逢人那論是和非直教凍殺阿羅
漢春到僧園菜甲肥

一句話頭如鐵橛年年九日是重陽旋風八字打不
盡開眼明明入鑊湯

一句話頭如鐵橛從前知解盡掀翻忽朝白浪滔天
地無手人撐沒底船

語錄集要 卷六

六

示如是禪人參無字

趙州無古今有伶俐衲僧顛倒走若干二處見根源
大似面南看北斗破無字兩重關重步登高萬仞山
縱饒絕頂橫身過吸霧披雲未可開筆直路行將去
誰管途中住不住只教倒跨紫金毛反側始能張露
布海底塵山頭浪興語玄機都不向月皎風清夜靜
時沾着纖毫成莽蕩反覆看不較多泥牛解吼木人
歌油瓶丟向籃筐裏笑殺當年凌行婆

示六義禪人

誰云有六義寧知一字無寄身如浮雲經世一須臾
男兒氣浩然眉宇動天樞灼然沒巴鼻迥與生死殊
打開大散關壯哉始自娛莫學班白人喃喃讀梵書
論義如流水究竟若交蘆真是獅子兒生成鐵額顱
又如猛丈夫杼海求明珠只教親管地裂破祖師圖

示陳居士

這界不曾藏眼根豈能見除是悟心人當下討方便
單提句話頭深追與力究纔欲涉思惟圓明成過咎
譬如破重關力與萬人敵通身都是膽輪贏在咫尺

語錄集要卷六

七

那復論危亡亦不分彼我抹轉上頭關無可無不可
果是獅子兒不向那邊討力就解翻身根塵光皎皎
清風拂夜月旭日盡朝露萬象咸點頭森羅盡回互
喚作無事人喚作猛烈漢更擬問如何水浸石頭爛

送無澤禪座上羅浮山

緬想當年景泰師芟茅構室海之湄羅浮絕頂恣遨
遊鐵橋峯畔連瑤池石門方廣容几席三更日上海
水赤旋渡乾坤辯故新吞吐風雲度朝夕上人今往
亦何求縱步勤登二石樓倒視滄溟如涓滴一千瀑

布稱雄流明月壇邊戒剎有殺佛焚經誇抖擻錫杖
源清浴活龍玉鷲峯峻逢花首七十二洞奏天樂百
千草木成瓊閣夜深險極轉身難踢破指頭親見脚
我亦將來步此山入林端不問人間折桂茹芝間歲
月時臨清碧炤衰顏

示林野上人

真修行辦已事願與釋迦爲嫡子迥脫塵勞大丈夫
好將名字標僧史住深山棲巖谷那管春花秋草綠
一箇閒人天地間饑寒飽煖隨緣足鋤爲枕草爲氈

語錄集要卷六

八

睡眠摩娑白晝眠西來大意山頭有何必臨機更豎
拳不勞心枉費力華藏莊嚴在咫尺大千沙界絕遮
欄煩惱無明都解釋不動步是真修體露金風得自
繇看破世間顛倒事青林深處一聲鳩

示念如上人

一口氣不來畢竟甚處去重玄奧義從斯起闊浮走
遍萬千遭歷劫何曾離自己識得自己是何顏毳衲
橫披露半班峭壁懸崖穿下過方知峯頂有層巒

示本宗上人

如何是本古路峻嶒踏得穩如何是宗澄江水底口
頭紅麻三斤與乾屎橛踏得如吞荆棘蓬識得此心
無二法動容不待眉毛眨破爛袈裟撩亂遮崢嶸頭
角恣騰踏不學諸方五味禪清風過耳自悠然聖凡
家業都拋却撒手徜徉笑掣頭旋身不踏無明草佛
法塵緣都潦倒本源靈湛絕週遮海底珊瑚和日皎
示慈門上人

一句話頭如鐵橛眉毛不與眼相參究心自古無多
事勞破疑團是指南疑團破處無涯岸突出衣珠光
語錄集要 卷六 九

燦爛從他八萬四千門門門撞着是這漢臨濟當年
赤肉團至今鮮血尚漫漫真人裏向袈裟裏鼓掌難
教覷面看只須揣出虚空骨徹底無依休恍惚順流
筆直到江西匡廬深處蛟龍窟五老峯前翠作堆劫
風幾變尚崔嵬江濤響入遊人耳莫錯呼爲脚底雷
示湛如上人

圓明湛湛妙無垠如涉纖毫卽是塵大地都來銀世
界更于何處覓金身休云妄莫分真只知一馬生三
寅匝地清風何所有笑看鸚鵡過西秦

示吳觀我宮論

一口氣不來畢竟甚處去血肉身心非常住勘破緣
生緣不生根塵卽是大寶聚鬧市叢中景物披何須
山塢與江湄負薪樵子機頭婦渴飲饑餐步不移百
草頭邊親祖意母拘路滑恣遊戲設將佛法當真參
沾着些兒成垢膩本來無古亦無今肉髻明珠豈外
尋黃鶴樓前伸轉語方知居士問頭深

示何芝岳尚書

一口氣不來畢竟甚處去靈山古佛親分付回頭石
語錄集要 卷六 十

馬出紗籠肯就家庭守珍御淨几明窗自在時花香
雲焰碧羅衣夜深月下翻清影無蒂珊瑚露幾枝折
杖行今途路杳旋身逾覺乾坤小不須別樣問通津
萬事無如出處好眼動眉舒曰妙存鴉鳴知是幾黃
昏依正報中親瞥地迥然無佛處稱尊

示方廣野居士

一口氣不來畢竟甚處去急着娘生雙眼覷洞然無
物飽齕齕逼塞虚空何處住既無住處肯干休鐵壁
銀山迸出頭謾道腰纏十萬貫端然屋裏敗揚州世

緣那更分清濁赤肉團中光閃爍箇箇柴頭品字煨
風流何啻三禪樂撫掌捫空意灑然浮山湖畔草芊
芊倒騎驢子都遊遍破霧披雲不記年

示吳九濤居士

一口氣不來畢竟甚處去百年光景從頭數忙忙三
萬六千朝莫待臨時申苦楚長安大道痛加鞭行不
前今亦奮然直待九重宮殿裏金爐應有暗香傳翻
雲覆雨曹山墮活潑機輪無不可纔欲將心度量來
温州桔皮不是火世間無水謾云波吸盡西江奈爾

語錄集要卷六

十一

何酬渠祖意山頭有紫霧紅霞映碧蘿

示胡永稜縣尹

一口氣不來畢竟甚處去白日青天誰不覩還鄉盡
道是兒孫就裏無容誇佛祖箇中原不立階梯土面
灰頭孰與齊欲問故鄉晴雨候須知脚下有黃泥驅
排奪食男兒漢步不移兮登彼岸何必區區藉世燈
額上明珠光燦爛夜無惡夢日無驚大地山河一掌
平好把虚空百鍊碎不期華藏宛然成

示宋大山孝廉

一口氣不來畢竟甚處去晴是日兮陰是雨翻來覆
去見根源裂破胸襟誇步武母拘坐臥及經行展似
眉毛作麼生雨後花香人發笑霜前巢熟鳥相爭道
人頗與分時節圓圖不用頻饒舌鐵馬嘶殘劫外風
大圓覺裏無豪傑你既無心我也休兩忘何必強追
求趙州可煞添鹽醋傾出當年投子油

示方肅之館元

一口氣不來畢竟甚處去母問三千七百祖公案交
橫眉日間無心理會閒家具法身清淨厠坑籌沒來

語錄集要卷六

十二

孫處有來孫一朝撥出通身汗始覺從前滿面羞着
衣吃飯隨時好何自稽遲不自了抹轉娘生惡面皮
觸着通身都是寶開不成單合不雙後園驢子繫枯
椿翻他覷井真三昧隨處逢人豎法幢

示林下石居士

一口氣不來畢竟甚處去劈頭認取最初步縱橫萬
里不離天莫待臨時泣岐路欲知淮甸與江干連絡
駢闐車馬殘散盡浮雲開眼看洞庭無蓋法身寒凍
殺法身成底事隔岸無分他與自塵塵判判絕纖踪

誰道姪房并酒肆峭壁層崖不可攀還期陸地見波
瀾風聲鳥語宜真諦都在龍眠煙水間

示能止靜主

一口氣不來畢竟甚處去穿過千門并萬戶佛法何
曾有覆藏只要時人行大路纔有纖毫卽是塵幻絲
真諦不須分杖頭痛處知端的直下原無第二人譬
若行船牢把柁南北東西都看破只圖拖後清風生
管他眼底浮雲過不涉廉纖彼岸登傳衣無媿嶺南
能深山茅屋誰爲主土面灰頭一箇僧

語錄集要 卷六

三

示楊蘭似居士

一口氣不來畢竟甚處去自古慈門無阻拒寶所非
遙趨進時縱橫原不循規矩明中有暗暗中明明暗
相參罷問程杓折驪龍頭上角珊瑚枝畔水痕新料
撒通身虛捏怪眼耳鼻舌分疆界捏碎椰圓總不妨
自買應須還自賣運水搬柴識得渠從來就裏絕親
疎深山佛法依何住鳥宿雲藏月上初

示謝中穩居士

一口氣不來畢竟甚處去倒卓眉毛別有路因地一

聲猛省來人在煙雲最深處心如古井不生波笑殺
臺山指路婆豎起拳頭明歷歷放開布袋奈渠何覲
面縱橫無忌諱當機那論剎那際十方三世絕週遮
畱塞誰分心境異塵勞堆裏妙蓮香東土西天謾舉
揚更有一言吐不出無人處所爲商量

示齊季籲居士

話頭一句如弦直生逼魚蛇化活龍大地山河成粉
末眉毛血濺梵天紅

示方奕予居士

語錄集要 卷六

古

話頭一句如弦直人在水山雪洞來時節不同塵世
界桃花九月滿園開

示姚申甫居士

話頭一句如弦直混入方知不夜天路載碧雲雲載
月無身人坐案前山

示劉君含居士

話頭一句如弦直行過三千大千掉轉身來何境
界夜明簾外月當天

示劉爾靜居士

話頭一句如弦直水底紅塵山上魚布袋都來收拾
盡珊瑚枝上喜踟躕

示古田上人

話頭一句如弦直劈破虛空騰氣豪按下雲頭收雨
脚真情踪跡在漁樵

示止水上人

話頭一句如弦直直捷何須論法身果是超方烈漢
子脚跟不帶故鄉雲

示恒如上人

語錄集要

卷六

圭

話頭一句如弦直風雨無停竟到家却笑後園驢吃
草夕陽西照影偏斜

示陳聘之居士

話頭一句如弦直裂破閻浮猛丈夫倒跨崑崙何處
去眉毛睫上好安居

示吳鼎甫居士

脚跟無地不青山祖意還期顧盼間識得未拈花去
處是非不到飲光顏

示衆偈

話頭一句如弦直地覆天翻不動心只有一條生活
計隨緣逾入逾知深

又

一句話頭如鐵板碧雲深處有家傳相逢不必重宣
說處處春風楊柳天

又

一句話頭如鐵板死中要箇活人來六根粉碎成團
去優鉢羅花遍界開

示孤月上人

語錄集要

卷六

圭

講席都遊過來參沒味禪鋤雲栽紫芋引水種青蓮
遶谷嵐浮樹乾柴火少煙松風與夜月相向不須錢

示李若杜居士

日用事無別間栽石上花晴空尋鳥跡陽燄燒魚飯
酒肆尋彌勒姪房訊釋迦纔將清濁辨緣境亂如麻

示金燦宇居士

日用事無別避喧轉覺難飢餘歌畫永燭盡笑更殘
一切但仍舊萬般都是閒纔生分別想知隔幾重山

示魁杓居士

信心功德聚凡聖莫岐分放出唯三要收來只一塵
不從他變態母用自紛紜識得衣中寶何愁徹骨貧

又

信心功德聚真箇火中蓮曠劫元無異今生幸有緣
揭開塵界網印破水中天最喜金剛寶光明炤大千
次曹能始廉憲韻示諸同行者

登山須及頂縱步莫移時路險惟憑杖岐分必問師
雲深行趁早日落悔來遲力盡機忘處堂堂我是誰
贈宮保元勳徐六岳居士

語錄集要 卷六

七

不忘靈山親付囑長安大道行人速一鞭木馬踏花
飛九重宮殿爐煙馥閒拈拄杖撞虛空逼塞誰分心
境同到得還家花未老白雲依舊故山中

贈徹候方心寔居士

不忘靈山親付囑大鵬久住金剛窟但問歸家歸未
曾休將古德商遲速虛樓百尺倚晴空門閉梯捐路
自通不動步時彈指入樓前木馬夜嘶風

贈勳卿詹見五居士

不忘靈山親付囑紅塵豈障叅禪骨雲衣不掛忽然

懸滿目桃花春簇簇春風吹樹看春來露柱生兒笑
滿腮識得無生親的千任君掩耳過經臺

贈大鴻臚顧醒石居士

不忘靈山親付囑這箇都非心佛物慕爾通身熱汗
流一味之間百味足百味誰嘗一味非旅中無繫自
知歸解道澄江靜如練令人常憶謝玄暉

贈同卿徐南高居士

不忘靈山親付囑紅藕池邊波可拘通身獨露放光
明萬里山河清淨日庭生瑞草未爲奇瓮裏醅釐變

語錄集要 卷六

六

紫芝碧眼胡師吞未盡酸甜只貴大家知

贈同卿何天王居士

不忘靈山親付囑識取未生前面目柳風梧月主人
醒掃花間殺樵青僕春到黃鶯語亦親半塘遙隔見
通津還他寶劍金羈子任我穿衣吃餅人

贈勳卿俞客自居士

不忘靈山親付囑學道先教無厭足假饒已悟更加
鞭管取千魔俱殞沒護持須護自心王冰雪中間別
有香大着眼睺看仔細丈夫眉宇舊昂藏

贈侍御徐孟麟居士

不忘靈山親付囑
光明智火燒殘臘
逢人何處着商量
盡日芙蓉看未足
芙蓉霜刃向雲磨
魔佛絲來奈爾何
露布已聞鏡吹奏
太平端許臥山阿

贈侍御任文升居士

不忘靈山親付囑
緣生世諦多林麓
剎開慧眼顯全機
官何塵緣空碌碌
突出衣中無價珍
從來見處不依人
大圓覺體光明藏
淨白元無一點塵

贈侍御吳黃岳居士

語錄集要卷六

九

不忘靈山親付囑
清光瀉靄彌山谷
舉頭誰不見青天
男兒肯向他尋
逐侍客迎賓
事事長跬步
何曾離本鄉
了知動轉非他物
優鉢羅花遍界香

贈民部朱羅青居士

不忘靈山親付囑
回首紙穴凝蠅出
疑情舉處要分明
莫把心量重
卜度大千經卷一塵微
只貴當人剖出之
曾向洛陽宮裏過
春花春鳥總宜詩

贈祠部蔡聖龍居士

不忘靈山親付囑
慧燈好向風前續
青天白露鷲峰

明更從何處分
真佛無分無別阿
誰知當下知歸我
是誰猛火煅成清淨土
一聲孤雁夜聽遲

贈司馬麗序皇居士

不忘靈山親付囑
春氣非傳紅與綠
一念攀緣眼底花
片言玄妙膺中物
空諸所有實諸無
活殺從來是丈夫
山色溪聲還跳出
閭闔藍風雨對屠沽

贈司馬曹安祖居士

不忘靈山親付囑
浩然氣宇食天祿
堂堂妙用絕周遮
百匝千重光是
豎底事分明說似君
碧空花雨亂

語錄集要卷六

十

紛紜飯餘柳岸經行慣
清風微動水成紋

贈繕部吳泊如居士

不忘靈山親付囑
海外波斯雙赤足
夜來龍藏掌中生
鎚碎休教添碌碌
俊骨摩天秋氣高
虛空無物見纖毫
驅耕奪食男兒事
一任西風爽布袍

贈繕部王季常居士

不忘靈山親付囑
雪冷須彌偏突兀
拈來青裏大如瓜
見後桃花青似菊
熱油鎚紙大方饒
莫使重留貼肉衫
到得感恩知愧日
許君親見老香嚴

贈虞邵白雉衡居士

不忘靈山親付囑社舞村歌堪薦入歌聲鼓節遺誰
聞耳中供個觀音佛虛空消殞一人邊草淨湖南萬
里天一句相憑重道當石人雙耳聽聲前

贈水部周敏山居士

不忘靈山親付囑珊瑚影映澄江綠清風明月兩相
知蓮花水面如車軸石頭城外草芊芊踏月穿雲知
幾年一自洞庭歌罷後至今花雨尚翩翻

贈田曹金蘿石居士

語錄集要 卷六

王

不忘靈山親付囑禪林直豎蒼山骨迥然一念射當
人此是吾家真種族空花輪轉本來無迷悟俱非井
覷驢討得鑊頭些子味臥雲嘯月種松株

贈田曹吳芑膏居士

不忘靈山親付囑刻刻須教深入本和身迸透頂門
開六六原來三十六鐵船無恙海潮通月落沙寒釣
已窮若向此中親薦得竹簫吹過斷蘆中

贈國博丁蓮侶居士

不忘靈山親付囑蓮花漏裏西裝做一輪海日兩頭

忙六字彌陀千遍讀口中讀讚心思惟直下追尋影
自隨生則決生去不去子規啼過古梅枝

贈國博錢叔蘊居士

不忘靈山親付囑寶華淨界無延促眉睂之下鼻頭
垂何人解把舟行陸方舟渡子不曾迷說着河源却
未知雪滿短策寒夢破自驚身是釣魚師

贈奉常林如冲居士

不忘靈山親付囑熟處當生處熟却將生熟一鐺
煎跛鱉盲龜稱萬福出門何地不青山傍晚征夫聞
語錄集要 卷六

王

未聞開徹確花供醉服磨成磚鏡焰衰顏

贈中秘吳文孫居士

不忘靈山親付囑頭頭法法光明域虛堂無事一聲
雷野狐跳入金毛窟金毛獅子解翻身這裏分明不
昧因吐却狐涎入狐隊出山人是住山人

贈進士汪叔度居士

不忘靈山親付囑康莊車馬偏難忽黃塵冉冉遍天
涯憑君拭洗青山俗青山無况着秋烟鹿草龍芝種
玉田獨有一年收未得祖珍拋散禁城邊

贈孝廉沈得一居士

不忘靈山親付囑得意華驕風趣足奔騰蹴踏見分明
萬里空山尋古宿尋人花影落繽紛玉帶誰教報
衲裙合有臨行饒舌處鍾山雲似博山雲

贈孝廉陳貢生居士

不忘靈山親付囑白石蒼松堪擊筑擊出針鋒一線
通千流萬派堪凝澁山頭白浪海中塵囊裏無錢賸
買春月滿珊瑚枝自露跣趺應笑劫前身

贈孝廉徐六虛居士

語錄集要卷六
不忘靈山親付囑宗門豈傍他人入英雄眼底笑男
兒清風古路無迂曲參禪先令識心閒錦鯉成龍一
躍問皮袋生光情愛盡淡將言句寫溪山

贈奉常曹清之居士

不忘靈山親付囑參禪莫就禪中宿當日惟知劒柄
長而今始覺毬門複枯椿未始是枯椿觸處風搖白
玉幢萬里泥牛奔影去碧雲無賴滿春江

贈廣文陳允嘉居士

不忘靈山親付囑斷崖峰頂黃茅屋十方坐斷見春

風撥雲夜看千花谷跨着楊岐三脚驢不逢渠處也
逢渠解開布袋憑人看妙用臨機果不殊

贈參軍張時華居士

不忘靈山親付囑十年豫造征人服征人未免挂征
鞍會免臨岐多倉卒繡幢烟影碧油車放出南山鱉
鼻蛇若道葛藤猶未斷一杯清供趙州茶

贈參軍周元執居士

不忘雲山親付囑牧童明月騎歸犢未到人牛不見
時休隨草色平川綠雨餘芳草是前村牧笛無端欲

語錄集要卷六

五

斷魂却向古鄰荒寺去大家扶起破沙盆

贈司馬劉斗樞居士

不忘靈山親付囑縱橫出沒無拘束閒雲踪跡渺天
壤魔佛從來皆眷屬放生容易殺生難火宅之中叫
野干露地白牛車上坐寶鈴珠網夜天寒

贈光祿吳淳太居士

不忘靈山親付囑鉢盂中是千鍾粟橫吞一粒齒牙
香却笑饑人果空腹一粒原來何處生大千心畝廓
然平夜來賸有栽秧雨好向綠楊聽曉鶯

贈典謁葉翼所居士

不忘靈山親付囑花峰豈就枯枝宿鑽向銀山鐵壁
中他家好似無情物場開選佛看登壇莫道心空及
第難踢殺猢猻縛殺鬼不知菩薩是何官

贈宮端丘言思居士

不忘靈山親付囑彌陀一句無真俗數珠繩斷佛聲
消卞和剖破荆山玉分明寶鏡映千燈擇葉尋枝我
未曾識得燒菴真供養泥牛搖尾過窓櫺

贈孝廉李在璞居士

語錄集要 卷六

圭

不忘靈山親付囑修幢拗折蒲湘竹寶相門開聲悄
然短衣破笠黃金域江風淡蕩法身寒江雨淒清夜
未殘休把鵲啼比鶯語萬花叢裏現優曇

贈中翰葉白於居士

不忘靈山親付囑期君試聽無生曲無手人彈無耳
聽聚合從前親骨肉團團何處問他方一片空心選
佛場打鼓却看誰作主釣魚原是謝三郎

贈岡卿余集生居士

不忘靈山親付囑爾自彈絲我吹竹合成一調供衆

生梵天花雨成天穀攪不清兮燒不香捉賊須教有
正賊溺器踢翻清夜曉傳燈名字間僧行

贈都閫余周生居士

不忘靈山親付囑日午虛窓剔明燭厨前巧婦細思
量自笑能炊無米粥諸天同器不同餐肘後金符近
已刖馬足似雲弓似月將軍今夜下三韓

贈太學方士雄居士

不忘靈山親付囑青山滿目原非物荆棘叢中穿過
時何論橫趨與直入旋風八字打將來寶網金繩觸

語錄集要 卷六

圭

處開萬壑千巖春自煖鬼光和露護珠胎

贈太學汪吉所居士

不忘靈山親付囑加鞭倒跨泥牛犢牛背頻將鐵笛
吹聲聲韻出無生曲無生曲子孰賡和石人解拍木
人歌遊遍支那歸去晚衣冠之下古彌陀

贈文學陳旻昭居士

不忘靈山親付囑瓊苗遠發瀏陽佛揚吾家醜逼吾
忙管保千生受塗毒千生只在一朝圓毒鼓聲騰萬
馬先廓爾子韶明物格紫雲金殿暗香傳

示余得之居士

不忘靈山親付囑日用何妨耕與讀書中全露聖賢
心大似良田獲嘉穀聖賢俱自道場來儒釋源流莫
浪猜會得拈花微笑旨龜毛拂子舞三台

示泰水禪人

一口氣不來畢竟甚處去剔起眉毛知住處銀山鍊
壁也須開劈面當機解回互大力量休恐怖趙州略
約古今傳笑看幾多驢馬渡

示鄧九如居士

語錄集要

卷六

七

頓悟心源開寶藏灼然笑點馬師圈頂門果具摩醯
眼黑白終歸句下圓

示李何事居士

頓悟心源開寶藏摩娑睡眼見青天現成公案重拈
出三個猢猻夜簾錢

示傅遠度居士

頓悟心源開寶藏衲衣底事有來繇團圓吞箇青州
棗直至而今飽不休

示劉今度居士

頓悟心源開寶藏庭前栢子話偏長道人不論西來

旨一陣清風一陣涼

示鄧直卿居士

頓悟心源開寶藏家風不與世人同百千萬種諸三
昧只在尋常語默中

示劉文長居士

頓悟心源開寶藏全身領荷亦遲遲更思吸盡滔天
浪笑倒江西馬大師

示葉對育居士

語錄集要

卷六

七

頓悟心源開寶藏肘後靈符衣裏珠幾多玄妙都拋
却認取楊岐三脚驢

示王有功居士

頓悟心源開寶藏毘盧頂上好安居須知別有通霄
路烈漢從來不畜書

示吳叔達居士

頓悟心源開寶藏隨聲逐色過朝昏一條拄杖穿雲
走得失親疎總不論

示瑞崖上人

頓悟心源開寶藏扶桑元在海門東衲衣時藉雲霞
補剪尺無煩問誌公

示泡菴居士

頓悟心源開寶藏眉毛血濺梵天紅橫拈寶劍當陽
擲觸處逢渠振祖風

示元淳居士

話頭一句如弦直耀日精金靚面看行過水晶宮殿
去門前尚有玉欄杆

示顧長卿居士

語錄集要 卷六

无

話頭一句如弦直甘露還從天上來八角磨盤親撥
轉無根樹子倚雲栽

示姚鄰卿居士

話頭一句如弦直進步寧知行路難稍得順風催客
便蕭然無意過三灘

示劉自度居士

沒踪跡處莫藏身釣盡澄江躍浪鱗藏身之處沒踪
跡華亭兩岸花狼藉迸破虚空別有天綠楊深處草
芊芊更須簡點家常事跛脚驢兒在後園

示汪心鏡居士

來機卽赴未爲難肯觸俱非肯緊問大火聚中看變
態真文不欲露全班

語錄集要 卷六

平

無異元來禪師廣錄

明
弘 無異元來
幹 撰
等 編

無異禪師語錄序

大光明中無物不有。無物不空。真俗二諦於中影現。一點靈明。融入知見。一念警起。認爲安身立命之處。或遷轉不停。或堅凝不化。其升其沉。一任造物播弄。大丈夫宇宙在手。造化在心。奈何聽氣命機。甘心作役夫。導我者而豈徒哉。不肖於童稚之年。潛思出要。耿耿在心。數上公車。輟於一第。謬徵恩命。司理信州。聞博山自天台紹國師開闢以來。傳燈不絕。今者無異大師嗣祖而橫出一枝。建立宗風。隨機唱導。閱四載始造而請焉。觀其神情超朗。如獨鶴摩空。而又肅然慈和。不自標異。叩其中淵。乎其不可測也。夫既目擊而道存。已傾蓋無他語。蒲團對坐。咨決心疑。弟子出函見示。乃師上堂語是日。大暑揮汗如雨。披閱間。忽似微風庭樹山嵐俱生。涼氣透體。爽然炎蒸如失。師於此際起而問曰。還會也未。余時無言。悵悵而別。嗚乎。拈花相授。誰知微笑之風。鼻孔揀天。熱是擎雲之手。是爲序。

弟子 趙士禎 和南顯

錫類法檀序

夫世間人不能行出世間孝。而出世間人乃能盡世間孝。以余觀于錫類法檀之篇。則博山大師無如矣。生致其養。沒致其思。世間孝也。師則行之情致其剝性。致其偏。出世間孝也。師則盡之。幼痛慈母。及長宦學。而過聞慈父之喪。有懷二人。代哀以染古人大事。未明如喪考妣。師當此際。是實非如記所稱。充充如有窮皇皇。如有求而弗得。將此深心。向船子藏身那畔。穿却阿爺法身鼻孔。六年夢破。曠劫冰消。邈得雲巖高懸寶鏡。靈衣不挂。孝滿曹山。燕地相逢。久遠如昨。敬田悲水。藐矣三公。淨土禪波。曷哉九品。泊乎西往。遂矣東征。日照高山。雨滋小草。數株宰樹。垂妙蔭于桐卿。一瓣心香。寶祥煙于浮渡。脫也長羈。子舍無過。列鼎重茵。孤滯空門。詎視新豐舊里。還觀震旦玉殿。簾前水田衣底。惡有心空及第。就養無方。饒悲海之醍醐。茂慈山之肥膩。世出世孝。一念圓修。如我大師之爲錫類主手。蓋聞空谷傳聲。唱酬雙舉。覺華散彩。因果同時。以心印心。有種似種。是錫類之義而已。

矣。我儕欲爲大師之類而未拜大師之錫如盲龜之待浮木。精心瞪目終託慈航。既拜大師之錫而不爲大師之類如盲龜之失浮木。一瞬三祇永沉劫海。得不人人痛心疾首。願就法壇所付本參。寤寐思服。懸巖撒手。曾遇親娘。絕後再甦。全身歸父。國中按劍。殺盡安居。鵲卵宵啼。鶴毛曉墮。正恁麼時。還有博山。禮敬回向處也。無還有博山。應緣垂化處也。無還有博山。著投子布衫。過浮山法鼓處也。無直得石火光中。忙追轉影。空花枝上。閒撥衣珠。一回驚風。冲霄當處。羚羊挂角。但了白雲。常倚莫問青山。不知生死情。剎心心不觸。涅槃性。徧步步還鄉。無始劫。勞利那報足。大孝不匱。猶曰海之一滴。何況其餘。如或未然。且從錫類篇中作箇靈魚。隨分咬著一字半字。他生後世。返鄉有日在。弟子廣滄吳應賓和南謹序。

廣錄序

先壽昌於法門寂寥之際。言中有響。脚下無私。使洞上一宗復振。厥功偉哉。玉山垂示。推倒博山水到渠。

●廣錄序
第十七卷第五

●廣錄序
五卷第二

成通身是口。譬如空中樓閣。面面玲瓏。法音光明。遍照恒河沙世界。天下翕然宗之。余再謁博山於壽昌。特蒙印契。遂以事先壽昌者事之。客冬道過懷玉。晤六雪蘭公於瀘山。出示廣錄一編。重觀生面。如析樹檀樹片片皆香。固佛法中標準也。向上玄機。離文字相。且道博山先師還有廣語也。無自從胡亂後三十年。未曾少鹽醬。弟子黃端伯稽首和南撰。

禪語序

警乃醒覺之義。或云驚也。譬有賊瞰巨室。主人張燈夜坐。堂皇之上。警欸作聲。賊思不能便稍爾昏睡。則乘間而入。囊爲之傾。故嚴城擊柝。刁斗鳴。輒卒有變而無虞。以其警備於機先也。人有生死大患。乃萬劫不醒之長夢。況亦爲賊媒。日劫家寶。不有大覺之雄。痛語警醒。則終身醉夢了無悟。日非但睡時做不得。主即白晝開眼。覺語尤甚。故博山大師乘悲願力。來作大醫王。用一味伽陀。遍療狂狷業病。故有示禪病藥語。直捷簡當。把參禪骨髓中病。都說透。過其開示。

一門下一有
一門二字

一門一作味

一門一作弄

做工夫語最爲喫緊。真是禪門切要新書。亦抹世之金丹九轉也。夫禪也。假名無體。何有病乎。蓋參禪人多起執情。誤解被心。意識識殺。不向機境上求。使向學解中討。或被古人言句。礙膺。或向死水裏浸殺。或坐在無事甲裏。不是靈利。心死不得。便是癡著。心轉不得。故命根難斷。生滅宛然。通身都是我病者。是禪有病也。甚則成狂。著魔。佛亦不可抹。此名業病。非禪病也。假饒死得種種心。下肯做工夫。與法身理相應。不曾歸著。向上關。板坐在飯籬裏。輕安自在。只箇輕安。正是禪病。故僧問古德。如何是清淨法身。德云。無量大病源。此語如栗棘蓬。吞吐誠難。古人從眞參實悟中。病過一番。來其垂手處。自不亂下鍼錐。要箇絕氣息。識痛癢底。漢方肯診視。是以識病乃能去病。調已然後。調人可謂三折肱爲良醫。歟。博山大師自來參究此道。極是融通。凡有言句。皆中肯綮。非故爲高妙玄著之談。使人不知。乃平日親證實履境界。見到說到。行到。用。到。其義理精明。辯才無礙。所以快說禪病。如握秦宮玉鏡。照見羣僚肝膽。一毫隱諱不得。古

一門一作弄

今歸曲盡。牀稱善知識說禪者。如師之妙罕。儼然禪病最難說。說亦不能盡。何哉。病卽法身之病。法身無數病。寧有極善救法身病者。以病爲妙劑。以病爲家常茶飯。以病爲貼肉汗衫。在善葆之而已。古人於病假中。游戲而爲佛事。蓋看破法身無主。病自霍然。故洞山道老僧看時。不見有病。特緣妄想執著。故禪病競生。昔佛說楞嚴五蘊魔事及外道偏計。卽是今人禪病中事。然著卽成魔。計則名外。不著不計。亦云爲病。所以云不作勝心。名善境界。若作聖解。卽受羣邪。法華云。有一導師。善知通塞。險難道路。故能導彼衆人。前至寶所。然則大師此書。正末世舟航。初心徑路。豈但有益於今日。亦有補於將來。決欲參禪做工夫。求大悟門。肯細觀此書。大有相爲。作略能使疑情發不起。處發起。病根點不破。處點破。如披沙露寶。要渠自取。如開霧見天。使人不迷。截路中有出身之路。死句裏有活人之句。如圓珠走盤。不滯一語。其妙用如此。人人知此用心。可以坐睡見道。不費許多草鞋錢。直到大安樂田地。與佛祖同一鼻孔。通風有能以此。

自警者而警衆復以此自愈者而愈人亦名現在醫王使祖師命脈流通國脈與慧脈竝固庶不負大師垂示之方便願力云爾是爲序

萬曆辛亥歲孟秋月弟子劉崇慶和南題

宗教答響序

善問者如攻堅木先其易者後其節目及其久也相說以解善待問者如撞鐘扣之以小則小鳴扣之以大則大鳴待其從容然後盡其聲不善答問者反是學問之道無不皆然而況佛祖法門生死大事而可瞢瞢瞶瞶若捉影捕風揣摩測度若鑽龜卜瓦者哉夫所謂不善答問者豈必誠不善也蓋有自號爲知識而轉墮於不善者何也有意爲善斯不善已吾讀宗教答響擘分肌理兼總條貫遂使箭括鋒尖的有正鵠劍刃上事化爲坦途問者本分答者當機善之善者也過此以往或居士應更有相說之解大師應更有從容之聲思惟路絕言語道斷者余雖不敏尙願與聞之戊辰秋月弟子張瑞圖書於博山叢林

無異禪師廣錄總目

卷首

語錄序趙士麟撰

錫類法檀序吳應賓撰

廣錄序黃端伯撰

禪警語序劉崇慶撰

宗教答響序張瑞圖撰

卷一之三

住信州博山禪寺語錄

卷四之五

住建州董巖禪寺語錄

卷之六

住建州仰山禪寺語錄

住福州鼓山禪寺語錄

卷之七

住金陵天界禪寺語錄

小參 晚參

卷之八	茶話	普說	問答
卷九之十	拈古		
卷十一	頌古		
卷十二	佛事	佛祖讚	自讚
卷十三之十五	禪警語	開示偈	
卷十六之十九	開示偈		
卷之二十	淨土偈		
卷二十一之二十五	宗教答響		
卷二十六之二十七	宗說等錫		

卷二十八之三十	書		
卷之三十一	啓	序	
卷之三十二	序	引	跋
卷之三十三	文	疏	壽言
卷之三十四	輓辭	詩	五言古 七言古 五言律 六言絕 七言律 五言絕
歌			
卷之三十五	博山和尚傳贊	日景贊	
壇銘吳應寶撰		緣序弘治撰	
總目終			

無異禪師廣錄卷第一

住博山法孫 弘滿 彙編

首座法孫 弘裕 同集

住信州博山能仁禪寺諸錄

師住博山有年。禪教輳集。未嘗開法。因壽昌五致書。相趣出世。乃陞座拈香云。此一瓣香。金藏雲而嚴枝。幹香水海以潤根株。龍樓迎瑞而紫氣飛騰。寶殿籠煙而祥雲遍布。燕向爐中端爲祝延。

今上皇帝聖壽萬安。

皇后齊年。太子千秋。福基同華藏以莊嚴。壽筭共毗盧而等量。更祈檀那衍慶。海衆安和。此一瓣香。淨明日月曠蕩。乾坤空覺性而無佛無生。熏萬葉而有因有果。燕向爐中專伸供養。

壽昌堂上本師無明大和尚用訓法乳之恩。歛衣就座。白椎竟。師乃云。佛不求佛。心不傳心。如水與水。似金博金。會得也。目前包裹山。瀾遠長。嚙會不得也。目前包裹林疎鳥不驚。會不會。總目前包裹空。宣無相偈。卽此包裹也。須包裹水操沒。弦琴諸昆仲於此徹。

去以須彌山作四大海。白浪滔天。以四大海作須彌山。紅塵滿地。烹虛空之髓。而滋味恒新。挑水底之燈。而光明亘大者。裏無加芒。索箇中何用金針。所以道指南一路。智者知疎。向上一機。石人撫掌。開彌勒之樓閣。而行願重重。毗盧之頂門。而毫光燦燦。到此則步步通玄。智不能知。識不能識。諸昆仲。此是故鄉景象。若肯就路還家。便得轉身歸父。還肯麼。自是不歸歸。便得五湖煙景。有誰爭。

上堂。揣虛空。骨吞栗棘。蓬剖開塵界。妙運寰中。白雲七片。八片。籬菊一叢。兩叢。分明漏洩。西來意。幾多眼耳。尙盲聾。諸昆仲。仔細。更有泥牛吼月。木馬嘶風。分明向伊說破。赤肉團上。有一焦尾大蟲。喫莫把黃金當作銅。

上堂。卽心卽佛。馬大師板齒生毛。非心非佛。馬大師眼光落地。不是心。不是佛。不是物。王老師柏隨來也。博山總不恁麼。白蘋及翠羽。野老笑相親。博山總作恁麼。寶中天子勅。塞外將軍令。還知博山意麼。若知博山意。便會祖師意。若知祖師意。便會諸佛意。若知

諸佛意便會自己意。諸昆仲不可虛延歲月。踴躍過時。猛著精神。發明斯道。始不被天下老和尚舌頭礙也。當知天下老和尚共一雙眼睛。看人共一箇口皮吐氣。諸昆仲還會麼。雲來碧岫。山裝面。月到澄潭。水畫眉。

上堂。傾瀉倒嶽大地。全收簸土揚灰。纖毫不立。全收則該羅廣博。須知白晝難鳴。不立則澹泊虛明。誰解紅塵大。吠是佛。亦打是魔。亦打管甚。船來陸來。饑也一餐飽也。一餐且喜。柴乾水便。沒蹤跡。莫藏身。一雙赤手逢人。且乞一文。藏身處。沒蹤跡。兩朵攢眉。遇佛堪消三拜。吾在藥山二十餘年。方明此事。親言出親口。莫使外人聞。諸人藏身處。博山總知。博山藏身處。諸人不知。諸昆仲。今日在此法筵。不免覲面相呈。若到諸方。逢人不得錯舉珍重。

上堂。冬不寒。臘後看老儂。不愛雪。稚子哭衣單。惟有東村一箇沒。傷。僂。漢。鬚。頭。垢。面。赤。手。空。拳。寒。不。怕。寒。熱。不。怕。熱。最。冷。唱。箇。雪。詞。兒。最。饑。做。箇。糶。米。漢。無。一文錢。要與天下人。圖富無一分色。要與大地人。爭妍。

有時在十字街頭。倒騎鐵馬。有時在西洋大海。逆上須彌。有時在烈火燄中。嚼冰嚙雪。有時在紅塵堆裏。掐草挑燈。有時指東話西。有時呼南爲北。將三乘法。顛以作門。牆指十地菩薩。而爲眷屬。諸昆仲。斯人還合伴。不合伴。復笑云。已被博山收下了也。

上堂。驚湖云。睦却眼。兮剔起眉。反覆看渠渠是誰。洞山云。渠今正是我。我今不是渠。石霜云。渠無國土。何處逢渠。或有云。渠無生死。或有云。渠儂得自繇。或有云。渠不作箇解會。諸昆仲。渠者何物。爲與眼對。不與眼對。若與眼對。則成二物。不與眼對。因甚。反覆看渠。若直下看破。便會得渠。正是我。我不是渠。若會得我。不是渠。便能獨蹈大方。孤峯自立。正不立。玄偏不附。物便會得渠。無國土。何處逢渠。既無國土。無量劫來。求生相了。不可得。求死相了。不可得。便會得渠。無生死。果無生死。千自繇。百自在。便會得渠。儂得自繇。若到恁麼田地。言語道斷。心行處滅。便會得渠。不作箇解會。博山此語。如浪擊銀山。花開碧岫。石女揚眉。玄猿捕影。三歲孩兒。頭似雪。欄底游魚。忙不徹。展似眉。

毛作麼生。分明底事。叮嚀說諸昆仲。且道叮嚀事作麼生。雙手拍開銀世界。縱橫誰辯往來源。

上堂。至理不逾至功。不宰至道不形。至了不辨。於此四句相應。便做箇灑落。諸僧。眼不染玄。黃脚不沾泥。水意不緣。諸法。舌不親玄旨。到此則圓機普應。玄度該通。淨體無依。靈明絕待。所以玄沙大師云。羅籠不肯住。呼喚不同頭。古聖不安排。至今無處所。諸昆仲。今時禪者。不信自心。是佛向外求。佛不信自心。具足諸法。向外求法。既昧自心。縱有弘爲。皆生死之業耳。又當知求佛求法。即有所依。既有所依。於自心不得自在。譬如窮子。鈴鐺辛苦。乞食自濟。昧却衣裏無價寶珠。豈智者乎。夾山大師偈云。勞持生死法。惟向佛邊求。目前迷正理。撥火覓浮漚。無事久立珍重。

誕日上堂。本無今有。笑看鏡裏狂花。本有今無。攪動巖前湛水。一片白雲。瀾漫幾多花鳥。迷蹤拶碎虛空。繡襦烹煎佛祖。高揮寶劍。草鞋救取貓兒。還他一箇皮囊。贏得五湖明月。所以大覺世尊。捨王宮入雪山。觀明星開道眼。於三七日中。思惟是事。然後開權顯。

實說三乘法。及至末後拈花示衆。便云。有教外別傳。箇點將來。如夢境相似。博山生居黎庶。無王宮可捨。遊化東土。無雪山可入。大地黑暗。無明星可觀。奴郎不辯無道眼。可開然則。貴賤雖殊。要且頭腦相似。自幼便可憐生。二十以前。成家樂業。二十以後。花墜家財。三十以前。向北鬱單。越解三玄。戈曹三十以後。在南贍部洲。碎五位鎗旗。四十以前。你要去。我有鉤兒。鉤你博山。却不鉤你。任你千里萬里。四十以後。你要住。我有錐兒。錐你博山。却不錐你。任你在蟻螟眼裏。今日正當四十歲。鉤錐一齊息。博山不在者。裏博山有一塊古地。基自天台韶國師開創以來。千有餘載。雲峯信道者。克紹相繼。亦數十餘年。今日在此說法。是本有今無。耶。諸人面前。不得說夢。是本無今有。耶。諸人面前。不得說夢。看破夢境時。如何。諸人面前。不得說夢。何以故。箇中求其生。無生。不可得。滅無滅。不可得有。本有不可得。無本無不可得。又將何而爲壽。也以諸佛身。衆生身。爲壽。聖凡不可增減。以過去劫未來劫。爲壽。日月不可遷移。以妙高峯。娑竭海。爲壽。

燥濕不可損壞。以盡虛空。遍法界爲壽。天地不可覆。藏然雖如是。今日因甚麼喚作四十歲。良久云。棲鳳巖前雲霧捲。伏牛山下古今傳。

除夕上堂。諸昆仲。年月告盡。旬候云。遇禪衣下一段大事。還會也未。若論參禪。須要立得心。真便頭正尾正。其間亦不顛倒。更要識得病根。始得其禪。有多種病。不可不知。若不識得病根。縱能精進。皆魔業耳。何爲病根。試聽博山從頭告報。免使傷鋒犯手。第一不得計時。第二不得敲水。洗浴。第三不得團爐。向火。第四不得暗裏偷光。第五不得開眼作夢。第六不得觸樹迷封。第七不得逆風把舵。第八不得易短爲長。第九不得傷風露骨。第十不得釘椿搖撼。第十一不得步步登高。第十二不得從空放下。若不蹈此十二種病。便能作箇淨白。禪僧可以撮土爲金。呼牛作馬。釋迦老子。尙不奈你。何況其他。手然雖如是。更有一事。問諸昆仲。假如正月初一日發心。看看挨到臘月三十日。又作麼生折合。良久云。談玄說妙。恒沙數。那箇男兒。摸壁行。

上堂。神藏禪師云。知而無知。不是無知。而說無知。良遂禪師云。良遂知處。諸人不知。諸人知處。良遂總知。荷澤禪師云。知之一字。衆妙之門。高峯禪師云。知之一字。衆禍之門。諸大老。敲唱傍提。各具一隻眼。博山今日。不惜唇吻。從頭註解。祇要告報。諸人知而無知。頭腦相似。不是無知。而說無知。火燒眉毛。救取一半。良遂知處。諸人不知。大似壓良爲賤。諸人知處。良遂總知。多知老翁。莫與相見。知之一字。衆妙之門。把手牽不入。知之一字。衆禍之門。脚頭脚底。知字亦不惡。諸昆仲。博山怎麼註解。還會博山意麼。然雖如是。博山決不恁麼道。無知而知。爲之知。知知之爲知。不知爲不知。諸昆仲。還有不向知上作活計。另有超羣拔萃者麼。當知水琴松韻。堪傳赤子之心。赤尾金鱗。不墮漁人之手。且道與古人同耶。異耶。復云。東西南北。十萬八千。

臘八日上堂。維那白。提云。法筵龍象。衆當觀第一義。師云。第一義作麼生觀。觀著則眼睛。嗅著則腦裂。舉步絕行蹤。動念非生滅。眼色耳音聲。心忘思路絕。古

今諸聖賢同途而異轍。中峯水底琴。馬師天上月。投
子手中油。趙州庭前栢。博山無可示。梅花枝上洩。吐
翠與含芳。凝寒傲霜雪。清香滿十方。觸著通身血。捶
手哭蒼天。浮杯老結舌。諸昆仲。當時釋迦文。佛於臘
月八日。抖擻虛空。七花八裂。盡大地無一人會得。所
以寶坊云。不是凌行婆。怎解同心結。

徐惟明居士請上堂。大道絕方。隔靈明。豈待尋從來。
只恁麼作麼。有疎親。灰頭土面。何曾蓋覆將來。利齒
摩牙。畢竟聲和響順。所以瑞巖每於石上喚作主人。
公復應云。惺惺著。他朝後日。莫受人瞞。瑞巖大似勾
賊破家。要且傍觀者。醜博山。今日不免和盤托出。倒
喚傾倉。說似大衆去也。復以手指云。門外白雲千萬
朵。籬邊紅杏兩三枝。

上堂在迷迷悟。在悟悟迷。從來迷悟似迷。今日悟迷
非悟。迷悟兩頭。拽斷。凡更復何言。剔起眉毛。惜取
眼中瞳子。綻開衣線。露出鐵石心肝。燈籠與露柱相
交。佛殿共三門鬪額。赤手團成泥彈子。紅爐煉就鐵
饅頭。一任東鄰西拋。畢竟埋光鑊彩。縱教野狐精嚴。

中脫離轉轉不錯笑。殺赤鬚老胡。要知水牯牛山下
投胎。卓卓全該。須是瀉山大士。諸昆仲。瀉山大士作
水牯牛。博山頭角生已久矣。還有人證盟也。未良久
云。達磨大士來也。放過一著。

元旦上堂。春風纔動。春花開。春雨相催。春水來。惟有
通玄峯頂石。依前白蘚與青苔。大衆如何是新年頭。
佛法復云。東西林下。鳥添得好音聲。

解制上堂。誰云結制。仍解制。縱有成規。俱不是。當空
拋下雲門。柴雪浪銀花匝地。開箇得多年破木杓。鶴
子飛過新羅國。你既無心。我也休後代兒孫笑。酒樓
香殿粥飯長行者。擊竹有聲。擊兩耳。翻思昔日老靈
雲。一見桃花。瞎眼瞞誰。是迷兮。誰是悟。春風觸著瑞
瑚樹。誰是悟兮。誰是迷。具足從前自家底。心不心兮。
物不物。連書幾箇。向空咄。諸昆仲。因甚麼。書幾箇。向
空咄。復合掌云。我不敢輕於汝等。汝等皆當作佛。
壽日上堂。三世諸佛。與博山同生。無影樹頭懸日月。
十二類生。與博山同壽。不萌枝上。辯春秋。世界乾城。
陽燄佛生。夢幻溫華。乾城陽燄。而世界色。色皆空。夢。

幻瀛華而聖凡心心寂爾色色皆空突出娘生面目
心心寂爾縱橫褻子胸襟有問春秋多少祇云花謝
花開更詢劫運短長誰道空成空壞于斯領略則古
今非代而延促同時一念萬年而萬年一念豈思議
算數年月日時而論耶縱能觀滄溟之水幾度清淺
猶是客作漢耳只饒寶掌住世一千七十二歲亦何
駁哉諸昆仲且道博山即今春秋多少若會得好從
者裏說來其或未不然直須逆數到四十年前博山與
大眾別峯相見

上堂諸昆仲凡心入學須善用心不善用心魔得其
便所以一箇計字出九十六種外道一箇著字出五
十種魔及魔王眷屬等具在教乘不可不知經云譬
如有孔隙處風則能入搖動於物而不自在菩薩亦
爾若心有間隙心即搖動而不自在乃至成就皆魔
業耳何謂魔也歡喜是魔也煩惱是魔也昏沉是魔
也掉舉是魔也懼動是魔也厭靜是魔也喜談論是
魔也愛遊行是魔也乃至斥像毀經破律犯戒拈頌
機緣擅開異解詩賦詞章文藝雜學併貪求說法悉

是魔也所以博山教諸昆仲提一則無意味公案蘊
在八識田中當下不知有血肉身心前境不知有山
河大地非內非外滾作一箇疑團行不知行坐不知
坐如一人與萬人敵又如心心常似過橋時直須發
明此事到確著撞著打破疑團通身是眼縱遇釋迦
大師摩頂授記佛亦不做何況魔軍而能入耶諸昆
仲如斯會去誰不丈夫雖然如是事怕有心人直須
當下一念無生超彼三乘權學等見若將心令無心
却成有直須覓心了不可得即證超魔法門

上堂水流濕火緣燥是水有魚是林有鳥喫飯咬著
舌頭解道青天不用掃諸昆仲須自了同箇夜兮同
箇曉試將此語播諸方謾道荒田不揀草更看雲門
拄杖子化爲龍吞却山河大地了諸昆仲且道博山
即今在甚麼處良久云深固幽遠無人能到下座
開光解制上堂九日期今已解百千三昧許誰知
畫龍未必乘雲去可惜人間十二時十二時辰彈指
過眨起眉毛還是錯裨衣撩起伴雲眠盤陀石上松
花墮聞見清兮清亦非法身無病不求醫頂門突出

摩醯眼夜半烏雞帶雪飛帶雪飛兮貴回互金鳳不棲無影樹縱橫十字數將來佛祖位中留不住留不住兮劈面來兎角龜毛眼裏栽今朝拄杖橫挑出那箇男兒肯活埋諸昆仲今乃解制之辰遇無量壽如來爲汝諸人普作佛事放大光明照十方國土無所障礙更以無礙神力將極樂娑婆融成一界若說是淨土却是娑婆若說是娑婆却是淨土且道無量壽如來畢竟居何國土今日博山親指出分明一點座中圓

上堂諸禪德見聞覺知即是佛法佛法即是見聞覺知根本無明即是諸佛不動智諸佛不動智即是根本無明姪怒癡即是戒定慧戒定慧即是姪怒癡若向者裏覷破始知達磨大師航海而來祇是指示人現成具足底道理且如何是現成具足底道理木人起舞非奇特石女梳頭越樣新

峯頂上堂舉十善道竟復舉圓通機大師居山二十二年見伐木倒豁然大悟後九江太守請主圓通席遂更杖草履登臺說偈云圓通不開生藥鋪單單賣箇

死貓頭不知那箇無思算喫著通身冷汗流師云慚愧古人居山二十年祇悟得箇死貓頭若是博山則不然博山欲開生藥鋪隨緣賣箇活貓頭不知那箇有思算喫著通身鮮血流諸昆仲且道與古人是同是別良久云若將情識解埋沒祖師心

上堂釋迦如來降臨西域開場四十九載談經三百餘會末後拈花示衆復云有教外別傳貽累古今諸哲祇與世人說些世法何謂世法明心見性是世法戒定慧品是世法三身四智是世法五眼六通是世法三乘十地是世法十八不共是世法二十七品是世法六度萬行是世法乃至成佛極果是世法博山則不然今與大衆說些佛法何謂佛法山河大地是佛法日月森羅是佛法鵲噪鴉鳴是佛法乃至與諸昆仲要笑謳歌是佛法大衆會麼若會得是法住法位世間相常住其或未然化城美境從君欲惜藏衣珠對月追下座

祖印院上堂人天易集淨土罕逢今日迎來宛然佛國大衆佛國則已至還聞彌陀說法麼良久云須知

佛遍三千界。淨土渾敷八字間。

鄉親到上堂。瑤天慧月耀古輝。今性地覺花香。郊觀
閭汝等久離鄉井。一向鈴鐺。此日同筵。幸逢故戚。諸
昆仲逢親戚。過故友則且置。敢問還得家中音信也。
無若有可呈。似博山與汝親手開。拆其或未然。分付
白雲常守戶。側聽賓鴻送信來。

端午上堂時。逢吳仲節。屈端陽。城戶泛雄黃之酒。江
鄉聞款乃之歌。人道是塵境紛紜。博山說法。輪大轉。
艾葉征旗。掃九十六種外道。菖蒲利劍。碎五十蘊魔。
軍古人於此。却說聞聲悟道。見色明心。博山冷眼觀。
來猶成鈍。置諸昆仲。終日鐘鼓鏗鏘。此便是聲作麼。
生是道。見今榴紅柳綠。此便是色。喚那箇作心。於此
明得正好。買草鞋行脚。於此未明也。須恐懼汝看塵
境游戲之中。舟漂綠水。錦奪磯亭。如穿玉錦之梭。似
佈勾芒之令。穿波舞掉。划彩逞能。到恁麼時。豈容擬
議。若有毫釐遲怠。則喪身失命了也。何況衲僧門下。
胡風一扇。陸地行舟。駕鐵艇於太虛。翻玉波於峯頂。
搏猛虎喉中之雀。解驪龍頷下之珠。直須不顧危亡。

到手始得。正恁麼時。還有拋舟罷舵。與博山同遊戲
者麼。若有可請出來。與吾相見。若無山僧自逞神通
去也。拈坐具。作搖尾勢。云會麼。道院迎仙客。書堂隱
相儒。衲僧門下。吳珍重。赤鬚鬚。

元日上堂。拈香祝聖。竟次拈香。云此一瓣香。虛空包
不住。大地載不起。蘇向諸人面前。諸人要且。不識釋
迦大師得之便。云普見一切衆生。具有如來智慧德
相。祇因妄想執著。而不能證得。迦葉得之。破頭微笑。
便云。覓我者是汝。我阿難得之。結集闍持。則二傳化。
商那和修得之。便云。身十七性。非十七。乃至連磨得
之。與二十七祖。辯珠云。此是世寶。未足爲上。於諸寶
中。法寶爲上。此是世光。未足爲上。於諸光中。智光爲
上。此是世明。未足爲上。於諸明中。心明爲上。二祖得
之。便云。覓心了不可得。三祖得之。便云。信心不二。不
二信心。言語道斷。非去來今。四祖得之。便云。大緣與
性合。當生生不生。五祖得之。便云。姓卽有。不是常姓。
六祖得之。便云。本來無一物。何處惹塵埃。馬祖得之。
便云。一口吸盡西江水。一脚踏殺天下人。乃至天童。

得之便云散乾蓋而非心持坤輿而有力。今日博山在此座上揚眉鼓舌拈來撒出祇要諸人識去。諸人還識得也未。若識得便證香光莊嚴。若未識人天衆前便好識去。豈不見大緣與性合當生生不生。

上堂洞山大師云。地獄中苦未爲苦。向衣線下不明大事是爲最苦。此大事既在衣線下。因甚不明。祇因無始以來心境交加。幻出一切色相。塞諸人眼根。幻出一切好惡音聲。塞諸人耳根。幻出一切香臭。塞諸人鼻根。幻出一切甜酸苦淡。塞諸人舌根。幻出一切細滑麤澀等相。塞諸人身根。幻出一切緣慮等心。塞諸人意根。諸昆仲要得一生取辦。須將從前所學所習。底世法中伶俐心機巧心。佛法中語言相文字相知解相。盡情放下。做一箇淨白底衲僧。然雖如是也。要知衲僧溪深杓柄長。始得若會得。酌水獻花。隨宜得用。其或未然。喫飯也須防沙。喫水也須防噎。上堂僧問。金鐘纔扣。雲堂已露真風。法鼓重鳴。海衆更申敗缺。正當恁麼時。和尚如何結案。卽卓拄杖云。山水之間。得渠儂力進云。某甲從此信入去也。師云。

信後如何。進云。向後與和尚更道。師云。分作兩概。作麼。又僧問。昔九座大師云。我今日向孤峯絕頂。駕一隻鐵船。截斷天下人要津。祇如和尚今日又作麼生。師云。鐵船卽且置。闍黎要津。呈似老僧看。進云。爭奈學人不曾。何師云。不曾倩人裁進云。恁麼則剛道是龍猶不信等閒奪得。始驚人。師云。聞言語乃云。諸昆仲。佛法不是容易。博山三十年來。實際理地。洞然無礙。事法中較量與理矛盾者。尙多。卽今與諸昆仲。陞堂入室。結箇粥飯因緣。於此座上。問來答去。如鳥云空。如風云脚。雖有其聲。究竟將來。都無實義。豈但無益。恐成賺誤。若是祖師門下客。要知祖師行徑。方有說話分。畢明自己底。不知有古佛家風。此人有眼無身。若明得古佛家風。不知自己用處。此人有身無眼。直饒坐斷兩頭。不通凡聖。轉身氣急。猶在半途。更須知有全提時節。始得大丈夫兒。步入重玄。睜開隻眼。解作家活。用不乖。方歛沙界于毫端。纒塵匪礙。耀珠光于域內。洞鑒無遺。如日月光。遠近斯照。拈拄杖云。還有恁麼衲僧麼。僧問。透網金鱗。因甚猶還滯水師。

云度盡無餘影還他越涅槃進云恁麼則縱橫滄海
濶騰躍萬波隨師云作麼生說箇騰躍底道理進云
分明頭角久春江雨露微師云念文章可惜許師復
拈拄杖云還有問話者麼衆無對自云今日老僧失
利

上堂天晴日頭出雨灑偈前濕分明舉似人只恐信
不及諸昆仲開眼見明閉眼見暗一等是見因甚被
明暗遷移若要頓明此事除是不造生死業始得如
何是生死業厭煩惱趨菩提是生死業求大涅槃是
生死業分科列目敷文演義是生死業捨垢取淨是
生死業窮玄究妙是生死業有得有證是生死業不
脫對治門是生死業乃至陞堂入室問來答去盡是
生死業若要脫此生死業直須兀兀騰騰恁麼過時
夏則排窻冬則附爐饑則喫飯寒則添衣若以世法
商量便成滲漏更將佛法理會正是眼中著屑
誕日上堂僧問莊子八千椿正眼觀來猶存數量大
通摩點劫補僧問下向在半途等虛空泯絕途量
一句請和尚指示師云玄沙元是謝家郎進云和尚

與玄沙同生去也師云年年桃李樹處處白紅花進
云者箇且置祇如當時韓文公問大顛和尚尊壽多
少顛提數珠云晝夜一百八今日座中諸大檀越或
問和尚法臘多少和尚如何應對師云灑灑黃河水
一年幾度清進云如是則和尚與大顛人有今昔壽
無兩般去也師云乾三長坤六短進云水桃雪藕非
爲敬直奮空拳上法王時如何師云坤在上乾在下
僧禮拜云謝和尚答話師乃云天地旋山河走石女
生兒世間希有白向本爺娘乾坤兩眉皺今日無端
舉似人灼然笑破虛空口諸昆仲若道博山有生是
不諳佛法若道博山無生是不諳世法生與無生拈
放一邊且道四大色身從甚麼處得來良久云乾闥
婆神無限樂官商不與世和同首座問云石女生兒
得幾箇師云五男二女進云和尚生身父母在什麼
處師喝一喝下座

無異禪師廣錄卷第一

無異禪師廣錄卷第二

住博山法孫 弘瀚 彙編

首座法孫 弘裕 同集

住信州博山能仁禪寺語錄

佛成道日上堂。僧問。雪覆千山。無點白雲。空萬里。絕纖埃。未審甚麼人到此境界。師云。無縫襖子足風涼。進云。向上更請和尚道。師云。秦望嶺頭雲。楚人那得見。進云。還許學人進語也。無師云。試說看。進云。恁麼則禮拜去也。師不顧。乃云。法本法無法。庭前瑞草和根拔。無法法亦法。黃河九曲金沙混流。今付無法時。釋迦鼻孔長多少。法法何曾法。瞞博山一點也不得。諸昆仲。釋迦大士。四十九年橫說豎說。逆說順說。誰人奈得渠。何及入涅槃時。以虛空爲口。滄溟爲舌。日月星辰爲莊嚴。山河大地爲聽衆。橫說豎說。逆說順說。要且無人得聞。博山今日在此座上。橫說豎說。逆說順說。誰人奈得博山。何博山今日不待涅槃。卽此座筵。以虛空爲口。滄海爲舌。日月星辰爲莊嚴。山河大地爲聽衆。橫說豎說。逆說順說。要且無人得聞者。

裏有些子。諸訛諸昆仲。過去釋迦大師所說法。要無人得聞。卽且置。現在博山所說法。要因甚無人得聞者。裏若縑素得出。許你親見博山。既見博山。卽見釋迦大師。若縑素不出。縱見釋迦大師。要且不見博山。何以故。有口非干舌。無錢卦不靈下座。

上堂。諸昆仲。靜則埋根。千尺動則當處。生苗直饒不動。靜未免飄飄飄飄。所以臨濟大師三遭痛棒。如拂高枝。相似洞山不解。無情說法。百城重肘。未足爲勞。雲門夾斷脚脛。方知痛癢。瀉山見火星始。乃警然法眼。一切處現成。千了百當。此是古人分上事。今人又作麼生。若言古人有大根大行。此是自生下劣之想。性燥漢當陽一擊。大地百雜碎。毗盧遮那如來忍痛不禁。入一微細衆生身中。作廣大佛事。諸人還聞見麼。若聞便好。觸瞎汝眼根。若見便好。壓聾汝耳根。直饒聞見不生。正好喫博山痛棒。何以故。不是與人難共住。大都縑素要分明。

上堂。異地生靈。苗面南看北斗。無陰陽地上。幻出萬狀千形。正眼觀來。仍成過客。諸昆仲。口生白醭。未必

知有異路玄提東山水上行又作麼生折合卓拄杖云千古有餘力縱橫驗正邪

元旦上堂洪鈞初轉篆煙斜拄杖重開劫外花臘有幾多饒益事春風偏向破袈裟諸昆仲即今是元正啓祥且道老僧袈裟下有幾多春色首座云抖擻不下師云閣黎分上又作麼生進云夜深彌勒穿廊過手擺金襴笑掣顛師拈拂子云拂子頭上顯現閣黎還見麼進云聖人端居大位自然海晏河清未審佛日皇風如何並化師云全憑一句無私語掃盡煙塵報聖堯衆禮退

上堂撲落非他物縱橫不是塵山河并大地全露法王身古人恁麼悟去大似喫常住飯作自己事博山則不然行年四十九皮骨若枯柳四大體自如面南看北斗博山恁麼道大似喫自己飯作常住事徐六擔板各見一邊更有一偈爲之解嘲不免總說向大衆去也祖父田園自家產業匪守珍御不生下劣纔涉思惟平地遭跌醉酒臥街證龜成鳖博山恁麼道早作死馬兒醫汝等諸人也不得鑽龜打瓦珍重首

座云某甲不似和尚師云汝作麼生進云行年三十七通身赤骨律不喫常住飯鉢盂兩度濕師云却是汝來得要且不會老僧意在

上堂僧問盤戶將開海門雷震敢問和尚一池鱸鮓何時際會風雲師云拄杖時常頭點空進云興波作浪時如何師云閣黎脚跟下水深多少僧嘆云透網金鱗雖振鬣冲霄丹鳳不遺苞師云更須按下雲頭始得又僧問乍入叢林蒙師命往白下請有字經敢問和尚無字經命向甚麼處請師云磕破觸體僧禮拜師云便祇如此耶出去又僧問近聞宗猷既非臨濟爲仰不是法眼雲門未審香火因緣從誰結得師云渡河落影子進云大好山頭一針鋒地容盡大地衲僧因甚麼者坐具也容不下師云閣黎曾到峯頭麼進云已拈玉線芒請露金針穴師云急著眼覷進云更有話問請師垂慈師云不妨舉著進云如何是功師云三人同一春進云如何是共功師云力士昇杖鼓進云如何是功功師云糊猨上露柱進云不得敲唱雙舉請示正中妙挾師云高低雲透樹進云謝

師答話師云遠近鳥啣花師乃云春日山多霧樵人
路徑迷縱然得入戶脚下有黃泥諸昆仲水厚三尺
非一日之寒水漲千溪非一日之雨朝聞夕死非一
日之功立地成佛非一日之行所以釋迦大師曠大
劫來難行能行難忍能忍爲我等故修諸苦行成就
無上正真之道正爲我等今日事且道今日事又作
麼生若向今日會去與釋迦大師共一皮袋子豈但
釋迦大師與恒沙諸佛共一皮袋子一心一智慧力
無畏亦然于彈指頃成就無量無邊妙行具足無量
無邊莊嚴圓滿八萬四千諸波羅密門其或未然而
言凡聖齊同如持燭火擬比太陽又如初生鳥雛欲
冲霄漢多不自諒也首座問和尚道水厚三尺非一
日之寒水漲千溪後如何師云七花八裂進云水漲千溪
非一日之雨天晴後如何師云石頭露也進云朝聞
夕死非一日之功如何是無功之功師云闊寥向上
覷著進云立地成佛非一日之行如何是無行之行
師云著衣喫飯未爲分外進云和尚皮袋子與釋迦
大師皮袋子重多少師云半斤八兩

解制上堂馬祖陞堂百丈捲席將謂鬚鬚赤更有赤
鬚鬚博山九十日以來與諸昆仲陞堂入室還有恁
麼納僧麼若有恁麼納僧又何勞在此座下眉攢攢
地濟得甚麼邊事諸昆仲當此時也千山寒色雨滴
巖花爲諸昆仲敷宣第一義諦於此會去猶在半途
於此不會帶累博山開眼說夢
上堂春日乍寒乍暖春雲忽捲忽舒若向者裏會去
佛法天地懸殊諸昆仲口橫不如鼻直眼大何似眉
顰然放出新羅鷄笑殺楊岐三脚驢還知麼衆無
對師卓拄杖云老僧今日失利
上堂僧問今在人天衆前作麼生相見師云是水東
流進云和尚安住在甚麼處師云門前剎竿二丈五
進云花落月明時又作麼生進步師云憑閣紫跳躑
進云石泉一線水源從甚處來師云喉嚨下進云流
向甚處去師云頂門上進云高低物象一顧齊平遠
近音聲衆響斯應是何人境界師云沒來繇漢進云
幽閉鬼如何殺得師云借關繫刀看僧擬議師擬聲
一喝師乃云明暗交參正偏綺互言中有響句下無

私揭開雲霧見青天畢竟是誰點點龍門萬丈笑
看足下風雲金彈一丸播弄手中戲具古人道一人
所在亦到拄杖子不會諸人却會得半人所在亦到
拄杖子會得諸人不會所以道石人機似汝也解唱
巴歌汝若似石人雪曲也應和恁麼商量惟木上座
却較些子珍重

上堂僧問如何是法身理師云伸手不見掌進云法
身向甚麼處安立師云暗地始驚人進云未審法身
是何境界師云山河大地進云離了法身又且如何
師云懺破四天下僧禮拜師云是法非法是心非心
非法卽法非心卽心打翻漆桶大地平沉雲門大師
甚是奇怪蓋子落地碟子成七片又云扇子踴跳上
三十三天驚著帝釋鼻孔東海鯉魚打一棒兩似盆
傾諸昆仲博山今日亦如雲門大師氣宇如王若渠
來相見時又作麼生定奪衆無對師云拄杖不在若
帶柄聊與三十何以故若不挫其來鋒將來必成過
患

上堂道非明暗法雖有無布袋頭邊連得看來猶是

半途直饒坐斷毗盧不通凡聖旋風撲面氣急殺人
直下相逢不是渠轉位旋機沉毒海諸昆仲若言卽
心卽佛大似黃葉止啼又云非佛非心還如夢中說
夢不是心不是佛不是物是甚麼盤脫丘江西老宿
恁麼說法尙喚作口裏阿漚漚底諸人分上又作麼
生諸昆仲莫祇論他非是好門前更有鳳凰山

上堂甚麼物恁麼來重門關鎖一時開甚麼物恁麼
去佛機不隔時流意靈山會上有多端立雪庭前無
二致甚麼物幾多般見未分明莫浪傳管記實方言
道好天非高大海非寬說似一物卽不中多情不用
眉毛動修證卽不無汚染卽不得丫角女子髮如銀
病中勸破維摩詰卽此不汚染是諸佛之所護念粉
碎虛空撲地來百匝千重成一片諸昆仲既不似一
物畢竟似箇甚麼有眼無耳來六月火邊坐任是圓
胞生也須更問過更問過是甚麼良久卓拄杖云拄
杖子却辯得

佛誕日上堂王官未降佛事已遍腳跟下好與三十
棒未出母胎度人已畢脚跟下好與三十棒四十九

年設夢取笑旁觀。脚跟下好與三十棒三百餘會。週遮模糊。正眼脚跟下好與三十棒。忽遇惡水。滾來即周行七步。目顧四方。自云。天上天下。唯吾獨尊。脚跟下好與三十棒。獨有雲門大師云。我當時若見一棒打死與狗子喫。却賣圖天下太平。雲門用此惡辣手段。始能豎立宗乘。若是倚牆靠壁。漢又胡足道。博山三十棒。略與通信。座中還有具此惡辣手段者麼。良久云。黃金自有黃金價。切莫和沙賣與人。首座問雲門。一棒博山三十棒。是。同是。別師云。出門是路。進云。未離兜率。已降王宮。未出母胎。度人已畢。因甚麼又喚作四月八日。活佛降生。師云。爭怪得渠。進云。諸佛出世。爲一大事。因緣和尚出世。所爲何事。師云。笑看天花滿。被進云。佛祖來償口業債。未審是何口業。師云。惡毒糾纏。進云。教中道持戒。但束身非身。無所束。因甚麼。千佛出世。又與人授戒。羯磨師云。羅浮原在廣之南。進云。前無重難。後無輕遮。方堪受戒。或遇箇大闍提。漢殺佛殺祖。底出來。未審還與他受戒麼。師云。堪爲來學。典型留待別時。供養進云。恁麼則和尚

只此是

性命落在此人手裏也。師云。老僧甚得便宜。進云。法施殷勤。且酬三拜。師云。止。莫礙第二座問。

上堂。三身中那身。解說法。彈指一聲。驚海嶽。幾片閒雲。稱野情。舉頭忽見。遼天鷲。金烏玉兔。急如箭。倒騎牛。兮入佛殿。將錢紙爲買。殷頭放下手。兮成塊。麵筋是男兒大丈夫。一口吸盡西江。無古。溯寒泉。清似鏡。分明狀出山海圖。諸昆仲。臨濟大師以一株大樹。覆蔭天下。博山以一根拄杖。子攪渾世界。且道與古人是。同是。別。良久云。翻思初祖金雞。雞要。假兒孫。脚下行。

上堂。從夏至今。未曾與諸人說話。今日因恒一本宗。二上人請博山。陞座。不免強說。喻言。然盡大地。撮來如粟米。大將何譬喻。得出法眼。大師云。理極忘情。謂如何有喻。齊到頭。霜夜月。任運落前溪。諸昆仲。此事不在哆哆。喻。說得道理。通。便稱悟。門。只饒講得三乘十二分教。祇益多聞。尙喚作傳語人。亦名辯慧人。與自己總沒交涉。若欲匡持大法。直須領業。言詮。握太阿鋒。肩捷。交流汗血。拈如意。寶囊中。賑濟饑虛。呈

滿仰圓機施臨濟棒喝。履法眼清素用雲門顧。雖然如是。若到曹洞門下。尙未有話會分。何故水急魚難住。山深雲更多。

上堂。古德云。日月未足以爲明。是甚麼物得恁麼明。乾坤未足以爲大。是甚麼物得恁麼大。博山今日不惜唇吻。與你諸人註破。卓拄杖云。拄杖子。眼光爍破。恒河沙世界。明耶。非明耶。恒河沙世界。在拄杖子裏。許大耶。非大耶。諸昆仲。祇是根拄杖子。又何得論明論暗。論大論小。大小明暗。悉是對待之法。然雖如是。也不得草草。何以故。要知幽徑。須辦半年糧。珍重。上堂。師方陞座。二僧問。不稱理。各賜棒。乃云。毛吞巨海。海性無虧。芥納須彌。芥空宛爾。若道是神通妙用。斯人未達其源。若道是法爾如然。猶是拍盲狂解。是以二人各責三十棒。趕出三門外。去諸昆仲。只須拚毫端而瀉海水。碎芥子以露須彌。旋嵐偃蹇而絕纖塵。競注江河而無濕性。諸昆仲。萬花叢裏。去住揣空。出骨何難。清涼地上。謳歌白日。挑燈有據。到此則正偏旋復。雲樹絕依。古木森然。靈禽不住。菩提涅槃。眞

如佛性。喚作破草鞋。且拈放一邊。各人衲衣下。漿洗錢布施些子。還肯麼。毗目仙人執手時。善財眼底微塵佛。珍重。

上堂。三界無法。何者是生。三界無法。何者無生。生與無生。二俱增語。若謂是生。前村古路。坦然平。若謂無生。海門波浪。萬千尋。若道生。卽無生。樓頭戍鼓。正三更。若道無生。卽生。彩筆將來。畫不成。諸昆仲。幻化門頭。高著眼。莫將陽燄。亂紛紜。生與無生。姑置勿論。且道二六時中。折旋俯仰。畢竟承誰恩力。良久云。六憲虛淨。無倚將來。用度恰好。珍重。

上堂。大道虛曠。無有程途。幾動之微。自當審細。若藕絲而牽大象。匪假神通。如寶樹之宿蝶。難窺異色。活中死句。笑容含冰。鍊之委死。處處活來。寒谷動陽春之韻。更須知當機劈面。毋待指陳。互換相實。那容湊泊。諸昆仲。當此時也。寒灰發燄。雪覆紅爐。冰玉相啣。誰能料揀。若有人料揀得出。博山將明。憲下安排。著珍重。

在壽昌守無明和尚七衆請上堂。一二三四五六天。

地位萬物育箇中有箇無角泥牛東觸西觸至今無處藏蹤只得和塵混俗更須知平處險直處曲擊破重關護輕忽太平宇宙斬癡頑此是禪宗親付囑親付囑破驢脊上蒼蠅出達磨未識參禪孫臏不解貨卜惟有壽昌老人一生向鋤頭上七縱八橫至今也填坑塞窟諸昆仲還有爲堂頭和尚出氣者麼今日幸有博山不肯兒孫爲伊雪屈

壽昌和尚完七衆請上堂昨夜西風穿牖過窗棉紙幙都吹破殿前簾得古香爐裏裊裊祥煙騰復墮者一箇那一箇又一箇鐵髮銅鬚庚金丙火拋向太冶紅爐煉成一團抖擻看來阿誰是我者一箇那一箇又一箇大家擡薦商量哭殺西來達磨諸昆仲同觀說法四十九載看來何異先師七七安心可笑雪庭人惹得堦前神鬼泣泣泣好將斷臂完膚一生參學事畢

結制上堂天地與我同根萬物與我一體時人見此一株花如夢相似諸昆仲古人於黑漆桶底鑑貌辯色無影樹下笑月吟風掣開金鎖玄關扯破漫天網

子博山則不然有人問天地與我同根萬物與我一體意旨如何祇向他道昨日有人從燕京來寄得廣南信豈不見溪山各異而雲月是同又云時人見此一株花如夢境相似意旨如何祇向他道老僧見此一株花切於肯綮豈不見人無遠慮必有近憂珍重鑄佛上堂天雨四花地搖六震拈拄杖云觀面相呈是何祥瑞釋迦于迦維國土降生累及諸大菩薩天龍八部趨侍成勞唯十方諸佛各住本國合掌宣揚讚歎不及諸昆仲還見也未若見虛空落地成幾片若不見燦燦紅光搖閃電若見不見長安盡處含元殿若不見而見裂破饅頭成塊麵所以法不孤起緣聚則成智鄭禪人于徽州境上苦行三年正是擔佛傍家走智頑禪人歛靈山之象跡發異地之靈苗眞淑金居士不忍坐觀援劍相助開五十三參之覺路結百千萬種之良緣或亂峯頂上下古導迷或引蓮猶動針還玉線或輸百金而不倦或伸隻手以相扶仍有水齋聖慈本宗諸上人擡花擡錦繡造成功淨眼諦觀悉成鈍置今有蒲城道美黃居士設齋供衆

且道直下相逢不勞心力。是何人作證。復拈拄杖云。釋迦昨夜又重生。笑看爐中飛片雪。珍重。

開光上堂。佛身無爲不墮。諸有慈悲。德聲名垂不朽。今朝覲面。絕遮眼上眉毛。誰不有丹霞。撥火而尋。舍利善現。晏坐而觀。法身雲門。用棒以訓。恩洞山用。藏而報德者。一隊老漢。雖則一期方便。怎奈千古。願。何似博山。將大冶紅爐。一槩傾出。使天上天下。有情無情。觀端嚴之妙相。植菩提之正因。度普耀之通津。趨妙嚴之果海。紫磨金聚。咸轉根本。法輪白玉毫光。旋入普明三昧。使大地衆生。各各相調。有佛出世。各各自見。已身作佛。無有衆生。無一衆生相者。如是則無施者。無化者。無造者。無受者。亦無見者。何以故。施者乃至見者。如夢幻故。山河大地。草木叢林。情與無情。世出世間。如夢幻故。乃至諸佛出世。諸佛涅槃。影現其中。如夢幻故。還有不在夢幻者麼。卓拄杖云。今日爲君親指出。普天匝地。盡光明。

上堂。一二三子。平日復仰視兩口。一無舌。此是吾宗旨。仰山大師。生平家活徹底。爲人若以意識度量。

正所謂平地上死人無數也。然此偈無纖毫縫罅。博山今日向虛空裏釘橛子。太清中加彩繪。使諸人有所趨向。有所捫摸也。一二三子。抖擻不下。平日復仰視北斗。向南看兩口。一無舌。空容傳聲。虛堂習聽。此是吾宗旨。披拂有餘。恨諸昆仲。當知此偈。暗機圓合金鐘。同玉磬和鳴。正按全提。瑞草與瓊枝並茂。若向者裏會去。平常心與道相宜。若向者裏不會。正是業識茫茫。無本可據。更有一事。在佛殿東南。缺了一角。有人補得。下博山遺隻履以謝之。珍重。

上堂。諸佛祕藏。祖師遺相。付既同本。來心何迷。復何悟。言語悉虛妄。形色如朝露。了形色語言。究竟絕依怙。譬如洞庭水。今古清如故。虛空非動搖。太清絕點污。有物終敗壞。無形始清素。諸昆仲。迷鏡裏之頭。徒勞狂怖。昧衣中之寶。枉受輪。卓拄杖云。若向者裏會去。猶較些子。更欲遲疑。向下文長。留待來日。擲拄杖下座。

上堂。心同虛空界。示等虛空法。證得虛空時。無是無非法。大小祖師。雖則是和泥合水。要且弄巧成拙。將

心與虛空分作兩概說同說等論是論非雖不涉是非亦將是非弄影耳。夫虛心獨運妙湛何依至體彌綸空界何立大万莫比其量慧目罔眺其際日月未足喻其明冰雪難以方其潔古澗之水湛湛浸殺法身不萌之草茸茸能藏香象諸昆仲且道徹底無依向甚處安身立命良久云衆既知時節吾今不再三卓拄杖下座

上堂靈光不昧萬古微猷入此門來莫存知解諸昆仲終日拈香擇火待客迎賓動轉施爲折旋俯仰還有知解也無既無知解得恁麼伶俐得恁麼活潑古德云樵子負薪歸機婦連宵織看他家事忙且道承誰力若向者裏會去飯是米做底湯是水做底師姑是女人做底切莫當面錯過不錯過鴿子過新羅依然辜負我卓拄杖下座

解制上堂世界乾城衆生陽燄諸佛鏡像六道空花不躋圓覺大伽藍終是痴狂門外走若帶些些泥水未免紙裏麻纏除是鐵膽銅心始解步空捉影百尺竿頭穩坐終落那邊三家村裏安身仍停此岸只須

藏身處沒蹤跡金針繡出玉麒麟沒蹤跡處莫藏身鐵拳擲成銀彈子諸昆仲今日解制之辰三年果滿萬行週圓且道百步穿楊一箭作麼生透得過良久卓拄杖云好手手中誇好手紅心心裏射紅心下座上堂心如牆壁乃可入道集雲峯下四藤條是聖足凡都一掃諸昆仲不立聖凡則且置古佛與露柱相交是第幾機雲門大師云南山起雲北山下雨若向者裏會去古佛向露柱頭上轉大法輪露柱在古佛腹中照天鑑地復有微塵數菩薩摩訶薩出現於交未交之處行六度萬行彌布重重所謂檀波羅密布施海尸波羅密戒德清淨海風提波羅密忍辱海毗黎耶波羅密精進海禪波羅密正思惟三昧海般若波羅密智慧海此諸大士於實際理地雲興霞舉解作家方於稍僧分上了無交涉直須摩著衲僧鼻孔始得諸昆仲近時禪道凋零人心狂悖天下無真正知識導引後來亦無真正學人參詢善友賓主相見各負勝心如傀儡一棚不加線索或大罵一場謂之直捷謂之險峻謂之接機謂之推向萬丈坑中謂之

不容開口。或盲加幾棒。或豎指擎拳。或亂伸問答。謂之痛快。謂之流通。或藏睛閉目。謂之禪搖唇鼓舌。謂大悟。指證經典。謂之正脈。執持課誦。謂之行門。或祈亂筆之驗。以保陽年。或禮應赴之流。而修冥福。更有無知學者。認定箇業識茫茫。謂之自己。指面前頑虛境象。謂之清淨法身。眼底無人。自尊自大。如此邪輩。是處皆然。若當作禪門下客。祖師門庭。則掃地而盡矣。茲因高麗國晦雲上座。同寒溪寺清虛及衆居士。自楚而來。廣修供養。復請上堂。敷演斯道。博山不覺老婆舌頭。所謂劍爲不平。藥因救病。雖然。還知未墜座前消息也。無良久云。淵底有泉。清鳥語眼中無物。逐塵飛珍重。

結制上堂。世尊拈花。芙蓉秋露。冷迦葉微笑。蘭蕙曉風清。又云。我有正法眼藏。涅槃妙心。付囑於汝。可謂囊藏長者。券腰沒半文錢。至今後代兒孫。望影分波。竟莫得其涯岸。當此時也。去聖時遙。人心狂悖。妄庸邪見。布滿寰宇。稱悟道者。紛紛求其真參實究者。蓋渺也。諸昆仲。若要會世尊拈花底道理。豈起拂子云。

向者裏會取。若要會迦葉微笑底道理。擲下拂子云。向者裏會取。然須從水山雪洞裏穿下。過來始堪共語。不然則就窩子裏打將去。盡是掠虛漢。與自己本分中有何交涉。即今乃結制之辰。有吉安純初曾居士。舟次一月而來。爲彼乃郎廣修供養。復請博山上堂。敷演此事。不免顯世尊之陳案。然古佛之慧燈。隨列祖之芳塵。續金剛之慧命。然雖如是。諸人分上也。須向無陰陽地上。卸一莖草來。始得卓拄杖下座。上堂畢。明向上語。絕過遮洞。鑑幾微要在句外。若上文言上理。會正所謂埋沒先宗。辜負自己。德山大師云。毫釐繫念。三塗業因。諸昆仲。十二時中。折旋俯仰。是繫念耶。非繫念耶。是正因耶。是業因耶。又云。瞥爾情生。萬劫繫鎖。開口動舌處。是情生耶。非情生耶。是解脫耶。是繫鎖耶。汝等諸人。各向衲衣下。細細看。若以無念爲無念。無情爲無情。即泥塑木雕。若以有念爲有念。有情爲有情。正是業識茫茫。無本可據。請僧家須另行一路。始得。祖師云。心隨萬境轉。轉處實能幽。隨流認得性。無喜亦無憂。于諸境界。未免隨流。且

道喚甚麼作性。若認得性正好喫博山痛棒。若認不得性正好喫博山痛棒。何以故。龍門無宿客。兩打石人頭。卓拄杖下座。

無異禪師廣錄卷第二

無異禪師廣錄卷第三

住博山法孫 弘滿 彙編

首座法孫 弘裕 同集

住信州博山能仁禪寺語錄

壽日上堂。諸佛時常說法。博山特地重宣。是何言了。角女子髻。皓然。是何法明。察秋毫。雙眼睛。此情惟有。木人知。六月炎天。生凍殺。若向者裏。揭山頭之宿霧。破水面之印文。古佛向汝諸人面前。說壽量品報恩。品已竟。所以云。博山生大地衆生。與博山同生。博山壽大地衆生。與博山同壽。然雖如是。更須知有出世事。始是報恩者。博山嘗有偈云。欲報深恩。出世奇報。恩深處。少人知。而今洞徹無違。理始信。從前步不移。

古德云。盡大地如粟米。大拋向汝諸人面前。諸人要且不會。打鼓普請看。若會得。怎麼說話。始知不移步。底道理。國恩。佛恩。親恩。檀越恩。一時報足。若乃煖衾。涼枕。菽水承歡。欲報深恩。無有是處。所以釋迦大師。棄皇宮。如脫敝屣。乃至忉利天。爲母說法。此釋迦之孝也。目健連尊者。去鬚髮如除垢膩。乃至餓鬼道中。救脫母難。此目連之孝也。現前大眾。思地獄苦。發菩提心。長連牀上。瞪眉努目。咒衲衣下一件大事。此諸昆仲之孝也。作麼生是博山底孝。拈拄杖云。一條拄杖。活如龍。縱橫全得。渠儂力。連卓拄杖下座。

上堂。凡心聖心。本無差別。即凡即聖。猶是強言。自是衆生。瞥起情念。妄分我人。生天堂下地獄。趨餓鬼報。旁生無始以來。至於今日。乃至盡未來際。無有了底日子。若是箇伶俐漢。踢翻筋斗。掉轉乾坤。透徹自己。關。若透徹自己。關。便透徹三千七百祖師。關。若透徹祖師。關。便透徹釋迦老子。關。若透徹釋迦老子。關。便透徹博山。關。若透徹博山。關。便透徹八萬四千關。一時洞開。然雖如是。卓拄杖云。點鐵成。

金易除却是非難下座

除日上堂殘冬已去春風到來木雞報曉石女懷胎
庭前翠栢堪剪溪邊嫩柳重栽達磨不來東土寒山
元在天台惟有臨濟大師赤肉團上無位真人分身
無量散在汝諸人面門出入未證據者看看饑同餐
渴同飲寒同火睡同衾若向者裏瞞伺瞞睡未免受
無位真人當面熱瞞豎起拂子云諸昆仲會麼圓明
了知不因心念珍重

元旦上堂元正嘉運何先兆遲日晴空光皎皎悟迷
邪正謾商量是聖是凡誰分曉現前境界亦何賒說
向西方途路杳一微塵裏顯全機大地山河一莖草
幻化場中著眼看萬法無邊隨緣好然雖如是應時
納祐又作麼生卓拄杖云莫謂袈裟元是舊春風先
到杖頭來

都昌佛殿山長慶寺古愚設齋薦父請上堂博山說
法二十餘年卽今何故不肯上堂蓋爲法門混蓋妄
庸者多以上堂爲戲具故博山駁駁擊拏且恁麼過
時今古愚上座爲彼亡父敦請不已却又躲避不過

諸昆仲輪迴三界中恩愛不能捨棄恩入無爲真是
報恩者釋迦大師不合教壞人家男女博山今日路
見不平不免拔劍相助輪迴三界中隨羣逐隊不同
同恩愛不能捨棄笑謳歌宣般若棄恩入無爲菽水
承歡我是誰真是報恩者五逆七遮可知禮博山非
但逆俗亦乃毀僧然雖過犯彌天要且恩歸有地昔
者靈山會上五百比丘得四禪定具五神通未得法
忍以宿命智通各各自見過去弑父害母及諸重罪
於自心內各各懷疑於甚深法不能證入於是文殊
承佛神力遂手握利劍持逼如來世尊乃謂文殊曰
住住不應作逆勿得害吾吾必被害爲善被害文殊
師利爾從本已來無有我人但以內心見有我人內
心起時我必被害卽名爲害於是五百比丘悉皆悟
道諸昆仲若向文殊握劍處會去佛恩親恩一時報
足於此不會雖粉骨碎身父母深恩未足爲報也直
饒目連于地獄中救親神通之力太晚玄沙向寶金
邊認父天人之禮何甘與化令他人助哀孝道之名
反是睦州打草鞋供母福田之報多慳此諸尊宿難

曰至孝。尙屬緣生。縑素將來不無滲漏。何似古愚上座。化父及弟俱出家。爲僧導以淨業。其父有自責自悔之歌。不壞不眞之偈。臨終預知時至。正念分明。其父大安樂。可知古愚報恩訓德。亦可知也。諸昆仲各各具有生身父母。常人分上。又作麼生。卓拄杖云。粉骨碎身未足酬一句。了然超百億珍重。

新建法堂。本府蕭太尊請陞座。浴龍池畔。瑞雲開丈室。懸知賓客來。頓省祖師門下事。舌頭口裏滑如苔。雲門大師云。高低一顧。萬象齊彰。擬議之間。橫屍萬里。博山則不然。高低一顧。眼見鼻。梁富塞虛空。向者裏出氣。諸昆仲若商量得出。蕭使君大居士爲汝等證明。其或未然。拄杖子爲大眾註破。卓拄杖一下。首座問云。適聞和尚高低一顧。眼見鼻。梁富塞虛空。作麼生轉得身。吐得氣。師卓拄杖云。蹤跡不施功。千山添翠色。進云。恁麼則撲破虛空。通身活。眼師云。門前一水收。三水屋後千松蓋。萬松進云。祇如蕭使君道山河大地。渾成夢。且道是真夢。是浮夢。師云。直下看取進云。與麼則龜毛拂子。春風動。拄杖縱橫法。

界收師云。且放過一籌座。率衆禮拜。

古德法師請上堂。諸昆仲。古人云。此事不與教乘合。亦是方便語。又豈知一大藏教。無一言一字不與此事發機耶。楞伽經云。佛語心爲宗。無門爲法門。旣云以心爲宗。三乘十二分。皆心之切脚耳。華嚴經云。奇哉。奇哉。一切衆生。皆具如來智慧德相。可謂開發性源矣。又云。若有見如來體性。無所有。修習得明了。此人卽作佛。若知得體性。無有佛之一字。猶是賸言。圓覺經云。如來大光明藏。是諸衆生清淨覺地。衆生清淨覺地。卽如來大光明藏。可謂凡聖同源。毋勞指注。又云。如來因地修圓覺者。知是空花。卽無輪轉。亦無身心。受彼生死。果知妄身。妄心如空花。相修行分中。甚是省力。楞嚴經云。一人發真歸元。十方虛空悉皆消殞。果知得虛空。消殞華藏世界。富塞地無纖毫。滲漏。法華經云。是法住法位。世間相常住。果知得是法住法位。可謂無量寶聚。當下知源。諸昆仲。此是教家極則。若以思惟心測度。如將螢火燒須彌山。終不能著。然雖如是。更須知有宗門中長處。始得卓拄杖。

云此拄杖子在馬祖分上牛行虎步草偃風行一口
吸盡西江水一脚踢殺天下人在石頭分上喚作竺
土大仙心東西密相付在龐居士分上竿木隨身逢
場作戲在臨濟分上驅耕夫牛奪饑人食敲骨取髓
痛下鍼錐在汾仰分上暗機圓合碎啄同時在雲門
分上函蓋乾坤隨波逐浪顧盼倍句揚眉落二三
在法眼分上六根互用六用齊施在曹洞分上正不
立玄偏不附物今日在博山手裏喚作拄杖子則觸
不喚作拄杖子則背畢竟作麼生良久云有時破霧
穿雲去撥轉乾坤振祖基卓拄杖下座

上堂佛法非非法非非非亦非非非俱絕跡始可話
離微諸昆仲若欲決擇是非除是向教乘中辯得清
濁然後始透得祖師關捩何謂清濁如教中說貪嗔
癡愛煩惱無明是障道法此是聲聞藏說是濁流邊
說無佛可成無生可度情與無情性相平等此是菩
薩藏說是清流邊說至體無名聖功獨照此是藥言
無病人前不得說藥有修有證建立因果此是聲聞
藏說是濁流邊說無修無證不昧因果此是菩薩藏

說是清流邊說修與無修二俱謬語此是藥言無病
人前不得說藥若說有句無句是外道說若說亦有
亦無句非有非無句亦是外道說離四句絕百非此
是藥言無病人前不得說藥若貪著塵勞侵損正法
此是波旬說失于正受樂著諸受此亦是波旬說山
崩海竭不動其心此是藥言無病人前不得說藥諸
昆仲百非俱遣宛然赤子之心一道齊平突出塵
之眼珍重

上堂壽昌先師云踞上雲頭第一峯眼中廣博小虛
空當初欲見無絲見今日相逢處處同諸昆仲此是
曹洞宗旨分明向汝諸人道無纖毫蓋覆若向老裏
會去洞山大師在汝諸人腳跟下放光動地入寶鏡
三昧也其或未然博山不免註解一遍踞上雲頭第
一峯坑坎嶮巖也須仔細眼中廣博小虛空眼在虛
空裏虛空在眼裏試定當看當初欲見無絲見對面
不相識千里却同風今日相逢處處同是何面目指
東爲西喚南作北得麼若向博山註解處會去壽昌
先師在汝諸人腳跟下放光動地入寶鏡三昧也然

雖如是博山不合將壽昌老人受用底家私撒向諸人腳跟下豈不見父爲子隱子爲父隱直在其中矣珍重

寺日上堂僧問今日壽臺上堂敢問和尚年多少師云類添花甲子數到劫雲初起云只如和尚未出世時一句又作麼生師云手中拂三十錢買來底是云謝師答話師云且道劫雲之前是何景象進云今朝不用重追覓曾向湖南佛國來師云三十棒自領出去乃云從本無生誰曰有生無生緣生緣生無生達此生理不妨生生所以云生生謂之道萬古碧潭光皎皎四方八面絕遮欄曰聖曰凡俱不了慈明和尚云手錄黃河乾脚踢須彌倒天堂并地獄皆緣心所造車拄杖云若真獅子兒不向那邊討

知非首座請上堂博山久不上堂諸人生出幾多妄想如渴鹿趁陽燄有甚了期何不向自己腳跟下取諸昆仲若欲向自己腳跟下取最先看破依正二報四生六道悉從因緣生還從因緣滅釋迦老子四十九年橫說豎說總是緣生法豈不見報化非

眞佛亦無說法者汝等莫見博山恁麼道便向法身邊住著殊不知法身邊沾點一絲毫不得若沾著纖毫便如翳眼著鑽不得自緣伶俐漢如香象渡河截流而過豈不俊哉茲因知非首座六十大誕設齋供衆仍請博山爲大衆說法且道今日博山是因甚慶讚耶慰諸人妄想耶良久云雲芝和雨秀藹舊帶風香卓拄杖下座

張二水相國請上堂首座問壁上高僧呼著即應今日相國臨筵當機如何指的師云烏啼菴後竹進云恁麼則撥天索價非思議衣裏明珠觀面呈師云雲起面前山進云經綸妙手元非借推轉吾宗大法輪師云如天普蓋似地普擎僧問承聞和尚有言虛而靈寂而妙總思惟行不到請和尚行到一句佈施大衆師云山瀾猿長嘯進云謝和尚指示師云林疎鳥不驚僧禮拜師乃云若人欲知佛境界當淨其意如虛空遠離妄想及諸取令心所向皆無礙諸昆仲汝等卽今本具底四大五蘊六根六塵六識及阿賴耶識念念生念念住念念異念念滅是礙耶非礙耶所

以道會得如火聚會不得亦如火聚會得如火
火聚高山無宿鳥會不得如火火聚深水有嘉魚博
山恁麼道也是杓卜聽虛聲汝等諸人大須審細茲
因相國張居士入山飯僧此居士位極人臣諱光導
物靈苗智種天性帶來不忘靈山付囑殷勤懇請博
山上堂當知居士一片婆心祇要諸人得箇入處諸
人還知入處麼卓拄杖云山中光耀輝天地佇看堂
堂宰相行

桐城宰官居士請上堂諸昆仲參學須具參學眼若
具參學眼腳踏實地步步登立若不具參學眼與參
學沒交涉譬如善射者立定脚跟然後括弓架箭始
能中的也黃蘗運禪師云老僧行脚時見草裏有人
擲頭一錐彼人若知痛癢便布袋盛米供養他雪峯
大師三登投子九上洞山炊飯擲巾成辦箇事此宗
門中參學樣子也不似而今口稱行脚觀山玩水較
量是非三三五五聚頭雜話有一等向册子上研窮
枯骨上討計有一等長連牀上靜眉努目胡思亂想
想久成勞不是昏沉便是散亂如斯等類皆非法器

諸昆仲洞房春暖須知錦帳香銷庭際光生且喜寒
灰發焰事驚極致理喜從虛所以道只須揮劍若不
揮劍漁父棲巢閑時喜唱步虛詞泥雨須防苔蘚滑
路憑高處險難嚴絕狐狸之蹤影向暗中消盡運結
燈花之彩諸昆仲博山檢父逃走玲瓏辛苦三十餘
年今日到舒州城唱箇還鄉曲子徹見故鄉田地徹
見故鄉人物徹見故鄉春色世間之樂百千萬億倍
不足爲喻茲因桐城宰官居士及諸山僧友請博
山陞座說法博山果有何法可說不免將生平所行
底所見底所到底細詳一遍然雖如是道曠無涯邊
人不盡更須知有長處始得卓拄杖云莫謂故鄉田
地機門前更有萬重山僧問此土事凡同聚會向上
宗乘爲舉攝師答云此去南舒一百餘又問不問有
言不問無言請和尙如何道師云巖前生石虎僧喝
一聲師笑云聲響吼如雷僧無語師便打

生生社上堂博山今日不說有法不說無法不說亦
有亦無法不說非有非無法離四句絕百非石人點
頭青山皺眉深寒博得三春暖破霧披雲入翠微下

座

皖城宰官居士請上堂。天地與我同根。萬物與我一體。肇公祇知全身。拶入要且不會。轉位旋機。殊不知說箇一體。已成兩橛。不見道。喚作如如。早是變易了也。諸昆仲。須知古佛堂前。曾無異說。夜明簾外。別有家傳。分明月照金沙。喜見庭生瑞草。家風笑展。從他野渡無人。寶樹風清。須信白雲有主。向者裏。別有生涯。可與古人把手。其或未然。博山有箇方便。卓拄杖云。急著眼。聽。

展墓歸山上堂。離山九十日。誰是能離者。本無心外境。愚者妄分別。諸昆仲。會得此意。雖經歷恒河沙世界。無彼此之分。無自他之想。良以世人祇知有一生身。及一生底父母。一生身底處所。殊不知曠大劫來。能生所生。底父母。及一一生身底處所。盡其智力。不得其數量。諸昆仲。若以恩報恩。大恩莫能報。不見報恩者。始乃得常住。是故諸菩薩。借此世間孝。還無緣之慈。與無礙之悲耳。諸昆仲。金棺扶襯。認父骨於亂屍之中。義井薦親。見天人於寶塔之頂。此等俱見超

物表。理出常情。若以世間情想。擬報深恩。雖肝膽塗地。不能報也。昔與化令他人助哀。山河揮淚。迦葉藉琴聲起舞。草木含悲。博山今日。以現前血肉身心。供養現前無面目底父母。汝等諸人。向者裏。還見得徹麼。卓拄杖云。他家自有通人愛。不以親疎較短長。便下座。

官諡吳觀我居士請上堂。真不掩偽。曲不藏直。大千沙界。黑如漆。揭開雲霧。見青天。男兒肯向他尋覓。一語中具三玄。新婦騎驢阿家牽。一玄中具三要。跛脚獼猴多擲跳。有照有用。沙盆打著。連底凍立。主立賓相。將攜手過西秦。惟有東村王太乙。一番拈弄一番新。

上堂。諸昆仲。參禪要親到古人田地。始得不然。盡是掠虛。漢果能與此道相應。如人食蜜。滿口皆甜。如伽陀藥。能療一切重病。故如水晶珠。能清一切濁水。故如摩尼珠。能隨方映色。故如九轉丹。能點鐵成金。故諸昆仲。明明秋色。山頭敗葉成堆。淡淡輕雲。離下黃花。闌景向者裏。領會。喫博山痛棒。始有分在。

上堂。日日五更雞。朝朝三陣版。不用別求。立分明正法眼。諸昆仲。因甚麼。東勝神洲。人行路西牛。賀洲人著。跌若向此會。得好對座。前吐露。不然。空遊山水。虛延歲月。大事闕然。如何是了。博山今日。饒舌爲汝。旁通箇消息。將祖師陳爛。偈言。註解一遍。五臺山頂雲。蒸飯。佛殿街前。狗尿天。利竿頭上。煎餛飩。子三箇。粥。夜簸錢。還會麼。其或未然。莫道爲僧。堪受供。只恐粒米也難消。

上堂。不是風動。是甚麼動。不是幡動。是甚麼動。仁者心動。大小祖師。龍頭蛇尾。諸昆仲。且道。那箇是汝等動底心。是緣慮心。耶。是本來心。耶。若是緣慮心。緣慮無體動。亦成虛。若是本來心。本來從古及今。未嘗變易。無諸動相。若識得無動而動者。還道。嶺南相去甚遠。若看不破。此動底心。相且喜。六祖大師在汝等脚跟下。共汝商量。卓拄杖下座。

上堂。有物先天。地無形本。寂寥能爲萬象主。不逐四時。漏諸昆仲。要知有物先天。地向無形處。會取要知無形本。寂寥向有物處。會取要知能爲萬象主。向眉

毛上會取要知。不逐四時。漏向陰陽裏。會取於此四句中。會去。一生參學事畢。其或未然。扇子。跨上三十三天。觸著帝釋鼻。孔東海鯉魚。打一棒。兩似盆傾。此時雲門大師在博山寺裏。經行。博山老人向雲門寺裏。敷座。若不互換藏身。險些喪身失命。卓拄杖下座。

寶方上堂。第一義作麼生觀佛法二字。不可黏著。黏著則埋沒慧命。入荒田不揀草。猶較些子。博山當日在佛法中。頭出頭沒。蒙先師親垂隻手提掣。在淨白地上。仍被淨白爲礙。不免將脚跟下一片地。拋向他方。不可說不可說。世界之外。然後向太虛空。翻筋斗。孤標獨立。始得些子實用。今日與諸昆仲相見。譬如白日。搜金諸人。歷歷見博山。博山總不見諸人。還信得及麼。諸昆仲。若見明此事。須在高高山頂上。深深海底行。撞破虛空。始能捕空捉影也。博山記得親先師。猶喚龍領下。探珠猛虎。喉中奪雀。今日不免賣賤賣去也。諸昆仲。還有估價者。無良久云。也不可當面錯過。

上元結制上堂諸方解制博山結制大似割地爲牢。強生節目。諸昆仲盡大地是箇蒲團。喚甚麼作界外。盡大地是箇禪堂。喚甚麼作界內。內外既泯。一道齊平。廓爾與雲水相依。機動則纖塵不立。雖然轉位不施功也。與諸人應箇時節。且道是甚麼時節。年年十五夜燈光。何處無首座。問云。請問和尚把住時如何。師云。放開一線。座云。放開時如何。師云。把住不容行。座云。如何是放行。中把住。師云。關緊看脚下。座云。如何是把住。中放行。師云。拂子在我手裏。座云。大善。知議也。須讓人出得羅籠。入得羅籠。師云。爭奈老僧何。座云。冲霄須彩鳳。透網是金麟。師休去。

二月朔日上堂。纔方結制。又是半月了也。諸昆仲分上。曾有箇入處也。無若無箇入處。須要尋箇入處。若得箇入處。須要尋箇出處。直須自看。諸昆仲當知。古路無塵。只須知有門庭。絕待盡却。今時偏方與正位。攸同枝派。共靈源皎潔。到此則觸醜識盡。烈火流金。始名出世。更須知野老家風。始得且道野老家風。是何景象。卓拄杖云。連日穿芳逕。春帶雨歸下座。

上堂僧問。古人道。從緣薦得。相應疾。就體消停得力。還請問和尚。如何是從緣薦得。師云。古鏡不重磨。匙云。如何是就體消停。師云。清光仍似舊。進云。從緣就體。蒙師指格外玄談。有也。無師云。三歲孩兒。頭似雪。進云。怎麼則碧桃綻。蕊綠柳萌芽也。師云。還觀山有色。近聽水無聲。僧禮拜。師乃云。切忌從他覓。迢迢與我疎。洞山老人草鞋斷矣。脚跟露矣。諸人若知痛癢。阿誰皮下無血。博山與諸人同途不同轍。諸人向正位中來。博山不在正位。諸人在博山拂子裏。許諸人向偏位中來。博山不在偏位。拂子在諸人袈裟裏。許所以道對面不相識。千里却同風。若向者裏徹去。當下知歸。不留朕兆。其或未然。千百世脩行。未爲晚也。故我釋迦大師爲勇猛衆生。成佛在一念頃。爲懈怠衆生。得果滿僧祇劫。諸昆仲當知。明中有暗。臺端現華藏之奇妙。挾叶通寶鏡。瀉山河之影。博山怎麼道。猶是葛藤。諸人也須捫斷始得。且道捫斷後作麼生行履。卓拄杖云。不因樵子逕爭到。葛洪家結制上堂。僧問。古人道。塵中能作主。化外自來賓。請

問和尚如何是塵中主師云江西原是豫章城進云如何是化外賓師云青山自青山進云賓主相見時如何師云綠水忻綠水進云恁麼則金繩界畔黃葉般若堂前解垢衣一句作麼生道師云順數一籌進云博山今日結制人人鼻孔撐天請問更與諸人殺箇甚麼師云空中施彩繪論劫不成願僧禮拜師乃云便恁麼進堂去猶較些子更欲遲疑則去久矣博山從來無佛法繫綴於人豈但博山乃至諸佛諸祖亦復如是但有言說都無實義所以道釋迦不達南方禪達磨不會西來意博山與諸人祇知二時逐隊但恁麼過時臨濟三玄三要誑嚇小兒曹洞象帶叶通顛頂無識漢仰暗機圖合鬼面神頭雲門函蓋乾坤心竊膽大法眼雖云平易機險殺人博山總不恁麼今日與諸昆仲結制將九十日爲一時以一時爲九十日若向者裏會去萬年一念一念萬年生死情枯真如體寂二途俱泯觸處皆通茲有嘉興沈居士不辭數千里來此供養大眾且道作麼生說箇通底道理卓拄杖云根塵蘊界原無性誰道虛空礙眼

晴

上堂法華經云若人散亂心入於增廟中一稱南無佛皆已成佛道諸昆仲當知散亂心者從緣有故緣生無性當體圓明當體寂滅縱有曠劫無明猶輕風捲於薄雲廓爾冰清所以道心月孤明光吞萬象非能所中道可安立也博山今日苦口告報也祇要諸人得現前真實受用且道作麼生是真受用處卓拄杖云一日三餐隨分足虛空無縫著閒身珍重

上堂心如工伎兒意如和伎者山河鏡中像色質虛幻有覺體本圓明非存諸過各修與不修行愚者妄分別不恁麼會則易恁麼會則難蓮花未出水師子出窟時汝等諸人向甚麼處安身立命諸昆仲水底蘊蘊苗之秀空中具騰躍之威吸露浴蹄掀翻大地且道是何景象咄

上堂秋分夜長一刻冬至日增一線明暗相形寒暑相侵陰陽消而仍長天地虧而復盈惟有無位真人在汝等諸人面門出入曠大劫來未嘗變易會得不妨飲啄同時其或未然山挺挺而榮水泠泠而清眼

明明而見耳歷歷而聞乃至日應萬緣無非者箇因甚當面諱却。齊祇爲分明。極翻令所得遲。

上堂。搏聚四大緣生。九竅識。纏奔馳何日了。虛空無眼水雲分。石女從緣步荒草。荒草披離四部洲。煙雲旋合。鑊重樓彈指。豁開彌勒閣。香水幢。幢盡微頭。諸昆仲。當此時。洞庭無蓋凍殺法身。廬阜悲酸清淚如雨。欲償廬陵米價。踏翻東甌橋梁。從教雪滿水清。管取兒孫滿地。到恁麼田地。以何爲驗。卓拄杖云。深山乘瑞運。處處紫雲飛。

無異禪師廣錄卷第三

無異禪師廣錄卷第四

住博山法孫 弘論 彙編

首座法孫 弘裕 同集

住建州董巖禪寺語錄

上堂。拈香祝聖。竟乃云。諸昆仲。若論佛法。列位未出禪堂。門博山未出方丈。門早已漏逗了也。又何待打。

◆ 彙編

鼓陞堂。拈匙。擊拂。揚眉。鼓舌。然後爲佛法哉。然雖如是不免向第二門頭爲大衆宣說。若欲決擇此事。須具大信。根信。根若具。便起大疑。心疑。心若起。便得大悟。門所以云。大疑大悟。小疑小悟。不疑不悟。夫信者。何須信有教外別傳之旨。拈一則無意味公案。蘊在八識田中。如鑿囊盛寶相。似將自己參悟一念。如金剛王寶劍。直須仗此劍。剖此囊。取寶到手。始得正剖。與未剖之際。不可起第二念。有毫釐分別處。卽是第二念也。有毫釐被世境牽引處。卽是第二念也。亦不得置在無事甲中。若置在無事甲中。卽是第二念也。離此種種諸念。正是做工夫得力處。且道如何是無義味公案。如僧問古德。如何是禪德。云。翻獼上樹尾。連頭又僧問古德。如何是禪德。云。猛火著油煎。又僧問古德。如何是禪德。云。杖離山下竹。筋鞭又僧問古德。如何是禪德。云。磚此四轉語。如天普蓋。似地普擎。隨拈一則參究。若真發明。一一皆吾家故物耳。且道發明後。又作麼生行履。復笑云。海爲龍世界。空是鶴家鄉。

上堂昔黃龍大師有三關語六七百年未嘗有人拈著博山告報與諸禪德已過關者不須評論未過關者博山今日從頭下註脚去也我手何似佛手喚黃龍是箇衆生得麼我脚何似驢脚稱黃龍是世尊得麼人人有箇生緣獨有黃龍博山沒有何以故曾經大海休誇水除了須彌不是山

上堂諸昆仲博山未參禪時便知卽心卽佛及乎正參禪時却知非心非佛得見寶方後依然卽心卽佛自出寶方門又是非心非佛博山與古人同途不同轍古人更有不是心不是佛不是物博山却卽是心卽是佛卽是物此於教中喚作雙照雙遮在吾禪僧門下喚作鬼神茶飯且道禪僧有甚長處竿頭絲線從君弄不犯清波意自殊

上堂佛法知時節秋風特地來秋空秋色滿秋葉砌秋堦當此時也銀蟾吐彩丹桂飄香馬傳北苑之書人問歸家之路所以云欲知佛法當觀時節因緣時節若至其理自彰諸禪德還有知此時節者麼若未知便好知去當知知之一字衆妙之門莫待臘月三

十日手忙脚亂便悔云差過好時節了也若知得又何勞博山在此座上叨叨咀咀作麼豈不見南臺和尚云善哉三下板知識盡來參衆既知時節吾今不再三然雖如是南臺和尚脚跟猶未點地在衆中還有箇點得出者麼若箇點得出便進前掀翻繩牀喝散大衆博山也惟伊不得

上堂若論佛法一切處現成法眼絲絲領悟地藏以此傳心看他師資授受之際有甚麼奇特所以云釋迦未出世達磨不西來佛法遍大地相逢口不開諸大德欲明佛法須向釋迦未生時會取欲明教外別傳正法眼藏須向世尊未拈花迦葉未微笑時會取欲明安心之理須向達磨未開口二祖未斷臂時會取於斯時節會得猶較些子若待世尊生下時一手指天一手拈地周行七步目顧四方自云天上天下惟吾獨尊便已納敗闕了也所以雲門大師云我當時若見一棒打死與狗子喫却糞圖天下太平可謂將此深心奉塵刹是則名爲報佛恩諸昆仲其中還有知恩報恩者麼若有可請出來與吾相見其或未

然可越此手強脚健快須努力決明此事始不被天下老和尚舌頭瞞也良久云會麼相逢不飲空歸去洞口桃花也笑人

上堂諸昆仲欲參博山禪於未開口時會得猶是落二落三了也稍覺遲疑便合喫痛棒又何待開口以來縱能會得堪作甚麼豈不見從門入者不是家珍又安可爲當家種草也臨濟大師云向第一句薦得堪與佛祖爲師向第二句薦得堪與人天爲師向第三句薦得自救不了博山則不然向第一句薦得便合喫痛棒向第二句薦得添枷著扭向第三句薦得斬頭求活何以故箇中半句也容不得誰與你論第二第三鼓粥飯氣去也諸昆仲欲明者箇說話把萬緣放下單單只究此事如一人被萬人趕來一起趕到萬丈坑邊若不跳下便碎屍萬斷當此之時懸崖撒手轉身一跳直教到底使虚空粉碎大地平沉待氣息甦醒起來便走上岸此岸即是大路搖頭擺手到家始得諸昆仲莫說此事是難便生退屈若生退屈百劫千生無繇解脫須發勇猛信根當知乃佛乃

祖皆如斯成就彼既丈夫我胡不爾古所謂松花若也沾春力根在深殿也著開

上堂至體無生何拘緣境理無修證行絕增差所以云有相修行多劫終成敗壞無心體極一念頓契佛家且如博山在此座上列位承聽我法是有心耶是無心耶若說無心聽法者誰若說有心將何頓契佛家非但不契佛家猶恐墮有相修行而多劫終成敗壞矣諸昆仲若究本體無生便合本妙教中云諸法不自生亦不從他生不共不無因是故說無生此四句偈徹底爲人是教中極則若是諸僧分上一點也用不著何以故在此淨白地上誰管你自生耶誰管你他生耶誰管你共生耶誰管你無因生耶若向諸衣下會去說自生亦得說他生亦得說共生亦得說無因生亦得何以故在此人分上天不能拘地不能束陰陽不能管五行不能局不作衆生不成佛道且道畢竟向甚麼處去良久云佛祖位中留不住饒湯爐炭執輪迴

上堂面西行向東北斗正離宮道去何曾去騎牛臥

牧童慈明老人舌根拖地。列位知得也未。當知此偈非妙悟而真能知悟。非情盡而真能曉情。非工夫而真能忘若於此。偈徹去三千七百祖師說話。皆一場笑具。說甚麼君臣五位。接引初機。說甚麼照用三玄。誘諭後學。所以云靈苗瑞草。野父愁紅。玉鎖金匙。智人不顧。若具超方眼目。卽是灑落。稍僧便好打禾山。鼓唱德山歌。擊秘魔叉。舞道吾。笏向十字街頭。搖鈴振鐸。於孤峯頂上。嘯月吟風。其間還有與博山同遊戲者麼。衆無對。復笑云。有意氣時添意氣。不風流處也風流。

上堂道非難。亦非易。要在當人。無師慧一。拳打破太虛空。一脚踢翻滄海水。翻身直向新羅國。須彌倒挂毫毛角。皓月圓圓出海門。清風匝地難描摸。難描摸。知不知。今古攸分類。不齊。非角總言心量。大年來。方覺語聲低。語聲低。辯端的。對面白雲千萬里。分明觀面更無真。暗似日分明。似漆諸昆仲。須委悉。更有容易禪。重與通消息。良久云。初三十一。中九下七。中秋上堂。松風送韻。桂殿傳秋。涼徹煩熱。胸襟香遍。

闍浮世界諸昆仲。還知麼。還見麼。若知掀翻大海。却須彌。若見除去爆耳迅雷。滅却搖空閃電。直得海嶽齊平。石人起舞。呵呵大笑云。秋風涼。秋夜長。未歸客。思故鄉。且道那箇是未歸客。何人思故鄉。復笑云。三業未能成佛智。十分秋色逼人寒。

上堂。一卽一切。一切卽一。明似黑。月暗如皎。日於此四句之上。會得。便見燦大師七縱八橫。釋迦尊九紫十赤。其或未然。更有容易禪。與君須剖。析豈不見水面挂燈毬。東壁打西壁。生鐵鑄蒺藜。撈出黃金汁。呵呵。甚奇特。明眼衲僧。須辨別參。

諱華嚴經上堂。靈心皎潔。徹古該今。至理彌綸。和真混俗。根境不實。元是華嚴微妙法門。大小相融。一多自在。高低一顯。萬象齊彰。擬議之間。相隔霄壤。更乃依文解義。却如掘地覓天。閉目藏睛。大似敲冰取火。非爲無獲。祇益自勞。何須抹轉上頭。關直下已是毗盧藏。觸體常干世界。鼻孔摩闍家風。如此信得。則頭頭彌勒。處處毗藍。圓既無淨穢之名。寧有佛生之異。其或未然。推倒須彌山。卽向汝道。

上堂二月半春風撼面時光換百花郊外關芳妍好
鳥枝頭爭噪亂惟有禪家渾不改塵毛括盡大千界
淨土分明在目前直下是名觀自在誰更云玉關瓊
樓誰更云幡幡蓋蓋嘆夢幻空花何勞賭賽最喜杉
山王老師人人只喫一莖菜

歲日上堂和氣生枯卉寒雲散野郊木人占吉兆夜
半露龜爻大衆此是博山寺五百年前無隱經禪師
歲日上堂語山僧今日亦有四句燭影搖紅處香煙
飛白時現成的佛法也要大家知如此會得便見一
年十二月月如然一日十二時時相似如黃金
之黃白玉之白曠大劫來未常變易大衆且道那裏
是現成的佛法衆無對師良久云東君昨夜傳消息
報道新年喜太平

上堂萬里不挂片雲虛空突出眼睛放開七片八片
收來一丁兩丁只饒通身是眼筆來祇得八成大衆
還有十成的禪麼嘆且莫道著便下座

上堂無邊利海自他不隔於毫端十世古今始終不
離於當念南陽忠國師在天津橋上看弄胡獼汝等

諸人還見也未三十年後莫道博山不說好

邵武新創寶安寺上堂指出古佛基掃草而成寶社
劈破青山色布金已建精藍長者信手拈來世尊破
顏微笑二大老向沒煙火處關弄天工於熱鬧場中
顯領道者博山遠承慈蔭不免花學家財直教虛空
遍塞巖前無滴水之波大地平沉法界絕藏身之跡
向沒蹤跡處建大法幢擊大法鼓震大法雷演大法
義說一切智智清淨無二無二分無別無斷故諸昆
仲即今碧峯吳居士少峯何居士建茲寶安禪寺與
長者同耶異耶伶俐禪僧向者裏著眼始得良久云
雲在嶺頭閒不徹水流澗下大忙生

董嚴講維摩經請上堂居塵出塵即事離事不轉位
以就功即塵勞而出世釋迦老人土面灰頭向者裏
聊通一線指貪瞋癡愛是箇大解脫法門陰處界等
喚作放光三昧然此則不出三界而證大涅槃不刺
髭鬚而弘第一義箇中有箇英標禪子用超万手段
衝開碧落截斷紅塵奪肉營明珠解肘後靈符笑雲
居何必碎趙州有無將業識茫茫便作諸佛不動智

將諸佛不動智便作業識茫茫諸昆仲且道向甚麼處摸索渠儀可謂沸湯急水下足誠難紫霧黃雲開眼迷道所以寶方云絲竹傳心終成礙膺博山到者裏滿口道不出還有向未開口前領略者麼若有可請出來與博山相見脫或遲疑少頃勞心空上人代坐此座向維摩經中旁通箇消息珍重

上堂五五童子從妙喜國來脚跟下多泥水三萬菩薩往毗耶城去牙痕裏盡離黃不因示疾老毗耶劍戟鎗林難下口諸昆仲當知至體無法可繫強名曰淨求其淨相不可得但有其名名亦不可立或云無垢稱木人看陽燄翻波石女聽乾城逸響不留朕兆法界齊觀鼓吹將來一場露布縱是通身無口未免大笑毗盧諸昆仲當知法假人弘碑文刊白字題因人立當道種青松猛虎喉中活雀兒救得是好驚鼻蛇漫爛拄杖拗折爲奇且道博山意在甚麼處吽吽以思惟心測度如來圓覺境界如將螢火燒須彌山終不能得然則博山今日高登華座大展法筵敢問說何法耶解脫法耶不思議法耶不二門法耶現神

力法耶咄是何言歟良久云維摩大士來也稽首大士雖則塵面蓬心要且起居多福經題

上堂如是之法我從佛聞如是之法佛從我生拶出虚空之髓倒拈蕩蕩之鍼觸著三世諸佛鼻孔只得吞聲忍氣一任諸上座抱大不平諸昆仲當知身外無土雖是佛國土外無身誰非佛國湖南老人一鱗角解道聖人無己靡所不已又云會萬物而爲己其惟聖人乎然此則佛即國國即佛佛外無國求其國不可得松陰擬翠壁國外無佛求其佛不可得香霧彌香蘿博山總不恁麼是佛好與一摺直教虚空粉碎大地平沉是國好與一摺直教大地平沉虚空粉碎諸昆仲直饒煉作一團未是衲僧向上事何以故功德天黑暗女有智主人二俱不受佛國

上堂法身無去來之跡應萬有故不來而來至體絕上下之分總羣機故不合而合寶蓋覆三千之界微塵等利海之方山河大地川流泉源日月星辰天龍宮殿乃至十方諸佛說法悉現於寶蓋之中寶蓋覆世界百千萬億世界入於寶蓋而世界不小寶蓋不

大世界覆寶蓋百千萬億寶蓋入於世界而寶蓋不
小世界不大於此五百寶蓋而結成一蓋莫是如來
神力耶大定莊嚴耶淨心變現耶乃至無我無造無
受者之所成耶若如此會則未夢見寶蓋在古德云
大千世界是沙門一隻眼喚寶蓋在諸上座眼裏得
麼大千世界是沙門一點靈光喚寶蓋在諸上座靈
光裏得麼大千世界在沙門一點靈光裏喚靈光蓋
寶蓋得麼若如此會去非但凡夫小乘所不共乃
至與諸大菩薩所不共文殊普賢亦不共釋迦老子
亦不共維摩大士亦不共何以故報化非真故華嚴
經云若有見大覺解脫離諸漏不著一切世此非證
道眼且道五百童子是證道眼耶非證道眼耶若是
證道眼五百童子眼在甚麼處若非證道眼五百童
子眼亦在甚麼處諸昆仲作麼生是證道眼門前修
竹來儀鳳湖底清泉隱臥龍

蓋品

上堂若欲說佛法無法可說法若以法說法恐辱於
大法然雖如是博山亦無開口處列位請博山登此
座何爲也不免俯順機宜向第二門頭聊開一線將

淨土二字從頭註解一遍去也心淨土淨大千世界
摩尼鏡打破鏡來時與諸上座相見土淨心淨運爲
不出那伽定七顛八倒時與諸上座相見衆生行業
不同途猛火燄中那容蚊蚋美惡從彼類所現瓊花
鏡裏影象昭然欲求淨土衆生心行中求從來不曾
點汚豈但淨土佛亦不爲安用求乎譬如造立宮室
若於虛空終不能成西天不逢唐土不曾若以空地
隨意無礙根塵界中具此一坐具地在梵天爲子而
所見不同易分雪裏粉諸佛衆生而本源一爾離辯
墨中煤於是如來以足指按地曠大劫來未常變遷
不勞神用卽時三千大千世界若百千珍寶莊嚴喚
作瓦礫沙石坑坎堆埠得麼譬如寶莊嚴佛無量功
德寶莊嚴土等無有異自在天宮向甚麼處去也螺
髻梵王亦須具慚愧始得諸昆仲清淨寶莊嚴土悉
皆圓現諸上座還要見也無若要見便向者裏見去
若不見自是諸上座不見怎恁得博山良久云舌頭
無骨眼無筋對面白雲千萬里

淨土品

上堂善權有則謂之方物應斯順謂之便大海全歸

一滴太虛祇是一線。擲出駭雞之屋。入彼姪坊酒肆。放出屠龍之手。何妨俗舍。魔宮現長者居士之身。雲藏無縫。襖作帝釋。天人之主。花綻不萌。枝諸昆仲。維摩大士。以大悲入生死海。不捨衆生。故以大智入生死海。不迷衆生。故逮乎開物導迷。應時通善。如一面寶鏡。相似汝將一莖草來鏡中。便現一莖草。鏡安得成草也。汝將一錠金來鏡中。便現一錠金。鏡安得成金也。汝將瓶盤銀銅來鏡中。便現瓶盤銀銅。鏡安得成瓶盤銀銅也。諸昆仲。當知終日度生。不見生之可度。金剛三昧經云。不生於化。其化大焉。南嶽大師云。十方諸佛。被我一口吞盡。亦此意也。又如烈火燄中。是草是金。是瓶盤銀銅。盡入於烈火燄中。煉成一箇不留影跡。還知維摩大士。落處度四海。浪平看華麟。而吞吐九霄雲。淨憑靈鳳。以翱翔。諸昆仲。且道吾祖師門下。與維摩大士。還有優劣也。無侍者。維摩大士在甚麼處。喚來與博山搭背。方便品

既沒處安金剛不壞之身。當念具足無量功德之聚。觀體全彰。四無量心。六波羅密。無不備舉。古所謂若要直捷會。一切總不是。若要直捷會。一切總皆是。諸仁者。還要直捷會麼。金剛不壞之身。卽汝等精液膿血是也。無量功德之聚。卽汝等四大五陰是也。四無量心。卽汝等集起緣慮是也。六波羅密。卽汝等根塵界處是也。如此若不會。執身取靜。非宴坐也。我垢不除。非說法也。慈心不普。非行乞也。不達平等。非法食也。不觀根器。非適機也。不了真空。非論義也。相無相見。非天眼也。不達實相。非奉律也。不履無爲。非出家也。不識佛身。非巾侍也。諸昆仲。十大弟子。各負己之功。幹大似棄滄海而逐波。向日中而逐影。豈智者乎。然雖如是。總被維摩大士將泥彈子。撲却十大弟子眼睛去也。十大弟子。還知痛癢麼。譬夫堯眉八彩。舜目重瞳。從古洎今。縱有巧手丹青。畢竟描寫渠眉目不出。諸昆仲。要見堯舜眉目麼。直須向堯舜未生以前。開眼始得。弟子品

上堂。妙道虛立。方之以實。眞空廓爾。體之以靈。徹妙

德以無方齊古今於一念彌勒說不退轉之行。撮摩空花。釋迦記未來世之尊。延綿夢境。四事推尋。求其生不可得。一心彌亘。括其記安。寄乎既解。空裏弄花。不妨夢中說夢。古所謂安置水月道場。成就空花。萬行降伏。鏡裏魔軍。成就夢中佛事。非此之謂歟。夫菩提者。不可以身得。六月火燒。無影樹。不可以心得。三冬人嚼。孟津冰。不可以身得。身是菩提。故不可以心得。心是菩提。故萬紫千紅。就裏無邊春色。身心及菩提。是三無差別。桂林月渚。箇中誰辯秋光。於實際理地。求其身不可得。求其心不可得。求其菩提亦不可得。到此則步步登玄。智不能知。識不能識。所以肇公云。聰者無以容其聰。智者無以運其知。辯者無以措其辭。像者無以狀其儀。及乎開物成務。應化無謀。古今天地。古今人物。日月星辰。森羅萬象。人叢鳥跡。城市鄉坊。車馬駢闐。晝明夜暗。莫不悉承菩提恩力。當知學足下足。無非淨名道場。左之右之。盡是光嚴住處。三萬菩薩。各運無功之行。二千魔女。堪傳無盡之燈。上至於難勝。如來下至於最下乞者。果能分別不

生是無等等。故般若云。一切智智清淨。無二無二分。無別無斷。故諸昆仲。要會維摩。意麼都是菩提。無有不是之者。要會博山。意麼都不是菩提。無有是之者。箇中有伶俐。謂子將是非二字。拈向一邊。從者裏會去。無動。

無異禪師廣錄卷第四

無異禪師廣錄卷第五

住博山法孫 弘滿 彙編

首座法孫 弘裕 同集

住建州董巖禪寺語錄

上堂。不來相而來。不見相而見。城東母指。皆佛面來。已更不來。見已更不見。萬別千差。成一片。欲知萬法。皆空。大似浮雲閃電。智者了無分別。愚徒強拈名言。欲求正智。當於六十二見中。求幾片白雲。橫谷口。欲求解脫。當於衆生心行中。求一輪明月。印波心。野狐向金毛。隊裏翻身。金毛向野狐。窟中踞地。如斯會去。

則一切衆魔及諸外道皆吾侍也。衆魔者樂生死。生死亦不惡。菩薩於生死而不捨。把將生死來。外道者樂諸見。還見諸見起處。魔菩薩於諸見而不動。太賊。羣生雖是枯空。塞空正好。以楔出楔。及盡去也。三界何安。倒跨泥牛。縱之無所縱。之無所則。攀緣何生。攀緣不生。拔其病本。到此則純剛打就。生鐵鑄成。有時在泰山頂上安身。有時在大洋海底立命。若夫菩薩以愛見心貪著禪味等諸法。是名無慧方便。縛如時作麼生。待風清月白時。共汝商量。若菩薩無愛見心。不貪著禪味等諸法。是名有慧方便。解頤時作麼生。待雷轟電掣時。共汝商量。解縛雖殊。至體不二。一根既返。六用互施。諸昆仲。此是涅槃心。作麼生。是菩薩行如博山。晝起暗眠。五鼓燒香。清晨禮佛。天明早粥。日中午齋。乃至迎賓待客。胡言漢語。瞬目揚眉。且道還與佛法相應也。無喚作菩薩行。卽不可珍重。文殊品

盡大地如箇猛火。聚汝向甚麼處。藏身盡大地如一釜。烱鋼汁。汝向甚麼處。開口盡大地是箇鐵刺。林汝

向甚麼處。下足古所謂三界無法。何處求心。四大本空。佛依何住。經云。夫求法者不著佛。求不著法。求不著衆。求乃至若求法者。於一切法。應無所求。然則盡大地光皎皎地。無你開眼處。無你藏身處。無你開口處。無你下足處。四大五陰。向甚麼處。安著山河大地。從甚麼處得來。然此則孤迥迥。峭巍巍。淨裸裸。沒可把。盡大地無鍼鋒許。空缺處。釋迦老人亦無開口處。神通妙用。總用不著。又何勞斷取妙喜世界。借座燈王。如來歛沙界於毫端。擲大千於方外。納須彌於芥子。藏劫火於腹中。延七日爲永年。促長年爲頃刻。大似聚沙作塔。等同兒戲。諸僧分上。總用不著。且道。諸僧有甚麼長處。自從劫外。花敷後。直至如今。笑未休。不思品

上堂。諸佛是幻。衆生是幻。菩薩亦幻。幻出無根。幻復成幻。幻佛既知。幻我我幻。何如佛幻。一切幻。菩薩於此幻世界。以斯幻法。覺悟幻生。於此幻化中行。真實慈也。於真實慈中。成就無邊幻。善向無緣體上。度脫無量幻。生。撈碎玉琉璃。虛已實。他是務揭開。真實藏。

賑貧濟乏爲佳善。不善若浮雲。碧海珊瑚孕秀身。受
身如旅泊。嗚池蓮華披芳欲。貪從虛妄而生。鐵牛抵
轡三春雨。分明從顛倒而有。木馬嘶風。一夜雲諸昆
仲。當知幻法無依。真心無住。無住無依。是大火聚石
火。電光急著眼。觀取之。是迷捨之。非悟關。穿險危。鴉
飛不度。如虎之缺。如馬之串。指花夢花。見柱非柱。轉
之順之。五五廿五。於是文殊師利菩薩。以無住本立
一切法。大似無風起。浪平地生波。檢點將來。好與痛
棒。何以故。爲渠祇會遮惡。不知護善。復笑云。也是爲
他閒事。長無明。觀衆生品

上堂。虛而靈。寂而妙。纔思惟行。不到堪笑。缺齒老趙
州。將丈六金身。拈來當草。一莖草。是箇維摩丈室。
天女從甚麼處。得來一莖草。是箇天女。身形維摩丈
室。安在甚麼處。只饒天花不著也。被渠當面熱瞞。此
花不如法。是以去之眼裏著沙。不得耳裏著水。不得
勿謂此花不如法。所以者何。是花無分別。仁者自生
分別想耳。淨白人前。不得說夢。天止此室。其已久如
燈籠同年。露柱同壽。吾止此室。如看年解脫淨白人。

前不得說夢。汝於三乘。當何志求。前不違村後不迭
店。如入薔薇林。惟嗅薔薇。而不嗅餘香。淨白人前。不得
說夢。汝何以不轉女身。舍利弗。莫是男子麼。我十二
年來。求女人相了。不可得。當何所轉。淨白人前。不得
說夢。汝於此沒當生。何所鑊湯爐炭。劍樹刀山。佛化
所生。吾於彼生。淨白人前。不得說夢。汝其久如得阿
耨多羅三藐三菩提。七佛以前。安名立字。汝舍利弗。
還爲凡夫時。我乃得阿耨多羅三藐三菩提。淨白人
前。不得說夢。我爲凡夫時。無有是處。舍利弗。即今豈
是聖人耶。我得阿耨多羅三藐三菩提。亦無是處。淨
白人前。不得說夢。諸昆仲。寒則普天寒。熱則普天熱。
甜瓜徹蒂甜。苦瓠連根苦。雲從龍。風從虎。聖人作萬
物。觀維摩會上。一箇箇聖智。春應何似。博山座前。聖
者聲。吾聲者聲。天女身品

上堂。如何是佛。七四八凸。如何是道。水霜雪電。要知
佛道幽玄者。裏看來。恰好通達佛道。行於非道。豈水
驚魚。穿林驚鳥。行於非道。通達佛道。以緇混素。呼白
爲皂。護將惡水。驚頭澆。昨日嬰兒。今已老行。五無間。

罪而徹底水清入三惡道而澄潭落影徹底水清骨
格絲來故舊澄潭落影風流不出當家示行三毒而
成就慧心九轉金丹堪點鐵示行六度而豁開智眼
幾番落葉不知秋徹妙義於諸經架橋梁於六趣破
魔外之計執成權小之智慧可謂寶守功德取之不
竭用之不盡者也乃至投明珠於濁水擲至寶於淤泥
與正路於邪途現涅槃於生死譬夫一水成湯鹹
之淡之酸之辣之甜之苦之且道喚甚麼作水也喚
甚麼作湯也經云如是行於非道是爲通達佛道有
人於者裏簡點得出博山將袈裟後之珍重佛道品
上堂蜂房有蜜粳米有粥無明是慧煩惱即佛日月
月從東海昇日日向西山沒大丈夫兒誰不知有
虛空坐斷成窠臼無爲大浸任彌天種種於空終不
就經云有身是如來種種真箇是蝦跳不出斗無明有
愛是如來種種好兒終不揚家醜貪恚癡是如來種一
切佛法從斯有四倒五蓋六入七識處是如來種人
人鼻孔向下垂那箇眉毛不解皺乃至十不善道六
十二見一切煩惱皆是佛種極極堆頭無價珠一顆

圓明非淨垢諸昆仲若向者裏會去正是借路還家
就身打劫無量寶聚當下知歸若者裏不會直饒坐
斷虛空清光照眼不通凡聖正是迷家於衲僧分上
了無交涉是以曼殊大士善用返魂之藥仍續斷途
之橋樑轉鼻頭掀翻唇齒布齒齒於淤泥植菩提於
糞壤指生死海內有無價寶珠諸昆仲我等即今在
生死海內頭出頭沒且道無價寶珠在甚麼處膿血
團中赤骨歷精光直射斗牛虛如來品
上堂大道之源混沌之先騰今羅古徹地通天研却
中心樹子看來祇得一玄諸昆仲若論此事要識得
親生父母若識得親生父母莫道參學事畢更要知
毗盧有師法身有主經云智度菩薩母方便以爲父
此是化儀父母非親生父母也又云一切衆導師無
不從彼生此是化儀導師非毗盧師也法喜以爲妻
慈悲心爲女善心誠實男維摩眷屬一棚傀儡不假
線索各人衲衣下檢點看還有許多般麼又當知空
寂含覆是房舍也塵勞旋空是弟子也親益成已是
知識也四攝誘引是妓女也歌誦法言是樂音也總

持廣納是園苑也。密固扶疎是樹林也。開合適時是妙花也。智解造實是慧果也。去熱除垢是浴池也。三昧澄清是定水也。其間更有一事。警訛不可不辯。經云。布以七淨華。浴此無垢人。若識得無垢人。便識得親生父母。若知親生父母。便知毗盧有師。法身有主。諸上座。要知法身主。麼。無手童兒。能指出分明。貌醜不堪傳品。

上堂。南泉大師云。我十八上。便解作活計。趙州大師云。我十八上。便解破家蕩產。南泉父子。至親骨肉。因甚麼造詣不同。若向者裏會去。豈但徹見南泉父子。亦乃入得維摩不二法門。博山當時於趙州破家蕩產處。便會得南泉作活計。於南泉作活計處。便會得趙州破家蕩產。此二語。雖如水炭。惟親履實踐者。乃能知之。諸昆仲。此事不從學問得。不從思維得。不從修證得。不從辯慧得。只如維摩大士。牙如劍樹。口似血盆。問若雲興。辯如瓶瀉。到者裏。亦開口不得。只得無言可對。無理可伸。可謂理屈辭窮。非但要默然。不得不默也。古德頌云。維摩不默不良久。據坐商量成。

過咎總是瞋睡。漢說他作麼。又殊大士略較些子。向者裏按下雲頭。睜開碧眼。雖然如是。祇知掃蕩不覺。瑕生獨三十二菩薩。一箇箇攢花織錦。向無煙火處。鬪弄春鶯。於沒蹤跡中。開展門戶。非但有益於當時。正爲有益於現今。亦有益於將來也。假如有一僧向博山道和尚。莫錯從古泊今。未嘗有人如是披判。博山祇向他道。博山錯。何似上座錯。豈不見不因夜來。鴈爭見海門秋。

門不二品

上堂。饑來喫飯。困來打眠。咬著牙齒。震動大千。俊鷹不打。離下雀好兒。終不用爺錢。舍利弗。纔欲得食。早已被呵。我等一日三餐。如何理會。廬陵米價。要且不知。闍維老子。打算飯錢。作麼生折。合到者裏。智慧辯才。神通妙用。總用不著。直饒維摩大士。遣化人至四十二億恒河沙世界。上衆香世界。乞香積世尊所食之餘。復至娑婆世界。施作佛事。請僧分上。箇點將來。正是鬼神活計。當得甚麼事。諸昆仲。若知十方國土。猶如虛空。衆香世界。不離跬步。一念清淨。釋迦佛。即是香積佛。娑婆世界。即是香積世界。若一念非清淨。

香積佛即是釋迦佛。衆香世界即是娑婆世界。諸昆仲若向者裏信。便信去。若不信。從教立在古屏畔。待使丹青入畫圖。

香積品

上堂。寂然不動。感而遂通。釋迦老人有耳如聾。胡地冬抽香筍。楚天鴈入回峯。擊碎晴空一色。揭開雲霧千重。此是彌陀分上具足底神通妙用。又何勞化寶座。將丈室置右掌。然後爲神異哉。亦是維摩大士佛事。門頭警爾如是。非實事也。衆香世界以香飯入律行。娑婆世界以文字語言而入律行。此悉是菩薩導機動善應權化物。亦非實事也。或有國土以佛光明而作佛事。有以佛所化人而作佛事。有以菩提樹而作佛事。乃至有以佛威儀進止諸所施爲而作佛事。然古今非一世變時遷在博山分上總用不著博山。但將現成底現前底指示大衆。有時以森羅萬象而作佛事。有時以日月星辰而作佛事。有時以園林浴池而作佛事。有時以水流風動而作佛事。有時以揚眉瞬目而作佛事。有時以搬柴運水而作佛事。乃至與諸上座要笑謳歌而作佛事。諸昆仲且道與釋迦

老人維摩大士是同耶。別耶。復笑云。日月有明晦。聖凡無二心。

菩薩行品

上堂。道遠乎哉。觸事而眞。聖遠乎哉。體之則靈。見聞覺知是載道之器。道不即見聞覺知。亦不離見聞覺知。動靜起止是聖所行處。聖不即動靜起止。亦不離動靜起止。若得大轉變。方有語話分。諸昆仲。若以見爲見。有見有不見。以無見爲無見。此即成斷見。若欲具正見。無見無不見。若以動爲動。妄心彌更動。以無動爲無動。此人非佛。種若欲知不動動。上有不動會得此意。縱萬境紛紜之際。而恬然寂然。所以肇公云。江河競注而不流。野馬飄鼓而不動。日月麗天而不暈。教中謂東方妙喜世界有佛世尊。名曰不動。東方乃羣動之本。佛名不動。亦此意也。而以妙喜世界入娑婆世界。事有往還之跡。理無往還之功。如有一人從東方來。東方虛空無有空缺。處復至西方去。而西方虛空無有逼塞。處如斷妙喜世界。至娑婆世界。妙喜世界無空缺。處娑婆世界亦無逼塞。處非神通力也。法如是。故若會得此意。是名眞法供養。如來諸供

養中法供養最何以故一切諸佛阿耨多羅三藐三菩提皆從此經出故法華經云假使有人登須彌頂爲人宣說十二部經未足爲難暫讀此經是則爲難諸昆仲黑的是字白的是紙經是圓頓教乘不出大方廣十二部經典等且道喚甚麼作此經者葛藤話不了喝一喝云專爲流通見阿彌陀佛供養品

上堂佛法付與國王大臣長者居士世諦語言皆合道誰家絃管不傳心佛法付與沙門釋子菩薩大士袈裟一段風流事不是飽參人不知昔者雲陽老師初住此山荷擔大法豫齋趙公扶助此道師資相契如水乳合陽師化後仍得湛虛趙公二子及孫四世弘善所以閩地信向佛法悉從此巖中流出余所謂董巖者非巖乃功德海也今日解制之期勉吾李公泊尸居士設齋供衆博山不免舉一兩則陳爛葛藤因齋慶讚去也者百丈大師云靈光獨耀迥脫根塵體露真常不拘文字心性無染本自圓成但離妄緣卽如如佛諸昆仲向第一句會去甚是快便其或未然儘山重爲下箇註脚靈光獨耀分身兩處看迥脫

根塵眼裏耳裏體露真常通身紅爛不拘文字流出一大藏教心性無染貪瞋癡愛本自圓成猶欠粒米但離妄緣喚甚麼作真實卽如如佛佛之一字吾不喜聞者裏不會更將張拙秀才悟道頌重爲註解光明寂照遍河沙天上天下惟吾獨尊凡聖含靈共我家一人傳虛萬人傳實一念不生全體現山河大地遍塞殺人六根纖動被雲遮好向聲色裏薦取斷除煩惱重增病喚甚麼作煩惱趣向真如亦是邪刮却眼中翳隨順世緣無罣礙飲水須防噎涅槃生死等空花何處得此名字還會麼更或遲疑博山將維摩經從頭復解一遍良久云離沙無鑲玉之談結草乖道人之意便下座贈某

書坊仙亭上堂隨石秦王鏡涓流古澗泉微塵山海量螢火樹頭煙諸昆仲此四句偈有一句殺有一句活有一句縱有一句奪若人檢點得出博山與他結箇同參其或未然不免駕雲霧吸山川弄神通顯妙用又怎惟得博山博山十年前曾到此山見雲霞繚繞古木含煙有泗泉余公道愛殷殷尙壯壯然也博

山十年後到此山復見紛紛雲霞含煙古木泗泉余公今已矣也若以人比古木人實同幻化古木乃恒常也若以古木比山川古木有摧折山川乃恒常也若以山川比雲霞山川有崩缺雲霞乃恒常也若以雲霞比虛空雲霞有去來虛空乃恒常也若以虛空比吾大圓覺體虛空有成壞而吾大圓覺體乃恒常也更有一恒常不與諸昆仲道諸昆仲各人向衲衣下抖擻看若抖擻得出便好與博山相見有麼有麼袈裟不是恒常事鼻爛骨頭仔細看

戊辰重至董巖上堂天不蓋地不載是甚麼物諸禪者也須審細千人萬人中不向一人不肯一人是甚麼物諸禪者也須審細虛空包不住大地載不起是甚麼物諸禪者也須審細蚊蟲眉睫上安身蟻腹中敷坐是甚麼物諸禪者也須審細於此四種上會去許諸人升博山堂未曾入博山室更須知博山室中受用始得諸昆仲頓明佛心毫無差互世間心念不見纖毫始名出世間人逢世間逆順境緣賢愚好反如以手觸空了無交涉所以達磨大師云亦不親

惡而生嫌亦不觀善而勤措亦不捨愚而近賢亦不拋迷而就悟達大道兮過量通佛心兮出度不與凡聖同鄰超然名之曰祖卓拄杖云達磨大士來也爲汝等敷宣第一義諦且道是何章句層巖磊落從教日炙風吹行樹清涼好看花飛蝶舞

上堂佛不求佛心不覓心設有求覓者皆昧心取境耳若達境惟心不生分別想山河無影跡大地絕形蹤青松與綠竹同科白鷺共黃鸝一色理無異狀緣幻千途果然徹究根源頓絕凡情聖解古德云若人識得心大地無寸土當知此一字法門豈但奪盡世間法假饒千佛出興於世行苦行坐道場說法利生般大涅槃祇是緣生法以智眼觀之如夢如幻攝大乘論云卽諸三摩地大師說惟心由心彩畫故如所作事業若達本忘情自然無惑諸昆仲此是教家極則更須知祖師門下長處始得且道作麼生是祖師門下長處拈拄杖云昨日是重陽今朝又過一日也卓拄杖下座

上堂如何是道平常心是道是聖是凡都一掃纖生

擬議隔天涯大似尋空向壁討。該昆仲能由境有境。逐能成境。由能境能由境。能拄杖子。喚作能三十棒。越出院。喚作境三十棒。越出院。喚作非能非境三十棒。越出院。喚作亦能亦境三十棒。越出院。三祖大師無風起浪。平地生波。箇點將來不無滲漏。雖然如是。下文幸有抹言。豈不見六塵不惡。還同正覺。智者無爲。愚人自縛。據此亦有過犯。何以故。說箇同字。好與三十棒越出院。卓拄杖云。不是與人難共住。大都細素要分明。

上堂釋迦大師從本無生緣起而有生者。鏡中之影像。昭然從本無滅緣盡而有滅者。水上之漚華寂爾。四十九年夢語。百千萬種真慈。掉盡老婆舌。頭價盡衆生口業。無端被迦葉尊者覷破。只得無地藏身。博山雖是他脚下兒孫。要且不沾著些兒痕跡。何以故。彼既緣生。我亦緣生。當知拄杖子不在其類。彼既緣滅。我亦緣滅。當知拄杖子不在其類。諸昆仲。還識拄杖子麼。橫拈直撞。無情識生滅場中。不涉伊識得箇中何所似。牡丹花下睡貓兒。卓拄杖下座。第五

無異禪師廣錄卷第六

住博山法孫 弘滿 彙編

首座法孫 弘裕 同集

住建州大仰寶林禪寺語錄

結制上堂。諸佛出世爲一大事。因緣幾幅。素緣描不出。博山出世亦爲一大事。因緣一條。白練蒸頭穿破。翻老漢曾相委。多少人天受熱。瞞諸昆仲。此事不從功行得不。從修證得不。從思維得不。從禪定得。從你將自己身心煉得。如枯木寒灰。百年在定。終如一箇死人。於本分事中。全無交涉。所以道。直饒到澄潭月影靜。夜鐘聲隨扣擊。以無虧。觸波瀾而不散。此猶是生死岸頭事。諸昆仲。直須向花柳街前。連得九衢春色。芙蓉岸上。帶來八面秋風。始能應用。無虧。隨緣自在。底日子。諸昆仲。還知博山今日底行履處麼。良久云。祇有一雙窮相手。未曾輕揖等閒人。上堂。心不是佛。智不是道。知盡無知。無知知要。博山盡起。暗眠算來。恰恰却好對談。無論是和。非三寸舌頭。胡亂掃有問。禪夜深。明月照窗。前有問道。無角泥。

牛臥荒草有問法南嶽石頭路滑有問僧眼中瞳
子面前人更有當陽向上句分明說與君須記從來
孝子諱爺名等閒拈出同兒戲諸昆仲博山今日拈
出可謂不惜家珍也祇要諸人領略不然則事負大
衆去也復笑云不辜負曠栽無影樹留與後人看
上堂佛法有因緣因緣非佛法彼此不相涉運華從
口發昔釋迦大師托質閻浮降神兜率未受迦藍之
孕便展無礙之鋒現世界而無邊化衆生而無量檢
點將來要且不曾度著一箇既出母胎捨皇宮之快
樂受雪嶺之饑寒觀明星而悟眞常卽塵勞而成佛
事要且不曾悟著一法及乎開場四十九載談經三
百餘會龍宮塞滿而法界全彰要且不曾談著一字
逮末後拈花示衆便云有教外別傳說印心之妙偈
付上行之金襴要且不曾傳著一絲及乎三千七百
承處接響人人拖泥帶水而轉喝交馳各各帶水拖
泥而眉毛倒豎要且不曾沾著一滴今日博山遠承
慈蔭雖是他家兒孫要且不行他故轍是佛亦割城
內不留朕兆是魔亦割緣中豈涉塵勞是僧亦割拂

羅漢之我人是法亦割出智眼之金屑當此法筵之
際向蒼煙紫霧之中細觀豹變於流沙絕域之外捷
見飛黃直下舉向上機徹頭示末後句諸昆仲既是
直下喚甚麼作向上機既是徹頭因甚是末後句復
笑云金背黃牛眠綠草銀蹄黑犬吠青天
上堂心本是佛智本是道認奴作郎終成不肖東寺
要索鎮海珠仰山傾出一樽庵釋迦彌勒爲渠忙帶
累博山渾落草不落草萬里山河明杲杲西湖水浸
碧琉璃南海波斯無處討諸昆仲當此時也秋日微
微秋菊離離秋雁南飛秋猿夜啼古所謂欲知佛法
當觀時節因緣今時節至矣作麼生是本成佛底心
以手約云看看傍觀者咽當局者迷參
上堂諸昆仲須善巧彌勒布袋頭祇要今時了要笑
與謳歌愈聽聲愈好且如博山上堂大衆聽法畢竟
承誰恩力稽首慈氏大師神通不同小小
上堂昨日是重陽今朝不見九惟有破落僧面南看
北斗懶烹石女茶醺愛曹山酒棒打石人頭不落塵
塵後諸昆仲通玄一脈智者知疎不勒金鞭白牛過

野撥向溪東。牧不免食他國王水草。潭家不著。手摸
碎玉琉璃。擬向溪西牧。不免食他國王水草。黏金
彈子。大地沒閒人。不如隨分納些些。秋風多帶殺秋
露逼人寒。諸昆仲更須知。人牛不見海。滿空澄洞滴。
非聲千山不露。恁麼時節。轉位就機。一句作麼生。道
堪笑陶彭澤。無錢對菊花。

上堂。雲居祐禪師云。月色和雲白。松聲帶露寒。好箇
真消息。憑君仔細看。諸昆仲。此四句偈。如啞子作通
事。分明學似於人。祇要披襟領荷。博山今年到寶林。
寺。恰恰應者箇時節。不免註解一遍。與大眾結箇出
世大因緣也。月色和雲白。人居翠蓋東。更求親切句。
款乃月明中。松聲帶露寒。冷落絕躋攀。渾身赤骨。歷
坐破蘚苔。斑好箇真消息。全歸顧盼中。夜深人盡曉。
清碧許誰同。憑君仔細看。當下骨毛寒。携筇深嶂裏。
跌坐聽緇蠻。諸昆仲。且道博山註解。還徹古人意否。
一聲鐵笛歸來晚。笑展家風爛熳看。

上堂。說一箇禪字。好與三十棒杖頭。有眼明如日。說
一箇法字。好與三十棒。優鉢無根滿樹花。說一箇佛

字。好與三十棒。分付老盧高著眼。說一箇僧字。好與
三十棒。莫教流落在天涯。過得瀟湘渡口。便知清白
人家。管甚煙雲埋沒。從教黑豆生芽。翻思昔日雲門
老。卸却鐵枷。真箇好一棒打殺。貴太平。免使兒孫落
荒草。諸昆仲。開眼說夢。醒亦是迷。白酒青鹽。我乃是
誰。寒水烈火。痛下針錐。今古幾多伶俐漢。分明事負
一雙眉。復笑云。博山罪過。

上堂。我有一句子。當下絕繩籠。過險收雙足。登山跨
遠峯。雲凝天欲曉。雷震鳥潛蹤。瑞草和根拔。靈華徹
蒂紅。三玄稱絕唱。九帶應奇逢。淡淡澄江漢。啾啾較
鷓鴣。不吐南山霧。何妨八面風。兔角情方露。龜毛意
轉濃。拈香添社火。擇菜挫來鋒。石女頻加額。木人幸
飲容。願獻堆山富。還期徹骨窮。倒騎折足馬。踢碎玉
屏風。諸昆仲。此句乃宗門以肯綮之談。博山今日盡
情吐露。若要會此。偈意從水晶宮裏穿下。過來打破
琉璃餅子。然後向十字街頭。與博山相見。更有話在。
上堂。諸法不自生。高樓石女夜吹笙。亦不從他生。展
似眉毛作麼生。不共不無。因青山隱隱。碧筱層層。是故

說無生漫江水浸石頭城幾多獵犬尋羊跡誰知一
馬生三實。雲龍喜從城下看。暮年不見白頭人。黃菊
落英秋又過。不知誰會凭欄情。識盡關懷聽犬吠。銷
乾枯木喜龍吟。諸昆仲更有三立與三要。鐵膽銅心
無處討。吸乾滄海露出珊瑚枝。衝開碧落不顧無根
草。諸昆仲不許夜行投明須到。

上堂世尊拈花久晴雨也。迦葉微笑久雨晴也。航海
西來衣線綻也。斷臂酬心骨髓露也。瘋頭求懺罪性
空也。倩人書偈本無物也。南嶽磨磚牛非駕也。馬祖
一喝雄峯震也。三日耳聾聰無敵也。踢倒淨瓶世界
傾也。三遭痛棒杖開眼也。卸却鐵枷脚脛斷也。過水
撐著渠是我也。觀影大悟我非渠也。逡巡行脚知親
切也。博山大似不肯兒孫。箇點祖宗過失今日不免
翻案。做箇克家子。將七珍八寶收拾在一處。然後跨
白牛而坐。斷十虛。乘清風而遊乎八極。研盡青松驚
起千年白鶴。高登碧嶂。翻幾片閒雲。然雖如是。更
須知博山野牧樵情。始到大安樂處。不然直饒聖處
受生未免竿頭險墮。

上堂。柝檀叢林。柝檀圍繞。既披龍樹影。不問鄧林材。
荊棘叢林。荊棘圍繞。鵲雖有志。安識海雲低。荊棘
叢林。柝檀圍繞。客來雖不待。應物善知時。柝檀叢林。
荊棘圍繞。高樓聲漸細。移月過滄洲。古人指出此四
種叢林。敢問諸上座。畢竟在那一種叢林。安身立命。
博山曾一一穿過。今與大眾開幾重關。須要入之者。
不可憫。倘善而擇之。若說柝檀叢林。穿過荊棘叢林。
幾點翠封。塔下石數行。廬過楚天秋。若說荊棘叢林。
穿過柝檀叢林。不因樵子徑。怎到葛洪家。若說柝檀
叢林。不是荊棘叢林。荊棘叢林。不是柝檀叢林。竹風
與蕙蘭分香。松影過雲煙。異色若說柝檀叢林。即是
荊棘叢林。荊棘叢林。即是柝檀叢林。水中擲乳。須是
鷲王敢問。諸昆仲。博山今日在那一種叢林。良久云。
野老不知菴外事。慙慙只向佛前燈。便下座。
上堂。達磨不虛傳。二祖不虛受。碧眼胡僧。皺兩眉。看
來不著。隨人後。密究深裁。全火祇候。龍隱長空。鷄鳴
白晝。諸昆仲。當知魚遊陸地。笑殺陝府鐵牛。虎踞街
衢。驚倒嘉州大象。法界撮來一粒黍。山只重三斤到。

此則罷振雲樹懶聽風柯飲啄隨緣無循軌度有時在太陽門下而玄唱玄提有時在明月堂前而分斤分兩有時在芳草波心澡浴而手折青蓮有時在紫羅帳裏謳歌而鍼環玉線諸昆仲縱有歡客嘉賓向甚麼處與博山相見良久云前村煙浪裏犬吠有人家

上堂博山門庭寬曠應接周流寶鏡高懸珠簾倒捲開花野草翻性地之靈苗篆籀香雲示緣生之實相進得博山門則百千萬億門一時透徹妙叶該通重重無盡諸昆仲且道博山門如何進以手彈指云是處是彌勒無門無善財

上堂春雨淋不去瓊花生確嘴夏日曬不乾深陰淨如洗秋月頗相宜澄潭不見底冬雪凍法身飄飄千萬里四季共一年循環差可擬寒暑不同時彼此非相似恁麼也不得黃河水倒流不恁麼也不得虛空生兩耳恁麼不恁麼總不得燒火拾枯柴遊山觀止水恁麼也得買石得雲饒不恁麼也得移花兼蝶至恁麼不恁麼總得碧沼間紅葉清風翻白羽諸昆仲

以字不成入字不是是甚麼字以手畫一圓相云白牛放去無蹤跡空把山童磨鐵轡

上堂古鏡潤一丈世界潤一丈世界潤一丈火爐潤一丈火爐潤一丈法座潤一丈法座潤一丈燭籠潤一丈燭籠潤一丈眼睛潤一丈如何是古鏡隱顯幾微無欠臘如何是世界拈來擲去都子大如何是火爐深撥寒灰有點無如何是法座坐談誰管天花墮如何是燭籠趙州東壁挂葫蘆如何是眼睛團圓光瑩若銅鈴諸昆仲今朝初一日十五雪峯拋毬禾山打鼓大家齊賀太平年要者響兮響者響惟有窗前白兔兒帶角鑽窗三尺土咄下座

上堂天不蓋地不載逢買賣遇賤賣進前綸索商量漆桶依然不快諸昆仲須是全身拶入徹底翻開大唐國裏沒禪師沸鐵煇銅難下口今有一事問汝諸人水底石頭顛倒走雲中泥鴈往來飛者箇若是即頭上安頭如汝文殊更有文殊是文殊者者箇不是即斬頭求活如一月真其中更無是月非月目前無法意在目前見見之時見非是見見猶離見見不能

及不是目前法非耳目之所到。所却月中桂清光影。更多諸昆仲。諸方將宗註教。博山將教註宗。還有優劣也。無註則註矣。破則破矣。且道夾山意在甚麼處。好鳥盡從林下過。鳳凰不戀舊時巢。

上堂一法若有毗盧墮在。凡夫富嫌千口少。萬法若無普賢失其境界。貧恨一身多。泰山與華嶽爭衡少。室共雄峯側耳。腹藏四大海。脚踏須彌盧。於金輪際下。探不二之真源。向香積界中。搏無殊之法食。此猶是門庭施設。小不思議。諸僧分中了無交涉。諸昆仲須知。法外無身心。外無境智。外無土空。外無塵纖芥。方投千門洞達。一塵纔起。大地全收。結菴摩羅。菓於不思議之鄉。植栴檀陀林於無陰陽之地。且道古今阿誰得恁麼受用。惟有傳大士較些子。君不見山海坦然平。敲冰來煮茶。惜乎此老早矣。未曾得見博山。若見博山好與痛棒。還是贊伊罰伊。要渠識痛癢。始得諸昆仲。此事不要與列位公子得知。若知時將謂佛法容易也。然雖如是。且道那箇皮下無血珍重。上堂居一切時不起妄念。月中丹桂和根拔海底泥。

牛驚鼻穿於諸妄心。亦不息滅。紅塵堆裏排班立白。浪灘頭撒手。行住妄想境。不加了知。臘月火燒無影。樹三春人唱採樵歌。於無了知。不辯真實。須彌頂上花冠子。非是人工。蘊造來。諸昆仲。博山有不思議底。爐韞將佛祖言教。煉成一箇鐵橛子。鍼割不入。水灑不濕。若喚作教。却又又是禪。若喚作禪。却又又是教。直饒於禪教中。分別不生。更須知禪教向上有事在。且道作麼生是向上事。玄都觀裏桃千樹。盡是劉郎去後栽。

住福州鼓山湧泉禪寺語錄

開堂拈香白。惟竟師曰。昔日世尊在靈山會上拈花示衆。尙餘一枝在博山手裏。今日于湧泉堂上供養大衆去也。古德云。昨日作嬰孩。今朝年已老。未明三八九。難踢古皇道。恁麼說話。披心瀝膽。徹底婆心。且道作麼生說箇三。八。九。底道理。卓拄杖云。黃河水溢。黃河水雲霧山連雲霧山珍重。

結制上堂。三百年前諸尊宿。在此一片地上。東語西話。三百年後博山在此一片地上。東語西話。雖則依

模畫樣大似捕空捉影。劈水尋蹤。簡點將來不無滲漏。雖然如是。彼一時也。此一時也。諸昆仲若知得彼時。卽此時不見。有三百年前。此時卽彼時。不見有三百年後。所以道一念普觀無量劫。無去無來亦無住。此猶是教家事。更須知有宗門下長處。始得且道。如何是宗門下長處。卓拄杖云。朔雲凜烈吹開。寒谷之花。石火輝煌。拍破木人之掌。珍重。

上堂春日乍寒乍暖。春風曉有。條無若從者裏會去。佛法天地懸殊。不從者裏會去。向甚麼處會。纔涉思惟。成羣作隊。不思惟處。意如何。行人更在青山外。今日博山親歷其境。有一首偈。分明學似大眾。偈曰。三脚驢子弄蹄行。蹋破蒼苔知幾層。正恁麼時。誰會意。白雲深處坐禪僧。卓拄杖云。咦。誰是其人。珍重。上堂舉拂子云。有物先天地。無形本寂寥。能爲萬象主。不逐四時凋。古人恁麼道。獨步全提至。微至著超規。越矩方圓可。成先賢朱晦翁。嘗以此偈示門人。曰。吾儒無此等語。晦翁可謂知言也。諸人還知麼。月渚風林流出現。成公案。鶯聲鳥語。宣揚不二法門。雲中

之木馬。長嘶山外之泥牛。倒走母居正位。不犯當頭。坐斷十方。不通凡聖。雖然。雖如是。更須知有向上一縫子。始得且道。如何是向上一縫子。良久云。口是禪門。上堂天地旋山河。走面南辰看北斗。家鄉田地。護商量。肉髻明珠。誰不有。諸昆仲論肉髻之明珠。實在親知。論家鄉之田地。實在親到。親知則取之不竭。用之無窮。親到則春耕秋穫。布種以時。果得如是。受用譬如擲劍揮空。毋論及與不及。此等說話。大似嚼飯餵嬰兒。諸人分上。因甚麼不薦卓拄杖云。只爲分明極。翻令所得遲。

上堂黑狗爛銀蹄。白日通霄吠石女。倒拈針木人相對語。諸昆仲於此四句上。透得過四方八面。來處空連架打。所以道一雙孤雁。貼地高飛。兩箇鴛鴦。池邊獨立。可謂明珠在握。寶鏡當臺。胡漢俱來。隱諱不得。諸昆仲。國大千於掌上。櫛化土於他方。探香水於金輪。果能如是。也儘奇特。但切不得動著動著。則打折汝等驢腰卓拄杖下座。

上堂卓拄杖云。轉山河歸自己。月明當戶。炤轉自己。

歸山河風冷。默山居。撞鐘撞著老僧心。祥雲從地起。鐘聲爲甚麼。披七條衣。寶蓋自天垂。總不恁麼道。又作麼生。不是家鄉客。徒勞話歲寒。此五種見地。雖則賞罰分明。也要諸人委悉。有一人在蘊界屏處。說非法語。犯十三僧伽婆尸沙。有一人在淨白地上。涕唾犯一百。應當學。有一人撥草瞻風。攪行奪市。有一人露盤卓坐。解作家方。有一人針劑不見血。火燒不知痛。病在膏肓。不堪療治。若有人於此。簡點得出。博山分付拄杖子。一任天下橫行。其或未然。卓拄杖云。柳標橫擔不顧人。直入千峯萬峯去。

無異禪師廣錄卷第六

無異禪師廣錄卷第七

住博山法孫 弘瀚 彙編

首座法孫 弘裕 同集

住金陵天界禪寺語錄

金剛殿拈香。三門高聳。臨霄漢。廓爾方知祖道玄。今日脚跟親踢著。優曇花影遍三千。

天王殿拈香。從來願力展慈威。燦破虛空毫相輝。依

正報中誰辯得。山頭多見紫雲飛。

大雄殿拈香。黃金殿上三尊佛。白玉光中一箇僧。正

恁麼時。何所據。香雲旋結萬千層。

振宗堂據坐。寶鏡當臺。驗正邪。阿誰獨陷大方家。博

山手段從來辣。客到驚湯便當茶。

開堂此一瓣香。彌天亘地耀古輝。今太極鍾祥乾元

衍慶。慈向爐中端爲供養我明。

太祖高皇帝

成祖文皇帝建立

三寶弘通大乘。廣化衆生。同圓聖智。山僧某今日在

此法筵。一言一句皆從

聖恩中流出以海水爲墨書其贊辭不能盡其萬一也伏願

皇極御天遍大千而廣被

聖靈奕世昭萬古以常明

此一瓣香靈苗含潤寶樹敷榮景星聚以沐清庥祥雲凝而乘嘉運慈向爐中端爲祝延當今

皇帝聖壽萬安

皇后偕聖壽以無疆

太子懋元良而永泰伏願

金輪永鎮日新鸞嶺之風寶位增輝時邁唐虞之治此一瓣香萬物毓以生成陰陽協而秀發爲霖現瑞裕國祐民慈向爐中用酬檀護

滿朝合郡宰官護法大居士福基祿位咸增性種靈根並茂

此一瓣香龍宮湧出鸞嶺拈來輝寶鏡而利益羣生微重玄而全該正命慈向爐中端申供養

先本師壽昌大和尚用誦法乳之恩歛衣就座白椎竟師乃卓拄杖云諸昆仲遠磨大師航海而來直指

人心見性成佛雖則門庭萬仞壁立千層祇演一心之法更無餘事乃至六祖傳衣五宗競出運無礙輪化無緣衆祇演一心之法更無餘事嵩山大師敲唱同時暗機圓合傾瓶以辯超方撼茶而彰妙用祇演一心之法更無餘事雲門大師箭鋒相拄函蓋乾坤揚眉落白顧盼猶遲如流雲翔鶴湛水晴空祇演一心之法更無餘事法眼大師拈現前石塞虛空口一切處現成六根互用六用齊施祇演一心之法更無餘事臨濟大師一語中具三玄一玄中具三要驅耕夫牛奪饑人食電光石火開眼猶迷祇演一心之法更無餘事洞山大師混不得類不齊立寶鏡三昧炤學者肺肝分五湖玉石雪盛銀鉈月炤金沙祇演一心之法更無餘事乃至博山今日遠承諸祖慈蔭循規蹈矩借路還家駕輕就熟祇演一心之法更無餘事諸昆仲含靈具此一心之法學人欲明此一心之法三世諸佛歷代祖師示此一心之法故楞伽經云佛語心爲宗無門爲法門諸昆仲大地沒遮欄要行行不去要住住不得且道向甚麼處出氣還知麼烏

鳴雲樹聲聲喚遊子歸家。魚躍煙波。色色翻誌公陳。案灑濃空中梵字。刮開眼底重慶。且道向甚麼處認。取自家心地。卓拄杖云。鼻根浮面上。更不用躊躇珍重。

當晚小參。南嶽大師云。一切萬法皆從心生。心無所生。法無能住。若達心地。所作無礙。諸昆仲。心無所生。山河大地。從甚麼處得來。法無能住。終日著衣喫飯。因甚麼只認定著箇自己。去此二途。作麼生折合。諸人分上也須自看。有人通得消息。博山將袈裟以覆之。

魏國徐六翁居士。誕日請上堂。因緣所生法。莊嚴世間。相了彼性空者。斯人具正眼。諸昆仲。心本無生。從緣有生生。緣勝故。佛種亦勝。法華經云。佛種從緣起。是故說一乘作麼生。是說一乘底道理。諸昆仲。毫端歛法界之方。滴水含滄海之潤。無明全諸佛之智藏。識潛增上之緣。理應箭鋒事存函蓋。不可以思議而得之者也。諸昆仲。茲因魏國六翁老居士華筵大誕。之辰。合郡衆居士於濟生菴中。設此無遮大會。爲六

翁居士祝壽。且道將何爲祝。耶須彌耶。滄海耶。大地耶。草木叢林耶。若以須彌爲壽。須彌高而有頂。若以滄海爲壽。滄海深而有源。若以大地爲壽。大地厚而有輪。若以草木叢林爲壽。草木叢林多而有盡。惟以吾大圓覺中華藏界內。香雲花雲幢幡雲音樂雲寶蓋雲。若舉一若舉二。若舉百。若舉千。乃至百千萬億。數中隨拈一微塵許。皆與有情無情等。與毗盧遮那等。皆可爲居士祝壽也。雖然。如是不免爲居士傍通箇消息。作麼是傍通底消息。華藏界中。纔一念圓淨。早已萬千年珍重。問如何是無量壽。師云。烏龍潭上浪滔天。進云。恁麼則有量也。師云。天池一滴水。怎與衆同流。茹居士問。向上一著。如何道。師云。石頭城。外垂楊柳。進云。者是衆生眼。如何是和尙眼。師云。吹盡殘花色。愈鮮進云。某甲參學二十年。今日學得一拜。師云。三十棒。且待別時。

晚上吳盛二居士就濟生菴。請上堂。博山三年前同桑梓爲桑梓。諸親友演箇還鄉曲。子衆中有聞名者。聽音聲者。見形影者。摩皮膚者。契心髓者。復有進其

門升其堂入其室者。倏忽三載。若利那際。今來居士復以幣帛見召。博山雖在他方千萬里外。其實寸步未嘗離故鄉田地。諸昆仲龍眠。露露紫金。足下雲生。浮渡滔滔。鍾阜山中水溢。折毫端而含利土。懸慧鏡以辯方來。隨公剪尺。尙存投子油瓶。現在然雖如是。也要衆居士見其面孔。聽其法句。始得且道。是何法句。卓拄杖云。諸聽諸聽。

余集生任文升二居士。請上堂道。不屬知。不屬不知。知是妄覺。不知是無記。只饒坐斷兩頭。更須知有向。上事始得。諸昆仲若論向上事。諸人分上。一一天真。一一靈明。一一具足。上至諸佛。下至含靈。各各不欠。缺纖毫。是以余集生任文升二居士。同合郡大居士。向者裏設無上妙供。運同體大悲。救砧几衆生。解籠檻囚繫。飛者適霄漢。走者縱山林。潛者躍深淵。以無功之功。無行之行。於無衆生界中。解脫鏡像。有情諸昆仲。青山挺秀。流鶯囀樹裏之聲。綠水瀾漫。躍鯉現波中之色。味真常於山水。迷現量於飛潛。大似陽燄翻波。渾成戲論。諸昆仲。還識得麼。若能返照。直下逢

渠舉措施。爲無虧實相。卓拄杖下座。

上堂。洞山大師悟道偈云。切忌從他覓。迢迢與我疎。我今獨自往。處處得逢渠。渠今正是我。我今不是渠。若能如是會。方得契如如。此是洞山宗旨。綿密回互。皆從此偈中流出。不可不理會。諸昆仲。此偈中有二句。最嚴緊。今正是我。我今不是渠。渠者何物也。而正是我。我者復何物也。而不是渠。且道是一箇是。兩箇若向者裏會去。始可有參學分。須知此偈。豈但曹洞宗旨。卽五家應機接物。皆當向此句中印過。始得不然。在一機一境上。得些子解路。盡是掠虛頭漢。有甚麼話會處。所以曹洞有三種滲漏。一者見滲漏。機不離位。墮在毒海。此不離卽毒海也。二者情滲漏。情存向背。見處偏枯。此向背卽偏枯也。三者語滲漏。體妙失宗。機昧終始。此體妙卽機昧也。若據此三種滲漏。學者明晦。如見肺肝。所以博山舉眼無人。非敢以生滅勘驗。諸方若見徹此偈。洞山大師未曾入滅。博山雖在今時。亦不諳今時事。祇與諸人二時逐隊。諸昆仲。古木叢中。麝隔漏逗法身。大洋海底。翻騰侵損漁

父微見本來面目。野雲散而天青。掀開煩熱。胸襟衣線綻而體露。還有與洞山大師共出一隻手者麼。卓拄杖云。舉頭天外看。誰似我般人。僧問。如何是和尙底具眼處。師云。善世橋邊逢。聖主進云。未是和尙具眼處。師云。三十棒。越出僧一喝。師云。者一喝。落在甚處。僧無語。師直打出法堂。

上堂。如何是佛。十方世界最靈物。如何是法。古路迢迢。苔蘚滑。仍將佛法問根源。雲散長空。鶴唳天。纖塵不立。清如洗。三箇羯羅夜。幾錢諸昆仲。宗門中事。豈同容易。一言一句。一大藏教。註不破。歷代祖師。機深智廣。潛興密運。須彌倒卓。拄杖橫。繪彩色於空中。擲大千於方外。且道向甚麼處。捫摸。所以云。羅籠不肯住。呼喚不同。頭古聖。不安排。至今無處所。立沙大師。恁麼老婆心切也。只要諸人知箇落處。始得。諸昆仲。青鸞處。樵子不借路。以還家。綿密密時。機婦罷金針。而夜織香銷。錦帳露。浥芙蓉。發清嘯於深閨。吐微言於連枕。情濃意洽。試問諸昆仲。還知得也。無良久云。分明一段風流事。不與諸人較短長。

上堂。南陽忠國師云。青蘿黃緣。直上寒松之頂。白雲淡泞。出沒太虛之中。萬法本閒。而人自關。諸昆仲。作麼生說箇本閒底法。若會得本閒法。則大千世界有情無情等。無纖毫關相。若有纖毫關相者。則不得本閒法也。何以故。閒卽法。故所以道。靜則埋根。千尺動。則當處生苗。只饒不動不靜。未免飄飄搖搖。博山則不然。動則寒氷凝結。靜則白浪滔天。直下了無動靜。紅爐片雪。如綿。若於此二偈中。會去。始明得本閒法也。諸昆仲。動非動。相雖動。極以恒安。靜復靜。元總靜。機而常運。乘常運之樞機。履恒安之玄軌。實鏡應而無隱。隱珠簾捲。以納方來。不涉呼吸之隙。微事有去來之蹤跡。諸昆仲。順則吉也。逆則忤也。肯則自許也。若於靜關親疎。而較其優劣者。盡其恒沙思量。分別。莫能得其量也。卓拄杖下座。

上堂。僧問。古德撥塵見佛時。如何。直須揮劍。若不揮劍。漁父棹。又僧問。古德撥塵見佛時。如何。渠無國土。何處逢渠。二大老。各道得一邊。一箇闢門庭。施設輝煌。掌上之珠。一箇則入理深談。擊碎秦時之鏡。若

是博山則不然。有問。撥塵見佛時。如何。紺髮旋螺髻。兜綿印手。文學人不曾。意旨如何。青蓮捧雙足。赤肉挂金襴。且道。與古人是同是別。若說是同。作麼生說。箇同底道理。若說是別。作麼生說。箇別底道理。若向者裏融會得。去博山與汝結箇同參。諸昆仲。居正而不立。正位。泥牛吼海岸之風。垂偏而不住。偏。方石女弄珊瑚之影。乞食於三家村裏。謳歌於萬仞峯頭。借松鏡以瀉清光。拾苔錢而嚴富態。有人向三種問答。上徹去洞上宗風。於斯有賴矣。僧問。學人一口氣不來。向何處安身立命。師云。毗盧閣後鳳凰山。

真州海吉禪人率衆道侶。請上堂。不與萬法爲侶者。是甚麼人。紅塵堆裏。露全身了。知萬象空無物。那見山河礙眼睛。三歲孩兒。頭似雪。神光萬里一條鐵。底事分明說與知。當戶連山也太奇。景帶位中親迸出。巖前石虎。夜生兒。生兒則且。置且道。是甚麼時。子丑寅卯辰巳午未申酉戌亥乾三連坤六斷。離中虛坎中滿。屈指顛倒數來。依舊寸長尺短珍重。

余集生居士。誕日。請上堂。佛於無量劫。廣行無量行。

度脫無量衆。是名無量壽。諸昆仲。我等同世尊。因地以來。至於今日。而世尊成道。已經無量恒沙劫。數我等輪迴生死六道。往還亦經無量恒沙劫。數世界成住壞空。亦經無量恒沙劫。數毗嵐風起。金藏雲成。而虛空之性。湛然不動。亦經無量恒沙劫。數以此則知。諸佛壽命。亦無量。衆生壽命。亦無量。世界壽命。亦無量。虛空壽命。亦無量。今日集生余居士。華筵大誕。而一切人。皆以世禮年月。爲居士壽。博山則不然。但願居士壽。同善財。菩提心。解脫海。亦無量。願居士壽。同彌勒。成佛度生海。亦無量。願居士壽。同普賢。行願莊嚴海。亦無量。願居士壽。同觀音。大悲示現海。亦無量。願居士壽。同文殊。般若智慧海。亦無量。願居士壽。位亦無量。覺。覺亦無量。親受用。亦無量。三三昧。亦無量。豈但居士如是。即現前大衆。親受用。三三昧。等壽命。亦無量。博山是真語者。實語者。不異語者。且更將何物。爲居士壽。耶。良久云。珍重。

解制上堂。佛真法身。猶若虛空。應物現形。如水。中月。博山從廣信登舟。過鄱陽。出湖口。跨長江。登石頭城。

江岸從濟生菴至天界寺安置水月道場修習空花萬行降伏鏡裏魔軍成就夢中佛事豈但博山迦自釋迦大師開場四十九年末後拈花示衆正法眼藏涅槃妙心付囑摩訶迦葉亦是夢中佛事達磨大師航海而來少林面壁九載雪庭深夜斷臂誦心亦是夢中佛事乃至執役負春傳衣半夜亦是夢中佛事至使五家競出千燈列焰吹簫打鼓舞劍揮叉棒喝交馳語言遊戲亦是夢中佛事即今博山同諸昆仲結制解制陞堂入室問答機緣勞彼列衆監院及天界方丈十位首領道人并諸執事不以身爲身不以命爲命喫盡艱辛護揚大法亦是夢中佛事諸昆仲博山怎麼舉似正是好肉剜瘡夢中說夢假如有漢子大喝一聲諸人睡夢醒時却又作麼生道良久云毫光直徧三千界永祝皇圖億萬年僧問上根人來如何接師云此去祖堂三十里進云中根人來如何接師云獻花巖畔古今聞進云下根人來如何接師云門外好與三十棒進云不落階級人來如何接師云關緊只今在第幾位僧禮拜

小參

小參臘盡逢春事事奇海風吹動碧玻璃昨宵偶得家鄉信破院荒村絕所依諸昆仲博山家鄉是破院耶是荒村耶有人簡點得出博山與彼携手同歸其或未然法華且讀添塵點數盡闍浮又一年

小參僧問竟師乃云時名五濁世曰娑婆地面丘墟人心荆棘青林掌中毒氣破驢脊上來驅陷水火以脩行逐腥膻而喘息胸中無半點禪氣強作機鋒肚裏懷一塊骹腫伸爲問答鬼見拍手而笑人逢觸目而嘆埋沒已靈事負先聖洗心改過莫逐妄緣不覺前懸果從因墮豈不見靈山會上知音少長者園中木耳多車拄杖下座

生生社小參宗門中事難以措詞盡力道不得底句作麼生開口三乘十二分教有人說去了也即心即佛有人說去了也非心非佛有人說去了也不是心不是佛不是物亦有人說去了也且道與諸昆仲分析箇甚麼即得良久云黃金自有黃金價肯爲和沙賣與人珍重

月上庵小參。忠國師云。青蘿緣直上寒松之頂。白雲淡泞出沒太虛之中。萬法本閒。而人自鬧。踏毘仰。即今山河大地。萬象森羅。水鳥樹林。人叢馬跡。喚作萬法。作麼生說箇本閒底道理。捨萬法而求本閒未之有也。卽萬法而求本閒。須要衣線下迸開始得。所以博山教人。將一句話頭。置在八識田中。眉毛與大地厮結。只教自悟自肯。其或未然。聽取一偈。諸佛依何住。靈山問意。新心宗爲社主。金粟作檀人。一雨滋春國。千燈薄暮雲。須知塵界裏。眞俗未容分。珍重。浮山華嚴寺立新住持請小參。一大圓覺爲我伽藍。又當知以我伽藍爲一大圓覺。互攝互融。無二無別。然後應事接物。始無障礙。夫善住持者。先得根本不動。智然後得差別。智根本不動。智中容不得絲毫動念。處差別智者。應事接物。頭頭合轍。若有絲毫念慮可動。未免有生滅去來之相。不名智也。得此智者。以理應事。事事全理。如其不然。不名住持。不見僧問雲門不起一念時如何。門云。須彌山天童頌云。不起一念。須彌山雲門法施亦非。慳肯來兩手相分付。擬去

千尋不可攀。山海濶白雲閒。真將毫髮著其間。假難竿頭難瞞我。未肯模糊放過關。天童大師重門擊柝。以待暴客。匙鎚在手。防禦甚嚴。昔茲山住持遠錄公。棋無敵手。固是奪角衝關。祇是博山今日要問伊。黑白未分以前者。一著子畢竟如何。下手從來十九路。迷悟幾多人。且道迷箇甚麼。悟箇甚麼。良久云。珍重大龍山中。方寺小參。若欲說法。無法可說。無可說者。始名說法。有法可說。恐辱大法。昔世尊陞座。文殊白。隨云。隨觀法王法。法王法如是。世尊便下座。諸毘仰且道。世尊有法可說。耶。無法可說。耶。諸人也須向者裏。開眼始得。文殊怎麼道。在甚麼處。見世尊說法。世尊便下座。是許文殊是不許文殊。諸毘仰還解得。出塵其或未然。聽取一偈。白雲山頂中方寺。清梵無停僧。自開只恐溪深流水急。腰分花雨落人間。官論吳觀我居士請小參。若欲究宗門中事。須正信因果。熱爛教乘。思地獄苦。發菩提心。古德云。禪律並行。不相留礙。若論淨白心地。人人具足。只因妄興一念。起貪瞋癡。有貪瞋癡之因。便感三惡道之果。教中

謂縱而爲貪地獄有不息之機抑而爲嗔餓鬼有肢節火然之苦合而爲癡畜生道中但念水草餘無所知若無貪嗔癡則三惡道何有博山所以教列位向淨白地上發起一念肯心單提一口氣不來畢竟向甚麼處去切不得起思惟度量思惟度量謂之藥忌雲棲大師云獅子之乳非琉璃瓶貯之則裂無上妙道非淨法之器莫能載也審昌和尚云醍醐上味出乎乳滴水攪中總不成謂滴水者正思惟度量也若無思惟度量便能單刀直入力破重圍如吳太史發大乘心受大乘戒正所謂淨法之器但未知有向上事今日緣會勉起信向偈曰江北有居士天人興仰止傳聞金粟來緣境頗相似論心秋月皎談教春雲起機感得相符令予特來此勉究向上事向上何深旨踢破指頭時舒州吳太史

洪濤山毗尼菴小參諸昆仲生不知何來不得不疑來處死不知何去不得不疑去處大丈夫兒豈肯甘心隨業受報若欲究竟此事實任純真一念不得草草如香林四十年始打成一片雲雲三十載見桃花

始悟所以博山教人看一句話頭一口氣不來畢竟向甚麼處去行裏坐裏著衣喫飯裏畢竟一口氣不來向甚麼處去慎勿思量分別思量分別與究竟此事大不相應若果能真參實究一朝洗面摸著鼻孔却也太近

小參百千法門無量妙義盡在諸人心意識中悉皆具足汝若認著心意識便昧却百千法門汝若體會得百千法門何處有心意識來者些子關竅亦能殺人亦能活人諸禪者各各在衣線下開眼拌此一生討箇著落

小參長慶道場象之中獨露身惟人自肯乃相親卽今山河大地樓臺池館滿目青黃是萬象喚甚麼作獨露底身拈拄杖云莫祇圖他山色好須知別有故園春卓拄杖一下

爲劉和鶴居士對靈小參公生耶死耶誰道虛空有變遷公死耶生耶誰道滄溟有傾覆公生死洞然也雖劫風而莫能吹公慧光渾圓也縱劫火而莫能移公之趣向也肉眼罔窺公之行業也孰不稱奇公之

見地也。住向莫齊公之受用也。惟聖乃知霞坊山色空。今古靜聽玄猿徹夜啼。

因事晚參。今晚好月。大眾見麼。可謂玉鑑光輝。觸處週幾多。盲瞽黑漫頭。可憐不受金鉢者。頭白終歸暗裏休。此月古今評論者不少。自世尊以來。迨於今日。千賢萬聖。莫不盡力提攜。老婆心切。箇點將來。祇說得月影邊事。要見真月。麼。須是自己開眼。始得。所謂靈山話曹溪。指南泉。既寒山。北說得彷彿。佛依依。稀稀。縱然道得十成。博山未敢相許。何以故。肘後不具靈符。盡在是非窩裏。大眾直須努力跳出。是非關。若不跳出。是非關。三途黑暗。將何抵珍重。

無異禪師廣錄卷第七

無異禪師廣錄卷第八

住博山法孫 弘瀚 彙編

首座法孫 弘裕 同集

茶話

天界三方丈請茶話。若論參學分中事。當下教諸人領略。去當下無事去。早是埋沒諸人了。也。其中有三種岐路。有一種學人擔佛傍家走。乃至求佛求法求禪求道。求玄求妙等。隨處擔一擔子。通身都是佛法。如龜負圖。自取喪身之兆。鳳縈金網。趨霄漢以何期。又有一種學人自作主宰。謂有甚佛。可求。甚禪。可參。甚道。可學。只剝得淨潔。無依。謂是自己受用。其實未到淨潔處。皆是業識心生。出此等邪見。只饒到淨潔處。未許有參學分。在諸昆仲。若起世間貪瞋癡罪。雖重。猶輕。若將淨潔處。謂之參學。極則此業最重。世間無有與等者。諸昆仲。直須掀翻此二種邪見。且道向甚麼處討箇安樂。古德云。如何是頭。直須知有果。是知有不愁不盡。却今時也。從上諸祖。推此一事。最妙最玄。如望草味。如金剛杵。若向者裏。開眼。方許有說。

話分今晚爲三方丈茶筵中吐露箇消息。大衆作麼生理會。若就此言句中透脫。也不難。其或未然。各自喫茶。歸堂去好。

宗伯何芝岳居士請茶話。何居士問古德云。肯即承脫根塵。不肯永沉生死。肯與不肯。一齊抹殺。敢問如何得入。師舉杯云。且請喫茶。士良久。師云。會麼。士云。略會。師云。切不可向者裏住脚。乃云。宗門底事。少人知。大事因緣。各有時。今日與君通一線。清風明月滿前溪。

潘次魯居士請就大羅菴茶話。投子嶺頭雲。古今多變幻。跨過趙州橋。始得絕思算。絕思算止一半。更有一半。向下文長。留待明日珍重。

雪後携諸禪人南來。圍茶話。大雪封山。日層樓邂逅。歡寒凝鴉不語。白結霧成團。皎潔禪心寂。清涼色界寬。明知都是水。切莫被他瞞。

無方諸禪人請茶話。諸人要知得。博山行履處。麼。五鼓燒香。天明早粥。日中齋行。則與諸人同行。坐則與諸人同坐。喫茶與諸人喫茶。講話與諸人講話。祇

有些子不同處。不免說向大衆去也。諸人有思量。博山沒思量。諸人求佛法。博山無佛法。可求諸人見。博山并見諸境。博山不見諸人。亦不見心外之境。而今祇有幾根肋巴骨。鼓兩片皮。與諸人相似。偏曰迎賓待客。平常事。說妙談玄。自不能祇者。阿師何用。處教留名字。上傳燈。

卓無量居士請茶話。參禪要了生死。念佛亦要了生死。今時過捺淨土。播揚禪理。在古人分上。令人一門深入。則可分優劣。自是諸人底識心。依他作解。豈但不識禪理。即淨土一門。亦未曾夢見。我雲棲師翁將禪淨二途。縛作一束。教人單提一句。念佛是誰。即此誰字。不明。吹毛劍塗毒鼓。於斯可見。此誰字。不必瞻前顧後。只須努力頓發疑情。管甚禪淨。土如一人。與萬人敵。不破疑團。誓不休。要是大有力。量丈夫。始可話會。不然落泥落水。帶有帶。無於生死門頭了。無交涉。有力學人。將一箇誰字。不明。處眉毛與大地交結在一團。站在千人萬人中。不見有一人。天地旋山河走波。翻浪湧。不知不覺。全身在理窟裏。

又如坐在銀山鐵壁之中祇要迸開一線者一線便是向上一路千聖不傳底事若知得此事便好向毗盧頂額上打筋斗亦未爲分外離四句絕百非皆爲臆語若不如是認定箇念佛人承當箇事豈但謂訛卽是認驢鞍橋作阿爺下頷可發一笑果是性燥漢纔聞菩薩離字如持金剛王寶劍力破重圍直教大地百雜碎將離字拋向他方世界不須提起做一箇孤迥迥峭巍巍底漢子說禪亦得說淨土亦得說底與如來摩肩擦掌亦得不留箇佛字亦得何以故若將佛字重詮佛事負當年古佛心珍重

茶話百千法門同居方寸河沙妙德總在心源一切戒門定門慧門悉自具足神通妙用悉自具足四果四向悉自具足十二因緣流轉還滅悉自具足五根五力乃至三十七品助道因緣悉自具足六度萬行悉自具足十力十八不共法悉自具足三賢十聖悉自具足乃至成佛極果悉自具足降皇宮出母胎至雪山行苦行觀明星開道眼乃至說法利生悉自具足諸昆仲既悉自具足佛殿東南因甚麼缺了一角

參

黎太冲居士請茶話染緣易就道業難成不了目前萬緣差別一切境緣作麼生了山河大地作麼生了草木叢林作麼生了森羅萬象作麼生了人蹤鳥跡作麼生了四大五陰作麼生了根塵識等作麼生了根本無明作麼生了結使流注作麼生了諸昆仲了得也在目前包裹了不得也在目前包裹者包裹親迸破親迸破誰是我牆外榴花不是火

普說

世尊拈花迦葉微笑博山皆有頌云瑞麟靈枝劫外春拈來攪動海山雲婆心況是如天遠那肯拖泥帶水行此頌世尊藉將來有此一段真風信手拈來當此之際落草求人惟迦葉尊者一釣便上通代相傳至二十八祖航海而來不立文字直指人心見性成佛得二祖安心斷臂血流而見髓三祖懺罪風順病瘥作良模虛行者于杵臼之間頓明大法磨磚作鏡南嶽巖裏跳出馬駒來秉命尋思青原山中笑看驢角露巍巍堂堂從百丈印子上脫去三遺痛棒在

黃檗拄杖下活來。踢倒淨瓶。住大湫之山。而直往觀影。大悟著寶鏡三昧。以無疑夾斷脚脛。直入祖師堂。與現成片石。頓開法眼。全機自唐宋元。至我國朝。二百餘年。繩繩至我壽昌先和尚。向大好山中。入興善之門。徑博山。在藏身沒蹤跡處。躍船子之芳塵。此事誠難。豈是容易。因憶博山初發心時。順流而下。直抵京都于瓦棺寺中。三大師座下。得聞法華經云。假使有人登須彌頂。爲人宣說十二部經。典未足爲難。于我滅後。暫讀此經。是則爲難。彼時博山咨詢諸講者云。此法華經在十二部經之外。耶。講者曰。縱是圓頓教門。亦是大方廣所攝。蓋爲佛滅度後。弘揚此法者。是爲難矣。博山潛思云。求之在我。豈可循文逐句哉。遂爾參五臺山靜菴通和尚。蒙示三觀之旨。先脩空觀。一空一切空。彼時于蒲團上。當下不知血肉身心。前境不知有山河大地。如此五年。于光澤白雲峰頂。住靜遇印宗師兄。舉藏身處沒蹤跡。沒蹤跡處莫藏身。問博山。彼時應答如流。彼亦歡喜。及彼下山。復將藏身處沒蹤跡。沒蹤跡處莫藏身。吾在藥山二十餘

年方明此事。公案連舉數遍。不覺如在銀山鐵壁。相似疑情頓發。晝夜提撕。行不知行。坐不知坐。衣不知寒。食不知味。擇菜而不知有菜。摘茶而不知有茶。挑擔一站站定。兩箇時辰。擔墜方復行。如此年半。未有省發。一日因閱傳燈。見趙州禪僧云。有佛處不得住。無佛處急走過。便打。失布裘。走見賣方先師問答之。際。如方木逗圓孔。在彼兩月。面黃如紙。皮儘包骨。蒙先師痛之惜之一日。先師受玉山菴請。命侍者邀余同行。余云。天熱不去。先師云。路上有人爲汝說佛法。余云。活佛放光。也是閒。先師再三呼喚。不得已而同行。路論君臣五位之旨。其中多然。余說將至菴下。問余。佛印大師云。蟻子解尋腥。處走青蠅。偏向臭邊飛。是君位事。臣位事。余云。臣邊事先師呵云。大有人笑汝去。在余云。先所論者。皆是到者裏。因甚麼不是先師云。此一不是。彼一切都不是。上菴先師與客坐次。余至後園磐石上。踞趺經一食頃。聞護法神倒地。心下洞然。即呈偈于先師。有玉山誘一言。心灰語路絕。之句。先師云。子一到多門。又到門。余云。也不消得到。

此雖則解心頓寂其奈疑團不破何復至宗乘堂又住靜年半一日登廁見人上樹不覺身心踊躍如放下千斤擔子提衣便行下寶方五十餘里亦不知有路亦不知有脚步動移也纔進門便禮拜先師問云子近日如何余云有條活路只是不許人知先師云因甚不許人知余云不知不知先師云子具甚麼手眼便燒菴越出僧去余云黃金增色耳先師復舉僧問立則禪師龍吟霧起虎嘯風生公案命余頌之余引筆疾書殺活爭雄各有奇機糊肉眼曷能知吐光不遂時流意依舊春風逐馬蹄先師笑云子今日方信吾不汝欺也余即問云向後還有事也無先師云老僧祇知二時粥飯亦不知有向後事余云和尚豈無方便先師云汝後得坐披衣幸無籌策足矣余即禮拜是冬命首衆贈余偈有五宗極則機齊真三藏精微理共圓之句復囑云當以無心相續正用盡法行持報無報之慈恩利有緣之正信諸昆仲所以云此事誠難豈是容易今日因高麗國海雲上座請普說此上座履險蹈險不憚萬里之程博山鼓舌搖

唇漏逗一生之事釋迦大師迦葉尊者拈置之勿論且道壽昌先師遷化即今向甚麼處去也舉拂子云白毫光照紫微宮無限天人淚如雨珍重

問答

僧問斷簡殘篇即不問新新條令一句請和尚道師云裂破幾重清世界倒騎玉象趁麒麟進云此猶是斷簡殘篇師便打進云甚麼則天下太平萬民樂業師云吸盡南山霧長存北嶺松僧禮拜

僧問夾山大師云截斷天下人舌頭即不無爭教無舌人解語敢問和尚如何是無舌人語師舉拂子云會麼進云此猶是有舌人語畢竟如何是無舌人語師云白雲彌世界虛空無去留進云如是則語帶玄而無路舌頭談而不談也師云汝向甚麼處見老僧進云中興曹洞之宗除是和尙始得師云也是閒言語僧禮拜

僧問古人有言有物先天地未審是甚麼物師云空中書梵字進云無形本寂寥觸處邊還有氣息也無師云撲破不成文進云能爲萬象主未審是同是別

師拈拄杖云者箇不可喚作拄杖子進云不逐四時
凋。究竟將來相去幾許師云者箇喚作拄杖子始得
進云正當恁麼時普天之下蘭膏繼晷佳景呈祥如
何是博山境師云塔下苔錢砌就進云如何是境中
人師云鼻梁向下垂

僧問釋迦老子四十九年說法正眼看來猶是無風
起浪敢問和尚說法還有爲人處也無師云此去江
西半月程進云倘遇箇六根不具底漢和尚又作麼
生師云水窮水底清如鏡進云向上還有事也無師
云楊子江頭浪濤天進云恁麼則和尚恩大難酬師
云禮拜了退

卓居士問諸佛國土亦復皆空畢竟向甚麼處莊嚴
淨土師云青龍山上鹿兒肥土無語師云會麼士云
不會師云流鶯雖有語天籟聽無人

張興公居士問和尚言學人須全身入理乃可問向
上事卽今請問如何是理師云橫身當宇宙大地沒
遮欄進云如何卽得全身入師云盡力推簷向裏頭
進云未全身入者過在甚處師云珍藏燕石不辯金

光進云全身入時以何爲驗師云十方消殞左右逢
源進云全身入理後如何師云跳出千層浪方誇稱
意魚

大雪首座問學憑入室知乃通方入室且置通方一
句作麼生道師云斷貫索却用得

問入室事作麼生師云稚子敲針

問如何是坐斷毗盧底人受用境界師云敗葉成堆

問倒跨師子底人向甚麼處行履師云羊腸鳥道

問橫行四海底人未審具甚麼手段師云小伎倆

問懸崖撒手底人命根還斷也未師云待闍黎命根

斷卽道

問八卦正位如何排得師云不得錯下點畫

問路逢猛虎時如何迴避師云叉手當胸

問鐵樹珊瑚因甚麼被泥牛衝破師云阿誰證據

問無蒂曇花阿誰拈得師云無手者

問金剛際水如何汲得師云何勞太攘

問和尚禪室中有多少弟子師云心字不加點

問祖祖相傳衣鉢未審和尚傳箇甚麼師云案山石

上共汝商量

問千問萬問不消咳嗽一聲都已答竟未審和尚如何答話師云知時節即退

僧問昨夜見一箇莽漢殺却毗盧遮那如來未審識法者如何判斷師云盡情斷却

問如何是白椎下事師云瀑布有聲雲不掩

問如何是白椎前事師云深澗無魚水自清

問如何是白椎事師云無事度朝日黃昏暗點頭

問古人教人及盡今時只如及盡後又作麼生師云

懶梳蓬亂髮喜遇當來賓

問樓閣門中還容打瞌睡漢也無師云待汝醒後即

向你道

問善財五十三參未審如今還行脚也未師云洗脚

上牀眠一夜三千里

問楞伽山既不可往爲甚麼被夜叉王所據師云手

親眼使脚頭脚底

問鱉鼻蛇撞著赤眼人作何躲閃師云恰好恰好

問五家宗旨俱明因甚麼輪迴不息師云爇火燒山

有光無礙

問維摩經云除去諸有併諸侍者爲甚麼連侍者不存師云久住令人賤新來語自親

問世尊赤手空拳開已又屈屈已又開未審明那邊

事師云祇明者箇事

問一切事究竟堅固不知大佛頂還在裏許否師云

暗裏抽橫骨明中坐舌頭

問棒喝如雷還供養得闍黎子也無師云闍黎子若

來也須喫棒

問從前老和尚個體即今還有眼也無師云布袋裏

老鴉雖活如死

問釋迦彌勒還講引滿二業也未師云二業是儘果

用說甚麼講與不講

問金剛經云應生無所住心既無所住又作麼生心

師云巖花鋪地高秋與松月嶺山報曉晴

問佛之一字吾不喜聞某甲不求佛日用事作麼生

師云下咽勒把筋燒火擇乾柴

問古德云渠無生死世人因何又被生死使師云青

山元不動白晝鬼迷人

米旦生孝廉問是何面目師云天不蓋地不載進云作何究竟師云地不載天不蓋進云用何修證師云穿衣喫飯待客迎賓

問如何是君師云澄潭水似冰如何是臣師云楊柳拂飛塵如何是君視臣師云古鏡慢白綾如何是臣視君師云纖手按烏雲如何是君臣道合師云一以貫之進云向上還有事也無師云有進云如何是向上事師云舌頭無骨野馬無羈

問如何是君師云水有筋山有骨如何是臣師云鵲鳴鳥鳴似哭如何是君視臣師云千年老樹挂枯藤如何是臣視君師云樓頭畫鼓正三更如何是君臣道合師云金闕鳳凰丹詔去邊陲人唱凱歌歸僧禮拜師復問僧君位中事作麼生僧云虛突兀師便打問如何是博山境師云棲鳳崖前雲鬢髮浴龍池內浪滔滔如何是境中人師云光剃頭淨洗鉢僧云學人不曾師云者箇阿師還未曾剃頭

問如何是道師云紅綃進云紅綃莫是道否師云不

是道進云既不是道因甚答紅綃師云因你問道我答你紅綃

問達磨未來此土還有佛法也無師云有進云如何是未來底佛法師云天不能蓋地不能載進云是何物得怎麼大師云喚作物即不得進云不喚一物時如何師云亦無你開口處進云怎麼則不奈何師云我亦不奈何進云和尙因甚不奈何師云爲汝不奈何僧禮拜師云出去抹得千箇萬箇有甚用處

問如何是某甲安身立命處師云天無蓋地無底進云壽昌老人遷化去即今在甚麼處師云清談對面祇是不知僧復問師云問語且置天無蓋地無底老僧意旨在甚麼處僧擬議師便打勉云拶出虛空髓有味掀翻宇宙藏無依箇中不見壽昌老獨有狸奴笑展眉

問如何是北斗裏藏身師云掉轉身來僧擬議師便打仍示偈云掉轉身來訓北斗藏身一句絕來由要知大象嘉州路雪覆深山盡白頭

問寒暑相催時如何師云錢湯爐炭進云未與料作

時如何師云淨地上一場懺懺進云成後如何師云莊嚴妙麗一場懺懺進云家裏事如何師云坐底坐臥底臥進云門外事如何師云鄉村險阻車馬爲難進云和尚爲人事如何師云從來不曾費鹽醬進云一歸何處時如何師云却值老僧坐臥

師問六雪首座堂中首座人天眼目如何是人天眼目座云頂門上師云還假鑒照也無座云君不見師云不虛參見作家來座掩耳而出

師問無擇上座賢弟到羅浮要與博山相見時如何擇云遍界不曾藏師云恁麼則不見我也擇云兩彩一賽師云更要親見一回始得擇云無兩箇舌頭師云待汝到羅浮黑夜動不得步時卽有深入師遂示一偈遍界不曾藏青松遮翠壁黑夜步履移深山神鬼泣擇得偈次日入見問云若是鳳凰兒不向那邊討師云若是鳳凰兒卽此堪爲妙擇云此是鋸義師云平出也罷擇禮拜

師垂四問殿角風搖樹行人盡解衣時如何自云臂爾沾臂清涼微膽

問清風翻白羽野老笑相親時如何自云春來花塢懺收含情

問佛殿東南因甚缺了一角自云一人傳虛萬人傳實

問僧堂中有幾人坐臥自云翻身峯頂六不同謀陳雲怡文宗問渴鹿越嶺如何得歇師云知不是水則了

頌云從來大地黑漫漫畢竟將何作指南識得波澄原是水現成公案不須參

問摩尼珠久埋沒塵土中如何急切覓得師云用覓作麼

頌云利利塵塵無價珠何須特地妄分疎著衣喫飯恒常用欠得其中一點無

問一斬一切斷如何得此利劍師云咄誰敢當鋒頌云求覓多因自擬難未曾出匣斗牛寒寶光燭燭

輝天地佩服何須觀面看

問等是水味有品爲第一泉有品爲第二泉作何剖分師云嘗過始得

頌云果到金山絕頂時。石頭城外自參差。脚跟拌斷紅絲索。香水靈源爾合知。

問黑夜中認賊爲子。認子爲賊。作何判斷。師云。呼名卽應。

頌云。不須分楚復分秦。直下誰爲第二人。好把一刀都截斷。金鑰玉石總家珍。

問家親作祟如何處置。師云。殺盡安居。

頌云。灰頭土面沒人情。殺盡方纔見太平。就裏順情通一線。天明依舊可憐生。

問的的主人翁如何得覲面。一見師云。求見者不的的。

頌云。傳似熊羆活似龍。何曾暫昧主人翁。更於覲面求相見。知隔青山路幾重。

問堪輿家羅經縱橫移動。針必南指。是誰作主。師云。眞箇鐵心腸。

頌云。分明一副鐵心腸。撥亂乾坤總不妨。忠義藹然勤聖主。肯將名姓播諸方。

問家宅是諸人生身活計。見得甚麼。便肯破家蕩產。

師云。解作家方者。

頌云。破家蕩產迥無依。展得眉間毫相輝。不向人前求活計。縱橫頭角顯全威。

問電光中良驥瞬息千里。如何得一往追上。攬轡入手。師云。響在居士手裏用。追作麼。

頌云。良驥追風顧影鞭。忘緣人絆未行前。不須攬轡誇精進。脚下驪珠顆顆圓。

問大慧云。將八識一刀憑甚麼安身立命。師云。妥妥貼貼。

頌云。一刀果爾中渠魁。顛倒圓浮經幾週。識得徑山親切處。木人無舌語如雷。

問未開口以前爲甚麼。便棒便喝。師云。做賊人心虛。頌云。大人用處不尋常。捉賊應須驗正賊。不似而今盲瞎漢。亂拈拄杖作商量。

問胡來胡現。漢來漢現。是鏡體是鏡光。師云。毋容湊泊。用在臨時。

頌云。誰論胡來與漢來。輝天鑑地實優哉。更知光體雙忘處。妙用縱橫帶活埋。

問日昇月沉雷轟電掣山靜雲閒水流花開農歌牧
唱婦諄兒嘻莫非是者箇進現如何得拈向脚跟下
要用便用師云居士終日還飲啄也無

頌云識得頭頭是道場高超返擲也尋常冰山雪洞
都遊遍始信男兒當自強

問今脩行人多怕去後黑漫漫地不知現前黑漫漫
地更苦多口說無常生死事大不知現前利那死死
生生更切此際重關一擊如何下手師云眼上眉毛
重七斤

頌云眼上眉毛脚底鞋黑漫漫地喜重開鏡鄒寶劍
無情謂擊碎虚空笑滿腮

問高峯云大徹之人本脫生死爲甚命根不斷命根
既未斷叫做大徹底何事師云左撻芒繩縛鬼子

頌云生死忙忙不少留命根不斷肯干休一朝血脈
通融處暗對青山笑點頭

問一句當天八萬門永絕生死者一句如何得恁麼
有力師云世界賴斯成

頌云一句當天作麼生從來世界賴斯成博山不費

●廣古本
及拾三
字下

●廣下開
本有通
不遇且
堂曉去
二字

●廣下開
本有下
派江至
字

●廣下開
本有下
八字

些兒力覆雨翻雲好弟兄

無異禪師廣錄卷第八

無異禪師廣錄卷第九

住博山法孫 弘滿 彙編

首座法孫 弘裕 同集

拈古上

舉世尊一日陞座文殊白椎云請觀法王法王法
如是世尊下座

拈云世尊拉抹金針文殊橫抽玉線。經海嶽要是
其人且道未陞座前法王法在甚麼處

舉梁武帝問達磨大師如何是聖諦第一義磨云廓
然無聖帝云對朕者誰磨云不識

拈云柳標棒乾人骨髓泥彈子換人眼睛當機不逼
還容得第一義麼雖然卽此不識二字也是六月裏

嚴霜

舉東印土國王請二十七祖般若多羅王問云何

不看經祖云。貧道入息不居陰界。出息不涉衆緣。常轉如是經百千萬億卷。

拈云。險處雖穩。處割國主探端。灑不濕釘。不入尊者。機辯如是。經還轉也。未待你脚跟下線斷。始知信受奉行。

舉世尊於衆行。手指地云。此處宜建梵刹。時賢于長者。將一莖草。插於地上。云。建梵刹已竟。世尊微笑。

拈云。插草建精藍。長者全身領荷。針芥相投。唧啍固然。唧啍要且。未能免傍觀者。晒。

舉僧問青原。如何是佛法大意。原云。廬陵米作麼生價。

拈云。高低米價。環翠色於奇峯。吞吐廬陵。鍊蟾華於玉樹。須知大用無方。有感斯應。若論青原底佛法。三生六十劫。未夢見在。

舉僧問馬祖。離四句。絕百非。請師直指西來意。祖云。我今日勞倦。不能爲汝說。問取智藏去。僧問藏。藏云。何不問和尚。僧云。和尚教來問藏。藏云。我今日頭痛。不能爲汝說。問取海兄去。僧問海。海云。我到者裏。却不

本云下。則古。妙有。拈花。佛。二。字。

本云下。則古。空。微。白。日。見。星。十。字。

本云下。則古。不。是。百。丈。利。

會僧舉似馬祖。祖云。藏頭白。海頭黑。

拈云。藏頭白。海頭黑。馬祖辯別大有來由。離四句。絕百非。西來大意。直令侍者一時按著。毋謂博山皮裏陽秋。

陽秋。

舉藥山久不陞座。院主白云。大衆久思示誨。請和尚爲衆說法。山令打鐘。衆方集。山陞座良久。便下座。歸方丈。主隨後問云。和尚適來許爲衆說法。云何不垂一言。山云。經有經。師論有論。師爭能得老僧。

拈云。接物情。捐澹泊。爲累與奪。相感。毋怪其然。又豈知希聽亂蛩音。素質煩飾。彩被院主。擲著。直得百難。

碎。

舉百丈上堂。常有一老人聽法。大衆散去。一日不去。丈問立者何人。老云。某甲於過去迦葉佛時。曾住此山。有學人問大脩行人。還落因果也。無對他道。不落因果。墮野狐身。五百生。今請和尚代一轉語。丈云。不昧因果。老人言下大悟。

拈云。不落因果。墮野狐。須彌山。恁麼高。不昧因果。脫野狐。大洋海。恁麼濶。試問墮脫底。畢竟是箇甚麼。

必生流活經
四字則古本
作效開捏案
○且每八字
則古本作有
人讀得南泉
便入悲心三
昧十一字

拈云。生擒活捉王老全機。起死回生趙州手段。救得救不得。總不干他事。且道。節文在甚麼處。

聖臺山路上有一婆子。凡有僧問臺山路向甚麼處去。婆云。鶻直去。僧纔行。婆云。好箇阿師。又怎麼去。僧舉似趙州。州云。待與勘過。州云。臺山路向甚麼處去。婆云。鶻直去。州便行。婆云。好箇阿師。又怎麼去。州回上堂云。我與汝勘破婆子了也。

拈云飛騰不度趙州關也。呼唤不同。靈山路也。者婆子荊棘滿地。塵埃亘天。不遇魔王。安能捉敗。且道勘破後是甚麼時節。依舊孟春猶寒。

舉雲門大師云。光不透脫。有兩般病。一切處不明。面前有物。是一透得一切法空。隱隱地似有箇物相似。亦是光不透脫。又法身亦有兩般病。得到法身爲法。執不忘己見。猶存墮在法身邊。是一直饒透得放過。卽不可仔細。簡點將來有甚氣息。亦是病。

與地藏比肩

全港港二
則古本作
一○然等
一字作正
眼向暗處
減却分明
出半班要
完全待諸
眼光落地

拈云精造之跡研極之疵非慧目莫能鑑若夫知心
體合截流注之病根達本忘情鏡無已之景象除非
向威音那畔翻身十字街前打睡底漢方可診候不
然莫將日瘡誤作傷寒

舉地藏問脩山主甚處來脩云南方來藏云南方近
日佛法如何脩云商量浩浩地藏云爭如我者裏種
田博飯喫脩云爭奈三界何藏云你喚甚麼做三界
拈云者僧竊廢三界帶累他南州禪客俗氣不除如
今還有與地藏相見者麼更須拋却犁耙鋤頭始得
舉臨濟將示滅癩三聖云吾遷化後不得滅却吾正
法眼藏聖云爭敢滅却和尚正法眼藏濟云忽有人
問汝作麼生對聖便喝濟云誰知吾正法眼藏向者
瞎驢邊滅却

拈云。驅耕奪食。須是。淳沱。補網張風。還他三聖。然要傳持正法。眼藏且緩緩。

●云下別古
本有下別古
耳加點不
去處點不
行處點不
論處點不
見處點不
聽處點不

始警地山又休去

拈云德山一條棒尋常血滴滴地到者裏因甚不用

暗裏抽橫骨明中坐舌頭

舉濟山問仰山甚處來仰云田中來山云田中多少

人仰插下鉢叉手而立山云南山大有人刈茅仰拈

鉢便行

拈云父慈子孝夫唱婦隨要是家裏人嬉好說家裏

話不然則索鹽奉馬矣二大士暗機圓合即不無南

山刈茅者未許話會在

舉麻谷持錫到章敬遶床三匝振錫一下卓然而立

敬云是是雪竇著語云錯谷又到南泉遶床三匝振

錫一下卓然而立泉云不是不是雪竇著語云錯谷

云章敬道是和尙爲甚道不是泉云章敬是是汝不

是此是風力所轉終成敗壞

拈云章敬道是雪竇道錯南泉道不是有甚麼語話

分惟麻谷錫杖頭較些子

舉法眼問脩山主毫釐有差天地懸隔汝作麼生會

脩云毫釐有差天地懸隔云恁麼又爭得脩云某

●云下別古
本有下別古
耳加點不
去處點不
行處點不
論處點不
見處點不
聽處點不

●云下別古
本有下別古
耳加點不
去處點不
行處點不
論處點不
見處點不
聽處點不

●道等八字
別古本作無
字爲錯州無
字爲錯州無

●云下別古
本有下別古
耳加點不
去處點不
行處點不
論處點不
見處點不
聽處點不

甲只如此和尙如何眼云毫釐有差天地懸隔脩便禮拜

拈云法眼勾人在不疑之地且道有多少法術王言

如絲其出如綸

舉僧問趙州狗子還有佛性也無州云有僧云既有

爲甚撞入者皮袋州云爲他知而故犯又僧問趙州

狗子還有佛性也無州云無僧云一切衆生皆有佛

性狗子因甚却無州云爲伊有業識在

拈云道有道無靈鋒橫握盡大地人向趙州手裏乞

命有分惟不跨石橋者不在其限爲甚麼剛刀雖快

不斬無罪之人

舉僧問雲門不起一念還有過也無門云須彌山

拈云不起念橫拈三尺劍須彌山墜下一莖毛博山

二十年不著便從者裏識得雲門

舉地藏問法眼上座何往眼云迦邏行脚藏云行脚

事作麼生眼云不知藏云不知最親切眼乃豁然大

悟

拈云益公道箇不知果然親切後乃豁然大悟箇

在獅子上作活計不受聲色者知是阿誰

舉法眼一手指簾二僧同去捲簾眼云一得一失

拈云明鏡當臺明珠在握照心徹膽無有遺餘法眼

用在機先者二僧一任指呼且道孰得孰失當衡者

鑑取

舉僧問護國鶴立枯松時如何國云地下底一場懺

懺僧云滴水滴凍時如何國云日出時一場懺懺僧

云會昌沙汰護法善神向甚麼處去國云三門頭兩

箇一場懺懺

拈云護國三懺懺國無縫罅便是具鐵眼銅睛底

漢子也分割不下惟同道者方知且道誰是同道者

直饒你知得道得總是一場懺懺

舉風穴郢州衙內上堂云祖師心印狀似鐵牛之機

去印印住住印印破只如不去不住印印是不印印

是盧陂長老出問某有鐵牛之機請師不搭印穴云

慣釣鯨鯢沉巨浸却嗟蛙步驟泥沙陂佇思穴喝云

長老何不進語陂擬議穴打一拂云還記得話頭麼

陂擬開口穴又打牧主云佛法與玉法一般穴云見

箇甚麼主云當斷不斷反招其亂穴下座

拈云風穴泥印子在手印住也得印破也得盧陂不

搭印正是鐵牛機可惜乾爆爆地若帶些水頭管取

他泥印子爛去

舉僧問大隋劫火洞然大千俱壞未審者箇壞不壞

隋云壞僧云恁麼則隨他去隋云隨他去僧問龍濟

劫火洞然大千俱壞未審者箇壞不壞濟云不壞僧

云爲甚不壞濟云爲同大千

拈云大隋龍濟生死同條接物導機隨家豐儉一句

則穿花折柳野渡冰消一句則帶霧披雲寒灰發燄

畢竟者箇壞不壞參

舉雲門垂語云古佛與露柱相交是第幾機自代云

南山起雲北山下雨

拈云古佛在衆生肚裏結冬衆生在古佛肚裏度夏

衆生不識古佛古佛不識衆生且道南山起雲北山

下雨是甚麼節文拈拄杖云向下又長

舉仰山問僧甚麼處人僧云幽州人山云汝還思彼中

麼僧云常思山云能思是心所思是境彼中山河大

金且等二十
字別古本無

本有皮穿肋
骨露分明向
你道十字

本有下開古
本有者他印
箇甚麼六字

地樓臺殿閣人畜等物。反思思底心。還有幾多般麼。
僧云某甲到者裏。總不見有山。云信位。即是人位。未
是僧云。莫別有指示否。山云。別有別無。即不中據汝
見處。只得一立得坐。披衣向後自看。

本有下別古
此而無別古
心自然等十
六字向等十
人悉作僧位

拈云。信位。即是韶石灘前。舟橫野岸。人位。未是汾陽
浪裏。棹入蘆花。坐斷兩頭。掣開金鎖。得坐披衣。向後
自看。看箇甚麼。白日青天。切忌說夢。
舉三聖問雪峯。透網金鱗。未審以何爲食。峯云。待汝
出網來。即向汝道。聖云。一千五百人善知識。話頭也
不識。峯云。老僧住持事繁。

字別古本三
字別古本三
字別古本三

拈云。捶打不開。屏折不下。各各具有隱身之術。大似
埋兵索戰也。然雖如是。透網金鱗。畢竟以何爲食。問
取高郵定和尚。

字別古本三
字別古本三
字別古本三

舉雪竇拈風穴語云。若立一塵。家國興盛。不立一塵。
家國喪亡。遂拈拄杖云。還有同生同死底。謂僧麼。
師拈拄杖云。寒時寒殺。熱時熱殺。風穴剗心剖膽。無
有遺餘。雪竇更覓同生同死底。噫。是何言歟。
舉洛浦參夾山。山云。雞棲鳳巢。非其同類。出去。浦云。

本有下別古
此而無別古
心自然等十
六字向等十
人悉作僧位

字別古本三
字別古本三
字別古本三

字別古本三
字別古本三
字別古本三

自遠趨風乞師。一接山云。目前無閑絮。此間無老僧。
浦便喝山云。住住。且莫草草。匆匆須知。雲月是同。溪
山各異。截斷天下人舌頭。即不無爭教。無舌人解語。
浦無對山。便打浦於此。展席。

拈云。覺戶不掩。而對月還迷。寶殿無人。而澄潭散影。
洛浦還知痛癢也。未不下露。震手難逢。吸浪魚。
舉馬祖不安院主問和尚。近日尊候如何。祖云。日面
佛。月面佛。

拈云。院主殷勤。致問馬師。板齒生毛。要識者老漢情。
謂麼。養子方知父慈。
舉溪山問仰山。忽有人問。一切衆生。但有業識。茫茫
無本。可據。子作麼生。驗仰云。若有僧來。即召云。某甲。
僧回首。乃云。是甚麼。待伊撥。議向他道。非惟業識。茫
茫亦乃無本。可據。山云。善哉善哉。

拈云。溪仰父子。勘人誠爲獨醒。祇是博山。要問伊業。
識茫茫。與諸佛不動智。相去幾何。
學臨濟示衆云。有一無位真人。常在面前。出入初心。
未證據者。看看。僧問。如何。是無位真人。濟下禪床。擒

無異禪師廣錄卷第十

住博山法孫 弘滿 彙編

首座法孫 弘裕 同集

拈古下

舉洞山供養雲巖真僧問洞山雲巖祇者是意旨如何山云我當時幾錯會先師意僧云未審雲巖還知有也無山云若不知有爭解恁麼道若知有爭肯恁麼道

拈云語步安詳紐機回活三玄五位盡在其中肯解二字披寶鏡之精光彰兼到之赤幟洞上宗風於斯可究矣

舉雪峯住菴二僧來拜峯見兩手托門放身出云是什麼僧云是什麼峯低頭歸菴僧到巖頭問什麼處來僧云嶺南來頭云曾到雪峯麼僧云曾到頭云有何言句僧舉前話頭云他道甚麼僧云他無語低頭歸菴頭云噫我當初悔不向他道末後句若向他道天下人不奈雪老何僧至夏末再舉前話請益頭云何不早問僧云未敢容易頭云雪峯與我同條生

●量字別古
本作此

●量字別古
本作此
新見不此一
相見不此一
破玄妙法打
撥出納子高
打月而黑及
接前此意言
矣四十九字

●量字別古
本作此

不與我同死要識末後句祇者是

拈云莫道無語其聲如雷佛事門中商量不下巖頭寶談吐華雪峯金針露鼻固是難兄難弟也若論生死同條待別時來抹過一著

舉法眼問覺上座船來陸來覺云船來眼云船在甚麼處覺云船在河裏眼後復問傍僧云你道適來者僧具眼不具眼

拈云虛空無彩色大海有波瀾

舉曹山問德上座佛真法身猶若虛空應物現影如水中月作麼生說箇應底道理德云如驢觀井山云道則太煞道只道得八成德云和尚又如何山云如井觀驢

拈云豪士之鋒詩人之態貫協精華斯無餘蘊曹山提掣過人如萬仞巖頭打筋斗下來扳仰不得非但三玄五位直是佛祖體悉穿下過噴

舉黃檗示衆云汝等諸人盡是噉酒糟漢與麼行脚何處有今日還知大唐國裏無禪師麼僧云只如諸方匡徒領衆又作麼生檗云不道無禪只是無師

此品等十六
字別右本在
拈云下○人
來大似結狂
屬座○下
有各人提超
布拉看七字

今錄字與古
本作略

拈云大唐國裏果...禪師麼品暢清奇不留朕兆開
眼作夢淨地迷人

學雲嚴問道吾大悲菩薩用許多手眼作麼吾云如
人夜中背手摸枕子嚴云我會也吾云汝作麼生會
嚴云遍身是手眼吾云道即太煞道只道得八成嚴
云師兄作麼生吾云通身是手眼

拈云遍身是手眼汎寶舟而登彼岸通身是手眼搜
要徑而起重立大丈夫橫身當宇宙要用便用只饒
八萬四千沒處安著然雖如是人出是非難

舉雪峯在德山作飯頭一日飯遲德山托鉢至法堂
峯云者老漢鐘未鳴鼓未響托鉢向甚麼處去山便
歸万丈峯舉似嚴頭頭云大小德山不會末後句山

聞令侍者喚嚴頭問汝不肯老僧那嚴密啓其意山
乃休去至明日陞堂果與尋常不同嚴撫掌笑云且
喜老漢會末後句他後天下人不柰伊何

拈云權衡在手藻鑑凌空別鑑鉢分妍醜絲毫隱諱
不得德山呵佛罵祖爲快意被嚴頭一拶忍氣吞聲
密啓底意作麼生道電舌雷聲宣揚不及

今通下
本有之
也四字
等六字
人字下
等六字
下○在
十○於
一○始
十○得
一○更
十○有
一○也
十○一
十○一

今者等四字
別古本作此
下○有○此
文○有○此
四○有○此
字○有○此

舉密師伯與洞山行見白兔子面前走過密云殺哉
山云作麼生密云如白衣拜相山云老老大大作者
箇語話密云你作麼生山云積代管纏暫時落莫
拈云任緣而施隨流得妙雲霧舒卷峯巖凝然白衣
拜相雖則異地生苗猶是功勳邊事管纏落莫之談
不無補於密師也

舉嚴陽尊者問趙州一物不將來如何州云放下著
嚴云一物不將來放下箇甚麼州云恁麼則擔取去
拈云一言安邦一機破的乃趙州之通變提得起放
得下尊者固是果位中人一往看來灼然靴裏動指
頭

舉金剛經云若爲人輕賤是人先世罪業應墮惡道
以今世人輕賤故先世罪業則爲消滅
拈云者般說話縛殺多少人解脫多少人象離帶黃
滅胡種族若以因果評入地獄如箭射

舉僧問青林虔禪師學人徑往時如何林云死蛇當
大路勸子莫當頭僧云當頭時如何林云喪子性命
僧云不當頭時如何林云亦無回避僧云正當恁麼

本有下別古
本有下別古
本有下別古
本有下別古
本有下別古
本有下別古
本有下別古
本有下別古
本有下別古
本有下別古

本有下別古
本有下別古
本有下別古
本有下別古
本有下別古
本有下別古
本有下別古
本有下別古
本有下別古
本有下別古

本有下別古
本有下別古
本有下別古
本有下別古
本有下別古
本有下別古
本有下別古
本有下別古
本有下別古
本有下別古

本有下別古
本有下別古
本有下別古
本有下別古
本有下別古
本有下別古
本有下別古
本有下別古
本有下別古
本有下別古

拈云吐輕絲于春蠶。豈毛于冬狸。諸大師各出隻

手。且道當得甚麼邊事。惜取眉毛好。

舉仰山問中邑。如何是佛性義。邑云。我與你說箇譬

喻。如室有六窗。中安一獼猴。外獼猴從東邊喚。獼猴

獼猴即應。如是六窗俱喚。俱應。仰云。只如內獼猴睡

著。外獼猴欲與相見。又且如何。邑下禪床把仰山手

作舞云。獼猴與汝相見了。

拈云中邑鋪文演義。譬喻得精。仰山讓老推尊。何曾

放過。且道還有佛性義也。無滿頭霜雪。棲岩谷。半夜

穿靴入市。耶。

舉僧問曹山。靈衣不挂時。如何。山云。曹山今日孝滿

僧云。孝滿後如何。山云。曹山好顛酒。

拈云。松回千古之風。靈衣脫體。露濕中宵之月。散步

狂歌。須是者。顛酒翁。乃爾若夫。混沌乾坤。逢人不認

曹山。脚跟猶沾泥水在。

舉僧問法眼。承教有言。從無住本。立一切法。如何是

無住本。眼云。形與未實。名起未名。

拈云。形未與名未起。且道森羅萬象。從何處得來者。

裏放過。即不可。

舉瑞巖問巖頭。如何是本常理。頭云。動也。巖云。動時

如何。頭云。不識本常理。巖佇思。頭云。肯即未脫根塵

不肯永沉生死。

拈云。德音震響。土裂河分。不勞神用。變化鯢鯨。則不

無巖頭。但博山要問。伊既是本常理。因甚有肯不肯

依稀。越國彷彿楊州。

舉首山示衆云。第一句薦得與佛祖爲師。第二句薦

得與人天爲師。第三句薦得自救不了。僧云。和尚是

第幾句薦得。山云。月落三更穿市過。

拈云。吞盡佛祖。佛祖爲師。號令人天人天作。則向沒

蹤跡。處立名題分數目。喚作第一第二。早是蛇足矣。

然其鋪舒展演。與奪臨時。首山舌上有鋒。咽喉若海

也。還知月落三更。句麼。無爲無事。人別有閒家具。

舉僧問仰山。和尚還識字否。山云。隨分。僧乃右旋一

匝。云。是什麼字。山於地上書一十字。僧左旋一匝。云。

是什麼字。山改十字爲卍字。僧畫一箇圓相。以兩手

托如脩羅掌。日月勢云。是什麼字。山畫一圓相。圓却

記字僧作樓至勢山云如是如是善自護持

拈云者僧旋身撥無煙之火仰山畫地挑海底之燈
義天燦爛彼此作家六書中收不住且道是甚麼字
大地無盲人誰是賞鑑者

舉僧問雲門如何是超佛越祖之談門云餬餅

拈云運動外之香糜與現前之供養餬餅之談塞斷
人口也其清音如玉只饒辯似懸河話會不下何也
如野饑麥飯一飽即休若論超佛越祖之談待別時
來與汝註解始得

舉長沙令僧問會和尚未見南泉時如何會良久僧

云見後如何會云不可別有僧問舉似長沙沙云百

尺竿頭坐底人雖然得入未爲真百尺竿頭須進步

十方沙界是全身僧云百尺竿頭如何進步沙云廟

州山澧州水僧云不會沙云四海五湖王化裏

拈云會公坐殺法身不通凡聖岑老碧天雲外更闢

精華白牛牯觸牧多方死貓兒解弄也活與盲人點

眼聾者開聰會公還識痛癢麼

舉龍牙問翠微如何是祖師西來意微云與我過禪

●本云下大則古
一有二三數種
枯木上數種
寒岩中數種
○在等三十五
○者等五十五
○底等三十五
○約等三十五
○一山字與他

●本云下大則古
一有二三數種
枯木上數種
寒岩中數種
○在等三十五
○者等五十五
○底等三十五
○約等三十五
○一山字與他

板來牙取禪板與微微接得便打牙云打即任打要

且無祖師西來意又問臨濟如何是祖師西來意濟

云與我過蒲團來牙取蒲團與濟濟接得便打牙云

打即任打要且無祖師西來意

拈云龍牙者漢一副鐵脊梁直硬到底打破大唐國

計箇頭正尾正底難得

舉玄沙到蒲田百戲迎之次日問小塘長老昨日許

多喧鬧向甚麼處去小塘提起袈裟角沙云料掉沒

交涉

拈云人將語探水將杖探烈火裏辯真金鬧市裏議

天子袈裟下認取老僧玄沙小塘斯人也縱然蓋覆

將來口苦心甜更有事在

舉雲門云聞聲悟道見色明心觀音菩薩將錢來買

餬餅放下却是饅頭

拈云聞聲悟道虛空敲不響又作麼生見色明心清

風無形質又作麼生胡言漢語即不無觀音菩薩入

普門三昧雲門者漢向甚麼處摸索

舉嵩山問道吾甚處來吾云看病來山云有幾人病

●本有也則別古
坤失色則海
蓋下十字則
萬有也則六
一字且等十
一○字且等
因○字且等
各見不同

吾云有病者有不病者山云不病者莫是智頭陀麼
吾云病與不病總不干他事山曰不干一句速道速
道吾云道得也與他沒交涉

拈云。鴻山懷仁道吾尚義二老雖則不露針鋒也太
煞俊俏且道誰是病者誰是不病者誰是不干者試
指出看

舉俱抵和尚凡有所問只豎一指

拈云。藏而愈露拙而愈巧放開捏聚虛空逼塞且道
是箇甚麼復豎一指云。十目所視

學肅宗問忠國師百年後所須何物師云與老僧作
箇無縫塔帝曰請師增樣師良久云會麼帝曰不會
師云吾有付法弟子就源却諳此事請詔問之師化
後帝詔就源問此意如何源云湘之南潭之北中有
黃金充一國無影樹下合同船琉璃殿上無知識

拈云。古殿苔封逢人不道白雲深鎖有路猶迷青山
逼近見巍峩萬仞崖頭不露頂古今多少人向塔影
邊描寫不出惟天童雪竈較些子

舉臨濟問黃蘗如何是佛法的大意蘗便打如是

●本有也則別古
坤失色則海
蓋下十字則
萬有也則六
一字且等十
一○字且等
因○字且等
各見不同

三度乃辭藥見大愚問什麼處來濟云黃蘗來愚
云黃蘗有何言句濟云某三問佛法的大意三度
喫棒不知有過無過愚云黃蘗怎麼老婆爲你得徹
困在更來問有過無過濟於言下大悟

拈云。三年不開口毒氣噴人三遭喫痛棒拂蒿枝相
似黃蘗處喫交大愚邊拔本末後逢人胡喝亂喝是
何道理不向紫羅帳裏撒真珠畢竟是蝦跳不出斗
學疎山到鴻山便問承師有言有句無句如藤倚樹
忽然樹倒藤枯句歸何處山呵呵大笑疎云某四千
里賣布單來和尚何得相弄鴻喚侍者取錢還者上
座羈云向後有獨眼龍爲子點破去在後到明招舉
前話招云鴻山可謂頭正尾正只是不遇知音疎復
問樹倒藤枯句歸何處招云更使鴻山笑轉新疎方
有悟云鴻山元來笑裏有刀

拈云。獨眼龍共資玄化矮師叔撞破疑團且道畢竟
句歸何處讓使鴻山笑轉新

舉楞嚴經云吾不見時何不見吾不見之處若見不
見自然非彼不見之相若不見吾不見之地自然非

物云何非汝

拈云盡大地是箇釋迦阿難。聖著釋迦鼻孔盡大地是箇阿難。世尊裂破阿難胸襟。且道向甚麼處見甚麼處不見者。裏著得一隻眼。黃面瞿曇。非但瞞人。亦乃自瞞。

舉洞山解夏上堂云。初秋夏末。兄弟或東或西。直須向萬里無寸草處去。良久云。祇如萬里無寸草處。又作麼生。顧視左右云。欲知此事。直須枯木上生花。方與他合。石霜云。出門便是。草明安云。直得不出門。亦是草漫漫。

拈云洞山一具牙齒。敲得鳴打得響。胡言漢語。撒得開。收得聚。可謂暖。暖玄提也。二老漢。騎虎頭。把虎尾。口似蜜。甜心如鴆毒。還知彼落處麼。

舉仰山夢往彌勒所居第二座尊者。白云。今日當第二座說法。山起白椎云。摩訶衍法。離四句。絕百非。謹白。

拈云仰山夢裏惺惺。驚羣動衆。說摩訶衍法。離四句。絕百非。曾透徹也未。快須拋却。權椎始得。

本下與古
本有下與古
本有下與古
本有下與古

本下與古
本有下與古
本有下與古
本有下與古

本下與古
本有下與古
本有下與古
本有下與古

本下與古
本有下與古
本有下與古
本有下與古

舉陸亘大夫語南泉云。肇法師也。甚奇。惟解道天地與我同根。萬物與我一體。泉指庭前牡丹花云。大夫時人見此一株花。如夢相似。

拈云大夫遡流窮源。南泉雲行雨施。正眼觀來。總是夢中說夢。

舉雲門垂語云。乾坤之內。宇宙之間。中有一寶。秘在形山。拈燈籠來。佛殿裏將三門來。燈籠上。

拈云歷諸心指諸掌。顯諸仁藏諸用。開發性源。其至矣。夫拈燈籠來。佛殿裏將三門來。燈籠上。雲門大師來也。放過一著。

舉師祖問南泉。摩尼珠人不識。如來藏裏親收得。如何是藏。泉云。王老師與汝往來者。是祖云。不往來者如何。泉云。亦是藏。祖云。如何是珠。泉召祖。祖應諾。泉云。去汝不會我語。

拈云南泉老漢。幸遇師祖。博山當時若在。待伊召聲。未絕。即應云。瓦礫不勞拈出。管教南泉結舌有分。

舉洞山不安。僧問和尚。病還有不病者麼。山云。有僧云。不病者還看和尚否。山云。老僧看他有分。僧云。和

尙看他時如何。山云則不見病。

拈云不二門。開日面月面。總不似洞山癡病。混之弗得。類之弗齊。病中善看病也。者僧眼裏有筋。皮下有血。要見洞山也不難。

舉臨濟問院主甚處來。主云州中羅黃米來。濟云羅得盡麼。主云羅得盡。濟以拄杖一畫云。還羅得者箇麼。主便喝。濟便打。次典座至。濟舉前話。座云院主不會。和尙意。濟云你又作麼。生座便禮拜。濟亦打。

拈云臨濟棒頭有眼。善察來機。不是不知來處。要院主識痛棒。始得院主便喝。典座禮拜。門裏出身。剛柔相濟。若微困去。可謂一點水墨。兩處成龍矣。

舉石霜遷化。衆請堂中首座接續住持。九峯不肯。乃云待某問過。若會先師意。如先師侍奉。問首座云先師道休去歇去。一念萬年。去寒灰枯木。去古廟香爐。去一條白練。去且道明什麼邊事。座云明一色邊事。峯云恁麼則未會先師意在座云。你不肯。我那裝香來座。乃燒香云。我若不會先師意。香煙起處脫去。不得言訛。便坐脫。峯乃撫背云。坐脫立亡。則不無先師。

意未會在

拈云善建者不拔。善辯者若訥。首座損其花。填其實。潔其操。楷其式。住持事業。豈其然乎。九峯太煞剋。抱不近人情。還會石霜意也。未總好與三十笊帚。

舉同光帝謂興化云。寡人收得中原一寶。只是無人訓。價化云。借陛下寶。看帝以兩手捧。幪頭化云。君王之寶。誰敢訓價。

拈云徑寸之璧。照乘之珠。望中原光影。萬一不得爲此。文殊寶冠。隱諱不得。淨名方丈。說示不來。興化畢竟訓價不可得。然雖如是。誰道黃金如糞土。

舉僧問洞山三身中。那身不墮諸數。山云吾嘗於此切。

拈云近不得。倚遠不得。携推之弗前。約之弗後。洞山於此若鐵。鐵也。若夫辯奇貨。探驪珠。求華璞。追藍瑛。安可以語於此哉。離乎言句。觀之可矣。

舉僧問雲門如何是塵塵三昧。門云鉢裏飯。桶裏水。拈云。博山尋常受用。腐柴爲爨。野菜和羹。或有問如何是塵塵三昧。但向道。切忌鉢裏尋飯。桶裏覓水。且

道與雲門相去多少

舉僧問。瑯琊覺和尚。清淨本然。云何忽生山河大地。

覺云。清淨本然。云何忽生山河大地。

拈云。清淨本然。山河大地。從甚處得來。云何忽生。又

一重也有。嘗者不可以語其純素。碧眼者不可以眩

其玄黃。天童所謂。見有不有也。於瑯琊答處。便怎麼

悟去。不知誰是其人。

無異禪師廣錄卷第十

無異禪師廣錄卷第十一

住博山法孫 弘滿 彙編

首座法孫 弘裕 同集

頌古

拈花微笑

瑞麟靈枝劫外春。拈來攪動海山雲。婆心況是如天
遠。誰是拖泥帶水人。

乾闥婆王獻樂迦葉起舞

袈裟角上帶些些。撒向閻浮布種芽。最喜琴聲清入
骨。山川隨處綻曇花。

世尊因五通仙人問六通義

應諾聲消那一通。山崩海竭絕形蹤。仙人有口難分

剖。雙耳聰聰却似聾。

普眼欲見普賢

三度殷勤遍界觀。大千祇在一毫端。六牙白象原非

遠。不見多因被眼瞞。

女子出定

出定謾云彈指間。空勞神力不相關。而今憤喫和羅

飯。一日三餐飽便閒。

阿難尊者問金襴外別傳甚麼

披得金襴早是遲。聲音相應合知時。門前倒却剎竿

子。吹落空花第幾枝。

二祖乞達磨大士安心

覓心不得與心安。月印澄潭徹底寒。莫逐根塵生下
劣。金毛獅子大家看。

三祖懺罪

萬里天開一陣風。雲推桂轂出煙籠。秋深秋浦那清影。露滴芙蓉兩岸紅。

打牛打車

人道車行只打牛。我圖牛運打車休。忽朝車破牛亡處。遍地遮天祇一頭。

南嶽遺僧問馬祖祖云自從胡亂後

掃蕩狼煙志未休。晴空白日使人愁。太平不挂將軍印。擲刃懸戈始徹頭。

龐居士問馬祖不昧本來人

山爲圖畫水爲琴。誰解其中發妙音。箇是馬師彈得出。官商清慘痛難禁。

馬祖不安次

玉回珠轉發真機。混不得兮類不齊。莫謂老儒無氣力。倒騎石虎過遼西。

百丈再參馬祖

豎拂當陽振祖威。難將此際話離微。灼然突出燎空燄。箇是金毛獅子兒。

百丈野狐

燒却百千萬億身。誰爲我也孰爲人。若將落味通消息。曠劫無明理不伸。

南泉問僧夜來好風

試問松風逆順。酬護將得失。豁雙眸。毒龍未肯輕開口。鑒在機先始徹頭。

僧問南泉百年後向甚麼處去

拽耙拖犁異類中。蟬蝶頭角出羅籠。溪南溪北無蹤跡。莖草啣來孰與同。

鹽官喚侍者

灼然扇破索牛來。樹子無根石上栽。當時圓相如拋出。多少英雄被活埋。

歸宗刺草次

一鋤兩段血淋漓。大地山河乞命時。識得此翁真面目。難將纖細與君知。

趙州問大慈般若以何爲體

相逢特地一重關。大笑呵呵豈等閒。置却語言今日事。清機歷掌逼人寒。

臨濟訪平田遇懷使牛

路途不識棒加牛。使得終須是對頭。行過平田長岸也。把犁未動合知休。

趙州勘婆子臺山路話

脚跟之下臺山路。今古無人辯是非。勸過依前薦直去。却來平地捉盲龜。

婆子送錢趙州轉藏經

不受人間不施錢。趙州多著一番頑。勞渠四大和風轉。惹得阿婆道未全。

僧問趙州如何是道州云牆外底

從來大道透長安。牆外訓渠話轉難。會得若翁真實語。現前一日飯三餐。

僧問趙州如何是禪師西來意州云庭前栢

樹子

庭前栢子惠西來。眼上眉毛脚底鞋。嘗記江南三月裏。鷓鴣啼處百花開。

青州布衫重七斤

七斤衫子真歸處。何必尋渠較異同。更問其中端的旨。趙州牙齒不關風。

僧問趙州如何是出家州云。不履高名不求荷得。

三途迥絕出家兒。身不寒兮腹不饑。竹杖敲殘山頂月。倒吹鐵笛詠新詩。

三次喫茶話

南北東西四路通。覆將曾未話形容。罷關滴入焦陽裏。靜水無波看活龍。

婆子燒菴逐僧

萬花叢裏不沾身。陷殺閻浮多少人。識得者僧行履處。軟綿團內有剛鍼。

丹霞參忠國師侍者被打逐出

耳提面命貴當機。大哭還思大笑時。果是南陽門裏漢。皮穿骨露不饒伊。

僧問大隋投子劫火洞然時壞不壞義

壞不壞兮較大千。骷髏言句不勝錢。請僧眉下如開眼。笑指虛空缺半邊。

臨濟兩堂首座齊下喝濟云賓主歷然

未喝應須驗主賓。請僧肯向句中親。若於喝下通消。

息木馬嘶風過漢秦

德山托鉢

家門與盛子強爺密啓臨機路轉。說法不同昨日語鉢孟柄上較些些。

三玄三要

言中有響句藏鋒血染山花別樣紅。聊爾與君通一線眼光如瞎耳如聾。

五位君臣

正偏兼帶驗重玄。君義臣忠事事便。獨蹈大方消息盡。冷應兆未生前。

僧參雪峯低頭歸菴至見巖頭指末後句

低頭無語便歸菴。今古將何作指南。祇者是時猶不會。青山如翠水如藍。

舉上座訪瑯琊

相逢聊爾叙寒暄。何必區區吐妙玄。淡飯粗茶隨分足。莫教重起龍頭煙。

雪峯南山鼉鼻蛇

鼉鼻當軒好看來。喪身失命話全該。一棚傀儡都拋

出何似玄沙帶活埋

僧問雲門樹凋葉落時如何。門云體露金風。樹凋葉落露金風。湖水山花處處同。普字法門親警地。不須擬議話從容。

僧問雲門殺父殺母。佛前懺悔。殺佛殺祖。向甚麼處懺悔。門云露。

殺佛還如殺父時懺。無懺處顯全機。負爾巖向人前語笑。逐清風倚杖藜。

玄沙三種病人

剝腸吐膽老婆心。擬議纖毫自陸沉。要得現前真受用。六根不具始知音。

大顛越首座

數珠提起問端由。晝夜難將百八調。越出座元誇好手。泰山難掩大顛羞。

興化打維那

宗師一片毒心腸。痛棒維那頗斷當。鬼哭神號留不住。至今千古姓名香。

夾山答法身句。見船子後亦如前答。

雪前風勢侵空急。雪後寒光照眼明。黃葉紛紛如剪綴。橫餘松柏映山青。

六祖遷化云來時無口

香煙直灌曹溪路。石女猶眠錦帳中。仍問歸期何日。月案山風起落花紅。

鼓山聖箭

九重宮裏路通霄。隨處稱尊舌更饒。何似鳳啣丹詔出。邊郵萬里盡歸朝。

大通智勝佛十劫坐道場

灰頭土面稱知識。踢破毗盧額頂紅。多劫不能成正覺。祇緣身在道場中。

南院上堂舉啐啄同時語

子母渾融氣未分。只須啐啄乃相親。一朝敲破情忘處。倒跨橫趨不辯人。

僧問雲門如何是諸佛出身處門云東山水

上行

水上山行能信否。誠然諸佛下生時。而今不許雲門語。電捲風馳祇自知。

法眼問脩山主毫釐有差

權衡掌握重輕分。毫髮無欺說似君。用得熟時稱好手。公平須是當家人。

趙州關劣不關勝

義勝緣輪理一如。橫張赤幟道情殊。趙州不是閒相識。驢糞逢人換眼珠。

度侍者不肯首座

香煙斷處辯聲訛。肯信峯頭語更多。首座當時如出定。管教人唱太平歌。

興化獎在太覺爲院主一日覺勘驗化連喝

覺連打

販賣鸞主頻施喝。痛棒如風不順情。酸澀肚腸都嘔盡。衲衣脫下便惺惺。

雪峯古澗寒泉話

萬丈深潭徹底清。隨緣飲啜不關情。趙州言句從來辣。雨後青山眼倍明。

世尊陞座迦葉曰椎

清白門庭無臘法。從來一道絕週遮。飲光不合重敷。

演擊碎虛空路轉除

迦葉尊者因外道問如何是我我

醫盲手段不尋常。撥翳金針別有方。坦赤太陽重益火。真誠一片熱心腸。

蜀僧爲六祖塑像

三十二相憑君塑。就裏何曾有梵音。佛性分明親指示。莫教辜負老婆心。

馬師令人送書上徑山。山發緘於圓相中著

一點

欽師猶被馬師惑。殺得人兮活得人。虎視諸方格外旨。圈圍一點是關津。

馬大師西堂百丈南泉翫月次

窮源的是一家。親個儂丰標。歷四鄰。搜斷傀儡棚上索。蕭然鸚鵡過西秦。

陸巨大夫向南泉道鑒法師也甚奇怪

指花破夢南泉事。天地同根陸大夫。當下不知花是夢。至今流落滿江湖。

鷺湖義禪師麟德殿與衆法師論義

捏轉鼻頭行古路。撇開鄆市往山阿。不知幾度清風起。無奈禪師一點何。

僧問興善如何是道師曰大好山

滿目青山雖是道。居然知道不知山。閉門作活何多事。樵採歸來鎮日閒。

僧問楊岐叔禪師如何是祖師西來意師提起數珠

露濕雲凝曉不收。暮霞猶挂樹梢頭。西風夜半猿啼後。笑看蟾光海面浮。

僧辭趙州乃豎拂子云有佛處不得住

不行鳥道不居鄆。醉眼摩娑白晝眠。謾道逢人莫錯舉。摘楊花是季春天。

雪峯問雲雲前三三後三三意旨如何雲云水中魚天上鳥

前三三與後三三。魚鳥何緣作指南。因見桃花發一笑。而今觸處放癡憨。

石梯見侍者托鉢赴堂乃喚侍者侍者應諾穿耳胡僧拍掌回尋常問答語如雷莫言此外無多

事。踢破須彌頂上苔。

僧問多福如何是多福。一叢竹。

煙雲鋪地起重層。斜曲縱橫指似僧。古殿不嫌車馬跡。清風啓戶雨如繩。

青原問石頭遷禪師曰。有人道嶺南有消息。

家國無人寄信來。客途何事苦徘徊。春風吹入名園裏。無蒂曇花一夜開。

丹霞訪龐居士見女子洗菜。

東隣翠鈿映娥眉。俊俏如今更是誰。却被箭鋒施冷地。驪龍忍痛虎傷肢。

丹霞問僧甚麼處宿。

食有因緣宿有由。緇衣端不向人求。雲山黯黯清如許。一夜霜風盡白頭。

道吾智禪師指佛桑花問僧。

禪心隱隱露春規。酒未沾唇覆玉巵。更向花源辯真假。一雙空手夜歸遲。

香嚴擊竹悟道。

一擊有聲聲兩耳。動容不墮眼初開。未生面目渾如一。

此無限行人被活埋。

趙州庭前栢樹子。

庭前栢子西來意。流布叢林是與非。盡把乾柴當猛火。阿誰於此絕思惟。

雲門餅。

特地來伸佛祖談。咽喉塞斷莫顛顛。若將斯語重加註。十擔油麻樹上攤。

南泉斬貓。

利刃當陽作者知。何人救得此貓兒。若無起死回生術。空向沿途自泣岐。

德山棒。

截斷衆流沒氣息。隨波逐浪話從容。而今作賊偷心漢。瞎棒盲枷效此翁。

洞山麻三斤。

端嚴妙相難描摸。何似當陽指出來。一夜西風侵骨髓。天明滿地是乾柴。

洞山五位頌。

正中偏。一輪古鏡照衰顏。清風吹起蓬鬆髮。回首猶

驚兩鬢刪

偏中正赤肉團中全慧命。倒騎石虎踞層氷根。塵永處那伽定。

正中來澹澹澄江月印苔。相逢莫恠無回互。誰道當機實活埋。

兼中至。捧劍書紳恒順利。堂堂妙用古今輝。互換靈機稱至治。

兼中到。夜明簾外沉清照。大千沙界絕纖埃。不許時人開口道。

無異禪師廣錄卷第十一

無異禪師廣錄卷第十二

住博山法孫 弘滿 彙編

首座法孫 弘裕 同集

佛事

爲鷺湖和尚封龕

我大和尚示有去來體。非離卽悲願弘深化儀權息。

暗兮如日之光明兮如漆之黑。今朝封固見端倪。九元來八十一諸昆仲助揚法化無礙興哀。

奠鷺湖和尚茶

住錫鷺湖四十年。清光法雨滿人間。而今南邁分身去。拄杖縱橫列祖先。諸昆仲還聞得無聲三昧麼。好將龍口噴來水。煮茗和雲奠座前。

爲壽昌和尚入塋

靈運遍山川。莖草化金光之聚。音容存梵宇。微塵彰法界之身。從來白浪滔天。今日清風滿地。分身南邁。他方境界。殊常携履西來。此處慈祥更顯。掀翻西竺。窠臼澄潭。不許龍蟠重脩。古佛安居寶砌。還須龍護。雖然且道。先師就位一句。又作麼生舉揚。良久云。石鼓元無縫。山頭廣有雲。

爲壽昌和尚掩塋

如何是佛大好山。白毫如練氣如藍。慈雲化作乾坤眼。留與人天永遠看。

拱臺上座火

古稀之外重添人。僧臘叢中最占先。何必往生期淨。

土今朝親見火中蓮

光敷禪人火

二千里外圖何事。拋却家鄉。盡直行。今日火中看變態。蓮花陸地帶雲生。

遍慈禪人火

緣上座一心彌亘。三界爲家。紫芝孕秀。皓玉無瑕。今日靈苗縱發。佇看火裏蓮花。

心恒禪人火

如何是心。青山高處。白雲深處。如何是恒。堂堂古路。坦然而平。而今撒向孤峯頂。烈火燄中。恁麼行。以火把打一圓相。曰。恒心何處。是遍界放光明。

禪人祝髮

米必成飯。僧原是俗。釋迦由此而弘。經馬祖領斯而相撲。三千里外。喜汝脚下有筋。五百年後。笑我舌頭無骨。嗟。爰除無始妄因緣。且向梵王宮裏宿。

佛祖贊

阿彌陀佛贊二

行大願。大悲深智。深然莊嚴於化境。實淨土於凡心。

須知念佛終成佛。未聞無址忽成岑。

乘願力來償衆生債。曰。此娑婆卽極樂界。都云點鐵成金。其中有利有害。何以故。若於紙上見彌陀。輸我當行好買賣。

釋迦文佛贊

者箇慈尊。乘悲願力。化有緣衆。正信調直。彼不知我。我不彼識。穿過觸體。分明是賊。若還錯過。此時辰直待當來問彌勒。

觀音大士贊二

稽首大悲踞盤陀。石觀面斯彰。今胡云昔。衆生淨心。諸佛妙智。玉齒琅琅。不識普字。見性非照。聞性非聰。旋佛旋生。寶鏡芳容。厥號大悲。亦曰大慈。孰云普門妙用在茲。

華藏世界。總滿圓圓。負不了債。藉衆生還。與慈而還。悲援苦以需。安現身五道何多。事目擊。晴空鎖日。閉覆紫竹之林。而懷深悲。踞盤陀之石。以默深慈。援衆生之苦惱。代諸佛之行儀。或曰。普門示現。而不捨風濤浪湧之中者。嗟。今正是時。

西方境贊

佛在瑠璃地上。花開八德池中。欄楯樓臺。迤迤珠林。寶網重重。切不可作境諱。却既不作境諱。即今彌陀在甚麼處咄。

浮山舍利塔贊有序

佛昔闍維十刹。繁興八王。分請舍利入震旦者。蓋無幾也。耶舍尊者始從西域。將舍利安奉于廬山者。有二其一在歸宗之金輪峯。自晉歷今千有餘載。放光輒彌山谷。屢現祥異。不可殫述。果清滿上座。紫柏老人子也。以因緣力。積歲葺治。啓視得金銀瑠璃滿三。餅其餘。眷屬舍利不可稱計。分布諸善信人。願力堅者。輒得之。吳太史觀我得二十有二顆。久復開視。滿三十顆。衆人聚觀。各隨所見。大小色相。種種不一。其他神變。盡智思量所不能測。太史爰以歡心。合于悲智。欲使見聞讚歎。禮拜悉植勝因。乃謀于浮山之巔。建窣堵波。以擬于金輪。昔有人入地獄。見地藏菩薩。曰。汝罪惡深重。應墮地獄。急往鄒山禮舍利塔。可脫此苦。觀夫一禮一拜。即脫地獄。則太史所植勝因。與

諸善信速成無上菩提無疑也。余游浮渡。因得瞻禮。合掌讚歎而說偈言。

諸佛闍維時。廣流布舍利。散滿閻浮提。皆從因緣有。放光開幽暗。絕滅一切苦。曾使見聞者。悉發菩提心。廣修衆妙行。圓滿波羅密。功德不思議。盡回向佛智。

達磨大師贊四

喚汝是箇達磨。受人博換。喚汝是箇博山。觀面迷亂。我今識得渠原。是秦時鐵鑊。鑽咄如幻如幻。

老臊胡面壁。九剎人心。截人肘。幾遭毒害。而地轉天旋。一片真機。而象騰獅吼。依然隻履。又西歸真箇。跳不出斗。

擡頭不見有天。低頭不見有地。一雙大耳。連環兩箇。鼻孔出氣。滔滔白浪。踢長蘆。識得渠儂。非小事咄。紫氣祥雲。旋覆江岸。折蘆者。誰是鐵面漢。近傍誠難。胡爲而贊。兩條墨跡。迥思惟一顆明珠。光燦爛。

老子贊

觀面是條青牛。四蹄踏地。觀面是箇老子。鬚髮皓然。我記得你生于李樹下。母腹曾經八十年。惱釋迦。混。

槃太早吐立津混沌之先而今渾化成團去顛倒人間永遠傳

羅漢贊四

從來三事皆知是幾千春今日重拈撥當陽見素心
碧桃盤累累瑤草影沉沉更有西來旨山高莫浪尋
鉢從何處來勞彼鼓雙翅尊者窺碧漢預作捧鉢計
大道元磊落三昧實遊戲不逐見聞緣超然登十地
貝葉靈文琅琅玉齒聽誦者誰踞地獅子雲兮竹兮
高山仰止經了月明終而復始
分身南邁神龜捧足布袋全收指頭獨盡直下明珠
遠山靈木至理彌綸阿誰相續

十八羅漢圖贊

衆禪和跏趺武降得龍兮伏得虎塵沙結使未乾枯
傀儡一棚誰作主飛錫懸光倚杖藜分明撒出駭雞
犀欲知佛法深深處山淨雲收聽鳥啼

雲棲大師贊

生在杭城蘇州有老在杭城常州有三十年前孔子
之徒三十年後釋氏之友八德池中喜種蓮彌陀塞

破諸人口觀面不知渠是誰七七還渠四十九

又

頭顱拄天袈裟著地此是阿誰彌陀再世

題優曇華圖

誰將紅綠現優曇數遍前三及後三護道法華親指
示而今觀面是司南

壽昌和尚贊四

峩峩老漢爲行可佳形之非形丹青難畫灰頭土面
笑神光拜雪銅心鐵膽謂世尊拈花爛蒲團而爲坐
具破蓑衣以當袈裟枕石漱泉粘雲帶霞風流客不
堪誇大好山中三十載鋤頭柄有活生涯

稽首吾師四生慈父語入重玄機貴同互七處道場
千指圍繞擲如意珠傾出楞栳者一句子終朝賣弄
將是日非以輕爲重我探虎穴親遭毒手絕後再甦
如飲醇酒壯齡至老惟一不二泊焉辭衆分明指示
天下聞之稱甘露滅眷屬雲仍芳塵凜烈

者箇和尚半隱半顯指下爲高將深作淺有時慈祥
與脩羅輩息嗔有時惡發將佛祖也褒貶今日被人

寫上畫圖大似美玉。遭幾點瑕玷。博山不解含容。代爲諸人聊通一線。通一線米中有飯。夢中有麵。咄。此似吾師真箇是。丟却把鋤。看株樹。蒲團覆地。絕纖塵。蠢動含靈。皆得度。咄。切忌道著。

圓相贊

啊。是輪月麼。多兩耳朶。是腔水麼。少幾重波。想是世尊遺愛。仰山傳訛。幾人尋不著。千般籌算。及至相會處。一場懨懨。令予笑不徹。只得稽首再拜。南無佛陀。

峯頂和尚贊

者和尙。相非好。緇混素。寅作卯。汲水擔折。已見辯翁烹茶。餽側而逢。蘭老供母。下視長蘆。弘戒多言。護草惟不可說。向上機鋒。何以故。道理玄談。渾不曉。

洪濤山天安律師贊有序

余挂錫博山有年矣。每慮梓里開化。無人往來。請子傳有天安法主。闡揚教乘。作羯磨師。余心儀之。未得緣晤。丁卯春。余旋故丘。則安公遷化已久。入山見卵。增巋然。因述贊以調夙心。世界無依。根塵空寂。悲智成身。而興慧益戒。德難思。

行非有已。慈緣廣攝。先余鄉梓。說法雲興。誨人耕瀉。施利不沾。遠邇咸化。化緣云畢。而塔此山。法音奇演。鳥語喃喃。

雲陽耆宿贊

雲散于長空。陽回于大地。盡華藏含靈。拄杖頭出氣。

空印法師贊

者老凍僵寒。威凜烈。忽死忽生。是何時節。酌古該今。雷轟電掣。滲漏行藏。與人各別。不各別。贏得人傳甘露滅。

果禪座贊

此是何人。是我果兄。蘊之藏之。慧日慈風。有餘錢而瞻叢席。無贖法以導羣蒙。千年不改青松色。湛水流雲徹太空。

一菴法主贊

一亦不可得。菴跡何所留。寶池澄巨浪。橫架採蓮舟。

古心法主贊

古佛傳燈久。心師續燄長。欲知渠去處。芳草臥斜陽。拙如贊。

覓巧不得拙自何來如摩尼珠投石火胎頓覺地時
何所據煙雲深處姑蘇臺

解深贊

解甚深法碎煩惱窟鐵壁虛通銀山突兀萬仞崖頭
眨眼看緊著脚跟休恍惚

龍峯八十一真贊

生緣八十餘誰人寫上紙根塵既本淨何必染青紫
戒行若虛空華藏爲棲址別號號龍峯啓予親贊此
嘆忽然覩面頭邊珠滄海直教枯到底

趙豫齋真贊

豫齋老翁者等形狀鬚髮白而和白和尚相而非相
十卷楞嚴任你週流一脈菩提從人譽謗似者等沒
用底老頭陀貶在閻浮極惡世中留與人天作榜樣

宛陵王玄石影贊

扶疎松與竹清適茶兼酒中有得意人面南看北斗
今日相逢山水間素緣未展竟何有崆峒石畔芝蘭
香風雲筆底龍蛇走道服樵巾岸眉海口雅句新裁
奇文立就烹泉倩童採芝借手箇中無限風流不落

時人窺白五湖之內都識得玄石先生千古之下悉
稱爲博山社友

劉龍田居士影贊

大圓光中惟公明哲松風鳥語代公之舌演微妙音
宣第一義趨世出世往來遊戲何以知之山川草木
日月星辰而爲眷屬釋迦不會彌勒再來香雲海衆
讚嘆奇哉

查汝定居士影贊二

一二三四五急急連忙數不弄祕魔叉解打禾山鼓
更欲覓言詮和聲當面吐是誰安作窩大千無寸土
幸有上頭關瀾大堪步武斬却雪峯蛇笑殺玄沙虎
我今贊此題留作閻浮譜

那裏來三一窩似認得較不多從來無有面目今朝
戴髮頭陀更將水墨傳真假笑殺當年指路婆

自贊

余集生居士寫師像與自像相視而坐請贊時居士
五十壽且有 內召故末句云云
博山余居士真箇熟因緣促膝揀衣坐知是幾千年

悟性空彰毫緒。生法上親眉宇。活似龍兮。穩似虎。
箇中元不分賓主。一輪明月照金沙。大千隨處。茂靈
芽。剎剎塵塵轉法華。雪巢癯。雀。噉晴霞。翻身須辯婆
心。切紅爐。燄裏寒冰。冽徹底。無依笑點。頭眼中。慎勿
沾金屑。五十方知四九非生擒。兔象顯全威。殷勤

國事猶佛事。一片丹心捧日暉。

者箇漢清淨。眼最藏眉。最惡毒。假慈悲。凡說法。不思
惟。屬諸方。痛針。針扯人。萬丈崖。頭立盡。力將身。祇一
推。嘆。必也是誰。誰是昭居士請。

生平不就他學。祇向自心。捫摸。忽然打破漆桶。隨處
令人驚愕。某禪和。毋自錯者。斯不異常。流討甚超方
出格。

江北生江南。長卓有來由。全無伎倆。口裏終朝。漉漉
心中。全無靜想。隨方多結歡喜。緣留與諸人。作清賞。
紙上畫我不像。真是他難近。傍有渾身。無五臟佛法。
抖擻沒纖毫。敢受諸人之供養。傳實禪人請。

者老子多担空。貪睡眠。常做夢。入市廛。過麟鳳。近著
他眉毛。痛泛泛。端如五兩輕。堆堆何啻千斤重。

者斯兒無得失。了一緣。萬事畢。少矯詐。最朴實。愛與
人宣祕密。有時獨坐亂峯巔。指點風雲。吹響簫。咄
者老凍儂。自謂英傑。無些子。長爲法門。切舌根。謙讓
如線。脊梁剛硬。若鐵。終日叨叨。千萬言。添得頭顱幾
點雪。

者漢無長祇肯認。非逢剛則柔。遇慈則威。挾帶挾路。
知顯知微。肚裏了無些子物。一生贏得口頭肥。

咦。通身狼狽。滿面塵埃。喜而不味。怒而不噴。罵盤山。
無面目。笑船子。解脫身。流雲古木。深深處。嘉羽奇花。
耀眼新。咦。汝是何人。

生成眉宇。是何標格。從本無家。隨方作客。或時被有
識者。呼爲瞎驢。或時被無知者。尊爲禪伯。儼兮如月
之清。慈兮如日之赫。行藏不與衆同。流善惡。難教分
皂白。茲因墨晦。禪人勒逼。將來不免書此。權爲之塞
責。

者漢子沒來繇。擔閣浮重担。結衆生深仇。破鷲湖戒。
律滅壽昌。宗猷心毒如砒口。甜如蜜。憐惡若虎暴。躁
若猴。且道是博山耶。非博山耶。依稀越國。彷彿揚州。

者箇和尚生平無狀。花壁佛祖之家。私敢受人天之供養。更問宗乘事。若何是聖。是凡。祇一棒。

朱雲鶴居士寫者漢作麼說。彼解談禪。開口便成墮。錯錯。温州橋皮不是火。

者箇臭乞兒。從來沒計較。舉步似安詳。開口便胡道。有時一喝大海水。也著乾。有時一脚須彌山。也著倒。今日寫上畫圖。一任傍人取笑。咄。

素紙條墨山重水重。遞無蹤跡。點綴虛空。一腔秋色。八面春風。葵誠徹見。衷腸事。鼓打三更日正紅。

鐵面老人堪寫上。紙本是無形。長眉穿耳弄假成真。逢噴作喜。無端平地浪滔天。都把他鄉當故里。

獨坐蒲團想箇甚麼。瓶瀉雲興說亦不破。有時喚作栢樹子。有時喚作訝郎當。有時喚作破籠墮。從緣返復百千名。地轉天旋祇者箇。

此是博山。我是阿誰。我猶是我。用彼何爲。識得斯人真面目。山頭敗葉幾成堆。

者老禿奴原非本像。坐破蒲團是甚模樣。默默無言。許自知醜惡形骸。誰比況從來巾侍渠儂。識得昂藏。

去向雖然忍受。不與人傳。切莫認作本師和尚。兩條墨痕。那堪供養。真不似真像。亦非像。若要的見博山眉毛。祇在眼上。

者漢癡歎。槁木死灰。箕踞若塑。怒發若雷。彌勒先生。釋迦後來。越亦不去。喚亦不回。三尺絹子。活埋活埋。蔡閣脩公。錯寫了者漢。有甚好。生平與佛祖似箇生。冤家開口。何曾談著句禪道。假說從廣南帶來。鎮海明珠。元是江北盛爲盆底。栲你見他。龜眉大眼。便被渠瞞。要見他。臭爛肚腸。捏轉鼻頭。但向虛空討。此是何人。博山老朽。靜默無言。曰獅子吼。三心莫得。以建法幢。十指不干。而稱抖擻。內外搜尋。蹤跡無引。得禪人顛倒走。

面潤腮紅。眉巖眼大。別想機緣。悉皆迸破。觀身心等。陽燄之騰。視富貴如空花之墮。吳少峯寫渠儂。休錯過箇中一線之微。問取知非首座。

無異禪師廣錄卷第十二

無異禪師廣錄卷第十三之十五

住博山法孫 弘瀚 彙編

首座法孫 弘裕 同集

參禪警語上中下

(參見「禪宗全書」第三四冊所收「博山和尚

參禪警語」)

參禪警語

開示偈一

示無踰禪人參念佛是誰有序

無踰禪者。領雲棲師翁念佛公案。於雙徑峰頭目視雲漢有年矣。而誰字尚未及破。謁余乞揭助其發機。余不辭蕪陋。以偈記之。

雲棲師翁淨土宗旨。雙解重圍。夢幻生。死念佛者。誰痛割深追。高懸祖印。順機適時。誰字不明。疑情忍勇。力竭氣絕。始破漆桶。漆桶既破。毋容怠惰。脚步擬緩。非福即禍。萬仞懸崖。只須親到。石幔雲幢。風清月皎。清皎眼開。當面活埋。轟天裂地。其聲如雷。

示水齋道遵參沒蹤跡

船子廿餘年。藏身無蹤跡。一棹入華亭。兩岸花狼藉。

今人但逐句熟讀。竟何益。水齋志於禪苦行。非所適。專提句話頭。堅硬逾金石。疑情成片去。只教一縫拆。遠不在天涯。近非是咫尺。吸乾滄海。浪長空淨如碧。擊碎珊瑚枝。梵語從唐譯。不親釋迦文。勘破維摩詰。街坊等箇人。相將飲瓊液。

示觀恒禪人看普字

雲從龍風從虎。千里遠行跨步武。不辭涉水與登山。矢心迸破雲門普。雲門普字古今傳。剔起眉毛反覆看。本命元辰著落處。衣袋皮囊見不難。皮囊包裹真消息。現成不費些兒力。纔生擬議隔天涯。肯向禪門空白日。只須豎起鐵脊梁。直下明明達本鄉。故園田地都拋却。始信男兒當自強。

示如是禪人參無字

趙州無古今。有伶俐禪僧顛倒走。若於二處見根源。大似面南看北斗。破無字兩重關。重步高登萬仞山。縱饒絕頂橫身過。吸霧披雲未可閒。筆直路行將去。誰管途中住不住。只教倒踏紫金毛。反側始能張露布。海底塵山頭浪。與語玄機都不向。月皎風清夜靜。

時沾著纖毫成溝瀆。反覆看不較多泥牛解吼木人。
歌油瓶丟向籃筐裏。笑殺當年夜行婆。

示懷照禪人參沒蹤跡

一句話頭如鐵板。雄心莫教根基劣。太阿橫按絕用。
遮眉睫交橫流汗血。密究深裁絕動搖。臥薪嘗膽莫。
辭勞。鍼錐割入偷心死。奪得如來向上標。藏身之處。
沒蹤跡。醉舞狂歌人不識。斷臂安心誑小兒。雪庭那。
得真消息。沒蹤跡處莫藏身。吸盡澄江躍浪鱗。紅爛。
身遊荆棘裏。不尋歸去可憐生。一喝耳聾稱大悟。何。
如返擲解回互。舍利八萬四千顆。何曾夢見娘生禪。
香象截流彼岸登。迦陵破卵即飛騰。禪僧果具通天。
眼。抹過峯頭第幾層。入理慎防休太早。狸奴不厭叢。
林飽。若于動處便旋機。依舊全身入荒草。直下縱橫。
六不收。江水無心競夜流。更問祖師端的旨。溪雲輕。
日正清秋。

示麗屏禪人省親并參無字

一箇無字倚天長。劍警爾情生搖空閃電。三千里外。
直如弦。只教覓見親爺面。見後如何切忌道著。

示參父母未生前

父母未生前面目已生之後又如何。一朝蹋著來時。
路。雨具雲衣事更多。

示清隱禪人九帶語

浮山九帶。價衆生債。爛翻舌頭。衆生頗奈。入佛法藏。
揭露家私。事實理實。和賊捉敗。佛正法眼。真不掩偽。
妙叶兼通。順風逆載。事理縱橫。明暗互融。屈曲垂慈。
機感自在。金針雙鎖。當面活埋。平懷常實。貴賤賣。
更有一帶。同條死同條生。勘破此帶。有利有害。清隱。
禪人請說。破輪我當行。好買賣。偈曰。一句話頭如鐵。
橛。浮山九帶沒來由。須知塞却通天竅。突出娘生箇。
指頭。

示林楚禪人參沒蹤跡

沒蹤跡莫藏身。釣盡華亭躍浪鱗。藏身處沒蹤跡。三。
歲獅兒解返擲。緊把繩頭勇力參。太虛絃出黃金汁。
男兒漢。須性燥。擬轉鼻頭何處討。好於痛處下鍼錐。
只待冷灰看豆爆。不破疑團誓不休。放出瀉山水。枯。
牛五字到今諱不得。戴角披毛者。一頭親磕著得便。

宜敢問皮囊知不知。倒吹鐵笛音聲別。正是塵勞解脫時。

示可上禪座

一句話頭如鐵檟。從前活計湯澆雪。譬如抒海討明珠。勇心直教滄溟竭。不得明珠誓不休。到手方纔得自繇。通身汗下清風起。白浪滔天迸出頭。險道先須辯通塞。要以前人爲軌則。長慶蒲團轢子。燒用處。護將心意測管他。烈火與寒水。斷臂焚身似不曾。若箇皮囊真寶聚。好將清操續傳燈。

示慈門禪人

一句話頭如鐵檟。眉毛不與眼相參。究心自古無多事。劈破疑團是指南。疑團破處無涯岸。突出衣珠。燦爛從他八萬四千門。門門撞著是者。漢臨濟當年赤肉團。至今鮮血尙漫漫。眞人裏向裏裏裏。鼓掌難教觀面看。只須揣出虛空骨。徹底無依休。恍忽順流筆直到江西。匡廬深處蛟龍窟。五老峯前翠作堆。劫風幾變尙崔嵬。江濤響入遊人耳。莫錯呼爲脚底雷。

示恒見禪人

一句話頭如鐵檟。千年故紙不須鑽。德山不入魔軍隊。大地衆生被眼瞞。莫道宗門路勁挺。大丈夫兒須自省。二祖雪庭斷臂時。震旦何人不引領。只須坐斷葛藤窠。佛法塵勞奈爾何。點心不向言前薦。笑殺當年賣餅婆。休向山林恣懶惰。石火電光容易過。縱然入定不聞雷。箇點將來都是錯。生成不怕紫金毛。鐵壁銀山走一遭。果是老胡親的。子隔溪何用手相招。

無異禪師廣錄卷第十五

無異禪師廣錄卷第十六

住博山法孫 弘滿 彙編

首座法孫 弘裕 同集

開示偈二

示吳觀我官諭

一口氣不來畢。竟甚處去血肉身心。非常住勘破緣生緣。不生根塵。即是大寶聚。鬧市叢中景物。披何須山塢與江湄。負薪樵子機頭婦。渴飲饑餐步不移。百

草頭邊親。意母拘路滑。恣遊戲。謾將佛法當真參。
沾著些兒成垢。膩本來無古亦無今。肉髻明珠豈外。
尋黃鶴樓前。伸轉語。方知居士問頭深。

示何芝岳尙書

一口氣不來。畢竟甚處去。靈山古佛親分付。回頭石
馬出紗籠。肯就家庭守。珍御淨几。明憲自在。時花香
雲照碧羅衣。夜深月下。翻清影。無帶珊瑚露幾枝。折
杖行兮。途路杳旋身。愈覺乾坤小。不須別機問通津。
萬事無如出處好。眼動眉舒。曰妙存。鴉鳴知是幾黃
昏。依正報中親。瞥地迥然無佛處。稱尊。

示方廣野居士

一口氣不來。畢竟甚處去。急著娘生雙眼。覷洞然無
物。飽餉富塞虛空。何處住。既無住處。肯干休。鐵壁
銀山。迸出頭。護道腰纏十萬貫。端然屋裏取楊州。世
緣那更分清濁。赤肉團中光閃爍。檢箇柴頭品字。煨
風流。何啻三禪樂。撫掌捫空意灑然。浮山湖畔草芊
芊。倒騎驢子都遊遍。破霧披雲不記年。

示吳九濤居士

一口氣不來。畢竟甚處去。百年光景從頭數。忙忙三
萬六千朝。莫待臨時申苦楚。長安大道。痛加鞭。行不
前。兮亦奮然。直待九重宮殿裏。金鑪應有暗香傳。翻
雲覆雨。曹山墮活潑。機輪無不可。纔欲將心度量來。
溫州橋皮不是火。世間無水護云波。吸盡西江奈爾
何。剛渠祖意山頭有。紫霧紅霞映碧蘿。

示吳石生居士

一口氣不來。畢竟甚處去。四方八面大火聚。動即燒
兮靜亦然。出離肯別生疑慮。慮不生疑。慮直趨。前覓火
還須先見煙。臭爛不堪皮袋子。灼然雲外是同年。同
條生不同條。死營地。噴兮營地。喜顛倒。場中識得渠。
原來少箇當門。臨同門。出入自優游。傑出叢林是趙
州。略約橋邊度驢馬。不風流處也風流。

示趙元振居士

一口氣不來。畢竟甚處去。雲從龍兮風從虎。旋風八
字打將來。大地山河如目覩。香樹雲幢處處周。蓮花
朵朵湛清流。善財不用南詢遍。彈指豁開彌勒樓。彌
勒樓臺燦珠玉。寶几明憲清可掬。鸞喉鶯啼盧舍那。

平好把虛空百難碎不期華藏宛然成

示潘次魯貢元

一口氣不來畢竟甚處去五蘊山頭張露布百萬軍
中取勝時觀面那容更回互重圍力破不爲難轉位
旋機直下看纔起一絲分別想脚跟早隔萬重山智
人當下知端的至理無分今與昔百劫千生撞出頭
掃地焚香全利益逢人笑展佛家風血染山河染
紅參遍闍浮諸善友文殊祇在福城東

示宋大山孝廉

一口氣不來畢竟甚處去晴是日兮陰是雨翻來覆
去見根源裂破胸襟誇步武毋拘坐臥及經行展似
眉毛作麼生雨後花香人發笑霜前葉熟鳥相爭道
人難與分時節箇箇不用頻饒舌鐵馬嘶殘劫外風
大圓覺裏無豪傑你既無心我也休兩忘何必強追
求趙州可煞添鹽醋傾出當年投子油

示方肅之館元

一口氣不來畢竟甚處去毋問三千七百祖公案交
橫眉目間無心理會閒家具法身清淨則抗籌沒來

由處有來由一朝拶出通身汗始覺從前滿面羞
衣喫飯隨時好何自猜嫌不自了抹轉無生惡面皮
觸著通身都是寶開不成單合不雙後園驢子繫枯
椿翻他觀井真三昧隨處逢人樹法幢

示劉雁先居士

一口氣不來畢竟甚處去即此不明是家務譬如大
路到長安前行更不生疑慮直入重門與未休夜明
簾外更清幽庭前瑞草和根拔淨白無依始徹頭徹
頭格外知端的男兒肯向他尋覓覓言獅子過新羅
捉活原來在咫尺拄杖頭邊眼頓開橫拈倒卓不須
栽家庭懶論耕耘事廣有江風帶雨來

示胡鼎甫居士

一口氣不來畢竟甚處去萬仞懸巖誰作主筋斗翻
空經幾週敗葉堆頭親眉宇當知父母未生前氣不
來兮理亦然勘破箇中些子事層巖石虎抱兒眠呀
吼一聲山嶽動金鱗肯別醯醢醢饒爾風雲際會時
騰騰威稜看大用萬象森羅聽指呼緣生幻法總然
徒靈山別有拈花意笑殺當年碧眼胡

示張欽之居士

一口氣不來畢竟甚處去。生死輪迴無伴侶。五蘊根塵盡屬魔。降魔須獲金剛杵。金剛本體露堂堂。賊魔難與共商量。自古護生須是殺。殺盡安居達本鄉。諸祖相傳正法眼。獅兒不是胡獼狻。殘篇斷索盡家珍。烈漢從來無料揀。萬象森羅指顧間。高揮大抹得安閒。逢人不洩真消息。笑把芙蓉鏡日看。

示倪瓚園侍講

一口氣不來畢竟甚處去。大千飲在毫端聚。堂堂古路絕周遮。誰敢當陽曰住處。集雲峯下四藤條。坐斷春風不放高。百草頭邊親薦得。萬花叢裏任逍遙。空非大兮塵非小。品彙無如出處好。十字街頭等箇人。饑餐渴飲隨溫飽。撥盡寒爐火一星。迥無情識不通靈。脚跟踏著來時路。始信澄潭徹底清。

示孫明都進士

一口氣不來畢竟甚處去。智人勿以明相觀。豁開霄漢露峯峯。得意飄然如鳳翥。翱翔萬里見方圓。清光不與市同塵。藥山老宿曾親說。水在餅兮月在天。大

用堂堂絕分齊。動止還同春富麗。大方獨蹈境唯心。誰向虛空誇巨細。拈花端不涉離微。勘破靈山老古錘。無縫罅邊多水草。龍眠深處鹿兒肥。

示林卞石居士

一口氣不來畢竟甚處去。劈頭認取最初步。縱橫萬里不離天。莫待臨時泣岐路。欲知淮甸與江干。連絡駢闐車馬殘。散盡浮雲開眼看。洞庭無蓋法身寒。凍殺法身成底事。隔岸無分他與自。塵塵刹刹絕纖蹤。誰道姪房并酒肆。峭壁層巖不可攀。還期陸地見波瀾。風聲鳥語宣真諦。都在龍眠煙水間。

示楊蘭似居士

一口氣不來畢竟甚處去。自古慈門無阻拒。寶所非遙。趨進時縱橫。原不循規矩。明中有暗暗。暗中明明暗。相參罷問。程勘折。驪龍頭上角。珊瑚枝畔水痕腥。抖擻通身虛担。恁眼耳鼻舌分。塵界撲碎。擲圓總不妨。自買應須還自賣。運水搬柴識得渠。從來就裏絕親疎。深山佛法依何住。鳥宿雲藏月上初。

示胡永胤居士

一口氣不來畢竟甚處去。話頭好教頻頻舉。隨緣透徹未生前。湖水松風解法語。橫檀倒跨不爲難。刺海須彌指顧間。雲芝瑞草和雲秀。綺綵仙葩帶露寒。剛拈竹杖敲空響。肯向人前呈伎倆。二時粥飯自家常。寶網明珠俱不尙。我曾行遍不欺人。腳底風雲說似君。果得箇中消息淨。根塵界裏活如神。

示謝中隱居士

一口氣不來畢竟甚處去。倒卓眉毛別有路。因地一聲猛省來。人在煙雲最深處。心如古井不生波。笑殺臺山指路婆。豎起拳頭明歷歷。歷放開布袋奈渠何。觀面縱橫無思諱。當機那論利那際。十方三世絕周遮。萬塞誰分心境異。塵勞堆裏妙蓮香。東土西天護舉揚。更有一言吐不出。無人處所爲商量。

示夏廣生元甫生生三居士

一口氣不來畢竟甚處去。放得開時捏得緊。脚下泥深水亦深。水泥深處無憑據。只須豎起鐵脊梁。撞破藩籬達本鄉。識得未生前面目。通身白汗絕商量。流通白汗清風古。敢道山河無寸土。縱橫不墮悄然機。

烈漢從來跨步武。金牛飯飽趙州茶。春到園林樹樹花。更問西來端的旨。白雲流水淡生涯。

示余任甫居士

一口氣不來畢竟甚處去。沙裏淘金休弄齒。五蘊山頭認得真。從來不出渠門戶。譬如捉賊須見賊。獲得賊時度量分析現。前賊與賊空門端的好兒郎。幻化塵勞續慧命。須知衆累性清淨。十方坐斷不遑風。地轉天旋稱大定。鐘聲清響試返魂。香煙盤結嶺頭雲。倒騎石虎歸家晚。拍掌佯佯笑語新。

示玄照鐵禪人

一口氣不來畢竟甚處去。瞞著頭頭皆實所。灼然明月照金沙。無量光明誰不覩。只須閉眼見光明。策杖尋溪愛路平。擔著長簪黑面老。方知烈漢不通情。翻身踏上毗盧頂。直捷無依還自省。不問程途深夜歸。須知露濕衣裳冷。富門缺齒不關風。肯向人前論異同。纔起一絲分別想。山重重又水重重。

示一如洞禪人

一口氣不來畢竟甚處去。推不前兮留不住。眉下娘

生眼忽開肉團元是明珠庫明珠庫內寶成堆地動
天翻響若雷不是吾家親眷屬方纔趨入又驚回那
箇人無皮下血自心冷煖向誰說何勞特地立階梯
一念無生頓超越祖師崖岸滑如苔片語投機稱本
懷護道分身無量億一塵端有一如來

示淨休珍禪人

一口氣不來畢竟甚處去提起如穿荆棘扯不開
時進步難解脫還須善調御萬花叢裏不粘身眼底
無筋一世費逼到岸邊行不去端然過水見長人纖
非硬弓綿非軟入門先自防家犬捏轉繩頭契祖機
萬八程途不記遠社飲村歌春日和翠微深處白雲
多若將語默通消息輪却當年夜行婆

示岑伯彥禪人

一口氣不來畢竟甚處去直入橫連帶角虎瑞草靈
芝香暗傳層巖峭壁清風古受用家私色色然真情
端不向人言忽明因地一聲子始信家門有別傳男
兒不惜他人力肯逐因循消白日開雲流水遞相交
古路一條如筆直識得娘生枯粹委瑩光皎潔若琉

璃何用多生熏善業風流應出當家兒

示夢雲禪人

一口氣不來畢竟甚處去直入無容生怕怖若是吾
家種草兒英靈自有娘生荷娘生荷子不尋常貼肉
連皮護付量從他孔竅分疎密別有鍼鋒一線長會
得將身藏北斗萬派千流皆授首纔生擬議隔天涯
野千難同獅子吼緣楊深處一聲鳩喚醒渠儂得自
由山中水草隨緣足笑放瀟山水牯牛

示慈菴禪人

一口氣不來畢竟甚處去淨白地上休染汗直踰橫
趨達本鄉莫來攔我徑門路要笑謳歌識得渠從來
萬法本如如宗乘無限風流事獨羨楊岐三脚驢真
珠撒向紫羅帳陳爛葛藤俱不尚別有通天路一條
活句清機如歷掌沾著通身似蜜甜利生端不涉惹
殿三家村裏商量遍菱角如鑽尖更尖

示發光禪人

一口氣不來畢竟甚處去萬里程從初步起攬雲見
日未爲難妙用堂堂須返已返已毋勞著眼看霜清

露冷關懷寒。忽然擊竹聲消盡。臘有千竿與萬竿。

示念如禪人

一口氣不來。畢竟甚處去。重立奧義從斯起。闊浮走
遍萬千遭歷劫。何曾離自己。識得自己是何顯。纔
橫披露半斑。峭壁懸巖穿下過。方知峯頂有層巒。

示太初法師

華嚴山中太初老。雙眸倒視乾坤小。條眉舒放不尋
常。丈六金身一莖草。一莖草上有瓊樓。體露金風得
自由。解脫還期真實相。鉢囊不挂一絲頭。與我同鄉
復同縣。非故非親非覿面。離俗還如相約來。機緣頓
異諸人見。諸人不識兩行藏。多笑鄰家稚子狂。三昧
百千誰指註。權時贏得額頭光。淨脩三業浮囊渡。戒
德清明人仰慕。愧我塵緣擺不開。何日龍眠重會晤。
不須問路不分岐。壽量恒沙報爾知。倒跨泥牛吹鐵
笛。白毫光射幾須彌。

示毒鼓上座

識得吾家真寶藏。兢兢肯把繩頭放。了生脫死大因
緣。要在當人能擇上。身心世界等空花。露地白牛長

者車通衢。八面清風起。無底籃兒盛活蛇。逢緣不把
真機洩。硬似胡綿軟似鐵。拄杖縱橫得自由。分明兩
口一無舌。須信懸巖絕後甍。突然狀出山海圖。掉轉
乾坤何境界。三更初夜曬金烏。

示子朴上座

識得吾家真寶藏。嚴頭萬仞須親上。捋得娘生一箇
身。好與諸人作榜樣。登山涉水是尋常。搜羅擊雲當
自強。透過老僧無味句。幾多玄妙盡糟糠。不滯法身
貴轉位。從他花雨呈祥瑞。萬象都來一口吞。等閒擲
出燎天燧。一陣胡風劈面來。優鉢羅花舌上栽。脚跟
步步須親到。謾言南嶽與天台。

示我空上座

不住山阿住市廛。喜與檀那結善緣。菴前車馬自駢
闐。月救生靈幾萬千。多生值遇余居士。濟生菴子從
斯起。壯麗弘開不二門。隆淵縱闊無窮已。不惜娘生
一箇身。何妨州縣往來頻。毫釐升合非私畜。鐵額銅
頭見主人。如斯不愧爲僧相。三德六和真可尚。始終
無改舊行藏。好去叢林作榜樣。更須徹究未生前。

明之處痛加鞭。掀翻碟子如天大。破從來不值錢。

送無擇禪座上羅浮山

緬想當年景泰師。芟茅構室海之湄。羅浮絕頂忞邀。遊鐵橋峯畔連瑤池。石門方廣容几席。三更日上海。水亦旋覆乾坤辯。故新吞吐風雲度朝夕。上人今往亦何求。縱步勤登二石樓。倒視滄溟如涓滴。一千瀑布稱雄流。明月壇邊戒臘有。殺佛焚經誇抖擻。錫杖源清浴活龍。玉鷲峯峻逢華首。七十二洞奏天樂。百千草木成瓊閣。夜深險極轉身難。踢破指頭親見脚。我亦將來步此山。入林端不問人間。折桂茹芝閒歲月。時臨清碧照衰顏。

示靜休禪人慈母

恩愛相牽劫數長。只須警地見親娘。若將骨肉分真假。管取多生手脚忙。者一回莫錯過。敲響惺惺誰是我。今日親逢知識緣。快須努力痛加鞭。愛水情山消不盡。輪迴知是幾千年。道人心不失。照額上珠光明皎皎。還將折杖攪長河。觸著泥沙都是寶。塵緣何處是吾心。赤肉掀翻莫外尋。

示恒一禪人

曠劫不變謂之恒。散步披襟入棘林。緬諸名數謂之一萬仞。峯頭獨足立。動足揚眉落二三。無身領荷非端的。只須古路不逢僧。地轉天旋似不曾。草鞋裏向袈裟角。水底時挑白日燈。檻外閒人分曙色。虛空裏塞如漆黑。豁開兩眼若銅鈴。何待當來問彌勒。此是恒常不變心。從來不向外邊尋。春風吹入巖阿裏。靜聽枝頭報好音。

示棲壑靜主之浙

棲禪嶺表稱耆舊。鎮海明珠誰不有。栲栳相傳古及今。誰是拳雲巖浪手。肉髻深藏知幾秋。秋光明普照四神州。旋聞返見辯端的。喫飯穿衣得自由。果若沾些子味。踉蹌如痴亦如醉。逢人懶話目前機。正好隨羣與逐隊。何緣跋涉博山來。浙水潮聲莫浪猜。脚跟踢著家鄉路。白汗通身帶活埋。

示廣安禪人

洞徹無依謂之廣。廓充銷盡塵緣障。心空境寂謂之安。唯境唯心難比況。只須竖起鐵脊梁。撞破虛空是。

本鄉雲門胡餅金牛飯。喫過始知滋味長。千重百匝無遮互。赤肉團邊彰露布。趙州略約古今同。截斷不容驢馬度。圓融混合顯全機。土面灰頭絕悟迷。有問請僧成底事。清風明月滿前谿。此是禪人真受用。聖凡鼻孔從來共。大抹高揮五兩輕。端居拱默千斤重。佛法塵勞一担擔。無煙火炙骨毛寒。一朝連擔都拋却。撮土成金總不難。

無異禪師廣錄卷第十六

無異禪師廣錄卷第十七

住博山法孫 弘瀚 彙編

首座法孫 弘裕 同集

開示偈三

示汪省菴居士

段心地主汪居士。今日相逢有甚奇。解道聖凡同一體。夙緣密行少人知。疑情隱隱天機現。華藏光明祇一線。洞徹曹源滴水時。夜叉心即菩薩面。早知父母

未生前不妨痛處。更加鞭山頭雲霧都收盡。濁水澄清月正圓。月圓不許將心會。寶塔無形入也。未六寶虛靜絕纖塵。兒女團圓非分外。

示黃心鏡居士

從來大隱隱鄺市居士。今朝身便是塵勞堆裏發靈苗。真俗何嘗有二致。高原陸地不生蓮。沙水淤泥花始鮮。選官選佛憑君選。佛法何妨兒女邊。翻思昔日維摩士。毗奈耶城弘大智。推倒文殊不二門。笑携竿木恣遊戲。誰云恩愛障修行。無生原不礙生生。但知生理元無性。何慮菩提道不成分明。今日老龐家山海。敲冰來煮茶。撒手那邊千聖外。須彌頂上浪生花。世間恩愛妄疎親。白日青天鬼繫人。看破傀儡棚上索。真教事負好時辰。銀山鐵壁丈夫志。明月清風道者心。世界從他滄海變。佛聲終不愧東林。

送盛辨吾居士

曾自吳山越水來。而今復過姑蘇臺。故鄉景色堪徘徊。幻化場中隻眼開。木蘭亭下人如電。縹緲霓裳今罕見。海湧峯頭虎亦潛。北畝南阡經幾變。此身卽是

眞法聚莫逐根塵生怖懼木人花鳥本無情官途榮
顯閒家具我將此語餞君行越水吳山一掌平更有
太湖流不輟待將清湛濯塵纓

示本宗禪人

如何是本古路崎嶇得穩如何是宗澄江水底日
頭紅麻三斤與乾屎橛踏踏如吞栗棘蓬識得此心
無二法動容不待眉毛眨破爛袈裟撩亂遮崢嶸蹄
角恣騰躍不學諸方五味禪清風過耳自悠然聖凡
家業都拋却撒手佯偷笑掣頭旋身不蹈無明草佛
法塵緣都潦倒本源靈湛絕週遮海底珊瑚和日皎

示林野禪人

眞修行辦已事願與釋迦爲嫡子迥脫塵勞大丈夫
好將名字標僧史住深山棲巖谷那管春花秋草綠
一箇閒人天地間饑寒飽煖隨緣足鋤爲枕草爲甍
睡眠摩挲白晝眠西來大意山頭有何必臨機更豎
拳不勞心枉費力華藏莊嚴在咫尺大千沙界絕遮
攔煩惱無明都解釋不動步是眞修體露金風得自
由看破世間顛倒事青林深處一聲鳩

示白齋禪人

爲僧難爲僧難喫盡人間苦與酸是非憎愛風穿耳
度量還同海嶽寬華藏界護盤桓無邊刹海一毫端
覷破緣生無實性了知生死不相干心外境亦何繁
流水青山鎮日看三十年來知是錯分明月照觸體
寒覓不得始心安徹底無根見肺肝祖佛相傳祕密
旨大似將空挪作九直教生鐵流金汁湧沸都來掌
上觀會得者些關板子不妨隨處種旂檀

示碧輝禪人

爲僧易爲僧易要在男兒有大智雪山眞寶囊衣中
烈燄何須更週避任毀謗從罵詈恩愛冤家都遠離
孤標獨立絕親疎濁惡世間恣戲遊人化敷妙義
譬如大鵬輕展翅又如鉛汞與眞金入火始能辯眞
僞不求師不斷臂不圖名兮不愛利了無一物挂心
懷饑來喫飯困打睡胡張三黑李四從來不問渠名
字空花落盡見青天敢道頓然超十地

示順涯禪人

入僧數非難易蹈矩循規理不違韜光混俗渾閒事

動止無非振祖威。棲巖整住榮。屏騰騰養得肚皮肥。
就中一種真三昧。猛火叢中片雪飛。知也未察幾微。
晴空白日雨霏霏。光明八萬四千土。土土皆作黃金。
輝袈裟紫袈裟衣。耕熟地逢人拄杖。揮三餐茶飯隨時。
度渴飲清泉。饑食薇蕨兒到此。恣豪放。更當勇力破。
重圍都城祖意須親。薦淨白途中芳草菲。

示古航關主

君不見天目山頭石作船。高峯大士居其巔。三十餘
年瓔珞飯至今人把。清名傳吾徒靜室亦何有。口不
開。夸足不走赤身惟刺兩條眉。白手空拳誇抖擻。又
不見朗公禪。鋤爲枕子草爲氈。佛法世緣何所似。磐
石多恣白晝眠。吾徒不聞鋤與草。磐石藤蘿何處討。
開窓祇可見青天。一道靈明光皎皎。莫將此際當尋
常。光非照境境非光。倏然廓徹通無礙。便是心空及
第郎。

示李希仁居士

君不見此事不與教乘合。敢將外典分優劣。坐斷虛
空逼塞時。大千沙界無遺子。是途中非考覈只須吐。

出廣長舌無情敷演妙。伽陀應說利說衆生說。山可
傾海可竭。日可冷兮月可熱。獨有禪門不動尊。笑看
紅爐飛白雪。爆得斷本得折旋。機轉位誇豪傑。四方
八面任縱橫。何妨弄巧翻成拙。鼓是非稱奇絕。金毛
跳入野狐穴。捋虎搏龍與未闌。泥人肋下三條鐵。大
因緣好時節。爲君細解同心結。列聖叢中向上關。熟
讀斯文眞口訣。

示禪人

人生天壤間。幻質若浮漚。虛脫無眞實。苦向身外求。
譬如朝露花。又如塗地油。須臾便斂跡。胡爲不知休。
人身優曇開。芥子針鋒投。赤肉明珠窟。青山碧玉樓。
披襟彌寶色。動步遂清幽。肯逐塵緣使。鈴鐺空白頭。

示方赤城侍御

紅光彌雉堞。清瘦晏居中。鬚髮皓然白。衣冠與愈濃。
名言蘇困。門第鼓祥風。燕雀高眉宇。圖書飽幼童。
寂住添靈翠。浮山起彥隆。溪聲清過樂。雲勢活如龍。
他日重遊處。相將看嶺松。

示六義禪人

雖云有六義寧知一字無寄身如浮雲經世一須臾
男兒氣浩然眉宇動天樞灼然沒巴鼻迴與生死殊
打開大散關壯哉始自娛莫學班白人喃喃讀梵書
論議如流水究竟若菱蘆真是獅子兒生成鐵額顛
又如猛丈夫抒海求明珠只教親當地裂破祖師圖

示陳□□居士

遍界不曾藏眼根豈能見除是悟心人當下討方便
單提句話頭深追與力究纔欲涉思惟圓明成過咎
譬如破重關力與萬人敵通身都是膽輪贏在咫尺
那復論危亡亦不分彼我抹轉上頭關無可無不可
果是獅子兒不向那邊討力就解翻身根塵光皎皎
清風拂夜月旭日盡朝露萬象咸點頭森羅盡回互
喚作無事人喚作猛烈漢更擬問如何水浸石頭爛

示李借假居士

念佛與參禪法門最直路鎮海傾明珠樂邦宣淨土
和盤盡托出觀面絕差互遠祖蓮花開趙州驢馬度
抑揚激教源高下辯宗譜塵界毫端析法身全體露
花開德水清酒醒衣珠悟謾言佛土佛須識主中主

念佛與參禪祥雲和紫霧隨方布德澤切莫生猶豫
付囑應弘通化儀非小裨果得兼行之真如帶角虎

示詹智安居士

實相毋容寄足虛空豈是真心坐斷十方窠臼頂門
痛下金針掉轉乾坤何境界拈來沙土盡黃金

示古輝維那

提起話頭倚天長劍斷生死流碎魔軍殿不斬驚奴
豈肯放手直破重圍先須知有知有體玄如臨深淵
約不退後推不向前勇不顧身命根始斷絕後再甦
救得一半一半個強拗折拄杖絕思惟時來喫痛棒

示殊常二禪人

一歸何處是擎天柱抹轉額顛笑破了去別子江上
浪花灑分明月照珊瑚樹只饒坐斷清虛解活也須
回互雙雙行也雙雙行須知一住一不住

示智和禪人

遇午一餐遇晚一宿此是何緣無非順俗忽朝踢破
指頭敢道玄沙受屈屈不屈聽叮囑盡田片玉本來
輝脫鵝鳥龜火裏浴

示玄機禪人

擬癡默好去還。昨日南嶽。今朝天台。兩瓢熱水。
一束乾柴。梅子熟也。還我核來。若將持呪。爲禪要。天
下禪人盡活埋。

示徐六嶽官保元勛

不忘靈山親付囑。長安大道行人速。一鞭木馬。繡花
飛九重宮殿。爐煙微。開拈拄杖。撞虛空。逼塞誰分心。
境。同到得還家花未老。白雲依舊故山中。

示方心寶徹侯

不忘靈山親付囑。大鵬久住金剛窟。但問歸家歸未
曾。休將古德商遲速。虛樓百尺倚晴空。空門閉。梯捐路
自通。不動步時。彈指入樓前。木馬夜嘶風。

示詹見五助卿

不忘靈山親付囑。紅塵豈障參禪骨。雲衣不挂。忽然
駐滿目。桃花春簇簇。春風吹樹看春來。露柱生兒笑。
滿腮。識得無生親的。子任君掩耳過經臺。

示顧醒石鴻臚

不忘靈山親付囑。者箇都非心佛物。煮爾通身熱汗。

流一味之聞百味。足百味誰嘗一味。非旅中無繫自
知。爾解道澄江淨如練。令人常憶謝玄暉。

示徐南高問卿

不忘靈山親付囑。紅藕池邊波可掬。通身獨露放光
明。萬里山河清淨目。庭生瑞草未爲奇。愛裏醃薑變
紫芝。碧眼胡師吞未盡。酸甜祇貴大家知。

示何天玉問卿

不忘靈山親付囑。識取未生前面目。柳風梧月主人
醒。掃花閒殺樵青僕。春到黃鸝語亦親。半塘遙隔見
通津。還他寶劍金繩子。任我穿衣喫飯人。

示俞容自助卿

不忘靈山親付囑。學道先教無厭足。假饒已悟更加
鞭。管取千魔俱殞沒。護持須護自心。玉冰雪中間別
有香。大著眼。睜看仔細。丈夫眉宇舊昂藏。

示徐孟麟侍御

不忘靈山親付囑。光明智火燒殘臘。逢人何處著商
量。盡日芙蓉看未足。芙蓉霜刃向雲磨。魔佛由來奈
爾何。露布已聞鐃吹奏。太平端許臥山阿。

示任文升侍御

不忘靈山親付囑。緣生世諦多林麓。剖開慧眼顯全機。肯向塵緣空碌碌。突出衣中無價珍。從來見處不依人。大圓覺體光明藏。淨白元無一點塵。

示吳黃嶽侍御

不忘靈山親付囑。清光霽霽彌山谷。舉頭誰不見青天。男兒肯向他尋。還待客迎賓事。事長陸步何曾離本鄉。了知動轉非他物。優鉢羅花遍界香。

示朱鍾青民部

不忘靈山親付囑。回頭紙穴癡癡出。疑情舉處要分明。莫把心量重卜度。大千經卷一塵微。只貴當人剖出之。曾向洛陽宮裏過。春花春鳥總宜詩。

示蔡聖龍祠部

不忘靈山親付囑。慧燈好向風前續。青天白晝覺客明。更從何處分真佛。無分無別阿誰知。當下知歸我是誰。猛火煨成清淨土。一聲孤雁夜曉遲。

示鹿序皇司馬

不忘靈山親付囑。春氣非傳紅與綠。一念翠綠眼底。

花片言玄妙。胸中物空諸所有。實諸無活殺。從來是丈夫。山色溪聲遠。跳出關。靈風雨對屠沽。

示曹安祖司馬

不忘靈山親付囑。浩然氣宇餐天祿。堂堂妙用絕周遮。百匝千重光晃晃。底事分明說似君。碧空花雨亂紛紛。飯餘柳岸經行慣。清風微動水成紋。

示吳泊如繕部

不忘靈山親付囑。海外波斯雙赤足。夜來龍藏掌中生。錫碎休教添碌碌。倏倏摩天秋氣高。虛空無物見纖毫。耕奪食男兒事。一任西風爽布袍。

示王季常繕部

不忘靈山親付囑。雪冷須彌偏突兀。拈來青翠大如瓜。見後桃花清似菊。熱油鑪。誰大方。饒與使重留貼肉衫。到得感恩知愧日。許君親見老香嚴。

示白雉衛虞部

不忘靈山親付囑。社舞村歌堪薦入。歌聲鼓舞誰聞耳。中供體觀音。佛虛空消殞。一人邊。草淨湖南萬里天。一句相遺重道當。石人雙耳聽聲前。

示周敏山水部

不忘靈山親付囑。珊瑚影映澄江綠。清風明月兩相知。蓮花水面如車軸。石頭城外草芊芊。明月穿雲知幾年。一自洞庭歌罷後。至今花雨尚隨塵。

示金龜石田曹

不忘靈山親付囑。神牀直豎蒼山骨。迥然一念射當人。此是吾家真種族。空花輪轉本來無。迷悟俱非井。願。討得鑽頭些子味。臥雲嘯月種松株。

示吳豐膏田曹

不忘靈山親付囑。刻刻須教深入木。和身迸透頂門。開六六原來三十六。鐵船無恙海潮通。月落沙寒釣已窮。若向此中親薦得。竹簾吹過斷蘆中。

示丁蓮侶國博

不忘靈山親付囑。寶華淨界無延促。眉眶之下鼻頭。垂何人解把舟行陸。方舟渡子不曾迷。說著河源却未知。雪滿短蓑寒夢破。白鷺身是釣魚師。

示林如冲奉常

不忘靈山親付囑。熟處當生生處熟。却將生熟一鑑。

煎。破。繁。盲。龜。稱。萬。福。出。門。何。地。不。青。山。傍。晚。征。夫。開。未。開。開。微。確。花。供。醉。眼。磨。成。磚。鏡。照。衰。顏。

示吳文孫中祕

不忘靈山親付囑。頭頭法法光明城。虛堂無事一聲雷。野狐跳入金毛窟。金毛獅子解翻身。者裏分明不味。因吐却。狐。涎。入。狐。隊。出。山。人。是。住。山。人。

示汪叔度進士

不忘靈山親付囑。康莊車馬偏難忽。黃塵冉冉遍天涯。憑君拭洗青山俗。青山無況著秋煙。鹿草龍芝種玉田。獨有一年收米得。祖珍拋散禁城邊。

示沈得一孝廉

不忘靈山親付囑。得意驀驀風趁足。奔騰蹴踏見分明。萬里空山尋古宿。尋人花影落簾櫳。玉帶誰教報。請。裙。合。有。臨。行。饒。舌。處。鍾。山。雲。似。博。山。雲。

示陳實生孝廉

不忘靈山親付囑。白石蒼松堪擊筑。擊出針鋒一線通。千流萬派看澗瀨。山頭白浪海中塵。裏裏無錢臘買春。月滿珊瑚枝自露。踟躕笑劫前身。

示徐六虛孝廉

不忘靈山親付囑。宗門豈傍他人入。英雄眼底笑男兒。清風古路無迂曲。參禪先令識心閒。錦鯉成龍一躍間。皮袋生光情愛盡。淡將言句寫溪山。

示曹清之奉常

不忘靈山親付囑。參禪莫就禪中宿。當日惟知劍柄長。而今始覺毬門複。枯椿未始是枯椿。觸處風搖白玉幢。萬里泥牛奔影去。碧雲無賴滿春江。

示陳允嘉廣文

不忘靈山親付囑。斷崖峰頂黃茅屋。十方坐斷見春風。撥雲夜看千花谷。跨著楊岐三脚驢。不逢渠處也逢渠。解開布袋憑人看。妙用臨機果不殊。

示張時華參軍

不忘靈山親付囑。十年豫造征人服。征人未免挂征鞍。會免臨期多倉卒。繡幢煙影碧油車。放出南山鼉鼻蛇。若道葛藤猶未斷。一杯清供趙州茶。

示周元執參軍

不忘靈山親付囑。牧童明月騎歸犢。未到人牛不見

時。休隨草色平川綠。雨餘芳草是前村。牧笛無端欲斷魂。却向古鄰荒寺去。大家扶起破沙盆。

示劉斗樞司馬

不忘靈山親付囑。縱橫出沒無拘束。閒雲蹤跡渺天壤。魔佛從來皆眷屬。放生容易殺生難。火宅之中叫野干。露地白牛車上坐。寶鈴珠網夜天寒。

示吳淳太光祿

不忘靈山親付囑。鉢盂中是千鍾粟。橫吞一粒齒牙香。却笑饑人果空腹。一粒原來何處生。大千心畝廓然平。夜來賸有栽秧雨。好向綠楊聽曉鶯。

示葉翼所典謁

不忘靈山親付囑。花蜂豈就空枝宿。鑽向銀山鐵壁中。他家好似無情物。場開選佛看登壇。莫道心空及第難。踢殺胡蝶縛殺鬼。不知菩薩是何官。

示丘言思官端

不忘靈山親付囑。彌陀一句無真俗。數珠繩斷佛聲消。卞和剖破荆山玉。分明寶鏡映千燈。擇葉尋枝我未曾。識得燒菴真供養。泥牛搖尾過窗櫺。

示李在璞孝廉

不忘靈山親付囑。脩幢拗折瀟湘竹。實相門開聲悄
然。短衣破笠黃金域。江風淡蕩法身寒。江雨淒清夜
未殘。休把鵲啼比鶯語。萬花叢裏現優曇。

示葉白於中翰

不忘靈山親付囑。期君試聽無生曲。無手人彈無耳
聽。聚合從前親骨肉。團圓何處問他方。一片空心選
佛場。打鼓却看誰作主。釣魚原是謝三郎。

示余集生四卿

不忘靈山親付囑。爾自彈絲我吹竹。合成一調供衆
生。梵天花雨成禾穀。攪不清兮燒不香。捉賊須教有
正職。溺器踢翻清夜曉。傳燈名字間僧行。

示余周生都閩

不忘靈山親付囑。日午虛窓剔明燭。厨前巧婦細思
量。自笑能炊無米粥。諸天同器不同餐。肘後金符近
已別。馬足似雲弓似月。將軍今夜下三韓。

示方士雄太學

不忘靈山親付囑。青山滿目原非物。荊棘叢中穿過

時。何論橫嶺與直入。旋風八字打將來。寶網金繩觸
處開。萬壑千巖春自暖。兔光和露護珠胎。

示汪吉所居士

不忘靈山親付囑。加鞭倒跨泥牛轡。牛背頻將鐵笛
吹。聲聲韻出無生曲。無生曲子孰磨和。石人解拍木
人歌。遊遍支那歸去晚。衣冠之下古彌陀。

示陳曼昭文學

不忘靈山親付囑。瓊苗遠發瀏陽佛。揚吾家醜逼吾
忙。管保千生受塗毒。千生祇在一朝圓。毒鼓聲騰萬
馬先。廓爾子韶明物格。紫雲金殿暗香傳。

示余得之居士

不忘靈山親付囑。日用何妨耕與讀。書中全露聖賢
心。大似良田獲嘉穀。聖賢俱自道場來。儒釋源流莫
浪猜。會得拈花微笑旨。龜毛拂子舞三台。

示劉水禪人

不忘靈山親付囑。波澄三昧銀鷺浴。自從不解倒跨
牛。石人淚墮相思曲。相思難寫夢初分。半是思君半
恨君。若使琵琶能訴出。指端應現博山雲。 卷十七

無異禪師廣錄卷第十八

住博山法孫 弘瀚 彙編

首座法孫 弘裕 同集

開示偈四

示劉自度居士

沒蹤跡處莫藏身。釣盡澄江躍浪鱗。藏身之處沒蹤跡。
跡華亭兩岸花狼籍。迸破虛空別有天。綠楊深處草
芊芊。更須簡點家常事。跛脚驢兒在後園。

示智璘居士

衆生心佛無差別。大理不明誓不輟。一朝識得本來
人。頓悟無生方欣悅。兒女團圓古道場。動步先須達
本鄉。父母未生前面目。著衣喫飯是家常。

示悟言禪座

立志脩行須竿卓。還如美玉重雕琢。雕到玲瓏八面
時。功成始得稱無學。放下塵緣即便休。青山何事使
人愁。牧鞭收向明珠庫。放出瀉山水牯牛。

示吳觀我宮諫

塵尾縱橫劫外春。一番拈弄一番新。油餅勘破投明

客茶話輸他返拜人。孝滿酒顛欣逆子。劍揮巢破驗
忠臣。不辭竿盡重栽竹。喜得華亭躍浪鱗。

示蔣熙臺居士

聖道無依不揀人。入門何必斷貪嗔。月盛銀盤含秋
碧。露浸松濤帶曉雲。清淨界中纔一念。輪迴路上幾
生身。話頭頓破闔浮夢。瑞草靈苗說似君。

示湛如禪人

圓明湛湛妙無垠。如涉纖毫即是塵。大地都來銀世
界。更於何處覓金身。休云妄莫分真祇知一馬生三
寅。匝地清風何所有。笑看鸚鵡過西秦。

示江憶州居士

摩尼江岸若何求。直向驪龍領下搜。喝轉迅流須勇
決。吸乾滄海任遨遊。擊雲騰浪憑雙手。倒嶽傾瀾祇
一頭。眉底頓開無礙眼。光明普照四神洲。

示張興公居士

橫身宇宙沒遮欄。盡力推爺山外山。不辯金光珍燕
石。十方消殞設追攀。脫筌網躍靈源變化風雲頃刻
間。此是洞曹兼帶旨。爲君款款露全斑。

示蕭若拙那伯

不逐形儀觀實相。玄機獨露面門餘。忘言寶藏流千古。燦夢眞光徹太虛。石女繡空花有果。木人敲火鐵生魚。本源妙粹離非即。待客迎賓體自如。待客迎賓體自如。何勞綠木復求魚。靈心洞燭山河影。慧眼旋觀物象虛。掃草欣投當指地。拈花偏向笑顏餘。而今劈破娘生面。眉目依然不是渠。

示黃玄石居士

出塵無染毒龍腥。世道鴻毛一樣輕。幻化場中誰是我。電光裏孰爲情。楞嚴讀罷知空須。寶所登時愛路平。自古圓通門大啓。想君足下紫雲生。

贈契玄上座

圓契拈花意。重研寶鏡玄。弘施彰正令。妙挾驗眞傳。峭壁深春翠。靈花帶晚煙。當軒持萬象。印破水中天。

示孤月禪人

講席都遊遍。來參沒味禪。錦雲栽紫芋。引水種青蓮。窺谷嵐浮樹。乾柴火少煙。松風與夜月。相向不須錢。

示金燦宇居士

日用事無別避喧。轉覺難飯餘。歌盡永燭盡。笑更殘。一切但仍舊。萬般都是閒。纔生分別想。知隔幾重山。

示魁杓居士二

信心功德聚。凡聖莫岐分。放出唯三要。收來祇一塵。不從他變態。毋用自紛紜。識得衣中寶。何愁徹骨貧。信心功德聚。眞箇火中蓮。曠劫元無異。今生幸有緣。揭開塵界網。印破水中天。最喜金剛寶。光明照大千。

示龔可濟居士

苦海何爲構。誠心可濟然。慈風清性水。慧日麗中天。華藏嚴身相。靈山在目前。須知塵界裏。烈火綻青蓮。

示李虛雲居士

話頭一句如弦直。岸柳嚴花露法身。幾向綠楊深處看。端然一點不沾塵。

示劉自度居士

話頭一句如弦直。多少行人步不前。趨入便須著眼看。香雲深處徹重玄。

示李何事居士

話頭一句如弦直。釣盡長江獲赤鱗。步下葛藤都絆

斷超然無累逐時新

示王元淳居士

話頭一句如弦直耀日精金觀面看行過水晶宮殿
去門前尙有玉欄干

示卓無量居士

話頭一句如弦直珠若澄兮水自清徹見本來真面
目方知人我不關情

示陳曼昭居士

話頭一句如弦直香象奔波失却威截斷狂瀾親自
在旃檀林裏鳳凰飛

示張興公居士

話波一句如弦直滴水高與幾丈波出沒雲煙無限
量空花陽燄奈渠何

示楊仲宜居士

話頭一句如弦直行遍閻浮不識人拄杖頭邊親碰
著深知痛癢是關津

示顧長卿居士

話頭一句如弦直甘露還從天上來八角磨盤親撥

轉無限樹子倚雲栽

示馬文先居士

話頭一句如弦直不是牛兮不是驢蹄角皮毛消得
盡灼然露出頂門珠

示何允量居士

話頭一句如弦直跛脚貓兒睡正野夜半經行誰共
語月光花影恁清談

示姚鄰卿居士

話頭一句如弦直進步寧知行路難稍得順風催客
便蕭然無意過三灘

示陳非白居士

話頭一句如弦直入處應從侍者邊定動更知將智
拔門庭高峻古今傳

示范爾培居士

話頭一句如弦直急水灘中下足難行過夜明宮殿
裏嚴霜六月透心寒

示鄧直卿居士

話頭一句如弦直水底游魚樹上鷄眉下眼開清白

眼笑看塵境亂如麻

示余未也居士

話頭一句如弦直鳥道羊腸路可行行到水窮山盡處廓然天地是同庚

示齊羣玉太守

話頭一句如弦直寶網香雲眼裏花透過冰山并雪洞相逢且喫趙州茶

示方時生貢元

話頭一句如弦直似吼春雷起盤龍情解那容些子在善行須信徹無礙

示姚純甫貢元

話頭一句如弦直機發靈樞應不窮知是自家真現量四方八面起清風

示張述之貢元

話頭一句如弦直凡聖量情不礙膺獨蹈大方何境界倒騎鐵馬向空行

示齊理侯居士

話頭一句如弦直業識消磨六月霜煩惱盡中開眼

看皮囊盡放紫金光

示齊季德居士

話頭一句如弦直生逼魚蛇化活龍大地山河成粉末眉毛血滿梵天紅

示胡康生居士

話頭一句如弦直捷疾雄奔木馬嘶萬壑千峯都踏遍珊瑚枝上摘摩尼

示胡漢生居士

話頭一句如弦直祖令全提向上立不向意言生卜度路頭筆直到家園

示方奕子居士

話頭一句如弦直人在水山雪洞來時節不同塵世界桃花九月滿園開

示戴式其居士

話頭一句如弦直栢子庭前語最親略約橋邊行下過通人那肯問關津

示盛集陶居士

話頭一句如弦直瓶瀉雲興也是開佛法若從知解

入少林端不把心安

示姚申甫居士

話頭一句如弦直混入方知不夜天路載碧雲雲載月無身人坐案山前

示劉胤平狀元

話頭一句如弦直飯後頻斟趙老茶策杖喜隨流水去深林無伴看飛鴉

示劉君含居士

話頭一句如弦直行遍三千及大千掉轉身來何境界夜明簾外月當天

示劉六合居士

話頭一句如弦直混入靈源不記年識得自心元是佛更於何處覓金仙

示劉爾敬居士

話頭一句如弦直梵語唐言義不殊搬盡世間閒骨董清風明月滿庭除

示劉爾靜居士

話頭一句如弦直水底紅塵山上魚布袋都來收拾

盡珊瑚枝上喜踟躕

示洞如禪人

話頭一句如弦直六月炎天火裏霜須信目前無別法溪深杓柄自然長

示微密禪人

話頭一句如弦直狹路相逢罷問程脚下原無勾絞索橫牽直絆不須驚

示慧林禪人

話頭一句如弦直度盡衆生佛是魔魔佛兩關都透過陽春白雪和巴歌

示慈水禪人

話頭一句如弦直夢醒忻看劫外春遍野牛羊足水草真教踢破嶺頭雲

示宗伯禪人

話頭一句如弦直開眼須知合眼時明暗兩頭無著處倒吹鐵笛咏新詩

示水澄禪人

話頭一句如弦直策杖尋溪得自由撞著木人開口

問無言笑指水東流

示玄燦禪人

話頭一句如弦直。喝水成冰。當等閒。拄杖橫行。三兩步。幾多花雨。落人間。

示云知禪人

話頭一句如弦直。直入重樓最上層。公案萬千成粉碎。阿誰敢曰續傳燈。

示荆山禪人

話頭一句如弦直。喫飯穿衣。最上乘。就裏不生分別想。道人行處。火消冰。

示中和禪人

話頭一句如弦直。山自青。水自藍。活計不從人處得。清風明月是同參。

示道菴禪人

話頭一句如弦直。你既無心。我也休尋。藏莊嚴。原具足。寶珠寶網。不他求。

示弘觀禪人

話頭一句如弦直。誰是緣生。誰是真坐。斷兩頭。無點點。

事庭前。應笑看花人。

示□□禪人

話頭一句如弦直。世道紛紜。作麼生。直入萬花叢裏。過不沾些子。始通身。

示寂常禪人

話頭一句如弦直。勿論他家。短與長。生死岸頭。何捷徑。疑情粉碎。罷商量。

示智華禪人

話頭一句如弦直。無位真人。倒著褲。行到水窮山盡處。通身渾是佛。陀耶。

示慧生禪人

話頭一句如弦直。討甚閒心。鼓是非。迸破疑團。清夢裏。相逢難與話。離微。

示湛之禪人

話頭一句如弦直。梅熟何勞。更索核。吐盡口中酸。還味齒牙。應有暗香來。

示小枝禪人

話頭一句如弦直。幽谷芝蘭。分外香。溪靜水平。人不。

語驚驚鳥自成行

示小止禪人

話頭一句如弦直直下承當。早是遲。父母未生前。面目不勞開口。貴先知。

示曹印禪人

話頭一句如弦直。佛是靈山老比丘。以手自家頭上。摸不須螺髻也風流。

示立京禪人

話頭一句如弦直。博得靈源活水長。分派不生高下。想成渠何必細參詳。

示瑞雲禪人

話頭一句如弦直。勘破塵勞語最親。檢得乾柴烹活。水自斟自酌不干人。

示恒如禪人

話頭一句如弦直。風雨無停竟到家。却笑後園驢喫。草夕陽西照影偏斜。

示葛院伯居士

話頭一句如弦直。雪夜安心不是心。好看當年干木。

客石頭路上水泥深

示純素禪人

話頭一句如弦直。水面燈毬火裏蓮。雪洞冰山穿下。過長安盡處更加鞭。

示江達所居士

話頭一句如弦直。脚下黃泥知幾深。垢膩汗衫都脫。盡從他擦亂不關心。

示許圓脩居士

話頭一句如弦直。日不勞兮夜不眠。自古鼻端無點。氣何須特地慕腥羶。

示程君鑒居士

話頭一句如弦直。就路還家太鈍生。曠劫本無些。變易何須特地越規行。

示萬含實居士

話頭一句如弦直。十八兒郎笑未休。檢得幾頭無價。寶幾多歡喜幾多愁。

示覺海菴主

話頭一句如弦直。不落思量第二籌。推倒須彌穿履。

走毗盧頂上滑如油

示衆禪人

話頭一句如弦直。空裏浮雲鏡裏花。看罷莫生奇特想。從來黑豆不生芽。

話頭一句如弦直。當下無心見本來。千木更須牢把定。衡山路上滑如苔。

話頭一句如弦直。地覆天翻不動心。祇有一條生活計。隨緣愈入愈知深。

話頭一句如弦直。無耳人聞說法聲。雲水盡時歌舞罷。長安大道坦然平。

話頭一句如弦直。底事分明不許知。動著些兒遭藥忌。離言誰肯辯深慈。

話頭一句如弦直。聞說何如見面親。縱是風恬閉不徹。還憐活水躍金鱗。

一句話頭如鐵橛。碧雲深處有家傳。相逢不必重宣說。處處春風楊柳天。

一句話頭如鐵橛。死中要箇活人來。六根粉碎成圓去。優鉢羅花遍界開。

一句話頭如鐵橛。縱橫萬境也教閒。脚跟不帶些泥水。收拾行囊過故山。

一句話頭如鐵橛。三千里外步如初。從來心法無前境。大地收來一草廬。

一句話頭如鐵橛。動中消息是如何。纖毫不盡隨生滅。笑殺當年渡行婆。

一句話頭如鐵橛。龍領下扶珠時。只須不顧危亡也。入手方知出世奇。

一句話頭如鐵橛。紛紜境界體如如。只消識取來時路。倒跨楊岐三脚驢。

一句話頭如鐵橛。多年故紙不須鑽。一朝家當都拋却。始覺從前被眼瞞。

一句話頭如鐵橛。眉毛動處即須知。清僧氣宇天然大。莫只因循十二時。

示五業侍者

一句話頭如鐵橛。三玄五位不須論。千經萬典都拋却。掃地焚香是甚人。

示融愚禪人

一句話頭如鐵。活中要箇死人來相逢。爲報鄉關事。紫莖金纓帶露開。

無異禪師廣錄卷第十八

無異禪師廣錄卷第十九

住博山法孫 弘瀚 彙編

首座法孫 弘裕 同集

開示偈五

示李虛雲居士

頓悟心源開寶藏。萬花叢裏樂優游。春風也解禪那意。吹盡殘紅伴水流。

示劉自度居士

頓悟心源開寶藏。鐘鳴鼓響驗聲塵。自從識得緣心法。一箇無心閒道人。

示齊寶明居士

頓悟心源開寶藏。從他煩惱與菩提。三餐茶飯隨時過。無事深山聽鳥啼。

示鄧九如居士

頓悟心源開寶藏。灼然笑點馬師圈。頂門果具摩醯眼。黑白終歸句下圓。

示李何事居士

頓悟心源開寶藏。摩挲睡眼見青天。現成公案重拈出。三箇糊猴夜簸錢。

示傅遠度居士

頓悟心源開寶藏。衲衣底事有來由。圓圓吞箇青州棗。直至而今飽不休。

示方士雄居士

頓悟心源開寶藏。雞鳴犬吠演真乘。雖然逐日忉忉底。喫飯穿衣似不曾。

示劉今度居士

頓悟心源開寶藏。庭前柏子話偏長。道人不管西來旨。一陣清風一陣涼。

示楊仲宜居士

頓悟心源開寶藏。黃金沙石不須論。展開兩手無依摸。萬象森羅一口吞。

示姚卿居士

頓悟心源開寶藏。離家兒女是知音。超方不許留些子。拋却家園自陸沉。

示鄧直卿居士

頓悟心源開寶藏。家風不與世人同。百千萬種諸三昧。祇在尋常語默中。

示劉文長居士

頓悟心源開寶藏。全身領荷亦遲遲。更思吸盡滔天浪。笑倒江西馬大師。

示王元淳居士

頓悟心源開寶藏。祖翁田地不曾移。若將計較從他覓。大似傾盆灌漏卮。

示茹無備居士

頓悟心源開寶藏。箇中原不立纖塵。誰云珍玩過沙石。還笑從前徹骨貧。

示陳非白居士

頓悟心源開寶藏。珊瑚枝上月溶溶。清虛不是人間境。吹去浮雲曉樹風。

示熊飛卿居士

頓悟心源開寶藏。黃花翠竹總真如。若將花竹生知解。笑殺當年碧眼胡。

示葉對育居士

頓悟心源開寶藏。肘後羅符衣裏珠。幾多玄妙都拋却。認取楊岐三脚貓。

示余得之居士

頓悟心源開寶藏。通衢倒跨白牛車。角頭無限莊嚴具。都在深慈長者家。

示余未也居士

頓悟心源開寶藏。大千經卷不他尋。分明一箇真欽子。肚量從來海樣深。

示鞠慶長居士

頓悟心源開寶藏。逢人懶論口頭禪。珍珠收向皮囊裏。棒喝交馳總不然。

示鄧龜生居士

頓悟心源開寶藏。好山好水一時收。從來不出門庭外。古佛家風得自由。

示張訥所居士

頓悟心源開寶藏。觸體無識眼初明。更知心境如如處。花鳥逢人亦不驚。

示王夢蘭居士

頓悟心源開寶藏。多年古路滑如苔。淨瓶撲破重拈起。歸去闔浮又再來。

示姚豆卿居士

頓悟心源開寶藏。西江吸盡不爲奇。當陽打箇翻斤斗。鐵笛橫吹劫外詩。

示吳叔達居士

頓悟心源開寶藏。隨聲逐色過朝昏。一條拄杖穿雲走。得失親疎總不論。

示王君翰居士

頓悟心源開寶藏。落花流水盡家珍。臺山婆子空勞力。到岸毋容更問津。

示王閔卿居士

頓悟心源開寶藏。何勞特地問風幡。獵人驚破三更夢。始覺從前事事煩。

示徐貞可居士

頓悟心源開寶藏。大唐國裏沒禪師。虛空打箇翻身轉。拍手佯詢我是誰。

示鄭謙臣居士

頓悟心源開寶藏。拈香擇火當尋常。而今識得閒些子。却笑從前手脚忙。

示蔡玉源居士

頓悟心源開寶藏。揚眉瞬目顯全機。幾多鹽醋都傾却。收拾深山住草扉。

示□白生居士

頓悟心源開寶藏。白雲深處有家傳。灼然伸出擎雲手。好向虛空駕鐵船。

示羅元清居士

頓悟心源開寶藏。著衣喫飯見如來。不須更問南山路。笑指庭前石上苔。

示任徵生居士

頓悟心源開寶藏。珊瑚枝上海風清。現前何事爲遮障。纔涉思惟萬八程。

示碧輝禪人

頓悟心源開寶藏。驪龍領下挾珠來。而今懶論光明聚。包裹皮囊且學猷。

示瑞崖禪人

頓悟心源開寶藏。扶桑元在海門東。衲衣時藉雲霞補。剪尺無煩問誌公。

示葉堯生居士

頓悟心源開寶藏。更須笑展佛家風。娘生面目從緣識。水鳥山花處處同。

示魁吾居士

頓悟心源開寶藏。金陵原是石頭城。萬年不更長江水。一任諸人自濯纓。

示華宇居士

頓悟心源開寶藏。脚頭踢著盡黃金。更知錦帳春消息。石女穿花不用針。

示洪宇居士

頓悟心源開寶藏。錢塘江上弄潮來。回途不顧衣衫濕。滿地逢人笑滿腮。

示振宇居士

頓悟心源開寶藏。相逢眉動便知音。現前休問無生境。深澗流泉太古琴。

示蓮溪居士

頓悟心源開寶藏。腰纏十萬下揚州。從來嬌慣無他意。風自清兮水自流。

示冲玄禪人

頓悟心源開寶藏。魔王眷屬盡家親。當軒明鏡難逃影。畢竟無容一點塵。

示陳濠濮居士

頓悟心源開寶藏。真光原與世光同。華嚴無限香雲蓋。旋復都歸指顧中。

示方季康居士

頓悟心源開寶藏。毗耶城裏是吾家。大千掌內輕拈出。毫相輝煌影斜。

示卓無量居士

頓悟心源開寶藏。金針透穴不爲難。夜深懶聽漁家樂。帶月乘雲下碧灘。

示熊□□居士

頓悟心源開寶藏。無榮無辱道人家。一條白練隨他去。動著些兒亂似麻。

示徐□□居士

頓悟心源開寶藏。脚頭何地不青山。肯將佛法生知解。迸破塵勞且學閒。

示郭玄朗居士

頓悟心源開寶藏。飯餘策杖喜經行。溪邊折盡垂楊柳。展似眉毛作麼生。

示余慎爾居士

頓悟心源開寶藏。緣生識得本來身。蓮花根發淤泥裏。却笑居塵不染塵。

示端字上座

頓悟心源開寶藏。江南江北不須分。溪聲山色西來意。萬里青天萬里雲。

示應時上座

頓悟心源開寶藏。清風凜凜自江來。從緣薦得相應句。踏破須彌頂上苔。

示三藏殿以監院

頓悟心源開寶藏。拈來瓦礫勝黃金。闔浮遊遍尋知已。得意終歸祇樹林。

示棲霞一監院

頓悟心源開寶藏。木樨香後菊花香。天明對鏡窮顏色。原是東村趙大郎。

爲六雪禪人入關

翻思昔日雲門老。關字相酬最上機。分付博山關道者。莫教辜負翠巖眉。

爲六雪禪人出關

始行大事六年雪。頓入圓明一片冰。今日幸親無縫塔。掣開關鎖萬千層。

四公案拈示六雪座元

沒蹤跡莫藏身。藏身處沒蹤跡。吞乾海水曬金鱗。澄江始見花狼籍。

什麼物恁麼來。曹溪路頭如雷說。似一物即不中大庾嶺上綱張迴。

有佛處不得住。無佛處急走過。三千里外摘楊花。逢

人真論蒲團破

麻三斤乾屎橛。拈著心路竭。筵破閣黎鐵面皮。禪
牀皎皎三更月。

示方士雄居士三首

千寶萬聖說。惟心識得應。歌樂道吟。就裏了然無一
物。山河大地盡黃金。

非佛非心非。是物護勞皮。袋裏酸辛。現前境色清如
洗。一一爲君細指陳。

一滴靈源無變色。非今非古亦非新。十方坐斷重移
步。不是瀟湘不是秦。

示謝在之居士

識得雲門一字禪。衆生諸佛本同恩。當機更問西來
旨。陸地蓮花朵朵鮮。

示汪心鏡居士

來機即赴未爲難。背觸俱非肯綮間。大火聚中看變
態。眞文不欲露全斑。

示吳鼎甫居士

脚頭無地不青山。祖意遺期願盼間。識得未拈花去

處是非不到飲光顏。

示玄京沙彌割股愈母二首

父精母血得生身。須信從前徹骨貧。箇皮囊都割
盡。孰爲我也孰爲人。

世間大孝無如佛。童子心腸亦效之。幻化門頭開隻
眼。也須記取下刀時。

示何芝嶽宗伯二首

道得溪深杓柄長。空花陽燄罷思量。東拋西擲衣中
寶。舌遍三千護學揚。

世諦寧瀾出世緣。追風逐日箭離弦。當機覲面如親
薦。訂約輸盟不記年。

示阮澹宇郡伯

秋時落盡閣浮葉。何故黃花九月開。惟識肯隨渠變
異。冷看濺淚去還來。

示雪航禪人

行盡千山與萬山。逢人特地放癡憨。一朝看破枝頭
月。始覺澄潭徹底寒。

示常菴禪人

識得真常便住菴。袈裟從教破。藍橋皮湯作三更。
點飯月歌盃下碧潭。

示智鐫禪人

一片閒雲歸嶺去。三間茆屋旁山隈。乾坤裏向袈裟裏。
今日分明付大梅。

示彬顯禪人

三間茆屋隨緣住。兩朵眉毛要自伸。好把偷心都死盡。
始知布袋活如神。

示超慶禪人二首

滔滔瀟水送行舟。剩有江南結勝遊。踢遍故鄉田地日。
歸來應笑亂峯頭。

脚跟一段真奇事。抖擻塵緣作麼超。禪者果知燈是火。
烏窠何必用吹毛。

示照浮禪人行脚二首

問君曾讀五車書。擔管成文似有餘。我已搖鞭君信否。
歸家應笑倒騎驢。

倒騎驢子上楊州。却勝當年跨鶴遊。邵伯河邊何境界。
煙雲深處水悠悠。

示成瀟禪人

幾回夢入故家鄉。麥飯葱湯護付量。踏遍山川圖甚事。
只須親見本爺娘。

示志西禪人三首

宗門底事皎如雪。軟似金剛硬似泥。無事夜行剛把火。
須知脚下有高低。

分明兩口一無舌。幾土揚塵無間歇。突出海門大日輪。
元來却是新羅月。

倒跨泥牛自在時。橫吹鐵笛咏新詩。雖然拶出通身汗。
下載清風付與誰。

示恒一禪人省親

恒年一片切心腸。不問程途到上方。今日還從原路去。
歸來親見本爺娘。

示九如監院

荷擔監院不尋常。鐵額銅頭頗斷當。喫盡幾多酸苦味。
而今始覺菜根香。

示知止禪人送師回浙

殷勤特地送師回。此去還期此日來。莫謂江頭風景好。
只緣心在剎竿頭。

別年年九月菊花開

示剖密禪人

錫杖橫挑入徑山風霜肯信觸體寒千峯頂上牢收
拾若謂崎嶇步轉難

示觀一禪人

入嶺還如出嶺時袈裟裹肚皮饑今朝不辦山頭
供雲樹依依任所之

示寶嚴禪人

奔馳何獨豫章西錫杖無辭脚下泥別子江邊高著
眼紅輪盤湧一聲雞

示自錄禪人

聽到天花撩亂時宗門底事實親知翻身抹過毗盧
頂箇是金毛獅子兒

示印文禪人三首

觀面當機識印文肯將世念自紛紜只教霜雪消融
後自有靈枝一帶春
至寶從來六不收根塵界裏自優游一朝和架都翻
轉迸斷中間與兩頭

夢幻蘊花人易會蘊花夢幻莫生疑世情徹底融通
處軟似金剛硬似泥

示石隱等現侍者

蒼石重巖挂碧霞妙嚴錦上復添花回頭忽見匡山
路五老峯前有活蛇

示曉宇禪人

誰更連綿頗相當眨眼還成孟八郎一覺天明無別
事法身元是臭皮囊

示石浪禪人

長江石壁浪滔天岸柳巖花亦眩然最喜澄潭潭底
月開眸不費草鞋錢

示穆禪人

逢緣不盡說云休細看鴻山五字牛肯信虛空成粉
末劫外無身何處遊

示立詮禪人

玄猷端不涉言詮過渡還乘沒底船彼岸豈容些子
法逢人祇只叙寒暄

示道開禪人三首

行脚年來路轉多。白雲冉冉莫蹉跎。大庾衣鉢今猶在。盡力荷擔動得麼。

行盡千山與萬山。脚皮多笑口皮頑。渾身不見些兒煖。火把分明覷面看。

侍者三年尚未勞。脚跟多被惡風搖。此間佛法無人識。肯向而今動布毛。

示筵禪人落髮

當機削去娘生髮。露出摩尼頂上珠。分付時人高著眼。此回親見赤鬚胡。

示甫中禪人

甫中知見盡交除。烈漢從來不著書。隻字片言都吐出。翻身却笑趙州無。

示印宗禪人

印破宗乘壯鐵牛。溪南溪北恣優游。忽朝驚覺穿鞋也。迥地遮天者一頭。

示捷初禪人

雲從谷聚谷生雲。雲變巖祇園別有春。寶篆香消僧定起。階前花雨幾繽紛。

示陳之望居士

自家田地要耕耘。勤牧牛羊莫亂羣。就裏靈苗須早種。及時花雨幾繽紛。

示去非禪人

自是不貪香餌味。三餐茶飯淡如飴。舌根血盡經光現。好向深山種紫芝。

示僧

當軒寶鏡若爲容。影象全消願盼中。妙挾渾然無滲漏。將珍御雜頑空。

示印空禪人

空知四大元非我。印破癡生鐵面皮。講到天花撩亂處。巖前石女夜生兒。

示沈東華使君

一餐齋罷一杯茶。掃地焚香誦法華。幸得箇中無別事。莫教黑豆又生芽。

示智璠居士

饑時喫飯冷添衣。正是維摩杜默時。莫謂朔風吹不入。天寒也貴大家知。

示古邦居士

剔起眉毛休懶惰。法門底事勤擔荷。一朝撞破指頭時。始覺從前都是錯。

示樵陽居士

少室宗風無別法。從來瀾水碧如藍。五臺山頂金毛現。看破前三與後三。

無異禪師廣錄卷第十九

無異禪師廣錄卷第二十

住博山法孫 弘瀚 彙編

首座法孫 弘裕 同集

開示偈六

劉和鶴居士赴試春官以草履送之。兼示四偈。

曾聞赤脚下桐城。居士今朝恁麼行。草履緊包雙指。露管教平地聽雷聲。

桂花香處露真機。正是心空及第時。燕北風高如有。

雁倩開早寄博山詩

草鞋踏破長安道。直入金堂最上層。壁上有僧高著眼。好將佛法繼傳燈。

脚跟點地瑞蓮開。萬仞峯頭得意回。有問草鞋何處覓。報言曾到博山來。

示周肯成居士

苦海中流弄釣竿。從渠濺漉不相參。西江清滴如吞盡。沙界都盧一坐禪。

示胡法野居士

抖擻身無些子法。野情偏結世緣多。當初大道如親。笑殺臺山指路婆。

示平宰居士

平心待物恒常事。高宰乾坤越樣新。突出衣珠如瓦礫。不妨隨處是通津。

示余毓蟠太守

鶴長鳬短自天然。何似君家白晝眠。盡世諸人尋不著。星辰印破月中天。

送彭質先學博二首

一法空時萬法空。萬緣空處體皆同。堂堂日用無他事。指點全彰顯勝中。

帶雨山頭縱步時。心空及第報君知。現前佛法誰擔荷。琪樹瓊花映綠蘿。

示寫照寶林居士

握管精神分外奇。此情惟有自心知。宛然寫出娘生面。千載人思上古時。

示黃子義居士請經回

爲求半偈捨全身。居士今朝怎麼行。踢破指頭誰證據。萬餘紙上話無生。

示素真居士請經回

剜肉燃燈爲法來。脚跟踢破幾蒼苔。拈花時念水。去鞋山頂山頂上。瑞蓮開。

生成一片鐵心腸。猛浪狂風頗耐當。今日回觀山頂月。逍遙誰謂腳跟忙。

割塵直欲見全經。舟楫何辭泛遠溟。能石狂風穿下。過此回始道佛家事。

水陸兼行意頗安。石頭城外走長干。無邊塔影光明。

種今日方知會過難。

示越山禪人

不從途路分階級。只欲須彌頂上行。倘與迦文親覲面。問渠何處是緣生。

建安江岸示青林諸弟子三首

相逢倏爾半年餘。卯角丫環妙挾初。寶篆久沉宮漏冷。願携香水灌毗盧。

逆水重重疊疊灘。相逢千里別離難。迴途石馬如嘶。

撲。窺壑幽林指顧間。

來時清冷去炎蒸。惹得山嫌腥臭名。今日江濱何所。

適剩餘一葉扁舟輕。

示衆禪人二首

一葦草上現瓊樓。吸盡支那四百州。贏得清風吹白。

汗。何須特施使人愁。

天高地厚問端由。棒喝交馳卒未休。換骨洗腸猶不。

是誰知屋裏販楊州。

示楊蘭似居士

投子山頭不記年。趙州翻弄老婆禪。夜行不許須親。

到公案而今始得圓

示伏虎寺龍泉禪人二首

一蛇一虎每隨身。劈面當機不顧人。放不下時擔取去。袈裟贏得嶺頭雲。

金錫當年格鬪時。畜生靈性更粗知。而今識得驚湖事。千載風規步不移。

示剡水船居

馬跡塵蹤豈不能。喜從水面伴禪僧。繩牀安向驢龍角。細柳長隄紹祖燈。

示自空禪人

捨却菴居雲水遊。腰包瓢笠喜于休。雖然指出當陽道。岐路須防滑石頭。

示蔣一个居士蘭母二首

叱去泥牛木馬橫。拈玉線金針刺出真。空錦繡何須向外追尋。

從來不是衆生何用更求活。佛放光動地者誰喚作天真一物。

示連茂宇居士四首

人生一百歲造化若浮雲。衣裏珠無價分明指似君。世界何期久塵緣仔細看。昇沉無了日輪替骨毛寒。慾寡神怡靜無嘆氣自清。修行知此意何必問長生。要緊惟慈想慈心即佛心。了知慈是佛不向外邊尋。

示道開禪人

相聚喫茶去斯人超一等。不須徹夜行露濕衣裳冷。

示放生者二首

想彼飛潛意貪生。與我同仍無冤對。業何事陷羅籠水上同頭日。空中鼓翅時。豈圖榮貴作悲運。報君知。

示黃海岸司理四首

民財已財民肉已肉。不飲不葷是中丞。祿行無緣慈運同。體悲害之伐之必也其誰齊之以刑待之以禮。善惡賢愚如出諸已。應緣海岸樹大法幢。通身毛孔吐旃檀香。

四答

咨爾庫頭正信因果一米不私毋存彼我七東地獄兩餅餓鬼毫釐侵欺過盡海水一綃一錢猪頭驢脚知罪福相守如來約買賣壽薑燃石憲燈千年辛辣。

萬古光明

咨爾化主衆生福田法輪未轉飲食須先粒米寸鈔
智者可嚇賴錢瓦錢古今稱訝持臨濟鉢勾大慧鐺
相隨來也笑倒圓悟古鏡未磨汝當下語黃鶴樓前
翱翔絕侶

咨爾監院持顯持微勤儉辛苦捨汝而誰以禮交賓
以和慰衆先人後己法門梁棟指甲許鹽龜毛許利
倏忽有差陷身于地古楊岐更終慈明代清光匪磨
傳燈永載

咨爾典座變生爲熟惟法相應米中有粥張石鞏弓
牧癩安牛一回入草牽轉鼻頭遵如來言信獅子吼
偏衆一湯烱銅灌口乃聖乃賢多務斯役踢倒淨瓶
橫趺而出

淨土偈有序

曇雲樓師翁將一句彌陀贊鼓天下人競讀古彌陀
再世余弱冠心切歸依及行脚被惡風吹入閩中蹈
宗乘閩域念佛法門束之高閣矣己亥鷺湖圓戒歸
與緇素談及祖師巴鼻因無可與語復憶吾師翁慈

惠恩大難酬嗣後亦時將彌陀六字結西方十萬緣
間有議之曰師宗門下客何以擬此開家具余曰噫
是何言歟蓮花淨域諸祖咸趨余何敢諱緣引毫書
一百八偈以醒緇素若喚作禪喚作淨土一任諸人
強生節目自不干老僧事皆天啓辛酉夏浴佛後五
日識

淨心卽是西方土行遍西方步不移無影樹頭非色
相瞥然起念便支離

淨心卽是西方土念佛聲消我是誰徹底掀翻誰字
窟三家村裏活阿彌

淨心卽是西方土何必瞿曇萬卷書霹靂一聲響兩
耳全身拶入趙州無

淨心卽是西方土裂破閻浮歸去來使得時辰顛倒
走金沙水面妙蓮開

淨心卽是西方土倒嶽傾湫我是誰少室山前親撞
入紅爐猛燄雪花飛

淨心卽是西方土帶累同緣禍及身五蘊六根成粉
末伶仃好笑又驚人

淨心卽是西方土親到方能辯祖宗吸盡澄江高著
眼鏡清水底日頭紅

淨心卽是西方土點鐵成金喻不齊細抹將來渾小
事莫教辜負老僧身

淨心卽是西方土拄杖橫挑布袋行賣買得來仍賤
賣慈門無價不須爭

淨心卽是西方土倒跨崑崙入海門行到水窮山盡
處灼然別是一乾坤

淨心卽是西方土千聖同登沒底船石壁丹崖都撞
過而今始覺脚皮穿

淨心卽是西方土掃地焚香事事宜兩口不開生白
醜此情惟有木人知

淨心卽是西方土澄不清兮攪不渾更問樂邦何處
是好將此語教兒孫

淨心卽是西方土海底紅塵湧瑞花萬億劫來成底
事今朝特地獻袈裟

淨心卽是西方土楚水秦山路坦平禪客莫生高下
想脚跟點地最分明

淨心卽是西方土赤脚波斯入大唐突出衣中無價
寶者同不做探花郎

淨心卽是西方土錦繡乾坤淨業成一句彌陀纔吐
出昂藏皮袋廓然清

淨心卽是西方土一句彌陀一佛成大地咸成銀世
界更於何處觀明星

淨心卽是西方土燒盡閻浮栗棘蓬貼肉汗衫都卸
却堂堂獨露主人公

淨心卽是西方土肉髻明珠不用親萬人程途彈指
到莫教辜負好時辰

淨心卽是西方土鋼網毫光劫外春作佛尙嫌忙世
界那得閒情趣鹿羣

淨心卽是西方土蘊界元空極樂邦萬境無人誰會
得一輪明月照澄江

淨心卽是西方土妙理玄談總不論寶鴨香消簾倒
卷却於無佛處稱尊

淨心卽是西方土碧眼胡僧笑點頭顏色摩尼如瓦
礫誰云寶閣及瓊樓

淨心卽是西方土。月老未枯與正。一帶晴空無限。
樂分明底事不相饒。

淨心卽是西方土。一念無生喚不回。好把兩頭都坐。
斷春風吹起劫前灰。

淨心卽是西方土。口說無憑步最親。爛壞木魚輕擊。
著幾多花雨亂繽紛。

淨心卽是西方土。待客迎賓似不曾。光潤頭牙淨洗。
冰潭然天地一閒僧。

淨心卽是西方土。直裰原來重七斤。只教豎簪成片。
去不須禮拜復殷勤。

淨心卽是西方土。三昧塵勞總不知。野菜和羹消日。
子無生一念越僧祇。

淨心卽是西方土。野睡須知被底穿。一覺天明無別。
事三餐茶飯又依然。

淨心卽是西方土。打破畫瓶歸去來。無影樹逢臘月。
火春風偏向百花開。

淨心卽是西方土。極樂都無衆苦侵。一句彌陀光燦。
燦花開見佛不須尋。

淨心卽是西方土。六月嚴霜遍地鋪。突曉途中人不。
諱冰懷爛熳道情孤。

淨心卽是西方土。突出燒生雙眼睛。四聖六凡都坐。
斷胸襟鐵鑄沒人情。

淨心卽是西方土。行樹常開白玉花。長者倚門終日。
望鈴鐺何事不歸家。

淨心卽是西方土。荷葉無風浪打翻。透網金鱗諸水。
勢而今觸處是疑頑。

淨心卽是西方土。雨灑雲蒸分外奇。一具骨頭鳴歷。
歷振聲也要大家知。

淨心卽是西方土。德水常清七寶池。佛法要從何處。
入微風纔動念聲時。

淨心卽是西方土。水月松風徹底清。觀面不知真趣。
向臨終何用佛來迎。

淨心卽是西方土。奕葉相承鏡裏花。非樹非臺如會。
得本源無地長靈芽。

淨心卽是西方土。樹倒藤枯句裏親。大笑一場人不。
委相隨來也是圓津。

淨心即是西方土水鳥時常演妙音黃面瞿曇慈太
煞都緣一片老婆心

淨心即是西方土石上靈蹤萬古存拄杖頭邊親摸
著了然無事大沙門

淨心即是西方土廓徹無依絕異同鼓掌狂歌經幾
劫眉毛血灑梵天紅

淨心即是西方土踏斷橋梁見古村警爾常光穿腦
過優游三界獨稱尊

淨心即是西方土淨土不聞寒暑侵幾陣香風來水
面無邊化鳥盡歸林

淨心即是西方土一句彌陀當路頭家破人亡何處
去慈門無餌不須鉤

淨心即是西方土狼籍圖圖總不成肯信彌陀居濁
界空中惟聽散花聲

淨心即是西方土官不容鍼車馬通古木鴉聲繞歇
得一輪明月出煙籠

淨心即是西方土朗月當空照膽寒百歲老人分夜
火刺搖木鐸笑更殘

淨心即是西方土木馬嘶風過漢秦關破箇機誰是
主多年故舊一時新

淨心即是西方土包納虛空千不干獨有狸奴精古
恠破顏微笑兩三翻

淨心即是西方土捏死胡蝶迸出頭萬億劫中彈指
到彌陀無量有來由

淨心即是西方土古澗寒泉吞吐難徹見趙州真面
目橫行直撞不相干

淨心即是西方土瓶裏驚兒喚出來自己主人長夜
夢一聲佛號不須猜

淨心即是西方土孝滿曹山好酒顛吸盡樂邦消息
子笑看烈火綻青蓮

淨心即是西方土無相光中有相身心境牽纏成鬼
戲誰爲我也孰爲人

淨心即是西方土向上傳燈語亦非幻化圖中開隻
眼何須更欲問玄微

淨心即是西方土開口何曾道得來彌許通玄峯絕
頂萬年石上長青苔

淨心卽是西方土。下載清風付與誰。白汗流通濃滴。滴壘堆贏得一身肥。

淨心卽是西方土。露柱燈籠笑未休。喫盡世間酸苦。味蒲團剩有暗香浮。

淨心卽是西方土。琴瑟無絃太古音。韻出海潮無限。意微猷永絕去來今。

淨心卽是西方土。狹路逢人話短長。兩耳聾時聽愈。好鄉音誰與辯官商。

淨心卽是西方土。彩筆將來畫不成。深夜石牀無伴。侶。軒然一覺已天明。

淨心卽是西方土。獨宿孤峯境更賒。萬仞巖前親嘗。地袈裟角上帶些些。

淨心卽是西方土。教外須知別路行。若是祖師門下。客破顏端不論無生。

淨心卽是西方土。優鉢無根滿樹花。不許老胡閑太。慣龜毛景色亂如麻。

淨心卽是西方土。古曲無音和者稀。昔日瀉山親囑。付大書五字載毛皮。

淨心卽是西方土。擁鼻調機花藥籃。更問此間多少。衆前三三與後三三。

淨心卽是西方土。餅瀉何曾夢見來。缺齒老翁惟面。壁一花五葉至今開。

淨心卽是西方土。皮袋還知痛癢無。掉轉乾坤何境。界夜明簾外夜明珠。

淨心卽是西方土。仙菓奇葩帶露看。金色頭陀纔覩。見倚天長劍逼人寒。

淨心卽是西方土。翻著襦衫倒著鞋。若是韶陽親的。子可擒可縱雪峯蛇。

淨心卽是西方土。入水烏龜陸地行。摸盡皮毛并骨。髓而今特地可憐生。

淨心卽是西方土。撲碎擲丸總不妨。本性彌陀無向。背廣長舌上妙蓮香。

淨心卽是西方土。措大拳頭認得麼。者裏不曾分勝。負臨機何用動干戈。

淨心卽是西方土。峻急灘頭下脚難。踏石深坑親歷。過彌陀覩面莫顛預。

淨心卽是西方土奪食驅耕事太繁何似嫩殘無用
漢逢人含笑豎空拳

淨心卽是西方土三歲孩兒盡白頭讀罷世間經史
後洞然無物飽齣齣

淨心卽是西方土臘盡多燒破紙錢拍掌又逢新日
月萬花堆裏看龍眠

淨心卽是西方土相見揚眉落二三古道不存車馬
迹舌頭無骨定司南

淨心卽是西方土帶髮留鬚表丈夫赤尾金鱗纔躍
出澄潭無水浪花蘊

淨心卽是西方土魔界空時佛界空世界閒雲收拾
盡一輪迭出海天紅

淨心卽是西方土穿市波斯讀梵書百丈當年開大
口至今稱謂赤鬚鬚

淨心卽是西方土空裏狂花鏡裏頭看破兩樁奇異
事端然屋裏販楊州

淨心卽是西方土逐隊隨羣粥飯僧一飽饑瘡無別
事慙慙祇奉佛前燈

淨心卽是西方土古寺清幽月到窗夜半捉來牀畔
鳳天明飛出繡鴛鴦

淨心卽是西方土眼裏瞳人築繡毬搬弄世情渾不
了廓然無事且干休

淨心卽是西方土海底珊瑚望月生獨角龍王開眼
看瞻禮古路少人行

淨心卽是西方土毒藥醍醐一器盛殺活從來都在
我放開捏聚不須驚

淨心卽是西方土罔象玄珠不足稱要會老僧無味
句破驢脊上走蒼蠅

淨心卽是西方土呼遣南山鱉鼻蛇弄罷渾成閒笑
話樹頭無影亂啼鴉

淨心卽是西方土浩浩塵中射鹿回祇箇隨流人不
棄禪門無句語如雷

淨心卽是西方土撥盡寒灰火一爐不用吹紅并漫
殺三餐茶飯紫虛都

淨心卽是西方土破爛袈裟披掛亂蓬頭老儂無氣
力囊中藏箇赤斑蛇

淨心卽是西方土。磐石無根。笋未抽。大海不驚。連夜雨。木人歌舞。妙蓮舟。

淨心卽是西方土。生則生。死不移。打破大唐國裏看。須知脚下有高低。

淨心卽是西方土。火裏蟬。蟬吞大蟲。纔起一絲。分別想。山重重。又水重重。

淨心卽是西方土。斫額西方萬八千。彈指頓開無礙眼。西方端不費盤纏。

淨心卽是西方土。苦海無波。一掌平。世界三千。挑不起。全身放下。夢初醒。

淨心卽是西方土。托鉢空回。肚不饑。沙米淘來成底事。蓋因衣裏有摩尼。

淨心卽是西方土。豎起眉毛。嚇殺人。禪客相逢。彈指去。丹霞輪却破頭巾。

淨心卽是西方土。出世韶光。任所之。無始業緣都吐盡。莫教換却好毛皮。

淨心卽是西方土。足下煙生。腦後光。苦海久迷。安養國一枝。蘆葉當慈航。

淨心卽是西方土。活計從來天樣寬。箇裏本無元字脚。千年故紙不須鑽。

淨心卽是西方土。悟了還同未悟時。濁惡界中無揀擇。多因脚下絕參差。

淨心卽是西方土。猛虎喉中活雀兒。遇過老僧無管帶。越關多寫樂邦詩。

無異禪師廣錄卷第二十

無異禪師廣錄卷第二十一

住博山法孫 弘滿 彙編

首座法孫 弘裕 同集

宗教答響一

參悟品第一

劉龍平弘明太史問宗教二門。一是二。今云參悟是第一。蓋一切教業。可盡廢耶。大疑大悟。不疑不悟。有不疑者。作何開發。終不悟者。作何究竟。又復一種熱鐵公案。認爲當機。此云證否。更復教中多明了者。

此於悟門爲有差別爲無差別

師云釋迦大師坐道場四十九載。末後拈花示衆。故有教外別傳之旨。果教外別有傳乎。宗乃教之綱。教乃宗之目。舉一綱則衆目張。祇知理目而不識其綱者。是不知宗教之道合一之旨。所謂岐路中又有岐路也。肯就岐路徑循其綱者。諸教中皆有宗旨。得其旨則一言一字皆最上之機。如不識其旨。泥於文字。則宗亦教矣。

華嚴經云。如日當空。照重稚閉其目。自言何不觀多聞。亦如是。又云。如貧數他寶。自無半錢分。法華經云。棄捨所習誦。廢忘不通利。貪著於名利。多遊族姓家。楞嚴經云。縱能宣說十二部經。不如一日脩無漏業。圓覺經云。以思惟心測度。如來圓覺境界。如將螢火燒須彌山。終不能著。以此教自料揀。而不知宗者在人。非在教也。良以教有千差。宗歸一致。教在博通文義。宗實直下真參。博通非一日之功。真參無頃刻之間。非一日之功。尋其流也。無頃刻之間。得其源也。尋流而得其源者。有之得源而棄其流者。亦有之。此又

在人不在教也。楞伽經云。佛語心爲宗。無門爲法門。又頌云。如世有良醫。以妙藥救病。諸佛亦如是。爲物說。惟心既是以心爲宗。當勘破文字。楞嚴經云。圓明了知。不因心念。大凡地前衆生。日用中無非心念。如不真參實究。其心念何能了之。動止思惟。莫非心念。究竟堅固。終不得矣。是故當知宗衍於教。一而二也。教歸於宗。二而一也。其真參實究。捷徑名第一義教。中具載非廢教也。高峯大師云。無量妙法門。參禪第一義。若真獅子兒。不入他羣隊。法華未開口。時入無量義。定無量義者。非第一而何。至舍利弗三請說法。佛云。吾今爲汝分別說法。文中云。一大事因緣。開示悟入佛之知見。本文翻案云。是法非思量分別之所能解。卽此非思量九箇字。作麼生領會。若不真參實究。是謂入海算沙。非究竟也。緣此觀之。教不可廢。要在得其綱領。果得其綱領。教則爲指爲筏。爲導引。爲開關。爲助緣。又安可廢乎。又謂大疑大悟。不疑不悟。有不疑者。作何開發。若果爲生死心切者。安得不疑。如不疑。是生死心不切耳。

如云一口氣不來畢竟向甚麼處去不究心時被善惡業牽引去既不隨善惡業牽引畢竟向甚麼處去既不知去處安得不疑如不疑者是不堪共語人又何必別求開發耶若果發真疑者縱不悟站定脚跟不起第二念此卽成佛作祖底基本如別求究竟卽非究竟也熟讀公案認當機者千聖出頭救渠不得安敢曰證譬如平人妄號帝王自取誅滅非細事也近時妄稱知識者行棒行喝入門便打入門便罵不論初心晚進妄立箇門庭皆是竊號之徒鼓動學者一片識心妄與問答豎指擎拳翻筋斗踢飛脚大似弄傀儡相似使旁觀者相襲成風殊不知古之所是今之所非將來鑊湯爐炭決定少他不得是謂之善因惡果良可痛歎若於教中多明了者與悟門中較其優劣實霄壤也雖不能與悟門較其優劣而代佛揚化非世間功德之可比書寫讀誦尙不可思議況說法乎此皆脂質之語學者可善而擇之

淨土品第二

問念佛參禪近分二機能兼修否既云念佛恐以觀

門爲第一義臨終往生作何指引念時修觀作何攝受

師云禪淨無二也而機自二初進者似不可會通當求一門深入如上帝都也維揚至東莞亦到也荆楚至中州亦到也豈以維揚會荆楚爲一道乎若尋維揚而會通荆楚尋荆楚而會通維揚豈但不能會通余恐頭白齒黃終滯於維揚荆楚而不能到帝都也是故求一門深入不可滯祖師權語又不可滯抑揚之說也如永明料揀云有禪無淨土十人九錯路無禪有淨土十人九得度此多於淨土非多於淨土是揚教也是適機也永明意總不在此若以此見永明是謂之疑人面前不得說夢是謂之遷賊人喫棒也祖師亦云佛之一字吾不喜聞又云念佛一聲三日漱口祖師意總不在此若以此見祖師是謂之疑人面前不得說夢是謂之遷賊人喫棒也然禪淨二門非別立標幟求一門深入者似不得不二也如會通之說亦權語耳果發明大理不妨念佛世緣尙不礙道況念佛乎濁界尙不礙生況樂邦乎如專意淨土

當發大心其大心者即菩提心菩提心者不爲自求故不爲一人得生淨土故不爲一人得成佛道故如上品上生章云一者至誠心起信論云直心直心者無委曲故欲生淨土萬牛而不可挽也北宗云直心真實菩提道場又云至誠爲入道基本六祖亦云行直不用參禪亦此意也二者深心謂心與境冥境與神會惟心惟境而互攝互融故云無邊利海自他不隔於毫端故知十萬億利之外不出一心果心外別有淨土耶然行人念佛正當發願往生不可執目前淨土大方之家安可滯一隅謂之心淨土淨正所謂棄大海認浮漚爲全潮者不亦迷乎雲棲師翁云執事而背理類蒙童讀古聖之書執理而背事比糞土獲豪家之券據此則多於事土而略於理土蒙童讀書雖不解義而終有開曉之時糞土獲券縱堆積如山終無管業之理果將一句彌陀念教不念自念究竟到一心不亂則惟心之理不言可喻又何妨發願往生乎淨土訣云生則決定生去則實不去斯達惟心之境終日生而不妨無生終日無生而不妨往生

也又何況念空真念生徹無生乎

夫觀門者亦淨土一義耳據彌陀一經祇教一心不亂專持名號雖言西方種種妙境未明示其觀相也無量壽經出十六種觀門首曰日輪懸鼓乃至佛菩薩寶池樓閣及花開九品總雜等觀則隨脩一觀即得往生也惟楞嚴經大勢菩薩云憶念佛現前當來必定見佛憶者觀也此觀念相繼自得心開不待往生又不妨往生亦攝念佛者往生斯菩薩化儀爲彌陀輔弼自利利他不妨兼舉也此淨土一門仗果位中佛發大弘誓廣攝念佛行人比於諸法門中似省力也如單提一句彌陀當以信行願爲資糧信者信自心有成佛底種子信有彌陀可見信有淨土可生信我念佛將來畢竟見佛畢竟成佛更無疑慮也行者念念無間如人行路直至到家乃可願者願生淨土將我念佛功德發願回向大地衆生同生淨土同成佛道斯亦菩提之心比爲已生者日劫相倍也祇念佛決得往生況有果位中佛接引攝受耶

止觀品第三

止觀二義諸書備具。惟種種法繁漫難脩。有一二門當總持否。卽如觀持準提呪者。觀鏡觀像。觀諸梵字法更繁衍。以何爲的。其不知者。誤認假相。不宜攝觀。是耶非耶。

師云。惡世有情。生無慧目。從無始已來。根本煩惱俱生。無明從劫至劫。不能暫捨。其不思議。熏不思議。變業轉現。識發六塵。境招因帶。果吸引衆生。輪迴世間。生死相續。無有窮已。所以諸佛世尊。以大慈故。緣於衆生。以大悲故。救於衆生。險惡道中。爲衛護。爲導師。苦海岸邊。爲援引。爲舟筏。於黑暗長夜。爲炬。爲明。於意陷深坑。爲警。爲策。設濁邊之過患。示淨界之莊嚴。演無量之法門。開三觀之妙旨。單復回脩。隨機利鈍。但從一門深入。如登彌勒樓閣。諸門頓開。此止觀一法。是不可思議之要徑也。智者大師云。止者。乃伏結之初門。觀者是斷惑之至要。止者。則愛養心識之善資。觀者。策發神解之妙術。止則禪定之勝因。觀是智慧之緣藉。成就定慧二法。斯乃自利利人。以此則知。不脩止觀。法無以成。自尙不利。云何利他。又當知止。

觀攝一大藏教。一大藏教不出止觀二法。若人精修止觀。可謂尋流而得其源也。若修止觀者。第一要三歸五戒。如增受苦薩戒者。其法最易成就。名上品行人也。第二要持戒清淨。無諸毀犯。第三要明信因果。熟爛教乘。第四要懺悔。已作衆惡。不更覆藏。第五要發菩提心。永無退轉。志求大乘。欲度人故。更當訶慾。澄心止緣。入觀。又如智者大師云。方便行中。當具五法。一者。欲欲離世間一切妄想顛倒。故欲得一切諸禪智慧法門。故亦名爲志。亦名爲願。亦名爲好。亦名爲樂。是人志願好樂一切諸深法門。故故名爲欲。如佛言曰。一切善法。欲爲其本。故二者。精進堅持戒禁。棄於五蓋。五蓋者。一貪欲蓋。二瞋恚蓋。三睡眠蓋。四疑蓋。五掉悔蓋。卽是等分攝合爲四分煩惱。初夜後夜。專精不廢。譬如鑽火未熱。終不休息。是名精進善道。法三者。念念世間爲欺誑。可賤念禪定爲尊重。可貴。若得禪定。卽能具足發諸無漏智。一切神通道力。成等正覺。廣度衆生。是爲可貴。故名爲念。四者。巧慧籌量世間樂禪定智。慧樂得失輕重。所以者何。世間之樂。樂少苦多。虛誑。

不實是失是輕禪定智慧之樂無漏無爲寂然閑曠
永離生死與苦長別是得是重如是分別故名巧慧
五者一心分明見世間可患可惡善識定慧功德
可尊可貴爾時應當一心決定修行止觀心如金剛
天魔外道不能沮壞設使空無所獲終不同易是名
一心據此則止觀定慧無不開發也又當觀諸法念
念不住此名體真止如上體真止妄念不息當返觀
所起之心過去已滅現在不住未來未至三際窮之
了不可得不可得法則無有心若無有心則一切法
皆無行者雖觀心不住皆無所有而非無刹那任運
覺知念起又觀此心念內有六根外有六塵根塵相
對故有識生識本無生觀生如是觀滅亦然生滅名
生但是假立生滅心滅寂滅現前了無所得是所謂
涅槃空寂之理其心自止如更馳散當以對治法治
之如不淨觀對治貪欲慈心觀對治瞋恚界分別觀
對治著我數息觀對治多尋思等此不分別也二者
正觀觀諸法無相並是因緣所生因緣無性即是實
相先了所觀之境一切皆空能觀之心自然不起能

所雙泯斯即還源此據智者小止觀略引之倘偏修
者當看全文更有摩訶止觀具載藏乘此不繁引如
三觀中隨修一觀即攝諸觀既攝諸觀隨修一觀即
名總持法門也

如持準提呪者當觀諸法無性蘊界無我法界理成
渾成一大圓鏡智又名一心然後觀鏡觀像觀諸梵
字如寶鏡當臺隨念隨現似無繁衍像現呪聲如空
谷響應此爲的也其不知者誤認假相當以前義導
之如不攝觀雖持曰事不名入理當深思之倘欲深
入法性如顯密圓通□法界觀法又不可不以彼爲
的據華嚴經云若有欲識佛境界標也當淨其意如
虛空示也遠離妄想及諸取止也令心所向皆無礙
觀也此四句亦標示止觀之大綱也

清涼大師疏云聽許說中分二一誠誠勸修淨意如
空總以喻顯下二句別顯一離妄取如彼淨空無雲
霧故斯即真止二觸境無滯如彼淨空無障礙故斯
即真觀此觀不作意以照境則所照無涯此止體性
離而息妄故諸取皆寂斯則不拂不整而自淨矣無

淨之淨則闇陷佛境矣。此爲心要。請後學思行。據清涼深入止觀法要。修行者如體會斯意。大得便宜也。

戒律品第四

問念佛參禪俱精。戒律諸如沙彌比丘等戒。斷不宜犯。律有明條。至有在家諸優婆塞及優婆夷。發心持戒。當受何品。恐於世緣不無干礙。作何通融。爲廣示義。

師云。識心熾盛。猶如奔馬。無暫停息。造諸惡業。遍法界。故凡欲修行。翻前惡境。並起善心。其斷惡修善。以戒爲基本。若無戒律。一切善法悉無以成。南山大師云。戒德難思。冠超衆象。爲五乘之軌道。實三寶之舟航。禪定智慧。以戒爲基。菩提涅槃。以戒爲本。發趣萬行。戒爲宗主。戒爲却惡之前陣。戒爲入道之初章。譬如世間造樓閣。相似必先造其基址。若無基址。徒架虛空。必不能成就也。

法教經云。當尊重珍敬。波羅提木叉。如暗遇明。如貧人得寶。戒是正順解脫之本。若人能持淨戒。則諸善功德皆悉能生。是故修道者。當持淨戒。東坡云。禪律

並行。不相留礙。如念佛無戒。有慧無福。縱得爲人。福慧淺薄。輪迴諸有。亦未可知。參禪不持戒者。斯謂之狂人。將持戒束身。藉以口實。以祖師門下破執之談。都作箇實法會。去殊不知洗鉢水傾地。亦施主物。猶爲過犯。況其他乎。清涼大師九歲出家。十一歲背通三藏。十四歲發明南宗大理。猶以十戒嚴身。六祖親傳衣鉢。亦登壇受戒。是故當深信戒法。疾得出世華嚴經云。信爲道源功德母。若不信戒。而得禪定。而明佛理。無有是處。是知必發信心。乃能得戒。如得戒者。世出世法悉皆成就。故云莊嚴法身。戒爲瓔珞。破除熱惱。戒作清涼。戒經云。戒如明日月。亦如瓔珞。殊微塵菩薩衆。緣是成正覺。尼乾子經云。如來功德身。以受戒爲本。若不受戒。尙不能得疥癩野干之身。況功德法身耶。然戒有多種。五戒八戒。名近住解脫。又名近事戒。爲在家優婆塞。優婆夷受此二戒。以親近出家二衆。故沙彌受十戒。爲策進心行。故二百五十戒。名別相解脫。謂條相多。故若受此戒。但超小乘阿羅漢果。不得常住佛性。廣化衆生。如菩薩三聚淨戒。若

受之者報圓佛果相好無邊三達五眼十力無畏一切功德無不具足斯戒具權實二門以五戒八戒謂之權三聚淨戒謂之實權無實而不名權實無權而不名實如在家居士初入門者當以五戒導之此五戒者在儒名五常在釋名五戒乃名別體同故曰仁者不殺義者不盜禮者不邪姪信者不妄語智者不飲酒佛言五戒不持人天路絕宋儒云天堂有君子登地獄有小人入其君子小人貴有常理不在衣冠也如位執權衡秦檜李林甫之類皆曰小人販夫鬻婦果具常理名曰君子又不可執有常理而不受五戒如不受五戒者雖念佛參禪止名白衣不名法子若堅持五種淨戒念佛一聲則滅無量罪參禪一日則開無量慧門也又有一等塵緣紛雜婚嫁之間未能圓備於此五戒似未能全持者先以戒殺一戒爲之初因次以八關齋爲之增長八關者謂立春春分立夏夏至立秋秋分立冬冬至此八日精持八戒五戒外加不著香花鬘不香塗身不歌舞倡伎故往觀聽不坐高廣大牀此名八關更加過午不食謂之齋

也以此植因待世緣稍脫必欲常持五戒或增上菩薩戒者爲之極善念佛必超常寂光土上品上生或頓悟自心報圓佛果也良以塵緣間隔有在家出家要知了生死入佛乘僧俗一致何分別之有也是故當發大心以期出世幸勿以世緣汨沒甘心下賤宿門外草菴也大心者必欲成就三聚淨戒故三聚者一者誓斷一切惡所謂姪殺盜妄身口非爲一切過失皆悉止斷因斷成功名爲斷德將來果上證法身佛二者誓修一切善所謂世出世間一切善法習行方便無善不修善緣習修因善成功名爲智德將來果上證報身佛三者誓度一切衆生前之二願是自利行今者普度含識皆悉令得無上佛果菩提是利他行以恩及物名爲恩德將來果上證應身佛又當緣境發心同虛空量故心緣於境境從心現境即戒體體即戒因以體起用方發無作到此則無持戒之名又安有犯故云戒性如虛空持者爲迷到此不持不犯非初學者所及如云諸惡莫作衆善奉行以便初心開發慧命更爲穩便也

布施品第五

問。布施一門。爲六度首。金剛經云。不住於相。此最勝義。又復破除慳貪種子。或復不能隨心。如願廣作功德。量力而行。非慳惜耶。

師云。觀心如幻。觀法亦然。四大假緣。無實主宰。身心尙不我。有況身外乎。良以世人。認定箇色身。堅著我相。貪圖利樂。資養無明。長慳貪業。從劫至劫。不能暫捨。縱其貪染。吸引衆生。墮於地獄。卽此貪心。本無休止。故地獄有不息之機。因果歷然。深爲可懼。若是智者。肯以有限之身。造無窮之業耶。是故諸菩薩。藉此而行妙行。破衆生慳業。無有窮已。般若云。若菩薩住於法而行布施。如人入闇。卽無所見。若菩薩不住法而行布施。如人有目。日光明照。見種種色。是故諸菩薩。內施外施。內外施一切施。無盡施。無厭施。從劫至劫。廣行妙行。圓滿菩提。內施者。捨頭目髓腦。如棄涕唾。外施者。國城妻子象馬七珍。內外施者。施上二種。無所吝惜。無盡施者。施心不竭。無滿足故。無厭施者。心無疲倦。常精進故。此菩薩達諸法性。本來空寂。非

內非外。內外搜求。本無所有。內不見有能施之人。外不見有所施之物。無施者。無受者。三輪體空。以此妙慧而行布施。然後爲一切有情。說諸妙法。利益衆生。諸供養中。法供養最。諸布施中。法布施最。華嚴十行品中。功德林菩薩說十種布施。文云。佛子。何等爲菩薩摩訶薩。施藏此菩薩行十種施。所謂分減施。竭盡施。內施。外施。內外施。一切施。過去施。未來施。現在施。究竟施。分減施者。謂菩薩稟性仁慈。好行惠施。若得美味。先與衆生。然後方食。若受食時。預作念言。施自身中八萬四千尸蟲等。又以此食惠施衆生。願我於身。永斷貪著。是名分減施。竭盡施者。飲食香華資生之具。一切皆捨。乃至盡命。亦無所吝。是名竭盡施。內施者。謂菩薩年方少盛。端正美好。乃至頭目髓腦。以濟衆生。念已施之心。無所悔。是名內施。外施者。名華上服。乃至王位。我今宜應隨彼所求。充滿其意。卽便與之。是名外施。內外施者。如上所說。悉皆施之。是名內外施。一切施者。假使十方人來求。上所欲悉皆施與。是名一切施。過去施者。聞過去諸佛菩薩所有功

德聞已不著了達非有不起分別不貪不味亦不求取無所依倚見法如夢無有堅固但爲教化所著衆生成熟佛法而爲演說又復觀察過去諸佛十方推求都不可得作是念已於過去法畢竟皆捨是名過去施未來施謂此菩薩聞未來諸佛之所脩行了達有非不取於相乃至作念若法非有不可不捨是名未來施現在施者謂此菩薩聞諸天乃至聲聞緣覺具足功德其心不迷無有貪著又觀諸行如夢不實爲令衆生捨離惡趣心無分別修菩薩道成就佛法而爲開演是名現在施究竟施者謂諸菩薩捨一切所有滿足衆生已然後開導一切衆生令於衆生不生貪愛悉得成就清淨智身是名究竟施此名施藏是得忍菩薩所行妙行非初心者能行凡在有情分中不可不知不可不學不可不行但功力不及當隨分行之如一色一香一搏之食悉名布施增而廣之有所餘畜悉行布施成解脫心破慳貪業不可以小善小施而不行也如不行者則失無量利益又施者心有優劣教中載一長者施一積聚與病僧得九十

一劫如意報資婦施一衣現感王與供養此謂之施心勝故田亦勝故田有二種一者敬田二者悲田敬田者供養三寶國主天地及父母師僧人所易發凡諸所有不生恻情於有情分中則生分別矣二者悲田見病者老者貧窮者殘疾者乃至貧命之者當起同體大悲資其所欲而行布施謂之悲田其福勝故用此幻化之財作真實無相功德以世間利樂千分萬分百千萬億分不足爲比也其或有無厭之求者不與者不得罪何以故縱彼貪心陷彼慧命故又或自身本無所有而區區乞施於鄰里者似不可以布施解脫之心而較其優劣也大凡施者當隨分而無恻心體上三輪空意及菩薩無盡藏施成就檀波羅密門又不可不學也

無異禪師廣錄卷第二十一

無異禪師廣錄卷第二十二

住博山法孫 弘滿 彙編

首座法孫 弘裕 同集

宗教答響二

願力品第六

問發菩提心最勝功德利他自利爲菩薩行如諸比丘對佛菩薩發大誓願爲是義故其如宰官富權住世一切易辦至或卑微分力歎薄作何願力而爲功德

師云法門無量願爲先導世出世法無願不成願者好也欲也欲捨離一切惡法欲破除無明結使故欲入諸菩薩甚深法門故欲廣行善法饒益有情故欲化諸衆生同成佛道故若無有願如畫無膠如馬無轡如陶家器雖成其坯未經火煅終不堪用是故初心學者及諸菩薩以願爲基本故更以弘誓堅之弘者廣也誓者制也以弘誓願廣制其心令無退墮釋迦大師因地中發四弘誓願謂衆生無邊誓願度煩惱無盡誓願斷法門無量誓願學佛道無上誓願

成然發願度生必能自度入此法門煩惱自斷法門自深佛道自成矣發此誓願須以勇猛智力資以自強如有力人無有怯弱無有退轉徑入佛道斯誓願最爲有力也是故金剛藏菩薩於華嚴會上令諸菩薩憶念本所誓願普大饒益一切衆生皆令得不思議智慧之門又諸菩薩因地有大智力發大誓願謂能摧怨敵故不可屈折故知是處非處無因惡因等儒云終日乾乾此亦剛毅之象以自強不息而入道故初心者勇猛智力降伏魔外入深法門故若無願力者譬如種子無陽悉爛壞故此願力非但比丘能發諸宰官亦當發豈但宰官有權位能發即一切長者居士乃至最卑微無勢者皆悉當發此誓願自度度人將所修功德悉皆回向大地衆生同成佛道此即覺心覺心者即菩提心也此心不可分發當全發又不可間發當時時發數數發對佛發對菩薩發對聖僧發對善知識亦發對一切僧友及有情一切衆生前悉當發以此大心直至成佛皆願力故故知願力乃佛法先導如有一人我欲參禪決不退墮即

願力故。豈但善願。卽世間所欲。皆以願力成。故昔有一推車人。不信佛法。一日推車至塢邊。過見火燒寶塢。心不忍壞。嚴飾故進前救之。已戲發願言。佛說有果報法。我救此寶塢。願我來世爲一最長大有力者。捨此身已。卽生阿修羅道。其身最長大。而有力。此戲發願亦滿足。不虛況真實。心至誠心而發願。無有不滿足者。如初心發願。慎不可生卑劣想。當發菩提心。凡所修最微善根。及最殊功德。悉皆發願。同向於大地衆生。同成佛道。縱於其中顛倒退墮。亦藉願力相資。如無目人有牽引者。能前進故。修淨土者。以信行願爲資糧。參禪者。安得不以願力爲導引耶。在家欲捨塵勞。欲離火宅。欲出生死。欲免輪迴。非願力堅強。則不能也。是故當發大願。豈以卑劣而不發大心乎。若達平等實相。一微細衆生。與毗盧遮那佛等。無有異。華嚴疏謂。遮那如來入一微細衆生身中。入定全身不散。此衆生不覺不知。謂佛生同體。故理無分齊。故維摩經謂。供養難勝如來。與最下乞者等。斯達實相之理。無所分別。以此觀人。有貴賤位有尊卑。而心

無高下也。是故當發大心。以願力維持。直成佛道。似不可須臾有間然也。

懺悔品第七

問懺悔二義。樂括過未來生惡業。宜於自心。皆悉懺悔。今如諸僧禮拜求懺。或復持般若諸經。皆懺悔義。又復自心朝夕懺悔。此於法中。是一是二。有淺深否。師云。業繫之身。衆苦逼迫。五陰熾盛。六賊交侵。心識奔馳。無暫停息。起十惡之業。因債無窮之苦。果貪瞋癡愛。猶如猛火。妄言綺語。疾於迅流。造殺盜淫。無底畔之深坑。著見慢眠。沒涯岸之苦海。起六十二種邪見。成八萬四千障門。障菩提心。障菩提道。障菩提行。障菩提願。輪迴三有。不聞佛法。僧之洪名。汨沒四生。那識過現未之報。應殊不知。因運於果。果徵於因。因果相酬。絲髮不爽。因微果熾。愆身分造。十習之愆。作少債多。故地獄有六交之報。若不痛申懺悔。慢車前非互造。互債無有窮已。夫懺者。梵語懺摩。此云悔過。懺謂永斷未來。非悔謂耻心於往犯。故云已作之罪。願乞消除未來之非。更不敢造。淨心懺悔者。有二種。

義一者理懺二者事懺理懺者如云罪從心起將心懺心若滅時罪亦亡罪亡心滅兩俱空是則名爲眞懺悔又云若欲懺悔者端坐念了相衆罪如霜露慧日能消除如云罪從業起業從心起心既無生罪將安寄良以衆生業累深厚利那靜念倏忽萬端若不深達實相之理難以去除不究緣生之法何能滅罪永嘉大師云觀實相無人法利那滅却阿鼻業若眞實究理惟參禪一門最爲確當單提一句話頭大理不明如喪考妣果有如喪考妣之心自然識浪不生業不能繫不然則遏捺妄心令妄不起謂之心亡謂之罪滅大似隔靴抓癢欲滅罪愆欲了生死欲出輪迴無有是處又如一心念佛并修止觀法門深達實相皆可滅罪惟參禪一門最爲超拔似滅罪疾又不可以諸法門爲比對也二者事懺謂端對聖容廣陳供養散花行道稱佛洪名五體投地如大山崩發露披陳求哀懺悔或禮梁皇法華等懺或禮千佛名經皆懺悔意或七日乃至四十九日百日三年現諸瑞像乃能滅罪此在自己力行或自身德薄行淺請戒

德名僧二十四位至四十八位一百八位鋪設齋筵亦當滅罪如目連尊者自不能救母佛今於僧自恣日供養衆僧及禮衆僧足其母當日滅罪脫餓鬼苦此仗修行之力懺主敬衆僧當作佛想即得滅罪不可生怠惰心輕慢心如生此等心者豈但不滅罪只恐反得罪如請無戒行赴應演教之僧斯即捨財功德僧尙得罪非能與懺主滅罪也又此懺悔一門思地獄苦發菩提心生大恐懼生大慚愧念地獄餓鬼畜生道無邊衆生之苦當爲彼等同求懺悔脫惡道苦餐佛乘樂使地獄空不爲我一人得出離故此即菩提心若發此心刀山劍樹盡作香林爐炭饒湯皆爲淨土則無惡不去無罪不消也又懺悔者思生死無常苦空無我一息不來利那異世設墮惡道苦不可言懼惡道苦發菩提心深心懺悔如彼怖王懼死則無罪不滅也怖王者佛滅度一百年波吒梨城有王名阿育此云無憂深信佛法有弟名毗多輪此云除憂深著邪見信諸外道無憂王怒弟邪故遂設方便語大臣言我今洗浴入彼浴室脫天冠衣服等汝

常以我服飾莊嚴我弟令登王位臣如教已弟方登座王出見弟即命殺之大臣等白王言是王親弟願王息怒捨過王言是我親弟於七日中暫與國事令其作王待七日滿即當殺之即以種種妓樂及諸綵女供給侍衛一切臣民皆往問訊行殺之人執刀門立日日白王一日已過六日當死如是乃至六日已過餘一日在至第七日竟大臣諸人將王弟共往阿育王所問弟言汝七日爲王百種妓樂皆恣汝意無數衆人日日問訊願於汝汝好見聞否弟答云我爲畏死心怖懼故都不見聞復以偈答曰我於七日中不見不聞聲不嗅不嘗味亦不覺諸觸我身莊嚴具及諸綵女等思惟懼死故不知如此事妓女歌舞聲宮殿及臥具大地諸珍寶初無歡喜心以見行殺者執刀門外立又聞搖鈴聲令我懷死畏死擬釘我心不知妙五欲既著畏死病不得安穩眠思惟死將至不覺夜已過我今歸依佛面如蓮花天人所歸依無漏法及僧時王見弟回心歸向三寶心大歡喜種種軟語安存其弟若懺悔者有如此怖死之心於

世間境緣五欲妙樂心不貪染又觀緣生之法畢竟無我誰爲造者誰爲受者心本不有罪性自空斯謂眞懺矣又當翻前惡境斷相續心自愧尅責將已作之罪發露披陳不復覆藏稱十方諸佛洪名觀罪性空不於幻化場中復造惡業而明信因果守護正法如此則無惡不消無罪不滅自懺他懺一二淺深俱不可得也

福報品第八

問作福求報此最劣根然不作福復何望報今如罪福皆緣自心種種報定差耶
師云福罪報應如影隨身如空答響如人挑擔重者先墜求其絲毫遠離了不可得又安可求報耶然諸佛悉具二嚴謂福足慧足而因地必當先布福田以資慧種福緣深厚自得心開非求報也佛開六度而啓萬行檀波羅密者此云施而施者達三輪體空斯不望報報自隨之尸波羅密此云戒屢提波羅密此云忍辱毗梨耶波羅密此云精進教中謂此四者悉修福後二度云慧謂禪與般若前四度皆含智慧若

無智慧安肯行布施及精進耶。然諸佛以此而證涅槃。菩薩以此而行萬行。非求報也。實莊嚴法身資養性。地祇施之一法。直至菩提。況餘度乎。良以行人廣行六度。必以願力相資。悉皆回向無上菩提。不求餘果。如布施一法。諸佛因地莫不皆然。後得淨佛國土。富有法財。非求報也。昔摩訶迦葉尊者。爲煨金師。善明金性。使其柔伏。付法傳云。嘗於久遠劫中。毗婆尸佛涅槃後。四衆起塔。塔中像面金色有缺壞。時有貧女。將金珠往金師所。請飾佛面。既而因共發願。願我二人爲無姻夫婦。以是因緣。九十一劫。身皆金色。後生梵天。天壽盡。生中天摩竭陀國婆羅門家。名曰迦葉。彼此云。飲光勝尊。蓋以金色爲號也。緣是志。求出家。冀度諸有。佛言。善來比丘。鬚髮自除。袈裟著體。常於衆中稱歎第一。乃至付法傳衣。爲西天初祖。此因果歷然。以嚴飾金故而得身有金光。以願力相資而證極果。此不求報而報自主。非求報也。余嘗評之。菩提心如種子。福如雨露。良田惡如火燄。刀斧假如種苗生發之時。必得其雨露水土。方可成就。或遭其火

燒刀斫。又安可植耶。如成棟梁之材。刀斧俱非。水土亦無用矣。七佛偈曰。起諸善法。本是幻造。諸惡業亦是幻身。如聚沫。心如風。幻出無根。無實性。愚者謂善惡俱幻。造諸惡業。似不相妨。殊不知幻人相織。幻輪團幻業。能招幻所治。又云。一切衆生。性清淨。從本無生。無可滅。卽此身心。是幻生。幻化之中。無罪福。如成棟梁。則不用刀斧。水土如佛成道時。無邊刹土。萬德莊嚴。皆自心現量。悉無始已來善根之所成就。故云報圓極果。豈非報。但因地中無求報之心。耳。世間人所行善惡毫髮不爽。昔西域一樵夫。賣柴於市中。逢一僧。將賣錢。悉皆施與。遂此施心。歡喜無量。行廿餘里。捨此報身後。生人道。爲大富長者。其廿餘里金銀寶藏。自然湧出。斯施利甚微。而施心勝。故感報亦勝。以此觀之。不求福報。不可不作福。如不作福。生世貧窮。爲人役使。良可悲夫。或有引達磨大師初見武帝時。帝問曰。朕卽位已來。造寺寫經。度僧不可勝紀。有何功德。祖曰。並無功德。帝曰。何以無功德。祖曰。此人天小果。有漏之因。如影隨形。雖有非實。帝曰。如何

是真功德。祖曰。淨智妙圓。體自空寂。如是功德。不以世求。斯皆深達法性入理之談。豈可以修行分中而廢其因果耶。如未成佛時。人天小果。而不修者是智耶。愚耶。國王大臣。人小果也。梵王帝釋。天小果也。此無殊。因爲有勝報。但隨業緣受之。非求報也。然自心之因。自心之果。如貪報地獄。瞋報餓鬼。癡報畜生。善惡相雜。報以修羅。五戒人身。十善天道。財施者捨慳貪。而得富法。施者適機。感以傳燈。此種種報緣。而有差別。非心外之境也。

釋疑品第九

問信心不具。大愚癡暗。近復始信。終成破毀。此何義耶。良由業識易發現。故以何熏習。而種善根。卽如上所陳諸義。能堅行之。永不壞否。

師云。不發信心。爲障緣深。故如住世間者。自言我得安身法。不必天地之蓋。載陰陽所運行。非癡暗而何。佛統華藏世界。如日月照臨。十二類衆生。皆生於此。長於此。佛以慈光照衆生。故佛以悲心及衆生。故而不信有佛。是報恩。乎是背恩。乎直饒不生信。不信因

果。不信報應。不信有佛。墮地獄。生餓鬼。於畜生道中。千萬億劫。跳出不可思不可議世界之外。又何曾出得世尊化育中耶。或始信者。藉少善。因終毀者。惡緣障。故欲潔而偏染。欲進而偏退。非淨白心體有染退義。是熏習障緣。出種種邪見。以邪見。故而生退毀退。毀有二種義。一者因退失信。心自慚。自愧。自羞。自恥。遇同法門行道者。不欲見之。二者緣慚愧。故遮掩羞恥。而生毀謗。或云。至道渺茫。無所見。故或云。諸佛菩薩。過去已久。今歸向者。是虛設。故或云。主法者。不清淨。自不清淨。云何教人。或云。清淨之士。應見富饒。而貧窮。故行善之人。應見順適。而轉轉故。貪饒之徒。應見貧窮。而富饒。故行惡之者。應見轉轉。而順適。故以此四種生。疑生謗。使惡法流行。善門掩閉。殊不知。道不遠人。而人自遠。非渺茫。故又當知。人人具有佛性。六根門頭。放光動地。又云。菩薩清涼。月常遊。畢竟空。衆生心水。淨菩提影。現中傳。大士偈云。夜夜抱佛眠。朝朝還共起。起坐鎮相隨。語默同居止。終日不曾離。如身影相似。欲識佛去處。祇者語聲是。以此觀之。佛

菩薩現在非久滅度。故主法者自不清淨。皆自不清淨。而見他人不清淨。故豈不見六祖大師云。若真修道。人不見世間過。又云。他非我不非。我非却是左。若果是道人。如同學百人中。以最善慧者爲師。故如同輩中無人。以住持法門爲師。故如住持無人。以天下善知識爲師。故如天下善知識中無人。以釋迦老子爲師。故釋迦佛是主法者。是清淨者。當無疑惑。思之可見。又廉者貧而善者。轉轉貪者富而惡者。順適以三世推之。絲髮不爽。豈但三世千萬劫之上下。亦有報也。

昔阿難尊者病癰疽。大眾驚疑。佛命醫者剖開。以藥敷治。仍說多劫中。因緣示之以偈曰。假使經百劫。所造業不忘。因緣會遇時。果報還自受。又五通仙人受報偈曰。非空非海中。非入山石間。無有地方所脫之。不受報。以此則知清淨受貧。前生多慳吝。故善者不如意。前生多惡。因故貪者受富。前生多惠人。故惡者得順。適前生多和合人。故今生善惡貪廉報之以將來。知是幾多劫數也。自退者雖墮地獄。非罪猶輕生。

毀謗而傷於法門者。生十方阿鼻地獄。世界壞復寄他方地獄。受苦深可憐。惡悲夫。又云。業識易發現。以何熏習而種善根者。以信向法門。是捨惡趣樂。最捷最徑。而種善根。信向三寶。有大慈故。愛惜衆生。有大悲故。救護衆生。而種善根。信善惡因果。如影隨形。必酬償。故而種善根。信諸大乘經典。必脫苦海。必到彼岸。而種善根。信念佛一門。必見佛。必成佛。如下種喻。因真果真。必生淨土。故而種善根。信參禪。必悟大理。必了生死。必脫輪迴。說法度人。無有窮已。諸善知識。大有樣子。故而種善根。又果能具行上來所陳諸義。永不退輪。此現世卽名肉身菩薩。諸天善神常爲之擁護。諸佛菩薩常爲之加庇。爲人天眼目。爲苦海舟師。凡有一言一句。偈投入有情八識田中。如食金剛。喻肚腸穿壞。金剛不壞。況自有壞乎。凡有疑者。教中喻曰。猶豫其猶豫之心。疑自疑他。能障道。故疑自者。謂根機劣弱。難以入道。殊不知衣中之寶。肘後之符。彼既丈夫。我胡不爾疑。他者當信諸佛法教。皆真實語。見聞思者。深入法趣。以四攝法。廣度衆生。達法性。

空無衆生可度者是入金剛三昧也

回向品第十

問萬法歸一是大總持以上諸門方便究竟淺深大小爲不同耶併乞慈旨說回向義

師云萬法歸一是大總持謂一法總持一大藏教如佛所說八萬四千法門當求一門深入以一門故攝一切法故云一字法門海墨書而不盡也以上諸門雖方便究竟淺深大小不等只將一句話頭真參實究一切法門無不收盡參禪徹法身真理法身理者無分齊故欲生淨土而淨土居法身之外乎欲究向上一事知毗盧有師法身有主離佛而求師主者是大不然念佛而求見佛亦觀機之說殊不知通身是佛舊佛新成念佛見佛之義顯矣而不名念佛意在向上一路也坐斷十方而不名淨土者意在密移一步也如究理之人念不散不但不分散而遍攝入理念不生故諸念不生豈非止耶全身入理心境曠然豈非觀耶具足止觀二法而不名止觀意在禪那也又諸念不生惡無緣起惡既不起豈非戒乎全身

是戒而不名戒者謂無所犯而曰持是好肉剝瘡也身不我有求其根塵繫界了不可得將誰爲能施執爲所施既無能所亦無身外衆生而受施者而來乞者又云見色非于色眼布施也聞聲不是聲耳布施也香臭不交鼻布施也噉不知味舌布施也無男女之分無潤滑之相身布施也理無明徹心不外緣意布施也廢寢忘餐不惜身命全正報布施也心外無境法戒理成全依報布施也然不名布施者謂諸法實相無能所施之心也發大勇猛苦樂不受寒暑不遷直究根源以期大悟期者願也勇者力也其願者雖百千障而不能退屈也其勇者雖魔外侵擾而不能折伏也自非願力堅持安能成箇銅頭鐵額底漢子而不名願力者是居正法而不彰導引亦懺也如肯心力究是大福人非世間福可比也不求天樂非梵王福可比也通身福緣過三禪天樂如入大海者通身是水而不別求水參禪者通身是福所資持而不別求福謂其福利廣大也而不名福報者如宴居者忘情絕念不見有身又豈曰身調適參禪人是

大福報又豈別曰福報也。信此一句話頭是出生死關鍵。破塵勞利器。而諸疑盡釋。又豈待別釋疑乎。將此一字法不爲己求。總皆同向大地中幻化有情同登覺岸。此禪正意也。行願品中說同向意。經云。從初禮拜乃至隨順。所有功德皆悉同向盡法界虛空界。一切衆生願令衆生常得安樂。無諸病苦。欲行惡法皆悉不成。所修善法皆速成就。關閉一切諸惡趣門。開示人天涅槃正路。此同向願力。則橫遍豎窮。同志者當勇猛以所修善根同向於大地衆生。不可生懈惰。想諸菩薩見衆生苦惱。以身代受。況惜自己善根耶。經云。若諸衆生因其積集諸惡業。故所感一切極重苦果。我皆代受。令彼衆生悉得解脫。究竟成就無上菩提。代受者與物爲增上緣。或留惑潤生。受有苦身爲物說法。令不造惡。因亡果喪。即名爲代。是菩薩以善根同向。利有情故。使彼離苦趨樂。非以現身代衆生受苦。縱代之又安能普利耶。若菩薩爲衆生說法了蘊界空寂。惡無絲生。求其生相亦不可得。或頓入圓明。遠離地獄餓鬼等。菩薩有大願力。故即名普

代衆生苦也。又同向者。必須先有所修善根。將自己所修善根同向於大地有情。同離苦趣。同生淨土。同成佛道也。或但願自利之事。似不必同。向我自未種善根。欲利生亦當以願力相資。願與同向。合一之道。無分別也。復以此流布居士所問。博山所答。悉如夢幻。無能所故。以無能所善根。普皆同向大地中夢幻有情。同成佛道。同入無餘涅槃。十類衆生滅度盡而不見有滅度之者。方入斯羅陀尼法門。無盡藏三昧也。

無異禪師廣錄卷第二十二

無異禪師廣錄卷第二十三

住博山法孫 弘滿 彙編

首座法孫 弘裕 同集

宗教答響三

吳觀我太史問。廣論於過去世。種少善根。得聞向上。一路無柰。障緣深厚。念力羸浮。雖有疑情。不能相續。

又恨病魔羈縻。未遑參請諸方親親。過量大人不思
議用。獨慈山朗目兩唱導師。大費婆心。曲垂鞭影。終
是數他珍寶。不救饑貧。二六時中。欲求少分相應了
不可得。何幸未充耳根。遙憶博山玄化。卒業警語。不
覺神馳。再嘆奇哉。飲光尊者。猶有嫡骨兒孫。以文字
解脫。傳佛心印。身無羽翼。不能奮飛。將無失之刹那
恨之。永劫敢因。現空上首。飛錫之便。焚盥勒楮。敬問
巾幘。願大師放額顯眼光。照我神髓。如所應作。而提
獎之。小刻二種。皆心意識卜度。依通非實境界。而就
中滲漏。亦不無和尚下鉗錘處矣。南望翹心。悲仰悲
仰。

師云。艤初遊石頭城。聞慈達朗三大師心切歸依。爲
侍受業師。南詢得入壽昌先和尚室。蒙示以船子公
案。祁寒溽暑。廢寢忘餐者幾六年。三大師淨其意識。
殊不能記。辭先和尚住博山。今二十五載。數年禪者。
憧憧獲居士頌。古并諸傳記。讀之灑然。始知有菩薩
現居士身說法歡喜無量。恨未得面晤。教言爲歎耳。
五月八日。於信州橋菴。見空持居士翰教。至如早逢。

甘雨大慰未見之懷。三復竭思。不能釋手。此亦希世
之緣也。來翰謂向上一路。雖有疑情。不能相續。又云。
如所應作。而提獎之。艤於此。疑信相半。謂居士通身
佛法。而復求應作之語。大似居海者。向人覓水。人所
難信。又如埋兵索戰。將謂彼不能勝。而自必勝之。又
謂居士是菩薩。示現其謙退虛懷。爲衆請法。應如是
乎。然向上一路。難以措辭。纔開口。時白雲萬里。惟疑
情一事。頗爲能入。果不能相續。是生死心不切耳。其
切之一字。是如所應作。此是爲居士無夢說夢。好肉
剜瘡。諒不以實法會去。不免就身打劫。將夢中境界。
不妨一一剖折。使未知者知。已知者亦何妨助法喜。
也。悟解二種。開有多門。具在別東。希居士審察之。不
以煩廣爲咎。若論著向上一路。只須大喝一聲。以火
燼之。揚向他方世界。毋使淨白地上。受此塵滓穢壞
耳。聊此復言。餘容緣晤不宣。
悟之一字。祖師門下。呼爲毒藥。迹尙不留。況其悟耶。
今不避犯諱。藉言之。使智愚有所料揀。宗教有所分
疎。行者不陷於險阻歧徑。實途中助耳。

復次論禪者有二種悟門。一者從文字語言中得解悟。二者從已分上參究得徹悟。夫解悟者力弱。徹悟者力強。解悟者如聞人說物。徹悟者如親眼見物。聞見雖一。疑與不疑。實霄壤之遠也。

復次從文字中解未得徹悟者有二種障。一者文字障。二者理障。文字障者如人食蜜。愈食愈甜。於十二分教深求諦理。生死分中了無交涉。是謂之障。理障者於實際理地相似了了。如通身是寶。不得實用於生死分中。亦無交涉。是謂之障。

復次從文字中解未得徹悟者有二種慢。一者我慢。二者增上慢。我慢者謂我今已悟。衆生在迷。如我見處人所不知。由此起慢。增上慢者謂我已入聖位上。無佛可求。下無衆生可度。佛之一字。吾不喜聞。由此起慢。

復次從文字中解未得徹悟者有二種怯弱心。一者我見理已極行。不能逮賢聖位。中未得親履實踐。由此起怯弱心。二者我見地已與佛同。實不得佛之果。用神通光明於我何有。由此起怯弱心。

復次從文字中解未得徹悟者有二種安隱想。一者謂實際理地不受一塵。山河大地不礙眼光。又云圓同大虛。無欠無餘。大圓體中求其生死去來了不可得。由此起安隱想。二者見理雖明。不能親證。諸教乘中多於淨土。惟念佛往生甚爲妥當。由此起安隱想。已上俱爲禪病。

復次果徹悟不爲文字作解者有二種實受用。一者得諸佛化儀。二者得諸佛果用。化儀者謂諸佛淨穢土中菩薩眷屬。聲聞眷屬。香雲花雲幢幡寶蓋雲及天龍八部與我同等。無二無別。如不爾者是未徹悟。故是理有分劑。故二者得諸佛果用。謂三十二相八十種好。乃至九十七種及清淨法身并神通光明說法。等與我同等。無二無別。如不爾者是未徹悟。故是理有分劑。故。

復次果徹悟不爲文字作解者具足諸菩薩無作妙行。謂過去諸菩薩未來諸菩薩現在諸菩薩不可說不可說劫數所行妙行。謂時同處同身同行。同於一利那頃一微塵許。悉皆具足。如不爾者是未徹悟。故。

是理有分劑故

復次果徹悟不爲文字作解者與十二類衆生同一體性自身入他身他身入自身一身入多身多身入一身彼世界入此世界此世界入彼世界世界入自身自身入世界入自身不見有世界入世界不見有自身互攝互融無壞無雜復於衆生分中同一悲仰又於衆生分中起同體大悲謂善與惡悉無自性皆自心現量既無心外之境以無作用與慈運悲不妨於無性體中而解脫無性衆生也如不爾者是未徹悟故是理有分劑故

復次果徹悟不爲文字作解者與十二類衆生同一幻化故謂緣生無性生本無生無性緣生衆生何有實如幻化吾與之居如不爾者是未徹悟故是理有分劑故已上是悟心者實受用非解者能知也

復次從語言中作解未得徹悟者流出無邊狂解有以日用事無別惟吾自偶偕而生狂解有以隨流認得性無喜亦無憂而生狂解有以神通并妙用運水及搬柴而生狂解有以本來無一物何處惹塵埃而

生狂解有以對境心數起菩提作麼長而生狂解有以山河及大地全露法王身而生狂解有以無明實性卽佛性幻化空身卽法身而生狂解有以入門便打而生狂解有以答問機緣口頭快便而生狂解有以不必參究直下承當而生狂解有以入門便罵而生狂解有以習學詩賦詞章工巧技業而生狂解有以放下又放下開口卽錯而生狂解嗟呼醍醐上味爲世所珍遇斯等人反成毒藥良以正法傾頽邪魔熾盛相續眷屬彌滿世間於生死分中留心者不可不先燭破此虛妄境界也更有三句葛藤不可不爲居士說破古德云如何是禪禪上樹尾連頭如何是禪猛火著油煎如何是禪碌碌卽此是祖師傳的葛藤然雖如是分明向汝道相續也大難

余集生問卿問先輩云五宗自馮山而下取人甚嚴於是馮仰法眼先絕絕乎否耶洞山數傳至太陽法不輕授年且八十矣嘆無可繼遂以衣履別寄浮山遠求法器而僅得投子一人當此之時洞下不絕如錢及投子得芙蓉而玄風再振弘衍至今今之師雲

門臨濟而未至者皆翻然舍而宗之。儒所稱取之嚴者得之必精得之精者傳之必速。非耶？夫曹洞一脈愈微而愈不泯。有如此豈臨濟一脈轉捷而轉失傳乎？邇來修忌三祇覺希一宿翕習成風。至有纖著袈裟便行棒喝者。問之則曰臨濟宗也。臨濟宗固如是乎？坡公云：借君拍板與捫提。我也逢場作戲。至目錯認爲戲。觀學人之過與抑亦其師之過耶？請師昌言之。

師云：吾宗遡自達磨大師傳佛心印。觀我東震旦有大乘氣象。受二十七祖般若多羅尊者。識云：震旦雖濶無別路。要假兒孫脚下行。特特航海而來。初見梁武帝問答時。便不順些子人情。如用一把鐵掃帚相似。乃至九年面壁爲法。求人神光立雪齊腰。可爲輕心慢心。欲冀真乘徒勞動苦。良以師嚴則道尊。因真則果正。是以斷臂安心忘身爲法。以及負春耨耨不避陸沉。方得大法流行。龍象競出。然六祖雖曰得道者如林。其正傳者惟青原南嶽二大士耳。馬大師一足踏殺天下一口吸盡西江。是何等根性行業而印

心後尙侍獄師一十五載。日益玄奧。及至開堂。猶命僧臘過日三十年。不曾少墮。誓獄始然之。古人如此嚴密。載在方冊者。歷歷可考。豈敢畏絕嗣而授諸非器乎？爲仰雲門傳燈列譜。雖稱斷絕而流裔受派者至今猶存法眼一宗。至永明壽大師高麗闢法者三十六人。其德澤滋盛。流溢遐遠。又不可以識心測之。謂其斷續也。洞山五傳至太陽玄玄寄直。履皮履於遠公處。而得投子青青得芙蓉楷楷得丹霞淳淳得長蘆了了得天童珏珏得雪竇鑑鑑乃至國初萬松秀雪庭裕展轉相傳。至我寧昌先和尚實曹洞正傳。其源深流遠如此。臨濟至風穴將墜於地。而得首山念念得汾陽昭昭得石霜圓中興於世。乃至國初天如則楚石琦光明烜赫。至於天奇絕以四家頌古。悉皆詮釋宗風。由此一變識者惜焉。蓋宗乘中事貴在心髓相符。不獨在門庭相紹。故論其絕者五宗皆絕論其存者五宗皆存。果得其人則見知聞知先後一揆。絕何嘗絕。苟非其人則乳添水而味薄。鳥三寫而成。馬存豈真存如居士所問。取之嚴者得之必精。

得之精者傳之必遠。余意正然。不意居士亦見及此。所以事不得人。勿授非器。不得人者。嗣雖絕而道真。自無傷於大法。授非器者。名雖傳而實僞。欺於心。欺於佛。欺於天。下一盲引衆。盲相牽入火坑。將來饒湯。爐炭劍樹刀山。知是幾多劫。數有智之士。寧可碎身。如微塵。決不肯造此無間業也。今行棒行喝。豈但曰。初披袈裟。即白衣居士例。皆如此。殊不知古之所是。乃今之所非。如德山入門。便棒。傳燈所載。曾打幾人。又如臨濟大師。一語中具三立。一立中具三要。四料揀。四賓主。皆於言句中。勸人未嘗以棒盲。加且一語中具三立。三要則一棒一喝。悉當具三立。三要之旨。既一喝可分五教。一棒須具三立。正應用時。必有差別。其殺活縱奪。實在當機。豈沿街遍戶。皆以棒喝爲應用耶。若不審來機。一槩用打。是妄立門庭。便成戲論。引動一班狂妄學人。墮落意坑。見堅硬作主宰。錯下承當。圖彼冬瓜印子。貪人禮拜供養。誑惑無識。各自謂成無上道。報終決沉生死苦海。正所謂邪師過謬。非衆生咎。然在真爲生死之人。具眼參方。必不

被其所瞞。嗚呼。時丁末世。實在辯正邪別真僞。須向本分中商量徹底。莫向法嗣上較論斷續也。劉心城大參。問千里餐風。連宵遍拶。大師大慈。石人墮淚。無奈迷雲展轉。濃重。索性全抒狂臆。以當發露懺悔。惟師慈父容此。驕子不惜。懺悔逐款。批答令立地轉關。頓破葛藤。絡索。豈愛剝皮析骨。誑此法乳深恩。

師云。宗乘冷落。舉眼無親。今天下稱知識者。莫不云。秉達磨大師單傳之旨。交馳棒喝。彌滿世間。豈但叢林。即街頭。脩豎。悉妄言悟入。皆邪師過謬。非衆生咎。余禪暇及此。髮豎心寒。恨不能以智鋒慧刃。掃除魔黨。以報佛恩。非敢以生滅心。造地獄業。因破夏往還。幸金陵諸宰官居士。護持正法。方解制緣。遇居士以法門爲問。心甚快然。然宗教殊途。皆歸一致。都城趨入。遲速不同。非敢以宗抑教。以教抑宗。真有所抑。卽是魔人。且達磨何人。耶智者何人。耶敢妄加穿鑿。爲分優劣乎。所趨向者。就審初機。爲其指迷。不由迂徑。當隨問隨答。不辜居士來意耳。貴在格外相訓。希勿

以言句取則領略在未問之先則居士無問博山無答大圓覺中不挂一元字脚居士信斯語否

問蒙大師垂示一口氣不來向甚麼處去言思路絕難咬難嚼因地一聲虛空粉碎此誠最上極則玄雖凡下戊午己未曾亦兩年著脚庚申劇病竟入地獄一句彌陀如湯沃雪何至今日轉打之邊此段機緣亦非孟浪似於夙劫曾作佛即天兒孫每讀妙宗鈔所云取舍之極與無取捨同覺得實實可作生西拄杖實不妨與宗門向上極則豁山各別雲月是同蓋台教全以葛藤掃葛藤以解路絕解路四教六即十乘四弘才提一句動成二十七萬一千餘句而宗旨只一心三觀然非二十七萬一千餘句此一心三觀一句不得分明所以多句不離一句併此一句亦無名字相貌可得不得待樹倒藤枯早已句歸何處玄如未死五六年後與乾三先生圓頂方袍手捧三大部向博山堂下遶佛三匝禮師足已叉手而立惟望大師另出手眼俯爲接待

師云居士於宗乘中既兩年著脚仍以一句彌陀銷

除地獄如湯沃雪似非孟浪前後參差果志慕空宗何不以金剛猛燄燄之仍待一句彌陀不得實用於斯可見居士既全是知解與佛隨密契不問可知謂妙宗所云取舍之極與無取捨同居士即今有取捨耶無取捨耶若有取捨同之一字即是妄言縱硬作主宰謂其不礙其奈取舍何雖百劫千生不能脫此窠臼自云淨潔亦不作淨潔想譬如著白衣人入墨池中自云我不染墨豈但謾人實自護耳生西要旨貴在一心不亂居士即今果不亂乎如未究竟生死熾然縱許十念往生此亦初心方便假有毫釐繫念是究竟法耶非究竟法耶如不究竟則拄杖子折矣不可不知若謂台教以葛藤掃葛藤者與不絆葛藤優劣若何果是智人自當料揀多句不離一句以一句入多句可乎若可者譬如尋水九得其源如得其源枝派蔓流不愁不到若向枝蔓上尋去雖心中了了余保終其身而不能到也妄云早已句歸何處是見卵而求時夜不亦太早計乎

問蒙大師垂示云一念識心即不思議境非證法華

三昧莫望循取。又云。智者大師妙悟處。不在三大部。在禮法華時。卓哉我師。誰謂大宗師。非即大教主耶。玄輩凡愚。則妄據智者大師所云。圓頓者。初緣實相。造境卽中。無不真實。繫緣法界。一念法界。一色一香。無非中道。便確信得過。不思議境。非但凡愚有分。卽熾然姪殺盜妄。其事相。不得不攝於一戒。而卽此姪殺盜妄。一念當體。卽煩惱。卽菩提。卽生死。卽涅槃。實信得過。實把得牢。依此圓教。修此圓行。而不了生死。智者大師欺人。賺人。恐無是處。

師云。余謂一念誠心。卽不思議境。智大師妙悟不在三大部。此卽實語。誠非臆見。如一念具三千。是思大師親證處。非從學問中來。如云。卽空卽假卽中。是因緣所生法。并一色一香等語。乃從學問中來。實非大師悟處。居士雖信得過。皆是識心領略。旣非悟入。識解障心。如油入麵。永無出期。不可不審。謂殺盜淫妄。性惡卽真。殊不知卽真體中。無殺盜淫妄。當體煩惱。當體空寂。緣生無性。等於空花。菩提涅槃。皆爲贅語。非作故無本性。無故而復云依此圓教修此圓行。正

◆解題假

所謂無夢說夢。不識大師行布而非行布。圓融而非圓融。過在學人。非在教也。吾宗門中。非不看教。祇不滯斯解。如單刀直入。直斬顛。良爲快意耳。

問蒙大師垂示云才開解路便落生死敢不服膺然所云不思議境者卽空卽解卽中也此三諦只在現前一念識心一念最劣三諦一心最頓最圓最尊貴無上雖復證入甚難而性惡法門全性起修全修在性修性不二直斷無明至於見思塵沙譬如冶鐵粗垢先去非本所期自然先落此一念直超三阿僧祇當生便可證圓住位直截頓頓品位彌超似又不獨輕輕便便了一生死而已大師大慈願不有慮

師云才開解路便落生死如永明大師云圓宗所示皆是未了文字性離始名解脫看宗鏡錄者誰肯謂性離也皆識上生識心上求心愈生愈求轉覓轉遠圓覺云以思惟心測度如來圓覺境界如取螢火燒須彌山終不能著如不思惟者以何法門謂之捷徑少林云心如牆壁乃可入道亦不論性善性惡全性全修祇將一句話頭深追力究如喪者妣識解何生

果得迸開光明煥發如紅爐烈燄見思塵沙豁爾冰消若斫樹去根枝葉復生無有是處況向上一路及盡玄微去粗存細似多著一翻心力也極細根苗卒難頓盡直超品位非行莫齊言解相應無有是處台教學人似不可以圓教自負不求妙悟蒸沙之語豈欺我哉

問藏通別圓四教智師辨立四教有五頌位次分明又不墮明白裏後四頌則且置只首一頌云七賢七位藏初機通教位中一二齊別信并圓五品位見思初伏在凡居凡居者凡聖同居土四淨土之一也七賢者五停心則念處總念處四加行共七位也四加行位則且置只總別念處中一觀身不淨五停心中一數息觀便開出入背捨六妙門十六特勝觀練熏修等世出世禪門妙訣一經開會一一無非不思議圓妙法門的的當當穩穩貼貼保得一念識心眼光落地時決無失腳又何況即漸即頓即藏即通即別即圓廉纖葛藤無一可取無一可捨所謂太虛空中之乎者也將錯就錯西方極樂大師大慈願不有慮

師云四教五頌位次分明等語乃至一經開會一一無非不思議圓妙法門具在三大部中此不繁引而云云的當當穩穩貼貼此是智者大師見非學人見也居士謂保得一念識心眼光落地決不失腳居士用那箇心保得若用識心識心隔陰則不能知宿命具通忍一生難辦臨終善惡如人負債強者先牽毫釐念起豈但說即如寒拾見瀉山那事都不記了西方極樂亦是寐語也

問蒙大師垂示有大居士問云只提話頭三乘十二部可盡廢耶答何作怎麼見地三乘自爲三乘人說豈不見圓覺經云惟除頓覺人併法不隨順立奉此示豈復疑云只提話頭三大部可盡廢耶然而三大部中併三乘人一總收爲圓人頓覺併四教十乘六即四弘雖復的的當當不許一字誦詆而實無一法可容隨順所以荆溪一部金剛鐔總托一夢懸符我師昨解制上堂所云一一皆夢中事而金剛鐔末後一句云忽然夢覺問者答者所問所答都無所得然則宗耶教耶誰非一夢耶然而三大部及金剛鐔畢

竟與三乘十二部俱不可廢。大師亦復何曾欲廢三乘十二部及三大部金剛經耶。凡愚護立一口氣未斷時。願以三大部金剛經作廣額屠兒一把殺猪刀。臨終放下時。有大師加被在。卽未放下時。亦有凡愚願力在。

師云。一句話頭。聰明學人。卒難領略。謂識解多。故猿鷹雀躍。無暫停息。欲收爲圓人。稱願覺者。譬如妄號帝王。非敢向人說也。實無一法可容。隨順大似掩耳偷鈴。倘放下一言一字。如食美味。念念不忘。況教理耶。思之可見。不待博山重加註脚。古人所謂不得水。精珠難澄濁水。不得宗門中慧炬。實難破千萬劫之重昏。況夢中之夢。金剛經三大部。恐未易與居士作屠刀也。

問。台宗圓頓尊貴無上。則且置縱使廉纖落索。實不如禪宗直截透脫。而夙業深重之護立。終不妨舍易從難。辭甘受苦。何以故。請先借世緣自付。自卜玄實。生性薄劣。初叨第力辭館選。甫作令。亟從寒廬。所至無不翫。重圍笑拌頭顱。一生從喫辛喫苦。中自歌

自舞。乃至生死大事法門。豈同兒戲。而於時所從。尙參究極。則既有我大師全提正令。何須凡下免宵。趨風惟念。達磨既開少室之宗。智師始規佛國之統。而五家宗派。烈日中天。三觀密藏。方沉闇室。一炎一冷。不可同年。而語遂於辭。炎趨冷。千辛萬苦之護立。不覺痴嗜。偏投每。慨大蘇妙悟。以後荆溪四明。一羣孤燈寒燄。僅不絕於幽溪。卽中一錢師。黃髮杵有懷魂。銷色黯持此願王泥犁。不避無心。擇便有分。奔波牛順羊逆。佇師殺奪。

師云。台宗圓頓最尊無上。敢問台宗所宗者。何爲最尊無上也。若謂一心圓極之理。當求之在心。非求教也。我達磨大師傳佛心印。航海而來。斥諸名相。故云直指人心。見性成佛。其機感契悟。如人飲水。冷暖自知。雖入不思議境。而心行處滅。向上一路。千聖不傳。說著箇佛字。猶爲臆語。非同教家自生難。易有圓有頓。有依傍。也有識性者。孰不能習教。惟宗門下實難得人居士。何不念祖師命脈。繫如懸絲。正要得深入教乘者。了明大法。傳祖師心印。開衆生慧眼。實博山

之至望也

問離心意識參。既離心意識。將甚麼參。箇甚麼。師云。心意識作麼生。離只將一句話頭。真參實究。如喪考妣。相似心意識。要起不得。何用離耶。卽此心意。豈但要離。如紅爐點雪。求其蹤跡了。不可得。且道參箇甚麼。居士就將此是箇甚麼。便好討箇下落。如不會者。不妨疑著。良久云。散盡閒雲。清野壑。海天大。嘹亮月明中。

問何物凡愚。蒙師不棄。殷勤答問。析剝難訓。奈凡愚既非格外人。安得領在未問先。大師答而無答。凡愚問而復問。惟我大慈。幸卒教之一蒙。示云。卽今若有取捨同之一字。卽是妄言。立復疑妙。宗旨正謂取舍愈有愈無。斯爲圓妙。若無之始。無不落小乘耶。師云。愈有愈無。斯爲圓妙。殊不知天台借路還家。終不墮有無窠臼。有無二字。實圓妙中影響。非始無也。若膠柱鼓瑟。豈但小乘。而凡夫熾然心行。欲擬之圓妙。大似捫空。搥響。縱經多劫。終無得理。有智之士。寧不痛思者歟。

問一蒙示以葛藤掃葛藤。與不絆葛藤者。優劣若何。立復疑不絆葛藤。豈非向上極則。若以較台宗二而不二。不二而二。正爭此葛藤之有無。惟我大師實云。非敢以宗抑教。以教抑宗。豈復置一優劣耶。若謂劣在人。不在教。教理則不廢。葛藤各豈獨在人耶。

師云。不絆葛藤者。實在人。非在教也。譬如生在王家。天然之貴。不假他營。若以功能較之。優劣實霄壤也。楞嚴經云。阿難縱能宣說十二部經典。不如一日修無漏業。華嚴又云。如日當空。照室維閉。其目自言。何不覩多聞。亦如是。此是教家料揀。教與人優劣。不待擬議而泮然冰釋矣。今時習教理者。何不提綱挈領。而楷定法則。經之過歟。人之過歟。

問一蒙示云。多句不離一句。須得水源。若尋枝蔓。妄云句歸何處。不太早計耶。立竊問。台宗專用六識。謂之去丈就尺。去尺就寸。又謂伐樹得根。尋水得源。豈不懸合我師宗旨。溯水源而掃枝蔓耶。既得其本。卽憂是本既尋其源。卽流是源。一句多句。多句一句。似無復遲早之可判也。

師云台宗專用六識正類吾宗門中騎賊馬越賊謂以馬爲根也爲源也可乎若以馬爲根源是謂之味却主人爲可謂奴即不辯也圭峯云識如幻夢但是一心八識當與一刀況其餘耶若論圓極之理當得其根毋尋枝葉當得其源毋滯漫流也得其根者一枝皆木得其源者一滴皆水若以枝葉漫流爲根本源流者何雷據淮泗而曰即阿耨達池不亦太早計乎

問一蒙示云一念識心保無失脚用那箇心保得若用識心識心隔陰即不能知宿命具通恐一生難辦大師慈悲警策至此可容凡愚未得謂得以地獄爲兒戲乎然台宗專用六識既是一家宗旨止觀懸合首楞嚴云憶佛念佛現前當來必定見佛即謂憶念亦用六識確爲無過故圓人雖極圓頓而至何位斷何惑證何理往判諸教諸位無不通達學人分中正不必宿命神通即教中明用六識六識明知位次若能依教修行學人縱必不能自保而教理可作保人凡愚人作凡愚朴實語惟望大師哀憐攝受而卒教

之

師云台宗借用皎如日星自是居士錯會耳豈不聞念空眞念生即無生若以六識爲主宰譬如蒸沙作飯沙非飯本楞嚴斥能推者爲心又令微細揣摩居士認定六識不待別求寂常心性正類乎認賊爲子不亦謬乎如止觀圓頓義者初緣實相造境即中無不眞實從實相中出止觀二義云法性寂然曰止寂而常照曰觀實在起行不滯解門如南嶽大師九旬常坐一時圓證非解也又如法性經云滅非眞諦因滅會眞滅尙非眞況意識耶所引憶佛念佛等語念空眞念與自得心開還存得意識也無若以解心判教便爲究竟天台不必觀心南嶽何勞常坐惑終不斷理豈入圓經經多劫修行止是說心說性之人道火何曾燒口說食豈能充饑勿自瞞預思之可見也

無異禪師廣錄卷第二十三

無異禪師廣錄卷第二十四

住博山法孫 弘瀚 彙編

首座法孫 弘裕 同集

宗教答響四

卓發之文學問華嚴會中二乘如盲如聾然亦兼攝聲聞以包含無量乘故此經雖云二乘種不生乃所宣道品大小互通正與華嚴四聖諦品不異故有生彼經劫方證小果者如大智度論言彌陀亦以三乘度生自應二藏五教總攝何云不攝小乘且既通雜華復不能通雜華所攝無量乘耶

師云居士既知華嚴攝無量乘豈上德聲聞如身子目連杜視絕聽悉是如來勝方便力故爲導引一類小機發起深信信於一乘如法華云佛以無數方便引導衆生其實皆爲一佛乘故此經云二乘種不生者正爲化導二乘執空不修淨土者鈔云豈獨凡夫亦度二乘聖人二乘既生況菩薩不生彌陀以三乘度生當無疑惑既以三乘化導亦攝無量乘二經互通不言可喻涅槃云闍提不入非闍提不入涅槃也

問餘門學道名豎出三界念佛往生名橫出三界所謂餘門正指教中觀行故參禪稱爲別傳淨土亦云徑路皆以超越觀行故今云觀卽是念念卽是觀直以台觀當之不反鈍置念佛耶

師云橫豎等論鈔云如蟲在竹豎則歷節難通橫則一時解脫謂樂邦與苦域並峙故曰橫也此是一往之說論一心者橫豎皆遍獨淨土不具豎而止曰橫彌陀經云其佛光明無量照十方國無所障礙觀經云是心作佛心卽佛故淨土惟心以界曰橫論心豈不圓具耶餘門非單指觀行實乃具一切法門參禪稱爲別傳者非五教之所詮淨土亦云徑路豈三觀之所及今說觀卽是念念卽是觀舉一念卽具觀行以一念超越卽便往生非觀行成就然後乃生故知念不妨攝觀非觀行能鈍置念佛也

問觀經疏以十六觀通三諦今以此經旁通觀經則入台觀門庭以此經分屬圓教則入事事無礙法界然台宗以圓教獨歸法華而第四法界惟華嚴有之未知台宗三觀得攝法界觀否此天台寶首差別處

若爲會同

師云觀經疏以十六觀通三諦今以此經旁通觀經亦不妨以十六觀旁通此經何以故彌陀經云寶網行樹蓮池階道悉以金銀琉璃玻瓈合成其佛光明無量際聞菩薩無數復以西方攝懸鼓豈不具足一十六觀似不必入台教門庭台教當入我之一念爲徑中之徑不亦宜乎謂此經分屬圓教天台以圓教獨歸法華鈔云事事無礙惟華嚴有之既云圓教豈不攝事事無礙以事事無礙標法界觀名豈不攝圓彌陀分屬如掬海之一滴不妨同於全潮天台賢首與此經疏鈔別而不別不別而別非此之謂歟

問合論判彌陀淨土是權非實淨名惟心淨土是實淨土然淨名言菩薩成佛時直心等衆生來生其國是明言攝受衆生死此生彼之事與彌陀無二無別正指往生事相論中何以分作兩概疏言此指事一心者豈事一心便不名惟心耶

師云合論云彌陀淨土是權如云一念至一心不亂是權實淨名淨土是實如云隨其心淨即佛土淨菩

薩成佛時如云直心等衆生來生其國是實中權如指門必入其室如入室必由其門二經大意不妨互舉非分兩概也疏指事一心者重在持鈔云若達此心四性不生與空慧相應名理一心此即事而理安得不名惟心也

問此經言衆生生者其中多有一生補處大本乃言生彼國者皆當一生遂補佛處皆當之義不止多有然則中不胎生等皆是補處皆爲等覺菩薩耶

師云此經言衆生生者多有一生補處此多字從近而言大本云皆當一生遂補佛處此當字藉遠而言此經云其國生者皆是阿鞞跋致華言不退轉豈非當來遂補佛位即中下胎生遂補佛處益明非是現稱等覺菩薩良以延促同時所謂徑中之徑於斯益信矣

問單念佛人不修助因所謂但得本莫愁末故云不修餘行得波羅密亦云即是多善多福乃諸佛以萬行因華莊嚴法身今念佛所證止可云素法身抑已具足萬行莊嚴耶

師云。單念佛人不修助。因古人淨業中。知識殷勤。化人念佛。同生淨土。豈非助。因不修餘行。惟念佛得到彼岸。故信此一門。即是多善。化彼同類。即是多福。又夙具種性。即是多善。夙修餘行。即是多福。即此已具萬行莊嚴。非素法身也。

問。宗門教人參念佛底。是誰似與別則公案無二。未嘗同向西方。鈔云。體究念佛。與尊宿教人舉話頭下。疑情意極相似。此只相似。還是直參。誰字教分四種。念佛未列體究一門。今以攝持名中。却似經文本無此意。不應以此入淨業門庭。若謂參此話頭。悟則心開。不悟亦不失往生。此爲禪宗留一退步。正墮偷心耳。若謂此疑不破。便不得生。是反不如一直念去。不起疑情者。雖不開悟。尙得往生也。乃智徹禪師直以此作淨土正行。慈照天奇。毒峯皆教人參究念佛。此諸師又何所本。耶。雲棲若祖。諸師疏鈔。何不直拈誰字。若只相似。又更有差別。否。其相似。不全是處。何不道破。

師云。宗門教人參究。實在以期大悟。更不回向西方。

何得言留一退步。不失往生。是居士註脚。非宗門意。鈔中謂體究念佛。參與體者。不容無說。參謂參破。體謂體貼。體貼亦有佇思之義。宗門必不用少林云。心如牆壁。乃可入道。又不與一直念去。較其優劣。雲棲祖諸師亦是淨土一門。收此一類之機。放開一線道。又何辯相似不相似也。

問。一切國土。惟想所持。故以淨想換却妄想。如子憶母。必善想容儀。歷歷可觀。今持名一門。但令念聲相續。不取相貌。只與讀誦無二。心易馳散。故稱名方便。或依出入諸息。以爲藉氣束心。乃禪經中攝心調息。諸法似屬小乘。未爲第一義諦。將非大心。凡夫所當行持耶。

師云。楞嚴云。憶佛念佛。謂憶念相繼。自得心開。非比單持名號。至一心不亂。夫讀誦者。惟記惟解。持名者。只欲往生。如負重擔。只欲到家。馳散何有。乃至一心不亂。非藉氣束心。比也。生極樂國。如彈指頃。與法華其疾如風。相類。大心凡夫。豈捨此捷徑法門。而別求乎。

問大本云若有衆生發一念心念無量壽定生彼國疏中尅期止及十念而不及一念何耶又念性刹那生滅此經七日定力乃生則未得禪定者無分若此一念如一稱成佛釋作歸命一心則大本不應繫十念之後若止如經文作一念喜愛之心則與化經言不動如來佛刹不以愛戀之心遂得往者難易不同此則全無定力亦得往生其勝方便又當超越小本耶

師云十念與此本相互通故何分優劣以一念具一切念故一念未必爲優以十念即一念故未必爲劣是故說一念不妨十念說十念不妨一念又利那際不妨七日七日不妨利那際經云一念普觀無量劫無去無來亦無住或說一念或說十念或說七日或說多劫皆如來勝方便故亦不論定不定喜愛不喜愛但一心念佛無事不辦如靈丹一粒點鐵成金更無疑慮又何必以難易較其超越也

問此七日若平時姑置待臨終方念已爲天如所呵今既屬平時者爲是七日之後盡此形壽更不復亂

耶爲復此後雖亂終得往生耶若永不復亂不應止名七日若更亂者則已經退何能感佛現前

師云經中云一日乃至七日是尅期往生不論臨終平時一聞佛名便發猛銳七日往生者故不論若未生者在無間斷念念相續豈可七日得定再不念佛名其執持二字何以消文疏中云執者聞名受之勇猛果決不搖奪故持者受斯守之常永貞固不遺忘故何云七日復隨散亂行者一心正念更加猛利以終身如初發念頃何愁佛不感孚耶

問鈔中明理一心爲觀力成就則體究全屬觀門但前言妙觀難成故顯持名殊勝今乃復通觀法仍是定觀勝於持名矣若云參誰字是體究則又全屬宗門且當參話時不應有念如知不二寂照難思等幾許理路可傍未免兩處負墮義云何通

師云前言妙觀難成顯持名殊勝良以娑婆之衆心多散亂故持名攝念勝乎觀門今乃復通觀法以觀法是淨土法門故如持一念不妨具足諸觀讀彌陀經者西方勝境孰不冥契但以執持顯勝故以觀境

殊勝不妨速於持名。以持名徑捷。不妨超於觀法。兩處義成。何得言。假若宗門參究。是逗機之法。似不必與淨土和會。如參念佛者。是誰。即屬宗門言語。道斷。又不可以理路爲依傍也。

問一部疏鈔大意。全重理持。則所明持法。最爲要害。今既是持名。復云理觀。既是理觀。復拈話頭。禪淨止觀三法。混淆難復。義理圓融。而行人念不歸一。將何爲宗。此與一門深入。專修無間之旨。何復不侔。

師云。疏鈔一部。雖則全歸理觀。如玄談守約。則惟事持名。文云。舉其名兮。兼衆德而俱備。專乎持也。統百行以無遺。以此則知。事實持名。不妨發明理觀。觀理明徹。如膏益火。則更增猛熾也。若單提參究。單論觀理。如華嚴大部。攝無量乘上根利智。條條是路。亦不名混淆。但以根器相投。亦吾師翁之善巧耳。

問疏言一心。即達磨直指之禪。又云六祖斥無乃門庭施設不同。假使纔弘直指。復讀西方。則直指之意。終無由明。既言即是直指。復云爲門不同。是少林與曹溪亦復不同耶。

師云。疏言一心者。豈但直指之禪。一大藏教無不收。盡即歸之直指之禪者。此是爲參究念佛者。說非爲持名者。發機門庭設施不同者。正符合直指之道。亦非爲持名者。發機雲棲以參究念佛。收之淨土一門。此是廣被機宜。看疏鈔者。不妨求一門深入。譬夫入海者。而責之淮。濟。江河深淺。廣狹更較其同。異不亦愚乎。

問疏指至心念佛一聲。滅八十億劫生死重罪。屬理一心。若事一心者。多念止滅。少念乃又引佛名。經言一聞佛名。滅無量劫生死之罪。釋云。一聞則不待憶念。無量則不但八十億劫。然則何必獨指理一心也。覺於此中。自相違礙。又此經亦言。聞經聞名。皆得不退。則一切等閒發願。散亂稱名者。咸不退耶。

師云。果得一心。則不論理事。疏鈔謂多念止滅。少念者。此是就散亂而藉一心者。說也。聞名滅罪。衆生在迷。亦復不知。如地獄聞名。即得究竟。并獲往生者。何止滅罪。蓋論衆生心力之勤怠耳。大凡教中論事論理。論定論散。如用兵之法。式臨陣決勝。實在富人必

不以法式楷定然後爲正論者矣

問。棗柏言華嚴一乘大道。非往生菩薩境界。何故華嚴長子。乃以十願導歸極樂。如生公說。闡提有佛性。則後出涅槃爲證。今行願全與棗柏不符。則一論宗旨。竟將安歸。乃雲棲但拈出導歸之文。亦不能折棗柏之誤。當知棗柏未易輕譴。今欲和會兩義。其說云何。

師云。棗柏謂華嚴非往生菩薩境界。爲顯一乘不妨抑彼揚此。普賢導歸極樂。正謂攝無量乘。故棗柏爲化大心。凡夫頓入華藏。故普賢是華藏中菩薩。以十願導歸極樂者。爲三根普利。故如觀方入一隅。則十方普現。故良以大心難發。極樂易生。究竟旨歸。彼此符合。以此則知棗柏原非錯誤。雲棲安得以是爲非耶。

問。因戒生定。因定生慧。則一心者。自制心。始此中自當發慧。所爲不假方便。自得心開也。天台念佛五門次第。亦復如是。今以事持屬定門。攝理持屬慧門。攝而云事持未能破妄利根。徑就理持將慧不由定一

切理路通明。便可當覺路耶。

師云。因戒生定。乃至天台次第。此是教家法。則然亦有先慧而後定者。如云專持名號。即得往生。自非慧根深發。莫能信也。雲棲以事持爲定門。攝理持爲慧門。攝者。此亦教家法。則然事非慧而不持。理非定而不發。事持既能發慧。安得不破妄耶。又可將一句彌陀具戒定慧。漸深入理。不可不知何也。爲專持萬德洪名。不生諸惡。豈非戒也。至一心不亂。豈非定也。自得心開。豈非慧也。念空真念。緣起無生。豈非理也。深入至理。淨土惟心。生彼不離生此。是正覺地。何必捨事持而入理解。謂之覺路可乎。

問。觀雖十六言。佛便周。如經所言。觀佛身故。見佛心。觀佛身者。從一相好入。則眉間白毫。可攝念佛三昧。何故慈雲但教人作蓮花開合想。鈔中亦止通普觀爲助因耶。

師云。觀經言。佛便周者。佛以法界爲身故。觀佛身故。亦見佛心者。謂緣勝境。入實相理。故既從一相好入。毋論眉間白毫。蓮花開合。以十六觀門隨緣一觀悉

是助因鈔中以普觀爲助因者猶爲確當

問諸經多言念佛行人現前見佛如遠公三觀聖相等所謂能念佛人佛住其頂古德教人決志求驗正在平時今經止言臨終佛現豈七日功成未能現見僅感臨終耶抑必現前見已然後臨終得見耶

師云諸經多言行人現前見佛亦有當來見佛之語楞嚴云憶佛念佛現前當來必定見佛其必定二字深有旨趣如種穀得穀必無虛棄之功也遠公三觀聖像現前見佛也淨土諸師臨終感佛來迎當來見佛也由此觀之只愁不念佛不慈行人不見佛也毋論平時七日但一心不亂專持名號喚醒自性彌陀一切佛菩薩像皆影現其中也

問往生菩薩心不顛倒故能預知時至與本願相應然則坐脫立亡庶幾來往自由能識死從何去者何爲古宿全不以此勘驗至云死時何若欲先知耶師云淨土菩薩與宗門坐脫立亡識得死從何去者大不相類淨業行人尅期往生預知時至宜矣宗門中人知亦不可不知亦可發明大理視死生如夢幻安

得於夢幻中著脚以生死爲實事耶又當知化儀既畢來去自由此等不思議解脫惟同道者方知又何得與淨業較同異耶

問觀經十念論明臨終心力猛利能勝終身行力乃大本十念不言臨終此與觀經爲同爲別若此七日不必定是臨終則此十念亦屬平時既非最後大心何能化往寶王論反以一念爲正是義何居

師云大本十念克十念往生而不克往生者乃日日十念雖不言臨終以至臨終明矣論明臨終心力猛利此爲一等猶豫行人說恐臨終障重不克往生以猛利勝之能勝終身行力者此加勉之義使行人以遂往生假如平日猛利大事已辦者十念七日俱不出一念故何緣自生疑難

問觀音勢至同侍彌陀爲西方三聖觀音反聞自性與今持名一心總以音聞爲教體正應同屬耳根圓通又文殊亦發願往生何反揀去勢至鈔言耳根不攝念佛念佛能攝耳根是勢至能攝觀音而觀音不攝勢至將持名不屬音聞而觀音不補彌陀爲安養

教主耶

師云耳根以聲塵旋入念佛以舌上稱揚然俱屬音聞出入義別文殊取一根深入安得不揀雲棲判根塵同異豈可言觀音不攝勢至耶如論往生行業亦不取耳根圓通豈勢至復不攝觀音耶正所謂打鼓弄琵琶非以諸法門迹上較衆聖之所行處也

問世尊言諸修行人用攀緣心爲自性者猶如煮沙欲成嘉饌今此念佛心是攀緣心耶非攀緣心耶若用攀緣心者一切覺觀思惟皆是生死根本若非攀緣心者何言念性生滅因果殊感若云此生滅心卽不生滅心者何云煮沙此與波水之旨當自不倫波卽是水沙非是饌大覺立喻應不雷同乃法華所云若人散亂心一稱南無佛南能所云不斷百思想對境心數起者又非卽用此生滅心耶

師云世尊斥世間人認攀緣心爲自性非斥用攀緣心入自性豈不聞圓覺云以幻修幻天台專用六識阿難云供養如來亦因此心永退善根亦因此心以此推之此心亦不惡可以爲入道之玄徑論乎眞性

何用念爲論乎樂土非念莫生文殊云念性生滅此爲選耳根圓通淨業智人安得隨文殊脚跟轉文殊如修般舟三昧又當以我念佛爲良導法華一稱聲勢起而佛道成南能不斷妄想興而涅槃現又當留待別時向居士一一道破

問經末先言不退後云往生正以現生取辦超乎餘教鈔中反開少寧多障不克往生一路云于來世得生此墮慈照所云其人自不知我當生淨土却要來後世再得生人中也不引禪門纔出頭來現成受用語爲證則何以永明揀去有禪無淨一流明淨業之諦當於宗門耶

師云經中先言不退後云往生者謂先說淨土已生者後云念佛必定往生非現生取證也鈔中開少壽多障爲多障行人不信決定往生如信者則不障矣來世得生者謂不信聞名亦種下來世種子顯聞名殊勝超乎餘教故不墮慈照之語永明抑揚之說單扶淨土一路將宗門推向萬丈深坑亦不爲分外禪門有三生打徹故云纔出頭來現成受用又何勞逐

句與淨土合轍

問。準提密圓與華嚴顯圓並屬第一疏。云持名功德。猶勝準提。今念佛人盡此報身。方得往生。所證極果。僅至上品。何以不如準提所開不轉肉身。便得往詣十方淨土。只于此生得證佛果耶。

師云。佛所設教。爲當機者。極成如此。土釋經者。亦復如是。天台歸圓法華。李長者亦多料揀。李長者必看天台三大部。天台未見李長者合論。若見時。又不知當何如。華嚴準提及淨土法門。各有所主。不可逐一比。況古德云。一兔橫身當古路。蒼鷹纔見便生擒。似不必向迹上追尋。夙具靈根者。纔聞著一言一句。便有出身路。所謂大藏小藏。從自心中流出。豈可以部帙較優劣耶。

無異禪師廣錄卷第二十四

無異禪師廣錄卷第二十五

住博山法孫 弘瀚 彙編

首座法孫 弘裕 同集

宗教答響五

六雪關主問。參話頭。真切不落。楞嚴五蘊魔外云云。師云。細觀楞嚴五十種魔事。不出一箇著字。如色陰明白。銷落諸念。乃至是人。則能超越劫濁。觀其所由。堅固妄想。以爲其本。卽此堅固妄想。便不能融化於妄想中。精研見希奇之事。便作聖解。豈非著耶。如不作聖解。名善境界。不作卽不著耳。又五蘊中。總以妄想二字結之。最初一著。便不能破。卽此妄想。便是魔之根蒂。其根本不除。挫其枝葉。令其不生。可乎。甚乃利其虛明。食彼精氣。悉妄想牽合。非魔從外來。苟涉于慎護。正所謂雪上加霜。火上益油耳。如受陰中虛明妄想。虛明亦妄想。蓋最初未到求心。不有之地。非妄而何。如想陰中融通妄想。最初章云。心愛圓明。卽前妄根與境融通。便生愛著。十種悉云。心愛等。蓋天魔從圓境中來。與愛心偶合作。無邊魔業。安可救也。

良以行人最先坐斷此一念無心。即無愛無愛則著之一字何有耶。只如第九章云。心愛入滅。貪求深空。等。悉是魔業。亦最初妄心不破。正所謂蒸沙作飯。沙非飯本也。如行陰中。幽隱妄想。蓋行陰乃遷流不止。爲性故云。生滅根元。從此披露。爲想陰。盡徹見行陰中根元。悉是生滅。念念不停。行人不隨生滅遷流。故得凝明正心。爾時天魔不得其便。但於圓元中起計度。故窮其始末。有因無因等。既有計度。亡正偏。知計之一字。從幽隱中來。文云。觀彼幽清。不能徹見源底也。如識陰中。顛倒妄想。謂同分生機。倏然墜裂六根。虛靜無復。馳逸虛靜。爲不馳逸。不馳逸。爲行陰。盡耳。行陰既盡。見聞通。互用清淨。故云。窮諸行空。尚依識元。乃至精妙未圓。便生勝解。此十種悉以識心而生。勝解既作。勝解遠。遠圓通生。諸種類矣。禪門中善用心者。俱不相涉。思大云。十方諸佛。被我一口吞盡。何處更有衆生可度。此是佛祖位中。留渠不住。邪魔外種。其奈爾何。欲得不受其蝕。但全身入理。不待遣。不待護。妄想盡。則魔業自盡矣。古德云。使好和根。

下一斧免教節外又生枝。問不執修證。不廢修證云云。師云。吾宗門下。毋論利鈍賢愚。但以信而入。既發起猛利心。如坐在鐵壁银山。祇求迸出。諸妄想心。悉不能入。觀照功行。安將寄手。果得一念迸開。如披雲見天。如獲故物。觀照功行。亦何所施。祇貴參究之念。甚切。其參究亦涉于功行。但不以功行立名。如看破世緣。切究至道。亦涉于觀照。但不以觀照立名。如圓覺云。惟除頓覺人。并法不隨順。若以觀照爲事。則有能觀。能照之心。必有所觀。所照之境。能所對立。非妄而何。所以禪宗云。獨踞大方。心外無境。將十方世界。洎父母身心。融成一箇坐斷。兩頭始得箇入門。向上一路。更須自看。不然。盡是鬼家活計。安可以修證同日而語耶。果顯蹟不到此地。即名自欺。此輩名爲可憐。惑者寧堪齒錄。南嶽云。修證即不無。汙染即不得。即此不汙染之修。可謂圓修。還著得箇修字麼。即此不汙染之證。可謂圓證。還著得箇證字麼。如此則終日修而無修。掃地焚香。悉無量之佛事。又安可廢。但不

著修證耳九地尙無功用行況十地乎乃至等覺說法如雨如雲猶被南泉呵斥與道全乖況十地觀照與宗門而較其優劣可乎

智祖禪人問諸方尊宿每教人以一則公案頓置面前念念繫緣名爲參究此於台宗止觀專注一境同耶異耶若言其同仍是教下工夫非教外別傳若言其異彼則專注一境此則繫緣一處名雖異而實同似是而非乞求一決

師云宗門一則非與諸法門爲比公案者如公府之案牘一句子不明處只欲發明貴在深追力究非繫緣也天台止觀似不可以宗門較其優劣止觀意在與法相應如人行路漸入佳境參究意在力破重圍如披雲見天推門入白天台以觀破惑智德頓同窮之則有惑可破也宗門以參從緣心境俱寂釋之則無緣可棄也若以境緣同異較其非是實霄壤也問達磨西來頓翻窠臼惟一心地法門直指人心見性成佛嗣後五宗迭出門庭種種不同曰五位三玄四賓主乃至四料揀爲復法應如是耶爲復羣機差

別耶若謂法應如是則教中云惟此一事實餘皆方便直指門中不應有方便若謂機有千差逗機之法應爾則楞嚴二十五圓通逗機之法已悉何必另爲贅枝駢拇之法初祖東來多此一番跋涉

師云達磨西來頓翻窠臼授受之際實無二法何以曰五主法者有五不得不曰五宗也豈以五宗者塞礙一心地之法門乎乃至三玄五位賓主等語盡屬名言悉單傳之註脚耳果得千聖不傳之道三玄五位賓主君臣如指諸掌法如是故非差別逗機也若在三玄五位上印證心地法門者大似就枝幹而索其本非卽非離卽枝幹非得其本也雖枝幹亦非得其本也若本者枝幹之本枝幹者木之枝幹果是智人思之可見教中謂惟此一事實餘二則非眞非眞者權之謂也非權無以導其實非實無以開其權雖是謂權歸實又何妨權實並彰也教中之權各趨岐徑宗中之相惟據本參本參破如月印千江岐徑通若風號萬壑似不可以圓通差別之法與玄位同日而語也初祖之來法門尙矣豈曰贅乎

問從聞思修入三摩提。大小乘法爾如然。似不可廢。卽古德亦有云。三藏十二分教。某甲粗知。又云。先以聞解證入。後以無思契同。是知聞教。然後參禪。千聖不易之規。奈何近時。尊宿不觀學人。曾否聽教。一例示以無滋味話。令彼早晚穿鑿。不落妄想。使墮無記。又爲山云。此之一學。最妙最玄。又云。若有中流之士。未能頓超。且於教法留心。當爲山之時。正像法隆盛之秋。猶然若是。分別而當今之世。正值末法衰殘。豈得人皆利根。一槩以上乘法投之。況觀機逗教。應病與藥。似不可廢。

師云。余答劉居士。問謂宗乃教之綱。教乃宗之目。如依教修行。當以證入契同爲克家也。聞解似易。無思誠難。惟吾祖師門下。以思無思之妙。又云。心如牆壁。乃可入道。亦不以聞教不聞教爲不易之規也。如教中誦一句。伽陀。忽然大悟。又云。一言之下。心地開通。豈待遍涉名言。方稱悟入。參究者。非涉於穿鑿穿鑿二字。法門大害。教中或有之。而宗門實無也。此之一學。最妙最玄。當人人期於頓超。豈可甘心中下法不。

論像末人。不論智愚。惟辨肯心。是爲上智。反末法爲正法。翻中下爲上根。似亦不難耳。

問三無漏學。因戒生定。因定發慧。我佛誠言。而妙喜則云。他人先定而後慧。老漢先慧而後定。大與佛經相違。若以時事驗之。如人酒迷。慧性顛狂。錯亂酒醒。則狂性自息。則慧先定。後妙喜之言。愈爲有理。大師於佛經祖訓。若爲會通。

師云。先定而後慧。佛之誠言。先慧而後定。祖師慈訓。二俱略之。非定論也。如人修定。若無慧爲先導。則不能修慧。不妨在先。也有慧而戒立。戒立而定生。定生而慧明。如環上尋輪。求其始末了。不可得。以此觀之。大慧亦爲贅語也。實佛祖符合。又何待會通。

問永嘉云。了則業障本來空。見道語也。而西土師子尊者。此方可大師俱了。了人也。何業障不空。必待訓償而後已。若謂償處。正業障空。義則造十惡人。念佛帶業往生。亦必回娑婆償宿業。始得若往生者。宿障不訓則大了之人。反不及念佛者多矣。若謂大了之人。業障實空。能超念佛十倍。則師子可師。仍居未了。

之科師何以會通之

師云業障空是不易知也。若謂遭王難是償夙債。實不達業障空。非正論也。豈不識水月道場。空花萬行。鏡裏魔軍。夢中佛事。汝以夢中爲實事。是不空也。若達斯空。義償不償。皆夢語耳。十惡念佛。帶業往生。諸惡頓釋。趨果忘因。非回償也。下品下生。見佛尙遠。歷胎既久。始得花開。非不償也。與宗乘中較其優劣。不亦愚乎。

問雲門請益睦州。悟道因緣。傳燈會元載之甚悉。其見雪峯。居然知識矣。並無請益語。盡皆問答語。續後出世何故。不嗣睦州。反嗣雪峯。爲復以人盛衰易其心耶。則非祖師所爲。何能取法後世。且嗣法味心。意賦明加其杵。若謂錄語有略。則授受之際。千古慧命來源所繫。豈可妄自筆削。諒必有說。乞師補之。庶免後世嗣法之過。

師云雲門見睦州。夾斷一足。卽有悟入。非大徹也。初見雪峯。卽命衆迎。五百人知識。是雪峯以法眼印之。次日上雪峯。峯纔見。便曰。因甚麼得到與麼地。門乃

低頭從茲契合。且從茲二字。非借辭也。況後溫研讀。總以印心宗乎。非敢以盛衰易其心也。今時人以玉彼之師爲冤家。以印彼之師爲恩。故殊不知印彼者。未必是玉彼者。未必非以非爲非者。不失法會之正。因以非爲是者。終陷泥犁之惡報。寧可千生不悟。不可一日著邪。滴血之語。豈欺我哉。當悉審詳。毋容輕忽。

刻水禪人問教外別傳者禪也。淨因禪師以一喝而收五教。然則五教皆禪教外者。何謂乎。

師云淨因以一喝圓收五教。以解講華嚴者之惑。豈不聞一喝不作一喝用。縱古佛與大菩薩到此亦歛衽矣。況其聰敏及機智者乎。所以云一喝能收五教。五教所不能收者禪也。

問禪不外教。教不外禪。唯字與聲實無二相。別傳者又何謂乎。

師云禪稱教外者。非教中所列之禪實乃世尊拈花。非字與聲所載者。彼時百萬人天悉皆罔措。若論聲教所詮者。又何待迦葉微笑。世尊印定有教外別傳。

之旨。故知四十九年未曾吐露者。箇消息。實是教所不能言者。故曰。教外實是教中。綱領故云。離文字相。及言說相。實在悟徹。故稱教外果。教外而別有傳手。問清涼大師。以禪爲頓。似依六祖壇經判若錯。俱錯。苟非頓是圓也。亦教苟非圓。亦頓。禪自禪。非但一不能收。五卽五亦不能入。一也。展轉合明。增長迷悶。惟冀慈音宣流開示。

師云。清涼以禪爲頓者。是抑禪而揚教也。六祖謂開示頓教。大乘是借路經過。正爲宗門稱頓。悟者言之。若云非頓。是圓其圓之一字。吾宗門中亦不立也。苟立其圓。則不圓矣。如云大方廣亦是顯果德之相。其法身之理。理絕對待。何大之可立也。諸法緣起。應變無窮。至體無外。卷舒自在。其方廣二字。亦是借言大方廣對世間言說。故爾標宗頓入。不思議者。亦廣語也。況五教云乎。哉。吾佛以禪稱教外。愈明也。如人生在王家。不說貴相。又如九品至一品者。品品可收。惟生在儲宮者。豈品級可收也。禪在教外。不言可喻也。無異禪師廣錄卷第二十五。

無異禪師廣錄卷第二十六

住博山法孫 弘滿 彙編

首座法孫 弘裕 同集

宗說等錫上

示金庭蔡坦如居士

居士欲成辦箇事。於祖師門下。當發深信。速了生死。再有一法。過於此法者。無有是處。此一句話。頭是換骨靈丹。是返魂妙藥。是伐生死稠林底利斧也。所謂無量法門。百千見刺。一切計執。五陰魔怨。纏沾著此一句子。則瓦解冰消。更不起第二念。何以故。謂離諸念。故如看一口氣。不來畢竟向甚麼處去。卽此去處。不明如坐在烈火燄中。祇欲奔出。以此則知。妄不用止。心不用觀。定不用習。慧不用生。見不用斷。魔不用伏。則自然帖帖地。謂心猛利。如烈火故。能燎一切。如迅流故。能漂一切。如猛風故。能掃一切。如神箭故。能穿一切。如射石虎。纔生擬議。豈但沒羽。則箭頭斷矣。故云。道人行處。如火消冰。箭旣離弦。無返還勢。玄沙可謂得法門之徑路。入法門之標的也。若如此參去。

忽朝打翻筋斗絕後再甦便乃斬新條發新令高低
一顧萬象齊彰截斷衆流不通凡聖如佛印大師云
一到多門又到門分明普眼照乾坤以須彌聚筆滄
海爲墨不能書其少分故云大藏小藏從者裏流出
非強言也若未到此田地語如雲興偈頌如瓶瀉
盡成顛倒知見如近時假稱知識者將古人公案逐
句下語悉以義路符之識者一見則知宗風掃地謂
痛哭流涕者不亦宜乎予到敝鄉見吳太史頌古其
辭章藻麗近時作頌者罕能倫匹一日太史問曰大
師曾見弟子頌古否予曰見太史曰何如予曰居士
是解非悟門也太史曰何以見之予曰居士頌婆子
燒菴謂寒巖枯木太僧生豈不是不肯者僧麼太史
曰然予曰豈不是解麼太史言下如脫桶相似渠
是箇久用心底人於一言之下便爾知非近時假知
識論此公案萬一未曾夢見在嗚呼祖庭秋晚魔風
熾盛紛紛曰參禪盡入在魔邪網中曾有一人能跳
得出否若有縑素得分明不沾著此等魔氣予則以
衲衣覆之可謂報佛之深恩也

祖庭秋晚 賴有智人 遍界魔風 執喜執瞋
紛馳棒喝 加諸盲者 斷手折足 謂應機也
遍體流血 不知痛癢 大笑猖狂 是何模樣
謂不領會 目爾裁抑 苦哉痛哉 神號鬼泣
三千七百 大有樣子 奪食驅耕 決無此理
下語偈頌 學語之流 是生死本 肯自干休
我書此語 居士勉之 置心一處 今正是時

示壁如禪人

夫爲學者父母生成一具靈骨如黃金鑄就只須深
生正信發大機知佛所說一代時教不求妙悟盡
逐虛聲雖是多聞與不聞等如象陷於泥雖有全力
不能跳出良可慙也如仁者生於大族幼爲貴介公
子復從科第中來及出仕做官時供養法師殷勤請
益於教乘中無不通達及問著已分上事則無可奈
何故知名言數句非究竟法惟吾祖師門下不起知
解直探本源故云心如墻壁乃可入道良以衆生皆
以識心分別計度喻伽論云阿賴耶識於一切時無
有間斷器世間相譬如燈焰生時內執膏炷外發光

明緣內執受而生堅七轉識爲最有力緣外器相而生取五塵境助發不停逐境生心從緣成熟與現行互爲因果與明了遍爲所依展轉生燒起滅無間窮之而無始成種子之名言望之而無涯生現行之果法俱時現有豈待新熏如唯識論云一切種子皆本性有不從熏生楞伽經云大慧不思議熏不思議變是現識因取種種塵及無始妄想熏是分別事識因以此則知本有新熏合生現行增長本識此以無明熏真如故淨法亦爾准此例知若取其正義真如亦不受熏真如無爲非心之因亦非種子能有果法如虛空等故非有漏心性是無漏名本性淨何以故若常住法不成種子一切時無差別故就淨邊說亦具種子之名涅槃四德是四大種子從本覺起而熏無明論四德本來是有不從種子生從因作名故稱種子能侵損本識故緣是行人信樂大乘以大智慧人虛空器三昧運大悲行以毗盧果德用成因位熏無明故又當知本識極劣無記非能熏也唯七轉識及相應一分能緣慮心力最強勝故有力自熏此無明

無體本覺斯起純成四德燦盡無明故云四德圓時本識觀照沉無明耶如千年闇室一燈能破則彌滿清淨中不容他即十界緣起悉成淨用故云大小鱗毛普現色身三昧也果入得此一步則塵塵刹刹悉皆普入便好蹈祖師門求向上事只待脚跟線斷擬轉鼻頭別爲通氣始是到家時節不然只饒及盡玄微總是他門活計非當家種草也

一具黃金骨 深生於正信 沒發大機用
通佛所說教 常求妙悟門 若滯名數句
聞與不聞等 惟吾祖師禪 端不存知解
直探於本源 心如牆壁入 阿賴耶執受
而堅於現行 展轉生燒相 數數無間然
淨法亦如是 以佛果德相 成行人因位
本覺熏無明 如沸湯澆雪 四德純圓時
識想從何起 清淨不容他 十界用無輟
待了本因緣 再爲仁者說

示證之禪人

夫爲學者熟爛聖經凡一言一字須消歸自己所謂

佛已具知見何用更開謂開衆生佛之知見耳如貧家伏藏若獲其藏更不復發圓覺云如來大光明藏是衆生清淨覺地既稱清淨何有衆生下文云永斷無明方成佛道復云此無明者非實有體果知無體大光明藏觀體全彰故云如來因地修圓覺者知是空花即無輪轉斷云非作故無本性無故至普賢章云知幻即離不作方便離幻即覺亦無漸次中峯大師云此二章宛有帶僧氣象至於以幻脩幻皆吾佛不得已而言之非佛之本意也若云理徹圓融何妨行布殊不知一念具三千一心融萬行絕去來之跡延促同時泯遠近之殊遐邇一致當下無我法界理成八相成道於殊方理無分判萬行圓脩於富念事不他求觀彼久遠猶若今日獲大寶車行步平正其疾如風所謂圓融而不礙行布事事斯成行布而不礙圓融心心靡間以此則知總聞名字觀行斯起無明斯斷六根斯淨究竟斯成說箇佛字猶爲贅語也若乃求三乘之行跡楷六即之是非便乃斷三惑成三智證三德乃至莊嚴國土教化衆生則吾不得預

其數亦當緘口以待三僧祇劫再與諸昆仲別峯相見也

佛以佛知見 化一切衆生 衆生受佛化
佛生不可得 知無明無體 猶如空中花
如來因地中 即了於生死 知幻即云離
離幻即云覺 覺了斯實際 知亦不可立
於不可立中 而興大悲心 一念具萬行
一時圓多劫 恒沙界微塵 理無分劑故
即此稱圓證 證此曰真知 果證便知非
證對因人說 了因證不立 斯稱大圓覺
最勝脩多羅 悉宗乘註脚 欲覓祖師禪
而生大勇猛 譬如獅子兒 懸空翻筋斗
哮吼不思議 羣獸皆腦裂 待了本因緣
再爲仁者說

示象先禪人

夫爲學者聞慧彌彰生諸實智故云不離文字不執文字而爲道用華嚴謂成就無邊之慧先賴多聞佛藏說速入涅槃之門皆因聽法果究心之者鳥鳴花

笑尚乃發機。況佛金口親宣而不潤心田。靈苗智種。耶當知衆生心內佛爲佛心。中衆生說法。佛心中衆生聽衆生心內佛說法。又當知佛心中衆生無聽者。衆生心中佛無說者。兩俱雙辯。二相順。空經云。如來不說法。亦不度衆生。楞伽經中表離言說。名不思議。良以學人不達自心。執諸名相。覓果佛妙嚴之位。昧因心實智之緣。故達磨大師遣其執滯。直指人心。攝三祇之修行。圓於當念。開生盲之慧眼。妙在利那。揭露衣珠。願呈家寶。息鈴。竭之苦。不假營求。入利濟之門。廣延行度。菩提無樹。明鏡非臺。作衆生之真依。爲菩薩之智母。意消能所。情斷是非。如大集云。不待莊嚴了知諸法。以得一總得。除故所以云。一葉落天下秋。一塵起大地。收乘此寶乘。遊於四方。嬉戲快樂。不亦宜乎。或云。行布位次。教有明文。何乃執心順廢斯旨。曰。是何言歟。當知位次無盡。心無盡。故若能了此真如一心無盡之理。則一切六度四攝萬行皆無有盡。轉示他心亦同無盡。如一燈燃百千燈。冥者皆明。悉無盡。故初祖達磨以無盡之旨。傳無盡之燈。際萬

劫昏暗之迷途。成一時光明之佛事。須從悟入。不假言詮。果發明大理。如烈火沸湯。不容片雪。無明不待斷而自斷。果位不待成而自成。如祖師門下。單提一句話頭。看一口氣不來。畢竟向甚麼處去。如在萬丈坑中。祇欲跳出。縱八境交加於前。亦不暇顧。若一刻中不尋出路。則喪身失命了也。故云。如一人與萬人敵。觀面那容眨眼。看如此用心。真切則因地一聲桶子底脫矣。依然舊時人。不是舊時行履處。佛法尙不留些子朕跡。況人我世緣。曰脩與不脩者乎。

總持無文字 文字顯總持 不離文字緣
而爲道者用 成就無邊慧 速入涅槃門
水鳥與樹林 尙乃談實相 何況佛所說
而不滋智種 心佛及衆生 互說無間歇
亦無能說者 亦無所聽衆 遠離於言說
是名不思議 若不識自心 云何覓佛果
國土妙莊嚴 豈離自心有 長遠三大劫
一念悉圓成 珠寶本具足 更不向他求
廣開利濟門 綿綿用無竭 了此一心法

遊行於四方。慧燈破幽暗。冥者悉皆明。
如香象渡河。截流直到底。倏然登彼岸。
更不論先後。一斷一切斷。一成一切成。
教理通無礙。當樂祖師禪。一口氣不來。
畢竟甚處去。如在萬丈坑。祇要親跳出。
入境交於前。亦不生暇顧。如人破大敵。
那容眨眼看。如此切用心。倏然桶子脫。
不是舊時人。世緣何處有。不於世生心。
便是好時節。待了本因緣。再爲仁者說。

示超乘禪人

夫爲學者。最先要具擇法眼。將如來一大藏教。疏通
理本。徹究行緣。心絕狐疑。成辦箇事。永明大師云。備
一乘之基地。堅萬行之垣。始能架高造實。不妨向
吾祖師門下。求箇徹頭。不然。盡掠虎聲。非關究竟。須
知宗之一字。是教綱網。維如起信論云。止者止一切
相。乃至心不可得爲止。而觀因緣生滅。爲觀。永明云。
或以理觀。對於事止。謂契理妄息也。或以事觀。對於
理寂。謂無念知境也。當知參禪之者。纔提起一句話。

頭妄想。心不待息而自息。豈非止耶。何止之可言。大
理不待明而自明。豈非觀耶。何觀之可說。纔方念起。
便落意思。分別始萌。卽犯藥忌。二祖搜心。不可得當。
下心安故。知無心之旨。衆妙之門。若了無心。觸途無
滯。絕一塵而作對。何勞遺蕩之功。無一念而生情。不
假忘緣之力。以此則知無心於事。則萬機頓赴。而不
撓其神。無事於心。則千難殊對。而不干其慮。豈待永
明叮嚀告誡學者。就路還家。則得便宜多矣。若乃窮
宗乘之極致。究祖道之玄微。只須懸崖撒手。自肯承
當。絕後再甦。欺君不得。故云。命根斷後。方得言詮。不
然。盡落今時。永沉苦海。無量億之邪見。根於斷常。百
千種之傍門。生乎情想。惟吾祖道。最極深玄。契一道
以圓收會。千途而共轍。不涉三乘之漸次。因果同時。
豈千五教之參差。佛生頓泯。利那徹於多劫。法界入
於毫端。猶是第二之籌。未遂拈花之旨。臨濟大師云。
沿流不止。問如何真。照無邊說。似他離。相離。名人不
棄。吹毛用了。急須磨。理徹。囊中見。超物表。了吹毛之
利。慎勿遲疑。廓照用之機。毋容住足。豈淺根劣解者。

之所能知。非守株抱愚者之所能到。果深信於教外別傳之者。觸目逢緣。當以斯意自勉也。

若了生死源。先具擇法眼。行理俱通徹。
亦不涉狐疑。具此淨白心。始求無上道。
譬如架樓閣。先當築基址。又如琉璃瓶。
能盛獅子乳。教理通無礙。作宗乘助緣。
欲究向上事。單提一句話。不起分別想。
是名真止觀。五百安心門。無心願超越。
不涉於三乘。何關於五教。果絕後再甦。
當體離心念。心念遠離故。邪見無緣生。
剎那入多劫。法界歛毫端。猶是第二籌。
未遂拈花旨。吹毛用了時。慎勿懷遲疑。
頓入不思議。始名甘露滅。待了本因緣。
再爲仁者說。

示寓中禪人

夫爲學者。微究根原。無煩枝葉。何謂根者。三界惟心。何謂原者。萬法惟識。故云未達境。惟心起種種分別。達境惟心已分別。即不生。祖師云。若人識得心。大地

無寸土。良以聽學之人。誦得名相。齊文作解。心眼不開。全無理觀。習禪之者。惟尙理觀。觸處心融。暗于名相。二俱互闕。或忘緣趣。解脫之門。或執妄取。究竟之果。撥波求水。卽泥是瓶。不了唯心。妄生執著。著不了唯識。妄意有無。永明大師云。阿賴耶識。廣容周遍。爲萬法之根原。此體不可說微細。最難思。周遍法界。而無住心。任持一切。而不現相。入唯識之正受。破計執之邪心。楞嚴圓通章。彌勒云。我從燈王如來。修習唯心。識定入三摩地。乃得成無上妙圓識心。三昧。盡空如來國土淨穢。有無皆是。我心變化所現。世尊。我了如是。唯心識。故識性流出。無量如來結云。識心圓明。入圓成實。遠離依他及遍計執。得無生忍。頓入圓明之際。恒沙如來。從我流出。無自無他。恒沙染淨之緣。從此發生。絕思絕慮。如磁石無覺。而轉移。周迴六趣。似摩尼無思。而雨寶。廣濟羣生。號衆生之源。卽如來之藏。從凡而入聖位。殊分以聖而照。凡重洞徹。聖凡雙泯。一道齊彰。心識互融。千途共濟。是以文殊以理印行。差別之道。無虧普賢以行會理。根本之門。不

廢果因互用非計因中有果也。因果同時非計果中有因也。無容計度不屬思惟。體用相合。心境交徹。空具德而徹萬有之表。事無礙而全一理之中。方可入祖師之門。求向上之路。藏身處沒蹤跡。抖擻虛空。沒蹤跡。莫藏身。掀翻大地。果然生鐵流金汁。便好將身帶活埋。

究竟根原人	無煩於枝葉	唯識與唯心
不生分別想	誦文尙理觀	習禪了名相
二者交互通	是名佛出世	解脫非忘緣
究竟無妄取	識體最微細	深密不思議
遍界無住心	任持不現像	成無上妙圓
淨穢唯心變	了此唯識性	流出諸如來
入圓成實故	離依他遍計	似磁石引針
如摩尼雨寶	理與行交徹	行與理俱濟
心境雙融處	入此無礙門	藏身沒蹤跡
抖出虛空髓	沒跡莫藏身	掀翻大地盡
藉寓法界垣	中道不須論	生鐵流金汁
禪道從斯警	待了本因緣	再爲仁者說

示道接禪人

夫爲學者。圓頓之教了義之詮。廣博精研窮源極數。一一得其實用。慎勿執名相階級。并遮表文字。障諸佛之光明。翳衆生之慧目。執持行位。遠遯圓通。不識方便之詮。盡落止啼之說。當知吾佛的指。生心是心。作因是心。成果是心。立位是心。標名於無名位中。而安名位不離跬步。法爾如然。于無因果中。而建果因。豈待報緣而隨念具足。華嚴經頌云。若以威德色種。族而見人。中調御師。是爲病根。顛倒見彼。不能知最勝法。良以衆生自生劣想。昧本勝緣。不識果顯之法。身是因隱之本。覺非他佛。智遍自是自佛。智遍他非自。因趣他果。本是他果。極承我因。以此則知因果同時。聖凡一進了無二相。卽過羣魔。直剖純圓。豈存漸次。不得一法安住。佛乘果然一道齊平。則萬差俱泯。古頌云。千尋滄海底。萬仞碧峯頭。日出當中夜。花開值九秋。若不如是。盡是背覺合塵。捨已循物。華嚴論云。滯名卽名立。廢說卽言生。指鹿作馬。期悟遭迷。執影是真。以病爲法。錯解佛意。謬滯生緣。如來說名可

憐憫者不亦宜乎。惟吾祖師門中一句話頭。挫鋒破敵。譬如窮海到底。方休看一口氣不來。畢竟向甚麼處去。非思議之可知。豈情識之能解。四相離而命根頓斷。四病了而慧性純清。如日照秋霜。似箭穿石鼓。其話頭功力。百千萬種。脩證之門。不能較其少分也。故三千七百祖師。非此門無繇出路。如六祖問南嶽大師。汝在甚麼處。來曰。嵩山來。祖曰。甚麼物與麼來。嶽無對。遂經八載。忽爾開悟。曰。說似一物。即不中。祖曰。還假脩證否。曰。修證即不無。汙染即不得。汝看他悟底人。開言吐語。不犯纖毫忌諱。可謂透網金鱗也。如看一口氣不來。當與斯案爲表裏。果知去處。則知來處。如去處不明。當疑情頓發。針劑不入。水灑不濕。盡大地黑漆漆地。撞不入頭。要得箇入頭。既得箇入頭。要得箇出頭。須信有千聖不傳底道理。如德山吹滅油燈條。孚座主聞鼓角聲。便省得從前過客。豈但將娘生底鼻孔。扭捏便云。窮諸玄辯。如毫末。撮于太虛。竭世樞機。似一滴。投于巨壑。乃至上堂云。聖名凡號。盡是虛聲。殊相劣形。皆爲幻色。汝欲求之。得無累

乎。及其賊之返成大患。以此則知功門行位上著脚。大似隔靴抓癢也。

圓頓了義教。廣博窮其源。一一得實用。慎勿執名相。雖說功行位。心具悉無遺。勝劣若生心。病眼顛倒見。果顯之法身。是因隱本覺。因果同時故。不生遠近想。了無二相者。即過魔境界。不知此一法。未乃稱佛乘。滯名即名生。魔說更言說。期悟復遭迷。不解於佛意。惟吾祖師禪。單提一句話。譬如窮海者。到底始方休。工夫非作意。止滅任俱離。我人衆生相。命根斷何起。百千脩證門。不能喻少分。果知甚麼處。即會與麼來。道心絕遮攔。聖揆無羈滯。動念屬染汚。生情即藥忌。一口氣不來。疑情須頓發。大地黑漆漆。信有向上路。是諸祖行徑。不得此路時。情想終不甯。有志丈夫兒。豈肯暫休歇。待了本因緣。再爲仁者說。

示同水禪人

夫爲學者。凡經律論三藏文字。大小偏圓。靡不遍涉。清涼大師云。以聖教爲明鏡。照明自心。以自心爲智燈。燭經幽旨。如驚王擇乳。如日照高山。大心圓信。緣此深入。切不可高推聖境。自生下劣。經云。若聞是經。不驚不怖者。當知此人。非於一佛二佛三四五佛。而種善根。已於百千萬億佛。所種諸善根矣。華嚴經云。如來初成正覺。嘆云。奇哉。奇哉。一切衆生。皆具如來智慧德相。此卽凡聖同源。正類法華開示衆生佛之知見耳。聞斯而發圓信者。稱諸佛之本懷了。羣經之妙義。下文云。只因妄想執著。而不能證得。謂凡夫妄想二乘執著。不達斯源。如妄想本空。則圓融無礙。執著何有。當知一心之旨。隨機設教。殊途同歸。海慧禪師云。森羅萬象。至空而極。百川衆派。至海而極。一切聖賢。至佛而極。一切教法。至圓而極。如大華嚴事事無礙。頓絕凡情。法法全收。無存聖解。清涼亦云。含衆妙而有餘。超言思而適出。經云。若人欲得如來智。應離一切妄分別。有無通達。皆平等。疾作天人大導師。

如來智慧。含靈本具。無明本淨。妄想本空。淨則智故。空則如故。無有智外之如。爲智所入。亦無如外之智。能證於如。約偏計而妄空。卽凡心而圓聖。智如偏計。而真有卽聖。智以化凡。心觸物皆中。無他無自。舉體覲具。非聖非凡。理無脩證。行絕參差。若云無作無脩。定受落空之禍。若云有求有證。終遭陷有之譏。約理故說。無漏智性。不假他。誓約事則無所求。中吾故求之耳。萬行並起。一性圓明。一多互融。小大遍入。一剎入一切。利一佛入一切。佛一切身入一身。一切劫入一劫。是以初心便成正覺。不壞本相。因果同時。如十信攝於諸位。諸位十信歷然。如十住攝於諸位。諸位十住不亂。不亂卽行布互具。卽圓融故。有相卽相入。非自非他。如乳投水。廢已同水。彼成已成。故得一多無礙。大小相融。恒沙歛於微塵。多劫彰於頃刻。假使有人縱經多劫。脩六波羅蜜。菩提分法。未聞此如來不思議大威德法門。或復聞已不信不解。不順不入。不得名爲眞實菩薩。以不能生如來家故。若聞卽便信受。隨順悟入。當知此人。卽如來眞子矣。清涼大師

云。割微塵之經卷。則念念果成。盡衆生之願門。則塵塵行滿。如於一塵中。脩一切行。一切塵亦然。一刹那際。度一切生。一切劫亦然。以此無行之行。無生之生。終日無化。其行度大焉。若不了此圓妙之旨。未免有亡羊喪真之嘆。經之過歟。人之過歟。

佛以一音聲	對種種種說	衆生妄分別
不能測佛智	聞經不驚怖	斯人多善本
凡聖本同源	莫生優劣想	聞斯發圓信
了諸經妙義	亦不執聖解	亦不生凡情
凡聖了然故	是名大導師	一身入多身
多劫入一際	因該於果海	果徹於因源
因果同時故	勿生分別想	萬法歸自己
已亦不可得	萬法本如如	如亦不可立
譬如乳投水	廢已卽同水	彼成已亦成
大小互無礙	最妙最深玄	是禪門註脚
若覓祖師禪	心如牆壁入	更問西來意
庭前栢樹子	纔生分別想	灼然沒交涉
待了本因緣	再爲仁者說	

示雪竇禪人

夫爲學者。以一大藏教。開自己清淨眼目。自眼本淨。何用更開。爲不了者。說圓覺經云。皆以圓照清淨。永斷無明。方成佛道。知無明本無識性。虛妄猶若交蘆。則山河不礙於眼光。根塵何傷於覺體。照破恒沙四天下。似不難矣。今時學人。執不知妄心。無體及乎微妄。妄念紛然。則以妄印心。縱脩阿僧祇。終無了底日子。何以故。以沙作飯。故錯亂脩習。知妄空而認有。斷妄何期。知卽佛而背真。求心安在。以直道而迂之。以無體而斷之。以卽真而棄之。以現因而遠之。所謂泉眼不通。則被沙礙。道眼不通。則被眼礙也。楞嚴經云。有三摩提。名大佛頂首楞嚴。王具足萬行。十方如來。一門超出。妙莊嚴路。當知此路。卽衆生本源。流出如來。故云超出。旣云路者。的指因心。因微行緣。始稱具足。若於此題中。了辦全身擔荷。不待別求矣。勞如來重重逐破。乃至七處徵心。俱不可得。始知真心無住。淨體無依。圓明了知。不因心念。塵非亭主。客義斯成。妄意情求。悉名顛倒。認漚爲海。迷中倍人。真性無還。

便能了月得指見性周遍何妨即物明心物體本虛
心非我見故云見與見緣并所想相如空中花復云
此見及緣元是菩提妙淨明體云何是有是非是
則因緣和合及非和合等皆成戲論陰根塵緣生
無性則鏡中之影像俄消七大十虛無性緣生則水
面之漚花倏起究竟無體妄徹真源如來之寶藏全
開饑虛普濟窮子之衣珠頓獲永絕攀求寶王利現
於毫端大法輪轉於塵界便好安水月之道場脩空
花之萬行報無報之慈恩豈待歷僧祇之劫也不然
至等覺猶乃被呵南泉之惡口可據成佛果尙云擔
糞德山之痛棒堪加汝既發心當生深信只此一門
決了生死看一口氣不來畢竟向甚麼處去忽朝疑
團迸破眉毛祇在眼上一口氣演出一大藏教一一
毛孔中悉得究竟堅固無位真人在汝面門出入六
根門頭則放光動地也如疑情不破誓不休心直須
切上加切疑上加疑慎勿向人涎唾下別求開示也
若知到不到者大慈黃楊木高峯不夢不惺時識得
自己主人翁便好長伸兩脚臥

性本自清淨 非佛亦非生 十方諸如來
一門頓超出 的指因地心 具足果中行
知具得圓脩 了脩即圓證 不起脩證想
是名真解脫 如幻三摩地 彈指超無學
寧主無來去 旅客義斯成 計果求菩提
是名顛倒見 見性元周遍 物體本虛無
斯見與見緣 悉妙淨明體 云何於是中
有是及非是 因緣和合非 皆成戲論想
識藏如來藏 真性了然故 毫端寶王利
微塵轉法輪 是名報佛恩 豈待僧祇劫
欲究祖師禪 當提一句話 一口氣不來
畢竟甚麼處去 切上更加切 疑上更加疑
如坐鐵壁間 祇欲親迸出 一朝疑團破
捉賊驗真賊 雨打石人頭 剝剝論實事
世間出世間 如紅爐片雪 便好放癡憨
更不多饒舌 待了本因緣 再爲仁者說
宗說等錫上

無異禪師廣錄卷第二十六

無異禪師廣錄卷第二十七

住博山法孫 弘滿 彙編

首座法孫 弘裕 同集

宗說等錫下

示弘傳禪人

夫爲學者發大信心。成大力勢。於大乘圓頓法門。成辦大事。如覓諸味。先飲醍醐。復得餘食。知苦澀故。不然而於衆味中而生足想。聞醍醐味不生好樂之心也。大涅槃經云。我今當令一切衆生。悉皆安住祕密藏中。入於涅槃。何等名爲祕密之藏。具三德故。如六字三點。若並則不成。六縱亦不成。乃至解脫之法。亦非涅槃。如來之身。亦非涅槃。摩訶般若亦非涅槃。我今安住如是三法。爲諸衆生。名入涅槃。以此則知。如來涅槃。卽衆生心。是佛說我者。卽是覺義。以自心覺故。常樂淨義。悉備自心。故爲衆生安住。非爲佛安住也。如觀一微無體。眞如性遍觀者。卽般若無體。卽解脫性。遍卽法身。一塵中卽具三德。卽入涅槃。非縱非橫。圓融無礙。以此則知。一事一行。一一皆入法界。具無

邊德。是無盡宗趣。性起法門。無礙圓通。實不思議。清涼大師云。凡聖交徹。卽凡心而見佛心。理事雙脩。依本智而求佛智。或執理而迷事。或執事而迷理。而不知約圓明之智。成此事緣。又不知起行布之緣。求此理。佛當知卽事之理念。念果成。卽理之事。心心行起。不明斯旨。俱墮偏枯。約理始曰圓修。融事方成圓行。如亡情則染分自淨。眞體自明。無事則淨分自清。妙用斯起。如利那際亡情。則利那際染分淨。則三祇染分俱淨也。豈利那際忽染淨。忽情忽不脩耶。非比禪門失意之徒。縱情恣意。以染作淨。認妄爲眞。以不脩爲不修也。故曰道人者。不可須臾失照。若須臾動念。卽受羣魔。眞尙不爲。況諸穢行者乎。若不達此意。不諳圓脩。以不諳圓脩。不陷於脩證。則計無脩無證。俱落斷常。永沉邪見。故云修與不脩。自知時節矣。又當知曠劫圓於利那際。利那際證。卽曠劫證。利那脩。卽曠劫脩。一斷一切斷。一證一切證。一脩一切脩。故云彈指圓成。八萬門利那滅。却阿鼻業。非與執三祇而輕一念執。一念而廢三祇者。同日而語也。當知吾

祖師門下一語中須見血。如看一口氣不來。畢竟向甚麼處去。果知去處。則三祇果滿。萬德因圓。穿過荆棘林。打破琉璃碗。說因說果。說脩說證。說成佛不成佛。三十棒。越出三門外。何以故。功德天。黑暗女。有智主人。二俱不受。

欲究圓頓教。須發大信心。譬如飲醍醐。更不思餘食。無上大涅槃。一切衆生入。如來有密語。決定無密藏。三德一心具。縱橫悉不成。解脫卽法身。法身卽般若。圓融互無礙。卽入涅槃城。如觀一微空。三德悉具足。一事與一行。不離法界性。悉具無邊德。亦名無盡藏。凡聖交互通。事事融無礙。亡情染分淨。一念卽三祇。脩與不脩行。俱是兩頭語。惟吾祖師門。一語須見血。何妨荆棘林。不賣琉璃碗。二途俱不涉。弘揚深妙法。頓入不思議。傳燈永不絕。待了本因緣。再爲仁者說。

示夢西禪人

夫爲學者。看如來一大藏教。爲了生死大事。故譬如入海取寶。先求如意之珠。如上山採藥。首得阿伽陀。能療衆疾。如來一大藏教。唯說一心。若得一心。一切佛法。無不具足。馬大師云。佛語心爲宗。無門爲法門。知無門爲門者。運大悲心。說法無盡。楞伽經云。世間離生滅。猶如虛空。華智不得有無。而興大悲心。又云。一切法如幻。遠離於心。識智不得有無。而興大悲心。據此二偈。五法三自性。皆空。八識二無。我都遣。何以故。謂生滅之法。如空華。故謂心識之緣。如幻化。故圭峯亦云。識如幻夢。但是一心。知如夢者。夢不實。故知如幻者。幻性離。故知如花者。捏目成。故亦不可詰。夢之有無。幻之真假。華之生緣。何以故。若將妄窮。妄無有了期。故我世尊於楞伽會上。以一非字。法門。訓一百八問。於此脩學。頓悟自心。何待劬勞。肯綮。證譬如泥團微塵。非異非不異。亦如金莊嚴具。非異非不異。知是泥團。卽了微塵性。故知是真金。卽了莊嚴性。故真心識藏。亦復如是。何以故。一切妄想性自離。故經云。若見離自性。浮雲火輪。燒燬婆城。無生幻。離水。

月及夢內外心現妄想無始虛偽不離自心妄想因緣滅盡離妄想說所說觀所觀受用建立身之藏識於識境界攝受及攝受者不相應無所有境界離生住滅自心起隨入分別大慧彼菩薩不久當得生死涅槃平等大悲巧方便無開發方便果知七種喻中見離自性生死涅槃豈但平等如空華云何不成無上寶覺如知自覺聖智知一切虛妄法者即得如幻三昧以一切法無我故若知緣生無性破常見故無性緣生破斷見故即此二句超出外道一切見故其以末法邪魔熾盛正法澆漓用識心妄擬禪宗經無明咸稱悟道如吹水尋火掘地覓天坑陷無知墮無間獄當知宗門妙悟悉合聖經不落言詮離諸名相不了斯旨謂宗是別傳非關於教殊不知拈花微笑是四十九年吐露不出底一大事因緣也一大藏教是宗門中一條徑路實在直到故不打之邊耳如看一口氣不來畢竟向甚麼處去一朝打破疑團治世語言資生業等皆順正法況如來親行親到親證法門也

如來一藏教 爲了於生死 譬如入海者
先求如意珠 藥得阿伽陀 能療衆生病
若了唯心法 具足亦如是 心宗無盡藏
更不向他求 世間生滅法 猶如空中華
如幻亦如夢 智不得有無 如人夢村落
亦不識方隅 夢醒醒然故 不作東西想
何於夢境中 分別夢中事 一非字法門
百人問俱息 如疑團徹盡 非異非不異
又如金莊嚴 瓶盤釵釧等 但了金性故
一切悉假名 大悲巧方便 如七種喻說
得自覺聖智 入如幻三昧 緣生無自性
超諸外道見 宗是教之極 滿口吐不出
一條最徑路 更不打之邊 一口氣不來
畢竟甚麼處去 迸破疑團者 世間法常住
無有世間法 無出世寂滅 待了本因緣
再爲仁者說

示有文禪人

夫爲學者知諸佛立教有無量法門惟參禪及修淨

士是兩條徑路亦不可兼之良以行人力量微薄若兼之則心意雜亂當求一門深入譬如射的不施餘藝也若脩淨土先當發菩提心然菩提心以大悲爲種子故云我今發心不爲自求惟依最上乘願與法界衆生同得阿耨多羅三藐三菩提又如上品上生章中一者至誠心起信論曰直心謂直質無諂此心乃萬行之本二者深心謂樹心種德深固難拔三者回向發願起信論曰大乘心謂兼載天下不遺一人此之三心乃脩行初心之要行經云不發菩提心脩行一切善法悉是魔所攝持然菩提心豈但一發要念念發數數發一切時念佛回向即當發此心也彌陀經云聞說阿彌陀佛執持名號即得往生極樂國土當知此娑婆世界人心濁惡身口意業念念發生如單持一句阿彌陀佛萬德洪名似明珠投於濁水濁水不得不清念佛投於亂心亂心不得不佛所以雲棲師翁謂換骨靈丹者不亦宜乎若脩此念佛法門亦不必重於理觀如脩理觀心稍動念則觀不成祇將一句彌陀流水念去念教不念自念究竟到一

心不亂則理淨土得矣正當發願往生十萬億刹不在一心之外又云其佛光明無量照十方國無所障礙當知生此一土即生無量土念此一佛即念無量佛何以故理無分劑故若達此義即會圓脩一心念佛初中後善念念增長念空真念則生佛道交純是一心則佛生俱泯知一心具足萬德是名初善具行萬善是名中善即圓萬果是名後善以此則知彌陀國土去此不遠彈指即生何妨願往也豈但不遠即衆生心中念念有佛出世念念有佛涅槃出世涅槃悉是假名知是假名即當體離念若離念者即見常住法身則土佛斯顯矣涅槃經云若有衆生謂佛常住不變不異者當知是家則爲有佛何以故佛者覺義覺知此理性清淨故一切衆惡無能壞者故名極樂體無生滅故云無量壽此土此佛深生信向速願往生克期而入不可緩也若云淨土之旨已蒙開發參禪妙訣其意云何曰先不云乎但求一門深入孰與較其優劣也若論禪之一字三世諸佛滿口道不出沉著格能證之待汝向淨土中打箇筋斗來即問

汝一口氣不來畢竟向甚麼處去。纔生擬議則古佛過去久矣。麻三斤。乾屎橛。商量不著。便且留待別時。另爲道破。未爲晚也。

無量妙法門	禪淨最徑路	求一門深入
而得速成就	先發菩提心	潤大悲種子
自他俱兼利	端不爲己求	不發此大心
是魔攝持故	專持彌陀佛	萬德之洪名
譬如投明珠	能清於濁水	又如換骨丹
轉凡而入聖	果一心不亂	是名理淨土
圓融互無礙	光明照十方	一土一切土
一佛一切佛	初中并後善	念念圓增長
彈指卽往生	當體離諸念	卽見常住佛
是名生佛家	性本清淨故	衆惡無能變
至體離生滅	是名無量壽	永離惡道名
往生極樂國	更問祖師禪	滿口道不出
有禪有淨土	猶如帶角虎	文字及語言
莫能宣少分	纔云向上路	便爾唇齒結
待了本因緣	再爲仁者說	

示無遷禪人

性海本無際。淨穢交互通。但隨業用見。各得自受用。彌陀因地中。廣發大願力。現清淨土。相化彼念佛人。若人專意念。如子憶其母。想念心不移。分得心境淨。或觀妙色像。種種莊嚴具。憶觀悉成就。而得生安養。或於一刹那。卽得念不退。念空得見佛。彈指卽往生。稱此一佛名。三根皆普利。譬如摩尼珠。能雨一切寶。一佛名如是。成就一切慧。心淨卽土淨。佛生了然故。一佛一切佛。一切土一土。心外本無土。利利唯心現。若了唯心土。生彼卽生此。無生無不生。無不生不生。無不生不生。無不生不生。若了無生者。緣起互無礙。生則決定生。去則實不去。淨土妙蓮花。皆從自心有。淨心卽是佛。不可得思議。一稱南無佛。皆共成佛道。

附或問

示壁如禪人

或問華嚴是毗盧根本。佛門理事行相。輪圓具足。顯佛果位中。智慧德相。具足無量。乘故無量。乘者無不收盡。不知禪宗稱頓悟者。何教所攝。豈非清涼判頓。

教攝歟抑亦未及。回教者歟。曰華嚴具無量乘者。以佛果德相普示衆生。用成因位。使大心衆生。緣此頓入如水一滴。卽同大海。頓發圓機。卽衆生心中具足。如來智慧德相。此是教家極則。非比禪宗悟門也。如教家所能攝者。吾佛四十九年所說妙法。判教者無不盡。盡何故。復於靈山會上。拈花示衆。百萬人天。悉皆罔措。人天會中。豈無圓頓之機。又何待迦葉一人破顏微笑者歟。故世尊印定以教外別傳之旨。付囑摩訶迦葉。以此則知五教所不能攝。唯禪門能攝。五教如淨因。禪師一喝中。能分五教。豈但一喝卽一語。一偈。一動。一靜。皆純圓之旨。非悟入者可能彷彿萬一也。或禪宗稱頓者是頓悟之頓。非判教之頓也。良以教者貴在衆生。以期悟入。如獲悟者。豈教之能攝也。當知宗門中別有長處。古德云。此事不與教乘合。惟到者乃能知之。非諍言也。

源者不可以行得。如生在王家。天然之貴。豈禪宗稱頓悟。曰教外別傳者。過此而別有長處耶。不涉此大教而別有長處耶。曰是何言歟。經中分明向汝道。如來顯此果位德相。使大心衆生。以期悟入。其悟入二字。與言說之相。何霄壤之遠也。如言說之相。卽是而不期妙悟者。經不云乎。如貧數他寶。自無半錢分。縱知如來無邊法寶之藏。還如窮子。猶在門外止宿。草菴非已有分也。只饒頓入圓明。入不思議法界。未稱悟門。須知法身向上。更有事在。所以云向上一路。千聖不傳。如疎山仁禪師問。潞山云。法身之理。理絕玄微。不奪是非之境。猶是法身邊事。如何是法身向上事。潞豎起拂子。師曰。此猶是法身邊事。潞曰。如何是法身向上事。師奪拂子。摺折擲向地上。便歸衆。潞曰。龍蛇易辯。獅子難瞞。此猶是未悟底時節。便有如是作略。非跳出教家窠臼。何能得此利便耶。後開明招樹倒。藤枯句。歸何處。招曰。却使潞山笑轉。新師於言下大悟。曰。原來潞山笑裏有刀。當知宗門中。句不落言詮。只此一句子。一大藏教註。不破不與教乘合。

者愈明所以稱別傳長處者不亦宜乎

或問禪宗中以悟入二字超出教乘法華經中開示悟入佛之知見已具悟入何待宗門以悟入爲標的耶曰法華經中世尊入無量義定放白毫相光緣是天雨四花已印證說法華竟其會中大衆不解不知豈但悟入之者如予淨土緣起中謂法華是開示中一大事因緣拈花微笑是悟入中一大事因緣也故世尊從三昧安詳而起及乎三請復云吾今爲汝分別說法始說一大事因緣開示悟入佛之知見文云是法非思量分別之所能解良以教乘非思量分別則無可言說是以釋迦掩室於摩竭淨名杜口於毗耶智不能知識不能識非大悟門無絲契會故吾宗門中妙悟不在言詮其悟之一字如龍得水似虎靠山又如海船稍遇順風則倏忽千里非比教家終日說悟入而不求妙悟者哉果能思經中深義以思入於無思而悟入者此人三乘圓極教網所不能羈復從自心中能演出一大藏教如天台智者圭峯大師卽是宗門非教家人也於法華中豁然大悟向圓覺

經一言之下心地開通妙悟者在法華圓覺非在三大部及大小疏鈔者也吾宗門中人豈但圓覺法華卽犬吠雞鳴鳥啼花笑觸處逢緣皆能悟入如臨濟大師問黃蘗佛法的大意三次俱不領會復於大愚灘頭看破黃蘗用處便云原來黃蘗佛法無多子者便是宗門中長處非教乘所能載也

或問如師所云知無明無體便云本無又指非作故無本性無故復引知幻卽離等語便不假脩證如楞嚴謂理則頓悟乘悟併銷事非頓除因次第盡何以云一入理者便不用脩耶曰若如此說豈但楞嚴圓覺卽云以幻脩幻汝豈不聞中峯大師曰文殊普賢二章宛有稍借氣象如楞嚴經七處徵心心不可得乃至地水火風空見識七大圓融之旨根根塵塵皆發明妙明真體有志丈夫向者裏全身擔荷又何待劬勞肯綮脩證故吾祖師云脩與不脩是兩頭語又云脩證卽不無污染卽不得卽此不污染是諸佛之所護念不比教家楷定法則眞發明大理悟之一字亦須吐却況其脩之與證還留得纖毫蹤跡也無此

根 菩 意 相 華 受 摩 凡 八 之 戒 胎 與 修 山 平 故 與

語者如洞山大師偈云如荳草味如金剛杵正中妙
挾敲唱雙舉又云通宗通塗挾帶挾路錯然則吉不
可犯忤天真而妙不屬迷悟可謂悟之一字亦沾染
不得況三乘教理肯留些子朕迹故宗門入處掀翻
世界掉轉乾坤最極深玄所以云一大藏註不破法
眼大師云理極亡情謂如何有喻齊到頭霜夜月任
運落前溪當知初心即能超過一切法門諸悟入者
長處豈毫楮能罄之者哉

佛指生因心 是諸佛果德 復示佛果德
是衆生因心 因果交互通 佛生了然故
法界性緣起 順入不思議 不以此爲因
安得常住果 縱脩於多劫 不名生佛家
故說妙蓮花 開示佛知見 執果德行相
不能曉了此 凡聖懸隔故 自生優劣想
唯吾祖師禪 以此期悟入 教乘不能攝
能攝於教乘 超出法界量 迥離言說想
三千七百祖 展轉相授受 傳燈永不滅
行於異類中 頭角灼然露 咳嗽與拈臂

應機無等倫 是宗門長處 智者求妙悟
慎勿懷遲疑

示蔣月船居士

若人欲出於生死淨土法門爲第一彼佛歟阿彌
陀廣發四十八大願若能稱其名號者決定往生安
樂國彼土莊嚴最清淨水鳥樹林皆念佛七寶池開
四色花八功德水隨意樂七重寶閣遍諸天寶樹寶
網光交映行樹成敷衆寶花天諸音樂無間然得生
彼土何因緣自心具足佛種子彼佛願力能加持使
我行人易成就彼佛如母憶念子子若迷逝母何爲
子若憶母便相見即得往生安樂土

示等健行者

若人誦般若智慧如金剛最勝最堅利能斷拔緣苦
光燄燄世間破諸無明暗廣度羣生類實無滅度者
六塵本清淨不以塵生心根蘊亦復然亦不依識住
應知住無所智慧了然故聞經不驚怖四相皆遠離
初中并後善漸入漸增長不即亦不離不常亦不斷
三心不可得萬行悉圓滿世界非世界衆生非衆生

莊嚴非莊嚴。果知非非者。成就種種名。不住相布施。如日光普照。不久獲佛智。成就大悲心。

示吽然上座

性天清徹。塵雲而逐。于陰晴。慧月孤明。識雨而遷。于期味。所以情生智隔。想變體殊。示寂毗耶。沉痾馬祖。夫病者萬異。略而有三。何謂三。有不病而病。病中病。病中不病。不病者。謂世欲籠罩。苦樂憂煎。侵侵淨體。者是也。病中病者。謂汝現所染。更懼生死者是也。病中不病者。謂徹理知命。出生死者是也。昔有僧問古德云。和尚今日病。還有不病者麼。曰。有。僧云。不病者還來看和尚否。曰。老僧看他。有分者。便是病中不病底樣也。又云。病後始知身是苦。健時多爲別人忙。老僧自有安閒法。入苦交煎。總不妨。汝當觀察。病是假緣。從業有故。業從妄起。妄從心生。心既無生。病將安寄。嘆。

示袁夫人

嗟此閻浮極惡世界。無一可樂。縱有樂者。皆無常苦。空畢竟無。我有智之者。豈肯坐視百年。不求出離乎。

當知諸佛有入道廣術。八萬四千法門。唯末後拈花。示衆。乃指出教外別傳之旨。是徑中之徑。故唐宋以來。三千七百祖師。非此門而無出路。良以此門實發真信。信自己淨白心。與諸佛同體。圓同太虛。無欠無餘。無男無女。無勝劣。想發起猛利。頓明此心。不從外得。於十二時中。將一句沒意味公案。蘊在八識田中。爲入道種子。如看萬法歸一。畢竟一歸何處。行裏坐裏。著衣喫飯。裏念念提撕。如坐在銀山鐵壁之中。祇求出離。不隨第二念。故不起思惟。故不生度量。故不將經書引證。不求人說。破但恁麼參去。只教一念純真。祇欲迸破時節。到來。隨著撞著。千了百當。日用中當以此自勉。偈曰。一念純真處。大方獨陷時。機微宜密運。古道貴親知。白雪盛銀盤。清風品玉篴。通身都是眼。旋見始爲奇。

示不畏禪人

閻浮惡世。大可畏人。五陰覆心。食嗽慧命。有識者皆憚之。子獨號不畏可乎。但能以金剛杵。碎煩惱窠。以智慧火。燒無明薪。單提一句本參話頭。打破疑團。通

身是眼橫行。三界無敢當其鋒者。始不負此號也。不然動步則荆棘滿地。塵埃亘天。謂無有所畏。是自欺耳。又不可不驚也。偈曰。不從諸聖求真諦。畏向凡情雜道心。直使兩頭都坐斷。袈裟角上水泥深。渾無一物可當情。寶屑金沙礙眼睛。鐵壁銀山親迸出來時。古路坦然平。

示何惺谷居士

古德云。門裏出身。身裏出門。難以此觀之。直下無身。那容住足。向空植種。終沒收成。只須坐斷兩頭。向威音那畔。翻身十字街頭。進取一步。方可喫博山痛棒。若論宗門大意。總不出古人行徑。但向本參話頭上著切。不可以卜度猶豫之心。自障道眼。如一生不了悟。縱百劫千生。祇向外打之。遠遊遍闔浮世界。脚跟下厚得幾重皮。亦濟得甚麼邊事。若待脩了無明。去沙澄水。直饒到澄潭月影。夜靜鐘聲。未免猶是生死岸頭事耳。偈曰。大丈夫須自了學道。不學又做癡。莫做巧讀盡百王書。未免受拷拷。無義味話頭。宗門第一要。豈起白汗流。藏身孤月皎。鐵壁與銀山。只教

都靠倒會者。則逐浪隨流。不會則白蘋芳草。清高不上古人墳。昂藏何似而口好。

示惟岳禪人

祖師云。毫釐繫念。三途業因。管爾情生。萬劫羈鎖。既不許別生。異念則單提一句話頭。頓發疑情。疑情果發得起。則千萬人中。闢市叢裏。孤歷歷。峭巍巍。祇此話頭上。疑情不解。始是工夫得力。忽朝撞破疑團。摸著鼻孔。始可與博山話會。偈曰。話頭一句如弦直。譬如調象須全力。倒跨橫趨任所之。不與禪門存軌則。堂堂大路坦然行。大海淵溟徹底清。拗折驪龍頭上角。珠光閃爍不關情。

示量如禪人

如來一大藏教。是箇切脚。且道切箇甚麼字。以字不成。八字不是。既然切不出。當看一口氣。不來畢竟向甚處處去。將此一句子。如持金剛王寶劍。誰敢當其鋒者。又如臨大敵。毋容眨眼。只欲決勝。始能破生死之牢關。斷根塵之識浪。也不然。豈但一生空過。卽百劫千生。未有了底日子。有志之人。豈甘心自棄。六祖

祇是箇挑柴漢放下柴擔便乃知歸彼既丈夫我胡不爾但在自之肯心非干人利鈍也當知肯之一字如換骨靈丹其猛利究心者可不勉乎偈曰話頭一句如弦直脫死超生過反仄不於此際見根源只待當來問彌勒去處不知肯自休水冷霜枯迸出頭贏得腰纏十萬貫忻然騎鶴上揚州

宗說等錫下

無異禪師廣錄卷第二十七

無異禪師廣錄卷第二十八

住博山法孫 弘禪 彙編

首座法孫 弘裕 同集

書一

與鄭方水大宗伯

頃在樵陽聞德星光臨樓鳳及拜領佳什珠璣滿案鏗鏘作響至講經座本以無舌證一章費辭甚喜大居士不易到此田地必有大發明處非彼常情詞翰

詞華供詩料者也昔夾山大師囑洛浦云且莫草草匆匆截斷天下人舌頭即不無怎教無舌人解語彼時赤尾金鱗早向蘆花裏醃殺矣仰山偈云一二三三子平日復仰視兩口一無舌此是吾宗旨伶俐衲僧二三十年做工夫到此未免結舌芙蓉云無舌兒童能繼和正所謂向上一路滑如苔大居士何以得之便利若此資稍恨未親接台頭徒于言下操勺蠶以測無涯餉再借清光照臨薛蘿共談海印三昧使靈源幾片石咸爲點頭乃佛法之靈驗耳

與詹定齋廉憲

自去歲奉謁奇遇欣躍謂禪與淨土兼有之矣輪教遠頒若猶有意于愚師弟者何謙抑亦至於此竊謂毗盧性海人人具有從上諸聖語言及諸家公案無非發明茲義總在學者見解何如居士書中超脫之見即是此境現前一了百了更無二語若曰明于此或昧于彼恐尙是意識中得來非性地上徹悟耳雖然大善知識種福田植慧根何難于此道也即以居士勸業較量之聞中品士尺幅證心塞外閱兵

一鼓作氣。文經武緯。用無不宜。第令持此向最上乘。中直是玄鑑洞觀。單刀直入。氣象貧禪。將翹首居士。了。一大事因緣也。

與鄭雲梅司理

別傳之道。自世尊拈花迦葉微笑。二十七祖傳之。菩提達磨觀其宗旨深奧。非大聖無由開化。趣用整密。非圓機無以領略。大士航海而來。直接上根。每遭耻斥。故面壁九年。俟時揚化。至二祖安心斷臂流血。而見骨髓。三祖懺罪。瘋顛病差。作良模信。大師徵詰。明佛性于少年。盧行者風。幡涼真金於大治。自後金雞。銜粟南嶽。廐裏跳出馬駒。而秉命尋思。青原山中笑看鱗角。江西一踢。四十八員。斷命根于彼時。捏轉鼻頭。盡大地人。領全機于此際。及乎五家派出。或揚眉瞬目。豎指擎拳。打鼓吹簫。揮戈舞劍。無非助揚一大事而已。豈有他哉。五宗則首出溪山。父子唱和。暗機圓合。撼茶則體用雙彰。耕田則事理俱顯。臨濟則直下妙用。活中要箇死人。一語中具三玄。一玄中具三要。有照有用。立主立賓。非上根利智。孰能究其涯量。

哉。有時一喝如金剛王寶劍。栗棘蓬從此渾吞。有時一喝如踞地獅子。金剛圈還斯返。都仍觀法眼一派。則何止惟心全提。正令耳色眼聲六用互施矣。雲門則高低一顧。萬象齊彰。擬議之間。則橫屍萬里。故云。顧盼猶倍句。揚眉落二三。獨洞下宗旨。不附物不立玄。以寶鏡三昧。照學者之肺肝。若臣五位。以辯金鑰。雲水交參。而分玉石。不犯當頭。不居正位。若機紐銜于樞口。轉處幽微。以絲紗吐于梭腸。用時綿密。大理本無二致。門庭施設。萬端豈非雲月是同。溪山各異耶。如上所言者。居士本自具足。又何待貧禪葛藤如此。知居士是箇中人。必證箇中話。敢惜乎口業也。居士欲要大安樂處。須向者葛藤裏。一一透過。始得還肯麼。此時若不究根源。且待當來問彌勒。

與趙□□司理

貧禪草野疎陋。承獎借過分。且詔以靈光獨露之旨。使振百丈家聲。自愧何堪。誠知大居士得此光明。幢相三昧久矣。故能以此光回照一切。每惟末法中。士大夫不屬佛謗法。幸矣如臺下深心力護。如已眼目。

非徹照佛乘廣行慈願執肯擔荷如此耶然知大居士雖作如是廣大佛事亦不作佛事之想雖發露此光而光非存照故盤山祖師云心月孤圓光吞萬象光非照境亦非存此正與大居士機理相契處然下文云光境俱忘復是何物者裏到得便知云似地擎山不知山之孤峻如石含玉不知玉之無瑕學道入得此箇境界自然生死心破智不能知識不能識如來禪祖師禪一併打徹矣教中所謂絕心生死伐心稠林浣心垢濁解心執著塵勞佛事皆爲遊戲出世入世云乎哉大抵貴在一念生死心破自肯承當而一切處自然法身獨露如青天白日一毫遮障不得若有絲毫疑情未盡即障道眼古人云一瞋在眼空花亂墜昔長慶稜禪師坐破七箇蒲團因捲簾廓然大悟乃作偈云萬象之中獨露身惟人自肯乃方親多年誤向途中覓今日看來火裏冰此卽生死心破承當自肯樣子也古人深山二三十年草衣木食眞參力究蓋爲此耳貧病自幼出家參尋頗力情關理路百揭千翻直得伎倆自窮所謂獨露者雖欲隱

而彌彰不知其然而然至今喫粥飯始知甜耳以臺下家裏人說家常話非敢馳騁機解自揚家醜蓋承以靈光下照故爾借光放光然亦自知不揣其量焉山云此宗最妙難得其人末法宗風掃地久矣僧中寥寥不意續紳先生猶見居士所謂清獻公再來非耶承大教辯明實際無物不有無物不空眞俗二諦於中影現無法也而假名爲法無身也而假名爲身此眞性一段光明開發顯露清淨無礙如朗月處空無不現者至云潛思于雪年根力純熟如此則十二時中固不待提撕話頭如香象渡河截流而過一超直入已是漸言耳第禪宗向上不說法身邊事要在機用回互深含獨占古人云懷州牛喫禾益州馬腹脹天下覓騎人灸猪左膊上此語亦不可作道理會亦不可作機鋒契要知十二時中潛行密用築著碁著不差毫髮徹見佛祖骨髓命脉則如居士所云縱橫自在御風而行者也若然者不把繩頭而繩頭自把卽此繩頭復是何物上堂洵口而道爲好事者錄而成集忽被居士觀破又添一重公案也第據讀

佳製霍然忘暑所謂薰風自南來殿角生微涼倘因
合刻永戴法雲

上慈山大師乞壽昌塔銘

恭惟大師最大圓慈無上善聚觀慈容而入道聆警
咳以銷煩末世法幢昏衢慧炬某於暫維便耳鴻名
幾欲向往未遂瞻光雖私淑慧燈而衷心結丙申
年參見先師壽昌和尚把茅之下量兎角之短長頓
拳之間持虎鬚之返復稍知去就便爾樵牧之間于
茲二十餘年矣去歲爲先師入塔得觀師贊章悲喜
交集哀哉切心自忖謂先師大光明藏于斯透露不
泯卽欲趨領教益借慧潤以展遐思多歷險緣行行
中止今春縉紳先生輩乞銘靈塔某謂非大師筆力
不能傳先師之神衆咸默然悉從末議敬遣小徒輩
登山丐請伏惟慈尤以慰渴思豈但不肖等得沾濡
法恩卽先師于大寂光中致謝無已耳

與沈東華廉憲三

春日得聞報知福星照永谿也此非小緣皆湖東子
民善因所致惟林下人鄙陋不敢前蓋公門中非僧

家行處祇焚香遙祝而已承輪教豐儀仍問及宗乘
中事豈但爲僧者得沾惠澤卽三千七百祖師公案
亦復重宣也臨濟大師云一語中具三玄一玄中具
三要此善知識臨機慧辯三玄三要未兆之先已通
身突露非臨時湊泊如旃檀本香借火薰則分外香
若以火論香則辜負旃檀若以言句中討玄要大可
笑也諸家錄中皆下語大似以鷄粉喻雪雖色相似
去雪實霄壤惟汾陽頌云三玄三要事難分得意忘
言道易親一句明明該萬象重陽九月菊花新灼有
真旨大居士切欲發明斯道在臨濟喫棒因緣上會
去則待客迎賓拈匙把筯三玄三要問可知其或
未然父母未生前那箇是我本來面目烏紗蓋頂黃
金束腰傀儡一棚不加線索則生死暗然無寄本來
面目是甚麼碗脫丘三玄三要留待台駕入山時再
作箇話會也

讀輪教不能釋手知居士靈機浚發皆夙生般若慧
之所成就非常情可及也惟祖師門下言句如煮木
札羹如炊鐵釘飯不可以智知不可以識識惟悟與

悟乃能明了。若謂某爲三玄句。某爲三要句。某爲先照而後用句。某爲照用不同時句。正所謂以管窺天。以蠡測海。多見其不知量也。大居士決欲發明此一件大事。赤肉團上無位真人。在六根門頭放光動地。不得當面錯過。若錯過時。百劫千生未有了底日子。將前解路如斬一握絲。一斷一切斷。更不相續。無位真人是甚麼乾屎橛。但怎麼死去。一朝知痛癢時。向大愚肋下築三拳。是大丈夫作略。非分外也。若依章附木東引西證。說心說性者。可請一義學沙門。將三經五論細說一遍。禪之一字。拋向萬丈深坑。過不可說不可說劫後。再可談不了之緣。未爲晚也。不識大居士於此事甘心乎。

昨承諭入道實在真實。真實二字。誠入道基本也。不識居士於真實處。曾入道乎。少林大師云。外息諸緣。內心無喘。心如牆壁。乃可入道。果得心如牆壁。則真實二字。不言可喻。若心中揣賺。生諸解路。早是不真實。欲得心如牆壁。安可得乎。果得心如牆壁。正堪入道。若以心如牆壁。便欲住足。祇是箇心如牆壁。漢不

堪與語道也。然心如牆壁。不容易到。有一等人。將妄心遏捺。令心不起。謂之心如牆壁。大似水上按葫蘆。從少至壯。從壯至老。欲得心如牆壁。無有是處。真是箇死心人。將一句話頭。纔方提起。如吹毛利劍。觸其鋒者。卽喪身失命。欲其別生一念了。不可得。連真實二字。安亦不住。斯二字。誠爲入道之基本也。大居士日用。以此可坐進斯道。不然則彈指一生。可謂錯過。了也。真實云乎哉。

與林季翀大宗伯二

隙駒易流。與大居士兩易寒暑。以慧照觀之。靡隔朝夕矣。適捧翰教。忭躍無量。經世出世一大因緣。撞破從前關。極自是有力大人也。居士當一肩擔荷。又何慮誤墮落哉。夫性命者。宜直下會去。如會去。則眼見耳聞。與法界體同。無纖毫滲漏。圓覺疏云。德用無邊。皆同一性。性起爲相。境智歷然。相得性融。身心廓爾。居士於斯。見徹憂慮不能榮生。死不能繫。遊戲世間。京都鄴都。浩浩皆菩提道場也。更徹見淨土宗旨。白太傅。須要讓居士一籌耳。其或未然。但看念佛者是。

誰行裏坐裏一切事物裏只要看破此誰字忽朝摸著鼻孔阿彌陀佛不向別求也

舊冬承輪教謂人生五十不知性命所在此爲誠言非套子語也當知此事萬劫難逢千生罕遇既知有此關樞若不發明肯甘心耶祖師答見性偈云在眼曰見在耳曰聞在鼻嗅香在舌談論又云遍現該週沙界敗攝在一微塵大居士可將此偈細看一遍眼所見耳所聞不逐聲色畢竟是何物也世人都被聲色所轉輪迴六道無有了期一失人身萬劫不復可驚可怖可懼可畏如有智者當于此著忙世間功名富貴決定繫絆不得何也身非我有況身外乎看破此境界十二時中深追力究念念不移決欲發明而後已若能返照直下無第二人動轉施爲無虧實相視生死如夢幻觀世界等空花永嘉云大千沙界海中漚一切聖賢如電拂如此做一箇凡聖不拘底大快活人世間之樂事百千萬倍胡足爲比他日向樓鳳嶺頭拍掌一笑何也笑此老婆心爲騰語耳

與余毓瞻郡丞

逢人即問知居士貴恙未瘳甚是挂意良以生此極惡世界有身即有苦不待病時是苦從少至壯乃至出仕做官種種運爲莫不悉是苦境公曾在苦中穿下過來何云今日方纔是苦要知法身苦不能及劫火洞然我土安隱居士當確實正念不以此苦退菩提心不以此苦生退墮心當看此身如弊垢衣如夢中像生歡喜心管他今日去明日去如船子和尙水喪降魔和尚火化是謂之捨苦趨樂如此捋得壽亦可延病亦可愈古云外其身而身存斯之謂也縱是便行當撫掌莞笑做箇強底漢子使後人發心不可畏首縮項退他人信心公之福也我忝知識不得不盡情向公道破

與沈□□孝子

接來書知居士操履不羣三十年前酒色場中就闖半世三十年後始發清淨心看即腫即臭即爛頓起疑情即陳眉公啓迪也余每看眉公書似挫抑禪門此開示學者又似傍禪家門戶孔子顏曾思孟決無此等語此語似初心禪者口氣但使人在色身上作

活計不能深入性地。何但死了便臭爛。即今色身水火稍不通流。即臭爛。又何足疑。閻僧又云。髮毛爪齒不知痛癢。此是箇眉公。脚踏走底漢子。即今幻妄色身。還知痛癢麼。爛壞底是甚麼。臨濟大師云。赤肉團上。有一無位真人。汝等諸人好看。又云。無位真人是甚麼。乾屎橛。此是出生死底要津。斷知解底利器。此無位真人。還爛壞得麼。一朝病來。手忙脚亂。便是認定箇色身。不肯放下。生平履總不究竟。正所謂擔佛傍家。走認驢鞍橋。作阿爺下。領居士將平生所知所解底盡情放下。但看箇無位真人。是甚麼。乾屎橛。深追力究。頓發疑情。行裏坐裏。著衣喫飯。裏只討箇下落。忽朝打失鼻孔。始知爛壞臭爛底是場笑具耳。余曾說板在蘇州。是余生平行履居士。請一本。可以坐進斯道。他日漆桶脫時。還幾雙草鞋錢未晚也。

與余文台居士

生死事大。無常迅速。來驗最爲肯綮。但要發明生死二字。將此二字做箇貼肉汗衫。行住坐臥。看生從何來。死從何去。或單提一句亦可。若一句上徹去。千句

萬句。一時徹去。無邊佛法。自然通曉。毗盧遮那佛華藏世界。悉自心受用。大小二藏。從自心流出。非外來境也。心外既無境。可得生死二字。安放甚麼處。居士決明此事。但怎麼看。去決不可圖箇小歇場。亦不可攪棄世緣。守著靜體。亦不可從人語句上。生出解路。亦不可作體。伺解會。自生滿足。想只教生從何來。一句子。摸得粉碎。始是大安樂田地。也不然。盡是落草落水。認著能。識底。喚作一雲。真性正所謂認賊作子。即今貴境。稱善知識。指示於人。如是師。如是徒。以燕石而寶之。以瓦礫而珍之。他時生死到來。自然七顛八倒。胡思亂想。裏面野鬼。搬弄將去。修湯爐炭。則樹刀山。饒他不得。爲伊平日。稱口頭快。便破佛毀法。謗善知識。誑陷人家。男女也。居士但如貧病所示。或看禪關。策進。博山警語。及徑山圓書。悉能助發機緣也。

與吳觀我太史二

往返生生社。與居士清談。將半月。如坐毗耶城正所。關彼上人者。難以酬對。然不二門。向上更有事在。故

云不可以智知不可以識識譬如入都城四會之衢
非行到不能親歷諸境。嗟夫此道閉之久矣。投子遠
錄公將五百餘載其間提唱者罕得其人生死分中
似不可以解心。敵如南嶽見六祖。德山見龍潭。大有
樣子居士於此但當盡心。單提一句話頭。孜孜不捨
以期大悟。若微見根源。即無明結使不斷而自消。根
識境緣不澄而自殞。可謂靈丹一粒。點鐵成金。自不
與諸法門較優劣。縱不悟。站定脚跟。終有到家日子。
如不信斯道。三阿僧祇劫。始能成就。古德云。拌此一
生乃至三生。必能打徹。豈欺我哉。如看一口氣不來。
畢竟向甚麼處去。此處字上要切要緊。切不可將經
書引證如教中。謂無去無來等。是毒藥不可沾著。
一點但資深。迫力究。決定要討箇下落。如前教案中。
有相應法。急須吐却。或澄心瞑目。寂照相治。虛靈不
昧。觀法無我。乃至究竟不即不離。及事事無礙等語。
在佛法中。謂之入理深談。在參禪人分上。謂之野狐。
涎。所以云。鳳紫金網。趙魯漢以何期居士不可不慎。
資。不得不盡情吐露也。

資。猶生少智慧。唯參究一念子。蓋切今與居士論及
宗乘中事。譬如居海者。不問江河淮泗。惟以海印印
之耳。所謂看話頭。六代相傳。未之有問答之際。一語
中放不過便。頓發疑情。如能大師問南嶽。大有樣子
自後諸家。激勵皆曹溪一箇印子。上來居士于此須
發起大信心。要徹生死。決從斯門而入。捨此別求。是
岐路。非禪門捷徑。于此事上。決不可生疑。決不可以
教乘中印證。所云散位獨頭。緣起緣滅者。祇須切之
一字。是破意識利斧也。禪警語。大慧回書。禪關策進。
悉能助發。如參究一日。得一日實用。縱一生不明。亦
不妨具成佛作祖底基本。古所謂但辦肯心。必不相
賺。承諭浮山聖道場。處自有天龍擁護。資。猶似不能
應命。山居人事。叢難年臘。漸長。兼以病魔日至。每欲
捨衆入深山窟谷。以度餘年。說法境緣。付囑於大地。
有情待時節發生耳。齊羣玉居士。纔發信心。須臾即
沒。無奈死魔壞善。提心印大可嘆息。唯居士體認自
己本命元辰。莫管他世界成壞。永嘉云。大千沙界海
中。漚沤蘊中。一隣虛起滅耶。

無異禪師廣錄卷第二十九

住博山法孫 弘滿 彙編

首座法孫 弘裕 同集

書二

與何芝岳相國

人生緣遇不易得。歸向三寶。倍復爲難。惟居士深入佛乘。靈苗智種。天性帶來。而究竟一念。子肯心自許。其肯心二字。誠進道之基本也。昔人云。我得百丈一句語。做宰相。此話一行。使天下人皆知有佛法利益。甚大。非世間功德可比。希居士覺理之日。毋忘此一句話頭。十二時中。幸以大法爲念。直欲進。略上古洞鑒。今時日。應萬機。不壞不離。觸境遇緣。若臨大敵。欲勝重門。欲開猛浪。中欲登彼岸。大旱時。欲得甘霖。思到思不及處。忽然摸著鼻頭。原是舊時面孔。端不借別人纖毫力。若以世智辯聰。揣度道理。定信不及。唯有力大人。一担擔荷。更不搖頭轉腦也。此事誠難決。不可將經書上印證。不可遏捺妄念。不可使自心空寂。凡諸動心。皆成藥忌。諒居士已深鑑此。意不待贅。

納贊語耳

與蔣一个文學

泥途雪境。勞往返三百里。而作衛護法喜之親。過于骨肉。第此心難發。果能發起。即菩薩行利他行。非恒常人也。然利人者。必當自利。藉塵勞業識中。提起一句話頭。以期悟徹。居士當決定發此心。若不發此心。是謂之脩福。非脫生死。此心一發。塵勞業果。自不能繫決。不可避喧向寂。以塵勞爲障道。此是小機。非有力大人。昔趙清獻公。青衿時。便參究。至做官。始悟道。張無盡就仕路。參訪。做運使。親見兜率。此二公大可爲人眼目。居士又不可不學。以貧病意。謂單提一句話頭。只管盡情讀書。話頭在。念根塵不偶。境緣不入。書亦當有深進。自然華文麗藻。不與世間讀書爲比。若曰參究妨讀書。讀書妨參究。此非上根利智。幸留神勿忽。

復□□□侍御

華嚴疏云。一夕之夢。翱翔百年。居士肯信百年之夢。在一夕否。若能知此。則延促同時。遐邇一致。無邊利。

海全在一塵豎窮橫遍則無間然如此則與居士一會則一切時一切處悉會又豈但語言相親根塵相偶然後爲會晤哉于此倘未能警地可將一口氣不來畢竟向甚麼處去單提此一句話頭行裏坐裏著衣喫飯裏不可須臾間斷忽日撞破疑團以破此百年夢境則世間之羈辱自不關心世間之樂事自不能爲礙也貧病遊浮渡時得聞居士上荆楚不知急水灘頭曾吸盡否百草頭邊曾會意否若吸得盡會得意不可以龐家兒女爲軌則不妨乘小艇跨鄱陽而上博山與道人相見烹活水聽松音又是一番清境也他日宰執權衡爲護法金湯不待貧病多囑耳

與何惺谷居士

居士生平操履余甚愛之但知見太博恐悟門妨于進益世間因緣等事似不必太勞攘只須按下雲頭睜開隻眼提金剛之利劍懸肘後之靈符發諸人未發之心到祖佛不到之地不然恐就著解路未免有算沙數寶之譏紅紫亂朱之誚居士具大力量但爲人太勁挺初心者難得親近大凡與縉紳及始發心

者相見時以法啓迪之以慈撫之以悲救之以方便導引始得機感交孚乃法門要徑耳

與徐止觀居士

承續末法下衰魔風熾盛宗門冷落主法無人余嘗于此撫几長嘆可謂襟期不隔千里同風但不識于此事中曾警地否若此警地不妨向祖師門下拋磚引玉撮土成金垂手將來與物作則盡大地是魔直從魔隊裏穿下過盡大地是佛直從佛頂額上行然後向佛魔不到處解三玄戈青碎五位鎗旗黑漆桶裏鑿鏡辨色無影樹下嘯月吟風脚跟下動步觀體與博山相見尙未得如是禪警語不可不細嚼一遍提一箇無義味話頭做一場沒巴鼻勾當一朝迸出頭來渾身當宇宙求其一衆生相了不可得何物在迷何人在悟居士與博山長太息悉屬語也貧病掃一坐具地與居士作不動軒不識居士以爲何如也

上樊山王

殿下天然貴胤乘願力來遊此堪忍世界導引群生然行海重重須懷兼利交互融徹與法相應又至理

深玄非參莫透。靈心絕待。實發親知。知與行符。名之曰智。紹隆佛種。其利博哉。殿下是過量人已入密印。三昧不待資。禪發語耳。小徒歸承。瑞章龍。賜知殿下有夙世之緣。倘春水浪高。不妨乘舟舞棹。向博山浴龍池。逢場作戲。發納命侍者。別甌炊香水。鳥樹林當爲殿下談實相也。

與陳熙塘方伯

疑情不起。是生死心不切。似與前論中不相符合。果生死心切。是誰二字不明。安得不疑。疑情頓發。心意識尙不起。況解路乎。雖兼淨土。決不可生自足想。安隱想。斯二種是究心人。大病居士不可不知。識得是病。終不陷此二途。祖不云乎。不斷慧奴。誓不休。彼既丈夫。我胡不爾。是誰二字。是斷心意識底利。并觀解路底垣。牆出生死底要津也。參此二字法門。如轉信背水陣。不顧危亡。始得相應耳。只此一生。判百劫千生。不了底公案。有智者當以日代歲。身可寒。肚可饑。不可使話頭有間斷。只須進破疑團。心意識及解路。冰消瓦解。始得大安樂。是大得便宜人。百千萬倍不

足爲此也何如

復余集生居士書

大法之東流江左也。自康僧會始。於是趾其後者。代有隆替。而佛會之廣。薦禪宗之編。集於以不負付囑國王之慈旨。則自我明皇帝二祖始。而一時從龍之臣。如沈翰林黃侍郎。一流人皆毅然以弘護爲已任。此建業故事之可尋者。是故毒鼓不震於帝都。多遺遠死法輪。不轉自王臣半屬小機。和尚一國之師。人天之眼。而三十年來。若將有避焉。以偏處於江之右。抑亦興言及此乎。日者弟子。將不甘作門外漢。自遠趨風。一往入室。分驚王之臘乳。竊獅子之片毛。掉鞅而歸。便自稱尊。無佛處。痾漉漉如裨販。然冀以化此一方之五印。而都人士之羣爲雄者。自是而效拙秀才之所爲。於整業中。知有丈夫事也。而王孫公族之號最貴。踞者自是而效邵陵之所爲。知有七處九會。四諦五時事也。而進賢輩之日支月支。不萬羊不屬賦者。自是而效顧清臣裴公美之所爲。稍稍不諱浮屠法。

知有四依十地及流水寶勝事也。夫弟子輩而分
臘乳竊片毛也者。以試之同類之攝入上求下化。
斯既然矣。況在和尙眞獅子眞鷲王來此。驢羣鴨
類之中。諸所攝入。又何似夫弟子輩而不忍同類
之愈際。愈沉尙不斬小慈思。一引手。況在和尙普
觀大地有一衆生不佛。若已推而納之泥犁。此之
爲興慈運悲。又何似而時至化起機熟。緣生意者。
今茲適遇其期乎。此自和尙意中事。又何假弟子
褻喋喋爲哉。和尙其惠然肯來矣。鄉先進自儀臺
僕大夫以下。若而人。宦陪京者六曹以下。若而人。
世守則元勳以下。若而人。實有問心謹用。雖列名
狀。贊香遙禮。使而行自是。勸西望。日日以繼。
如歷饑渴。和尙其來矣。弟子輩一番拮据。煩費手
口。總之從佛法起見。何敢告勸。萬期憫我專愚。且
無使我不誠於初發意之俗漢。而因以阻若輩後
來之轉機。則幸甚幸甚。菩薩戒弟子道裕再稽首。
旻昭陳居士爲弟子輩。無師社中善友之一。今爲
南中四衆。捧刺跋涉。不辭勞勩。此亦其猛利之一。

端矣。所期和尙莫輕放過。先與三十痛棒。遣歸以
爲和尙前茅可也。裕又白。

又

自參和尙後。覺向來胸臆間雜毒。被少分醒。開洗
發願。盡歸來筆研付之。祖龍書籍付之。龜犢文室
而外。一物不將。獨是坐斷十方密移一步。粗知奉
教而行。而長安甚闊。我國晏然。且喜歸源有路。中
間自信得力處。是去冬解組而歸於凍舟中。結八
十日不語之期。所謂佛也沒奈何。良然良然。若問
某甲見箇甚麼。纔開口。便自肉麻了也。初春接慈
札。極承護念。不翅方外毛裏。擬致報書。請益迫於
王程。遽感舍人裝北上。職此阻滯。時產失乳之思。
今茲啓請。舉自夙懷。寔從會議。因念九到洞山。三
上投子。舍身求法。應非居士所饒爲。而西遊三十
國。遠屆五天。爲法求人。則有顯師之風。在況復懶
道人。宴坐石室。四祖自來。牛頭不往。秣陵往事。大
底如斯。惟和尙念之。邇者鍾阜間。大有道人氣。亟
擊勿失可也。不者一枝橫出。別調風吹。徒使曹洞。

印文久成剋敵而假年五十法嗣未弘甚無謂也
弟子務方以詩偈爲戒聊取襲休語爲和尚誦之
曰一千龍象隨高步萬里香花結勝因擬欲事師
爲弟子不知將法付何人弟子道裕再白

震旦法席之盛無越於帝都雖代有隆替悉係因
緣非智力所能強也惟我明聖祖神宗受靈山付
囑建立三寶弘通大乘是以天雨寶華壇呈奇瑞宰
官開士傾心法暨實千載一遇應斯嘉運也二百年
餘芳規未替戴德愈新林下山僧朝暮祝誦未能報
其萬一豈敢效癡癡輩不思弘法深益且念正法將
沉魔風熾盛稱悟稱證者已遍域中付拂付券者幾
盡大地痛思古格爲法重人寧以身陷泥犁不將佛
法作人情是何心腸今時急於法嗣忘其遠憂是何
意調獨掌不浪鳴隻輪無單運擬欲遁逃深山不忍
見此荼毒而居士復以慈心三昧見召將令不慧復
爲焉婦乎宗通說通內護外護居士似無愧公美印
高敏利心孤嗣乏某實黍暉運耳旻昭橫逼老人出
山殊乏丈夫氣象剛刀雖快不斬無罪三十棒遠寄

白門擒賊必先渠魁未知集生果能赤體承當與否
百年曠茲盛舉何異慣創快觀肥牲兩載疲於津梁
猶如麻夫曉彼巨鼎且浮山雙徑先聲已到諸執事
人攀轅恐後今年決不出山語已在前意欲踐後倘
違初心以赴徵命難辭衆口進退維谷居士其代我
商之一芥瞻天毫端含利邊隅都會執劣執優今古
異局彼此殊勢易地未必相爲契合同異未可一轍
而論若必按圖索馬忍劔去久矣高明如居士諒必
不爾或是爲法心深意圓而語滯耶

諸大檀護未及徧復幸宜鄙懷統希炤亮不盡

與余集生同卿

舊冬與居士熟曠昔之緣雖爛翻舌根痛加激勵實
無他念只教透徹向上一路方稱貧病本懷別後甚
爲悵然及度嶺間地善信歸心如雲諸祖芳塵清芬
如烈似不滅吾鄉也頃聞恩擢法門幸甚正好藉此
時節廣益佛乘大凡諸修行人多被二風所觸逆境
中能發人道意如見危思安順境中多打失正念爲
情想所溺諒居士具大智慧畢竟二途不涉然不可

不知禪警語不可不熟讀。功深力到。忽朝摸著鼻孔。祇在面上。始信吾言不謬矣。應事接物之時。來則赴。去不留。以寬恕二字作座右銘。亦可爲助道光明種子。幸居士留神焉。

與陳若來使君二

瓶錫過貴郡。方登岸。卽蒙台駕。枉顧談及宗乘中事。大發肯心。歡欣無量。別後六日。登鼓山。讀旌孝善果。二錄足見居士一片慈孝婆心。超出常情萬萬。也然人生如芭蕉。無堅實相。又如作客寄住旅亭。雖有旨酒嘉餚。安隱快樂。自非久長。惟智者必尋歸家計耳。視此四大色身。如幻如化。一氣不來。作何究竟。此是吾人一件最要緊事。於此不忙溫飽之餘。悉爲別人忙。卽溫飽亦是分外事。況其他乎。希居士慧發富機。毋容暫息。將一口氣不來。畢竟向甚麼處去。一句子孜孜切切。只教破者一著。始是大安樂處。切不可從人言句上。討分曉。不可將經書上印證。不可默照澄思。以爲得意。不可因循。循虛度日子。二六時中。祇是一口氣不來。畢竟向甚麼處去。忽朝迸破疑團。

如駕輕車而遊熟路。不亦樂乎。放生業。悉能助發機緣。若得其所。廣其悲願。是貧病至望。

聞貴恙心甚懸懸。恨不能縮地一晤。想居士世間境緣。不能動念。一出世時。悉是順境。惟此現前身心。珍愛護惜。從護惜中。水火不能交濟。便成病苦。欲治斯病者。先當看破此身。悉是假緣。無實主宰。如夢如幻。病自可救。良以從業有故。業從妄起。妄從心生。心卽無生。病將安寄。十二時中。當此諦觀。則病不待藥而自愈也。善養者。不知有身。不見有世界。對境逢緣。如木石相似。但看父母未生前。那箇是我本來面目。將此一句話。頭切切看去。毋容起第二念。是名善調治矣。居士具大智慧。似不待贅語。要在方外之交。不得不盡情說破也。

與徐澹初孝廉

董嚴話別。倏忽一紀。頃與門下晤對。緣不易耳。參究一事。幸深留意。不可忽。不可忽。想吾人生此閻浮如漚。如沫。聚散不常。一氣不來。身非已有。就此不實境界中。當尋箇大安樂處。一口氣不來。畢竟向甚麼處

去此去處不明則生死暗然不可不著忙耳如參究一事切不可先下註解不可思惟卜度若註解卜度是謂之藥忌于參究分中了無交涉只將一句話頭著衣喫飯處動轉施爲處畢竟向甚麼處去一朝衣線下迸開自然七通八達三千七百祖師言句皆一場笑具耳

與陳四游中丞

貧衲行業無補主持宗門無甚長處惟一肯心自許謬爲先師印可自謂藏身幽壑以保餘年不意往來禪者以情量推之遂使水漲船高名過于實愧也何如貴境鼓山聖道場處如以立沙黃蘗長慶雪峯每欲登攀無由克就何幸檀越乘願力來城墅法門與揚三寶況以楨榦宏猷廟堂遠略爲出世間畫一籌策類風復振于今日氣象更新于此時其功德熾然非毫楮能罄然依正互融真俗雙顯外管佛刹內護心城曠使無價寶珠輝天鑑地不知居士肯警然否古德云我有明珠一顆久被塵勞關鎖今朝塵盡光生照見山河萬朵由此觀之世界不在身外道場毋

論他方鼓山博山似不勞動步也承召敢不趨命第寒山色色有羈殊不如願諒擺衣有時但不敢以年月期限爲約耳

與棄童眞居士

會徐澹老知居士在恙中千里之緣一水之隔悵悵無已丙辰別後不識於生死分中曾留意否古德云病後始知身是苦健時多爲別人忙此語爲頂門針破世念利刀智者寧不覺乎眞欲究心不須理會古人別種公案恐生出意路更不穩便只就已躬下看一口氣不來畢竟向甚麼處去此去處不明則生死暗然更不曉前顧後只恁麼逼拶將去如勇士臨大敵直解重圍居士肯諦信此語病不問藥毒不問命使得此地水火風轉定不被五行之所拘束耳

與泉州諸禪人

泉州佛地列位上人生于此出家于此皆夙世善根遭此緣遇當發猛利心徹已躬下事接續祖師慧命此博山之至望承道愛論山野無有不適者奈鼓山之羈博山之逼如著絮從荆棘中行東扯西牽不遑

安住做箇沒傷。儘忙漢子大可發一笑耳。浴佛後拄杖頭已北向。速速回山。擲去瓢囊。喝散大眾。灑灑落落。然後向佛國中與列位上人。簡枯柴烹活水。唱箇古今不二底還鄉曲子。

無異禪師廣錄卷第二十九

無異禪師廣錄卷第三十

住博山法孫 弘滿 彙編

首座法孫 弘裕 同集

書三

復邢梅陽孝廉

貧病方息。慈時即聞令先師居京邸說法服膺豪傑。摧折慢幢如雷如霆。可喜可懼。因侍受業師南詢。不遑親聆教益。迄今渴慕之懷。歷歷猶在。庚申冬接翰教。始知居士入令先師籌室。味無上法乳。棄夢幻功名。自非深有所得。安得如此行履。今獲居士長篇高論。歡喜無量。實以慰未見令先師之夙心也。復承來

論謂時當叔季。大法平沉。魔外說法。不啻河沙。讀之至此。則撫几長嘆。足見居士一片大慈悲心腸。雖未面晤。可曰神交。況古稀之年。乾乾若是。使懶惰比丘不無慚愧矣。貧病久廢。簡編承居士殷勤致問。不敢不竭思以訓來意。

一問。狗子佛性之語。似不可以識量卜度。又不可在有無上作活計。實在真參實究。果然當下絕親疎如風捲塵。不留朕跡。若在有無上捉摸。何啻捫空論太陽。遠近耶。有角無鬚。二種語翻趙州兩重公案。思之可見。非泛論也。

二問。謂妙明體盡。正應頑空。此是居士錯會。綱宗之旨。不但見錯。兼義亦謬。解文中云。妙明體盡。謂理極情忘。力在逢緣有轉身活句。況知傷觸不借中。自非知有不知有者。如寐語相似。安能識其來源也。此正是曹洞血脉。如靈珠在握。又如瘡子喫蜜。心口俱甜。不能向人吐露。若以頑空。釋正所謂黑白相反也。

與劉胤平太史二

吾宗乘寥寥。不易得人。幸昆玉趨向斯道。如饑如渴。

余實愛之。但不卜別後於參究分中有進益否。世諦境緣得解脫否。財色名實不動心否。果不動心。則有解脫果。解脫則近道矣。頃在建寧。閱殿試錄。始知居士臘傳第一。此從三寶中乘願力來。藉世間之高名。廣法門之善行。諒居士先已勘破浮塵境界。必不以此介意。惟已分上一著子。不可須臾放下。一時不在。則錯過了一時。大理不明。肯隨境緣中搬弄。做箇癡呆底漢子。耶。然參究一念子。須要福緣助發。譬如苗稼發生。若無水土雨露。則不能成就。居士已深知貴在力行。凡作福田。惟三寶中最勝。故不可以諸善門爲比。近時有一等人。祇云行善不必端於佛門。當知此人無菩提種子。教中不發菩提心。行諸善事。是謂魔業。居士不可不料。揀當以三寶爲正世間善助之可矣。居士魁天下。不必以賀他日心空及第。余則合掌賀之。耳。途次脩阻。會晤難期。用此切囑。

發生當思之。未兆之先。所謂寤寐動念。思報佛恩。切不可自生怯弱。孰爲有力。孰爲無力。孰爲大根。弘願孰爲淺根。劣器居塵。出塵全身擔荷者。捨居士其誰歟。又當念生死事大。無常老病不與人期。失之刹那。悔之永劫。參究一念。不可須臾忘却。禪警語作箇策身符子。遠離諸過。以期大悟。凡在佛門。一切善事盡其力量。皆可爲助道。因緣若半遮半掩。卽同流俗。非佛門弟子。博山有一頌。不免學似居士。若向此頌子上徹去。不須動步。與山野大咲一場。可謂老胡今日有望也。頌曰。博山事香燈。居士援毫管。千里審跬步。兩人缺一半。惟有過量漢。不被時辰轉。果知分寸長。却笑丈尺短。楚水吳山。一團森然。雲樹護芳。橫梅花無意。枝頭放燭。慢枝頭驗的。傳後二句。是山野昔所和偈語。居士高發時。不知曾記之否。敬以點破。可發千載一笑。

與阮澹宇郡伯三

緋錫任緣本非處。所萍蹤鳥跡。致使見者易而定者難。耳居士權衡在手。澹澹自由。現宰官身。行菩薩行。

本悉大居士導引慈力風行草偃之德化也常不輕菩薩見捶打罵詈皆曰我不敢輕於汝等汝等皆當作佛況至誠禮拜讚歎者乎以此則知凡動善之地皆爲助道緣譬主人有良田佃與人者田之莠即我之莠田之熟即我之熟其導引功德思之可見也江山曠如肅此裁謝

與王維新郡伯

貧病不憚番易八百長江千里爲法求人雖則托鉢空回惟與大居士夙緣深重而殷勤護念過於骨肉蓋以法爲親非世諦比也向蒙問及楞嚴深旨若窮其始終雖釋迦老人雲興瓶瀉亦吐露不出況其他乎若云清淨本然云何復生諸念此就衆生界中未達清淨四字而言果知得清淨本然山河大地向甚麼處得來緣生諸念從識裏起識如夢幻但是一心斯即從凡入聖又不當以覺復生迷爲難惟吾祖師門下一句話頭全身入理徹處如紅爐烈燄乾柴濕草無不燒盡還源如人到家決不被諸岐爲障貧病以此期大居士斯爲出世正緣似不可別生疑慮耳

與俞容自勸卿

蒙問及曹洞宗旨此之一學最妙最玄拈穴細金針穿芒長玉線彩空中色相纖劫外花紋若非家裏人竟不識家裏事非功力能到非智識能知惟沒巴鼻道人始全身擔荷辯莖草之味似不難耳想居士天資近道當深留意莫錯過此一段大事因緣此生不打徹他時後日定悔恨在莫言貧病不爲居士脫破決欲發明此事不妨以衆善助之譬如雨露滋嘉苗也

與余未也昆季

昆玉深入法趣生此善家此非小緣皆多生願力得以法爲親也貴在心如境如心如者無心外之境境如者無境外之心處世界如虛空似蓮花不著水始可云居塵出塵即事離事不然與世諦中人則無二也不識昆玉曾與此相應否此事要在境緣上驗若安閒無事謂不見有世法營心者即名自欺不可不審察真僞稍遇境緣則有念起不得將心遏心只提起本參話頭自然冰消瓦解不費纖毫力耳譬如大

有省發不可便謂之悟門。吾法中以悟爲不悟無過。惟不悟而稱悟者大妄語。成昆玉已深知之。似不待贅納贅語也。悟不稱悟決不再迷。不悟稱悟決然退。隨昆玉可將高峯語錄大慧回書細讀之可見耳。

復方士雄太學

道學淵邃而祕參究者。吾于居士見之也。客歲同舟入皖。得遂揮毫清談。知見無不與聖賢脗合。但向上路非功力到安能有絕後再甦底日子。趙州三十年不雜用心。果得不雜用心於鬧市叢中。打成一片。一切世間貪嗔情愛針劑不入。始是大丈夫行徑也。來諭云。深自警策。不敢自誑。亦不敢自屈。此三句甚愜鄙懷。果如此用心。切切提起。本參話頭。決到古人田地。縱未得大悟門。卽此便是成佛作祖底基本。譬如種穀耕之耘之。安得不成熟。收穫居士深自諦信。不加疑惑。忽日。碰著撞著。始知飯是米。飯更不向外馳求耳。世緣濃淡。夢幻漚花。居士已知。諒不蹈此籠檻也。海門先生證學錄說道理。不沾著纖毫。第不曾與真善知識話會。然于生死分中。亦得其受用力量。

淺深又不可槩與悟門論也。錄序一章極力贊揚居士細研之。倘可存存之。不然希爐之耳。

復居士

博山近日漸覺衰殘。疲于津梁。凡諸方寄書問道者。任浮沉之意。不以一字訓復也。接居士書讀之。其中真實操履于境緣中較量。曾不欺心。不答有負來意。所論向來晦翁教中體認天理。只饒到正心誠意處。凡所作爲一一合乎中道。祇做得世間君子。非出世間法也。何以故。皆六識之心。故復看父母未生前。第一不曾見徹本來面目。在影響中生安隱想。今時假善知識例皆如是。如居士在病中覺察。猶是善根深重者。有一等人熱病退後。又當作尋常活佛出世。亦不能救果真實參究。提一句話頭。孜孜不捨。縱不能悟。管取現業貼貼地。倘然打破疑團。親到古人田地。亦不必向境緣中較量。如夢中作得主。與白日不差纖毫。更向不醒不做夢時。主人公在甚麼處。者裏打徹。可與高峯大師把手同行。更不向人問如何若何也。

復沈得一居士

前於稠人中與居士一面知留神於法門而未及深談不能盡其來意爲耿發精嘗謂學業不礙於參究然居塵出塵卽事離事要有大力量者始能擔荷貴在切上加箇切字如失重寶必欲獲之豈但讀書乃至一切事緣中放亦不下越亦不去何以故此一念子重故趙清獻公青衿時卽參究至于做官聞雷聲豁然大悟豈非平日切意於斯道者得有此時節因緣耶來論謂還思現養不能報其念愚謂以世緣報恩者雖肝膽塗地不能報其萬一惟釋迦大師看破恩愛出世後爲父母說法使父母頓超三界故稱大孝聖人居士發一念真實信向決欲明衣線下一件大事豈但一生父母卽百劫千生能生所生底父母悉受其法利以世間之孝較之何啻天壤更當勸令尊堂一心念佛消多生罪累作現世津梁則居士之孝世出世法兩得之矣亢中草草肅此裁復餘容緣晤不既

與頑石禪人

余出家來初歷講肆便知有此事因求出世心愈切

于經教中非不留意知在識見中用事如經云以知解心入佛境界如將螢火燒須彌山終不能著又云如日當空照重稚閉其目自言何不觀多聞亦如是故知知解愈多非但不悟道且爲障道緣也因拂袖別參初脩空觀五年雖則塵緣淨盡于入理實未得力後于船子公案上又六年始瞥然也總不似賢弟寂而常照照而常寂謂之工夫欲將此心用心非但一生窮劫至劫似不能了何以故以能寂能照之心爲根本故又以此心念慮不起爲本體獨露豈待少時只饒從生至老總不起念此念之根曾瞥然否若果無根性于境緣上自不別生心觸目遇緣如木石相似于本體上亦沒交涉也況在念佛作觀之間邪不知賢弟將何爲本體又將何爲獨露若以念慮不起時爲本體自是念慮不起非本體也若以常寂爲本體卽是常寂非本體也若日用行事爲獨露正所謂業識茫茫非獨露也若將常照爲獨露自是常照非獨露也如賢弟本意恐在教上揣摩卽在入識田中認作本體故曰朦朦朧朧如在燈影裏行此是實

供非妄語也。去歲予與賢弟坐松陰閣。鳥聲堂上。論現量取境。如一一明了。祇是教家事。與宗門中悟入。大似隔靴抓癢也。三喚侍者。非容易會去。若作容易會。國師彼時只消吐一聲便好。云將謂吾事貴汝。却是汝事貴吾。何必三呼三應。然後乃耳。須知別有深意。豈是禮郎認得聲。便作悟門也。舊時行履。姑置之勿論。果到不疑之地。當時便得實用。又何待病後爲然。睡夢不得自由。此又揀款結案。大可笑耳。復云。岑大蟲示人太孤渠。往往見人陷此塗。祇非是遍捺學者。故爾爲之乎。當知岑師如吹毛利劍。擬其鋒者。卽喪身失命。可謂婆心太切也。佛云。眞非眞。恐迷。豈但掀翻識情窠。白卽眞之一字。亦不知眞之何地。況以外書平旦之氣。似之乎。大似夢中說夢。又可發千載一笑耳。大珠和尚問馬祖。祖曰。卽此便是大珠。故爲有力者。負之而趨。恐亦未知日用行履。若向者裏認其太賒。不但未會大珠。恐亦未見馬祖也。又云。識者知是佛性。不識認作精魂。折中且實。賢弟還識也。未只須日用中是佛也。須吐却。變化云。老僧未曾向

紫羅帳裏撒真珠。與汝諸人胡喝亂喝。作麼如不向紫羅帳裏穿下過來。未免有紅紫之誚。非宗門得力之句也。又用心曰。無事時不怕不明白。惟防念慮起時。若知一念緣起。無生卽化了。此是將緣起無生化。念慮宗門中還容得此等說話麼。三十棒教誰喫。又云。應物時不怕念慮起。只怕不明白。明白時卽有念慮。有現照此。又以明白治念慮。宗門中還容得此等說話麼。三十棒教誰喫。又云。本體本具。照而寂也。宗門中還容得此等說話麼。三十棒教誰喫。此卽是教家老婆舌頭。非悟門也。又云。不必工夫。又云。如是保任。又云。勿忘勿助。種種皆顛倒度量之心。非參究也。卽前爲賢弟說。只是似不是眞。卽此似字。亦權巧也。安慰也。如果似不待此。體會動著。便脫捺著。便轉不。必引經引教。轉引轉遠。不相應何也。蓋爲從來不曾參究。悉以知解心印定。正所謂認奴作郎。認賊爲子也。古德云。三世諸佛。不知有狸奴白牯。却知有僧問九峯云。如何是頭。曰。只須知有。進云。如何是尾。曰。盡却。今時其知有二字。豈是揣摩識情。以日用爲知有。

耶子曾拈云三世諸佛不知有。拋明月於無影樹頭。狸奴白牯却知有。剪白雲於不應山谷。誰能知此意。除是長嘯者。與賢弟知有是。同是別。又云宗門中一切奇怪言句。無非要人知此事。只此見賢弟悟處。若作恁麼知解。宗門掃地而盡。知有二字。何曾夢見者。乎。只此知有賢弟。便可用心。直要徹見古人幽隱深奧。所以云。若要知此事。直須高高山頂立。深深海底行。向威音那畔。翻身十字街頭打睡。更須白汗交流。喫痛棒始得。不然則照而寂寂。而照終日。保任終日不起念。無事於心。無心於事。體悉此意。未爲良證也。

與善來禪人

迢遞三千里。因循十二時。支那都走遍。可惜腳跟皮。汝纔入門時。便識汝了也。東走西撞。箇甚麼。若是皮下有血底。漢子自當擇一本分宗師。三二十年搬柴運水。舉土掘地。未爲分外。今時有一等假知識。魔魅人家男女。開口便云。有甚麼禪。可參有甚麼工夫。可做直下承當。蚤是遲了八刻。由此謂之俊捷。謂之英靈。謂之天然。謂之超拔。於本分上。既不用心。將者

些業識。銷磨不去。噫了。施主飯學詩學字學頌古學。開示只饒學得口頭。便利詩過李杜。字壓鍾王。頌古如雲興。開示如瓶瀉。祇喚作業識茫茫。縱謊得人信。向禮拜供養。祇裝束得一箇皮袋子。一朝敗壞時。手忙脚亂。闍王老子放他。不過鑊湯鐵釘。剎樹刀山。百劫千生。未有了底日子。出得頭來。知是幾多劫數。以清淨眼觀此等假知識。如廁中蟲。如淨地上荊棘。如清風裏臭鴉。又喚作無慚愧人。汝還知麼。汝還辯得麼。若具參學眼。向者裏辯得真偽。便好子衿衣下。抖擻幾根肋巴骨。四大子假合。便鼓兩片皮。能講能言。一口氣不來。向甚麼處去。莫承當箇事。便休去。莫將經書上印證。去莫隨善惡業牽。將去莫將盡十方世界。都盧是箇自己。本無來去。若如此見解。將來飲煇銅吞熱鐵管。取有分在。既不如此。又作麼生得的。當一口氣不來。畢竟向甚麼處去。如坐在銀山鐵壁之中。祇求迸開。還容得第二念起麼。還容得思惟分別麼。到恁麼田地。只須因地一聲向威音那畔。又那畔。翻箇筋斗來。始可向博山者裏。喫痛棒不

然且就千巖萬壑之中。打野攤消日子。總不干老僧事。偈曰。學道如牛毛。發明如兔角。人人喜平易。那肯窺山嶽。積翠與重巖。終是難描邈。名言并奇句。情想亂穿鑿。撞著黑面老。未免遭貶剝。有志丈夫兒。趁時須早覺。打破生死關。始可稱絕學。

無異禪師廣錄卷第三十

無異禪師廣錄卷第三十一

住博山法孫 弘瀚 彙編

首座法孫 弘裕 同集

啓

復何非義大司寇

插草論誠。大地無過嶺表。芳塵聯接中天。獨讓閩南。標佛國名。從來有種。續祖燈燄。光亘無窮。恭惟閣下。揭露衣珠。重披慧鏡。現宰官而爲領袖。作地主以衛金湯。顯悟于雷不驚于虎。誰過楊李之門。碑文刻白。字敢曰慈明之謁。當道種青松。弄雪嶺靈蛇。聽偃溪。

浚水生擒活捉僧俗不分果熟香飄聖凡一揆某挂錫巖阿不循情于蠟屐載舟山水愧拭涕于泥封速度嶺以規僧林敢跨舫而登祖席輒辭高誼希鑑愚情

復張中丞

寶樹吐煙熏戒香于遍野慈門返照麗慧日于中天乘一極悲心慶多生願力恭惟閣下付囑靈山範圍塵世嗅木樨而無隱晦堂活句驚人悟物格以致知妙喜微言在耳古既如是今胡不然徹萬劫因緣成一時佛事攬長河酥酪還他淨梵天人變大地黃金須是達多長者某惟圖溫飽山門底事不知久脫世緣物外煙霞頗適頃承翰教進止徬徨愧不暇于羈延實有違于台命

復黃孝廉

福地球林藉縉紳而興資社泉南佛國仗縉素以扇慈風發蘭若真乘結菩提善願恭惟門下儒門砥柱法璽金湯揭壁上高僧點塵中俗眼一呼而應從來聲裏有人再犯不容那箇衣中無寶駕三車誘諸子

頓響白牛具四攝化同流高標赤轡象龍蹴躡凡聖
通融某素耽丘壑不諳市鄽碌碌惟拾枯柴烟燭難
調野馬度嶺之期已定搖空之錫不回慈命斯違通
身汗下

復

金繩界道蓮開八德之池寶網舒光樂響七重之樹
儒釋慶多佛國人天交集珠林恭惟臺下半偈心空
三生緣遇聞雷悟道何妨抱子懷孫指雪傳心不礙
男婚女嫁卽事離事居塵出塵喚來瓶裏之鷺放出
雲中之鶴某慣熟藝羹時疑梵字聞鸛鷺而慚語拜
翰教以厚願希恕愚無煩齒頰

復

明鏡非臺在無心而可鑑菩提有種誠諦信以抽芽
藉願力金繩動樞機屏翰恭惟臺下靈源皎潔道樹
敷榮歛法界于毫端運絲綸于掌上深談不二須知
金粟重來搏聚大千喜見曇花再現枝枝珊瑚帶月
行行欄楯披雲履諸宿芳塵洞羣迷寶所某鹿苑委
身濫蠟人戒個禪門寄跡愧鼻祖燈傳急旋錫以驚

渥敢攀緣而應命援毫悚慄安住不違

復陳

大居士天王碩輔菩薩宰官印毗耶真乘妙契風規
不二踵太丘德業爭高月旦無雙節旄望重江藩屏
翰功高法苑稽祖燈半籍僧率多闔海麟龍拈聖箭
一枝公實作鼓山城塹接起嬰祖道脈皆可悟不跨
石門之禪挽迴雪嶠靈風喜復親當年喝水之勝蹟
神駒搏猛虎豈圖熱關門庭鑒法鼓豎慈幢所貴翻
騰龍象貧病未瞻光霽先仰星雲物之格矣想子韶
頌月夜蛙聲吾無隱乎喜山谷聞木樨香氣深承折
簡尚候摺衣傳法入閩南雖不效背觸竹筴問答賞
音逢太傅還商量打翻茶鉢機緣把臂雖遲馳神不
遠

復黃惺源諸居士二

羨黃梅負春妙悟心非臺樹笑金粟戴髮超然品逾
風塵示有家而修梵不壞俗以談真莫問陸和泥皆
可產青蓮瓣無分鎗與石總是點黃金資瑩戒珠于
五濁是水可清趨善道于八關有情皆佛妙在同頭

得岸不妨就路還鄉。携竿木遊。鄴逢場作戲。揮莖草
建利吹火。因風甘贊。設供勾南泉。打破粥。鷄公喫
交惹。靈照從傍倒地。團團頭說不生話。須是作家糞
掃堆。拾無價珠。還他好漢。所望衆居士。信手揭開衣
裏寶。擡頭識取屋中人。不惟石鼓金湯。且解晏祖聖
箭。

碧水倒流。一喝當年信采青。雲得路羣公。此處通霄
靈心。繁華底之花秀色。攬峯尖之紫。驚人活句。從聖
箭穿下。過來竦耳。法音在水消語中。流出昔之典型
未遠于今。豪傑無難力。貴擔當道親履踐。況八閩擅
雄才之地。品爭誇虎史。麟經卽諸祖。續照世之燈。代
不乏立證僧。寶緣遇投手。鍼芥法與賴于金湯。伏願
衣珠晃耀。眉底法眼。頓開寶鏡。高懸照內真光。不昧
倘不負名山約。徑跨野鶴。凌空尙冀瞻異日光。暫對
飛鴻辭命。溪山有異雲。月是同。肅此人行謝。虛左席。

復魏國徐六岳居士附請啓

伏以一乘大法。單提震旦。總持千里。舊畿願聽白
椎振響。敢申尺素。遙布腹心。緬惟無異大師五印。

乘天一花表異。婆心濟世。現比丘菩薩身。佛手療
人。作廣大教化。主人人待如怙恃。在在倚爲津梁。
法席登西江宗旨。振卽心卽佛。鴻名鐫東土。歸依
滿世出世間。弘基愧墮塵氛。新聆警款。願封疆之
脩阻。致惘索之鬱陶。頂禮有緣。瞻依敢後。頃因宰
官居士之拭目。振錫竊役管城。毛穎以稽首。聽言
祈一躬以南來。正法眼藏。應須有付。搖雙旌而西
望。金毛聲吼。端匪異人。弘基臨啓。曷勝願。邇仲春
朔日弘基再稽首。

伏以天王碩輔。勛猷望重。八夷菩薩陪臣。屏翰功高。
五寺運悲華而播揚大教。瞻毫相而惘惘。素心祇樹
非遙。金湯有賴。恭惟六翁大居士。閣下肘後懸符。示
居塵而不染。衣中揭寶。信卽俗以原真。秀結慈林。光
彌覺海。優曇有種。佛照無私。越盲龜。鞭駁。爲求法
海神龍。圖快鵝放。俊鷹登彈。林間野雀。遍界吐紫磨
金色。滿城嗅青蓮。瓣香不讓金粟。玄機喜見明公。偉
勳耀心光於五蘊。在欲行禪。振祖道於四衢。何生不
佛。花雨再沾鍾阜。浮杯必躍江濱。蹤跡可尋。法緣在。

通肅此裁謝不盡瞻依

復南都見任衆居士附請啓

伏以萬滙歸源玉瀝作全潮之用五都列市金衡
爲衆肆之宗故歸頂者法必尊其王而垂手者地
亦占其勝遙香悚注空錫默瞻恭惟無異大師雲
開變劫露沃今天續曹洞之燈慈羅舉而普馴鳥
性嗣壽昌之鉢慧鏡懸而頓拔蓬心賓中主主中
賓禪僧眼幾回遭換牛非牛馬非馬古佛口到此
難開煙迥楚峯麒麟息處已居花界霜澄饒水師
子遊時即現金燈幡飄慕化之田雨下聞聲之種
翹依寶蓋乃在金陵道鼓久震於重雷幸高皇
之弘護義缸常明于薄夜頌初祖之遙臨但皮髓
難分誰下吹毛之劍即象牛交集那調載帝之輪
二千里思佛日之再中百萬人望優曇之一現某
等紅緣方劇黑障未消奉三尺而拜手君恩拈
一拂以盟心佛囑用是具陳花水整肅蒲團遙迎
微妙之臺先淨莊嚴之界千雲禮座吳峯堪抵雙
林一士當機淮水俱成五味某等曷勝翹首以述

謹啓時仲春朔日護法弟子任僕朱葵袁楷王永
吉程策嚴爾珪麗承寵曹應秋曾化龍陳爰謀王
維新周光夏吳國模林欲梧周孕衷等再稽首

伏以慈治靈山大臣獨善於囑累派分鸞嶺名儒多
載於傳燈點開水面印文喚醒域中長者弘張勝軌
高建妙幢恭惟列位大居士閣下心蘊經綸直詣天
王華屋望巍柱石毋忘大事因緣匪藉神鋒雲呈五
色不遏毒鼓天雨四花指頭觸而處處逢渠化城過
而行行寶所萬境燁熙朝之景遐方之僧舍流輝
羣生沐造就之恩古刹之香雲結綵梵音未衍祖道
斯弘倘杖錫之從緣約鮮花爲代語溪山有異雲月
是同肅此八行謝虎左席

復南都衆鄉紳居士附請啓

伏以雜花分雨羅海帝以弘詮靈葉彌天妙囑
而徧德鯨鐘鼗鼓須大震於霄衢寶筏金繩定高
馳於日輦毋念覺途之不廣并先覺之聖生悲竊
傷護法之無人并問法之人易阻江之左湘之右
衆同妙淨之船此非親彼非疎緣現廣長之舌故

翹誠傾注者居滿字之半觀面親承者弘果地之
因衆懷虔宣積丹歸命恭惟博山大師。龍流曹洞
鍼施頂門。轉池八味而注多方。戒月三空而澄此
土。亘古來拈花指栢都付木叉之童。尋常見陷虎
牽猿穿翻泥鬪之鼻。揮鋒如月。靈錫可飛。垂手若
雲。慈航不繫。性相妙嚴。華藏海因緣具集。王舍城
正須幻示準繩。聊一掀翻。骨董蓋金陵首善。高
帝盛明佛法以作金湯。而玉筍隄康僧先感舍
利以隆緣起。南國之風。期未謝。累朝之庇。賴斯
弘蒼蚪赤虺所共居。亟須慧炬。璞金鑰石而同集。
應借洪爐大乘法中樹最勝一幢。誰許他分宗判
教菩薩地上現普隨三昧。正在此通國大都某等
既把臂以同林。因矢心而爲法。可知讀殘萬卷不
免猶作鈍中人。又道不挂一絲。如何尙稱堵下漢。
幸今長者居士共悲日夜是盲人。又兼宰官大臣。
自憫風波與客。一番汗出盡日心。馳付囑慚負。
老瞿曇慈悲全賴善知識。解空起有曾聞寶地迦
陵應供轉輪仰祝珠林香象。猛勸衆忱之注。豈非

因緣堅挑素志之盟。實勞饑渴。卽願燈王移座不
煩香國借厨。但現圓身。煙帶六朝。非浪宕總堪善
世雨花千載。說續紛雖大地蒼蒼。難訓六月松風
之價。而諸天涌涌。欲發萬井火蓮之香。崇鑒深祈
遠瞻如結某等可任。馳遡願仰之至。護法弟子順
起鳳徐揚先俞彥丁明登吳家周汪偉蔡屏周陳
元慶李琰菩薩戒弟子余大成等再稽首
伏以都城浩浩時被花雨毫光。巨利巍巍。腰有獅兒
曲盡新條。發新令佛法仗有力大人藉斯日現斯
祥唱和在因緣時節恭惟列位大居士閣下廊廟鼎
鉉就世法而興出世寰宇山斗居塵界而樂超塵
碑文白字可觀當道青松堪種真儀有像呼來壁上高
僧活句驚人喚出餅中驚子緝爲純嘏助此清芬湛
若水鑑無心隨方隅而映色暖過陽春有脚卽溝壑
以沾濡不世希逢大因盛舉某賴同瓊老祇知採汲
不虛跡類融師那辯嚴花之墜懷鄉雲占瑞兆君
恩水土難酬運慧日靜邊陲佛教金湯有賴布慈雲
灑甘露羣公悲願交敷懸亦幟豎妙幢萬劫津梁普

度具啓謝曷任瞻光

序

重刻五燈會元序

釋迦不出世祖師不西來佛法遍大地談玄口不開
當此時也語言文字蹤跡不來棒喝機緣鋒芒不露
遽夫拈花示衆牽起陳爛葛藤立雪安心突出現前
公案遂使宗風廣衍慧日高懸然長夜之燈羣昏頓
瞶拈一莖之草法界齊觀駕車須是打牛磨磚豈能
作鏡如靈丹一粒點鐵成金至理一言轉凡成聖六
代破水中之影觸目皆真五宗競空裏之花通身是
膽橫超而出笑木楔以何堪據起便行悟佛法無多
子觀水影不從他覓處處逢渠斷脚脛痛見已非頭
頭是道若論佛法一切現成諸審玄猷千燈互照龍
蛇分於棒下凡聖藉以喝通機發于未兆之先用施
乎形聲之外乃至一言褒貶一棒縱奪以非爲是口
似甜而意甚苦之以是爲非心實允而辭無治矣雖
久參著宿不敢以正眼觀況識情解路能通之乎所
以道狂機劣解不可以大法示不可以宗乘開譬夫

美食置諸穢器祖不云乎醍醐上味爲世所珍遇斯
等人翻成毒藥惟大心衆生始能擔荷入斯乘者不
可不自慎也會五燈爲一書者宋靈隱大川禪師未
蒙入藏雖一二處刊行安能廣布自性禪人頓發大
心謀於觀察曹君爲之首倡募諸同信工過半矣余
初上鼓山聞其事歡喜樂成復徵余爲序因援毫以
書其大槩云爾

重刻禪警語序

少林大師云外息諸緣內心無喘心如牆壁乃可入
道只此心如牆壁四箇字是宗門中第一關鍵今時
禪者作何公幹始與渠合若以心意識思惟卜度欲
與少林宗旨相應大似捫空撲響豈但徒然心力縱
億萬劫求其音聞了不可得殊不知從上諸祖向不
思議中流出一言半句如塗毒鼓如伽陀藥亦能殺
人亦能活人豈可以棒喝言句妄加穿鑿一一學相
似模稜謂之悟門耶問彼眞參實究做工夫暗然無
知如欲行百里未嘗動著一步良可憫矣是故禪警
語不得不出其中一言一字悉余親履實踐非敢出

胸臆之見此書刊行十有餘載。學者多有不獲見之。嘆黃田黃居士發心重刊。欲廣其傳。斯亦大菩薩之所用心也。嗚呼。朝聞夕死。豈無深功立地成佛。是何行度隔江。招手值曇花結勝之時。擦倒便行。正玉線穿針之際。若無從前操履。安能遇此奇構。學者只須做到徹頭處。然後積功累行。果入不思議法門。說箇成佛。猶勝語耳。況其他乎。

萬佛名經壇儀序

衆生淨覺諸佛慧門。由熏變而成。凡隨淨緣而見佛。既隨緣染。緣實無生。聖凡迷悟。悉強名也。圓覺經云。知幻即離。不作方便。離幻即覺。亦無漸次。如此領略。不假漸修。非作故無。本性無故。良以衆生情生智隔。想變體殊。趨暗背明。捨安投險。縱無明之熾。火燎功德之稠林。沉業識之愛源。漲眞常之覺海。戒乘路塞。人我山高。衆妄起而邪見生。諸器成而金體昧。隨情逐境。破四棄之清規。動念乖眞。結八重之障罪。根本繫乎七衆。無論是俗。是僧。結業失於一時。豈分在此。在彼。受六交之苦報。雖千萬劫。必償造十習之惡因。

縱億萬生不返。是以羣靈競出大聖。垂休駕苦海之慈航。開覺城之鎖鑰。說難思之懺法。彰諸佛之洪名。設壇結界。獻供懸幡。燒種種香。散種種華。興大悲念。發菩提心。禮佛一拜。借壯士臂。以折慢幢。念佛一聲。鄭如意珠。以澄濁水。空諸我相。徹彼眞源。如藤淨器。以見純金。似揭晴空。而清智眼。貴在力行。毋容忽念。瑞凝相現。罪滅福生。若能諸信不疑。定許超凡入聖。斯經自某朝翻譯。載於藏典。人所罕聞。茲因其禪人化某居士。運大乘心。廣諸佛行。嚴涅槃山。拔衆生苦。消黑業于當念。財法二施。投智慧於悲田。賢愚一致。或云。我本宗門。禪客。毋容瑣瑣事。諸壇儀。當知彼卽地獄罪人。莫呵饒舌。願賜流通。

維摩經折衷疏序

藥山儼師本教乘中之義虎也。初參石頭和尚。云三乘十二分教。某甲纔知。聞南方直指人心。見性成佛。實未明了。宗與教果何如哉。教也者。卽文字之宗也。宗也者。離文字之教也。卽其旨者。一言一字皆爲最上乘之機。離其言者。一草一葉皆入不思議之境。離

之與卽雖一而較其迷之與悟實霄壤之遠也某嘗年時深於參究未涉教乘將謂葛藤糾倒獨不入斯徑及乎向壽昌險窄中跳過回觀一大藏教皆吾家之恒產至閱維摩詰不思議之經者如看家券如遊歷寶藏雖觸處皆珍亦不傷鋒犯手始信老瞿曇及三千七百祖師婆心斷斷不我欺也此經自秦譯以來始出肇師註而多引什師之語其文簡其旨深文簡也含章而不發旨深也美利而不施使探玄之士猶若望瓊樓而不得其門者未免有懷深之嘆也近時無盡法師疏之印天台四教六卽四悉三觀等語其文浩繁義旨重疊如文句立義稍貫誠難矣吾兄古德法師新出斯解義乃折中啣實佩華探奇扶異而實有深旨如炎蒸絺綌凍冷貂裘寒暑適時清爽人意大有補於教乘使後之學者就事事無礙之門入不思議之境無邊刹海悉我室中燈王之座毋勞遠借香積之飯豈假化人耶若乃索須彌于芥子之孔網魚龍於毫髮之端者龐居士有言山海坦然平敲冰來煮茶此話大行予亦不諱請留待別時是爲

序

地理統一全書序

夫眞源未闢至曠渾然朕兆縷分爰象定位金藏雲鋪成世界聚沫鋒須彌之高毗嵐風撼動虛空輪際蒸滄海之潤風金摩而火光上起水土適而草木抽肥蓋以能造因心華藏于茲幻立所緣成境法界從此區分七金山內阿耨池四水漫流四大部洲諸國土羣峯仰止是故須彌有逆吞滄海之勢滄海有旋漚須彌之雄子母互生恩情離合星宿海轟崑崙之嶂人人懷赤水之珠黃河源播摩漢之峯各各具擎天之柱一本三輪龍行結南北中枝五嶽百川輿圖分京畿郡縣自非天眼執辯眞蹤的具仙才方探正穴九九八十一變如水脈巨細緩急之流六六三十六奇盡洞壑縹緲遶之狀郭景純錦囊劍見漢青烏秘說陳陳接木倒杖壘必乘生氣之機透地穿山數巧合金之妙典型代有讀者攸憑惜乎僞書出而星卦惑人邪說行而災祥倒置後學失稽庸流沿舊惟國朝劉青田以堪輿實鏡力闢邪宗使僞撰

時師稍知返正。可謂明眼之真傳來學之赤幘者也。潭陽余文台居士。著就山水冠蓋。立經歷代名篇。悉能究其源而知其委。八賢秘訣。莫不得其兎而忘其蹄。故集此新帙。彙作全書。如九大千界。爲菴羅果。指掌可觀。似捧摩尼。寶出娑竭宮。五方頓現。樹偉績。洵天機造化。以之參贊。闡微言。崇正論。古今益以洞明。斯實仁人孝子之所用心。亦乃報本造福之所急務。爰先靈血骨。安煖。採翻棺水。蟻無侵。可謂濟世之真詮。救貧之至寶。藏諸名山。以垂不朽云。

重刻醒醐集序

夫善知識者。如優曇鉢花。時一現耳。豈但難見。亦復難遇。所以釋迦不現長年。促爲短壽。惟十二分教。開衆生眼目。色香美味。祇之則滿口生津。大小偏圓。荷之則通身汗出。如靈丹一粒。點鐵成金。至理一言。轉凡成聖。可謂救貧之至寶。奪命之靈符也。斗峯寺古音琴禪師者。秉世緣如脫敝屣。參知識如侍所親。歷盡支那。不憚百城重趂。揭開寶藏。直追古佛家風。大法既明。襟懷豁爾。開言吐語。不涉思惟。短偈長篇。隨

聲吐露。攬長河爲一味。揭重霧于千山。自覺覺他。無門門啓。深契釋迦拈花之妙。無慙迦葉忍俊之時。致使一人傳處。萬人傳實。集之曰醒醐。開之如鎖鑰。履之過水刃。服之若丹砂。結世諦良緣。洞衆生機。感惜乎字傳焉。馬文難自。它如不刪定于斯時。安可繩墨於後世。是以懷中禪人。發心就予。取正并乞序篇端。因略書大槩。以示諸同志焉。

無異禪師廣錄卷第三十一

無異禪師廣錄卷第三十二

住博山法孫 弘瀚 彙編

首座法孫 弘裕 同集

序二

重刻圓覺經序

夫緣生無性。生佛之迹。本虛無性。緣生聖凡之形。宛爾隨業。感而報分。優劣逐境。浪而誠變。精粗如來大光明藏。是衆生淨覺之本源。衆生最清淨心。是諸佛

本起之因地。當知無明無體。皆是空花。實際非塵。妄念輪轉。究竟圓滿。體常寂以遍十方。平等道成。心恒通而含刹土。不妨以幻修幻。肯信居塵出塵。開總持之門。絕去來之相。登涅槃之岸。忘得失之心。虛空何更生花。真金不重爲鍊。貪欲斷而生死斷。愛渴除而理障除。非植二乘。順超五性。無取無證。眼不自是。眼非智。非愚。心不自生。心植衆德。本成就道源。悟圓覺以淨覺。心取靜行而澄行。證客塵永滅。妙體方週。聞在刹那。悟通廣劫。二十五種輪觀。隨順緣人百千萬種法門。樞機在我。執四相而生顛倒。二妄相依。了六情以契圓明。一心匪礙。作止任滅。仗知識以銷融。憐慢愛憎。觀衆生而同體。期限成純淨之樂。懺悔斷結習之根。悉備上機。頓圓種智。是爲十二分經。清淨眼目三千七百祖師密傳之要領也。茲因願居士發心重刊。使一切衆生入文殊智海。普實行門。履圓覺妙場。坐華嚴法界。激予序引。予不敢以宗乘中較其優劣。大抵就斯經旁通簡消息耳。

重刻蓮宗寶鑑序

優曇大師徹證禪宗。專心淨土。自利早圓。悲臻未悟。將念佛一門。集成十卷。顯諸佛轉未轉之機。輪開衆生信不信之障。礙其引據。確其總攝。周其設教。融其指歸。捷可謂大有功於後學者也。慨末法我相自高。邊見分執。貶淨土爲小乘。指念佛爲權行。甚者向人誣唾下。覓尖新語句。蘊在八識田中。以爲究竟極則。及乎到頭一毫無用。是之謂棄楚璧而寶燕石。反鑑而索照也。其亦不辯甚矣。夫我釋迦文佛。不妄語者。不異語者。彌陀經云。一心不亂。專持名號。乃至七日。即得往生。法華經云。若人散亂心。入於增闍中。一稱南無佛。皆共成佛道。此其披心瀝膽。徹底爲人。此言不信。誰爲可信。此言可信。又何疑于淨土念佛之門乎。要而言之。七日不亂。爲何等心。入增闍稱南無佛之時。又何等心。能者得之。禪道如是而已。若是真師子兒。哮吼一聲。百獸腦裂。說淨土亦得。說禪亦得。說淨土即禪。禪即淨土。亦得。雙是亦得。雙非亦得。終日念未嘗念。終日生未嘗生。終日無念不妨說念。終日無生不妨說生。圓陀如摩尼珠。求其住足處了不可。

得何禪何淨土而乃二之然雖如是更有一句關陀
未嘗道著欲盡情吐露奈舌根短也噫製電之機留
待哲者

建州弘釋錄序

余作驅烏皆嘗遊閩中知建州爲理學淵藪後閱傳
燈諸書又知建州爲禪學淵藪每見建州僧必詢其
鄉之先正然往往不能對因爲悒悒久之丁巳春吾
弟永覺師初棄儒入釋從壽昌先師學枯禪因與道
其鄉之先正甚悉皆粹若拱璧逸若鳳鸞多余所未
及知者余喜甚指其胸曰此是一部僧史記師曰吾
將志而傳之無何先師沒師來博山同居者五載余
間索其舊諾師曰俟識鼻孔後爲之後歸隱山未
通消息戊辰春余自鼓山還博山道經建州師迎於
開元寺余一見而識之曰今可志建州僧也師笑而
不答余乃問曰壽昌塔掃也未師曰掃即不廢祇是
不許人知余曰汝偷掃去也師曰和尚又作麼生余
曰掃即不廢祇是不會動著師曰和尚似不會掃遂
相笑而別至己巳冬以書來博山則建州僧志成寄

以相示且徵序焉余閱其所集凡分之爲四科首日
達本重明宗也次日顯化彰福應也三日崇德錄衆
行也四曰輔教備金湯也合之命名曰弘釋崇法化
也其議正其論確其採訪博其分界嚴非良史也耶
昔者道宣作僧史於唐弗長於文且不知有別傳之
事齊建唐一宗於枯寂之輩識何關也贊寧作僧史
於宋學富而才疎且列黃髮於感通列嵩頭於遺身
列永明於興福至於雲門僧中傑也反舍之而弗列
則其謬爲尤甚覺範繼贊而有述高華秀則登作者
之壇然止傳禪宗諸彥可以稱全史乎今師所志雖
僅僅一州而宣寧讓其雅富覺範推其完備迥然獨
出前無作者即此可以窺師之一班矣矧千載之上
藉師而傳之千載之下藉師而知之是師之功固在
千載之上下也建州稱弘釋者非師而誰歟余故樂
觀厥成不辭而爲之序抑又聞師撰述甚富盡當殺
青以傳若然則天下後世有大造焉非獨一建州也
余請拭目以俟之

送老父還鄉序

佛以一音說法衆生隨類得解衆生以隨類說法亦以隨類得解不肖憶出家時順流抵石城聞瓦官寺有法華講席心甚慕之逢一親知逼令歸去時以權語得脫三月後更逢一人遽相謂曰汝父有變拱木將成不肖追念罔極撫膺大慟幾至殞絕復省前法華云八子皆師妙光又見淨藏淨眼化父出家此出世之孝非世孝可比因矢志出家如箭離弦無返還勢矣迄今三十餘載未通鄉信天啓四年五月永豐少尹汪君知不肖同里來訪不肖自出家時諱其姓氏慮恐牽動世情茂才楊淳之汪君同行友也詢叩不已不肖偈示之曰欲知家住處陋巷世情幽過水知吾姓尋城識故址旋身依社稷開眼見春秋舊日閒遊慣金雞嶺上頭初憶叔父或在冀尙一見發彼勝心淳之持偈歸問則先叔已殯於不肖出家之次年而老父反康善無恙前之親友徒以謾語相詒耳老父一聞不肖住博山不遠千里操舟而來時一見面恍如夢中悲喜交集意謂再生也不肖王父以上皆未能望五老父今七十有三尚矍鑠善飯以脩短

較之豈非再生乎何意垂老得奉慈顏屬有天幸非思所及因思彼親友善說法要即不肖導引師也茲因老父思歸計不能終養啜離之罪擢髮莫數敬述生緣以誌始末云爾

八關戒序

衆生受佛戒即入諸佛位位同大覺已眞是諸佛子此菩薩戒非八關戒也然戒有大小體非異同戒有廣略理無分析戒有斷續性絕開遮自非利生大士不無犯于塵勞有力行人何難行于頃刻躋緣生之道岸一日之齋通累劫之津梁一日之戒謾言瑣細具得全功不論短長頓同全戒譬如飲海一滴味同全海又如一滴投海同海全波須知戒淺功深因微果微興聖人之方便悲開誼實之權標大士之指歸喜見從權之實清山主撮其簡要吳太史覈其攸同收圓行于一時植殊因于永劫不揀貴賤勿論智愚但辦堅實心腸定入華嚴藏海

生生社戒殺放生序

語云護生須是殺殺盡始安居此勇猛丈夫決定志

也。良以衆生。無明窟。養爛壞身。祇解殺他。不知自殺。五魔熾盛。六賊戕害。四蛇毒攻。二鼠交噬。從劫至劫。殺吾慧命。劫吾法財。可謂大冤家。大怨敵。而且親之愛之。從而結之。殺一切衆生。噉其肉血。恣養四大。一氣不來。盡成灰壤。因有限身。造無窮罪。根性慳劣。迷極不返。三途報至。誰當代受。若能返照。是大不然。當披堅固鎧仗。金剛劍。斬魔賊于五蘊蓋林中。逐蛇鼠于無陰陽地上。廣法身之慈。起同體之大悲。見一切衆生。如一子。想無彼我。相以無緣。慈化無相。衆生此雲棲老人。深達法相也。湛上座與悲運慈。悉儼雲棲軌則。而桐之諸上善人。互相鼓導。生社緣此。而興殺業。緣此而斷。豈但戒殺。而且放生。豈但救衆生。命實乃續諸佛慧命。廣一切衆生慧命也。何以故。以同體故。其無功之功。無德之德。所謂以殺爲生。吾不得以筆舌名之也。

報恩品序

聞夫苦海無邊。慈恩匪一。情想局于限量。誠性迷于無知。限量則灼有親疎。無知則妄分彼我。輪迴于生

死三途之業。報何窮。旅泊于人天九有之昇沉。不息。改頭換面。多生父母。結盜賊之冤。戴角披毛。歷劫宗親。償兒女之債。大師興慈悲。念說四難報之法。施長者現衰邁。年誨一惡性之逆子。胸前而履膝上而遊。真情普矣。男爲慈父。女爲慈母。親愛彌手。以世界爲殿堂。以人民爲根本。國主之深恩。莫報以神通。爲利樂。以度行爲修因。諸佛之慈德。無休捨。幻化財植人天。福身命。願超棄有漏。驅絕堅固想。傳心爲最。解法義而流通法義。還他三界。智人知深恩而報答深恩。須是九漚居士。不辭饒舌。願入斯乘。

壽趙湛虛居士七奏序

曇子讀淨名經。云塵勞之儔。爲如來種。又云高原陸地。不生蓮花。卑濕汚泥。乃生此花。則知佛法。非專談真如。獨說無生。以醉人於忘情泯識之鄉。使瞶瞶心。智自困於灰稿也。蓋佛示出家。以明真諦。非有爲破。凡夫著家。使出三界二十五有之籠罩也。淨明示現居家。以明世諦。非無爲破。二乘越俗。使不淪於斷空寂滅之坑塹也。既曰示現。各有儀則。豈彼釋迦無能

逃位皇宮淨名好事嗜痴毗耶耶觀彼曼殊即聖競
談不二之時而維摩僅置一空牀除諸他有則此老
雖示有家而風味澹然宛爾一禿居士耳佛則示居
華藏法軌森嚴不壞世間而熾談實相正顯真俗非
殊淨穢何異誰謂世法分疆裂界徒與虛空畫痕爪
也余初至董巖時即與趙湛虛公爲法喜交公之翁
號豫齋居士高才碩德爲建谿第一流人物且深通
佛法以楞嚴爲室廬以宗乘作茶飯故公篤信斯道
於此二法亦具有昌獨之好且世世佩爲庭訓冀子
若孫輩咸方舟並駕遊於法海覺苑也道貌和衷氣
味如春風醞品物善行若飴德聲遐布且能即塵勞
爲佛事踞欲界作禪牀其際董巖叢席如急已家政
然凡院務職事有缺典者莫不悉心調理多方周贖
今董巖千指麟萃英髦鳳翔人咸目爲薈薈之數皆
公弘護力也若爾即謂淨名再來示現有家亦可矣
以孝友爲儀刑以詩禮爲章服故其令胤傳芳森森
然如瑤枝遶砌玉樹欹風公雖未展垂天之翼以薦
珍於廟廊吾知公天性合道固以浮雲軒冕然而積

厚流光造物亦不能更斬於來哲公何以此自多爲
哉吾意公之觀身心世界水中漚花也家緣眷屬一
戲劇場也壽相延促塵劫抹點也其襟度曠遊心量
高明且欲搏掄大千不啻倒擲鷄覆令撲地作笑弄
聲耳今春秋揆度正欲不踰矩之辰余忝方外道誼
不能獻度索之桃斟椒花之醴聊裁短偈以當優曇
一枝爲公期頤之祝偈曰有美人兮履道素慧光燦
然渾不露饑餐渴飲更奚爲語必追隨嘿同處拄杖
撥天那復高滄溟倒跨石爲橋丈六金身作莖草大
千頻視掌中桃世波盡道蕩人性魚龍返以水爲命
逆洄順遡得其情業流灣環風送艇芥城劫石許多
秋歷覽須臾一瞬周有問只今還算事眉毛剔起笑
夷猶

壽黃心鏡居士五妻序

夫脩行者於相不住壽者相百年等空華如理得常
住若執於百年壽命祇得百年悉被明暗二境遷變
非得常住法也傳大士云有物先天地無形本寂寥
能爲萬象主不逐四時凋云萬象主者即常住法金

藏雲起而非成。毗嵐風吹而非壞。劫火洞然。我土樂
隱。纔達此理。悟不由師。稱此理而曰壽。非劫運也。稱
此理而曰命。非生滅也。稱此理而曰常。非斷續也。稱
此理而曰住。非去來也。其劫運生滅斷續去來。悉鏡
中花。相於實際。理地求其纖毫實迹。了不可得。於不
可得中。聖功獨照。曰壽曰命曰常曰住。皆臆語也。余
以此壽居士曰無量壽。無上壽。無等壽。無等等壽。磨
塵點墨。不足以較其優劣也。偈曰。識得金剛不壞身。
眼中童子面前人。謾言桃實三千載。脂有靈枝劫外
春。

引

題醒翁居士園菴齋亭引

昔維摩居士居毗耶城。播揚大教。今醒老居士居石
頭城。護持大法。古之世界。今之世界。古之天地。今之
天地。古之日月。今之日月。古之人物。今之人物。維摩
卽醒老。醒老卽維摩。闡揚正法。光顯末運。無二無別。
故以醒老之菴。扁之曰金粟善財。童子五十三參。百
城重寶。而醒老不離跣步。默究斯道。故以閣曰南詢。

以娑婆窺淨土。十萬億刹。悉以蓮爲標的。居士現前。
寶池沸湧。菡萏開敷。故以亭曰樂邦。居士世族名家。
望隆朝野。英賢疊出。科第蟬綿。故以館曰甲秀。居士
焚香晏坐。注意禪那。履列祖芳塵。啓今人慧鑑。故以
堂曰鏡心。居士襟懷豁達。塵境不侵。故以齋曰澹然。
居士百務紛紜。心空澄湛。故以齋曰純一。林泉掩映。
竹樹交清。故以亭曰挹翠。斯園也。銷塵空之出緣。融
古今之一致。入金粟菴。談不二語。登南詢閣。悟菩提
心。憩樂邦亭。注西方境。讀甲秀館。生夢筆華。坐鏡心
堂。翻竺乾案。範模純一心地。澹然挹翠。色于深林。嗽
竹香于嘉樹。居士幽致之樂。禪悅之趣。迥出尋常。萬
萬揮筆及此。爽心怡神。不啻置身園中。想居士時覽
斯語。貧病雖隔千里。未必不朝夕左右也。

跋

正觀禪人刺血書華嚴諸經跋

夫大法難逢。眞乘罕遇。千燈供佛。耐半偈以何辭。四
句潤心。捨全身而不怯。況破塵至寶。法界全經。大士
因門。如來果海。塞滿龍宮之藏。具在一塵。播揚鷲嶺

之奇縱橫萬象。自非曠劫植菩提之因地。安能手捧目觀。偶此勝緣。哉正觀禪人。夙熏種智。修假多方。出娑竭之湧泉。繡貫花之妙品。加利刃不見當機之痛。流鮮血無慚捐體之施。書報恩金剛華嚴。共計一百有餘卷。以弘寶筏。庶渡迷津。要衍不二之雄文。舌根流出。騰躍難思之義海。筆底翻來。反觀法軼得成。肌膚無損。勝妙廣博。幻質何乖。得浮世之便宜。履法門之徑路。妙緣斯在。道岸非遙。

記

惟德禪人血書經記

教中云。施者有四。謂財法身命。較之則財法尚易。而身命爲難。身尚易。而命猶難。故我釋迦大師。諦觀大地。無微塵許。不是捨身命處。今之人身外之財。尚堅守無纖毫解脫。況身命乎。吾徒道容者。刺血寫五大。部送博山。與藏經同處。使展閱者。知有不惜身命而重大法人。各效之解脫法門。不待重宣其意。而功德美行。可與輪藏并峙。而無盡不亦善乎。仍發心寫華嚴三品。日爲課誦。作如意寶。返魂藥。渡海雲。余因焚

香。述偈以記之云爾。

稽首無上法。甚深脩多羅。受持疾成佛。故不惜身命。剝皮可爲紙。析骨當爲筆。刺血以爲墨。何況於舌根。譬如破髮囊。而盛無價寶。祇欲貴寶故。何惜囊破壞。又如淤泥中。而生妙蓮花。見者皆愛樂。終不惜泥土。此身等土囊。能生無上法。昔人捨全身。爲求四句偈。惟捐一根故。成此若干卷。是大得便宜。是名眞解脫。是破此怪囊。是成諸佛智。願法界衆生。同遊華藏海。廣行衆善行。皆共成佛道。

文

念佛文爲棲霞一門禪人說

夫淨土者。乃一切衆生。究竟安身立命處也。念佛者。乃一切衆生。第一背塵合覺門也。寂光眞淨。惟是佛居。從此垂作實報淨方便淨。及同居淨。以接引彼菩薩人。二乘人。及凡夫人。既從實以施權。則無權而非實。既隨義以立名。應顯名而得義。惟淨土之致不明。故念佛之理亦昧。但謂自性卽是彌陀。而不知彌陀不外自性。但謂無念乃爲眞念。而不知淨念卽是無

念是以究極於一心不亂。則諸佛心內衆生時時成道。托修於執持名號。則衆生心內諸佛念念證真。念惟是佛。如百川朝宗。大海佛全在念。如琉璃內含寶月。不惟感應道交。亦且自他不二。但令諸信不疑。決定無諸岐曲也。余幼慕禪宗。得入壽昌之室。謬承記前三十餘年。寥寥海內有唱莫和。刀刀魚魯。轉見參差。方知祖師西來事。出非常有大利者。必有大害功。高易進。無如淨土一門。念佛得度。今正是時之語。非欺我也。一門禪友。結蓮社於棲霞禪室。攝念佛人同歸淨土。可謂末世津梁。人天標榜。乞余一言以作警策。余嘗謂一切行者。須信自心有成佛種子。信如來有接引大願。信有淨土可生。信有彌陀可見。將一句佛號。薰直念去。念到一念不生。則凡心即是佛心。更何生死不了。真可謂直捷穩當者矣。勢至圓通文殊三昧。誰有智者而肯捨置弗修習哉。

放生文爲報恩自觀以之二禪人說

五濁惡世。缺陷衆生。舉足動步。無不是業。招因帶果。無不是苦。而殺生一事。則猶業中之業。苦中之苦也。

止惡行善。莫急於戒殺轉毒爲慈。莫善於放生。故五戒十戒。具足三聚。莫不以此爲初基。果位聖人。因中大士。履眞上賢。出假菩薩。莫不以此爲首務。初果勦地而蟲離。四寸道共戒也。聲聞入定而刀杖變花。定共戒也。菩薩以自在力。現三塗爲淨土。慈成力也。如來以佛眼觀大地衆生。同成正覺。悲無礙也。好生之德。普涵於九界。放生之功。直圓於佛果。而世人每易視之者。良由同體之理不明故也。蓋性爲生理。識爲生基。生機蘊於意地。生緣熾於六情。遍觀三界。無非受生之場。備閱六道。咸稟妄生之氣。達無性者。方了緣生。悟無生者。乃能護物以無緣慈。運同體悲。能會萬物爲自己。故拔苦與樂。根於心現。於事不期。然而自然也。若未明斯致。形跡爲礙。物我成敵。在彼既有必償之果。在我仍造必報之因。因果相酬。循環無際。苦口良藥。如水投石。則奈之何。然奔濤狂瀾。勿忘中流之砥柱。山桴海沸。替初心之誠難。行能行。亦在當人之自奮耳。苟能斷殺業。除殺法。離滅殺因。忘殺機。於根塵識界。盡生理於依正自他。則菩提涅槃。使可

向放生一事中。薦取豈世間功德所能彷彿哉。自觀以之二禪者。率諸善友。創此社於報恩。大利予爲申明其義。以告同仁。俾能放所放。咸契無生緣生之理。庶地獄可以頓空。佛性可以頓了。謂放生社卽寂滅場可也。

無異禪師廣錄卷第三十二

無異禪師廣錄卷第三十三

住博山法孫 弘瀚 彙編

首座法孫 弘裕 同集

文二

莫壽昌和尚二

某年月日得法弟子某謹以瓣香素醴致奠于壽昌先師大和尚法座前而言曰。於戲先師。身獨立于宇宙。神周遊于寰海。遊戲大火聚裏。皎珠帶水。欲生寒出。沒生死浪頭。古岸漁竿。垂渡晚住。山五十餘白。大似指花破夢。應緣三處道場。渾如插草成功。推倒大

好山入興善門。不動寸步。出應西竺。識住壽昌院。放出金牛。植多福竹。而勾引清風。碎黃龍關。而疏通萬里。然後布漫天網。提金剛劍。殺佛活祖。捋虎搏龍。四海潮子。聞風而至。及乎見師。如一田夫耳。往往望崖而退。竟莫窺其端倪。蓋師見道甚密。行道甚力。自誓稚之年。貌骨瘁。立荷一雨具。而肩幾腫。突入山躬自作。務力田飯。僧凡鼎建。梵刹大小十餘所。皆吾師一鑊之功。嗚呼。先師薄聲位。不干豪權。不營利養。持佛祖之道于頽波末流之頃。作本色道人。使洞上宗風復振。于今日斯功也不歸重于吾師。復何歸哉。不肖某三十年前。叩壽室。遭險觸鋒。至二十六年冬。方命首衆大綱。一舉衆目。齊張持齋戒尺于空。諸有處號。令人天拈爛拄杖。向沒蹤跡。邊開展門戶。橫拈豎卓。倒屣傾倉。伏藏家珍。和盤托出。嗚呼。拈花微笑。勢破面門者。幾人觀影知形。捏轉鼻頭者。孰是顯不肖。謬當其印。是就無用中而求有用。及師遊少林。登五臺。不肖始離叢席。三經寒煖。逮師居寶方。復命首座。寮秉拂。其知遇之隆。出乎常格之外。舊春二月。覲師

于壽昌爲師壽甫閱拜歲而忽訃至嗚呼吾師生耶
死耶法幢雖折法燈愈朗其以生滅去來視吾師者
不啻門外漢詎足與語嗚呼尙饗

慈容粹美十年若隔宿之期古寺輝煌群木動遐思
之色法音宛爾杖履蕭然銷俗諦餘塵豈斷懸河之
辯入常光三昧毋辭纖錦之勞深悲脚下兒孫誰爲
克肖刮去眼中膜翳灼有師承點鐵成金煥凡育聖
雪盛銀盤露濕禪裾銘先師格外宏慈棒下吐驚人
之句愧不肖治中鈍器當陽洩正位之機方開一線
之長遂醒千秋之夢縱肝膽塗地而莫報洪恩藉山
海煙雲而敬伸薄奠

奠鷺湖和尚

某年月日弟子某謹以素饘香燭之儀致奠于鷺湖
堂上示寂先大師養菴和尚之靈龕而言曰於戲先
師靈心湛寂道性貞醇幻化八十春秋渾無起滅成
熟千生善聚示有去來梅花枝上笑拈不夜之春茶
鉢爐邊膳得活人之句見野燹而知起處境量消融
封鎖鑰以驗方來真機獨露不起日旋三昧大施無

礙鉗鎚悲花法雨灑人寰慈意戒雷轟碧漢不謂化
儀告畢緣應已過金棺掩耀俄驚白樹以興哀鷺水
藏珠不觀玉毫之散彩白雲慘乎無色瀑布湊以斷
流頽法門之華棟四衆何依竭覺海之靈波群生失
潤某等夙承洪鑄仰戴玄猷瞻模範以步趨風高莫
及藉聲光而提命恩大難酬叨餐法乳之深徒戀雙
趺之跡溪毛潤水聊爲最後之純陀海月山雲永作
吾師之供養至痛無文眞炤靡隔

祭文

嗚呼哀哉言念父兮廓落坦夷儼行仙之高圖質直
樸實追懷葛之醇風慕善道而嗜從如漿肺之適口
賦世網而思脫比澤雉之樊籠視塵勞而爲夢幻兮
轉成智度借恩愛而作道緣兮實生兒躬早遊方外
志慕空宗奉戒律而爲孝順兮訓劬勞之罔極弘道
法以資恩有兮冀樂利以無窮顧不肖雖悖德於一
時菽水違養乎雲水賴老父終歸心於三寶蓮胎高
步乎花宮山川秀麗兮疑復觀於再世桑梓旋歸兮
俄捐館於西風指忽囑而心慟音雖隔而夢通登丘

開以瞻顧兮。潤藻陳其忱。揚華楸。積以雪涕兮。風木
感其哀。衷願來歆於法喜兮。山雲海月。聊申兒之供。
養期早證於樂邦兮。水鳥林樹。皆演佛之圓通。惟靈
不昧。鑒此哀悰。

祭萬融上座

仁者發心尋師。浙水吳山。往返年餘。遍參哲匠。無有
可其意者。已亥與余邂逅。驚湖峯頂。一言相契。若針
鋒投于芥子。如飴如蜜。似蓮花開于夜分。愈滋愈鮮。
相別二載。仁者腰包抵閩。復會于武夷。虎嘯崖同
出。嶺住西巖。祖印及博山三寒暑。始分居衡之招。慶
應。檀越康憲詹公。請鳴呼。際胸易流。倏忽間一十七
載。余召仁者歸仁者。無時不願歸。甲子二月十八日。
聞仁者棄我而先。仆寧不痛哉。嗚呼。仁者心何心耶。
行可行耶。情悲智有餘。而世緣未了。而今而後。不復
與仁者論立言談世諦。略以數語記其歲月。爲再世
緣倡。曰。浮生虛幻。縱壽百年。電光石火。孰爲後先。汝
達斯理。棄余長往。一非云。隻二不成。兩人見汝死。我
知汝心。慧光渾全。不向外尋。十有七年。宛如夢幻。行

美機緣可謂通貫。今日實際山。海海雲松聲鳥韻。觸
目皆真。建寧塔波。藏諸所有。天覆地載。傳之不朽。我
以法供密示汝。前汝其領會。密在汝邊。

祭趙湛虛居士

靈木潛輝。樹變兢河之色。眞光掩曜。僧含圓嶺之悲。
設案供。據榻已躬。雖輪誠辭。難盡意。勘破人間大夢。
帶來劫外靈明。伏枕多金粟不二之談。理圓辭妙。披
緇效馮公再生之願。事實果彰。諄諄戒酒。囑嗣君念
念脩行。策道友示病。纔于七日。快活何止千言。開願
含笑。而無墮容。煩頂畢生。且有明驗。心莫守而頓超。
諸有言不盡。而畢理衆心。幻化七十三。年齋戒三十
九載。拂衣善逝。拍掌歸家。別衆若赴請之期。靈容如
再生之日。片言隻字。難盡鄙懷。湖水山花。聊伸薄薦。
疏

廣福菴化藏經疏

箇中不立元字脚。一大藏教向甚麼處得來。隨方建
立。總持門七百函。經從自心中流出。觀明星而悟道。
覆鑿之鼻孔。頓開拈整草以投機。帝釋之面門。劈破。

一片白雲瀾漫幾多歸鳥迷蹤山河大地作琴聲到處花飛蝶舞水鳥樹林談實相何須鳥跡蟲文得魚兔方給於筌罟盈倉儲始忘乎田地剗千燈而供養信知大法難逢捨四大以訓心祇爲恩歸有在周廣溪發弘誓以相資衆居士乞片言而爲引續佛慧命而壽命無疆勢已色身而法身始顯佛緣克就世道還昌

覺慧寺化藏經疏

法幢高聳人天之白雲熏成寶藏遙頌縹緲之玄風始著捨金輪而談真諦拴回帶雨泥牛剗赤肉以博真詮倒跨嘶風木馬普眼雲興二百問人人衣縫綻開普賢瓶瀉二千訓箇箇鉢囊盛滿扶驪龍之至寶須探覺慧奇蹤躍伏龍之芳塵要入普聞玄徑天垂寶蓋千餘年之靈運重來地界金繩四大海之真源復湧打開瞿曇寶藏大家乞我一文豎起慈氏層樓普願同拈片瓦緣生之實相有據誰申較量之功性地之靈苗再生好下有情之種

峯頂和尚壽塔疏

淨白無依平地湧七層之塔妙嚴非相靈光通一線之天破大夢於紅芍藥邊一文二文三文憑渠料揀顯圓機於碧梧桐裏千座萬座億座散滿闍浮本無一切之身法輪轉於塵界竟分一切之塔眷屬等於河沙是以隨緣卽應應本無生非思量分別之所能及也我大和尚托質斯時全該大法順機動善慶無不宜雖云有去來拍破木人之掌渠本非國土展開石女之眉釋迦文揭露於當時倒跨泥牛迎曉曉阿育王覆藏於此際橫搖鐵錘振春雲紅光燦破地皮白浪點開巨眼雖則規模畫一料理在我兒孫笑看牢堵千層蓋載送他宇宙稽首昆季同樹厥功

護生社募緣疏

真心彌亘寧有六道之殊形妄念隨緣遂感多生之異質如來大光明藏是衆生淨覺之本源有情最癡暗根含諸佛妙明之因地雖報緣聰聰靈靈然覺性完完全全蛛絲網網機械可知鵲營巢靈心愈巧結解鑽泥而隱風惟趨暗而奔觀蟻動咸自貪生雖傷殘而猶戀質甜兒之塵涕泣而腸斷幻囊護子之蟲命

壞而身環舊穴。瘞乳捨將烹之。驚投珠醫。未死之蛇。何忍剝皮剔骨。活潑潑以入饕餮。劈腹剜心。魂飄飄而驚。爐炭淚未乾。而皮毛脫落。肉尙動。而厨竈喧嘩。可憐頃刻下咽喉。誰識神號鬼泣。肯信無端被燒炙。須知果大因訓。三途之業報無休。萬劫之羈縻不息。豈可恣情悖理。烹鮮擇肥。惻隱忘大聖之真慈。食噉導凡愚之惡習。無纖毫好生之念。藉口曰萬物養人。與殘慘造業之心。又豈知三途在我不爽。絲髮如影。隨形普告。達觀長者。大發慈心。効解網之仁。啓放生之會。杖頭之青蚨。不惜囊中之故鈔。何慳脫籠檻。如出囹圄。好看理羽毛。而愉快免砧几。如離屠肆。灼然全幻體之靈。知鼓翅空中。現黃衣而拜主。昂頭水面。旋印紐以酬恩。果報無差。循環不息。莫呵饒舌。願賜登名。

阿育王寺募脩舍利殿疏

靈光飛彩。闔浮分無量之身。空谷傳聲。海岸湧五層之塔。毫相瞻於七衆。隨定業以現殊形。功德佈於多生。遂塵緣而興異報。允矣法門之驗。自金棺掩曜之

時。奇哉覺樹之春。亘青帝熙和之景。真身兩八斛四斗。翻塵勞業網。可知悲願造八萬四千。盡天上人間俱有光。彌覺海秀結慈林。寧堵波終古不遷。世莊嚴緣生有壞。雲門老欲衆生之機。感就眉毛。瞳上樹大法幢。諸善人發自性之靈。知向香水海邊。爭先佛種。喜聞地理。淨破怪。願賜抽毫。同圓聖智。

天心寺募飯僧田疏

蘭若發真乘。闍闍宛嚴佛國。涅槃無異路。市廛賸有僧園。豁心境于一如。融古今于當念。姪房酒肆。彌勒之布袋。橫拖獵隊。樵羣能祖之風。幡直指破格。非關乎淺識。絲毫爽猶過蠱毒之鄉。超拔要在乎智人。道諦成似飲醍醐之味。從凡心而入聖。先嚴潔淨之壇。場獲魔衆以清修。必假資財而助發。乞檀那之雨露。涓滴幸灌于天心。種自性之菩提。根株必榮于佛地。僧田有賴。報果無差。慨賜真慈。弘恢聖域。

審言

上壽昌和尚七十

壽昌一片閒田地。荆棘鋤翻行樹植。玉葉金莖遍世

間祥雲五色如綺織。露毫光亘十方。白乳香糜意
味長。沾著唇吻生白。酥鐵額銅頭。頗斯當五十年前
親。蘊造翠靄山中窮。大好自言述著赤珊瑚。元是峨
峯地上草。我曾忙向箇中親。撮摩如錦復如雲。匡柴
不是閒相識。始信寒巖別有春。龍象蹴蹋環。鳳俊
鵝天駒。非釋種。後園獨羨老。噯噯草攢蹄不受控。
一聲健椎法門。開禪子如雲。輻輳來玉鎖。金匙挑不
出。大海須彌祇一埃。今年七十懸弧度。通衢獨踞白
牛轡。招手揚聲換不回。伏藏家珍。胡足數。觸處開山
非聚糧。峻嶺平原盡寶方。叢林體有金銀氣。法界惟
聞優鉢香。

上峯頂和尚七十

驚湖山高雲絕矣。如蓋如幢金蕊色。照世明燈坐道
場。一道靈光燭天北。獨步寰中意自殊。南方知識追
良模。推開辯老門前白。奪得蘭公肘後符。梅花枝上
露消息。倒跨燕都神駿逸。金鈎海底釣鯨飛。天目峯
頭銀浪激。歸來占斷白雲春。飯糗羹藜絕四鄰。德比
黃梅躬餉母。詩同慈覺勸尊親。天生純孝既如此。等

視衆生猶一子。開堂法乳潤枯松。說戒金鱗躍芳渚。
英標禪子競瞻光。三尺黑蛇纏四方。未過黃龍關可
否。先知伯樂馬驤黃。今年七十從心度。半倍趙州花
甲數。使得時辰珠走盤。吞乾日月盡懸樹。眉毛似雪
齒難傳。萬仞須彌峰。巨川擬同嵩少追。芳躅笑與支
那較大千。

蘇懷白禪人

襟懷清白佛家風。器界情深境界同。一帶晴嵐無限
樂。彩雲斜罩妙高峯。劈破妙高峯頂色。靈源倒吸黃
河濁。明暗交參互換機。分明兩口一無舌。春來都放
一般花。遍界渾敷智慧芽。莫道出關行路險。嶺頭足
破有玄沙。佛緣自古闔中有。明月光含獅子吼。要識
靈山老比丘。也須格外翻筋斗。禪者忻逢不惑年。鼻
頭橫拭俗人前。生平祇解居山好。佛法應知在鑊邊。
鑊頭豎起知輕重。鑊聲驚破居山夢。醒來不似舊時
人。纔方舉起眉毛痛。我將此語祝長生。東土西天路
坦平。佛祖場中戈不展。傳燈永載丈夫名。

壽清溪居士

瓶盂幾入樵陽城。入境早聞居士名。居士慧風拂人面。邂逅始舒眉。上衡我曾說與修行要。玄源不向別人討。根境門頭著眼看。衣中奪出傳家寶。慣放瀉山大白牛。溪南溪北恣優遊。家常田地都耕遍。腹有煙雲一帶秋。去年七十懸弧度。海上仙來誇步武。愧我不曾預法筵。爲君重說雲門普。鑿開混沌露空青。兩手慙慙握曜靈。眞珠收向皮囊裏。誰道山河礙眼睛。他人賀十我賀一。我賀八十人賀七。待君百歲作長篇。再把眞詮通祕密。

壽東湖居士

水兮流。聚閣浮東湖。光蕩漾。吞蒼穹。終朝雲氣騰霄漢。瑞日祥風啓太蒙。居士靈髮仙掌露。愛向禪門聽法語。皓然鬚鬢尙乾乾。夢幻身心方栩栩。一聲佛號震如雷。識境根塵當下墮。不問娑婆及淨土。何妨城市與山隈。今年八十復有一拄杖。橫挑消白日。逢人多說聚沙緣。貝葉曇花俱備悉。我爲居士祝長生。雪嶺雲山路坦平。頂門突出金剛眼。萬仞巖頭撒手行。脚跟不踏無明草。旋身始覺虛空小。無邊剎海一毫

端水底珊瑚和月皎

壽舒城芝泉孔君

芝翁是我隣家伯。三十餘年彈指隔鄉國。天涯自古愁清歡。那記身爲客。偶得鄉人音信通。逢人先問老年翁。曲指纔方一二過。忽然如對芝翁容。翁年八十懸弧度。德澤如春滋雨露。我本隈山旁水僧。勞書千里來相顧。讀翁書罷瑞雲開。雲裏仙人度索來。合掌殷勤乞我語。不辭鄙句爲翁壽。裁願翁愈壽愈豐。鏤如崗如陵。復如嶽挑雲拄杖一身閒。鶴髮童顏誰可學。我卜歸期限十年。壽翁九十我居先。倘逢他事相違約。定是還翁百歲篇。

壽廬山印心法師

江浙從來興法窟。象龍生具黃金骨。爛翻貝葉亂天花。閃爍毫光無自忽。夜霄巖畔古今傳。養就金毛勢。力全倒跨匡廬成。底事千尋瀑布注靈源。緣生耳順逢初度。一周甲子從頭數。微塵量盡不思議。豁爾山河無寸土。幻影瀟花視此身。圓明根境不沾塵。越山吳水呈清供。永慶長生不老人。

壽余文台居士

三台之上紫雲旋瑞氣祥光徹大千露滴化城肥忍
草風生火宅綻青蓮牛車倒跨通衢坐塵緣眼底浮
雲過信步經行適野情隨時粥飯稱功課今年六十
懸弧度日用堂堂大覺路徹骨清風透膽寒如意明
珠全體露世念寥寥冷若灰森羅萬象競趨陪擡頭
喜看三峯月陰樹幽禽接翅回美髯朱顏多笑語煙
雲飲向眉端許不拘真俗話無生二諦何妨顛倒舉
謾將年臘記長庚數盡塵沙道愈明今日與君親說
破來時古路坦然平

壽方時生居士

我昔親遊桐子園靈鷲祥光多碩德簪纓總巨萬千
秋陰隲文章相紹克蹤跡曾登月上菴傳聞仍得君
爲檀勇力深緣三昧樂何妨廢寢與忘餐今年不惑
懸弧度癸癸喜見龍眠路龍眠路上草芊芊寂住峯
頭不記年眼底青山多峭壁脚跟流水盡潺湲潺湲
流水君常奏長齡應會體中玄

壽余夫人

洪曉五福先稱壽真人無位須親究根塵界裏見分
明彌滿乾坤非滲漏一道靈光萬境開夢回端不是
人間霜清月冷爐煙馥臘有芙蓉帶露寒今年五十
逢初度嚴淨毗尼乘戒住不須仙母慶長齡家庭變
作明珠庫明珠寶藏用無窮機感臨時觸處通壽量
誰能分甲子扶桑原在海門東

壽熊母

洪曉五福先稱壽遐齡萬善皆成就不須瑤島祝長
生一句彌陀清白晝彌陀一句樂邦成水鳥風柯吐
妙聲彈指笑看花上品方知大道坦然平初度優曇
符耳順更誇土淨惟心淨百務紛紜事似麻須知永
處那伽定自是兒孫增上緣不求天道不求仙玻璃
地面黃金色臘有丹沙注大年

贈天願居士造塔壽母

諸供養中法供養最撮土聚沙成羣作隊我大居士
欲展孝思豎刹竿幢爲壽尊慈令母怡然惟彩衣子
世出世異不可方比實非莊嚴而成莊嚴飾此片地
億萬斯年聞古尊宿禮塔報母朱冠緋衣空中與語

從地湧出自當證知快說法華今正是時

壽芝泉翁

記昔隣居音容宛然棋聲入夢衣帶香煙時聞庭訓
願歡心服塵世譏呵了無一物我來學道三十餘載
翁之德業光明愈大翁今八十懸弧大誕芳蘭雲仍
金丹燦爛令我遐想莫侍壽筵曾入之門未兆之先
翁鑒我語我爲翁壽龍性久馴結齒益厚枌塵點墨
喻如何沙較翁之壽何啻天涯翁壽如嶽非時可比
翁壽如海非波可擬勁挺澄湛世莫能知往今來古
今正是時此偈誰作誰爲賀者吾由昔人非昔人也

壽李元谷居士

竭世樞機世罕知娘生六十未移時逢場竿木爾三
際落草曇花吐一枝不問眞空談至理喜將俗諦話
離微山僧欲賀無他物罄幅惟書景福詩

壽知非元座六表三首

從余三十載瀟灑不隨流策杖防苔滑經行喜樹稠
堂中三下板雲外一聲鳩今日逢初度俄驚半白頭
從余三十載寒暑不憚行忍草和雲秀曇花匝地生

戒光恒皎潔清課倍修明道及塵緣事鴻毛一樣輕
從余三十載清範可規僧懶弄閒家具寧牽爛葛藤
法幢摧意淨華藏等身恒秉拂言親薦輪機似不曾

壽閔然法弟

多年瓶錫侍吾師今日春秋正是時謾道姓寒訓節
序笑看嘉運綻瓊枝

壽玄鏡成宗二首

自古禪門無歲月浪言五十是誰傳要知劫外眞消
息日照澄江錦一團

日月星辰談實相山河大地演圓音紅爐燄裏重添
火坦赫烹蒸古佛心

壽萬融上座

相逢爾我方新臘轉眼韶光已二毛夢裏不知霜月
老乘杯好弄浙江潮

壽黃心鏡居士

百歲光陰已半過晦明遷變奈渠何維摩昔日曾聞
欸塵劫都來一刹那

壽智諸禪人

幻化人間五十年。放憨山谷種山田。白雲明月都耕遍。頭角依稀猶未全。

鋤頭柄上是生涯。秋熟冬枯春放花。歲月盡來渠變易。休教雲霧濕袈裟。

趙州八十尙勤勞。勘驗諸方氣象驕。要識古人真實處。莫隨溫飽便逍遙。

法華毒量拚微塵。拚盡微塵礙眼睛。只教須彌翻白浪。佛生塵界不關情。

無異禪師廣錄卷第三十三

無異禪師廣錄卷第三十四

住博山法孫 弘滿 彙編

首座法孫 弘裕 同集

晚辭

禮壽昌先和尚塔四首

舊年今日禮師顏。今日重來塔已關。護道藏身無覓處。淡雲疎雨滿人寰。

百尺凌霄一夜霜。爪瓶猶挂爛藤牀。來時古道應無口。篆縷曹源一線長。

分身南邁步西歸。五色毫光徹夜輝。舍利好藏無縫塔。莫教雙鶴戾天飛。

九拜龜前淚落頻。慈容何得再相親。白雲流水依然在。不見靈山演法人。

吊慈大師四首

象王跡應瑞蓮開。五乳峯頭吼若雷。今日樹煙何變紫。雲旋入白雲堆。

僧中法寶人中豪。玉露金莖價倍高。靜夜鐘聲藏不住。又隨雲水過新韶。

南華勝地塔全身。腳底猶披五乳雲。拄杖攪渾清世界。不知得法幾多人。

多年法雨遍寰區。幻化何方是住居。今古鄱陽湖上月。清光皎皎照匡廬。

觀劉和鶴孝廉四首

澄江風細浪花開。曾得金鱗上釣來。抹搭不隨煙雨散。暮雲幾度夜招回。

計捷榮哀繫世情。恢恢天道豈無平。如今不解藏身也。邇界都知船子名。

芝蘭氣味不尋常。幽谷無人他自芳。莫謂嚴霜摧國幹。清風千載振冠裳。

歲寒心有幾人知。六月梧凋不近時。却憶講經臺上約。而今已寫輓君詩。

輓齊羣玉郡伯六首

與滿浮山道徘徊。不見君心隨流水。駛望隔故鄉雲。雪風浸骨冷送我。過南舒繯繞臨岐意。憑誰入畫圖。旋錫生生社。翻憐見面稀。稍安強拂沐。拖病話離微。自後罕相晤。猶呈藥病吟。媿予羈問候。有負淨名心。倏忽秋風勁。金梧已早凋。響音和計至。撫几痛無聊。有意描君像。無能輟遠思。援毫和淚點。寫出輓君詩。

詩

登喝水巖有感五言古

雲磴如鱗砌。扶筇縱步行。水從龍口出。松倚石痕生。古樹藏嘉羽。層山疊翠屏。禪那千古寄。名利一身輕。豁爾非遊境。翛然樂道情。更窮西祖意。天朗遠川明。

送老父歸七言律四首

三十餘年今復逢。鄉音仍舊異顏容。恩情宛似纏身索。榮辱還如過耳風。菽水彩衣憑客笑。曇花義袖與誰同。謾言世事多顛倒。撫掌俱投片夢中。

寄錫山林意自清。塵中雞犬杳無聲。春秋門外臨溪月。楊柳堤頭挂樹箏。舊日浮華皆夢想。現前鬢髮博虛名。鄉親若問修行事。原是當年踏蹬生。

日食三餐飽便休。飯餘無事喜登樓。面前山色隨遷變。眼底雲霞任去留。以法爲親疎世相。視身如寄等浮沤。塵寰多少黃梁夢。輸與深山枕石頭。

不挂從前汗染衣。剷除鬚髮著伽黎。精神驚破浮生暗。素志還期佛道齊。骨肉那堪多劫累。機緣知是幾生迷。而今贏得閒些子。放意扶筇步柳堤。

偶成七首

山居深羨虎溪蹤。有客多從笑裏逢。拄杖挑殘紅日影。芒鞋蹋破紫雲封。烹茶敲筍洲彌勒。顛酒狂歌罵誌公。稍覺清風來谷口。梳翻松檜若飛龍。衣穿囊破從他笑。不問纖塵作麼疑。欲水投崖聲太

急愛雲出岫勢還遲。明明妙體恒如是。湛湛忘言理若斯。吞盡十方諸國土。看來成佛更由誰。

死生空色兩重關。好把楞嚴辯入還。眼底醫清雲漢淨。胸中礙脫境緣閒。松陰百尺疑芳沼。菡水三灣過竹山。因就綠楊枝下臥。幾多花雨落人間。

是非冷暖無拘及。蓬事多年縛翠幘。檻外花紅疑野火。巖前苔綠鎖寒冰。三竿竹影岐山鳳。萬里風搏莊海鷗。幾度晚雲歸去後。一輪明月上梅樓。

識破磨甄造化機。大雄山下日初暉。嘶風木馬乘雲去。飲海泥牛帶霧歸。句裏有鋒穿臆入。眼前無物逐塵飛。忻然擊碎秦時鏡。不挂如來授受衣。

寶鑑澄明法界清。箇中須辯普賢名。涅槃有覺還非覺。般若無生是利生。剖破悟迷毋用力。揭開真妄不關情。而今偶識中峯老。大地山河一掌平。

誰識山中境界。培山居助我樂心齋。笋芽初出和雲取。荳莢高時帶雨栽。枕石忘緣眠古榻。杖藜乘便步新苔。經行懶折塘邊柳。留與黃鸝飛去來。

奮山二首

奮山唱罷紫芝歌。幾片煙雲挂綠蘿。竹徑有婆偷笋去。橫溪無水看猿過。松花帶蕊烹新茗。荷葉連絲補破蓑。自是道人知見別。萬年一念任消磨。

奮山斷嶺頭雲。歲月都忘總不分。忽捲忽舒龍現影。相親相近鳥呼羣。祇知珠價三千界。管甚毫光萬八旬。透徹禪關無限量。從教滄海自沉淪。

和程邑令韻二首

携手相將引鹿耕。森然景物自怡情。鈴鳴殿閣招歸鶴。錫挂雲根遶嘯鶯。松徑有聲堪聽法。石門無縫若爲程。清風不減橫眉客。今日重添蓮社名。

高登磐石駐雲耕。疊尾輕揮稱野情。曾向松風聽宿鳥。重來柳影拂啼鶯。旋身華藏猶尋跡。信步歸家罷問程。要識箇中真意趣。蕭然那許佛生名。

與詹定齋廉憲遊白龍洞

三城重繭屈西峯。既到西峯喜白龍。洞裏有泉千澗綠。樹頭無染一山紅。時分今古心何異。報逐升沉境自同。寄與往來諸上士。莫教水底覓魚蹤。

答鄭松門太史二首

入門寧問路。逶迤卉木叢。林色色披舊。筆肯完梁上。
字談經已約。嶺東枝有緣。自合非衣識。無句堪題沒。
字碑。此事住山人。未委德雲相。見別峯遲。
大千無處不禪堂。觸目空兮慧劍霜。鴉過有聲流碧。
落客來無力。下繩牀。三拳臨濟機如洗。一掬曹溪水。
更香果在杖頭開。正眼東臯舒嘯又何妨。

答粵東李山人

年來瓶錫樂幽林。禪寂何嘗事苦吟。掬水引魚時上。
下穿雲採藥幾晴陰。鍋兒撲破何須洗。樹子無根懶。
去尋纔聽溪邊人有語。又隨麋鹿入山深。

和曹能始大參韻

聖僧古跡賴君隆。梵剎都歸掌握中。諸寺饒焉添社。
色羣生無不仰高風。靈源洞吸江濤迥。甘露松旋石。
壁葱護作晏師來。去想鼓山嘉運與何窮。

和陳□□居士韻

何緣策杖鼓山中。喝水眠雲卜歲豐。有去有來天上。
日無形無影杖頭風。拈香述贊欣新得。揮麈隨聲愧。
未工欲識祖師端的旨。扶桑元在海門東。

和安□□居士韻

騰空木馬夜嘶風。知有高人得句工。棹入清波沙岸。
遠詩聯白雪素心同。閒雲片片浮天北。流水潺潺望。
海東。自是不容分去住。輕輕收入藕絲中。

和林□□居士韻

聖箭凌霄那一通。毋分南北與西東。石門未跨知迷。
悟。拄杖纔拈驗色空。海上書來招客去。江邊杯起入。
雲東。而今不論神僧跡。花雨繽紛兩岸紅。

和李□□居士韻

清光萬里滿圖中。觸目歸雲鳥道通。夾岸青榕遮棹。
影。沖霄白鶴唳秋風。禪那竟許塵緣入。解脫還將奧。
義窮。赤肉團中休放過。分明認取自家公。

和熊無用居士韻

公案而今幾萬千。不知誰會祖師禪。庭前柏子清風。
遍。嶺上松枝皓月懸。萬古碧潭澄影瘦。一溪活水浪。
聲立。時人更問西來旨。警款毋勞助下拳。

和□□□居士韻

茫茫世念冷如水。電掣晴空紹祖燈。歷劫了知心是。

佛幾同寤覺夢爲僧。遍花叢道。藏蹤跡。幻影何緣有。
愛憎待客。迎賓閒指。注三餐飽後。更無能。

和吳本如司馬韻五言律

湘潭煙水濶。携手便歸家。徑入天王屋。寧知長者車。
有心皆夢境。無管不空花。最喜龐居士。敲冰來煮茶。

和謝中隱居士韻

瓢笠驚風雨。腰包獨往還。聽緣嫌作客。隨處喜居山。
水濶雲光迥。松深鶴夢閒。幸分居士韻。裂破祖師關。

釣魚臺度歲

臘盡聞親計。孤舟趁夜回。平沙無鳥跡。深樹有猿哀。
江岸何時到。家庭少客來。長思兩行淚。先落釣魚臺。

雪夜哭父

親墳在咫尺。何事苦羈留。夜雪飄無歇。寒雞叫不休。
非思驚坐寢。血淚染溪流。天問緇衣孝。青山盡白頭。

到舒城

迢遙千里外。彷彿少年時。駐步尋原徑。捫心動所思。
沙堤新樹密。城市故人稀。嗟此無常境。阿誰願出離。

渡河

河下白如練。煙雲照淺流。近城烏解語。抵舍客生愁。
骨肉無青眼。兒童半白頭。荒郊高臺盡。盡是故人丘。

碧潭禪友

從余歸梓里。深雪不知春。帶水收寒涕。牽衣動曉雲。
冰層憐路馬。樹倒見樵人。誤作多年客。家鄉語更親。

訪東源晦臺上人

策杖東山上。窮源訪故知。怪松遮道處。細雨濕衣時。
石磴淨如洗。柴門曲轉遲。相逢兩不厭。吸茗誦新詩。

別黃惺源居士

記得來山日。仍思送別時。往還千里外。倏忽半年期。
法語無他囑。衣珠須自怡。尋常親著眼。不必問相知。

別林衡庭居士

荷擔弘願力。微見道人心。寶劍應須佩。衣珠不用尋。
塵緣渾是夢。佛法豈爲箴。記得山中約。相彈挂壁琴。

別林優德居士

範圍天地外。不見路頭踪。彩鷁分流水。寒鷗亂聚沙。
白毫揮客塵。清影吸仙槎。最喜江邊景。枝圓樹上花。

別盧□□居士

樹德誰爲比。疎財我羨君。交孚知有道。擅美詎傳聞。
拄杖敲空月。芒鞋破嶺雲。一雙清白眼。毫髮自區分。

次曹能始大參韻示諸同行者

登山須及頂。縱步莫移時。路險惟憑杖。岐分必問師。
雲深行越蚤。暉落悔來遲。力盡機忘處。堂堂更是誰。

初入鼓山見梅花偶成

崎嶇千里道。不惜老來身。脚下渾無力。眼前惟有雲。
多逢投宿鳥。罕見問津人。莫恠梅花笑。蹉跎又一春。

次韻答阮圓海問卿七言絕有序

馬大師一口吸盡獅子蟲。何地藏身九帶公。案從來
不犯纖毫五味粥。湯迄今香甜。猶在向栢子頭邊突
出。無縫塔頂經行。要知花果同時。不問再來消息。石
老向威音前縱行一步。然後入博山社火裏。另作商
量。不妨布袋盛渠須信。聲多啼吼。狗子。卽今在甚麼
處。復云看脚下。

江月山雲映碧天。蘊中底奧不稱玄。東君也解知人
意。特藉梅花驗別傳。

巖花黃葉從人辯。黃葉巖花道眼開。幻化肯隨朱紫

態。須知劫外帶春來。

次韻答劉胤真居士有序

見相非相卽見如來。此破相入理之談。自非行起解。
絕不能親到居士正在解中。若以解爲悟。豈但見諦。
不真。將恐奴郎不辯。所以祖師門下。實在真參實究。
一口氣不來。既不知去處。從前見處。不實可知。又安
得不疑果真疑。頓發到大安樂地。回觀解路。何啻隔
韓。抓癢。次韻三首。非以文字說心。爲不幸來意耳。
七箇蒲團破見天。未掀簾處已深玄。梅花無意枝頭
放。爛熳枝頭驗的傳。
春花秋葉尋常事。春葉秋花亦有開。却笑靈山親付
羅刹竿頭上。應聲來。
雲天空處設追尋。空處雲天萬古心。草色雨聲親營
地。龐家兒女是知音。

次韻答齊員債居士

從來瓶錫喜居山。策杖先防動步艱。今日何緣談雪
話。清歡流布縉紳班。

鄱湖鞋山二首

魚躍鸞飛白浪間。脚頭流水道人閒。韶陽不逐風帆
意。雲自南山雨北山。

踞盡鄱湖一帶春。細看鞋樣灼然新。少林不合驚塵
世。隻履歸西可恠人。

與吳公良居士

寒霏撲面話從容。道念殷勤孰與同。細想廬庭深雪
裏。而今觸處振家風。

與蔣一个居士

驅馳百里更何心。寶網香雲不外尋。識得吾家寶徹
骨。拈來沙土盡黃金。

與吳石生居士

會晤須臾與道交。泥途百里不辭勞。將何人事訓君
去。獨有歸家路一條。

與劉雁先居士

深泥飛雪竟何依。清水寒冰滿面皮。候爾春空舒化
日。願教先奪嶺南枝。

寓邵武西墻早粥

粥熟牙疼知老至。風寒骨冷識支離。流光不遂攀緣

意。說與諸方長者知。

過紫雲關

何緣策杖紫雲關。石磴踟躕老懶寒。不假仙人牀上
寐。幾回清夢入浮山。

白牯菴四景

洗耳泉

山間不管人間事。飯後仍添茶竈煙。惡聽松風兼鳥
語。也將兩耳掬清泉。

聽經石

大地山河經一卷。無文無字最分明。有時說向松邊
石。箕踞崆峒側耳聽。

鳥道門

透迤一線透層峯。步入層峯樹幾重。自是無岐誰辯
的。謾將不二話真蹤。

醉墨蕉

揮毫曾用斯爲紙。自後無人復用君。分付賸栽三兩
樹。蟲書鳥篆自成文。

松下行六言絕

旋身石磴參差轉。眼樹頭紅綠一箇無。依道人自笑
非真非俗。

竹下飲

幾盞清茶解困策。杖母勞用力幸有千竿萬竿不是
躊躇彌勒。

放生池

金鯽樹頭落影翠。翎水底含顰顛倒輪迴路上不知
誰是真入。

野吟六首

飄葉霜風到挺澄。沙寒水冰清獨坐公堂隱几惺然
喜聽雷聲。

迥迥長安車馬行。行吳越江湄看盡千紅萬紫逢人
暫話離微。

樓鳳淡雲幾片浴。龍細浪千層客過不妨携手臨池
倒影看僧。

颯颯涼風西起皎皎明月東昇堪笑禪門深旨破曉
脊上來蠅。

疎密萍浮綠水高低桂吐奇葩策杖峯頭遠眺前村

煙雨人家

砌下苔錢疊疊山頭霞幔重重齋後閒遊池岸採來
九瓣芙蓉。

過水松方丈五言絕

雲勢穿山谷松聲落澗泉凭欄問雨候正值杏花天

舟次梅溪

水濶覺舟小雲深見樹低掀蓬問渡子說是小梅溪
屏石上人舟中水觀

歌

如意菴歌贈智公

山路崎嶇逶迤間石根紫氣彌林泉青松翠竹含雲
煙境色如心意灑然溪流澹澹遍三千中隱高人不
記年特來問道向我前皆度爲門慧亦全英姿秀發
眉宇淵激余法偈染新篇隨書數語結斯緣無量法
門首日禪譬如師子翻峯嶺又如水發成瀑漣噤吼
波瀾事事便君不見唐宋源流今復啓還如杲日照
晴川

無異禪師廣錄卷第三十四

博山和尚傳卷第三十五

弟子 智達劉日杲 撰

博山和尚者舒城人也諱大巖字無異人咸稱爲無異禪師云族姓沙其父太公取姚氏生和尚也輒不得食酒肉乳和尚否則不爲食越七月而母死使它人婦有子者乳之易教人皆不肯食太公曰糜糠粟食和尚和尚得不死蓋神異焉少長能飲食更不飲酒及肉食也嘗與鄰兒嬉戲爲一兒所撲仆折齒太公性故嚴毅和尚懼其詬辱兒也遂嚙血歸而詳告它故太公得不怒慈惠蓋天性云年十六矢志出家之金陵瓦棺寺講法華慨然曰求之在我豈可須文逐句哉遂去之建武禮五臺通法師薙髮受業脩智者止觀之道嘗露坐松下不知晨夜蚊蚋集驅如嘍稿木內焉不知有血肉身心外焉不見有山河大地也如是五年寒暑罔輟已而詣超華山從洪法師受比丘律是時壽昌經大師方居義峯揚曹洞之法和尚聞其名往謁焉見壽昌荷鋤戴笠狀類田父輒心疑之遂入闕光澤居白雲峯三年以所得著書呈

壽昌壽昌以書報之謂其非第一義和尚始爽然自失也遂焚香禮拜毀其書不復示人益潛心宗乘閱船子藏身語疑情頓發至忘寢食居歲餘忽見趙州囑僧語恍然有得走見壽昌時壽昌已從義峯徙寶方矣語次頗離微不合遂居寶方力求道要幾至委頓面目黧黑膚僅支骨而精進不衰一日壽昌受玉山請欲與和尚偕行和尚不肯往日暮甚安事僕僕也壽昌曰今日當有人爲女說法令女疾悟遂行途次論君臣五位之旨和尚語刺刺不休壽昌皆然之既而謂和尚曰佛印蠟尋腥蠅逐臭語爲君位事臣位事和尚曰臣邊事壽昌呵之曰大有人笑女在至玉山和尚跌坐石上忽聞神像仆地中心豁然急作頌呈壽昌頌曰玉山講一言心灰語路絕幾多玄解梅蕊綻枯枝桃花開九月猶自如休辨壽昌曰子一別急水灘頭拋擲篙頭殺無數英雄客壽昌曰子一到多門又到門和尚益自厲歸坐一小樓朝夕不寐復居歲餘一日如廁見人緣木遂悟至道疾走見壽昌和尚所居去寶方寺數十里須臾而至幾不知足之蹈之也入門壽昌方當戶而坐見和尚至狀異平

日因迎問曰子近日如何和尚曰有條活路不許人知壽昌曰因甚不許人知和尚曰不知不知壽昌曰婆子云何燒菴逐僧和尚曰黃金增色耳壽昌因舉龍吟虎嘯語命和尚頌和尚援筆疾書以呈各奇機欄肉眼能知吐光壽昌笑曰子今日始信吾不女欺也和和尚曰向後還有事也無壽昌曰老僧祇知二時粥飯不復知有向後事又問壽昌曰女後得坐披衣幸無籌策足矣遂命秉拂贈之以偈本然清淨更如然契證多生值有緣觸目渾融皆妙通身作用總虛玄五宗極則機齊實三藏精微理共圓不礙古今凡聖事時和尚方二十七歲聞壽昌心大師以雲棲宏大師誦足授律壽昌往受菩薩毗尼壽昌湖興者十年弟子三百餘人初不置首座也和和尚至即留爲首座作偈贈之偈曰雲湖十載虛元位一且繼須知佛厥後三禮雲棲雲棲遇和尚殊優至因書演暢真乘數字贈之居壽湖者六月即還入圓圓上座與從父廣文君崇慶因于壽湖見和尚也輒心折之因謀所以致和尚者圖上座遂重繭入闕請和尚和尚乃與照監院正首座等八人至信州初遊西巖

居四十餘日嘗無所得食則采野蔬爲羹怡然甚樂既而居祖印院者七月乃遷博山博山故詔國師道場荒廢日久寺僧皆肉食者流廣文君倡諸縉紳僧寺僧請和尚和尚主則誅茅爲屋僅足容鄒而禪律並行蹶然興起壽湖聞和尚居博山即以授戒儀軌昇之是時沈大參蒸趙司李士禎俱從事佛乘交重和尚也而和尚道日隆旋入邵武壽廣福寶安二廟若受化者各數百人和和尚乃使正首座居廣福而自歸博山關草建刹漸成精藍居亡何壽昌以應董嚴請不暇往遂以書趣和尚爲升座說法和尚乃往大開宗風辯才無礙趙文學光字數曰此真壽昌兒也繼登仰山再轉法輪還博山而弟子益進期既滿都南盡交趾望風而至者歲以千計和尚垂四問以驗四方禪那多如柄鑿又問首座至和尚見其機穎不凡遂令閉關時加警策居六年以偈呈和尚和尚曰是將師子吼者乃令出關以偈贈之偈曰始行大事明一片冰今日幸親無霞爲首座偈曰匡扶大法賴繼塔繼塔開闢闢萬千層吾佛正眼從茲顯處開肯信座元一具嗣是登壇說法時參揚屹如見地一花端有一如來

卷之三

微笑之風和尚嘗教從父廣文君參船子藏身語忽病中有得拈唐人詩爲頌和尚笑頌之頌曰雨前初後全無葉底花蜂蝶紛紛太末曾觀察在汴聞和尚過塘去却疑春色在鄰家名請和尚居惠安寺和尚曰予與劉君爲布衣交奈何舍就公乎觀察知不可彊乃請圓上座居之和和尚既出家與太公不相聞及和尚名大著太公始知和尚尚在因至博山相見悲喜交集曰詎意公至是者和和尚因孝養備至且宛爲勸諭太公得斷肉食歲餘而歸時郡侯故和尚弟子爲具舟送之至累月而太公卒和尚因歸展墓道懷寧人人焚香導迎瞻禮恐後劉太史若宰時方爲諸生偕其兄弟禮和尚爲師求度和和尚曰公神氣凝靜當得上第爲法苑干城出家須異日爾因爲授菩薩戒太史著十問論宗教異同之旨和尚憑几裁答慧辯雲興語具書中明年太史舉進士第一一如和尚語其它學士大夫文學布衣禮足求戒者動至數萬過桐城輻蓋迎者倍懷寧道路駢闐至有不得見者吳庶子應賓夙參雲棲自負知識來參和尚請益和尚曰觀公所著頌深入禪

理第解耳語于悟猶未也庶子曰云何和尚曰燒菴頌云燒菴曰菴園枯木太僧生說道無情却得無情猶是俗邪庶子曰然和尚曰吾故謂公乃解也庶子始心服願願弟子列受菩薩毗尼焉鞭影頻加絕塵而歸矣是時縉紳先生雲集景附方太史拱乾數十輩皆飯蓮座深養法喜因請登浮山說法也至舒城謁太公墓吳庶子及其同輩具蔬果爲太公設祭諸文學多從和尚至舒城者舒城人且競奔墓次瞻禮和尚墓前僅餘席地和和尚得成禮而已一時蹂踐墓爲不封和尚歸道桐城懷寧其導迎益倍昔時蓋苾芻白衣飯心受戒者無慮千萬人天啓丁卯冬余問卿大成來博山參和尚問卿固夙窺禪理維摩自居初見猶不肯下迨與語信宿問卿如醉醒開始求爲弟子繼繼倍至及去和尚曰此真具隻眼人也先時園中曹大參學徒數十人請和尚至鼓山和尚謝不行是歲固請乃遣過劍州道路爭爲參禮不殊往舒城時去鼓山三十里許有洲常嘆洲船爲不通必海潮至船始得過和尚乃以冬月行又非潮期水

遽漲溢和尚船既度仍涸如故既至揮塵據席音如潮吼來集者數千餘人歸而博山名益著于天下故壽昌弟子黃司李端伯久習禪要壽昌入滅即飯禮和尚也別數年走博山謁和尚與之語幾超乘焉余問卿既歸知正法有在欲得和尚之金陵乃糾合徐魏公弘基及諸薦紳以書幣介陳文學丹衷來迎和尚道所經處導迎之儀益倍稠城至金陵居天界寺寺故廣袤數十里可容數百萬人是時冠履相趾寺爲之小香積之費日至鉅萬人各一蔬一飯而已魏公初度日禮和尚登座說法是日金陵人皆見白玉光映天界寺處甚有見四天王現身雲端者姑蘇劉監軍錫立素慕和尚聞和尚在金陵走謁焉詢以台教辯如懸河和尚爲剖疑義更示以別傳之道監軍官然自喪和尚歸送至蕪湖始還余問卿留連江干不忍去和尚笑曰此別何足惜明年秋乃別公耳壽昌入滅者十年和尚往禮塔過董巖趙文學子來謁請和尚再至董巖和尚低徊良久曰曩非先和尚及乃公促余說法尚須十年一旦見迫遂至登座往來

吳越江間三十年于茲矣出世太早謝世亦應爾吾其逝乎語訖長笑而別還山則與彭博士份楊太守聞中謀建浮屠爲身後計結夏著宗教通說一卷發抒玄蘊九月初書成遂示疾至十七日有星大如盤貫方丈騰動間中夜和尚召闍首座至榻前反覆宗乘奧義因相與大笑次首座問疾語已和尚示疾和尚四大安樂否和尚曰無恙也愛用問和尚病是不病底曰熱大作麼又問未幾一段光明如何示曰問者事進問和尚去來自在云何和尚索筆大書曰歷歷分明擲筆跌坐而逝世壽五十有六法臘四十有一嵩上座集其語爲牘錄若干卷行于世大弟子智閑飢餐法乳堪稱入室成正德業夙著鉤足爲後來模範大忠道柔海納道舟等皆洪治之利器法脈之長嗣道恒道嵩弘恩辭榮入道清修禪寂幾幾乎截流之香象焉同居者七百餘人蓋人盡旃檀云贊曰余小子日果得從諸從兄栴栴觀及友人鄭大球大瓊徐植之潘嶽楊鳳翥鵬舉之屬師事和尚也見其貌甚偉異如世所圖慈氏少林像豈其後身與明興二百餘年宗乘寥寥得和尚而不振綺與盛

哉禪律不相謀。宗教不相爲也。而和尚法嗣壽昌律傳。驚湖殆彙之矣。宜其偏坐名利爲世仰止。聲且與大鑒爭烈也。

博山和尚傳

中興信州博山能仁禪寺無異大師塔銘并序

大法垂東而般若祖翁有卜世之識。少之嫩桂林曰。二株去之。千有餘祀。而我博山無異大師以壽昌饒頭禪入于洞山寶鏡。三昧漆園有言。萬世而下知其解者。旦暮遇之也。嗣黃檗者。不妨親見馬祖。稟龍樹者。復能光啓台宗。誰謂壽昌口生定非船子法化耶。少林記前非其地之謂。其人之謂也。師龍舒沙氏子。法諱大繼。一諱元來。學者稱無異和尚。生而白衣重。包華血酒漿不入于口。夙熏慈忍。兒時匿匿齒于厥翁隣子。無忍而蚤爲閔氏孤子。舍園若僧舍。慈若十六遊金陵。聞法華于雪浪座下。喟然嘆曰。是法非思量分別之所能解。聲分別心。何有教外別傳。天籟之矣。遂禮五臺靜菴通和尚爲出家兒。求智者旋陀羅

尼落處。觀心露坐。身土滿如不知其類之爲暗膚者。酒也如是。五年永嘉空相應。法暖相現。前而師根力自勸。使爲壽昌老人作德雲妙高想。初至峨峰。親獲笠簍。而入闕止。光澤之白雲峯。著心經指南。洋洋乎繼于兩涯。不辨得峨峰報書。直待飲光破額。別出相見。始信爲過量人。炷香遙禮。矢志宗乘。而船子沒蹤跡。話從印宗法友舌端。爲師門鼓吹。猶未有以難也。聽贈伽陀有低頭始見月孤明之句。而師更念船子在藥山之門。何以二十年始得警地。疑情頓發。七聖皆迷。兀兀騰騰五十旬有半。而於趙州有佛無佛機緣。如釋重負。謁壽昌于寶方。多手呈簡。曾不得其一領。居再閱月。形色枯瘁。望之似木雞矣。從赴玉山揚。挖洞宗時得印。可昌問佛印偈云。蟻子解尋腥。處處走青繩。偏向臭邊飛。君耶臣耶。師云。臣邊事。昌呵之曰。大有人咲汝在師云前。何以是。今何以非。昌云。一非一切非矣。既達。辟人端居。食頃聞護法神倒地。不覺心開。呈偈云。玉山誘一言。心灰語路絕。幾多玄解會。如沸湯澆雪。沒巴鼻。金鍼好。因緣時節。梅葉綻枯枝。

桃花開九月。觸目如休。辨別急水灘頭。拋採篙。溺殺無限英雄客。昌曰。一到多門。又到門。蓋解心絕矣。而命根未斷。別居宗乘堂。又五十旬。有半。觀登樹人而悟。乃徹源底也。趨謁寶方。入門便拜。昌問。近日如何。師曰。有個活路。不許人知。昌云。因甚。不許人知。師曰。不知。不知。昌舉燒庵越僧話。問。婆子作麼生。手眼師曰。黃金增色。爾又舉。僧問。玄則禪師。龍吟霧起。虎嘯風生。公案命頌之。師援筆立就。曰。殺活爭雄。各有奇模。糊肉眼。曷能知。吐光不遂時流意。依舊春風逐馬啼。昌笑云。子今日始知吾不汝欺也。師問。向後還有事也。無昌云。老僧只知穿衣喫飯。師曰。豈無方便。昌云。子後得坐披衣。幸無籌策足矣。因命秉拂。贈以偈言。本然清淨。亘如然契證。多生值有緣。觸目混融皆至妙。通身作用總虛玄。五宗極則機齊。真三藏精微理共圓。不礙古今凡聖事。如來禪合祖師禪。更囑之曰。當以無心相續。正用盡法。行持訓。無報之慈恩。利有緣之正信。而師自是。佩離文字。印入正偏。知海香幢。利土湧沒毫端。多聞總持。得大無畏。正偏妙挾圓。

順雙銷。不得知五位之爲十。玄六相之非三。墮矣。宋薦福本禪師。嘗說法于信州博山。之能仁寺。人亡政。炮利有典刑。萬曆壬寅。師年二十。有八。受豐邑劉孝廉崇慶鄭節。推維城楊別駕時芳。上足萬融。圓覽。請偕八弟子。戒正等。珍等。融等。處焉。雖草昧乎禪律。威儀居然。三代禮樂。壽昌度于已事。而辦自建陽。黃嚴。遺書者。三屬。以代座。師不得已。勉爲一衆。舉似家珍。而博山宗風。遂擅天下。闔越吳楚。間惟一月。真無與等者。以故六和。廉至。四事雲興。久之。金碧焚煌。園林葱蒨。而踞燈王。師子。稱八百人。善知識矣。或謂波羅提木叉。不爲宗通者。說而師自打落。鼻孔身心。磨磨次第。具足性。遍皆淨持。犯愛忘誓之卒。然窺以問爾鬼神。不得見其蹟矣。故師於超華嚴。著洪公。驚湖養菴心。公皆用和尚禮。而驚湖虛座元者。十載。垂以屬焉。師是以三觀雲棲。祖翁得其殊目。特書演暢。真乘之勝。而師念戒爲師。故從五臺之瀑。紫雲。棲其後。又以得法。因緣。衆爲壽昌衍嗣。放出師門者。源一而委二。條順則開之。眼藏傳。而茂以香光禪土。交參。

銷歸不二而一片熱腸視寐者力負夜趨慨然沸然不啻赤子之將入井悲心普運愛見都忘第二峯頭對緣施攝苟不至一闌提則昧谷之於高山蒙茸之於寬博信進念熏得未曾有一也至於就父朝君如奉節度符印乃至無有一刹那際警起傷他余小子淪亦竊於日用中少分觀著壽昌謂殺佛活祖人尙不敢縱心生滅師可謂拳拳服膺薤染以來正勤匪懈白衣丈室坑塹自遮郡邑宰官來而不往沈觀察蒸季任之義殷勤三請始克遭遇禮於招提而蕭使君思似趙節推士顧謝邑令邦鸞輩嚴座白推先生之門無執政矣南湧北沒則閩之鼓山諸刹鞭影頻垂博山雨笠煙包強半海濱鄒魯宇內名流載自綸扉圭弁泊乎墨綬銅符西面而咨北面而禮多至不可殫述述其先後左右師于一大事者余小子淪得師親繫衣珠從雲棲優婆塞稱博山菩薩弟子曹山孝滿將不在茲蓋師充充於色身之父而皇皇於慧身之母寶方一悟自以子職無愆更二十餘年從故鄉人得生父耗亟致之伊蒲之餐以脩法喜而孕珠

九品之臺所需雖鉢鑽之自出必請於衆明年天啓丁卯尋計而至取道桐鄉慈社法檀厥名錫類盍簪盈伍實蕃有徒小子妄引其端攀附有心步趨無足而浮山密邇桑梓賴師右掌遙肇永言孝思緣熏增上寂光與力庶幾究竟莊嚴崇禎己巳金陵之遊則余開府大成聞所聞而來見所見而慕惠微二祖徧啓羣蒙天界法幢所謂無大無小從公于邁狂奔離就號爲四輩弟子者指以億萬計而師圓音曲唱乘言會宗不落思惟法爾回互真不啻觀影閣黎從涅槃起一時千鳴瓜印之徒往往竊臨濟後架禪作日下孤燈伎倆劍揮巢破露布全彰而歸正一編足使法門五衰頓還魯陽三舍功名遂意在斯乎師慈容淨滿道骨堅凝眉采燁然春秋在額法筵清衆不磨而嚴刈麥負薪無不人人委蛇詳叙若有深湛之思者師云吾功令雲栖而未之逮耳初發悟時常坐一小樓日惟一餐手不釋卷脇不置席者累月偶嬰痼疾幾坐終宵矚其室者排闥而投五體蓋那伽之定戒與之俱無作悉檀不住於相酬機應供

可日食三兩金而師滴水同餐寸絲不掛追憶昔者自閩嶠出向鐵山折脚鎗邊飽四旬瓔珞粥香厨狼籍了不作濃淡觀而檀波之別注于師者宿于蘆廬如時而布皆僧物也壽昌並畊三利雲棲移粟諸方師其二之中乎請轉法輪藉手爲壽則冰之投石矣雲棲之役普陀是瞻颶風蕩舟衆乃大恐遊目於斯儼若空生晏坐曰正恁麼時送却皮袋子便休而天界拈椎博山返錫小子聞其度越者兩事不動智無緣慈皆非有心人境界用師家法語忌十成此以知師之能爲主中主也爲法求人婆心徹困有請益者示以一息不來句歸何處猛令提撕不徹不止而師高懸祖印把斷要津相似悟頭推入活埋坑裏痛與鉗鎚登其門者龍象如雲未卜他時阿誰道個何必以故三十年間不少當機罕聞付法嘗與余開府激揚此事大有徑庭苟非向上一路乘悟併銷事與不可傳者俱往以需後覺或見而知之或聞而知之及其知之一也終不以如來慧命傳禪維手中瓣香佛事矣辯驗龍蛇三垂影草一曰古澗寒泉水作何色

二曰不萌之草爲甚麼能藏香象三曰徹底無依向甚麼安身立命洞上之玄全提徧吼薦之言下何處不是博山歸自金陵輒營窄堵蕊蕒分乞亦未之前聞也經始子來忽命簡錄方丈察及秋毫若遠行之戒處守居未幾而大悲之疾示矣慰諭經旬遂有遺教稱僧衣線下事囉心衝口刺刺不休首座智閑問和尚安樂否師曰儘著些子受用問還有不病者無師曰熱大作麼問來去自繇請道一句師爲書歷歷分明四字漏當子夜坐脫憐然崇禎庚午季秋之十有八日也却顧來時萬曆乙亥仲冬之廿有九日僧臘四十有一復更四稔而世壽之甲始周踰年辛未孟冬廿有一日奉全身塋於寺西棲鳳嶺之陽師所筮也天之將喪民之無援法梁崩摧慧日滅沒緇白遐邇愴地籲天而最初代座董巖迫於三命早榮之木未獲後凋師嘗爲建陽檀越居士晏如言之矣方綱出入一身多身真性廓然不借而借仰山老子已於千載之上邀得師眞所留言說法身別爲九種同源之鉢肇起博山通說之錫實開雙樹闢信地則

毗耶下座作拈古而天童喪機禪警語爲發最上乘者痛處加錐滑時與杖可當換骨神丹淨土偈橫陳清泰四華再發頭陀一槩永明料揀光影重重而宗教答響所謂三根普被四教均談不壞今時全超古路於乾四十九年震旦千七百則只者些子師可謂得法自在三昧矣智闇是師尊重弟子齒光心印具體而微諸監院次及于事夾輔門庭咸正無缺博山營勳區宇成照爲魁別治邵武二藍曰廣福曰寶安則成正爲師分身揚化台州道嵩洞明因果勇棄蓋纏苦到禮首楞嚴王得肉眼淨欲明祖意但辦肯心與閻公鞭弭周旋故是博山二妙還觀高足其數甚多了因時至必有與師代興而叶久昌之識者居士之及門者劉孝廉最爲莫逆初繫念準提陀羅尼機緣僅熟被師以船子公案鈍實八年忽發輕安借昔人韻語頌之雨前初見花間藥雨後全無葉底花蜂蝶紛紛過牆去却疑春色在鄰家師擊節稱善臨終感大士現身詰所希望對以成佛度生而沒今也披誓願證究涅槃心雄峙金湯必余開府大成徐魏公

弘基之爲巨擘劉監軍錫立以中興台教爲已任勞師就機落草引入曹源彭廣文份楊史君聞中般若根鉢參求志篤尤師所屬目也至如廣焄無論天下事卽書于錫類篇者於治爲鎗於稼爲莠醒醒在握竟作餓夫恩大難酬付在祇劫閻公率先耆舊勒狀徵辭拙指妙音誰當側耳博山拄杖躍出墻廟東頭過百由旬打教髓出有分在銘曰

儒聖之統 歷年五百 聞而知之 與見無別
迦文眼藏 一祖無宗 覲面傳心 曰在爾躬
將心與傳 了不可得 不可得中 剎那塵劫
塵劫剎那 非去來今 等無間緣 異世同神
諸識猶爾 況真如性 古鏡新磨 明明祖印
所以洞宗 集于壽昌 大好山下 五位全彰
卽彰卽藏 無跡亦跡 黑白交參 綿綿密密
義峯非住 寶方不來 樹頭雲破 池面天開
不許人知 聊通一線 壽昌所聞 博山所見
殺活縱橫 鳥道不行 全身歸父 退位朝君
從平等慈 流差別智 海墨書空 解脫文字

和寡彌頭 惜得眉毛 盡法行持 令嚴寂寥
到處垂綸 逢場栽竹 長者馳求 醫王付囑
星隕告符 仰此類山 日面月面 前三後三
不涉虛玄 重談至妙 起坐吸茗 莞爾而笑
師所住處 卽名少林 桂子飄香 其聚如雲
迷中倍人 咄哉廣瀾 湛然十虛 徒勞執捉
師無身度 何增何銘 威音那畔 石女彈琴
崇禎四年歲次辛未十月

賜進士出身奉直大夫左春坊左諭德兼翰林院侍
讀

覃恩進階奉政大夫菩薩十戒弟子舒廣瀾吳應
賓謹撰

無異禪師廣錄增銘卷之三十五終

募刻

祖翁異和尚廣錄序

洞水溯曹溪源深流遠龍峯連鳳嶺山好風高障

週末法狂瀾直指祖師玄奧驚人活句約出清霄
炤世明燈光騰碧漢此

祖翁揭開寶鏡掉盡老婆舌頭者也不謂丙丁奪燄
致螢耀以彌空溪壑亂流赴海門而失所觸本師
每將舊譜示我弟兄欲展弘慈阻於阿堵或以初
機蓋障遂使方冊缺文用是不揣因緣惟觀時
節冀先聲之不墜令後學之有從遠乞諸檀徧聯
法屬捐貲彙梓非但慧炬重明附藏流通且令昏
迷頓起益世多矣厥功偉歟住博山法孫弘善稽
首百拜謹題